

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部  
第一四三册





責任編輯：孫言誠 賀 偉

ISBN 7-5333-0535-3



EB95/05

# 四庫全書存目叢書·史部一四三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 47.5 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

# 史部第一四三冊目次

## 史部·史鈔類

史書纂畧二百二十二卷目錄二卷(原缺晉列傳卷六)(三)

(明)馬維銘輯

吉林大學圖書館藏明萬曆四十三年刻本

.....

史書纂畧二百二十二卷目

錄二卷(原缺晉列傳卷

六)(三)

〔明〕馬維銘輯

吉林大學圖書館藏明萬曆四十三年

刻本

附《四庫全書總目·史書纂畧

二百二十卷》提要

唐列傳卷之二

房玄齡

房玄齡字喬齊州臨淄人父彥謙仕隋歷司隸刺史玄齡幼警敏貫綜墳籍善屬文書兼草隸開皇中天下混一皆謂隋祚方永玄齡密白父曰上無功德徒以周近親妄誅殺攘神器有不為子孫長久計清置嫡庶競侈僭相傾闔終常內相誅夷立致危亡也年十八舉進士授羽騎尉校書省吏部侍郎高孝基名知人謂裴矩曰僕觀人多矣未有如此郎者

唐

卷二

十

補隰城尉漢王諒反坐累徙上郡太宗以燉煌公狗涓比校策上謁軍門一見如舊署滑北道行軍記室參軍公為秦王即授府記室封臨淄侯王比之鄧禹高祖稱其機識宜委任隱太子與王有隙王召玄齡與計對曰國難世有唯聖人克之大王功蓋天下非特人謀神且相之邀引杜如晦協判大計及變王召兩人以方士服入夜計事事平王為皇太子擢右庶子太子即位為中書令第功班賞與杜如晦長孫元忌尉遲敬德侯君集功第一進爵邦國公帝嘗問創

業守文孰難玄齡主創業魏徵主守文帝兩善之為  
梁國公居宰相十五年女為王妃男尚主自以權寵  
隆盛辭位詔不聽頃之進司空仍總朝政討高麗上  
疏極言薨年七十一初帝討遼玄齡守京師有男子  
上急變告玄齡者玄齡驛遣追帝帝視奏斬男子下  
詔責曰公何不自信其委任類如此常恐諸子驕侈  
席勢凌人乃集古今家誡書為屏風令各取一具曰  
留意於此足以保躬矣子遺直嗣次子遺愛誕率無  
學有武力尚高陽公主高宗時以謀反誅遺直以先

唐 卷二

勳免貶銅陵尉

杜如晦

杜如晦字克明京兆杜陵人也祖果有名周隋間如  
晦少英爽喜書以風流自命隋大業中預吏部選侍  
郎高孝基異之曰君當為棟梁用願保令德因補澄  
陽尉棄官去高祖平京師秦王引為府兵曹參軍房  
玄齡曰如晦王佐才也天策府建為中郎王為皇太  
子進封蔡國公即位遷尚書右僕射仍領選與玄齡  
共筦朝政當特浩然歸重監察御史陳師合上拔士

論陰刺諷如晦等帝怒斥師合于嶺表久之以疾辭  
兼擢其子左千牛構兼尚舍奉御薨年四十六時天  
下新定臺閣制度憲初容典率如晦與玄齡討裁蓋  
如晦長於斷而玄齡善謀當世語良相必曰房杜云  
構位慈州刺史次子荷性暴詭不循法尚城陽公主  
承乾謀反荷曰琅琊顏利仁善星數言天有變宜建  
大事陛下當為太上皇請稱疾上必臨問可以得志  
及敗坐誅臨刑意象軒轅構以累貶死嶺表

魏徵

卷二

魏徵字玄成魏州曲城人少孤落魄隋亂詭為道士  
武陽郡丞元寶藏舉兵應李密以徵典書檄密得寶  
藏書輒稱善既聞徵所為促召之徵進十策說密不  
得用王世克攻洛口徵見長史鄭頰曰魏公雖驍勝  
而驍將銳士死傷累蓋不可以戰賊糧盡且去我追  
擊之取勝之道也頰曰老儒常語耳徵不謝去後從  
密來京師久之未知名自請安輯山東冠擢秘書丞  
馳驛至黎陽時李勣尚為密守徵與書遂定計歸唐  
隱太子引為洗馬徵見秦王功高陰勸太子早為計



太子敗曰太子蚤從微言不死今日之禍王器其直無恨意卽位拜諫議大夫封鉅鹿縣男或引至臥內訪天下事微亦自以不世遇展盡底蘊無所隱凡二百餘奏無不剴切當帝心者由是拜尚書右丞兼諫議大夫微見帝曰願陛下俾臣爲良臣毋俾臣爲忠臣帝卽位四年歲斷死刑二十九斗米三錢先是帝嘗嘆曰今大亂之後其難治乎微曰大亂之易治譬饑人之易食也封德彝以微好虛論徒亂國家不可聽至是天下大治帝謂羣臣曰此微勸我行仁義

唐

卷二十一

四

既効矣惜不令封德彝見之俄檢校侍中進爵郡公帝幸九成宮宮御舍圍川宮下僕射李靖侍中王珪繼至更改館宮御以舍靖珪帝曰怒微曰靖珪皆陛下腹心大臣官人止後宮掃除諫耳帝悟寢不問六年羣臣請封禪微獨以爲不可七年爲侍中尚書省滯訟不決者詔微平治微不素習法但存大體進左光祿大夫鄭國公多病辭職乃拜特進知門下省事八年鄭仁基息女美而才皇后請爲克華典冊具或言許聘士人微諫不可奪婚帝痛自咎詔停冊十年

文德皇后既葬卽苑中作層觀以望昭陵微以獻陵諷帝帝爲毀觀微見又承平帝意有所忽因對曰陛下貞觀之初道人使諫三年以後見諫者悅而從之比一二年勉強受諫而終不平它日宴羣臣帝曰貞觀以前從我定天下問關草昧玄齡功也貞觀之後納忠諫正朕遺爲國家長利微而已十三年條陳十不克終之漸皇太子承乾與魏王泰交惡帝曰當今思察賢重無踰微卽拜太子太師十七年疾甚徵家初無正寢帝命輟小殿材爲管構五日畢并賜素褥布被以從其尚復與太子至微第帝將以衡山公主降其子叔王及薨帝臨哭爲之慟罷朝五日太子舉哀西華堂謚曰文貞帝作文於碑遂書之帝後臨朝嘆曰以銅爲鑑可正衣冠以古爲鑑可知興替以人爲鑑可明得失今魏徵逝亡一鑑矣帝本以兵定天下雖已治不忘經畧西夷故徵侍宴奏咸陳武德舞則俛首不顧至慶善樂則諦玩無數舉有所諷切如此徵嘗薦杜正倫侯君集才任宰相及正倫以罪黜君集坐逆誅賊人遂指爲阿黨又言徵嘗錄前後諫

唐

卷二十一

五

爭語示史官褚遂良帝滋不悅迺停叔玉昏而什所  
為碑顧其家衰矣遠東之役高麗鞮鞞犯陣李勣等  
力戰賊之軍還悵然曰魏徵若在我有此行邪即石  
其家到行在賜勞妻子以少牢祠其墓復立碑四子  
叔王叔琬叔璘叔瑜叔王襲爵為光祿少卿神龍初  
以其子膺紹封叔璘禮部侍郎武后時為酷吏所殺  
叔瑜豫州刺史善草隸以筆意傳其子華及甥薛稷  
世稱善書者前有虞褚後有薛魏華為檢校太子左  
庶子武陽縣男徵五世孫墓尤著名墓字申之擢進

唐

卷二十一

六

士第同州刺史楊汝士辟為長春宮巡官文宗讀貞  
觀政要思徵賢詔訪其後汝士薦為右拾遺暮安字  
魁秀帝異之御史中丞李孝本宗室子坐李訓事伏  
誅二女沒入宮暮上言極諫帝即出二女以暮為右  
補闕先是帝謂宰相曰太宗得徵叅禪闕失朕今得  
暮又能極諫教坊有工善為新聲者詔授楊州司馬  
暮固諫俄為起居舍人帝勅曰事有不常毋嫌論奏  
暮對頃為諫臣得有所言今則記言動不敢侵官帝  
曰兩省屬皆可議朝廷事而毋辭也帝索起居注暮

不可乃止始暮之進也李珣楊嗣復實推引之武宗  
立暮坐二人黨貶信州長史宣宗嗣位移鄴商二州  
刺史召授給事中遷御史中丞發駙馬都尉杜中立  
姦賊橫成縮氣頃之進同中書門下平章事建言請  
立東宮至泣下帝為感動累遷大中十年以平章事  
領劔南西川節度使上疾求代召拜吏部尚書以檢  
校尚書右僕射太子少保卒年六十六贈司徒宣宗  
嘗曰暮名臣孫有祖風朕心憚之然卒以剛正為今  
孤絢所忌讒罷之

唐

卷二十一

七

薛收字伯褒蒲州汾陰人隋內史侍郎道衡子也出  
繼從父孺年十二能屬文以父不得死於隋不肯仕  
郡舉秀才不應聞高祖興遁入首陽山將應義舉通  
守堯君素覺之迎置其母城中收不得去及君素東  
連王世充遂挺身歸國房玄齡亟言之秦王王召見  
問方畧授府主簿時方討世充軍事繁冗收為書檄  
露布或馬上占辭該敏如素構會實建德來援收主  
速戰王善其策遂禽建德降世充俄授天策府記室

參軍從平劉黑闥封汾陰縣男書上書諫王政獵武  
德七年寢疾王遣使臨問卒年三十三子元起九歲  
襲爵及長好學善屬文尚巢王女和靜縣主累授太  
子舍人高宗卽位遷給事中數上書陳當世得失轉  
中書舍人所薦豪俊士若任希古高智周郭正一王  
義方孟利貞鄭祖玄鄧玄捷崔融等皆以才自名於  
時李義府流寓州舊制流人不得乘馬元起爲請坐  
貶簡州刺史歲餘又坐與上官儀文章款密流寓州  
上元初赦還拜正諫大夫三年遷中書侍郎帝校獵

唐

卷二

八

溫泉諸蕃酋長得持弓矢從元起奏非所宜帝納之  
拜中書令兼左庶子帝幸東都留輔太子監國手敕  
令悉專關中事太子稍息政事元起極諫帝疾劇政  
出武后因陽暗乞骸骨卒年六十二子曜聖曆中附  
會張易之官正諫大夫

蕭瑀

蕭瑀字時文後梁明帝子也九歲封新安王國除以  
女兄爲隋晉王妃故人長安嘗以劉孝標辨命論能  
悖不經乃著論非之晉王卽帝位妃爲后而瑀寢親

德高祖入京師招之舉郡自歸封宋國公拜民部尚  
書秦王領右元帥攻洛陽署府司馬武德元年遷內  
史今秦王爲雍州牧以爲州都督初瑀關內田宅悉  
賜勲家至是還給之瑀盡以分宗族王世克平進尚  
書右僕射遷左僕射貞觀初房玄齡杜如晦新得君  
事任稍分瑀不能無少望乘辨切詆解旨蹶蹙太宗  
怒廢于家俄拜特進尋坐與陳叔達忿爭封建于前  
不恭免歲餘起參預朝政帝嘗曰武德之末太上皇  
有廢立議願朕挾不賞之功於昆弟弗見容瑀於爾

唐

卷二

九

時不可以利林死懼社稷臣也晉王爲皇太子拜太  
子太保同中書門下三品瑀素賢但中狹每燕見輒  
言玄齡輩朋黨盜權若膠固然特未反耳帝曰知臣  
莫若君朕雖不明寧頓情臧否因爲瑀曉解瑀好浮  
屠間請捨家爲桑門帝許之矣復奏自度不能爲又  
足疾不入謁帝曰瑀豈不得其所邪乃召奪爵下除  
商州刺史未幾復其封加特進卒年七十四子銳尚  
襄城公主爲太常少卿其後蕭鈞蕭嵩蕭復蕭悅蕭  
做蕭遵咸顯於世自瑀遠避凡八葉宰相

李綱

李綱字文紀觀州蔚人始名瓊慕張綱為人改名綱仕周爲齊王憲參軍事及憲誅故吏奔匿綱撫棺號慟爲瘞訖乃去事隋爲太子洗馬太子勇晏官臣左庶子唐令則奏琵琶又歌武媚娘曲綱曰令則官調護乃自比倡優臣請正其罪除齊王府司馬屏居鄴大業末賊帥何藩仁劫爲長史高祖平京師綱上謁授丞相府司錄參軍封新昌縣公領選舉受禪拜禮部尚書兼太子詹事齊王元吉爲兗州總管左右揀

卷一

十一

奪民愁苦宇文歆諫不聽劉武周入太原元吉懼棄軍奔京師兗州陷帝怒謂綱曰王年少不習事故以歆及竇誕佐之歆建此計我當斬于軍綱曰王過惡誕養成之歆事王淺有關必諄帝悟引綱升御榻勞曰卿不言我幾濫爵綱在東宮太子建成尤加禮固請老優詔解尚書員觀四年復爲少師以足疾賜步與聽乘至閣問以政事明年卒年八十五齊王憲女娶居綱厚卹之及卒女被髮號哭如喪其親初綱在隋官不進筮之得鼎筮人曰君當爲卿輔然待易姓

乃如志仕不知退折足爲敗故綱雖顯於唐數稱疾辭位云孫安仁安靜安仁永徽時爲太子左庶子太子忠廢還即察屬奔散獨安仁泣拜而去終恒州刺史安靜天授中爲右衛將軍武后革命群臣皆勸進安靜獨無所請及收紫微來俊臣誣殺之

孫伏伽

孫伏伽貝州武城人仕隋以小吏累勞補萬年縣法曹高祖武德勅上言二事一慎言動一擇太子諸王僚佐帝大悅以伏伽爲治書侍御史賜帛三百匹勅

卷二

十一

帝受禪伏伽最先諫帝語裴寂曰若李綱孫伏伽可謂直臣矣東都平大赦天下又欲責賊支黨悉流徙惡地伏伽諫曰臣聞王者無戲言書曰殲厥渠魁從罔治宜一切加原又表置諫官帝皆納之太宗卽位封樂安縣男遷大理少卿帝數出馳射伏伽極諫久之出爲陝州刺史致仕顯慶三年卒

杜正倫

杜正倫相州人隋世重舉秀才天下不十人而正倫一門三秀才皆高第太宗素知其名表直秦王府文



學館貞觀元年魏徵高其才薦兵部員外郎俄遷知起居注帝嘗曰朕在朝不敢多言必待有利於民乃出諸口正倫曰臣職左史陛下言失非止損百姓且筆之書千載累德帝悅累進中書侍郎與韋挺虞世南姚思廉論事稱吉太子監國詔正倫行左庶子後太子稍失道帝語正倫太子教私小人卿可審喻之教而不從其語我來正倫顯諫無所避太子不從輒道帝詔督切太子即表聞帝責曰何漏泄我語對曰開示不入故以陛下語怖之冀當反善帝怒貶交

唐 卷二十一 十一

州都督顯慶元年遷中書令出為橫州刺史卒正倫與城南諸杜昭穆素遠求同譜不許銜之諸杜所居號杜固世傳其地有旺氣故世衣冠正倫既執政建言鑿杜固通水以利人既鑿川流如血自是南杜稍不振正倫工屬文嘗與中書舍人董思恭夜直論文章思恭謂人口與杜公評文今日覺吾文頓進

張玄素

張玄素蒲州虞鄉人仕隋為景城縣戶曹寶建德隋景城執將殺之邑人千餘號泣請代曰此清吏殺之

是無天也始為建德黃門侍郎賊平授景州錄事參軍太宗即位問以政對曰自古未有如隋亂者以陛下聖神跡所以危釜所以亡日慎一日雖堯舜何以加帝曰善拜侍御史遷給事中貞觀四年諫治洛陽官歷太子少詹事遷右庶子時太子承乾事游放不悅學玄素上書曰天道無親惟德是輔又上書曰周公資聖人而握沫吐殛况下周公之人哉太子諸其切夜遣戶奴以騎趨狙擊幾危脫死嘗聞官中擊鼓叩閣正言太子出鼓對玄素破之既不悛醜德日聞

唐 卷二十一 十三

玄素不能已上書書入太子怒遣刺客伺之玄素坐除名為民頃之召授潮州刺史徙鄒州訖不復親近高宗時以老致仕麟德初卒

于志寧

于志寧字仲謐京兆高陵人曾祖謹周燕國公大業末志寧調冠氏縣長山東盜起棄官歸高祖詔授渭北道行軍元帥府記室與殷開山參謀議薛仁果平議褚亮於四府中遷文學館學士引亮與同列貞觀四年為中書侍郎太宗嘗宴近臣問志寧安在可有

奏勅召三品志寧品第四帝特詔豫宴因加散騎常侍太子左庶子黎陽縣公是時議立七廟羣臣請以涼武昭王為始祖志寧以涼非王業所因獨建議遊之帝詔功臣世襲刺史志寧奏古今異時帝皆從之太子承乾敎有過惡志寧欲救止之上諫苑以諷帝見大悅時太子以農時造曲室累月不止又好音樂過度東宮僕御得番休而太子不聽又私引突厥與相狎比志寧疏極言太子大怒遣刺客往刺之太子敗宮臣皆罪廢獨志寧蒙勞勉晉王為皇太子復

唐

卷二

十四

拜左庶子未幾二年洛陽人李弘泰誣告太尉長孫无忌反有詔不待時斬之志寧以為方春少陽用事不宜行刑後遷太傅嘗與右僕射張行成中書令高季輔俱賜田志寧奏臣家自周魏來世居關中貨業不墜今行成季輔始行產立願以臣有餘賜不足者帝嘉之分其田以與二人顯慶四年以老乞骸骨詔解僕射更拜太子太師王皇后之廢長孫无忌諸遂良固爭不從志寧不敢言武后以其不右已銜之後因殺无忌坐免官出為榮州刺史改華州聽致仕卒

年七十八曾孫休烈

高季輔

高季輔名馮以字行德州脩人居毋喪以孝聞兄元道仕隋為汲令縣人反城應賊殺元道季輔率其黨與縣人戰禽之斬首以祭俄與武陟李厚德將其眾降授陝州總管貞觀初拜監察御史彈治不避權要累轉中書舍人列上五事數上書言得失後為吏部侍郎善銓叙人物帝賜金背鏡一况其清鑒焉進爵脩縣公未幾初兼太子少保感疾歸卒年五十八

唐列傳

卷二

十五

張行成

張行成字德立定州義豐人也少師事劉炫隋大業末察孝廉為謁者臺散從員外郎後為王世克度支尚書世克平以隋資補穀熟尉擢制舉乙科改陳倉尉調富平主簿召補殿中侍御史糾劾嚴正太宗以為能嘗侍晏帝語山東及關中人意有同異行成曰天子四海為家不容以東西為限示人以隘累遷給事中諫帝自矜帝嘉納之轉刑部侍郎太子少詹事是歲帝幸靈州詔皇太子從行成諫曰皇太子宜留

監國高宗卽位封北平縣公監脩國史時晉州地震  
不息帝問之行成歸咎女謂用事拜尚書左僕射太  
子少傅未幾四年自三月不雨至五月行成懼以老  
乞身未幾卒於尚書省舍年六十七子易之昌宗

高儉

高儉字士廉以字顯齊清河王岳之孫也父勵樂安  
王入隋爲泚州刺史士廉仁壽中舉文才甲科補治  
禮郎斛斯政奔高麗坐與善貶爲朱爲主簿以母老  
不可居瘴癘地乃招妻奉養而行會世大亂交趾太

唐列傳

卷二

十六

守丘和署司法書佐高祖遣使徇嶺南武德五年與  
丘和來降時秦王頌雍州牧薦爲治中隱太子與王  
隙已熾與甥長孫无忌密計討定進益州大都督府  
長史蜀人畏鬼而惡疾雖父母病皆委去昆弟不相  
假財士廉爲設條教風俗翕然爲變入爲吏部尚書  
進封許國公雅負裁鑒又詳氏譜所署州人地無不  
當者高祖崩攝司空營山陵遷尚書右僕射士廉三  
世居此官世榮其貴太宗幸洛陽太子監國命攝少  
師帝伐高麗皇太子監國駐定州又攝太傅貞觀二

十一年疾甚帝幸其第爲流涕卒年七十一士廉少  
識太宗非常人以甥女歸之是爲文德皇后太宗嘗  
以山東士人尚閭閻後雖衰子孫猶負世望嫁娶必  
多取賢人謂之貴昏乃詔士廉與帝推舉文本令狐  
德茶責天下譜牒參考史傳檢正真僞疑曰氏族志  
而崔幹仍居第一帝曰我於崔盧李鄭無嫌顧其世  
衰朕以今日冠冕爲等級高下遂以崔幹爲第三姓  
班其書天下士廉六子履行審行眞行有名

張公謹

唐

卷二

十七

張公謹字弘慎魏州繁水人爲王世克洺州長史與  
刺史崔樞挈城來歸累遷右武侯長史未知名李勣  
尉遲敬德數啟秦王乃引入府王將討隱巢亂使卜  
人占之公謹自外至投龜於地曰凡卜以定猶豫決  
嫌疑今事無疑何卜之爲貞觀初爲代州都督置屯  
田以省餽運數言時政得失後副李靖經畧突厥條  
六可取狀帝然之及破定襄敗頡利璽詔慰勞進鄴  
國公改襄州都督以惠政聞卒年四十九子大素龍  
朔中歷東臺舍人兼脩國史終懷州長史次子大安

上元中同中書門下三品章懷太子令與劉納言等  
共註范曄漢書太子廢貶終橫州司馬子排事玄宗  
為集賢院判官詔以其家所著魏書說林人院綴脩

唐儉

唐儉字茂系并州晉陽人也父鑿隋戎州刺史善高  
祖見隋政寢亂陰說秦王建大計武德初進內史舍  
人永安王孝基獨孤懷恩為劉武周所虜儉以使至  
軍亦見禽俄而懷恩脫歸詔復守蒲儉恐必亂密遣  
劉世讓歸白其謀會高祖幸蒲津舟及中流而世讓

唐

卷二

十八

至帝驚曰豈非天也命暹還舟捕反者懷恩自殺餘  
黨皆誅既而武周敗亡人突厥儉封府庫籍甲兵以  
待秦王還為禮部尚書國公仍為遂州都督貞觀  
初使突厥還太宗問曰卿觀頡利可取乎對曰衝圍  
威靈庶有成功四年馳傳往誘使歸欵頡利許之兵  
懈馳李靖因策破之儉脫身還為民部尚書從獵洛  
陽苑諫帝博獸帝為罷獵詔其子善識尚豫章公主  
末徽初致仕顯慶初卒年七十八少子觀為河西令  
知名孫從心神龍中以其子股娶太平公主女陵坐

太平黨誅裔孫次建中初及進士第歷中書舍人

陳叔達

陳叔達字子聰陳宣帝子也少封義陽王入隋久不  
試大業中授內史舍人出為絳郡通守高祖西師以  
郡聽命授丞相府主簿封陳東郡公與溫大雅同筦  
機秘方禪代時書冊詔皆其筆也武德初授黃門  
侍郎封江國公貞觀初與蕭瑀爭殿中坐忿諍不恭  
免官尋擢禮部尚書始太子建成等闕間太宗叔達  
極意救辯至是謂曰武德內難卿有諫言故以此報

唐

卷二

十九

後圍簿汗慢為有司露劾授散秩歸第卒

竇威

竇威字文蔚岐州平陸人也父熾在周為上柱國入  
隋為太傅太穆皇后其從兄弟女也家世貴子弟皆  
喜武力獨威尚文諸兄詆為書癡內史令李德林舉  
秀異授秘書郎當遷不肯謂者十年故其學益博高  
祖入關召補大丞相府司錄參軍方天下亂禮典湮  
缺威多識朝廷故事乃裁定制度帝語裴寂曰威今  
之叔孫通也武德元年授內史令每論政事得失必



陳古爲諭帝嘗引入臥內謂曰昔周有八柱國吾與  
公家是也威懼頓首謝曰臣家在漢再爲外戚至元  
魏有三皇后今陛下龍興臣復以姻戚進帝笑曰公  
以三后族夸我邪關東人與崔盧婚者猶自矜大公  
世爲帝戚不亦貴乎後寢疾帝臨問卒威九子軌字  
士則父恭任周爲雍州牧鄴國公軌大業中爲資陽  
郡東曹掾去官歸高祖起兵軌募衆千餘迎謁長春  
宮從平京師封贊皇縣公遷益州道行臺左僕射党  
項引吐谷渾寇松州詔軌與楊州刺史蔣善合援之

唐

卷二

二十

公主歷左衛將軍秦州都督弟琮有武幹依高祖與  
秦王有憾不自安王方收天下豪英封扶風郡公從  
劉文静李元昊突通武德勅將圖洛陽詔琮守陝護  
道說降王世克將羅士信東都平檢校晉州總管從  
隱太子平劉黑闥以功封譙國公

竇抗

竇抗字道生威從九子也父榮定爲隋洛州總管陳  
國公毋隋文帝姊安成公主也以帝甥蚤貴入太學  
釋褐千牛儻身襲爵累轉梁州刺史爲岐州刺史轉

唐

卷二

二十一

幽州總管所至以寬惠聞漢王諒反李子雄誣抗與  
諒通按鞠無狀然坐是廢抗與高祖少相狎及楊玄  
感反抗謂高祖曰玄感爲我先耳李氏名在圖錄天  
所啓也高祖曰爲禍始不祥公無妄言煬帝遣抗出  
靈武連護長城間高祖已定京師喜曰此吾家塔塔  
達有大度真撥亂上也因歸長安高祖見之喜握手  
曰李氏果王何如因置酒爲樂授將作大匠兼納言  
官中稱爲舅然未嘗干朝廷事後從秦王平薛舉功  
第一又從征王世克東都平冊勲於廟者九人抗與

從弟軌與焉卒贈司徒子衍靜誕衍襲爵靜字元休  
在隋佐親衛以父得罪煬帝久不之進高祖入京師  
擢并州大總管府長史時突厥數為邊患糧道不屬  
靜表請屯田太原以省餽運詔檢校并州大總管又  
請斷石嶺以為鄯塞制突厥之入太宗即位授司農  
卿封信都縣男趙元楷為少卿靜部其聚歛因會官  
屬大言曰如煬帝奢侈竭四海日奉司農須公矣改  
夏州都督突厥搆諸將出征者過靜靜為陳虜中  
虛實諸將由是大克獲及擒頡利詔處其眾河南離

唐

卷二十一

二十三

上書諫帝雖不從然嘉其忠再遷民部尚書卒子遠  
尚遂安公主襲爵

### 温大雅

温大雅字彥弘并州祁人也父君攸比齊文林館學  
士入隋為泗州司馬見朝政不綱謝病歸大雅性至  
孝與弟彥博大有皆知名薛道衡見之嘆曰三人者  
皆卿相才也初為東官學士長安尉以父喪解高祖  
鎮太原厚禮之兵與引為大將軍府記室參軍主文  
徽帝受禪與竇威陳叔達討定儀典遷黃門侍郎彥

博亦為中書侍郎應太子圖亂秦王表大雅鎮洛陽  
須變數陳祕畫即位封黎國公改葬其祖卜人占其  
地曰翁則吉不利於君若何大雅曰如子言我含笑  
入地矣歲餘卒五世孫遵彥博字大臨開皇末對策  
高第直內史省隋亂幽州總管羅藝引為司馬藝以  
州降彥博與有謀授總管府長史封西河郡公召入  
為中書舍人高麗貢方物高祖欲讓而不臣彥博執  
不可曰遼東本周箕子國漢玄菟郡不使北面則四  
夷何所瞻仰帝納而止突厥入寇彥博以并州道行

唐

卷二十一

二十三

軍長史戰大谷師敗被執太宗立突厥歸款得還授  
雍州治中尋檢校吏部侍郎貞觀四年遷中書令封  
虞國公突厥降詔議所以安邊者彥博請如漢置降  
匈奴五原塞以為捍敵與魏徵廷爭卒用彥博策其  
後突利可汗弟結社謀及帝始悔之十年遷尚書右  
僕射明年平年六十三子振挺振歷太子舍人居喪  
以毀卒挺尚千金公主官延州刺史曾孫曦尚涼  
長公主大有字彥將累遷中書侍郎封清河郡公卒

唐列傳卷之三

虞世南

虞世南越州餘姚人性沈靜寡欲與兄世基同受學于吳顧野王文章婉孌慕僕射徐陵自以類已由是有名父為卒世南不勝喪陳滅與世基入隋世基辭章清勁過世南而瞻博不及俱名重當時煬帝為晉王與秦王俊交辟之大業中累至秘書郎煬帝雖愛其才然疾疇正弗甚用為七品十年不徙世基倭敏得君日貴盛而世南躬貧約字文化及已弑帝

唐

卷三

一

將殺世基世南抱持號訴請代不能得從至聊城為寶建德所獲署黃門侍郎秦王滅建德引為府參軍轉記室遷太子中舍人王踐祚拜員外散騎侍郎弘文館學士時世南已衰老屢乞骸骨不聽遷太子右庶子固辭改秘書監封永興縣子世南貌儒謹外若不勝衣而中抗烈論議持正太宗嘗曰朕與世南商畧古今有一言失未嘗不悵恨其懇誠乃如此貞觀八年進封縣公會隴右山崩大蛇屢見山東及江淮大水帝憂之以問世南對宜省錄累囚後星孛虛危

歷氏世南諫帝勿以功高而自矜勿以太平久而自

驕帝嘗作宮體詩使廢和世南曰聖作誠工然體非

雅正臣恐此詩一傳天下風靡不敢奉詔帝曰朕試

卿耳賜帛五十匹帝數出畋獵世南以為言皆蒙嘉

納嘗命寫列女傳於屏風於時無本世南暗疏之無

一字謬帝每稱其五絕一曰德行二曰忠直三曰博

學四曰文詞五曰書翰世南始學書於浮屠智永窺

其法為世秘愛十一年致仕授銀青光祿大夫弘文

學士如故卒年八十一謚曰文懿帝手詔魏王泰曰

唐

卷三

二

后渠東觀中無復人矣初帝為詩一篇述古興亡既

而嘆曰鍾子期死伯牙不復鼓琴朕此詩何所示邪

敷起居郎褚遂良即其靈坐焚之子昶終工部侍郎

褚亮

褚亮字希明杭州錢塘人曾祖禪父玠皆有名梁陳

間亮少警敏年十八詣陳僕射徐陵與語異之後

主召見使賦詩江總諸詞：一席皆服其工累遷為

尚書殿中侍郎入隋為東宮

楊玄感善貶西海司戶時轉

貶威定主簿亮

與俱至隴山徽死為歛瘞人皆義之後為薛舉黃門  
侍郎舉滅授秦王府文學高祖獵觀格虎怒幅致諫  
帝禮納其言王每征伐亮在軍中嘗預秘謀貞觀中  
累遷散騎常侍封陽翟縣侯老于家太宗征遼子遂  
良從及寢疾帝遣醫中使候問踵相逮卒年八十八

李百藥

李百藥字重規定州安平人隋內史令德林子也幼  
多病祖母趙以百藥名之七歲能屬文父友陸又等  
共讀徐陵文有刈琅邪之稽之語嘆不得其事百藥

唐

卷三

三

進曰春秋郟子籍籍杜預謂在琅邪客大驚開皇初  
授太子通事舍人被讒輒謝病去十九年召見仁壽  
宮襲父爵楊素牛弘愛其才初以疾去舍人也煬帝  
在揚州召不赴街之及即位廢還鄉里大業九年戊  
會稽管崇亂城守有功帝顧其名謂虞世基曰是子  
故在宣庫魏處乃受建安郡丞江都難作沈法異李  
子通杜伏威更相滅百藥轉側危亂中數被僞署危  
得不死會高祖遣使招伏威百藥勸朝京師既至歷  
陽中悔欲殺之飲以后灰酒因大利瀕死既而宿病

皆愈伏威詒書輔公祏使殺之為王雄誕保護得免  
公祏反或謂帝百藥與同反帝大怒及平得伏威所  
與公祏書乃解猶貶涇州司戶太宗至涇州召與語  
悅之貞觀元年拜中書舍人封安平縣男進左庶子  
宗正卿爵為子久之固乞致仕帝嘗與借賦帝京篇  
歎其工手詔曰卿何身老而才之壯齒宿而意之新  
平卒年八十四子安期貞觀初為符璽郎累除主客  
員外郎高宗即位遷中書舍人帝屢責侍臣不能進  
賢眾不能對獨安期進諫自德林至安期三世掌制

唐

卷三

四

話孫義仲又為中書舍人

姚思廉

姚思廉本名簡以字行陳吏部尚書察之子也陳亡  
察自吳興遷京兆遂為萬年人思廉受漢書於察仕  
陳會稽王主簿入隋為漢王府參軍事祕察在陳嘗  
脩梁陳二史未就死以屬思廉遷代王侍讀高祖定  
京師府僚皆奔亡獨思廉侍王俄授秦王府文學王  
討徐圓朗嘗語隋事慨然嘆曰思廉家素月以明大  
節古所難者即位改著作郎弘文館學士詔與魏徵



共撰梁陳書思廉米謝吳顧野王等諸家言推究綜括為梁陳二家史拜散騎常侍豐城縣男卒孫班嘖嘖累官冬官尚書班有傳

王珪

王珪字叔珍祖伯辯梁太尉尚書令父頤比齊樂陵郡太守世居郿隋開皇十三年召入秘書內省讎定羣書季父頗有鑒裁頗坐漢王諒反誅珪亡命南山十餘年高祖入關李綱薦署世子府諮議參軍事建成為太子授中舍人遷中允禮遇良厚太子與秦王

唐

卷三

五

有隙帝責珪不能輔導流雋州太子已誅太宗召為諫議大夫封永寧縣男黃門侍郎遷侍中七日進見有美人侍帝側本廬江王瓊姬也珪諫之帝嗟美其言帝使太常少卿祖少孫以樂律授宮中首家伎不進數被讓珪以為輔士與溫彥博同進諫帝怒彥博懼謝罪珪不謝復抗言帝默然慙遂罷時珪與易玄齡李靖溫彥博戴胄魏徵同輔政帝謂珪曰卿標鑿通悟為朕言玄齡等材且自謂孰與諸子賢珪對稱旨坐漏禁中語左除同州刺史帝念珪名臣召拜禮

部尚書兼魏王泰師王見之為先拜珪亦以師自居子敬直尚南平公主是時諸主下嫁以帝女貴未嘗行見舅姑禮珪與夫人坐堂上主執笄與饋乃退其後公主降有舅姑者備婦禮本於珪十三年病卒年六十九敬直封南城縣男後坐交皇太子承乾徙嶺外珪孫肅旭肅性至孝為徐州司馬母有疾彌年不廢帶視絮湯劑數從高醫游遂窮其術歷給事中鄴郡太守治開於時旭為酷吏

戴胄

唐

卷三

六

戴胄字玄胤相州安陽人隋末為門下錄事納言蘇威黃門侍郎裴矩厚禮之為越王侗給事郎王世克謀篡胄說曰願尊輔王室擬伊周以幸天下世克詭曰善俄脅九錫胄又切諫不納出為鄭州長史使與王行本守武牢秦王攻拔之引為府士曹參軍封武昌縣男大理少卿缺太宗曰大理人命所繫胄清直其人哉即日命胄特選者盛集有詭資蔭冒牒取調者詔許自首不首罪當死俄有詐得者獄具胄以法當流帝曰卿賣獄邪胄曰法者布大信於人言乃一

時喜怒所發帝大感從其言遷尚書左丞復拜諫議大夫與魏徵更日供奉進民部尚書杜如晦遺言請以選舉委胄由是檢校吏部尚書貞觀四年以本官參豫朝政進爵郡公帝將脩洛陽宮胄上疏極諫七年卒聘其女爲道王妃胄無子以兄子至德爲後乾封中累遷西臺侍郎同東西臺三品閔十數年父子繼爲宰相遷尚書右僕射時劉仁軌爲左人有所訴率優容之至德乃詰究本末理直者密爲奏終不顯私恩時因多稱仁軌者號爲解事僕射嘗更日聽

唐

宋主

七

訟有媼詣省至德已收媵媼乃復取曰初謂解事僕射乃非是至德笑還之儀鳳四年卒

岑文本

岑文本字景仁鄧州棘陽人父之象仕隋爲邯鄲令坐爲人訟不得申文本本年十四詣司諫理寃遂得直郡舉秀才不應蕭銑借號召爲中書侍郎主文記河間王孝恭平荊州其下欲掠殺文本說孝恭不如厚撫荊州勸未附孝恭善之遽下令止侵畧署文本別駕從擊輔公祏進署行臺考功郎中貞觀元年除秘

書郎太宗既藉田又元日朝羣臣文本奏藉田三元頌二篇文致華贍李靖復薦于帝擢中書舍人特頌師古爲侍郎自武德以來詔詰或大事皆所草定及得文本號善職而敏速過之師古以譴罷帝曰朕自舉一人乃授文本侍郎專典機要封江陵縣子是時魏王泰有寵修第舍冠諸王文本上疏勸崇節儉陳嫡庶分宜有抑損踰年爲令從伐遼東事事委倚由是神用頓耗容止不常帝憂曰文本今與我同行恐不與同返矣至幽州暴病帝臨視流涕卒年五十一

唐

宋主

八

文本始爲中書令有憂色母問之荅曰非勲非舊貴重位高所以憂也或勸其營產業文本曰我漢南一布衣位宰相尚何殖產業邪既任職久資錫豐饒皆令弟文昭主之文昭任校書郎多交輕薄帝不悅文本曰臣少孤母所鍾念者弟也泣下嗚咽帝愍其意召文昭讓勅卒無過孫義從子長倩

劉洎

劉洎字思道荊州江陵人也初爲蕭銑黃門侍郎南畧地嶺表下五十城未還而銑敗遂以城自歸授南

康州都督府長史貞觀七年擢給事中封清苑縣男  
轉治書侍御史太宗好持論與公卿言古今事必往  
復難詰臧否洎諫帝手詔荅之皇太子初立洎謂宜  
尊賢重道上書帝於是敕洎與岑文本馬周遽日直  
東宮帝嘗詔斬苑西楊祿太子驟諫帝喜以爲洎  
等直諫所致稍遷侍中及征遼東詔兼檢校民部尚  
書輔皇太子監國帝曰以卿輔太子社稷安危在焉  
宜識朕意洎曰願無憂即大臣有罪臣謹按法誅之  
帝愜其語洎與諸遂良不相中因帝還不豫爲遂良

唐本三

九

所誣賜洎死顯慶中其子弘業詣闕訴遂良譜死狀  
李義府右之高宗問近臣給事中樂彥璿曰辨之是  
暴先帝過刑事遂寢彥璿字德珪長安人麟德元年  
以西臺侍郎同東西臺三品數月罷爲大司憲卒

馬周

馬周字賓王博州任平人也少孤家窶狹嗜學武德  
中補州助教不治事刺史達奚恕數咎讓乃去客密  
州趙仁本高其才厚以裝使人關留客汴爲浚儀令  
崔賢所辱遂感激而西舍新豐逆旅主人不之顧周

命酒一斗八升悠然獨酌衆異之至長安舍中郎蔣  
常何家貞觀五年詔百官言得失何武人不涉學周  
爲條二十餘事皆當世所切太宗概問何何曰此非  
臣所能家客馬周教臣言之客忠孝人也帝即召之  
間未至道使者四輩敦赴謁見與語帝大悅詔直門  
下省明年拜監察御史奉使稱職周上疏諫幸九成  
宮及不親享宗廟濫授高爵除侍御史又數上疏言  
宗室功臣世官及營造供奉器物而諸王寵遇過厚  
守令選用非人拜給事中轉中書舍人周善敷奏機

唐本三

十

辯明銳動中事會裁處周密帝每日我暫不見周即  
思之岑文本謂所親曰馬君論事會文切理無一言  
可損益聽之纒纒令人志倦蘇張終賈正應此耳然  
爲肩火色騰上必速恐不能久拜中書侍郎兼太子  
右庶子十八年遷中書令猶兼庶子時置太子司議  
郎帝高其除周嘆曰恨吾資品妄高不得歷此官帝  
征遼留輔太子定州及還攝吏部尚書進銀青光祿  
大夫二十二年卒年四十八初帝遇周厚周頗自負  
爲御史時遣人以圖購宅衆以其與書生素無貨皆

竊笑它日自有佳宅直二百萬周遠以聞詔有司給直并賜奴婢什物由是人乃悟先是京師晨暮呼以警衆後置鼓代之俗曰擊鼓品官舊服止黃紫於是三品服紫四品五品朱六品七品綠八品九品青皆周建白子載咸亨中爲司列少常伯與裴行儉分掌選事言吏部者稱裴馬焉終雍州長史

崔仁師

崔仁師定州安喜人武德初擢制舉調管州錄事參軍陳叔達薦仁師才任史官與脩梁魏史貞觀初改

唐

卷三

十一

殿中侍御史時青州有男子謀逆有司捕支黨繫係填獄詔仁師按覆止坐魁惡十餘人遷度支郎中嘗口陳移用費數千名太宗恠之詔黃門侍郎杜正倫持簿使仁師對唱無一謬帝奇之後密請魏王爲太子失帝旨左遷鴻臚少卿稍進民部侍郎及征遼東副貳擬知海運又別知河南漕事仁師以漕路回遠恐所輸不時至以便宜發近海租賦餉軍坐運卒亡命不以開除名帝還至中山起爲中書舍人二十二

年遷中書侍郎參知機務被遇尤渥中書令褚遂良

忌之爲有伏閭訴者仁師不時上帝大怒流連州未

徵初授簡州刺史卒子挹挹子湜湜第進士累官考

功員外郎諳事武三思遷中書舍人又附托昭容上

官氏數與宣滯於外景龍二年遷兵部侍郎而挹爲

禮部侍郎武德以來父子同爲侍郎惟挹與湜云膺

宗立出爲華州刺史景雲中太平公主引拜中書令

時挹爲吏部尚書得謝而性貪數爲人請託以干湜

湜多不從由是父子相失湜陰附主門下客獻海鷗

賦以諷湜稱善而不自檢帝將誅蕭至忠等召湜示

唐

卷三

十一

腹心第澄諫曰上有所問慎無隱湜不從對問夫肯

至忠等誅湜徙嶺外嘗雍州長史李習亦坐誅嘆曰

此本湜謀今我死而湜生何也又官人元稱嘗與湜

謀進醜於帝迫及荊州賜死年四十三湜與弟液澄

從兄流並以文翰居要官湜執政時年三十八嘗莫

出端門緩帶湜詩張說見之嘆曰文與位固可致其

年不可及也液工五言詩官至殿中侍御史坐湜當

流亡命郢州遇赦還卒澄本名滌玄宗改焉帝在藩

與同居出潯州澄獨從至華及卽位寵昵甚湜既

帝仍念之用為秘書監封安喜縣子卒

令狐德棻

令狐德棻宜州華原人父熙隋鴻臚卿其先乃燉煌著姓德棻博貫文史大業末為樂城長屬亂不就官淮安王神通據太平宮起兵立總管府署德棻府記室高祖入關引直大丞相府記室武德初為起居舍人遷秘書丞帝嘗問丈夫冠婦人髻比高大何邪棻對曰冠髻在首君之象也晉之將亡君弱臣彊故江左士女衣小而裳大宋武帝受命君德尊嚴衣裳隨唐列傳 卷三十一

亦變改此近事驗也帝然之貞觀三年復詔撰定立五家史德棻次周史原自德棻發之故也未幾初復為禮部侍郎弘文館學士監脩國史遷國子祭酒崇賢館學士爵為公致仕卒年八十四又有鄧世隆顧胤李延壽李仁實皆以史學稱當世德棻五孫恒累官禮部侍郎

李延壽

李延壽世居相州貞觀中累補太子典膳丞崇賢館學士以脩撰勞轉御史臺主簿兼脩國史初延壽父

太師多識前世舊事常以宋齊梁陳周隋天下參隔南方謂北為索虜北方指南為島夷其史於本國詳他國畧往往訾矣失傳思所以改正擬春秋編年刊究南北事未成而歿延壽既數與論課所見益廣乃追終先志遷符璽郎兼修國史卒

敬播

敬播蒲州河東人也貞觀初擢進士第時顏師古孔穎達撰次隋史詔播詣秘書省內省參纂從太宗伐高麗而帝名所戰山為駐蹕播謂人曰變輿不復東矣唐列傳 卷三十一

山所以名蓋天意也其後果然遷太子司議郎中又與令狐德棻等撰晉書未幾後歷給事中播與許敬宗撰高祖實錄又撰太宗實錄出為越州長史徙安州卒房玄齡嘗稱播陳壽之流是時漢書學大興其章章者若劉伯莊秦景通兄弟劉訥比皆名家

唐列傳卷之四

長孫无忌

長孫无忌字輔機性通悟博涉書史始高祖兵度河  
進謁長春宮授渭北道行軍典籤從秦王征討有功  
累擢比部郎中上黨縣公與房杜謀誅太子建成秦  
王即位遷吏部尚書以功第一進封齊國帝以无忌  
皇后兄又少相友眷倚日厚嘗出入卧内進尚書右  
僕射或有言无忌權大盛者帝持表示无忌曰我與  
公君臣間無少疑使各懷所聞不言則蔽矣遂解僕

唐列傳卷之四

射進策司空進位司徒太子承乾廢帝欲立晉王未  
决无忌决策立之帝顧王曰舅許汝矣宜即謝王乃  
拜以无忌為太子太師同中書門下三品高宗進无  
忌太尉帝欲立武昭儀為后无忌固言不可帝密以  
寶器錦帛十餘車賜之又幸其弟擢三子皆朝散大  
夫昭儀幼從詣其家中請許敬宗數勸之无忌厲色  
折拒后既立以无忌受賜而不助已銜之敬宗攝后  
指陰使洛陽人李奉節上无忌變事與侍中辛茂將  
按致反狀遂下詔削官爵置於黔州所在發兵護送



流其子秘書監冲等於嶺外從弟渝州刺史知仁貶  
翼州司馬又即黔州暴訊无忌投縲卒冲免死殺族  
子祥流族弟思於柳口自是政歸武氏幾至亡國上  
元元年孫元翼襲封開成三年詔以裔孫鈞為猗氏  
令

褚遂良

褚遂良字登善亮之子也隋大業末為薛舉通事舍  
人仁果平授秦王府總管參軍貞觀中累遷起居郎  
博涉文史工隸楷太宗嘗嘆曰虞世南死無與論書

唐列傳卷之四

者魏徵白見遂良帝令侍書帝方博購王羲之故帖  
天下爭獻然莫能質真偽遂良獨論所出無舛冒者  
十五年諫罷封禪又諫天子不自觀史言太子諸王  
宜有定分諫皇子幼者不宜在外任都督刺史太子  
承乾廢帝許立魏王泰遂良諫遂定策立晉王時飛  
雉數集宮中帝問何代遂良曰昔秦文公時有偃子  
化為雉雌鳴陳倉雄鳴南陽偃子曰得雄者王得雌  
者霸文公遂雄諸侯始為寶鷄祠漢光武得其雄起  
南陽陛下本封秦故雌雄並見以告明德帝悅曰人

之立身不可以無學遂良所謂多識君子哉帝獲疾召遂良長孫无忌受顧命輔晉王高宗即位封河南縣公帝將立武昭儀召遂良與長孫无忌李勣于志寧議事遂良固爭不從叩頭流血乞還田里會李勣議異武氏立左遷潭州都督顯慶二年徙桂州未幾貶愛州刺史歲餘卒年六十三後二歲許敬宗李義府奏長孫无忌逆謀皆遂良驅煽乃削官爵二子彥甫彥冲流愛州殺之文宗詔以遂良五世孫虔爲臨汝尉其曾孫孫瑛擢進士第累拜監察御史裏行先天

唐列傳 卷四

三

中突厥圍北庭詔瑛持節監總督諸將破之遷侍御史拜禮部員外郎而氣象凝挺不減在臺時

韓瑗

韓瑗字伯玉京兆三原人也父仲良武德初與定律令終刑部尚書潁川縣公瑗貞觀中以兵部侍郎襲爵永徽三年監脩國史進侍中兼太子賓客王后之廢瑗泣諫不聽明日復諫帝大怒明年瑗上言遂良受先帝顧託願寬無辜以順衆心不聽瑗憂憤自表歸田里顯慶二年許敬宗李義府奏瑗以桂州授遂

良桂用武地倚之謀不軌於是貶振州刺史踰年卒年五十四長孫无忌死義府等復奏瑗與通謀遣使即殺之既至瑗已死發棺驗視及還追削官爵藉其家子孫謫廣州官奴自瑗與遂良相繼死內外以言爲諱將二十年帝造奉天宮御史李善感始上疏極言時謂爲恩鳴朝陽

水濟

水濟揚州江都人也父護兒隋左翊大將軍字文化及之難閩門死之濟幼得免擢進士貞觀中累遷通

唐列傳 卷四

四

事合人太子承乾敗太宗問侍臣何以處之濟曰陛下上不失爲慈父令太子得盡天年則善帝納之永徽二年拜中書侍郎封南陽縣男帝將以武氏爲后濟極言陳諫二年兼詹事尋坐褚遂良事貶台州刺史久之徙庭州龍朔二年突厥入寇濟總兵拒之戰破焉年五十三初濟與高智周郝處俊孫處約客宣城石仲覽家仲覽行於州有罷議待四人甚厚私相與言志處俊曰爾宰天下濟及智周亦然處約曰爾爲通事合人足矣後濟領吏部處約始以瀛州書佐

入調濟遽注曰如志遂以為通事舍人後皆至公輔  
濟異母兄恒上元中為黃門侍郎父本驍將而恒濟  
俱以學行稱相次知政事時虞世南子昶無才術歷  
將作少匠許敬宗曰護兒兒作相世南男作匠文武  
豈有種邪

### 李義琰

李義琰魏州昌樂人也及進士第補太原尉李勣為  
都督僚吏憚其威義琰獨敢延辨曲直勣甚禮之徒

李義琰有能名擢司刑員外郎累遷中書侍郎上元  
唐列傳 卷四 五

中進同中書門下三品兼太子左庶子尚宗欲使武  
后攝國政義琰與郝處俊固爭章懷太子之廢盡赦  
官臣罪庶子薛元超等皆蹈舞義琰獨引咎涕泣搢  
紳義之宅無正寢弟義璉為市堂材送之義琰曰以  
吾為國相且自愧尚營美宇是速吾禍豈愛我者邪  
會改葬其先使舅家移塋而兆其所帝聞怒同是人  
不可使乘政義琰懼以疾乞骸骨致仕垂拱初起為  
懷州刺史自以失武后意辭不拜卒子巢幼豪俊善  
騎射不治細行義琰常拘之絕其交遊後亡走關下

陳利官并監察御史與李義府同按柳與韓瑗  
獄遷殿中上書忤旨貶龍編主簿

### 上官儀

上官儀字游韶陝州人貞觀初擢進士第召授弘文  
館學士太宗每屬文遣儀視藁高宗即位進西臺侍  
郎時以雍州司士參軍常絢為殿中侍御史或疑非  
選儀曰此野人語耳御史供奉赤墀下接武夔龍蓬  
羽為驚豈雍州判佐比乎儀工詩其辭綺錯婉媚及  
貴顯人多效之謂為上官體麟德元年坐梁王忠事

### 唐列傳

### 卷四

### 六

下獄死籍其家初武后得志遂率制帝專威福帝不  
能堪召儀與議儀請廢后后由是深惡儀至是許敬  
宗構儀與忠大逆子庭芝歷周王府屬亦被殺

### 常仁壽

常仁壽京兆萬年人也隋大業末為蜀郡司法書佐  
高祖入關遣使者定蜀承制擢雋州都督長史南寧  
州納款朝廷歲遣使撫按至率會齊邕人苦之多畔  
去帝素聞仁壽治理詔檢校南寧州都督寄治越嶲  
詔歲一按行慰勞仁壽將兵五百人循西洱河開地



數千里將還父老悲啼祖行仁壽請徙治南寧州假  
兵遂撫定詔可敕益州給兵護送刺史資軼疾其功  
詠言山條方叛未可以遠畧不時遣歲餘卒

張允濟

張允濟青州北海人也仕隋爲武陽令元武民以牂  
牛依婦家者久之孳十餘犢將歸而婦家不與牛民  
訴縣不能決乃請允濟允濟曰若自有令吾何與爲  
民泣訴其抑因令左右縛民蒙其首過婦家云捕盜  
牛者命盡出其家牛質所來婦家不知遷曰此婦家

唐列傳

卷四

七

牛我無豫即遣左右撤蒙曰可以此牛還婦家叩  
頭服罪遷高陽郡丞郡乏太守獨統郡事吏下畏悅  
貞觀初累遷刑部侍郎封武城縣男擢幽州刺史卒

李素立

李素立趙州高邑人也曾祖義深仕北齊爲梁州刺  
史父政爲隋水部郎使淮南死於盜素立仕武德初  
擢監察御史民犯法不及死高祖欲殺之素立諫止  
帝嘉納由是恩顧特異以親喪解官起授七品清要  
貞觀中轉揚州大都督府司馬初突厥鐵勒部內附

卽其地爲瀚海都護府詔素立領之於是闕泥別部

數梗邊素立以不足用兵遣使諭降夷人感其惠率

馬牛以獻素立止受酒一盃歷太僕鴻臚卿累封高

邑縣侯出爲綿州刺史未幾初徙蒲州將行遷所餘

儲糧并什器於州齋家書就道卒孫至遠少秀悟能

治尚書左氏春秋撰周書起后稷至赧爲傳紀令狐

德棻許其良史始調蒲州叅軍累補乾封尉上元時

制策高第授明堂主簿歷遷天官侍郎知選事至遠

之知選以內史李昭德進人或勸其往謝荅曰公以

唐列傳

卷四

八

公用我奈何欲謝以私卒不詣一街之出爲壁州

刺史卒至遠父休烈亦有文終對今年四十九子會

初歷汜水主簿遇事盡銳擢右臺監察御史裏行臺

廢授監察御史累轉國子司業事毋謹累世同居

田仁會

田仁會雍州長安人祖軌隋幽州刺史封信都郡公  
父弘襲封至陵州刺史仁會擢制舉累仕左武侯中  
郎將太宗征遼東薛延陀以數萬騎掩河內詔仁會  
與執失思力率兵擊敗之尾逐數百里未幾中爲平

州刺史歲旱自恭以祈雨大至穀登五遷勝州都督境有風賊依山剽行人仁會發騎捕格夷之入爲太府少卿所得祿估有贏輒入之官有女巫傳鬼道惑衆自言能活死人市里尊神之仁會劾徙於邊轉右衛將軍以年老乞骸骨卒年七十八

### 薛大鼎

薛大鼎字重臣蒲州汾陰人也父粹隋介州長史與漢王諒同反誅大鼎爲官奴流辰州用戰功得還高祖兵與謁見龍門卽說帝傳檄遠近據天府示豪傑

### 唐列傳

卷四

九

爲拊背扼喉計帝奇之時諸將已決策先攻河東故議置授大將軍府寮非採出爲山南道副大使開屯田以實倉廩趙郡王孝恭討輔公祏以爲饒州道軍師引兵度彭蠡湖以功遷涪州刺史累徙滄州無棣渠久塞大鼎浚治屬之海商賈流行里民歌之又疏長蘆漳衛三渠泄汗潦水不爲害是時鄭德本在瀛州賈敦頤爲冀州皆有治名故河北稱鑛脚刺史末徽中遷行荊州大都督長史卒子克構永隆初歷戶部郎中族人黃門侍郎顓以弟紹尚太平公主問於

克構答曰室有傲婦善士所惡顓不敢沮而紹卒誅

### 皇甫無逸

皇甫無逸字仁儉京兆萬年人也父誕隋并州總管府司馬漢王諒反逼之不從見殺封無逸平與侯帝被殺乃與段達元文都立越王侗及王世充篡棄毋妻斬關自歸追騎及無逸顧曰吾有死終不能同爾爲逆解金帶投之地曰以與爾無相困騎爭下取由是獲免高祖以無逸本隋勲舊尊遇之拜刑部尚書封渭國公皇甫希仁儉人也誣告無逸陰交世克帝

### 唐列傳

卷四

十

判其詐斬之又有告無逸交通蕭銑者按之無狀遂斬告者拜民部尚書徙益州大督府長史所至輒閉閣不通賓客所須皆市易它境常按部宿民家燈炷盡主人將續進無逸抽佩刀斷帶爲炷每上表輒讀數十猶懼未審使者上道追省再三乃得遣毋在長安疾篤太宗命馳驛召還承問憂悸不能食道病卒

### 李襲志

李襲志字重光其先本隴西狄道人也五世祖避地更爲金州安康人仕隋始安郡丞大業末盜賊起襲

志傾私產募士得三千人乘城州盜蕭銑林士弘屢  
攻之不下聞煬帝喪乃與士民縞素三日臨為銑所  
陷僞署桂州總管武德初高祖賜書命其子玄嗣召  
之襲志約領南首末平郡守李光度潛圖歸國及銑  
平領南六十餘州皆送款趙郡王孝恭承制授桂州  
總管五年來朝封始安郡公後討輔公祏轉桂州都  
督襲志守桂二十八年政尚清省南荒便之表請入  
朝以汾州刺史致仕卒

姜暮

唐列傳

卷四

十一

姜暮秦州上邽人也隋大業末為晉陽長高祖在太  
原謀深自結及大將軍府建引為司功參軍從平霍  
邑絳郡兵遂渡河謀部勒一夕濟高祖嘆其畧進平  
長安除長道縣公薛舉寇秦州詔安撫隴外乃與實  
軌出散關下漢陽遇薛舉與戰軌敗召謀還朝為員  
外散騎常侍後仁杲平擢秦州刺史暮至撫邊俗以  
恩信改守隴州以老去職貞觀元年卒子確字行本  
以字顯貞觀中為將作少匠遷宣威將軍高昌之役  
為行軍副總管有功還為金城郡公帝將征高麗行

本諫不從至蓋牟城中流矢卒子簡嗣武后時至左  
庶揚衛將軍攝地官尚書通事舍人內供奉子皎長  
安中為尚衣奉御玄宗在藩邸皎悉心焉及即位自  
潤州長史召授殿中少監後將誅竇懷貞等皎與審  
議以功進殿中監楚國公弟晦又為吏部侍郎有權  
寵開元五年下詔放歸田里久之復為秘書監十年  
坐洩禁中語流欽州道病死年五十後以其子慶初  
尚主更贈吏部尚書晦起家蒲州叅軍開元初擢御  
史中丞先是未嶽顯慶時御史不拜宰相銜命使四  
方者廷中揖見後稍屈下至晦獨猶舊體

唐列傳

卷四

十一

唐列傳卷之五

蘇烈

蘇烈字定方以字行冀州武邑人也後徙始平父邑  
 常隋季率里中數人為本郡討賊定方年十五從父  
 戰數先登陷陣邑卒代領其眾破劇賊張金稱楊公  
 卿迨北數十里貞觀初從李靖襲突厥頡利於磧口  
 遷左衛中郎將與程名振討高麗拜左屯衛將軍陪  
 清縣公顯慶元年從葱山道大總管程知節征賀魯  
 至鷹沙川副總管王文度疾其功二年程伊麗遣行  
 軍大總管復征賀魯以任雅相回紇婆濟為副出金  
 山北先擊木昆部破之唐之州縣極西海矣高宗臨  
 軒定方戎服奉賀魯以獻拜左驍衛大將軍那國公  
 別封子慶節為武邑縣公四年恩結關侯斤都曼先  
 鎮諸胡劫所部及疏勒朱俱波喝藥陀三國復叛詔  
 定方還為安撫大使率兵至葉葉水都曼計窮遂而  
 縛降葱海以西遂定遷左武衛大將軍出馬神丘道  
 大總管率師討百濟王義慈及太子隆北走百濟平  
 俘義慈降恭等獻東都定方所滅三國皆生執其王

賞資珍寶不可勝計加慶節尚輦奉御未幾為遼東  
 道行軍大總管俄徙平壤道破高麗之眾於沮江奔  
 馬邑山為營遂圍平壤會大雪解圍還拜涼州安集  
 大使以定吐蕃吐谷渾乾封二年卒年七十六

郭孝恪

郭孝恪許州陽翟人也隋亂率少年數百附李密使  
 與李勣守黎陽密敗勣遣孝恪送款封陽翟郡公竇  
 建德之拔洛也孝恪上謁秦王進計王然之賊平遷  
 上柱國歷貝越江涇四州刺史貞觀十六年拜涼州  
 都督改安西都護西州刺史高昌舊都流徙罪人與  
 鎮兵雜限以沙磧隔絕中國孝恪推誠撫御盡得其  
 歡心初王師滅高昌詔以所虜焉耆生口七百還焉  
 耆王王叛歸欲谷設可汗孝恪請擊之命拜崑河道  
 副大總管進討龜茲龜茲國相那利遁去孝恪以餘  
 部未平出營於外那利率眾陰與城內胡為應薄城  
 鼓譟孝恪殊死關中流矢卒子待詔亦歿將軍曹繼  
 叔進兵復拔其城次于待詔官左豹騎衛將軍咸亨  
 初副薛仁貴討吐蕃曠大非川敗績貸死為民

張儉

張儉字師約京兆新豐人也祖威附相州刺史皖城郡公父植車騎將軍連城縣公儉高祖從外孫也高祖起儉以功除右衛郎將遷朔州刺史時頗利可汗方疆每有求取所遣官輒稱詔勅遣吏不敢却及儉獨拒不受大教以管田歲收穀數十萬斛李靖既平突厥有恩結部者窮歸於儉儉受而安輯之儉徙勝州後將不察其然遂處思結叛朝廷議遣討時儉以母喪奪服為使者撫納之遂檢校代州都督建平縣

唐

卷五

三

法遷營州都督兼護東夷校尉坐事免詔白衣領職營州部與契丹奚靺鞨諸蕃切吟而麗引表入寇儉率兵破之復拜營州都督太宗將征遼東遣儉率蕃兵先進累地累封皖城郡公未幾初卒年六十儉兄太師華州刺史武德縣男弟延師左衛大將軍亮陽郡公兄弟三人門皆立戟時號三戟張家

薛仁貴

薛仁貴絳州龍門人少貧賤以田為業將攻其先妻柳曰今天子自征遼東求猛將君意圖功名以自

顯富貴還鄉葬未晚仁貴適往見將軍張士應募至

安地會郎將劉君叩為賊所圍仁貴馳救之斬賊將

係首馬鞍賊皆懾伏由是知名王師攻安市城高麗

莫離支遣將高延壽等率兵二十萬拒戰仁貴著白

衣自標顯持戟腰鞬兩弓呼而馳所向披靡帝召見

嗟異賜金帛口馬甚眾授游擊將軍師還帝謂曰朕

不喜得遼東喜得君將遷右領軍中郎將高宗幸萬

年宮山水暴至夜突玄武門仁貴登門大呼帝遽出

乘高俄而水入帝寢三年詔副程名振經畧遼東破

唐列傳

卷五

四

高麗於貴端城俄與辛文陵破契丹於黑山封河東

縣男詔副鄭仁恭為鐵勒道行軍總管將行宴內殿

帝曰古善射有穿七札者卿試以五甲射焉仁貴一

發洞貫帝大驚更取堅甲賜之時九姓畧十餘萬令

馳騎數十來挑戰仁貴發三矢輒殺三人軍中歌曰

將軍三箭定天山壯士長歌入漢關乾封初高麗泉

男生內附遣將軍龐同善高偏往慰納弟男建率國

人拒弗納乃詔仁貴率師援送同善至新城夜為虜

襲仁貴擊之與李勣軍合扶餘既降亡四十城相率

送款有詔仁貴率兵二萬與劉仁軌鎮平壤尋奉術  
大將軍封平陽郡公咸亨元年吐蕃入寇命爲羅娑  
道行軍大總管率將軍阿史那道真郭待封擊之以  
援吐谷渾待封嘗爲鄱城鎮守與仁貴等夷及是耻  
居其下頗違節度王師大敗仁貴與吐蕃將論欽陵  
約和迺得還吐谷渾遂沒仁貴嘆曰今歲在庚午星  
在降妻不應有事西方鄱艾所以死於蜀吾固知必  
敗有詔京死除名爲庶人未幾高麗餘衆叛起爲鷄  
林道總管後坐事貶象州會赦還拜檢校代州都督  
唐 卷五 五  
率兵擊突厥元珍於雲州突厥問曰唐將爲誰曰薛  
仁貴突厥曰吾聞薛將軍派象州死矣安得復生仁  
貴脫兜鍪見之突厥相視失色下馬羅拜稍稍遁去  
仁貴因進擊大破之未淳二年卒年七十子訥字慎  
言起家城門郎遷藍田令富人倪氏訟息錢於蕭政  
墓中丞來俊臣受賕發義倉粟數千斛償之訥曰義  
倉本備水旱安可絕衆人之仰私一家報上不與後  
突厥擾河北武后以訥攝安東道經畧使召對同明  
殿具言醜虜馮暴以廬陵王藉言今雖還東宮誠不

堅信若太子無動賊不討而解后納其言開元初玄  
宗講武新豐詔訥爲左軍節度時諸部頗失序唯訥  
與解琬軍不動尤見慰勞明年契丹奚突厥連和數  
入邊訥請討詔藍門將軍杜賓客定州刺史崔宣道  
與訥帥衆二萬出檀州賓客議方暑士負戈羸粮深  
討慮恐無功姚元崇亦持不可訥獨曰夏草薦茂羔  
犢方息因盜資振國威寧不可失也師至溧河與賊  
遇諸將爲虜虜亡其軍訥脫身走而罪宣道及大  
將李思敬等八人有詔斬以徇獨賓客免盡奪官爵  
唐列傳 卷五 六  
俄而吐蕃大酋坐達延乞力徐等衆十萬寇臨洮入  
蘭州剽牧馬詔訥白衣攝羽林將軍爲隴右防禦使  
與郭知運王峻擊之追及賊戰武街驛破其衆尾北  
至洮水又戰長城堡殺酋數萬復封平陽郡公以子  
暢爲朝散大夫開元三年爲朔方行軍大總管討突  
厥四年突厥降戶叛訥討破之久之以老致仕卒年  
七十二子嵩大曆初封高平郡王嵩子平字坦途年  
十二爲磁州刺史累授右衛將軍宿衛三十年宰相  
杜黃裳擢爲汝州刺史王師討蔡授鄭滑節度使數

戰有功始河溢馭子東泛滑距城纔二里許平拔求  
故道出黎陽西南因命其佐裴弘泰往請魏博節度  
使田弘正弘正許之迺藉民田所當者易以他地既  
道二十里以醮水悍還墻田七百頃於河南自是滑  
人無患入爲左金吾衛大將軍未幾復帥鄭滑李師  
道平詔分淄青齊登萊五州爲平盧軍徙爲節度使  
魏國公在鎮六年以司徒致仕卒年八十子從以蔭  
授左清道率府兵曹參軍

王方翼

唐列傳

卷五

七

王方翼字仲翔并州祁人也祖裕尚隋同安大長公  
主官開府儀同三司卒方翼早孤時號孝童母李爲  
主所斥居鳳泉墅方翼尚幼雜庸保執苦燎松丸墨  
爲富家主晝還京師嘗夜見長人丈餘引弓射仆之  
乃朽木也太宗擢右千牛高宗立而從祖女弟爲皇  
后調安定令誅滅大姓姦受脅息徙輸海都護司馬  
坐事下遷朔州尚德府果毅歲餘代還其友趙持滿  
誅死尸諸道親戚莫敢視方翼往哭具禮收葬金吾  
劾繫帝嘉之不罪再遷肅州刺史無陞遷乃發卒建

樓堞使行儉計遼甸奏爲副兼檢校安西都護徙故  
都談杜懷寶延州刺史方翼築碎葉城西胡其湖共  
方畧悉獻珍貨未幾徙方翼延州刺史而懷寶鎮安  
西遂夾番戎之和永淳初吐蕃阿史那車薄噶叛圍  
弓日城方翼引軍戰伊麗河敗之俄而三姓咽麋兵  
十萬踵至方翼次熱海進戰西城平以功遷夏州都  
督屬牛夜民廢田作方翼爲耦耕法明年召議西域  
事引見奉天宮賜食帝前帝見衣有汗澤處問其故  
具對熱海苦戰狀視其創帝咨嗟久之賜資良厚俄

唐列傳

卷五

八

賊白鐵余以綏州反詔與程務挺討之封太原郡公  
阿史那元珍入寇被詔進擊因降桑乾舍利二部武  
后時王后屬無在者方翼自恃功名冀不坐而後欲  
因罪除之未得也及務挺被殺詔召方翼追入朝捕  
送獄流崖州卒於道年六十三方翼善書與魏叔琬  
齊名子稟字伯玉與兄璵弟增以文學稱天授初珣  
及進士第推長安尉因進見武后詢其族氏對曰廢  
后臣之姑也后不悅左遷臺州司法參軍神龍初爲  
河南丞武三思矯制貶臨川令宋璟輔政召授侍御

史累遷工部侍郎而璿至中書舍人璿嘗爲秘書少監數年而璿繼職終右散騎常侍卒子鏞天寶中歷殿中侍御史璿子鏞

契苾何力

契苾何力鐵勒哥論易勿施莫賀可汗之子也父葛隋末爲莫賀咄特勒何力九歲而孤號大俟利發貞觀六年與母率衆千餘詣沙州內屬太宗處其部於并涼二州推何力左領軍將軍九年與李大亮薛萬徹萬均討吐谷渾於赤水川萬均率騎先進爲賊所

唐

卷五

九

包兄弟皆中創墮馬步闌士死十七八何力馳壯騎冒圍奮擊虜披靡去是時吐谷渾王伏允在突淪川何力欲襲之萬均不可何力曰賊無城郭逐薦草羹水以爲生不乘其不虞正恐鳥驚魚駭後無以窺其巢穴乃閤精騎千餘直搗其牙斬首數千級伏允挺身免有詔勞軍於大斗拔谷萬均耻名出其下乃排何力引功自名何力不勝憤投刀起將殺之諸將勸止及還帝責問其故何力具言萬均敗狀帝怒將解其官授何力何力頓首曰以臣而解萬均官恐四夷

聞者謂陛下重夷輕漢則誣告益多又夷狄無知謂漢將皆然非示遠之義帝重其言乃止有詔宿衛北門檢校屯營事尚臨洮縣主十四年爲葱山道副大總管與討高昌平之始何力毋姑臧夫人與弟沙門在涼州沙門爲賀蘭都督十六年詔何力往視毋於是薛延陀毗伽可汗方強契苾諸酋爭附之乃脅其毋弟使從何力驚謂其下曰上於爾有大恩且遇我厚何遽反皆曰可敦都督去矣尚何顧何力曰弟往侍兄矣我義許國不可行衆執之至毗伽牙下何力

唐列傳

卷五

十

箕踞拔佩刀東向呼曰有唐烈士受辱賊廷邪卽割左耳誓不屈帝征高麗詔何力爲前軍總管封虜國公顯慶中爲沮江軍行軍大總管龍朔初復拜遼東道行軍大總管總章儀鳳間吐蕃滅吐谷渾勢益張入寇鄯州河坊等州詔周王爲洮州道相王爲涼州道行軍元帥率何力等討之二王不行何力亦率子明授上柱國封漁陽縣公李敬玄征吐蕃明爲相海道經畧使以戰功進左威衛大將軍襲封子聿襲爵

阿史那社尒



阿史那社余突厥處羅可汗之次子也年十一拜折  
設建牙碛北與頡利子欲谷設分統鐵勒回紇僕骨  
同羅諸郡處羅辛亥毀如禮治象十年無苛歛貞觀  
元年爲薛延陀所敗又與西突厥不平出是率衆內  
屬十年入朝授左驍衛大將軍處其部於靈州詔尚  
衡陽長公主爲驃馬都尉典衛屯兵十四年以交河  
道行軍總管平高昌封畢國公從征遼東中流矢擢  
去後戰有功還擢兼鴻臚卿二十一年以崑丘道行  
軍大總管與契苾何力郭孝恪楊弘禮李海崖等五

唐列傳

卷五

十一

將軍發鐵勒十三部及突厥騎十萬討龜茲因說于  
開王入朝獻馬畜三百餉軍西突厥焉者安國皆爭  
犒師孝恪之在軍牀帷器用多飾金玉以遺社余社  
余不受帝問曰三將優劣不復問人矣未幾六年卒

執失思力

執失思力突厥酋長也貞觀中讓送隋蕭后入朝授  
左領軍將軍會頡利敗太宗令諭降渾解薩部落稍  
親近帝遂免苑中思力諫陛下爲四海父母乃自輕  
臣竊矜之帝異其言後復逐鹿思力脫巾帶固諫帝

爲止及討遼東詔屯金山道領突厥扞薛延陀詔尚  
九江公主拜驃馬都尉封安國公坐交房遺愛高宗  
以其戰多赦不誅流嵩州龍朔中以爲歸州刺史卒

蔣儼

蔣儼常州宜興人擢明經第爲右屯衛兵曹參軍太  
宗將伐高麗募爲使者人皆憚行儼奮曰以天子雄  
武四夷畏威葦爾國敢圖王人有如不幸固吾死所  
也遂詣行爲莫離支所囚以兵脅之不屈內窟室中  
高麗平乃得歸爲幽州司馬劉祥道以巡察使到都

唐列傳

卷五

十二

表此狀再遷殿中少監數陳時政高宗輒優納進蒲  
州刺史徙太子右衛副率中宗在東宮儼數爭過失  
不見用以摠調護不應諫田游巖與處士爲洗馬太  
子所專禮儼論書責之游巖愧不能答封義興縣子  
以太子詹事致仕卒年七十八

劉威

劉威岐州鳳泉人後魏司徒豐生孫也武德初以驍  
騎將軍戍涇州爲薛仁果所圍城番陷長平王叔良  
救之賊乃解與叔良出戰爲賊執至死晉益甚賊平

高祖購得其尸祭以少牢贈瀛州刺史爵平原郡公

常達

常達陝州人仕隋為鷹擊郎將嘗從高祖征伐與宋  
老生戰霍邑軍敗自匿帝意已死久乃自歸帝大悅  
拜隴州刺史時薛舉方強仁果伺隙劫之歸舉指其  
妻謂達曰識皇后乎答曰彼老嫗何所道舉奴張貴  
又曰亦識我否達瞋目曰若乃奴耳貴忿舉笏擊其  
面達不為懼亦拔刀逐之趙安弘為諷憚乃免仁果  
平帝見達勞忠節以達并劉威事授史官令孫德茶

唐列傳

卷五

十三

呂子臧

呂子臧蒲州河東人大業末為南陽郡丞高祖入京  
師遣馬元規慰輯山南獨子臧堅守及煬帝已弒帝  
更使其塔薛若債詔諭子臧就拜郢州刺史封南陽  
郡公武德初朱粲新郟子臧率兵與元規并力元規  
兵不進子臧請以所部兵獨進又不許子臧扼腕曰  
謀不見用坐公死矣賊圍固會霖雨雉堞崩剝或勸  
其降子臧曰我天子方伯且降賊乎乃率麾下數百  
人赴敵死之城亦陷元規死之元規安陸初以隊正

從帝征伐持節下南陽得兵萬餘然無謀以至於敗

敬君弘

敬君弘絳州絳人北齊右僕射顯傳曾孫也累功封  
黔昌侯以屯營兵守玄武隱太子之死其車騎將軍  
馮立者與巢王親將討叔方率兵攻玄武門殊死鬪  
君弘挺身出與中郎將呂世衡呼而進皆戰歿立顧  
其下曰足以報太子矣遂解兵走尉遲敬德擣巢王  
首示叔方下馬慟亦出奔明日自歸太宗曰義士也  
俄而立又至帝亦勞遣之立已蒙貸歸語人曰上赦

唐列傳

卷五

十四

王行敏

王行敏并州樂平人隋末為盜長高祖興來降拜潞  
州刺史遷屯衛將軍劉武周入并州寇上黨取長子  
壹關或言刺史郭子武懦不支且失潞帝遣行敏馳  
往既至與子武不叶賊圍急備侍空乏製制惟行敏  
患之會有告子武謀反遂斬之州民陳正諫者以信  
義稱鄉里出粟千石濟軍由是人人自為賊乃去行

敏又敗竇建德兵於武涉武德四年督兵徇燕趙與  
劉黑闥戰歷亭破之既而釋甲不設備為黑闥所掩  
縛致麾下終不屈賊遂斬之黑闥之亂死事者又有  
盧士儼李玄通士儼客韓城高祖與之舊及兵興率  
數百人上謁汾陰又使兄子論降劇賊孫華與劉弘  
基敗隋將桑顯和於飲馬泉累擢瀛州刺史黑闥遣  
輕騎破其郭拒戰為賊禽欲使說下城堡不從見殺  
玄通蓋田人為隋鷹揚郎將高祖入關率所部自歸  
拜定州總管為黑闥所破欲以為將玄通不聽囚之

唐列傳

卷五

十五

故吏有餉飲者玄通縱飲謂守者曰吾能劍舞可借  
刀守士與之仰天太息潰腹死帝為流涕擢其子伏  
護大將軍

傳奕

傳奕相州鄴人開皇中以儀曹事漢王諒諒反問奕  
今茲榮惑入非果若何對曰東井黃道所由榮惑之  
舍烏足怪邪若入地上井乃為災諒怒及敗奕以對  
免徙扶風高祖為扶風太守禮之及即位拜太史丞  
會度儉以父質占候忤煬帝死懲其辜耻以衡顯薦

奕武德七月上疏極詆浮圖法又上十二論言益痛  
切九年太白躔秦分奕奏秦王當有天下帝以奏付  
王及太宗即位召賜食謂曰向所奏幾敗我又嘗問  
卿拒佛法奈何奕曰佛西胡黠人爾欺誅夷狄以自  
神至入中國而熾見勿夫摸象非老以文飾之有害  
國家而無補百姓也貞觀十三年卒年八十五

呂才

呂才博州清平人貞觀時祖孝孫增損樂律與音家  
王長通白明達更質難不能決太宗詔侍臣舉善音

唐列傳

卷五

十六

者中書令溫彥博白才天悟絕人侍中王珪魏徵盛  
稱才製尺八几十二枚長短不同與律諧契即召直  
弘文館參論樂事帝嘗覽周武帝三局象經不能通  
或言太子洗馬蔡允恭能之問允恭少通其畧老乃  
忘試問才一息即解具圖以聞累擢太常博士帝病  
陰陽家所傳書多謬偽淺惡世益拘畏命才與宿學  
老師刪落煩訛凡百篇詔頒天下才於持議僞而不  
俱其言不甚文要欲救俗失切時事俾易曉也帝又  
詔造方域圖及教飛騎戰陳屢稱旨擢太常丞麟

德中以太子司更大夫卒子方毅教能誦經太宗聞其敏召見奇之賜束帛爲右衛總管參軍母夜以毀卒布車從母葬通人郎餘令以白粥玄酒生芻祭路隅世共哀之

李淳風

李淳風岐州雍人父播仕隋高唐尉兼官爲道士號黃冠子淳風明於天曆算貞觀初與傅仁均爭曆法議者多附淳風故以將仕郎直太史局制渾天儀改太史丞與諸儒修書遷爲令淳風於占候吉凶若節曆列傳卷五十七

僧一行

一行張公謹之孫武三思請結交逃匿隱於僧梵律玄宗強起之詔與率府兵曹梁令瓚造渾天儀卒道士邢和璞謂人言一行其聖人乎漢洛下閻造曆言後人百歲當差一日必有聖人正之今適其期矣

唐列傳卷之六

郝處俊

郝處俊安州安陸人父相貴與婦翁許紹據峽州歸國封甌山縣公處俊甫十歲而孤及長好學嗜漢書能暗誦貞觀中第進士解褐著作佐郎襲父爵兄弟友睦事諸舅甚謹補滕王友耻爲王府屬兼官去父之累遷吏部侍郎高麗叛詔李勣往討俊副之虜御製壯其謀入拜東臺侍郎時浮屠盧伽逸多治丹上欲遂餌之處俊諫乃止進同東西臺三品咸亨初幸

唐列傳卷六

東都皇太子監國諸宰相皆留而處俊獨從帝嘗曰我常疑秦法爲寬荆軻匹夫耳匕首竊發群臣皆背戟侍莫敢拒處俊對曰此乃法惡耳秦法輒升殿者夷三族人皆懼族安有敢拒邪魏曹操著令曰京城有變九卿各守其府後嚴才亂與徒數十人攻左掖門操登銅雀臺望之無敢救者時王修爲奉常聞變召車騎未至領屬步至宮門操曰彼來者必王修乎此由修察變議殺故冒法赴難向若拘常則遂成禍矣轉中書侍郎監修國史初顯慶令狐德芬劉胤之

撰國史其後許敬宗復加編次帝恨敬宗所紀失實更命宰相加刊正處俊與帝論史官之失甚詳帝多疾欲遜位武后俊極諫拜侍中罷為太子少保開耀元年卒年七十五詔百官赴哭官庀喪事子北叟固辭處俊性資約素臨事政言自秉政况獻得大臣體與舅許闔師同里俱宦達鄉人田氏彭氏以高貲顯故江淮間為語曰貴如郝許富如田彭孫象賢番拱中為太子通事舍人后素銜處俊故因事誅之臨刑極罵乃死后怒令磔其尸斲夷祖父棺冢

裴行儉

裴行儉字守約絳州聞喜人父仁基隋光祿大夫自王世充所謀歸國被害贈原州都督諡曰忠行儉幼引蔭補弘文生貞觀中舉明經調左屯衛翕曹參軍遷長安令高宗將立武昭儀行儉以為國家憂從此始坐左除西州都督府長史麟德二年累擢安西都護西域諸國多慕義歸附遷吏部侍郎與李敬玄馬載同典選有能名時號裴馬行儉始設長名榜銓法等法又定州縣升降資擬高下為故事調露元年十

姓可汗阿史那都支及李遮旬誘薛落以勦安西與吐蕃連和朝廷欲討之帝用行儉議詔行儉冊遣波斯王且為安撫大食使徑莫賀延磧風磧盡冥導者迷將士饑乏行儉止營致祭令曰水泉非遠衆少安俄而雲徹風恬行數百步水草豐美後來者莫識其處衆皆驚以方漢貳師將軍至西州諸蕃郊迎行儉揚言大熱難進宜駐軍須秋都支覘知之不設備行儉徐召四鎮酋長餽約收乃陰勒部伍數日倍道而進去都支帳十餘里先遣其所親問安否外若開帳

裴行儉

非討襲者又使人趣召都支都支本與遮旬計及秋拒使者已而聞軍至倉卒不知所出率子弟五百餘人詣營謁遂禽之突厥阿史德温博反單于管二十四州叛應之衆數十萬都護蕭嗣業討賊不克死敗係踵末隆元年詔行儉為定襄道行軍大總管討之率大僕少卿李思文營州都督周道務部兵十八萬合西軍程務挺東軍李文暉等總三十餘萬旂幟亘千里行儉威節制之封開善縣公永淳元年十姓突厥車薄奴復為金牙道大總管未行卒年六十四行

儉工草隸名家帝嘗以絹素詔寫文選覽之秘愛其  
法賁物良厚行儉每曰務遂良非精筆佳墨未嘗輒  
書不擇筆墨而研徒者余與虞世南耳在吏部時見  
蘇味道王勣謂曰二君後皆掌銜衛又知王楊盧駱  
四人皆不得死所引偏裨如王方翼等皆爲世名將  
子光廷字連城早孤毋庫狄氏有婦德武后召入宮  
爲御正甚見親寵光廷由是累遷太常丞以武三思  
壻坐貶開元中擢鴻臚少卿玄宗有事岱宗張說欲  
加兵守邊光廷議使突厥說因奏用廷策突厥果遣  
唐列傳 卷六

劉仁軌

劉仁軌字正則汴州尉氏人少貧賤好學武德初補  
息州叅軍轉陳倉尉部人折衝都尉嘗率者豪縱犯

法仁軌榜殺之帝以爲剛正更擢咸陽丞貞觀十四  
年校獵同州時秋歛未訖仁軌詳諫遷給事中爲李  
義府所惡出爲青州刺史顯慶五年伐遼義府欲斥  
以罪使督漕而船果覆沒坐免官白衣隨軍初蘇定  
方旣平百濟留郎將劉仁願守其城百濟故將福信  
及浮屠道琛迎故王子扶餘豐立之引兵圍仁願詔  
仁軌兵爲援遂營屯田以經畧高麗仁願至京師推  
仁軌能超進六階先是貞觀末嶽中士戰歿者皆詔  
使吊祭或以贈官推授子弟顯慶後討伐恩賞殆絕  
唐列傳 卷六

仁軌具論其弊又表用扶餘降使綏定餘衆時劉仁  
願爲平列道總管詔率兵度海還仁軌乞留屯及封  
泰山仁軌乃率新羅百濟僑羅倭四國酋長赴會天  
子大悅擢爲大司憲遷右相封樂成縣男總章元年  
副李勣討高麗平之以疾辭位聽致仕咸亨五年爲  
鷄林道大總管東伐新羅進爵爲公吐蕃入寇命爲  
澆河道行軍鎮守大使永隆二年加太子少傅帝幸

東都太子監國詔仁軌與裴炎薛元超留輔及太子  
赴東都又詔太孫重照留守仁軌副之武后臨朝後

拜左僕射且既辭疾因陳呂后祿產禍敗事以規后  
改文自左相同鳳閣鸞臺三品卒年八十五仁執嘗  
爲御史袁異式所劾慢辱之脅使引決及拜大司憲  
異式尚在臺不自安因醉以情自解仁執持觴曰所  
不與公者有如此觴子濬官太子舍人垂拱中爲酷  
吏所殺濬子晃開元中爲給事中

婁師德

婁師德字宗仁鄭州原武人第進士調江都尉揚州  
長史履承業異之曰子白輔器也上元初爲監祭御

唐列傳 卷六

六

史會吐蕃盜邊劉審禮戰歿師德奉使收敗亡於洮  
河因使吐蕃後募猛士討吐蕃乃自奮戴紅抹額來  
應詔高宗假朝散大夫使從軍有功遷殿中侍御史  
兼河源軍司馬并知營田事與虜戰白水洞八遇八  
克天授初爲檢校豐州都督衣皮袴率土屯田積穀  
數百萬兵以饒給長壽元年召授鳳閣鸞臺平章事  
復以爲營田大使入遷秋官尚書原武縣男並知政  
事聖曆三年突厥入寇詔檢校并州長史天兵軍大  
總管九月卒於會州年七十師德深沈有度量人有

忤已輒遷以自免不見容色嘗與李昭德偕行師德  
素豐碩不能遽步昭德進之志曰爲田舍子所習師  
德笑曰吾不田舍復在何人其弟守代州薛之官教  
之耐事弟曰人有唾面絮之乃已師德曰未也絮之  
是適其怒正使自乾耳嘗薦狄仁傑仁傑不知嘆其  
盛德與郝處俊相亞世之言長者稱婁郝

張文瓘

張文瓘字稚圭貝州武城人隋大業末徙家魏州之  
昌樂幼孤事母兄以孝友聞貞觀初弟明經補并州

唐列傳 卷六

七

參軍時李勣爲長史嘗嘆曰稚圭今之管蕭勣入朝  
及文瓘與屬僚二人皆感勣贈二人以佩刀玉帶而不  
故贈以刀某放誕少檢故贈以帶若子才無施不可  
馬用贈因極推引累授東西臺舍人參知政事乾封  
二年遂與勣同爲宰相諫造宮室征西夷兼大理卿  
不旬日斷疑獄四百執法平恕方蘇貞帝將討新羅  
文瓘力請息兵詔可初同列以堂饌豐餼欲少損文  
瓘曰此天子所以重樞務待賢才也吾等若不在職

當自引避不宜節臧以自取名參乃止卒年七十三  
四子潛沛為魏同二州刺史洽衛尉卿涉殿中監父  
子皆至三品時謂萬石張家

唐臨

唐臨字本德京兆長安人周內史瑾之孫武德初遷  
太子計王世克臨以策進說太子授右衛率府太子  
廢出為萬泉丞有難因久繫移疾臨悉縱歸與之約  
囚如期還再遷侍御史大夫常挺責著位不肅明日  
挺越次與江夏王道宗語臨進曰王亂班道宗曰與

唐臨傳

卷六

八

大夫語何至爾臨曰大夫亦亂班俄持節按獄交州  
出冤繁三千人累遷大理卿未幾元年蕭齡之當任  
都督受賂常死詔羣臣議請論如法詔戮於朝堂臨  
建言免死初來濟請嶺州李義府請普州臨奏許補  
為江南巡察使張倫劔南巡察使補與濟善而倫與  
義府有隙武后常右義府謂臨遣所私督其過坐免  
官起為湖州刺史卒年六十兄皎武德初為秦王府  
記室從三征討掌書機貞觀中官吏部侍郎子之奇  
給事中坐章懷太子屬徙邊後除括蒼令與徐敬業

起兵誅臨孫紹

常思謙

常思謙名仁約鄭州人八歲喪母以孝聞及進士第  
累調應城令負廢不得進官尚書高季輔曰予始得  
此一人擢監察御史常曰御史出使不能撻動山岳  
震耀州縣為不任職中書令褚遂良市地不如直思  
謙劾之及復相出思謙清水令或弔之答曰吾猶直  
觸機輒發駁郵身乎改侍御史累遷右司郎中尚書  
左丞進御史大夫後為右肅政大夫故事大夫與卿

唐臨傳

卷六

九

史鈞禮思謙獨不答曰班列故有差奈何尚姑息邪  
後致仕卒子承慶嗣立承慶字延休事繼母篤孝相  
進士第遷司議郎儀鳳中高宗詔太子監國太子稍  
嗜聲色興土功乃上疏極陳其端又進論善歲轉天  
官侍郎修國史凡三掌銓選授平允時議草放令威  
推承慶召使為之無撓色誤辭援筆而就製嘆其壯  
卒嗣立字延構與承慶異毋少友梯毋遇承慶嚴每  
管輅解衣求代毋不聽輅自稱毋威督為均愛世比  
晉王覽第進士承慶解鳳閣舍人武后召嗣立謂曰



爾父嘗稱二子忠且孝堪事朕比兄弟稱職如而父  
言今使卿兄弟自相代卽拜鳳閣舍人時學校廢刑  
濫及善人乃上書極諫長安中拜同平章事時州縣  
非其人后以爲憂李嶠唐休璟請選臺閣賢者分典  
大州嗣立請先行以示羣臣后悅以本官檢校汴州  
刺史由是楊再思等十八人悉補外景龍中中宗拜  
同中書門下三品時崇飾寺觀用度百出又恩倖食  
邑者衆嗣立建言今廉帑耗竭無一歲之儲伏見營  
立寺觀鴻侈繁麗又言願下有司精加汰擇凡諸曹

唐列傳

卷六

十

侍郎兩省二臺及五品以上清望官當先選用刺史  
縣令所冀守宰稱職以興太平帝不聽開元中元中  
卒初嗣立代承慶爲鳳閣舍人承慶亦代爲天官侍  
郎及知政事父子並爲宰相世罕其比

劉祥道

劉祥道字同書魏州觀城人父林甫武德時爲內史  
舍人典機密與蕭瑀等撰定律令歷中書吏部侍郎  
建請四時聽選隨到輒擬隨才銓錄厥以爲宜祥道  
少襲舅爵顯慶中遷吏部黃門侍郎知選事乃登補

敬闕上疏陳六事會杜正倫亦言入流者衆爲官人  
敵乃詔與祥道參議而執政彈改作又以勳戚子進  
取無他門遂格稍遷司刑大常伯每覆大獄必獻款  
累款奏決麟德初拜右相坐與上官儀善罷爲司禮  
太常伯進爵廣平公乾封元年致仕卒

高智周

高智周常州晉陵人第進士遷費令與丞尉均取俸  
民安其化入擢弘文館直學士嘗覆奕論碑者三拜  
壽州刺史其治尚文雅儀鳳初進同中書門下三品

唐列傳

卷六

十一

遷太子左庶子是時崔知溫劉景先脩國史智周與  
郝處俊監流久之罷爲御史大夫與薛元超裴炎同  
治章懷太子獄無所同異固表去位致仕卒

許敬宗

許敬宗字延族杭州新城人父善心仕隋爲給事中  
敬宗幼善屬文大業中舉秀才中第調淮陽書佐太  
宗聞其名召署文學館學士貞觀中除著作郎兼脩  
國史書謂所親曰仕宦不爲著作無以成門戶俄改  
中書舍人文德皇后表群臣成服率更令歐陽詢親

醜異敬宗談笑自如貶洪州司馬累轉給事中復游  
國史以勞封高陽縣男高宗卽位遷禮部尚書敬宗  
饕餮遂以女嫁蠻酋馮盎子多私所聘有司勦舉下  
除鄭州刺史俄復官爲弘文館學士帝將立武昭儀  
大臣切諫敬宗陰揣帝私妄劾田舍子更婦之說以  
况天子帝意遂定爵郡公帝嘗幸故長安城按碑徘徊  
御問侍臣秦漢以來幾君都此敬宗曰秦居咸陽漢  
惠帝始城之其後符堅姚萇宇文周居之帝復問漢  
武開昆明池實何年對曰元狩二年將伐昆明爲此

唐列傳 卷六

十一

池以出戰帝東封泰山以敬宗領使次濮陽帝問實  
德玄此謂帝丘何也德玄不能對敬宗曰臣能知之  
因對帝丘又對四瀆始虞世基與善心同遭賊害封  
德彝常曰昔吾見世基死世南匍匐請代善心死敬  
宗蹈舞求生世爲口實敬宗子娶尉遲敬德女孫而  
女嫁錢九隴子九隴本高祖謀奴也爲虛立門閭功  
狀至與劉文静等同傳敬宗嘗第舍華備至造連樓  
使諸妓走馬其上縱酒奏樂自娛嬖其婢因以爲  
室假姓虞子昂丞之敬宗怒黜虞奏斥昂嶺外又乃

表還咸亨初以特進致仕仍朝朔望卒年八十一太  
常博士袁思古議敬宗棄子荒微女稼墮落謚曰諱  
其孫彦伯詠思古有嫌詔更議博士王福時曰何曾  
忠而孝以日食萬錢謚繆醜况敬宗醜累過之執不  
改

李義府

李義府瀛州饒陽人其祖嘗爲射洪丞因客未泰貞  
觀中李大亮巡察劍南表義府才對策中第補門下  
省典儀劉洎馬周更薦之太宗召見轉監察御史詔

唐列傳 卷六

十三

侍晉王除舍人與司直郎來濟俱以文翰顯獻承華  
箴義府方語事太子而文致若讜直者高宗立遷中  
書舍人兼脩國史爲長孫无忌所惡奏斥登州司馬  
詔未下義府問計於舍人王德儉德儉者許敬宗甥  
善揣事知上欲立武昭儀爲后令義府建白義府卽  
代德儉直夜叩闕上表請廢后立昭儀義府與敬宗  
德儉及御史大夫崔義玄中丞袁公瑜大理正侯善  
素相推轂濟其姦誅棄骨鯁大臣義府貌柔恭與人  
言嬉怡微笑而陰賊福忌者于心凡忤意者皆中傷

之時號笑中刀又以柔而害物號曰人猶洛州有姦  
女淳于氏繫大理而美義府屬丞母正義出之納以  
為妾段實玄以狀聞詔給事中劉仁執侍御史張倫  
鞠治義府且窮逼正義自縊獄中以絕始謀侍御史  
王義方廷劾貸不問反為貶抑未幾進中書封河間  
郡公杜正倫同輔政特先進不相下密與中書侍郎  
李友益圖去義府反為所誣交訟帝前帝兩黜之明  
年召為吏部尚書同中書門下三品義府已貴乃言  
系出趙郡與諸李叙昭穆仕進者往往尊為父兄行  
又母妻諸子賣官市獄帝嘗從容戒義府義府勃然  
變色徐曰誰為陛下道此帝曰何用問我所從得邪  
義府不謝緩步而去帝由是不悅會義府與術者杜  
元紀出城候望氣色或告義府陰有異圖詔除名流  
寓州子率府長史治千牛備身洋及塔少府主簿柳  
元真並流延州司議郎津流振州三子及婿充凶肆  
人以爲誅四凶乾封元年大赦獨流人不許還義府  
憤志死年五十三少子湛見李多祚傳

唐列傳卷之七

魏玄同

魏玄同字和初定州鼓城人祖士廓仕齊為輕車將  
軍玄同進士擢第調長安令累官司列大夫坐與上  
官儀善流領外上元初會赦還工部尚書劉審禮表  
其才拜岐州長史再遷吏部侍郎永淳元年詔與中  
書門下同承受進止平章事封鉅鹿男上既言選舉  
法弊進拜文昌左丞玄同與裴炎締交能保終始時  
號耐久朋先是狄仁傑督太原運失米萬斛將坐誅  
玄同救免而河陽令周興未知也數於朝堂聽命玄  
同曰明府可去矣毋久當興以為阻已銜之至是誣  
玄同言太后老矣當復位皇嗣可以耐久后不察賜  
死于家年七十二監察御史房濟監刑謂曰丈人豈  
上變冀召見得自陳玄同曰人殺與鬼殺等耳不能  
為告事人玄同子恬字安禮事親以孝聞第進士為  
御史主簿開元中至穎王傳

劉禘之

劉禘之字希美常州晉陵人父子翼字小心在隋為

著作郎峭直有行貞觀初召之辭以母老詔許終養  
巡察使李襲譽嘉其孝表所居為孝慈里禘之少與  
孟利貞高智周郭正一俱以文辭稱號劉孟高郭並  
直昭文館上元中與元萬頃等偕召入禁中論次新  
書凡千餘篇高宗又密與參決時政以分宰相權時  
謂北門學士儀鳳中吐蕃寇邊帝訪侍臣所以置之  
討之之宜人人異謀禘之獨勸帝夷狄猶禽獸雖被  
不足枝帝納之俄拜相王府司馬檢校后既立  
帝以其叅奉大議愈親之賜爵臨淮縣男後私

傳 卷七

殿閣舍人賈大隱曰后能廢昏立明盡反政以安  
天下后怒賜死於家年五十七命其子執筆占為表  
于號塞不能書禘之乃自捉筆得數紙麟臺郎郭翰  
太子文學周思鈞悵嘆其文后惡之貶翰巫州思鈞  
播州翰者常為御史巡察隄右多所按劾次寧州時  
狄仁傑為刺史民爭言有異政翰薦於朝性寬簡讀  
老子至和其光同其塵慨然曰大雅君子以保其身  
乃辭憲官改麟臺郎云

吉頊

吉頊洛州河南人長七尺性陰克敢言事舉進士及  
第調明堂尉父哲坐罪當死頊往見武承嗣自承有  
二女弟請侍王巾閣者承嗣喜迎之為表貨哲死擢  
右肅政臺中丞言來俊臣極殺忠良后斬之突厥陷  
趙后命頊鎮相州募士不應后曰賊方走藉卿坐鎮  
耳初高宗時太原溫彬茂死封一笥書誘其妻曰吾  
死後須年及垂拱獻之吾拱初妻上其書言后革命  
及突厥至趙而去等事故后知之頊善張易之田歸  
道薛稷員半干李迥秀皆為控鶴內供奉頊又驅敏

傳 卷七

故后倚為腹心聖曆二年進平章事語侵武懿宗爭  
功后銜之頊論諸武不宜為王有合水為泥之喻甚  
切張易之兄弟以能盛思自全問頊計安出頊教易  
之請還相王廬陵以副人望后召封明年頊坐弟冒  
為官貶琰川尉尋徙始豐尉客江都卒

李昭德

李昭德交乾祐貞觀初為殿中侍御史 令裴仁軌  
私殺門卒太宗欲斬之乾祐曰仁軌以輕罪致極刑  
非畫一之制帝意解遷侍御史母卒廬墓側乾祐雖

疆直而昵小人嘗爲吏所賣坐流驪州昭德強幹有  
父風擢明經如意元年則天拜鳳閣侍郎同平章事  
王慶之率儉俵數百人請以武承嗣爲皇太子昭德  
笞殺慶之因奏曰以親親言之天皇陛下夫也皇嗣  
陛下子也當傳之子孫爲萬世計后乃止承嗣恨贈  
短之后曰吾任昭德而獲安枕是代我勞非而所知  
也時來俊臣侯思止舞文法數誅陷大臣昭德奏其  
誣妄不道狀卒榜殺思止其黨稍推沮然昭德頗怕  
推爲衆指目丘指上既劾昭德臣觀其體乃大於身  
息所衝上拂雲漢既而俊臣亦下獄同日誅衆庶  
莫不寬昭德而快俊臣

王義方

王義方泗州連水人客於魏孤且妻事毋謹甚淹究  
經術性譽特高自標樹舉明經詣京師客有徒爲家  
於道者自言父宦遠方病且革欲往省困不能前義  
方哀之解所乘馬以遺不告姓名去由是舉報一時  
不肯造請貴勢太宗使宰相聽其論於是尚書員外  
郎獨孤慙以儒顯給事中許敬宗推慙確論義方引

述百家異同連控愆會補晉王府參軍直弘文館經  
徵異之徵妻以夫人之姪辭不取俄而徵處乃娶素  
善張亮亮抵罪貶吉安丞道南潯舟師持酒脯請福  
義方酌水普曰有如忠獲戾孝見尤四維靡氛千里  
安派吉安介瓊夷梗悍不馴義方召首領稍遷生徒  
爲經書行釋奠禮顯慶元年坐論李義府姦貶萊州  
司戶參軍歲終不調往客昌樂表徒教授毋喪隱居  
不出卒年五十五義方爲御史時買第後數日受庭  
中樹獲召主人曰此佳樹得無欠債乎又早之歲始  
魏徵愛其才也每恨太直後卒以疾惡不容於時既  
死門人員半千何彦先行喪請松栢冢側三年乃去  
彦先齊州全節人武后時位天官侍郎

員半千

員半千字榮期齊州全節人其先本彭城劉氏十世  
祖疑之事宋起部郎及齊受禪奔元魏以忠烈自居  
任員因自姓員半千始名餘慶生而孤爲從父鞠養  
屬草遺書史客晉州州舉童子秀玄齡異之對高祖  
第已能講易老子長與何彦先同事王義方義方嘗

曰五百歲一賢者生子宜當之因改今名凡舉八科皆中咸亨中上書自陳臣家貲不滿千錢有田三十畝粟五十石開陛下封神岳舉豪英故鬻錢走京師朝廷九品無葭莩親行年三十懷才潔操未蒙一官不能陳力以報天子陛下何惜玉階方寸地不使臣披露肝膽乎得天下英才五千與權所長有一居先臣當伏死都市書奏不報請武涉尉歲早勸令殿子良發粟賑民不從及子良謁州半千悉發之下賴以濟劉史大怒囚半千於獄會薛元超持節度河東太

唐列傳 卷七

木

守曰君有民不能恤使惠出一尉尚可罪邪釋之俄舉岳收高宗御武成殿問兵家有三陣何謂邪象未對半千進曰臣聞古者星宿孤虛天陣也山川向背地陣也偏伍彌縫人陣也臣謂不然夫師以義出沛若時雨得天之時為天陣足食約費且耕且戰得地之利為地陣舉三軍士如子弟從父兄得人之和為入陣既對策擢高第歷華原武功尉厭卑劇求為左衛曹參軍使吐蕃且行武后曰久聞爾名謂為古人乃在朝邪宜留待制即召入閣供奉遷司寶寺主

簿稍與丘悅王嗣石抱忠同為弘文館直學士又與路敬淳分日待制累擢兼右控鶴半千以控鶴非朝廷德選詩罷之忤旨下遷水部郎中會詔擇牧守除棣州刺史復入弘文館為學士武三思用事以賢見忌出臺斬二州刺史半千不顯任吏常以文雅粉澤故所至禮化大行睿宗初召為太子右論德累封平原郡公表丐骸骨有詔聽朝朔望半千事五君有清白節年老不衰樂山水自放開元九年游堯山沮水間愛其地遂定居卒年九十四

唐列傳 卷七

七

韓思彥字英遠鄧州南陽人游太學事博士谷那律為匪人所辱思彥欲殺之律不可萬年令李寬詰異其才舉下筆成章志烈秋霜科擢第授監察御史昌言當世得失高宗夜召加二階待詔弘文館憲察鄧南益州高貲兄弟相訟累年不決思彥數厨案款以乳二人籍習臂相泣使并州方賊殺人主名不立時相像刀而汗訊掠已服思彥疑之晨集童兒數百塞出之如是者三因問兒出亦有問者乎皆曰有之

乃物色推訊遂禽真盜後太白蓋見勅帝脩德答天  
譴帝讓中書令李義府曰八品官能言得失而卿員  
沒富貴主何事邪義府謝罪司農武惟良擅用并州  
賦二百萬緡思彥劾處死武后為請而免義府與諸  
武共譖思彥出為山陽丞補建州司戶參軍帝召問  
不見卿久今何官耶召為御史俄出為江都主簿上  
元中復召見思彥久去朝儀矩梗野拜忘踊舞又詆  
外戚壻權后惡之中書令李敬玄劾奏時已拜乾封  
丞故徒朱鸞丞遷賀州司馬卒始思彥在野引什那

唐書

卷七

九

令鄧暉右坐曰公且貴願以子孫諒公比其斥而暉  
已為文昌左丞子琬

薛登

薛登常州義興人父士通為隋鷹揚郎將江都亂與  
州民間人副安據城拒賊武德初持地自歸輔公祏  
反與賊將西門君儀戰破之封臨汾侯登通貫文史  
與劉子玄齊名天授中累遷左補闕時遷舉甚乃  
上疏言舉薦非才久之出為常州刺史屬宣州賊鍾  
大眼亂百姓潰震登嚴勒守備闔境賴安而遷尚書

左丞景雲中為御史大夫僧慧範怙太平公主勢奪  
民邸肆登劾奏反為主所構出岐州刺史開元初為  
太子賓客登本名謙光以與皇太子名同賜今名坐  
子累歸田里家苦貧詔給致仕祿卒年七十三

陳子昂

陳子昂字伯玉梓州射洪人其先居新城世高貴歲  
饑出粟萬石賑鄉里舉明經調文林郎子昂十八未  
知書以富家子尚氣決弋博自如他日入鄉校感悔  
卽痛修飭文明初舉進士時高宗崩將遷梓官長安

唐書

卷七

九

於是關中無歲子昂盛言東都勝塏可營山陵武后  
奇其才召見金華殿子昂貌柔野少威儀而占對慷  
慨擢麟臺正字番拱初詔問群臣調元氣當以何道  
子昂因是勸后興明堂大學后召見賜筆札中書省  
令條上利害子昂對三事太后殺鄭王璪等六人子  
昂諫宜緩刑崇德於時吐蕃九姓叛詔田楊名發金  
山道十姓兵討之十姓君長以三萬騎戰有功遂請  
入朝后責其嘗不奉命擅破回紇不聽子昂上疏諫  
其後吐蕃果入寇終后世為邊患最甚后方謀開蜀



山由雅州道剪生羗因以襲吐蕃子昂上書以七驗  
諫止之后復召見使論爲政之要與適時不便者毋  
援上古角空言子昂乃奏八科俄遷右衛門曹參軍  
后既稱皇帝改號周子昂上周受命頌以媚悅后擢  
右拾遺子昂多病居職不樂會武攸亶討契丹高置  
募府表子昂參謀次漁陽前軍敗舉軍震恐攸亶輕  
易無將略子昂諫攸亶怒徙署軍曹子昂知不合不  
復言神龍元年諫發兵擊生羗及吐蕃聖曆初以父  
老表解官歸待詔以官供養會父喪廬冢次縣令毀

唐列傳

卷七

簡貪暴聞其富欲害子昂家人納錢二十萬緡簡薄  
其賂捕送獄中子昂之見捕自筮卦成驚曰天命不  
祐吾殆死乎果死獄中年四十三子昂資福驟然輕  
財好施篤朋友與陸餘慶王無競房融崔泰之盧藏  
用趙元暉厚唐興文章承徐庾餘風天下祖尚子昂  
始變雅正初爲感遇詩三十八章王適曰是必爲海  
內文宗乃請交子昂所論著當世以爲法

唐列傳卷之八

狄仁傑

狄仁傑字懷英并州太原人爲兒時門人有被害者  
吏就詰衆爭辨對仁傑誦書不置吏讓之答曰黃卷  
中方與聖賢對何暇偶俗吏語耶舉明經調汴州參  
軍爲吏誣訴黜陟使閻立本召訊異其才謝曰仲尼  
稱觀過知仁君可謂滄海遺珠矣薦授并州法曹參  
軍親在河陽仁傑登太行山及顧見白雲孤飛謂左  
右曰吾親舍其下瞻恨久之雲移乃得去同府參軍

唐列傳

卷八

鄭崇質母若且疾嘗使絕域仁傑謂曰君可貽親萬  
里憂乎諸長史簡仁基請代行仁基咨美其誼時方  
與司馬李孝廉不平相語曰吾等可少愧矣則相待  
如初每曰狄公之賢北斗以南一人而已稍遷大理  
丞歲中斷久獄萬七千時稱平恕權善紀范懷義誤  
斧昭陵相高宗詔誅之仁傑爭免數日授侍御史勅  
奏王本立惡有詔原之仁傑爭抵罪由是朝廷肅然  
帝幸汾陽宮并州長史李冲玄以道出妬女稱俗言  
盛服過者致風雷之變更發卒數萬改號道仁傑諫



止出爲寧州刺史撫和戎落得其歡心郡人勒碑以  
頌入拜天官侍郎持節江南巡撫使吳楚俗多淫祠  
仁傑一切禁止奏數千七百所止留夏禹吳太伯季  
札伍員四祠而已轉文昌右丞出豫州刺史時越王  
兵敗支黨餘二千人論死仁傑釋其械密詔悉請  
戍邊初宰相張光輔討越王軍中恃功多仁傑拒之  
曰亂河南者一越王公董士三十萬以平亂縱使暴  
橫是一越王死百越王生也光輔還奏仁傑不遷左  
授懷州刺史徙洛州司馬天授二年同鳳閣鸞臺平  
庸傳 卷八 二十一

勸迎廬陵王可以免禍會后欲以武三思爲太子以  
問宰相衆莫敢對仁傑曰臣親天人未厭唐德比句  
奴犯邊陛下使梁王三思募勇士於市踰日不及千  
人廬陵王代之不決日輒五萬今欲繼統非廬陵王  
莫可復以始姪子毋義諫后感悟迎還廬陵王初吉  
頊李昭德數請還太子而后意不回唯仁傑每以母  
子天性爲言后雖忤忍不能以無感詔仁傑爲河北  
道行軍元帥突厥盡殺所得男女萬計由五回道去  
仁傑追不能逮更拜河北安撫大使時民多者後於  
庸傳 卷八 二十二

章事武后謂曰卿在汝南有善政然有譖卿者欲知  
之乎謝不頌知會爲來俊臣所搆捕送制獄俊臣引  
仁傑置對曰有周革命表乃唐臣及因實仁傑於獄  
中丐書筆帛置楮衣中好謂吏曰方暑請付家徹絮  
仁傑子光遠得書上變后悟遣使索視因免通天中  
契丹陷冀州河北震動懼仁傑爲魏州刺史俄轉幽  
州都督賜紫袍龜帶后自製金字十二於袍以旌其  
忠召拜平章事時發兵戍臨勒四鎮上覽諫又仁傑  
請省江南轉餽張易之嘗從容問自安計仁傑曰惟

賊賊已去懼誅逃匿仁傑上陳請赦詔可聖曆三年  
卒年七十一謚曰文惠追贈司空又封梁國公仁傑  
所薦進若張柬之桓彥範敬暉姚崇等皆爲中興名  
臣則天時南海貢集翠裘后以賜張昌宗仁傑奏事  
后命與昌宗雙陸曰以何爲賭仁傑對曰臣願以臣  
之袍賭昌宗之裘則天曰此裘價贖千金仁傑笑曰  
以昌宗之服對臣之袍臣猶快快於是昌宗累有逆  
兆仁傑對御前陳表謝恩而出子光顯景暉光顯聖  
曆初爲司府丞武后詔宰相各舉尚書郎一人仁傑

薦光嗣由是拜地官員外郎以稱職聞后曰祈吳內  
舉果得人歷滄許具三州刺史

朱敬則

朱敬則字少連亳州永城人以孝義世被旌顯敬則  
志尚恢博好學重節義然謙亨初高宗聞其名召  
見異之除右補闕嗣聖九年武后稱制敬則諫罷羅  
織后納其言制獄稍衰遷正諫大夫兼脩國史乃請  
高史官選以求名才侍郎常安石嘗閱其史稿嘆曰  
董狐何以加進平章事張易之搆魏元忠張說欲誅

唐列傳

卷八

四

之無敢言者敬則抗疏理之乃得不死易之等集名  
儒撰三教珠英又繪武三思李嶠蘇味道李迥秀王  
紹忠等十八人像以爲圖欲引敬則固辭不與世潔  
其爲人出爲鄭州刺史遂致仕冉祖雍誣奏與王同  
皎善貶涪州刺史初二張權寵盛敬則密謂敬暉曰  
公若假太子令舉北軍誅易之兄弟兩飛騎力耳  
卒用其策既明其非罪改廬州代還無淮南一物所  
乘止一馬子曹步從以歸卒年七十五敬則與三從  
昆弟居四十年貲產無異及執政每以用人爲先細

務不省也兄仁軌字德容隱居養親訓誨子弟曰終  
身遜路不枉百步終身遜畔不失一段

王綝

王綝字方慶以字顯其先自丹陽徙咸陽方慶起家  
越王府參軍受司馬遷班固二史於任希古希古他  
遷就卒其業武后時果遷廣州都督南海歲有峴嶺  
船市前都督路元胤冒取其貨船首不勝忿殺之方  
慶至秋毫無所索以善政著封石泉縣子遷平章事  
后嘗問求義之書方慶奏十世從祖義之書四十餘

唐列傳

卷八

五

卷太宗求之先臣悉上送今所存惟一軸并上十一  
世祖導十世祖洽九世祖珣八世祖曇首七世祖僧  
綽六世祖仲寶五世祖騫高祖規曾祖襄并九世從  
祖獻之等凡二十八人書共十篇后御武成殿編示  
群臣詔中書舍人崔融序其伐閉號寶章集復以賜  
方慶人皆歎其能以老乞身政麟臺監脩國史中宗  
復爲皇太子拜檢校左庶子諫不宜春季講武是歲  
進封公方慶奏言不斥太子名長安二年卒李德裕  
稱方慶爲相時子爲眉州司士參軍武后曰君在相

位何子之遠對以廬陵是陛下愛子今尚在遠臣之  
子庸敢相近以比倉唐悟文侯事

蘇瓌

蘇瓌字昌容雍州武功人擢進士第居毋喪哀毀歷  
郎歛二州刺史來俊臣貶州參軍人懼復用多致書  
請瓌瓌叱其使曰吾忝州牧高下自有體能過待小  
人乎遂不發書俊臣未至追還恨之由是連外徙不  
得入久之轉揚州大都督府長史瓌單身撲被自將  
徙同州刺史神龍初入爲尚書右丞中宗復政鄭普  
唐劇傳 卷八 木  
思以妖幻位秘書員外監支黨徧岐隴間相煽誅爲  
亂瓌捕繫普思窮訊有詔勿治瓌廷爭不可累拜同  
中書門下三品封許國公帝南郊祝欽明建白皇后  
爲亞獻安樂公主爲終獻瓌以爲非禮帝前折愧之  
時大臣初拜官獻食天子名曰燒尾瓌獨不進爲陳  
當世利病甚多帝崩遺詔皇太后臨朝相王輔政宗  
楚客猥言相王不宜輔政瓌正色曰遺制乃先帝意  
安得輒改帝氏敗進左僕射景雲元年卒年七十二

王及善

王及善洛州邯鄲人父君暢有沈謀王君廓掠邯鄲  
君暢往說觀時變待真主又言井陘之險可先取高  
祖入關君廓偕來封新興縣公從太宗征遼死陣贈  
邢國公及善投朝散大夫襲邢國公山東儀詔爲延  
撫振給神功元年契丹擾山車摧魏州刺史武后延  
問朝政得失陳治亂所宜留拜內史來俊臣繫獄當  
死後欲釋不誅及善曰俊臣凶狡不道不勸是元惡  
且搗亂胎禍后納之廬陵王之還密贊其謀既爲皇  
太子又請出外朝以安群臣及善不甚文而清正有  
唐劇傳 卷八 木  
大臣節時二張怙寵每侍燕無人臣禮及善數裁抑  
之移病乞骸骨不許改文昌左相卒

杜景佺

杜景佺冀州武邑人舉明經中第出爲益州錄事參  
軍時房嗣業徙州司馬詔未下欲即視事先答責吏  
以示威景佺叱左右罷去既乃除荊州司馬吏歌之  
入爲司刑丞與徐有功來俊臣侯思止專治詔獄時  
稱遇徐杜者生來侯者死以秋官員外郎與陸元方  
按員外郎侯味盧罪已推輒釋之武后怒其不待報

元方大懼景佺獨曰陛下明詔六品七品官交辨已定待命於外后以爲守法遷洛州司馬延載元年平章事諫武后出萊華爲災坐赦李昭德左遷入拜司刑卿聖曆元年復平章事契丹入寇陷河北數州虜已去武懿宗欲盡論其罪景佺以爲有從可原后如其議坐泄省內語出爲并州長史道病卒

徐有功

徐有功名弘敏避孝敬皇帝諱以字行國子博士文

建孫也舉明經累補蒲州司法參軍襲封東莞縣男

唐書

卷八

九

累遷司刑丞時武后僭位長唐大臣謀已於是周興來俊臣丘神勣王弘義等揣識后指置執監牧院諸獄捕將相俾相鈞逮朝野震恐莫敢正言獨有功數犯顏爭枉直累轉秋官郎中奏免任知古裴行儉等七人死以爭李仁褒誣構事爲周興劾免官俄起爲左肅政臺侍御史天下相賀時有詔公坐流私坐徒以上會赦免踰百日不首者復論有功奏曰陛下寬殊死罪已發者原之如告言赦前事則與律乖更詔五品以上議有功又上疏薛季昶鞠實孝謹妻麗厭

訂事論死有功明其在免爲民起拜右司郎中韓司刑少卿與皇甫文備同按獄誣有功縱逆黨久之文備坐事下獄有功出之凡三坐大辟將死泰然不憂赦之亦不喜后以此重之所全活甚衆酷吏爲少袁然疾之如讎矣改司僕少卿卒年六十八開元初竇希琰等請以官讓有功子倫以報舊德由是自大理司直遷恭陵令五世孫商宣宗時拜河中節度使

陸元方

陸元方字希仲蘇州吳人陳給事琛之曾孫伯父東

唐書

九

之善書名家元方初明經後舉進士科除殿中侍御史爲來俊臣所陷后置不罪遷平章事附會李昭德貶綏州刺史擢天官侍郎或言其薦人皆親黨后怒免官又薦其友崔玄暉有宰相才后知無他復拜書平章事平章事後嘗問外事對曰臣備位宰相大事當自奏民間細務不敢以聞忤旨下除右庶子進文昌左丞卒諸子皆美才而象先景儋景融尤知名

張柬之

張柬之字孟將襄州襄陽人少涉經史令狐德棻異

其才便以王佐期之中進士第永昌元年以賢良召時年七十餘矣對策者千餘東之第一為台蜀二州刺史故事歲以兵五百戍姚州地險難到屯漸死東之論其弊秋仁傑薦東之於武后乃授司刑少卿後姚崇又薦之即日召見拜同平章事誅二張東之首發其謀擢天官尚書封漢陽郡立加特進罷政事既失權願還襄州養疾中宗為賦詩祖道至州持下以法雖親舊無所縱貸會湍水漲齧城郭東之因疊為隄以遏湍怒合境賴之俄貶瀧州憂憤卒年八十二

唐列傳 卷八

十一

桓彥範

桓彥範字士則潤州丹陽人以門蔭調右翊衛秋仁傑曰君才當自光大後為司刑少卿張昌宗謀不軌宋璟治其姦武后不許彥範諫誅之不納時內史李嶠等屢奏往為酷吏破家者請皆宥依違未從彥範復上言自文明後得罪惟楊豫博三州不免他可悉赦既十上卒見聽張東之將誅張易之等引與定策以彥範敬暉為左右羽林將軍屬以禁兵神龍元年彥範敬暉率羽林兵討賊令李湛多祚就東宮迎

中宗復位以彥範為侍中封德國公上書戒帝言婦人不得預外政又云胡僧慧範託浮屠法譏毀后妃帝不省納俄墨勅以方士鄭普思為秘書監葉靜能為國子祭酒彥範諫不從未幾罷彥範等政事五月加特進封侯扶陽郡王賜姓常同后屬籍王同皎誅三思事洩三思誣彥範等同逆乃貶瀧州司馬三思慮五人者且復用乃納崔湜計遣周利貞矯制殺之利貞至貴州逢彥範即縛曳竹槎上肉盡杖殺之年五十彥範弟玄範常州刺史臣範工部侍郎

唐列傳 卷八

十一

袁恕已

袁恕已滄州東光人相王府司馬與誅二張封南陽郡公將作少匠務廉以工巧進恕已諫恐復啓游娛侈麗未幾拜中書令進南陽郡王及貶又流瓌州為周利貞所害恕已素解黃金至是飲野葛數升不死乃擊殺之孫高字公頤有節尚擢進士為給事中

崔玄暉

崔玄暉博陵安平人少以學行稱叔父行功器之舉明經為高陵主簿居父喪盡禮廬有蒸更巢共乳毋

盧有賢操嘗戒玄暉曰吾聞嫂兄辛玄馭云子任仕  
宦有言其貧窶不自存此善也玄暉所守以清白名  
母亡哀毀其露降庭樹長安元年為天官侍郎先是  
酷吏更誣籍數百家玄暉開陳其枉后感悟皆為原  
洗宋璟劾張昌宗不軌事玄暉暨弟昇並守正助璟  
以誅二張功為中書令封博陵郡王冊其妻為妃實  
封五百戶會貶流古州道病卒子璩亦有文終禮部  
侍郎璩子渙

敬暉

唐列傳

卷八

十一

敬暉字仲暉絳州平陽人弱冠舉明經聖曆初為衛  
州刺史時河北經突厥所騷方秋而城暉曰金湯非  
粟不守豈有棄農畝事池隍哉縱民歸畝闔部賴安  
遷夏官侍郎武后幸長安為副留守以治幹聞以誅  
二張功為侍中加平陽郡公三思濁亂暉每推坐帳  
恨彈指流血尋貶瓊州為周利貞所害開成三年詔  
玄暉曾孫郢為監察御史暉曾孫元膺河南丞東之  
四世孫傑善安尉起已曾孫德文校書郎始帝訪卿  
史中丞狄兼基以仁傑功且言五王遺烈乃求其後

唯彥範後無聞

楊元琰

楊元琰字溫號州閩鄉人漢太尉震十八代孫生數  
歲未言相者視曰語遲者神定必為重器補梓州叅  
軍平棘令課第一三徙為荊州府長史五遷州刺史  
咸有風績初張柬之代為荊州私語外家革命元琰  
悲涕慷慨志在王室東之執政故引為右羽林將軍  
乃與李多祚等定計斬二張進雲麾將軍封弘農郡

敬暉

唐列傳

十一

敬暉等為武三思所構元琰知禍未已乃詭計請祝  
髮事浮屠暉等死獨琰全再遷衛尉卿李多祚死太  
子難琰坐厚善繫獄蕭至忠救之免廢宗立數上書  
乞骸骨開元六年卒年七十九臨終勅諸子薄葬子  
仲昌字蔓以通經為脩文生累調不甚顯以河陽尉  
對策玄宗擢第授監察御史坐累為孝義令墮降庭  
樹太守蕭恕表其政徙下邳終吏部郎中

薛季昶

薛季昶絳州龍門人武后時上書自布衣拜御史屢  
下獄擢給事中夏官郎中侯朱虛將兵討契丹不利

妄言賊行有蛇虎尊軍后惡其詭拜季和爲河北按察使季和馳至軍斬朱虛臺城尉吳澤射殺驛使彪民女髮爲鬘州不能効季和杖殺之坐事左遷久乃遷文昌左丞爲洛州長史豫誅易之等功進戶部侍郎初東之誅二張也季和勸曰二凶雖誅產祿猶在請除之會日暮事適彥範不欲廣殺因曰三思机上肉耳留爲天子藉手和嘆曰吾無死所矣五王失柄出季和荆州長史貶儋州司馬初季和與周處立宗楚客不叶懼二怨不敢往嘆曰吾至是邪即具棺沐

唐列傳

卷八

十四

浴仰藥死

蘇安恒

蘇安恒冀州武邑人博學尤明周官春秋左氏學武后末年太子雖還東宮政事一不與大臣畏禍無敢言安恒上書奏后雖猜忌不能無感乃召見賜食厚慰遣之明年復諫魏元忠爲張易之兄弟所搆獄方急安恒獨申救之易之等大怒遣刺客殺之賴鳳閣舍人桓彥範等悉力營解乃免神龍初爲習藝館內教節愍太子難或讒安恒謀死獄中

李多祚

李多祚其先靺鞨酋長號黃頭都督後入中國世系湮遠至多祚以軍功累遷右鷹揚大將軍討黑水靺鞨擊破其衆室甫及孫萬榮之叛與諸將進討以勞改羽林大將軍遂領北門衛兵張柬之將誅二張以多祚素敢柴可動以義曰將軍知感恩則知所以報今東宮乃大帝子而嬖豎擅朝危逼宗社答曰苟緣王室惟公所使乃引天地以自誓遂定謀以敬暉李湛爲羽林將軍總禁兵與多祚王同皎請太子至玄武門斬關入及長生殿白武后曰諸將謀逆臣易之昌宗逆誅二張中宗復位封遼陽郡王子承訓爲衛尉少卿湛遷大將軍封趙國公崔玄暉等得罪多祚畏禍及故陽厚常氏節愍太子誅武三思多祚與成王千里率兵先至玄武樓斬其婿羽林中郎將野呼利兵因沮潰多祚爲其下所殺二子亦見害

王同皎

王同皎相州安陽人尚太子女定郡主太子中宗也桓彥範等誅二張遣同皎與李湛李多祚即東宮迎



太子太子拒不許曰上方不豫得無不可乎同皎曰將相毀家族以安社稷柰何欲內之昇鑊乎太子猶豫同皎即扶上馬從至玄武門斬關入誅易之等帝復位進右千牛將軍封瑯琊公主進封公主拜同皎駙馬都尉神龍後武三思忝濁王室同皎惡之與張仲之祖延慶周懋李俊卅祖雍謀須武后靈駕發伏弩射殺三思會宋之慈以外妹妻延慶之慈子曇得其實之慈兄之間嘗舍仲之家亦得其謀令壘密語三思三思遣俊上意變且言同皎欲擁兵闕下廢皇

唐列傳

卷八

十六

后帝殊不曉大怒斬同皎於都亭驛籍其家同皎且死神色自如仲之延慶皆死懼道自刎懋壽春人後太子重俊亦三思天下共傷同皎之不及見也先是許州司戶參軍竊次融再上書斥帝后擅政被撲死又博陵人卞安亦表后亂被誅俱贈諫議大夫賜歛融一子官同皎子絲尚承穆公主

安金藏

安金藏京兆長安人在太常工籍唐宗爲皇嗣少府監裴匪躬中官范雲仙坐私謁皇嗣皆殊死自是公

卿不復見唯工優給使得進俄有誣皇嗣異謀者武后詔來俊臣問狀左右畏憐楚欲引服金藏大呼公不信我言請剖心以明皇嗣不反也引佩刀自割腹中腸出被地眩而仆武后聞大驚與致禁中命高醫內腸襖系趾縫之閱久而蘇后臨視嘆曰吾有子不自明不如爾之忠也詔停獄唐宗乃安神龍初毋喪葬南闕口管石墳晝夜弗息地本即燥泉忽湧流磨之側李冬有華犬鹿相授本道使盧懷慎上其事詔表闕於開景雲時遷右武衛中郎將玄宗屬其事於

唐列傳

卷八

十七

史官握右驍衛將軍尉代國公詔鏡其名於太華二山碑以爲榮卒配饗唐宗廟庭謚曰忠以子承恩爲中郎和問其遠孫敬則爲太子右諭德



唐列傳卷之九

魏元忠

魏元忠宋州宋城人爲太學生跌蕩少檢久不調蓋  
屋人江融曉兵術元忠從之游畫傳所學儀鳳中吐  
蕃數盜邊元忠上封事洛陽官言命將用兵之要高  
宗善之授秘書省正字遷監察御史帝嘗從容問曰  
外以朕爲何如主對曰周成康漢文景也然則有遺  
恨乎曰有之王義方一世豪英而死草萊議者謂陛  
下不能用賢帝曰我通用之聞其死願已無及元忠

唐列傳卷九

曰劉蕡器行副於才陛下所知今七十爲尚書郎徒  
嘆彼而又棄此帝默然越遷殿中侍御史徐敬業舉  
兵詔元忠監李孝逸軍孝逸用其策遷洛陽令陷周  
興獄當死以平揚楚功得免歲餘爲御史中丞復爲  
來俊臣所構將就刑神色不動前死者宗室子三十  
餘尸相枕籍於前元忠顧曰大丈夫居此矣俄勅  
王隱客馳騎免死傳聲及于市諸囚歡悅元忠獨堅  
坐徐謝亦不改容況費州復爲中丞歲餘隱便屬止  
獄仍放嶺南酷吏誅人多訟元忠者乃召復舊官用

侍宴武后曰卿屢召謫錄何邪對曰臣猶鹿也羅織

之吏如獵者聖曆二年爲平章事俄檢校并州長史  
天兵軍大總管以備突厥遷洛州長史治號威明張  
易之家奴暴百姓橫甚元忠普殺之俄爲隴右諸軍  
大使以討吐蕃又爲靈武道行軍大總管樂突厥時  
二張勢傾朝廷元忠嘗奏之易之等恨怒因武后不  
豫即共譖元忠與司禮丞高潛謀挾太子爲耐久朋  
遂下制獄詔皇太子相王及宰相與元忠等辨於廷  
不能決昌宗乃引張說爲證說白其寃元忠高要

唐列傳卷九

尉中宗復位拜中書令封齊國公武三思用事元忠  
居其間依違無所建明初元忠相武后有請正名至  
是輔政天下仰望冀幹正王室而稍彈權侍譽華大  
咸陳那男子袁楚客者以書規之謂朝廷有十失君  
侯不正誰與正之元忠得書益慙以三思專權思有  
以誅之遂爲宗楚客等所譖貶務州尉至涪陵卒子  
昇太僕少卿死於節愍太子之難

郭震

郭震字元振魏州貴鄉人以字顯長七尺美鬚髯少

有大志十六與薛稷趙彥昭同爲太學生家嘗送資錢四十萬會有衰服者叩門自言五世米芾願假以治喪元振舉與之無少吝一不質名氏裂嘆嗚十八舉進士爲通泉尉任俠使氣按去小節武后知所爲召與語奇之索所爲文章上寶劍篇后覽嘉嘆詔示學士李嶠等即授右武衛參軍會吐蕃乞和其大將論欽陵請罷四鎮兵披十姓之地乃以元振充使因覘虜情還上疏言四鎮吐蕃之要不可解兵后從之又言歲發和親離間欽陵使吐蕃歸款久之突厥吐蕃

唐列傳

卷九

三

至其帳脩弔贈禮哭甚哀留數十日助喪事娑葛感義更遣獻馬駝牛羊制詔元振爲金山道行軍大總管烏質勒之將闕啜忠節與娑葛交怨屢相侵而闕啜兵弱不支元振奏請追闕啜入宿衛從部落置瓜沙間詔許之宗楚客復表周以怙代元振且以阿史那獻爲十姓可汗置軍馬者以取娑葛娑葛遣元振書且言無仇於唐而楚客等受闕啜金欲加兵擊滅我故懼死而闕且請斬楚客元振奏其狀楚客大怒誣元振有異圖召將罪之元振使子鴻問遺書乞歸

唐列傳

卷九

四

整引坐薰下將斬之劉幽求張說扣馬諫曰元振在  
大功雖得罪當宥乃赦死流新州開元元年帝恩舊  
功起為使州司馬快快不得志道病卒年五十八元  
振雖少雄邁及貴居處乃儉約手不置書建宅宜陽  
里未嘗一至諸院脫自朝還對親退就室距國初仕  
至宰相而親具者元振云

唐璠

唐璠字休景以字行京兆始平人休景少孤授易於  
馬嘉運傳禮於賈公彥舉明經高第為王府典籤會

唐璠傳

卷九

五

突厥誘奚契丹叛都督尉遲弼以兵授璠破於獨  
山遷朔州長史未浮間突厥圍豐州都督崔智辯戰  
死朝廷議棄豐州夏璠以為不可上疏高宗從其  
言垂拱中吐蕃破焉耆安息道大總管常待價等敗  
璠收其潰亡以定西土授靈州都督乃陳方略請復  
四鎮聖曆中授涼州都督吐蕃大將趙莽布支率騎  
數萬寇涼州入洪源璠以兵數千臨高望之乃被甲  
先登六戰皆克摧右武威金吾二衛大將軍西突厥  
烏質勒失諸蕃和舉兵相攻詔璠與宰相計議盡如

璠策進拜尚書同鳳閣鸞臺三品武后請揚哥思李  
曠姚元崇等曰璠練知進事卿輩十不當一中宗為  
皇太子璠啓易之兄弟恩寵過幸復位召授酒泉郡  
公景雲初為朔方行軍大總管備突厥請老延和元  
年卒年八十子先慎至陳州刺史先擇為右金衛將  
軍

張仁愿

張仁愿華州下邽人武后時累遷殿中侍御史御史  
郭弘霸者稱后乃勸佛後身又張嘉福王慶之請

唐張仁愿傳

卷九

六

以武承嗣為皇太子遷仁愿監其軍因入言狀孝傑坐免  
傑與吐蕃戰不利仁愿監其軍因入言狀孝傑坐免  
掘仁愿侍御史萬歲通天中以仁愿為中丞檢校幽  
州都督默啜寇趙還出塞仁愿以兵邀之賊引去神  
龍中遷兼檢校洛州長史會穀貴多盜仁愿一切捕  
獲畿甸震懾無敢犯先是買敦頤嘗為長史有政績  
時人為之語曰洛有前買後張敵京兆三王三年朔  
方軍總管沙叱忠義為突厥所敗詔仁愿攝御史大  
夫代之既至賊已去引兵踵擊夜掩其營破之朔方

軍與突厥以河爲界北厓有拂雲祠突厥犯邊必先謁祠禱解然後料兵度而南時默啜悉兵西擊仁恐請乘虛取漠南地於河北築三受降城絕虜南寇路斥地三百里而還景龍二年封韓國公春還朝秋後督軍備邊帝爲賦詩祖道虞宗立乃致仕開元二年卒子之輔至趙州刺史

程務挺

程務挺洛州平息人父名振仕竇建德爲普樂令盜不跡境俄棄賊自歸高祖詔授永寧令使率兵經界

唐書傳 卷九

七

河北卽夜襲鄴縣俘男女千餘人以歸去數舍聞婦人方乳者九十餘人還之鄴人感其仁劉黑闥陷洛州名振與刺史陳君賓自板歸毋妻爲賊所得名振率衆千餘悉毀賊水陸餉具黑闥怒殺其毋妻賊平請手斬黑闥以其首祭毋封東平郡公拜平壤道行軍總管攻沙平城破獨山陣擊高麗於貴端木棧其新城歷晉蒲二州刺史卒挺少從父征討以勇力聞破突厥六萬騎於雲州會僞可汗阿史那伏念叛挺管李文暉等三將以次奔敗詔裴行儉討之以務挺

副檢校豐州都督封平原郡公綏州部落稽白鐵余據平叛入犯詔務挺與夏州王方翼討之嗣聖初與張虔勗等謀廢中宗立豫王爲皇帝爲單于道安撫大使兼突厥裴炎下獄務挺密表申治又素史唐之奇杜求仁善或言務挺與炎及徐敬業潛相援結武后遣裴紹業卽軍中新之突厥聞務挺死車相慶爲立祠每出師輒禱焉

解琬

解琬魏州元城人舉幽素科調新政府後自成都丞

唐書傳 卷九

八

奏事稱旨曠除監察御史遷侍御史安撫烏質勒及十姓部落以功擢御史中丞琬與郭元振善宗楚客惡之左授滄州刺史爲政引大體部人順附景龍中遷御史大夫兼朔方行軍大總管前後乘邊積二十年大抵務勇習戰多爲長利景雲二年復爲朔方軍大總管分遣隨軍官河陽丞張冠宗肥鄉令景駿普安令于處忠料三城兵省其戍十萬人封濟南縣男以老丐骸骨會吐蕃邊復召擢左散騎常侍詔與虜定疆界因請解十姓降戶琬建言吐蕃不可以信

約請調兵十萬也秦渭關防過其表是冬吐蕃入寇為秦渭兵擊走之俄復請老不許遷太子賓客年八十餘開元五年終同州刺史

黑齒常之

黑齒常之百濟西都人為百濟連率猶唐刺史云蘇定方平百濟常之以所部降而定方囚老王縱兵大掠常之懼與左右酋長十餘人遁去嘯合連亡依任存山自固不旬日歸者三萬定方勒兵攻之不克常之遂復二百餘城龍朔中高宗遣使招諭乃請劉仁

唐傳

卷九

九

軌降儀鳳三年從李敬玄劉審禮擊吐蕃審禮敗敬玄欲引還阻泥溝兵不得出常之夜率敢死士五百人掩其營殺掠數百人賊首跋地設棄軍走帝嘆其才賜金帛殊等進為河源軍副使調露中吐蕃使贊婆等入寇也良非川李敬玄之敗常之引精騎三千夜襲其軍即拜河源道經畧大使墾田五千頃永隆二年贊婆營青海常之馳掩其屯破之封燕國公番拱中突厥復犯塞常之率兵追擊至西井連夜遣人為燕然道大總管與李多祚擊突厥骨噶祿元珍

於黃花堆破之會左監門衛中郎將曼實壁欲窮追要功詔與常之共討實壁獨進為虜所覆實壁下吏誅常之坐無功周興等誣其與右鷹揚將軍趙德勳節反捕繫詔獄投環死

王峻

王峻滄州景城人後徙洛陽父行果為長安尉知名峻少孤好學祖有方奇之長蒙璫為渭南令景龍未授桂州都督州有兵舊常仰餉衛未峻始築羅郭罷戍卒掠江關屯田數千頃勸幽求放封州廣州都

唐傳

卷九

十

督周利貞欲必殺之道出峻所峻知其故留不遣利貞移書督趙幽求懼峻曰公之坐非朋友所絕峻在終不忍公無罪就死進太僕少卿隴右群牧使開元二年吐蕃以精兵十萬寇臨洮軍合料奇兵七百易胡服夜襲去賊五里令曰前遇冠士大呼鼓角應之賊驚疑伏在傍自相聞死者萬計封清源縣男以子班為朝散大夫又進并州都督長史明年突厥默澁為拔曳固所殺其下多降稍叛去峻上言書未報而虜已叛乃救峻將并州兵濟河以討以功遷朔方

行軍大總管改御史大夫跌跌部及僕固都督勾磨等散保受降城之鄙潛引突厥內擾駁密言上盡誘而誅之九年蘭池胡康待賓據長泉及六州鄯郭知運與駁討平之封清源公官一子初駁奏朔方兵力有餘願罷知運獨當戍未報而知運至故不協坐貶梓州刺史進克朔方軍節度大使是冬帝親郊追會大禮駁以水壯請留將兵待邊手勅慰勉會有人告許州刺史王喬謀反辭逮駁以黨與貶朔州刺史遷定州復爲朔方軍節度使卒駁氣貌偉特時謂爲熊

唐列傳

卷九

十一

虎相始二張誣魏元忠駁獨上疏申治宋璟曰魏公全矣子再觸逆鱗其殆乎駁曰魏公以忠獲罪苟得辨雖死弗悔駁卒後信安王禕討奚丹於幽州告捷言戰時士咸見駁與部將高昭麾兵赴敵天子嗟異

李日知

李日知鄭州滎陽人及進士第天授中歷司刑丞時法令嚴吏爭爲酷日知獨平寬無文致嘗免一囚死少釋胡元禮執不可皆以狀獻而武后用日知議神龍初爲給事中母老病取悉調侍數日發髮輒白母

未及封而卒方葬吏乃齋贈制日知殞絕於道景龍初進平章事轉御史大夫仍知政事安樂公主館第成中宗臨幸燕從官賦詩日知卒章獨以規誠後廢宗謂其挺直拜侍中先天元年屢乞骸骨既罷不治田園唯飾臺池引賓客與娛樂開元三年卒

李嗣真

李嗣真字承賀趙州栢人舉明經累調許州司功參軍賀蘭敏之脩撰東臺表嗣真直弘文館與學士劉獻臣徐昭皆少有名號三少調露中爲始平令時章

唐列傳

卷九

十二

懷太子作有慶曲閣於太清觀嗣真謂道人劉栗輔儼曰宮不召商君臣平也角與徵疾父子疑也俄而太子廢擢太常丞封常山縣子太常缺黃鍾鑄不能成嗣真居崇業里疑士中有之弗得其所道上逢一車有鐸聲甚厲嗣真曰官聲也市以歸振於空地若有應者掘之得鍾象樂遂和來俊臣獄方熾上書諫不納出爲潞州刺史俊臣誣以罪派滕州久得還自筮死日豫具棺歛如言卒武后常問嗣真儲貳事對曰程嬰杵臼存趙氏孤古人嘉之唐中宗乃安

馮元常

馮元常相州安陽人叔祖慈明有文辭仕隋討李密為密將所縛不屈密囚之俄為翟護所殺武德初贈吏部尚書元常舉明經及第高宗時歷尚書左丞嘗密諫帝中官權重出是為武后所惡元常在職脩舉識蓋澄遠帝委遇特厚及不豫詔平章百司奏事武后擅朝樊文進瑞石后暴石朝堂示百官元常奏石妄僞后怒出隴州刺史道徒眉州劔南有盜夜掠人元常喻以恩信賊相率脫甲面縛賊平轉廣州都督

唐列傳

卷九

十三

蔣欽緒

蔣欽緒萊州膠水人擢進士第累遷太常博士中宗始親郊祝欽明建言皇后應亞獻欽緒獨抗言不可歷吏部員外郎始韓琬為高郵主簿使京師負其才題客舍它日欽緒見之笑曰是子曩後時爾久之琬舉賢良方正欽緒擢其文異等出為華州長史蕭

至忠自晉州被召過欽緒欽緒本姻家因戒曰以君

才不患不見用患非分而求耳至忠竟及禍開元十三年以御史中丞錄河南囚歷汴魏二州刺史卒蔣以孝廉授洛陽尉遷監察御史與兄演溶弟清俱為才吏有名天寶間乾元中歷陸渾盤屋咸陽高陵四縣令美政流行郭子儀軍出其縣勅麾下曰蔣沈賢令供億當有限蔬飯足矣毋撓其清也遷長安令以刑部郎中兼侍御史元載持政沈滯即位不得調久之擢御史中丞再遷大理卿持法明審號稱職德宗出奉天沈奔行在為賊所拘欲誘署偽職沈絕食不應命擢右散騎常侍卒

尹思貞

尹思貞京兆人弱冠以明經第調隆州參軍事屬邑豪蒲氏驚駭不法州檄思貞按之撻其姦賊萬計論死遷明堂令以善政聞檢校洛州刺史會契丹寇朔方震驚思貞循撫獨無擾武后召授司府少卿時卿僚知一亦厲威嚴吏為語曰不長侯卿杖祗畏尹卿筆其家坎地獲古戟十二俄而門樹戟時人異焉

龍初擢大理卿常月將告武三思大逆中宗命斬之  
思貞固奏不可乃流嶺南睿宗立實懷貞護作金仙  
玉真觀廣調夫匠思貞數有損節懷貞讓之乃拂衣  
去帝知之特詔令視事開元四年卒前後為刺史十  
三郡其政皆以清此開

蘇珣

蘇珣雍州藍田人申明經筵調鄂尉時李義琰為雍  
州長史鄒多訟日至長史府珣裁決明辨番拱初為  
監察御史武后殺韓魯諸王付珣審牒按訊珣推之  
無狀或言珣助韓魯者后詰之廷議無所撓詔監軍  
河西五遷右司郎中御史王弘義附來俊臣莫敢觸  
其鋒珣按奏弘義遷給事中進左肅政臺御史大夫  
后營大像白司馬坂糜用億計珣上疏切諫見納中  
宗將斬常月將珣執機時冷不可以大戮忤三思意  
改右臺合節惡太子敗詔錄索支黨時睿宗居藩為  
獄辭牽逮珣密啓保辨亦會宰相開陳帝感愜多所  
舍貸擢戶部尚書封河內郡公致仕卒年八十一

青景駿

青景駿司農少卿弘機孫申明經神龍中歷肥鄉令  
縣北瀕漳連年泛溢人苦之景駿相地勢益南千步  
因高築郭水至堤趾輒去其北燥為腴田方河北饑  
身巡閭里民獨免流散後為貴鄉令有母子相訟者  
景駿付按孝經使習大義於是母子感悟請自新遂  
為孝子當時治有名者景駿與清漳令馮元叔臨洛  
令楊茂謙三人景駿後數年為趙州長史道出肥鄉  
民喜爭奉酒食迎獨有小兒亦在中景駿曰我去邑  
時兒曾未生非有舊恩何故來對曰耆老為我言後  
遷茂州刺史州窮險有蠻夷風無學校傳舍景駿為  
設生徒轉奉天令未行卒子述



唐列傳卷之十

幽求

劉幽求冀州人聖曆中舉制科中第授朝邑尉桓彥範等誅張易之昌宗而不殺三思幽求謂彥範曰公等無葬地矣既五王皆為三思構死臨淄王入誅常庶人預參大策是夜號令詔勅一出其手肅宗立遷侍中先天中遷尚書右僕射同中書三品監脩國史幽求自謂有勞於國意望未滿而崔湜附太平公主有逆計幽求與張暉定計使暉說玄宗誅除之書前

唐列傳卷之十

之未發也而晞漏言玄宗列其狀肅宗以幽求屬吏應死玄宗申右之乃流幽求於封州明年太平主誅召復舊官姚崇素忌之奏幽求構快散職有怨言詔有司鞠治盧懷慎等奏言幽求輕肆不恭貶睦州刺史卒於道

姚崇

姚崇字元之陝州岐石人也父懿貞觀中為萬州都督崇少側儻尚氣節長乃好學舉下筆成章五遷東官郎中契丹擾河北兵燹棄進崇奏以若流武后覽

之即拜侍郎言酷吏羅織願以一門百口保内外官

無反者后悅賜銀千兩聖曆三年進平章事張易之

私有請於崇不納謂之出為靈武道大總管張柬之

謀誅二張遂參計議以功封梁鄉縣侯后遷上陽宮

崇獨流涕東之曰今豈涕泣時耶崇曰事天后久道

舊主而泣人臣終節也俄為亳州刺史後五王被害

而崇獨免肅宗立進中書令玄宗在東宮坐言太平

公主干政宋王成器等分典禁兵貶申州刺史移徐

路二州遷揚州長史徙同州刺史先天二年玄宗

武新豐故事天子行幸牧守在三百里者得請行在

時帝亦嘗召崇崇主帝方獵渭濱即召見帝曰公知

獵乎對曰少所習也臣年二十居廣成澤以呼鷹逐

獸為樂張瓊濼謂臣當位王佐無自棄故折節請養

遂待罪將相帝悅與俱馳逐緩送如昔帝歡甚既罷

乃咨天下事褒褒不知倦帝曰卿宜遂相朕崇知帝

大度銳於治乃先啟事以堅帝意即賜不請香燭之

崇因跪奏臣願以十事聞陛下度不可行敢辭帝曰

朕能行之崇乃頓首謝翌日拜兵部尚書同中書門

下三品封梁國公崇建言佛不在外悟之於心行事  
利益使蒼生安穩是謂佛理烏用姦人以沮真教帝  
善之開元四年山東大蝗民祭且拜坐視食苗不敢  
捕崇奏捕蝗蝗害訖息崇病移告凡大政事帝必令  
源乾曜就咨焉引宋璟自代罷政事帝將幸東都而  
太廟屋自壞帝以問崇對曰但壞與行會不緣行而  
壞八年授太子少保卒始為同州張說以素憾諷趙  
彥昭劾崇及當國說懼潛請岐王申欵崇它日朝衆  
趨出崇曳踵為有疾狀帝召問之對曰臣損足曰無

唐列傳

卷十

五

甚痛乎曰臣心有憂痛不在足問以故曰岐王陛下  
愛弟張說輔臣而密乘車出入王家恐為所誤故憂  
之於是出說相州魏知古崇所引及同列稍輕之出  
攝吏部尚書知東都選知古憾焉時崇二子在洛通  
賓客魏遺書請託知古歸悉以聞他日帝召崇曰  
卿子才乎皆安在崇揣知帝意曰臣二子分司東都  
其為人多欲而寡慎是必嘗以事干知古帝始以崇  
私其子或為隱微以言動之及聞乃大喜問安從得  
之對曰知古臣所薦也臣子必謂其見德而請之帝

於是愛崇不私而薄知古欲斥之崇曰臣子無狀據  
陛下法而逐知古人必謂陛下私臣乃止然卒罷為  
工部尚書崇始名元崇至開元世避帝號更以今名

宋璟

宋璟邢州南和人七世祖弁為元魏吏部尚書璟舉  
進士中第調上黨尉為監察御史遷鳳閣舍人居官  
鯁正武后高其才張易之誣御史大夫魏元忠有不  
臣語引張說為驗將廷辨說惶遽璟謂說曰名義至  
重不可隔正人以求苟免緣此受請芬香多矣說感

唐列傳

卷十

四

其言以實對元忠免死璟後遷左臺御史中丞劾二  
張下獄后俄詔原之勅二張詣璟謝璟不見曰公事  
公言之若私見法無私也顧左右嘆曰吾悔不先碎  
豎子首而令亂國經管宴朝堂二張列卿三品璟階  
六品若下坐易之謂事璟虛位揖曰公第一人何下  
坐璟曰才劣品卑卿謂第一何邪是時朝廷懼易之  
等不名其官呼易之五郎昌宗六郎鄭善果謂璟曰  
公奈何謂五郎為卿璟曰以官正當為卿若非其家  
奴何郎之云會有喪告滿入朝公卿以次謁通禮意

易之等後至促步前璟舉笏却拜唯唯故積怨常欲  
中傷后知之得免然以數忤旨詔按獄揚州璟奏按  
州縣緩監察御史職耳又詔按幽州都督屈突仲翔  
辭曰御史中丞非大事不出使仲翔罪止贓今使臣  
往此必有危臣者既而詔副李崧使隴蜀璟復言隴  
右無變臣以中丞副李崧非朝廷故事終辭易之初  
冀璟出則劾奏誅之計不行乃伺璟家婚禮將遣客  
刺殺之有告璟者璟乘庫車舍他所刺不得發俄二  
張死乃免神龍初為吏部侍郎中宗令兼諫議大夫

唐列傳 卷十

五

遷黃門侍郎武三思怙恣寵數有請於璟璟厲答曰  
獨不見產祿事乎後常月將告三思亂宮掖帝詔誅  
死璟請付獄按罪詔璟權檢校并州長史未行又檢  
校貝州刺史時河北水歲大饑三思使欽封租璟拒  
不與故為所擠歷杭相二州政清殺吏下無敢犯者  
遷洛州長史睿宗立同中書門下三品兼右庶子太  
平公主不利東宮嘗駐輦光範門伺執政以誣璟曰  
太子有大功宗廟社稷主也安得異議乃與姚崇白  
奏出公主諸王於外帝不能用貶楚州刺史歷充冀

魏三州河北按察使進幽州都督留守東都玄宗開  
元初以雍州為京兆復為尹進御史大夫坐小累為  
睦州刺史徙廣州都督乃拜刑部尚書四年遷吏部  
兼侍中諫黜李朝隱王怡累封廣平郡公七年為尚  
書右丞相而張說為左丞相源乾曜為太子少傅同  
日拜有詔大官設饌太常奏樂會百官尚書省東堂  
帝賦三傑詩自寫以賜二十年請致仕許之二十五  
年卒年七十五謚文貞璟風度凝遠人莫涯其量始  
自廣州入朝帝遣內侍楊思勗驛送之未嘗交一言

唐列傳 卷十

六

思勗自以將軍貴幸詠之帝帝益嗟重六子尚渾怒  
華衡昇昇太僕少卿尚漢東太守  
張說  
張說字道濟或字說之洛陽人永昌中武后策賢良  
方正詔吏部李景諶糊名較覆說所對第一遷左補  
闕久視中后避暑三陽宮迄秋未還說上疏願及時  
旋軫深居上京張易之誣陷說元忠引說為助說遂  
對折易之誣坐流欽州中宗立累遷工部兵部侍郎  
睿宗即位擢中書侍郎兼雍州長史譙王重福伏誅



世史白曰巧公徐之不然手脫脫矣李嶠曰舍人恩  
若湯泉吾所不及遭父喪起爲工部侍郎辭不拜終  
制乃就職詔以爲中書侍郎時李又對掌書命帝曰  
前李嶠蘇味道號蘇李今朕得頌及又愧前人哉  
俄襲封許國公吐蕃盜邊虜騎內侵帝怒欲自將兵  
討之頌諫會薛納大破吐蕃俘獲不貲由是帝止不  
行開元四年進同平章事脩國史與宋璟同當國璟  
嘗曰吾與蘇氏父子同爲宰相僕射長厚自是國器  
若朕可替否事至卽斷盡公不顧私則今丞相爲過

唐列傳

卷十

加

之八年罷政事俄檢校益州大都督長史時皇甫恂  
使蜀檄取庫錢市錦半臂頌不肯予因上言遣使街  
命先取不急非陛下意從封泰山還分主十餘事卒  
贈右丞相自景龍後與張說以文章顯稱望略等故  
時號燕許大手筆李德裕著論曰近世詔誥惟頌  
事外自爲文章云云誦舉賢良方正補秘書評正學  
士爲徐州刺史卒誦子震累遷殿中御史安祿山陷  
京師震棄家出奔會肅宗興師靈武迎及編相帝嘉  
之二京平封陵陽縣公

陸象先

陸象先舉制科高第時吉頊與元方同爲吏部侍郎  
頊擢象先爲洛陽尉元方不肯當頊曰爲官擇人豈  
以吏部干廢至公邪卒以授俄遷監察御史累授平  
章事監脩國史初太平公主謀引崔湜爲宰相湜曰  
象先人望宜幹樞近主不得已爲言之遂並知政事  
然其性恬靜寡欲議論高簡爲時推服湜嘗曰陸公  
加人一等公主旣擅權宰相爭附之象先未嘗往謁  
及謀逆象先言主不得廢立主怒更與寶璽黃等謀

唐列傳

卷十

十

卒誅死時象先與蕭至忠岑羲等坐爲主引進將同  
誅玄宗遷召免之以保護功封充國公詔治赴難投  
名者象先悉焚之以安反側罷爲益州大都督府長  
史爲政尚仁恕累徙蒲州刺史兼河東按察使嘗曰  
天下本無事庸人擾之爲煩耳第澄其源何憂不簡  
邪歷戶部尚書知吏部選舉母喪免起遷太子少保  
卒年七十二始象先名景初睿宗曰子能紹先權是  
謂象賢者乃賜名焉

魏知古

魏知古澤州陸澤人擢進士第以著作郎脩國史累遷神龍初為吏部侍郎睿宗立以故屬拜黃門侍郎會造金仙玉真觀雖盛夏工程嚴促知古諫不納復諫帝嘉其直同中書門下三品兼左庶子先天元年為侍中從獵渭川獻詩以諷明年封潯陽公實懷貞等詭謀亂國知古密發其姦詔知東都吏部選事以稱職聞改紫微令與姚元崇不協陞工部尚書罷政事開元三年卒年六十九宋璟聞而嘆曰叔向古道直子產古道愛兼之者其魏公乎文宗太和二年求

唐列傳

卷十

十一

其曾孫處訥授湘陽尉與魏徵裴冕後同擢任之

### 李嶠

李嶠字巨山趙州人為兒時夢人遺雙筆自是有文辭十五通五經二十擢進士第始調安定尉舉制第甲科遷長安時議尉各文章者駱賓王劉光業嶠等少與夷等授監察御史會來俊臣構狄仁傑李嗣真等獄將抵勅嶠與張德裕劉寶覆驗德裕等內知其寃不敢異嶠曰知其枉不申是謂見義不為者卒與二人列其枉久乃召為鳳閣舍人俄知天倉侍郎同

平章事張易之敗坐附會貶神龍二年代蕭安石為中書令封趙國公以特進同中書門下三品睿宗立罷政事下除懷州刺史致仕玄宗嗣位貶滁州別駕卒年七十嶠富才思武后時汜水獲瑞石上皇符一篇為世譏薄然其仕前與王勃楊盈川接中與崔融蘇味道齊名晚諸人沒而為文章宿老學者取法焉

### 蘇味道

蘇味道趙州桑城人也九歲能屬辭與里人李嶠俱以文翰顯時號蘇李廷載中進平章事證聖元年與

唐列傳

卷十

十一

張易之俱坐法繫司刑獄屬雖下吏氣象自如味道獨席地飯蔬為危端可憐者武后聞放錫嶺南纒降味道集州刺史聖曆初復進三品張易之敗坐黨附貶眉州刺史未就道卒味道練莖開故事善占奏然棋稜持兩端世號棋稜

### 崔融

崔融字安成齊州全節人也擢八科高第補崇文館學士中宗為太子時選侍讀武后幸嵩高見融銘於母碣嘆美之張易之兄弟頗延文學士融與李嶠蘇

味道王紹宗降節依附易之誅貶袁州刺史譚武后哀冊最高麗絕筆而死時謂思苦神竭云年五十四

徐彥伯

徐彥伯交州瑕丘人七歲能為文結廬太行山下薛元超表其賢對策高第調永壽尉蒲州司兵叅軍時司戶常勗善判司士李亘工書而彥伯屬辭時稱河東三絕武后撰三教珠英取文辭士皆天下選而彥伯李嶠居首出為齊州刺史帝復位改太常少卿以脩武后寶錄勞封高平縣子為衛州刺史會郊祭上

唐列傳

卷十

十五

南郊賦一篇辭致典綉擢脩文館學士工部侍郎以疾乞骸骨開元二年卒

姚班

姚班提明經歷六州刺史政皆有績數被褒賜累封宣城郡公遷太子詹事兼左庶子時節愍太子稍失道班凡四上書諫太子雖稱善不能用及敗索官中得班諫書中宗嘉歎時官臣皆得罪獨班擢右散騎常侍遷秘書監睿宗立拜戶部尚書卒年七十四始曾祖察嘗撰漢書班著紹訓以發明舊義云

杜審言

杜審言字必簡襄州襄陽人晉征南將軍預遠裔擢進士為隰城尉恃才高以傲世見疾蘇味道為天官侍郎審言集判出謂人曰味道必死人驚問故答曰彼見吾判且羞死又嘗語人曰吾文章當得屈宋作衙官吾筆當得王羲之北面累遷洛陽丞坐事貶吉州司戶叅軍周季重郭若訥構其罪繫獄將殺之季重等酒醉審言子弁年十三哀刃刺季重於坐左右殺弁季重將死曰審言有孝子吾不知若訥故誤我

唐列傳

卷十

十四

審言免官遷東都蘇頌傷弁孝烈志其墓劇允濟祭以文後武后召審言將用之問曰卿喜否審言蹈舞謝后令賦歡喜詩授膳部員外郎神龍初坐交通張易之流峯州入為脩文館直學士卒初審言病甚宋之問武平一等省候曰吾在久歷公等今且死固太慰但恨不見替人少與李嶠崔融蘇味道為文章四反世號崔李蘇杜融之亡審言為服總云從祖兄易簡九歲能屬文長博學為岑文本所器擢進士補渭南尉咸亨初歷殿中侍御史審言生子嗣開生甫

張昌齡

張昌齡冀州南宮人與兄昌宗皆以文自名州欲舉秀才昌齡以科廢久同讓更舉進士與王公治齊名皆為考功員外郎王師旦所絀太宗問其故答曰昌齡等華而少實其文浮靡非令器也貞觀未翠微官成獻頌闕下召見試息兵詔少選成文帝大悅戒之曰昔稱衝濟岳矜已傲物不得死卿才不減二人宜鑒於前乃勅於通事舍人裏供奉俄為崑山道記室平龜茲露布為士所稱賀蘭敏之奏陳北門脩撰卒

唐書

卷十

十五

昌宗官至太子舍人脩文館學士

王勃

王勃字子安絳州龍門人六歲善文辭九歲得穎師古注漢書讀之作指瑕以摘其失麟德初劉祥道巡行關內勃上書自陳祥道表於朝對策高第年未及冠授朝散郎數獻頌闕下沛王問其名召署府修撰論次平臺秘略書成王愛重之時諸王園雜勃戲為文檄英王雞高宗怒曰是且交手斥出府勃既廢客鄒南嘗登葛公山曠望慨然思諸葛亮之功賦詩見

情開魏州多藥草求補參軍倚才陵藉為僚吏共鑿

官奴曹達抵罪匪勃所懼事洩輒殺之事覺當誅會赦除名父福時錄雍州司功參軍坐勃故左遷交趾令勃往省度海溺水而卒年二十九初道出鍾陵九月九日都督大宴滕王閣宿命其婿作序以夸客因出紙筆徧請客莫敢當至勃汎然不辭都督怒起更衣遣吏伺其文輒報再報語益奇乃矍然曰天才也請遂成文極歡罷勃屬文初不經思先磨墨數升則辭必引被覆面肘及寤援筆成篇不易一字時人謂

唐書

卷十

十六

勃為股榮尤喜著書初祖通隋末居白牛溪教授門人甚衆嘗起漢魏畫晉作書百二十篇以續古尚書後亡其序有錄無書者十篇勃補完缺逸定著二十五篇勃兄劇弟助皆進士劇長壽中為鳳閣舍人五王出閣有司具儀忘載冊文群臣已在乃寤其闕案相失色劇召五吏執筆分占其辭案然尋兼知天官侍郎劇素善劉思禮用為箕州刺史與恭連耀謀反劇與兄涇州刺史勔及助皆坐誅勃與楊炯盧照隣驛賓王皆以文章齊名天下稱王楊盧駱四傑炯嘗



晉書 盧前耻居王後

楊炯

楊炯華陰人舉神童授校書郎永隆二年皇太子表  
夢俊名崇文館學士中書侍郎薛元超薦炯及鄭祖  
玄鄧玄挺崔融等遷詹事司直俄坐從弟神讓與徐  
敬業亂出為梓州司法叅軍張說以餞贈行戒其苛  
至官果以嚴酷稱吏稍忤意榜殺之不為人所多卒

盧照隣

盧照隣字昇之范陽人十歲從曹憲王義方授舍雅

唐書 卷十七

十七

調鄧王府典籤王受重謂人曰此吾之相如調新都  
尉病去官居太白山得方士玄明膏解之會父喪號  
嘔丹輒出由是疾益甚客東龍門山布衣慕羨裴達  
之書方質范履冰等時時供衣藥疾甚足藥一手又  
廢乃去其茨山下買園數十畝疏潁水周舍復謀為  
墓偃卧其中照隣自以當高宗時尚史已獨儒武后  
尚法已獨黃老后封嵩山受聘賢士已已廢者五處  
文以自明病既久與親屬訣自沈潁水

駱賓王

駱賓王義烏人七歲能賦詩初為道王府屬嘗使自

言所能不啓歷武功主簿裴行儉為洮州總管裴掌  
書奏不應調長安主簿武后時數上疏言事下除臨  
海丞執執不得志棄官去徐敬業亂署為府屬為敬  
業傳檄天下斥武后罪后謂但嘻笑至一杯之土未  
乾六尺之孤安在屢然曰誰為之或以賓王對后曰  
宰相安得失此人敬業敗賓王亡命不知所之中宗

時詔求其文得數百篇他日崔融與張說評勃等曰

勃文章宏放非常人所及獨照隣可以企之說曰不

唐書 卷十八

十八

然盈川文如懸河酌之不竭優於雁而不減王耻居  
後信然愧在前謙也開元中說與徐堅論近世文章  
說曰李嶠崔融薛稷宋之問之文如良金美玉無施  
不可富嘉謨如孤峯絕岸壁立萬仞濃雲鬱興震雷  
俱發誠可畏也若施於廊廟則駭矣聞朝隱如麗服  
觀莊燕歌趙舞觀者忘疲若類之風雅則罪人矣堅  
問今世奈何說曰韓休之文如太羹玄酒有典則薄  
蕪味許景先如豐肌膩理靡穠華可愛而乏風骨張  
九齡如輕練練素實濟時用而寤過幅王翰如瓊栝

玉瑩雖爛然可珍而多玷缺堅謂爲鯨論云

劉允濟

劉允濟河華人少孤事母尤孝工文辭與王勃齊名舉進士累遷著作佐郎武后明堂成奏賦述功德手詔褒答除著作佐郎脩國史坐二張昵狎除青州長史有清白稱以內憂去官服除召爲脩文館學士既久斥喜甚與家人樂飲數日卒

沈佺期

沈佺期字雲卿相州內黃人及進士第由協律郎累

唐劉傳

卷十

十九

除給事中考功員外受賕劫未究會張易之敗遂流驩州稍遷台州錄事參軍事入計得召見拜起居郎兼脩文館直學士既侍宴帝詔學士等舞回波佺期爲弄辭悅帝還賜牙緋尋歷中書舍人太子少詹事開元初卒弟全字皆有才章而不逮佺期

宋之問

宋之問字延清一石少連汾州人父令文高宗時爲東臺詳正學士之問備儀貌難於辨甫冠武后召與楊炯分直習藝館武后游洛南龍門詔從臣賦詩左

史東方虬詩先成后賜錦袍之問俄頃獻后覽之嗟

賞更奪袍以賜於時張易之等寵甚之問與閻朝隱

沈佺期劉允濟傾心媚附易之所賦諸篇盡之問朝

隱所爲至爲易之奉溺器及敗貶瀧州朝隱崖州並

參軍事之問逃歸洛陽匿張仲之家會武三思復用

事仲之與王同皎謀殺三思安王宰之問得其實令

兄子曇與冉祖雍上惡髮因貶贖罪由是擢鴻臚主

簿天下醜其行景龍中太平公主故見用及安樂公

主權盛復往諧結故太平深疾之中宗將用爲中書

唐劉傳

卷十

二十

舍人太平發其知貢舉時賕餉狼籍下改越州長史

頗自力爲政唐宗立以兪險惡詔流欽州祖雍爲

刑部侍郎倡飲省中御史劾奏貶蘄州刺史至是亦

流嶺南並賜死桂州魏建安後訖江左詩律屢變至

沈約廖信以音韻相婉附屬對精密及之問沈佺期

又加靡麗回忌聲病約句堆篇如錦繡成文學者宗

之號爲沈宋語曰蘇李居前沈宋比肩謂蘇武李陵

也初之問父令文富文辭且工書有力絕人世稱三

絕都下有牛善屬人莫敢嬰令文直往扳取角折其

頭級之能之問以文章起其弟之悌以躡與問之意  
精草隸世謂皆得父一絕之悌長八尺開元中歷劍  
南節度使太原尹嘗坐事流朱鳥會蠻陷驪州授總  
管擊之募壯士八人被重甲大呼薄賊曰獠動即死  
賊七百人皆伏不能興遂平賊之惡為連州叅軍刺  
史聞其善歌使教婢日執笏立簾外唱吟自如

李適

李適字子至京兆萬年人舉進士再調荷氏尉武后  
脩三教珠英書李嶠張昌宗為使適與王無兢尹元

唐列傳

卷十

二十一

凱雷嘉謀宋之問沈佺期閻朝隱劉允濟在選書成  
兼脩書學士睿宗時特詔宣光閣再遷工部侍郎卒  
年四十九嘗夢與人論大衍數寤而曰吾壽盡此乎  
勅其子曰霸陵京西視京師吾樂之可營墓樹千松  
焉及未病時衣冠往寢石榻上置所撰九經要句及  
素琴於前上貴其達子季卿亦能文舉明經博學宏  
辭調鄂尉肅宗時為中書舍人代宗立進吏部侍郎  
河南江淮宣慰使振振幽滯號長遺命以布車一  
乘葬季卿在朝薦進才選與人交有氣節初中宗景

龍二年於脩文館置大學士四員學士八員直學士  
七十二員象四時八節十二月於是李嶠宗楚客趙  
彦昭常嗣立為大學士適劉憲崔湜鄭愔盧藏用李  
又岑羲劉子玄為學士薛稷馬懷素宋之問武平一  
杜審言沈佺期閻朝隱為直學士召徐堅常元旦徐  
彦伯劉允濟等滿員其後被選者不一凡天子饗會  
游豫唯宰相及學士得從春幸菰園並渭水祓除夏  
宴蒲萄園秋登慈恩浮圖冬幸新豐歷白鹿觀上驪  
山賜浴湯池帝有所感即賦詩學士皆屬和然皆狎

唐列傳

卷十

二十二

狠佻佞忘君臣禮法

唐列傳卷之十一

張九齡

張九齡字子壽韶州曲江人也七歲知屬文十三以書干王方慶嘆曰是必致遠會張說謫嶺南一見厚遇之居父喪哀毀延中本連理擢進士始調校書郎以道伴伊呂科策高第為左拾遺時玄宗即位未郊見九齡建言郊祀又言重守令之選選士之法俄遷左補闕九齡有才鑒吏部試拔萃與舉者嘗與趙冬曦考次號稱詳平時張說為宰相親重之與通請承

唐列傳卷之十一

管曰後出詞人之冠也遷中書舍人帝封泰山說多引兩省錄事主書及所親攝官升山超階至五品九齡當草詔謂說曰官爵者天下公器恐制出四方失望方進草尚可以改公宜審計說曰事已決矣悠悠之言不足慮既而果得謗始說知集賢院嘗薦九齡可備顧問說卒天子思其言召為集賢院學士遷工部侍郎知制誥以其弟九臯九章為嶺南刺史歲時聽給驛省家遷中書侍郎以母喪解毀不勝哀有紫芝產坐側白鳩白雀巢家樹是歲奪哀拜同平章事

始議河南開水也兼河南稻田使上言廢循資格復置十道採訪使李林甫無學術見九齡文雅為帝知內忌之會張守珪以斬突厥有功帝欲以為侍中九齡曰名器不可假也遂止又將以牛仙客為尚書九齡亦執不可九齡既疾帝言恐遂為林甫所危因帝賜白羽扇乃獻賦自况曰縱秋氣之移奪終感恩於篋中帝雖優答然卒罷政事而用仙客貶荊州長史卒謚文獻九齡體弱有醞藉故事公卿皆措笏於襟而後乘馬九齡獨常使人持之因設笏囊自九齡始

唐列傳卷之十一

後帝每用人必曰風度得君九齡乎初千秋節至公血獻寶鑑九齡上千秋金鑑錄以伸諷諭為相書請有大臣節安祿山初以范陽偏校入奏氣驕蹇九齡曰亂幽州者此胡雛也及討奚丹敗九齡令誅之帝不悟帝後在蜀思其忠為泣下開元後天下稱曰曲江公而不名云子極為伊闕令會祿山亂河洛陷不受偽官賊平推太子贊善大夫弟九臯亦有名其自孫仲方確正有風節仕至左散騎常侍

唐懷慎

盧懷慎滑州人懷慎在潼關已不几父友監察御史  
韓思彥嘆曰此兒氣不可量及長第進士歷監察御  
史中宗尚武后上陽宮后詔帝十日一朝懷慎諫宜  
遵內朝以奉溫清無煩出入不省遷右御史臺中丞  
上疏陳時政疏奏不報遷黃門侍郎日漁陽縣伯與  
魏知古分領東都選開元元年進同紫微黃門平章  
事三年改黃門監薛王舅王仙童恭虐百姓憲司按  
得其罪有詔紫微黃門覆實懷慎與姚崇覆奏獄決  
懷慎自以才不及崇故事皆推而不專時議為伴食

唐書傳

卷十一

三

李元紘

李元紘字大綱其先滑州人後世占京兆萬年父道  
廣武后時為汴州刺史突厥契丹寇河北議發河南  
兵擊之百姓震擾道廣悉心撫定人無離散遷平章  
事封金城侯謚曰成元紘仕為雍州司戶參軍時太  
平公主勢震天下百司順望風指管與民競碾磔元  
紘還之民長史竇慎貞大驚趨啟之元紘大署判後

曰南山可搖判不可搖也改好時令遷潤州司馬以  
辦治得名開元初為萬年令賦役稱平擢京兆尹詔  
決三輔渠時王主權家旁渠立磴漕竭爭利元紘敕  
吏盡毀之分溉渠下田民受其惠三遷吏部侍郎會  
戶部楊瑒白知慎坐支調失宜貶刺史帝求可代者  
公卿多薦元紘帝欲擢為尚書宰相以資薄乃為戶  
部侍郎條陳利害及政得失帝才之謂可丞輔明年  
遂拜平章事封清水縣男初左難子吳兢為史官獻  
唐書及春秋不成以表解後主書請畢其功詔許執

唐書傳

卷十一

四

集賢院成書張說致任詔在家脩史元紘請勅說以  
書就館參會譟錄詔可後與杜暹不協皆罷元紘為  
曹州刺史徙蒲州引疾去卒謚曰文忠元紘再世宰  
相當國累年未嘗改治第宅僮馬敝弱宋璟嘗嘆曰  
雖季文子之德何以加之

杜暹

杜暹濮州濮陽人父承志武后時為監察御史懷州  
刺史李文暉為人所告詔承志推驗無實文暉宗室  
近屬也卒得罪承志貶為方義令遷天官員外郎見

羅織獄與移疾去卒自高祖至進五世同居進尤恭謹事繼母孝擢明經第補婺州參軍秋滿歸吏以紙萬番贈之進爲受自番爲鄭尉復以清節顯擢爲大理評事開元四年以監察御史覆屯積西會安西副都護郭虔瓘與西突厥可汗阿史那獻鎮守使劉遵慶更相訟詔進卽按入突騎施帳窺索左驗虜以金遺進還固辭左右曰公使絕域不可失戎心乃受焉陰埋帳下已出境乃移文昇取之遷給事中以母喪解會安西都護張孝嵩遷太原尹或言遷往使安西

廣列傳 卷五十一

五

張嘉貞蒲州人以五經舉坐事免長安中御史張循惡使河東召嘉貞決事草奏大驚因請以官讓之武后召見內殿以簾自蔽嘉貞儀止秀備奏對侃侃后異之因請曰今天威咫尺若隔雲霧恐君臣之道有未盡也后曰善詔上簾引拜監察御史時功狀盈几郎吏不能決嘉貞爲詳處不閱旬廷無稽牒歷梁秦二州都督并州長史政以嚴辨吏下畏之奏事京師玄宗善其對數加慰勞突厥九姓新內屬雜處太原北嘉貞請置天兵軍綏護其衆卽以爲天兵使明年入朝或告其反按無狀嘉貞辭且請免告者死天子以爲忠且許以相嘉貞因曰昔馬周徒步謁人主血氣方壯太宗用之能盡其才甫五十而沒向使用少晚則無及已陛下不以臣不肖必用之要及其時後衰無能爲也及宋璟等罷帝欲用嘉貞而忘其名夜詔中書侍郎蕭抗曰朕嘗記其風操而今爲北方大將張姓而複名卿爲我思之抗曰非張齊丘乎帝卽使作詔以爲相夜且半因問大臣表疏舉一則嘉貞

張嘉貞

廣列傳 卷五十一

六

所獻遂得名印以爲中書侍郎同平章事遷中書令  
居位三年善傳奏敏於裁遣然與躁論者恨其不祿  
弟嘉祐以賊聞嘉貞遂出爲貞州刺史明年王守一  
死坐與厚善貶台州刺史卒嘉貞雖貴不立田園有  
勸之者荅曰吾嘗相國矣未死豈有饑寒憂弟嘉祐  
任金吾衛將軍昆弟每上朝軒蓋鳴導盈閭巷時號  
所居坊曰鳴珂里子延賞孫弘靖皆至宰相

裴耀卿

裴耀卿字煥之寧州刺史守真次子也數歲能屬文

唐列傳

卷十一

七

擢童子舉稍遷秘書省正字相王府典籤與抹丘悅  
文學常利器更直備顧問王卽帝位授國子主簿累  
遷長安令萬有配戶和市法人厭苦耀卿一切責蒙  
門坐賈預給以直絕饑噴之弊爲濟州刺史濟當走  
集會天子東巡耀卿道三梁十驛料飲均省俄徙宣  
州前此大水河防壞諸州不敢擅興役耀卿乃躬議  
作役未訖有詔徙官懼功不成弗卽宣而撫慰務屬  
愈懇屢成發詔而去濟人爲立碑頌德歷冀州入拜  
戶部侍郎開元二十年副信安王禘討契丹明年秋

兩宮祿京師饑帝將幸東都召問所以救人者耀卿  
奏益廣漕運以實關輔拜黃門侍郎同平章事二十  
二年充江淮河海轉運使二十四年以尚書左丞相  
罷封趙城侯卒年六十三子綜吏部郎中綜子佶別  
有傳

蕭嵩

蕭嵩字子範備秀美嶷嶷時陸象先爲洛陽尉已有  
名士爭往交而嵩泊然未任人不之異夏榮者善相  
謂象先曰君後十年貴冠人臣然不若蕭郎位高年

唐列傳

卷十一

八

艾舉門藩熾開元初擢中書舍人玄宗命李鉉與諸  
學士刊定五禮鉉與嵩繼之時崔琳王丘齊澣皆有  
名以嵩少學術不以輩行許也獨姚崇稱其遠到後  
以兵部尚書領朔方節度使會吐蕃陷瓜州嵩遣副  
將與吐蕃戰祁連城下大潰虜哭震山谷露布至帝  
大悅授同中書門下三品進兼中書令帝委嵩擇舉  
相嵩推韓休及休同位峭正不相假至校曲直帝前  
嵩慙乞骸骨退脩葺園區優游自怡家饒財而子華  
爲工部侍郎子銜尚主位三品就養年踰八十

韓休

韓休京兆長安人舉賢良玄宗在東宮令條對國政與趙冬曦並中乙科擢左補闕出為魏州刺史魏于東西京為近州乘輿所至常稅既芻休請均賦他郡張說曰免稅而與他州此守臣為私惠耳休復執論說如休請累遷右中丞裴光庭卒帝敕蕭嵩舉可以代者蕭嵩稱休志行遂拜黃門侍郎同平章事萬年尉李美玉有罪帝將放嶺南休曰尉小官犯罪今朝廷有大姦請得先治金吾將軍程伯獻恃恩而貪室

唐列傳 卷十一

九

崔隱甫京兆武功人玄宗立遷洛陽令梨園弟子胡雛善笛有寵嘗負罪匿禁中帝以他事召隱甫指曰就卿焉此人對曰陛下輕臣而重樂工請解官再拜出帝遂謝與胡雛賜隱甫百緡拜御史大夫初臺無獄凡有囚則繫大理貞觀時李乾祐為大夫始置獄由是中丞侍御史皆得繫人隱甫執故事廢掘諸獄上欲用隱甫張說薄其無文乃暴說過說罷相然帝嫉別黨隱甫亦免官餘歲遷刑部尚書累封清河郡公始帝欲相隱甫謂曰牛仙客可與語對曰未也帝曰可見之隱甫終不詰它日又問對如初帝乃不用隱甫所至累介自守以嚴正稱云

唐列傳 卷十一

十

李朝隱

李朝隱字光國京兆三元人明法中第擢至大理丞武三思構五王鄭愔請誅之朝隱獨以不經鞠實不宜輕用法忤旨貶嶺南肅州巨源李嵩言於中宗更以為開喜令遷吏部員外時政出權幸不關二省而內授官但封其狀付中書朝隱執罷千四百員遷長



安令宦官閭與貴有所干請曳去之廢宗褒論其能  
庶安公主奪民園不酬直朝隱取主奴杖之開元初  
遷吏部侍郎銓叙明審封金城伯代崔隱甫為御史  
大夫天下以其有素望每大夫缺冀朝隱得之及居  
職不爭引大體惟先細務由是名少衰出判廣州卒

嚴挺之

嚴挺之名浚以字行華州華陰人擢制科調義興尉  
號材吏魏崇為州刺史異之崇執政引為右拾遺  
宗好音律先天二年正月望夜胡人婆陁請然百千

唐書傳

卷十一

十一

燈因弛門禁又追賜元年黼闥月未止挺之上疏諫  
陳五不可帝納焉侍御史任正名恃風憲至廷中責  
習衣冠挺之讓其不敬及衡所劾貶萬州開元中為  
考功員外侍郎累進給事中掌典貢舉時號平允會  
杜暹李元絃為相暹善挺之而元絃善宋暹用為參  
軍中書舍人暹校吏部判取舍挺之異言於元絃元  
絃屢詰暹挺之挺之曰公為相任小人問為誰曰宋  
暹也出為登州刺史改太原少尹初殿中監王毛仲  
持節抵太原朔方籍兵馬後累年仍移太原取兵仗

挺之不肯應且以毛仲寵幸久恐廢逐終於帝俄改

漢汴二州刺史召為刑部侍郎遷太府卿宰相張九

齡雅知之用為尚書左丞知吏部選戶部侍郎蕭昊

李林甫所引不知書嘗與挺之言稱蒸嘗伏臘乃為

伏獵挺之曰有伏獵侍郎乎出吳岐州刺史林甫恨

之會挺之有所諉於尉州刺史王元琰林甫使人暴

其語禁中下除洛州刺史徙絳州天寶初帝顧林甫

曰嚴挺之安在此其材可用林甫退召其第損之與

道舊詩諄款曲且許義官因曰天子視絳州學要嘗

唐書傳

卷十一

十二

以事自解歸得見上且大用因給挺之使稱疾願就

警京師林甫已得奏即言挺之知春秋高有疾幸聞

官得自養帝恨咤久之乃以為員外詹事詔歸東都

挺之鬱鬱成疾自為文誌基遺令薄葬挺之重交游

許與生死嫁故人孤女數十人然溺志於佛與浮屠

惠義善義卒衰服送其喪已乃自葬於塔左

盧從愿

盧從愿字子冀擢明經又舉制科睿宗立拜吏部侍郎

那吏遷自中宗後綱紀耗蕩從愿於總六年以平允

聞初高宗時吏部號稱職者裴行儉馬載及提從恩與李朝隱為有名故號前有裴馬後有盧李開元四年玄宗悉召縣令策於庭考下第者罷之從恩坐擬選失實下遷州刺史代常抗為刑部尚書數乞校考使升退詳確宇文融將以括田戶功為上下考從恩不許融恨之密白從恩盛殖產良田數百頃帝自此薄之曰為多田翁後融用為相卒以是止卒

崔沔

崔沔字善冲京兆長安人後周龍州刺史士約四世

孫自博陵徙焉事親為孝擢進士舉賢良方正高第不中者訟皆之武后敕有司覆試對為第一再補陸渾主簿入調吏部侍郎岑義嘆曰君今郊詵也薦為左補闕性舒遲當官則正言不可得而訕辱宗召授中書舍人以母病東都不忍去固辭求侍更表陸渾尉郭鄰大樂丞封希頰處士李善以代已屢詔改冀部郎中俄檢校御史中丞請發太倉粟及戒苑園鳥獸所給以限符乏監察御史宋宣遠與盧懷慎姻家恃以弄法姚崇子彝留司東都通賓客招賄賂沔將

按劾崇懷慎共薦沔有史才轉著作郎去其權蓋憚之也久之為太子左庶子遷中書侍郎凡詔敕書事多所異同張說不悅出為魏州刺史召還分掌吏部十銓歷秘書監時太常議加宗廟遠豆又欲增喪服於是卿常緝請坐增遠豆職方郎中常述戶部郎中陽伯成禮部員外郎楊仲昌監門兵曹參軍劉秩等議與沔合又詔中書門下參裁每朝廷有疑議皆咨速取表卒年六十七子祐甫

王丘

王丘字仲山十一權童子科他童皆專經而丘獨屬文由是知名及冠舉制科中第族入方慶及魏元忠更薦之權監察御史開元初遷考功員外郎考功異時多請託進者丘務覈實遷吏部侍郎與選平允其獎用如孫述張鏡微張胥王洽一時茂秀會山東旱饑詔重刺史之選乃以丘與崔沔等並為山東觀察而丘守漢州尤清嚴蕭嵩與丘善將引與當國丘甚推韓休行能及休秉政薦為御史大夫丘納於言斷白奏帝多不喜以疾徙禮部尚書致仕天寶一載卒

李傑

李傑本名務光相州滏陽人以孝友著擢明經為吏  
詳敏有治舉以採訪使行山南時戶口逋蕩細弱下  
戶為豪力所兼傑為設科條區處檢防亡匪復業者  
十七八先天中進水陸發運使改河南尹寡婦有告  
其子不孝者傑物色非是謂婦曰子法當死乃命市  
棺還歛之使人述婦出與一道士語頃持棺至傑令  
蒲道士按問乃與婦私不得逞傑殺道士內於棺代  
宋璟為御史大夫尚衣奉御長孫斯素惡傑遇於道  
辱之帝怒詔斬斯開元六年卒

唐書

卷十五

盧奐

盧奐早脩整為吏有清白稱歷御史中丞為陝州刺  
史開元二十四年帝西還次陝嘉其美政尋召為兵  
部侍郎天寶初為南海太守前守劉巨鱗彭果皆以  
贖敗故以奐代之汗吏歛手中之市舶者亦不敢  
干其法違俗為安特謂自開元後三十年治廣有清  
節者宋璟李朝隱與三人而已終前書右丞  
許景先

許景先常州義興人曾祖緒武德時以佐命功封真

定公遂家洛陽景先由進士第釋褐夏陽尉神龍初  
東都造服慈閣景先獻賦李迥秀見其文嘆曰是宜  
付太史擢左拾遺以論事切直外補舉手筆俊拔茂  
才異等連中進揚州兵曹參軍還為左補闕宋璟蘇  
頴擇殿中侍御史久不補以授景先與齊澣王丘翰  
休張九齡更知制誥以雅厚稱張說曰許舍人之文  
雖乏峻岸激派然詞旨豐美得中和之氣十三年帝  
自擇刺史景先由吏部侍郎為刺史治虢州後徙岐  
州入為吏部侍郎卒

唐書

卷十六

唐諫

唐諫字建侯襄州襄陽人舉學兼流畧詞擅文場科  
擢上第復舉俊拔科中之補襄邑尉奏事闕下會節  
愍太子難安樂公主請為皇太女諫上疏請立皇太  
子太平公主聞其名將表為諫官諫班被污遁去俄  
舉賢良方正異等開元初遷監察御史投大理丞遷  
考功員外郎為中書舍人與韓休許景先徐安貞等  
迭名相甲乙出鄭州刺史韓休輔政舉代已入拜吏

部侍郎玄宗曰卿前日考功職詳事乞故有今授豫  
典選六年拔寒遠士多至臺閣當世推知人號席公  
云天寶六載進禮部尚書累封襄陽縣子性謹畏與  
子弟屬吏書不作草字及疾篤遺令三日歛歛已卽  
葬私貲不足可賣居宅以終事卒弟晉亦以文名

齊澣

齊澣字洗心定州義豐人年十四見特進李嶠稱  
有王佐才中宗在廬陵澣言請抑諸武迎太子東宮  
不報及太子還武后宴同明殿論曰朕母子如初豫

唐列傳

卷十一

十七

有力焉方不次待爾澣辭母老不忍遠離聖曆初及  
進士第以拔萃調蒲州司法叅軍有父子連坐論死  
者澣曰條落則本枯奈何俱死議貸其父景雲初爲  
監叅御史開元時姚崇復相用爲給事中中書舍人  
論駁及誥詔皆援準古誼時號解事舍人微諷崇年  
老避位時宋璟在廣州因勸崇舉自代崇用其謀出  
爲汴州刺史前刺史數不稱職惟倪若水與澣以清  
教聞玄宗封太山歷汴宋許澣列長制帝慕聰亘上  
食几千舉納莞輪身進膳帝喜甚爲留三日賜帛二

十匹澣以淮至徐城險急鑿渠十八里入青水人便  
其漕中書令張說擇丞轄以王丘爲左澣爲右李元  
絃杜暹當國表宋璟爲吏部尚書澣及蘇晉爲侍郎  
世謂臺選常奏事帝指政事堂曰非卿尚誰居者是  
時開府王毛仲寵甚與龍武將軍葛福順相婚嫁毛  
仲奏請無不從澣乘間白高力士小心謹畏何必毛  
仲又曰君不密失臣臣不密失身帝嘉納會大理丞  
麻察坐事出爲興州別駕澣往餞因道諫語察素姦  
佻適言狀帝怒召澣入殿中曰卿尚疑朕不密而反  
告察謂何且察輕躁無行常游太平門者詎不知耶  
取高州良德丞察再貶皇化尉共黨姦敷郭業皆流  
放久之澣中失勢益悵恨素操寢衰便倚力士助得  
爲兩道採訪使放歸田里天寶初召爲太子少詹事  
嚴挺之爲李林甫所廢與澣家居杖履經過不缺日  
李林甫畏之乃用澣爲平陽太守離其謀更以黃老  
清靜爲治卒年七十二

裴寬

裴寬姓通敏工騎射略通書記景雲中爲蒲州叅軍

事刺史書。詔有女擇所宜歸。會休日登樓。見人於後。圖有所瘞。裁者諸吏曰。參軍裴寬也。與侂來。詭問狀。寬曰。寬義不以苞苴。汙家。適有人以鹿為餉。致而去。不敢自欺。故瘞之。詔遂異引。為按察判官。許妻以女。寬時衣碧。瘡而長。既入。族人皆笑。呼為碧鶴。雀舉。拔萃為河南丞。累遷刑部員外郎。萬騎將軍。馮崇白日。殺人以貴。侂將鬻其獄。寬固執不肯。從河西節度使。表為判官。歷兵部侍郎。宰相裴耀卿領江淮運。奏為戶部侍郎。自副。遷吏部出為蒲州刺史。入境。輒雨。徙屬。傳。卷十一。十九。河南尹由金吾大將軍授太原尹。天寶初。由陳留太守。拜范陽節度使。時北平軍使烏承恩虜囚也。與中人通數。賈賄。寬以法絕。治三載。用安祿山守范陽。寬為戶部尚書。兼御史大夫。裴敦復平海賊。還廣張功。傳寬。密白其妄。李林甫恐其遂相。又惡寬善李適之。乃漏寬語。以激敦復。再貶安陸。別駕林甫任羅希夷。殺李適之也。亦使適安陸。將殺寬。寬叩頭祈哀。希夷乃去。寬懼。終見殺。為浮屠。不許稍遷。東海太守。入為禮部尚書。卒。年七十五。寬惑於佛。喜與桑門遊。

習。諱其書。老彌篤云子諱。

楊瑒

楊瑒字瑒。光華州華陰人。始為麟游令。時實懷貞大營金仙玉真二觀。椒取畿內膏。負逆人。貨者暴飲之。以佐費。瑒拒不應。懷貞怒。曰。縣令而好大夫命乎。瑒曰。所論者民。寬抑也。位高下乎。何取懷貞壯其對。而止。歷御史中丞。戶部侍郎。帝召宰相大臣議天下戶版於延英殿。瑒言利病尤詳。以抗議。宇文融出為華州刺史。入為國子祭酒。瑒奏有司帖試。明經不賈大。義乃取年頭月尾。孤經絕句。且今春秋三家儀禮者。幾十二。詔以三家傳儀禮。出身者不任散官。遂者令。生徒為瑒立頌。太學門遷大理卿卒。

劉子玄

劉子玄字知幾。以玄宗諱。嫌故以字行。年十二。父裁器為授古文尚書業。不進。父怒。楚督之。及開。為諸兄講春秋。左氏。旨往聽。退。輒辨析所疑。乃嘆曰。聽如是。兒何怠。父奇其意。許授左氏。踰年。遂見釋。史與兄知果俱以善文詞知名。擢進士第。調授嘉禾主簿。武后

證聖初詔九品以上陳得失子玄上書譏每歲一赦  
或一歲再赦小人之幸又謂刺史非三載以上不可  
徙時吏橫酷淫及善人公卿被誅死者踵相及子玄  
悼士無良而非於禍作思慎賦以刺時蘇味道李嶠  
見而嘆曰陸機豪士之流乎子玄與徐堅元行冲吳  
兢等善累遷鳳閣舍人兼脩國史中宗時推太子率  
更令介直自守累歲不遷會天子西還子玄自乞留  
東都三年或言子玄身史臣而私者速驛召至京領  
史事遷秘書少監時宰相韋巨源紀處訥楊再思宗  
廟列傳 卷十一 二十一

縣子鄉人以其兄弟六人俱有名號其鄉曰高陽里  
曰居巢累遷太子左庶子兼崇文館學士開元初遷  
散騎常侍會子颺為太樂令抵罪子玄請於執政玄  
宗怒貶安州別駕卒年六十一子颺隸樂秩迅廻  
颺字惠卿好學多所通解父卒詔訪其後擢起居郎  
歷右拾遺續說死十篇以廣漢劉向所遺而刊落怪  
妄子滋泱滋通經術楊綰薦才堪諫官貞元二年累  
官中書門下平章事泱亦有學稱泱之子名敦儒官  
起居郎性至孝時謂劉孝子達禮好古有祖風焉隸  
廟列傳 卷十一 二十二

楚客蕭至忠皆頗監脩子玄病長官多意向不一而  
至忠數責論次無功又仕偃蹇乃奏記求罷去因為  
子作書欲致吾何地著史通內外四十九篇譏評今  
古徐堅讀之嘆曰為史氏者宜置此座右也又常自  
比楊雄子玄內負有所未盡乃委國史於吳兢別撰  
劉氏家史及譜考上推漢為陸終前裔非堯後彭城  
董亭里諸劉出楚孝王翼曾孫居巢侯殷不承元王  
帝曰吾若得封必以居巢紹司徒藩邑後果封居巢

字鼎勳天寶初歷集賢院學士兼知史官著史例頗  
有法終辨南節度使子贊為宣州刺史颺以剛直稱  
第進士歷殿中侍御史大曆初為吉州刺史治行尤  
異累遷給事中秩字祚卿開元末安祿山及哥舒翰  
守潼關楊國忠欲奪其兵秩上言翰兵天下成敗所  
繫不可忽房瑄見其書以比劉更生至德初給事中  
迅字捷卿歷京兆功曹參軍事嘗寢疾房瑄聞憂不  
寐陳郡殷寅名知人見迅嘆曰今黃叔度也劉寔每  
聞其論曰皇王之道盡矣止元中避地安祿平迅續

詩書春秋禮樂五說書成語人曰天下滔滔知我者希終不以示人云

吳兢

吳兢汴州浚儀人少厲志貫知經史方直寡諧惟與魏元忠朱敬則游二人常路薦兢才堪論撰詔直史館脩國史神龍中改右補闕節愍太子難姦臣誣構相王與謀兢上言相王與陛下同氣宜察斗粟之刺蒼輓之詩累遷起居郎與劉子玄徐堅等並職玄宗初立收選權綱兢慮帝果而不及精乃上疏引隋煬

唐列傳

卷十一

三十一

帝以殺諫臣而敗亡太宗容納諫臣致刑措尋以毋喪去官服除自陳脩史有緒家貧不能具紙筆願得少祿以終餘功拜諫議大夫復脩史開元十三年帝封太山道中數馳射為樂兢諫帝納之始兢在長安景龍間任史事時武三思張易之等監頌兢不得志私撰唐書唐春秋未就至是丐官筆札冀得成書詔兢就集賢院論次時張說罷宰相在家脩史大臣奏國史不容在外詔兢等赴館撰錄進封長垣縣男久之坐書事不當貶荊州司馬以史草自隨蕭嵩領國

史奏遣使者就兢取書得六十餘篇累遷洪州刺史坐累下除舒州天寶初入為恒王傳卒年八十兢初與子玄撰定武后實錄叙張昌宗誘張說誣證魏元忠事頗言說已然可賴宋璟等邀厲苦切後說為相從容謬謂曰劉生書魏齊公事不少假借奈何兢曰子玄已亡不可受誣地下兢實書之說屢以情新改辭曰狗公之情何名實錄世謂今董狐云

常述

常述弘農會孫家厨書二千卷述為兒時誦憶畧編

唐列傳

卷十一

二十四

父景駿景龍中為肥鄉令述從到官元行冲景駿始子也為時儒宗嘗載書數車自隨述入其室觀書不知寢食行冲異之試與語前世事如指掌然舉進士時述方少儀質陋脫考功員外郎宋之問曰童子何業述曰性嗜書所撰唐春秋三十篇恨未畢它惟命之問曰本求茂才乃得遷固遂上第開元初為檢校尉秘書監馬懷素奏述與諸儒即秘書續七志述好講學凡初冲所撰姓族系屬每私寫懷之選合則又錄錄故於百氏源派為詳乃更撰開元譜二十篇累



除右補闕張說領集賢院薦述為直學士遷起居舍人從封太山奏東封記有詔褒美先是詔脩六典徐堅構意歲餘及蕭嵩引述撰定述始募周六官領其屬規制遂定初令狐德棻吳兢等撰武德以來國史皆不能成述因二家叅以後事遂分紀傳又為例一篇蕭嵩欲蚤就復奏起居舍人賈登著作郎李銳助述蕭穎士以為譙周陳壽之流改國子司業充集賢學士累遷工部侍郎封方城縣侯安祿山亂述獨抱國史藏南山身陷賊汗偽官賊平流渝州為刺史薛平所困不食死廣德初甥蕭直為李光弼判官詣奏事稱旨因理述有詔贈右散騎常侍常氏之顯孝友詞學則承慶嗣立遂音樂有萬石達禮儀則叔夏史才博識有述弟迥迥學業亦亞述述與迥對為學士與迥並禮官時趙冬曦兄弟亦各有名張說常曰肅趙兄弟人之杞梓

唐列傳

卷十一

十五

唐列傳卷之十二

裴灌

裴灌終州開喜著姓父琰之末徽中為同州司戶參軍年其少不主曹務刺史李崇義輕之論曰同州三輔史事繁子盍求便官毋留此琰之唯唯吏白積案數百崇義讓使趣斷琰之曰何至逼人乃命吏連紙進筆為省火一日畢既與奪當理而筆詞勁妙崇義驚曰子何自晦成吾過耶由是名動一州號霹靂後為末年今有惠政以倉部郎中病廢灌待疾十餘年

唐列傳

卷十一

一

不肯仕琰之沒始擢明經遷監察御史時崔沔鄭愷典吏部坐姦賊為李商隱所劾詔灌按訊而安樂公主上官昭容陰右湜情灌執正其罪累遷中書舍人諫睿宗造金仙玉真二觀開元二年為吏部侍郎既拔士為多灌雅與張說善說數薦之灌長於敷奏天子亦自重焉擢吏部尚書世儉素而晚節稍著伎妾為奢侈事議者以為闕政太子賓客卒從祖弟寬

裴崇

裴崇字彥宗京兆萬年人祖叔諱貞觀中為庫部郎



中與弟部郎中叔謙兄主爵郎中季武同省時號三  
列宿奏求淳初徙資州司兵觀察使房昶為表於朝  
遷揚州法曹州人孟神真罷仁壽令蒙縱數犯法奏  
按治杖殺之入為相王府屬時姚崇兼府長史嘗曰  
常子識遠文詳吾恨晚得之六遷司農少卿忤宗楚  
客出為貝州刺史睿宗立徙大府兼通事舍人時改  
葬故太子重俊有詔加謚又詔雪李多祚等罪議贈  
官奏言太子實逆不可以褒請質行以謚時大臣亦  
重改惟罷多祚等贈官景雲初諫作金仙寺觀山為

唐列傳

卷十一

二

陝汝岐三刺史遷右衛大將軍玄宗謂曰故事諸衛  
大將軍與尚書更為之近時職輕故用卿以重此官  
尋徙河南尹封彭城郡公會洛陽主簿王鈞以賊抵  
死詔曰兩臺御史河南尹縱吏侵漁共出奏曹州刺  
史侍御史張洽道州司馬久之遷太原尹卒子見素

張廷珪

張廷珪河南濟源人第進士累遷監察御史按勅平  
直武后稅天下浮屠錢營佛祠於白司馬坂作大像  
廷珪諫以為宜先邊境實府庫養人力后善之召見

長生殿當慰良厚因是罷役會詔市河南河北牛羊  
荆益奴婢置監登萊以廣軍資廷珪上書后乃止張  
易之誅議窮治黨與廷珪建言宜一切洗貸中宗納

之神龍初詔白司馬坂復營佛祠廷珪方奉詔抵河  
北道出其所見營築勞亟上書切爭尋為中書舍人  
再遷禮部侍郎開元初天旱關中饑詔求直言廷珪  
上疏再遷黃門侍郎監察御史蔣挺坐法詔決杖朝  
堂廷珪執奏御史有謹當殺之不可辱也王琚持節  
巡天兵諸軍方還復詔行塞下議者皆謂將襲回紇

唐列傳

卷十一

三

廷珪陳五不可又請復十道按察使巡視州縣帝納  
之因詔陸象先等分使十道坐漏禁內語出汧州刺  
史顏徒蘇宋魏三州在官有威化入為少府監封范  
陽縣男以太子詹事致仕卒廷珪善八分書與李邕  
友善及邕蹟於仕屢表之人尚其方介云

韓思復

韓思復字紹由京兆長安人少孤年十歲母為語父  
亡狀感咽幾絕祖倫特愛之家富有金玉為學舉秀  
才高第襲祖封永淳中家益衰歲饑京兆杜璵者以

百綾餉思復方併日食而綾完封不發胡梁府倉曹  
叅軍會大阜輒開倉賑民州劾責不能訕轉汴州司  
戶姚崇識之五遷禮部郎中建昌王武攸寧毋亡請  
鼓吹思復持不可而止坐爲王同皎所薦貶遷滁州  
刺史州有銅官人鑿鑿充苦思復爲買他鄙徙襄州  
入拜給事中帝作景龍觀思復諫不見省有司劾  
嚴思善思復言思善無逆節乃流遷中書舍人數指  
言得失開元初爲諫議大夫諫罷驪山使宰相姚崇  
惡之出爲德州刺史帝北巡爲行在巡閱賑給大使  
唐列傳 卷五十一

遷御史大夫性恬澹不善爲繩察進爵伯復爲襄州  
刺史治行名天下代還仍拜太子賓客卒年七十四  
謚曰文天子親題其碑曰有唐忠孝韓長山之墓故  
吏廬僕邑人孟浩然立石峴山初鄭仁傑李無爲者  
隱若太白山思復少從二人游嘗曰子識清貌古恨  
仕不及宰相也子朝宗累遷荊州刺史開元二十二  
年初置十道採訪使以襄州刺史兼山南東道

辛替石

辛替石字協時京兆萬年人景龍中爲左拾遺諫

公主宅興佛寺帝不省睿宗立諫金仙玉真二觀  
帝法太宗戒中宗帝不能用然嘉其切直稍遷右臺  
殿中侍御史雍令劉少微恃權貪贓替石按之岑羲  
屢以爲請替石曰謂王法何少微坐死累遷顏王府  
長史卒年八十

柳澤

柳澤蒲州解人鯁介少言笑風度方嚴景雲中爲叅  
軍先是中宗時長寧公主及后女弟姻聯數十族皆  
能降墨敕官及姚元崇宋璟輔政自罷斜封官員元  
唐列傳 卷五十一

五

崇等罷去太平公主奏復斜封宜澤上疏諫澤入朝  
會有詔選者得言事乃上書曰頃常燕人安樂公主  
武延秀等可謂貴且寵矣豈不謂愛之太極害之太  
多乎諸王公主駙馬陛下之所親愛也矯枉監戒宜  
在厥初庸宗善之開元中轉殿中丞御史時市舶使  
周慶立造奇器以進澤上書宜昭宣菲薄廣示節儉  
豈可以惟好示四方哉書奏玄宗稱善爲鄭州刺史  
未行卒從祖範貞觀時爲御史時吳王恪好田獵範  
彈治之太宗曰權萬紀不爲範導恪罪當死範進曰

玄齡事陛下猶不能諫止田獵豈宜獨罪萬紀帝怒拂衣起頃之帝謂曰何延折我範謝曰主聖則臣直陛下仁明臣敢不盡愚帝乃解

褚無量

褚無量字弘度杭州臨官人幼授經於沈子正曹福刻意墳典家演臨平湖有龍出人皆走觀無量尚幼讀書若不聞衆異之尤精禮司馬史記擢明經第累除兼脩文館學士中宗將南郊詔定儀典時祝欽明郭山輝建言皇后爲亞獻無量與太常博士唐紹賢

薛元超

卷十二

六

欽緒固爭時左僕射帝巨源佐欽明故無量議浴以母老解官玄宗爲太子復拜國子司業兼侍讀撰異善記以進厚被禮答卽位遷左散騎常侍兼國子祭酒封舒國公母喪廬墓左群鹿馴擾召復故官類上書陳得失開元五年帝將幸東都而太廟壞姚崇建言廟本符堅故殿不宜罷行無量鄙其言乃上疏帝是崇語車駕遂東又上言願到東都收叙唐初功臣世絕者雖在支庶咸得承襲初內府舊書自高宗時藏宮中甲乙叢倒無量建請繕錄以廣秘籍因

表聞喜尉廬僕江陽尉陸去泰左監門率府曹參軍上釋從武陟尉徐楚璧分部警定皇太子及四王未就學無量以孝經論語五通獻七年太子齒胃於

學詔無量升坐講厚衣賜卒年七十五謚曰文始無量與馬懷素爲侍讀後秘書少監康子原國子博士侯行果亦踐其選雖賞賚亟加而禮遇衰矣陸去泰歷左右補闕內供奉王擇從京兆人終汜水令徐楚璧初應制舉三登甲科開元時爲中書舍人集賢院學士帝屬文多令視草終中書侍郎東海縣子在中

馬懷素

卷十二

七

書省大時李林甫用事或言計議多所參助後更名安貞

馬懷素

馬懷素字惟白潤丹徒人客江都師事李善貧無資晝樵夜輒然以讀書擢進士第又中文學優贖科補耶尉積勞遷左臺監察御史長安中魏元忠爲張易之捕謫嶺表太僕崔貞慎率獨孤補之租薄易之怒使人告貞慎等及武后詔懷素按之使者促迫懷素並不從后意解貞慎等乃免宰相李迥秀藉易之勢

欽賦談法懷素幼罷之轉禮部員外郎以十道使觀  
陝江西爲脩文館直學士開元初爲戶部侍郎封常  
山縣公進兼昭文館學士玄宗詔與褚無量同爲侍  
讀更日番入既叩關肩輿以進或行在遠聽乘馬宮  
中有詔勾校秘書是時文籍盈漫皆灰朽蟬斷錢勝  
紛舛懷素建白願紫微黃門召宿學巨儒就校秘錄  
又言自齊以前舊籍王儉七志已詳精採近書篇目  
及前志遺者續儉志以藏秘府詔可卽拜懷素秘書  
監乃召國子博士尹知章等分部撰次卒謚曰文

唐列傳 卷三

九

李邕

李邕字泰和揚州江都人父善有雅行淹貫古今人  
號書籠頭慶中累擢崇賢館直學士兼沛王侍讀爲  
文選注於橋澗洽表上之賜資頗渥除潞王府記室  
參軍爲淫城令坐與賀蘭敏之善流姚州遇赦還居  
汴鄭間講授諸生四遠至傳其業號文選學邕少知  
名始善註文選釋事而忘意書成以問邕邕不敢對  
善詰之邕意欲有所更善曰試爲我補益之邕對  
見義善以其不可奪故兩書並行既冠見特進李嶠

自言讀書未遍願一見秘書嶠曰秘閣萬卷豈時日  
能背邕固請乃假直秘書未幾辭去嶠驚試問奧篇  
隱帙了辯如響嶠嘆曰子且各家嶠爲內史與監察  
御史張珪珪薦邕文高氣方自召拜左拾遺御史  
中丞宋璟劾張昌宗等反狀武后不應邕立階下大  
言曰璟所陳社稷大計陛下當聽后色解卽可擢奏  
邕出或讓曰子位卑一忤旨禍不測邕曰不如是名  
亦不傳中宗立鄭普思以方伎幸擢秘書監邕諫自  
古堯舜稱聖者不聞以鬼神道治天下不待五王諫

唐列傳 卷三

九

坐善張柬之出爲南和令賊雷州司戶參軍常氏事  
平召拜左臺殿中侍御史彈劾任職人頗憚之譙王  
重福謀反邕與洛州司馬崔日知捕支黨遷戶部員  
外郎岑羲崔湜惡崔日用而邕與之交玄宗在東宮  
邕及崔隱甫倪若水同被禮遇羲等忌之貶會城丞  
玄宗卽位召戶部郎中張廷珪爲黃門侍郎而美股  
方幸共拔邕爲御史中丞姚崇疾邕險躁左遷括州  
司馬起爲陳州刺史帝封泰山還邕見帝汴州都獻  
昨賦帝悅邕素輕張說與相惡會僧人告邕願貸枉

法下獄當死許昌男子孔璋上書願以六尺之軀  
銖鉞以代邕死邕得減死貶化尉流政廣南邕  
溫復為邕請成進自贖邕後從中人楊思勗討嶺南  
賊有功徙澧州司馬開元二十三年起為括州刺史  
喜與利除害後坐誣枉且得罪天子識其名詔勿戮  
後歷淄滑二州刺史上計京師邕蚤有名重義愛士  
久斥外不與士大夫接既入朝人間傳其眉目瓌異  
至阡陌聚觀後生望風內謁門巷填隘中人臨問索  
所為文章且進上以譏媚不得留出為汝郡北齊太

唐列傳 卷十二

守天寶中左驍衛兵曹參軍柳勣有罪下獄邕會遣  
馬故古溫使引邕嘗以休咎相語陰遺賂宰相李林  
甫思邕因傳以罪詔刑部員外郎祁順之監察御史  
羅布就郡杖殺之時年七十邕之文於碑頌是所長  
人奉金帛請其文前後所受鉅萬計時稱李北海  
兼用嘗謂邕如干將莫邪難與爭鋒但虞傷缺耳杜  
甫知邕負謗作八哀詩讀者傷之

徐堅

徐堅字元固父齊聘善屬文肅宗重之堅幼有敏

沛王罔其名召見授總為賦異之十四孤及壯寬厚  
長者舉秀才及第為汾州參軍事遷萬年主簿聖曆  
中東都留守楊再思王方慶共引為判官方慶善禮  
學嘗就質疑晦堅為申釋屬文典厚再思每目為鳳  
閣舍人樣與徐彥伯劉知幾張說典脩三教珠英時  
張昌宗李嶠總領彌年不下筆堅與說撰綜條彙粗  
立諸儒因之乃成書累遷給事中封慈源縣子中宗  
怒常月將欲即斬之堅奏盛夏生長請須秋乃決時  
申救者亦衆肅宗即位授兼崇文館學士修史進東

唐列傳 卷十一

海郡公時監察御史李知古兵擊姚州河河登降又  
請築城使輸賦徭堅議恐勞師遠伐益不償損不聽  
齊懼殺知古相率潰叛姚雋路閉不通者數年初太  
平公主用事武攸暨等邀請堅不許又以妻岑蕤女  
弟固辭樞密養敗不樂於惡出為絳州刺史玄宗改  
麗正書院為集賢院以堅充學士剛張說帝大勸集  
賢樓舍在百司上說令揭大榜以固其寵堅見遷會  
撤之曰君子鳥取多尚人堅於典故多所請識卒年  
七十餘謚曰文齊聘姑為太子充容妙為高宗婕妤

議者以堅父子如漢班氏子囑字巨山開元中爲觀  
部員外郎集賢院直學士遷中書舍人內供奉河南  
尹封慈源縣公父子相次爲學士自祖及孫三世爲  
中書舍人

孫述

孫述博州武水人逃年十五見雍州長史崔日用令  
賦土火爐援筆成篇理趣不凡日用駭歎遂與定交  
開元十年又舉賢良方正玄宗御洛城門引見命戶  
部郎中蘇晉等第其文異等擢左拾遺張說命子均

李邕

邕往拜之李邕負才自陳州入計哀其文示逃李嵩  
鎮太原表置幕下以起居舍人入爲集賢院脩撰改  
考功員外郎取顏真卿李華蕭穎士趙華等皆海內  
有名士俄遷中書舍人時父嘉之且八十猶爲令逃  
求降外官增父秩帝拜嘉之宋州司馬致仕父喪服  
闋拜舍人開元間蘇頌齊澣蘇晉賈魯韓休許景先  
及逃典詔詰而逃尤精密張九齡視其草欲易一字  
卒不能也徙少詹事上元中卒子昆知名

陳貞節

陳貞節，字子均，博州武水人。開元初，爲右拾遺，初隱章懷懿德節  
愍四太子，並建陵廡，分八署置官，列吏卒四時禱官  
進饗，貞節以爲非是，上言禮部尚書鄭惟忠等二十  
七人亦附其言，於是四陵廡惟減吏卒半，它如舊。遷  
太常博士，玄宗奉昭成皇后祔睿宗室，又欲肅明皇  
后，并升焉。貞節奏廟必有配，一帝一后，禮之正也。貞  
節又與博士蘇獻上言，睿宗於孝和弟也，按賀循說  
兄弟不相爲後，乃奉中宗別廟，升睿宗爲第七室，伊  
闕男子孫平子，上書謂宜遷孝和還廟，帝異其言，令  
唐制傳 卷十五 十三

有司復議貞節獻與博士馮宗質之曰：爲人後者爲  
子，無兄弟相爲後者，帝語宰相詳論。蘇頌、右博士故  
平子坐貶都城尉，然諸儒以平子孤挺見，廷於禮官  
不平，帝亦知其直，久不決，然卒不復。中宗於廟明年  
帝將大享明堂，貞節惡武后所營非古，所謂水不鏡  
土不文之制，乃與馮宗上言：明堂必直，丙巳必憲，房  
心布政，太微上帝之所，武后始以乾元正寢，占陽午  
地，願以明堂復爲乾元，嚴詔所司詳議。刑部尚書王  
志清等僉謂：明堂壞，惟不法天，燼之餘，不容大享。請

因舊制還署乾元正寢天子御以朝會若大享復寓  
圓丘制曰可貞節以壽卒

王元感

王元感涑州鄆城人擢明經高第調博城丞紀王慎  
為兗州都督厚加禮勅其子東平王績往受業天授  
中稍遷左衛率府錄事兼直弘文館武后時已郊遂  
享明堂封嵩山詔與帝叔夏等草儀具象服其練洽  
轉四門博士仍弘文館祝欽明郭山樺李憲等本章  
句家見元感詆先儒同異不懌數沮詰其語元感必  
詳申釋竟不訕魏知古見其書歎曰五經指南也而  
徐堅劉知幾張思敬等借其異聞每以助理聯蹕之  
遂下詔褒美拜太子司議郎兼崇賢學士卒初著論  
三年之喪以三十有六月譏詆諸儒鳳閣舍人張東  
之破其說曰三年之喪二十五月由古則然春秋僖  
公三十三年十二月乙巳公薨文公二年冬公子遂  
如齊納幣左氏曰禮也元感論遂廢

元澹

元澹字行冲以字顯後魏常山王素蓮之後少孤養

於外祖常棣及長博學及進士第累遷通事舍人  
仁傑器之嘗謂仁傑曰譬富家儲積以自資也願以  
小人備一藥石可乎仁傑笑曰君正吾藥籠中物景

雲中投太常少卿行冲以系出拓拔根史無編年乃  
撰魏典三十篇初魏明帝時河西柳谷出石有牛繼  
馬之象魏收以晉元帝乃牛氏子冒司馬姓以著石  
行冲謂昭皇帝名健繼晉受命獨此可以當之有  
人破古冢得銅器似琵琶身正圓人莫能辨行冲曰  
此阮咸所作器也開元初由為岐州刺史萊陽內孫  
察使以書生非禪治才固辭人為右散騎常侍東都  
副留守彭玉子志謙坐讎人告棄考訊自誣株蔓四  
十人行冲察其枉列奏見原改左散騎常侍封常山  
縣公再遷弘文館學士先是馬懷素撰書志補無量  
校麗正四部書業未卒相次物故詔行冲代之俄乞  
致仕十七年卒年七十七

柳冲

柳冲蒲州虞鄉人隋饒州刺史莊曾孫冲天授初為  
司府寺主簿詔遣安撫淮南使稱指封河東縣男景



龍中遷左散騎常侍脩國史初太宗命諸儒撰氏族志甄差群姓其後門曹興替不常冲請改脩其書先天時復詔冲及徐堅吳兢與魏知古陸象先劉子玄討綴書乃成號姓族系錄歷太子賓客宋王師昭文館學士以老致仕開元初詔冲與薛南金復加刊纂記也昔周小史定世繫辨昭穆故古有世本錄黃帝以來至春秋時諸侯卿大夫名號繼統左丘明傳春秋亦言天子建國因生以賜姓庶之士命之氏諸侯

唐列傳

卷十三

十六

以字為氏以謚為族昔堯賜伯禹姓曰似氏曰有夏伯夷姓曰姜氏曰呂下及三代官有世功則有官族邑亦如之後世或氏於國則齊魯秦吳氏於謚則文武成宣氏於官則司馬司徒氏於爵則王孫公孫氏於字則孟孫叔孫氏於居則東門北郭氏於志則三烏五鹿氏於事則巫乙匠陶於是受姓命氏繁然聚矣秦既滅學公侯子孫失其本系漢興司馬遷父子乃約世本脩史記因周譜明世家乃知氏所由出虞夏商周昆吾大彭豳齊桓晉文皆同祖也漢高

祖與徙拔有天下命官以賢詔爵以功先王公卿之胄才則用不才棄之不辨士與庶族然則始尚官矣然猶徙山東豪傑以實京師齊諸田楚屈景皆右姓也魏氏立九品置中正尊世胄卑寒士權歸右姓晉宋因之始尚姓也江則為僑姓王謝袁蕭為大東南則為世姓張顧陸為大山東則為郡姓王崔盧李鄭為六閩中亦號郡姓青裴柳薛楊杜首之代北則為虜姓元長孫宇文于陸源實首之虜姓者魏孝文帝遷洛出於帝宗屬或諸國並號河南洛陽人郡

唐列傳

卷十三

十七

姓者以中國士人為第開闢為之制凡三世有三公者曰膏梁有令僕者曰華腴尚書領護而上者為甲姓九卿若方伯者為乙姓散騎常侍太中大夫者為丙姓吏部為正員郎為丁姓凡得入者謂之四姓北齊因仍舉秀才州主簿郡功曹非四姓不在選故江左定氏族凡郡上姓第一則為右姓太和以郡四姓為右姓齊浮圖曇剛顛凡甲門為右姓周建德氏族以四海通望為右姓隋開皇氏族以上品茂姓則為右姓唐貞觀氏族凡第一等則為右姓路氏著姓



畧以盛門為右姓柳冲姓族系錄凡四海望族則綴  
右姓不過歷代之說不可與言譜也今流俗獨以崔  
盧李鄭為四姓加太原王氏號五姓蓋不經也夫文  
之弊至於尚官官之弊至於尚姓姓之弊至於尚詐  
山東之人質故尚婚媾其信可與也江左之人文故  
尚人物其智可與也關中之人雄故尚冠冕其達可  
與也代北之人武故尚貴戚其泰可與也及其弊則  
尚婚媾者先外族後本宗尚人物者遠唐孽退嫡長  
尚冠冕者略伉儷慕榮華尚貴戚者徇勢利亡禮教

唐列傳

卷五十二

十一

晉太元中散騎常侍河東賈弼謨姓氏簿狀宋玉弘  
劉洪好其書王儉廣之王僧孺演益為十八篇弼傳  
子匪之匪之傳子希鏡希鏡傳子執執傳其孫冠王  
氏之學本於賈氏唐興言譜者以路敬淳為宗常建  
次之李守素亦明姓氏時謂肉譜後有李公淹蕭穎  
士殷寅孔至為世所稱初漢有鄧氏官譜應劭有氏  
族一篇王符潛夫論亦有姓氏一篇宋何承天有姓  
苑二篇魏太和時詔諸郡中正各列本土姓族次第  
為舉選格名曰方司格

柳芳

柳芳字仲敷蒲州河東人開元末擢進士第出末寧  
尉直史館肅宗詔芳與韋述繼輯吳兢所次國史會  
述死芳彙成之上元中坐事徙黔中後歷左金吾衛  
騎曹參軍寇亂史籍淪缺芳始請時高力士亦改巫  
州因從力士質開元天寶初禁中專具識本末時國  
史已送官不可追刊乃推衍義類做編年法為唐曆  
四十篇頗有異聞改右司郎中集賢殿學士卒

蕭穎士

唐列傳

卷五十二

十九

蕭穎士字茂挺梁都陽王恢七世孫穎士四歲屬文  
十歲補太學生觀書一覽即誦通百家譜系書翰學  
開元二十三年舉進士對策第一父艾以言丞抵罪  
穎士往訴於府佐張惟一惟一曰是有佳兒吾以吳  
獲詭不憾乃平宥之大寶初補秘書正字時裴耀卿  
庸豫張均宋遙常進皆先進器其材與鈞禮使括遺  
書趙衛間淹久不報為有司劾免留客濮陽於是尹  
微王恒盧異盧士式買臣趙匡國士和柳并等皆執  
弟子禮以次授業號蕭夫子召為集賢校理宰相字

林甫欲見之穎士方艾養不請林甫嘗至故人舍  
穎士穎士前往哭門內以待林甫不得已前弔去怒  
其不下已調廣陵參軍事穎士意中不能堪作伐櫻  
桃樹賦曰摧無庸之瑣質蒙本枝以自庇雖先寢而  
或薦非和羹之正味以譏林甫云會毋喪免流播吳  
越起漢元午訖隋義寧編年依春秋義類爲傳百篇  
自以梁枝孫而宣帝逆取順守故武帝得血食三紀  
有太原王緒者僧辯裔孫讓梁書黜陳不帝穎士佐  
之亦著梁蕭史譜及作梁不禪陳論以發緒義例史

唐列傳 卷十三

手

官常通薦自代召詣史館待制穎士乘傳詣京師而  
林甫方威福自擅穎士遂不屈愈見疾俄免官往來  
鄆杜間林甫死更調河南府參軍事倭國遣使入朝  
自陳國人願得蕭夫子爲師者中書舍人張漸等諫  
不可而止安祿山寵恣穎士陰語柳并曰胡人負寵  
而驕亂不久矣已而祿山反穎士往見河南採訪使  
郭納言禦守計納忽不用開封常清陳兵東京往觀  
之不宿而還節度使源洧辟掌書記會祿山死賊解  
去洧卒往客金陵水王瑋召之不見時盜王爲淮南

節度大使留蜀不遣副大使李承式玩兵不撫穎士  
與宰相崔圓書以爲宜時遣使以扞鎮江淮俄而劉  
展粟及賊圖雍丘脅泗上軍承式遣兵往救大宴賓  
客陳女樂穎士曰天子暴露豈臣下盡歡時邪弗納  
崔圓聞之卽授揚州功曹參軍至官信宿去後客死  
汝南遊旅年五十二門人共謚曰文元先生穎士樂  
聞大善以推引後進爲已任如李陽水李幼卿皇甫  
冉陸滑等數千人由獎且皆爲名士天下推知人稱  
蕭功曹嘗兄事元德秀而友殷寅顏真卿柳芳陸據  
李華邵軫趙驥所與遊者孔至賈至源行恭張有畧  
族弟李邕劉穎韓拯陳晉孫益肅建肅收獨華與齊  
名士號蕭李有奴事穎士十年皆楚嚴慘或勸其去  
答曰非不能愛其才耳子存字伯誠亮直有父風能  
文辭與韓會沈既濟梁蕭徐岱等善浙西觀察使李  
栖筠表常熟主簿顏真卿在湖州與存及陸鴻漸等  
討論古今韻字原所作書數百篇建中初由殿中侍  
御史四遷比部郎中張滂主財賦辟存留務京師裴  
延齡與滂不協存疾其姦去官風痺卒韓愈少爲存

唐列傳 卷十三

手

延齡與滂不協存疾其姦去官風痺卒韓愈少爲存

所知自袁州還過存廬山故居而諸子前死惟一女  
在為經其家殷實陳郡人邵軫汝南人陸據河南  
人字德鄰後周上庸公騰六世孫神宇嘗遇善物理  
年三十始到京師公卿愛其文交譽之天寶十三載  
終司勳員外郎

李白

李白字太白興聖皇帝九世孫其先隋末以罪徙西  
域神龍初造還客巴西白之生毋長庚星因以命  
之十歲通詩書既長隱岷山州舉有道不應蘇頌為

唐書

卷十二

五十二

益州長史異之曰是吾天才英特少益以學可比相  
如然喜縱橫衝擊劍為任俠輕財重施更客任城與  
孔巢父韓準裴政張叔明陶沔居徂徠山日沈飲號  
竹溪六逸天寶初南入會稽與吳筠善筠時被召故  
白亦至長安賀知章見其文嘆曰子謫仙人也言於  
玄宗召見金鑾殿論當世事奏頌一篇帝賜食親為  
調羹有詔供奉翰林白猶與飲徒醉於市中帝坐沈  
香亭於意有所感欲得白為樂章召入而白已醉左  
右以水頰面稍解援筆成文無留思帝愛其才數宴

唐書

卷十二

五十二

見白常侍帝醉使高力士脫鞵力士素貴耻之撻其  
詩以激揚貴妃帝欲官白妃輒沮止白自知不為親  
近所容益驕放不自脩與知章李適之汝陽王璣  
宗之蘇晉張旭焦遂為酒八仙人懇求還山帝賜金  
放還白浮游四方常乘舟與崔宗之自采石至金陵  
著宮錦袍坐舟中旁若無人安祿山反轉側宿松匡  
廬間末王璘辟為府僚佐璘起兵逃還彭澤璘敗當  
誅初白游并州見郭子儀奇之子儀嘗犯法白為救  
免至是子儀請解官以贖有詔長流夜郎會赦還尋  
陽坐事下獄時宋若思將吳兵三千赴河南道尋陽  
釋囚辟為參謀未幾辭職李陽冰為當塗令白依之  
代宗立以左拾遺召而白已卒年六十餘白晚好黃  
老度牛渚磯至姑孰悅謝家青山欲終焉及卒葬東  
麓元和末宜歛觀察使范傳正祭其冢禁樵採訪後  
裔惟二孫女嫁為民妻進止仍有風範因泣曰先祖  
志在青山頃葬東麓非本意傳正為改葬立二碑焉  
告二女將改妻士族辭以孤窮失身命也不領更嫁  
文宗時詔以白歌詩裴旻劍舞張旭草書為三絕

張旭

張旭吳人嗜酒每大醉呼叫狂走乃下筆或以頭濡墨而書既醒自視以為神不可復得也世呼張顛初仕為常熟尉有老人陳膠求判宿昔又求旭怒其煩責之老人曰觀公筆竒妙欲以藏家爾旭因問所藏畫出父書旭視之天下竒筆也自是盡其法旭自言始見公主擔夫爭道又聞鼓吹而得筆法意觀倡公孫舞劍器得其神後人論書歐虞褚陸皆有異論至旭無非短者傳其法惟崔邈顏真卿云是常與幽州

唐列傳

卷三

十四

都督孫佺北伐為奚所圍曼舞刀立馬上矢四集皆迎刃而斷奚大驚引去後以龍華軍使守北平多虎吳善射一日得虎三十休山下有老父曰此彪也稍北有真虎使將軍遇之且敗曼不信怒罵趨之有虎出飛薄中小而猛據地大吼曼馬辟易弓矢皆墜

杜甫

杜甫字子美少貧客吳越齊趙間幸其材舉進士不中第困長安天寶十三載玄宗朝獻太清宮觀廟及郊南奏賦三篇帝竒之使待制集賢院命宰相

試文章擢河南尉不拜改右衛率府曹參軍數上

賦頌因高自稱道且言先臣怒預以來承儒守官十

一世迫密言以文章顯中宗時會安祿山亂天子入

蜀甫避走三川肅宗立自鄜州廡服從存行在為賊

所得至德二年亡走鳳翔上謁拜右拾遺與房琯為

布衣交琯時敗陳濤斜又以客董延蘭罷宰相甫上

疏言罪細不宜免大臣帝怒詔三司雜問宰相張劾

曰甫若抵罪絕言者路帝乃解甫謝且稱瑣筆相子

少自樹立為醇儒有大臣體時所在寇奪甫家寓

難年難妻孥弱至屢死因許甫自往省視還京師出

為華州司功參軍關輔饑輒棄官去客秦州召新蔡

橡栗自給流落劍南結廬成都西郭召補京兆功曹

唐列傳

卷三

十五

野學亂甫往來梓斐問大厝中出置唐下江陵沂沅  
湘以登衡山固客未陽游款何大水趨至涉旬不得  
食縣令具舟迎之乃得還令饋牛炙白酒大醉一夕  
卒年五十九甫贈放不自檢好論天下大事高而不  
切少與李白齊名時號李杜常從白及高適過汴州  
酒酣登吹臺慷慨懷古人莫測也

王維

王維字摩詰九歲知屬辭與弟縉齊名開元初擢進  
士調大樂丞坐累遷為濟州司倉叅軍張九齡執政

唐列傳

卷十二

二十六

歷監察御史母喪哀毀幾死服除累遷給事中安祿  
山反玄宗西狩維為賊得以藥下利陽借祿山素知  
其才迎置洛陽迫為給事中祿山大宴凝碧池悉召  
梨園諸工合樂諸工皆泣維聞悲甚賦詩悼痛賊平  
皆下獄或以詩聞行在時縉位已顯請削官贖維罪  
肅宗亦自憐之下遷太子中允久之遷尚書右丞縉  
為蜀州刺史未還維自表已有五短縉有五長願  
所任官使縉得還京師久乃召縉為左散騎常侍上  
元初卒年六十一維工草隸善畫名盛於開元天寶

間畫思入神至山水平遠雲勢石色繪工以為天  
所到學者不及也兄弟皆篤志奉佛別墅在蘭川地  
奇勝有華子岡款湖竹里館柳浪茭葦泝辛夷塢與  
裴迪游其中賦詩相酬為樂喪妻不娶孤身二十年  
毋亡表朝川第為寺終葬其西寶應中代宗語縉曰  
朕常於諸王座間維樂章今傳幾何道中人王承華  
往取縉集數十百篇上之

鄭虔

鄭虔鄭州滎陽人天寶初為協律郎集賢館書世著

唐列傳

卷十二

二十七

書八十餘篇有窺其業者上書告私撰國史虔蒼壯  
焚之坐謫十年還京師玄宗愛其才欲置左右以不  
事事更為置廣文館以虔為博士虔不知廣文曹司  
何在詠宰相宰相曰上增國學置廣文館以居賢者  
今後世言廣文博士自君始不亦羨乎虔乃就職夕  
之雨壞廡舍有司不復脩完廣文館自是逸廢虔善  
圖山水好書常苦無紙乃於慈恩寺時柿葉數處遂  
往日取葉肄書常自寫其詩并畫以獻帝大署其尾  
曰鄭虔三絕遷著作郎安祿山反偽授廣水部郎中

因求攝市令潛以密音達靈武賊平與張通王維址  
囚宜陽里三人者皆善畫崔回使繪齋壁度等方倅  
死卽極思祈解於圓殿台州司戶叅軍事數年卒度  
學長於地里山川險易方隅物產兵戎象寡無不詳  
嘗爲天寶軍防錄時號鄭廣文在官貧約甚澹如也  
有鄭相如者自滄州來師事度度未之禮問問何所  
業相如曰聞孔子稱繼周者百世可知僕亦能知之  
度駭然卽曰開元畫三十年當改元畫十五年天下  
亂賊臣僭位公當汗偽官願守節可以免度又問自  
身列傳 卷十一 子八

蘇源明

謂云何荅曰相如有官三年死衢州是年及進士第  
謂信安尉既三年度前吏部則相如果死  
蘇源明京兆武功人初名預字弱夫少寓居徐克工  
文辭有名天寶間及進士第更試集賢院累遷太子  
論德出爲東平太守是時濟陽郡太守李倓以郡瀕  
河請增領宿城中都二縣以紓民力一縣隸東平魯  
郡者也於是源明議廢濟陽折三縣分隸濟南東平  
濮陽詔河南採訪使會濮陽太守崔季重魯郡太守

李蘭濟南太守田琦及源明議既而卒廢濟陽以  
皆隸東平召源明爲國子司業安祿山陷京師源明  
以病不授仍署肅宗復兩京擢考功郎中知制誥是  
時承大盜之餘國用乏屈宰相王與進禁中積積窮  
日夜中官用事給養繁靡群臣莫敢切諍昭慶令果  
鎮上書勸帝罷濫祀源明數陳政治得失及史思明  
陷洛陽有詔幸東京將親征源明因上疏極諫李  
光弼拔河陽王思禮下晉原衛伯玉拂焉者遣使支  
不日可至御史大夫王玄志歷歷問關關都汝州

李華

史田南金驗關口遇二室鄉是山變淮泗凍然而西  
狂賊失勢屢於緱山之北不敢逾孟津東不敢過  
鬼子計日及接而至矣陛下不坐而受之乃欲親征  
狗一朝之怒甚不可帝嘉其切直罷東幸後以秘書  
少監卒源明雅善杜甫鄭度其最稱者元結梁蕭  
李華字超叔趙州贊皇人曾祖太冲太宗時權傾朝  
即中華少曠走外若坦蕩內謹重尚然許每  
爲人累中進士宏辭科天寶中一載遷監

相楊國忠姻姪所在橫帶華出使劾按不撓為權倖  
見疾徙右補闕安祿山反上誅守之策留不報玄宗  
入蜀百官解竄華母在鄴欲間行輦母以逃為盜賊  
得偽署鳳閣舍人賊平貶杭州司戶叅軍華自傷不  
能完節又不能安親欲終養而母亡遂屏居江南上  
元中以左補闕司封員外郎召不拜李峴領選江南  
表置幕府擢檢校吏部員外郎苦風痺去官客隱山  
陽勒子弟力農安於窮槁晚事浮圖法不甚著書大  
曆初卒初作含元殿賦成以示蕭穎士穎士曰景福  
唐列傳 卷十一 三十一  
之上靈光之下華文辭絢麗少宏傑氣穎士徒爽自  
肆時謂不及穎士而華自疑過之華愛獎士類若獨  
孤及韓雲卿韓會李紆柳誠崔祐甫皇甫冉謝良弼  
朱巨川後至執政顯官子翰從子觀皆有名翰撰進  
士第調衛尉天寶末房瑄請陟俱薦為史官等相不  
肯擬翰所善張巡死節睢陽人如其功以為降賊翰  
傳述功狀表上之翰累遷左補闕翰林學士大曆中  
病免客陽翟卒翰為文精密而思遲常從皇甫曾求  
音樂思澗則奏之神逸乃屬文

孟浩然

孟浩然襄州襄陽人少好節義喜振人患難隱鹿門  
山年四十乃游京師嘗於太學賦詩一座嗟伏無敢  
抗張九齡王維雅稱道之維私邀入內署俄而玄宗  
至浩然匿牀下維取實對帝喜曰朕聞其人而不見  
也詔浩然出帝問其詩浩然再拜自誦所為至不才  
明主棄之句帝曰卿不來仕而朕未嘗棄卿奈何  
放還採訪使韓朝宗約浩然陪至京師欲薦諸  
朝會故人至劇欵歡甚或曰君與韓公有期浩然叱  
曰業已歛邊恤他卒不赴朝宗怒辭行浩然不悔也  
張九齡為荊州辟置於府府罷開元末病疽背卒初  
王維過郢州畫浩然像於刺史亭因曰浩然亭咸通  
中刺史鄭誠謂賢者名不可斥更署曰孟亭開元天  
寶同知名者王昌齡崔顥皆位不顯



唐列傳卷之十三

王忠嗣

王忠嗣華州人九歲父戰死玄宗憐其忠授忠嗣尚  
書奉御入見帝伏地號泣玄宗撫之曰此去病孤也  
須壯而將之養禁中及長雄毅寡言有武畧上與論  
兵應對益起帝器之曰後日爾為良將試守代州別  
駕大猗閉門自歛教以輕騎山塞河西節度使杜希  
聖欲取吐蕃新羅城有言忠嗣才者希聖以閉詔追  
起赴河西進拔其城俄吐蕃大出展歷官軍陣裏不

張守珪

張守珪皆恐忠嗣軍馬進左右驍突獨殺賊凡數百  
人拜左金吾衛將軍天寶元年北討奚奴戰桑乾河  
三遇三克時突厥新有難忠嗣進軍曠石經畧之因  
上平戎十八策築大同靜邊二城徙清塞橫野軍實  
之併受降振武為一城常曰平世為將撫衆而已吾  
不欲竭中國力以幸功名故訓練士馬隨缺繕補有  
添弓百五十斤每改之示無所用軍中士氣盛所向  
無不克俄為河西隴右朔方河東節度帝方事石堡  
城詔問攻取計忠嗣請募兵馬待擧取之帝意不決

而李林甫尤忌其功會董延光建言請下石堡詔  
嗣分兵應接忠嗣不得已為出軍而士無賞格李光  
弼入詔曰大夫將萬衆而不立重賞何以買士勇有  
如不捷大夫先受禍矣忠嗣曰吾固嘗得一城不足  
制敵失之未害於國吾恐以數萬人命易一官哉光  
弼謝曰大夫乃行古人事光弼又何言延光過期不  
克果詆忠嗣沮兵忠嗣數上言祿山且亂林甫益惡  
之陰使人誣告忠嗣帝怒付三司訊驗罪應死哥舒  
翰請以官爵贖忠嗣罪帝意解貶漢陽太守卒

張守珪

張守珪陝州人開元中累遷幽州良壯府果毅時  
齊卿為刺史器之時王君奭死河西震懼詔為瓜州  
刺史虜寇至衆失色守珪曰創痍之餘詎可矢石相  
補須權以勝之遂置酒城上會諸將作樂虜衆有  
不敵攻引去守珪縱兵擊敗之詔以瓜州為都督府  
即詔守珪為都督州地沙碛不可栽常澗雪水澆因  
是積聚糧為虜毀材木無所出守珪密鑿澗一  
水塞至大木數千塞澗下因取之餉復堤坊耕者



朔州人神之後使河北節度副大使契丹吳連年  
邊守珪至每戰輒勝契丹首屈刺及突于恐懼乃遣  
使詐降守珪得其情遣王悔請部計事悔因同誘之  
夜斬屈刺及突于以衆降守珪傳屈刺突首於東都  
入拜右羽林大將軍卒于獻誠獻恭獻恭數有軍功  
累遷檢校吏部尚書德宗欲徙盧杞爲虢州刺史袁  
高上還詔書苦爭獻恭見帝曰高所奏宜聽帝不答  
復前曰高乃陛下良臣當優異之世賢其不撓

郭知運

唐房傳 卷十三

三

郭知運字逢時瓜州晉昌人長七尺猿臂虎口從郭  
虔瓘破突厥有功封介休縣公破吐蕃封太原郡公  
開元五年大破吐蕃獻俘京師六州胡康待賓及率  
王駿討平之拜左武衛大將軍九年卒於軍年五十  
五知運與王君奭功名畧等號王郭子英傑莫火英  
傑字孟武爲左衛將軍幽州副總管開元二十三年  
英傑與裨將吳克勤烏知義羅守忠帥萬騎及奚衆  
討奚丹英傑克勤力戰死

王君奭

王君奭字威明瓜州常樂人初事郭知運知運卒代  
爲河西隴右節度使判涼州都督事開元十四年吐  
蕃酋悉諾邏冠大斗拔谷君奭率秦州都督張景胤  
乘水度青海襲破之以功遷大將軍封晉昌縣伯初  
涼州有回紇契苾思結渾四部世爲酋長君奭數督  
過之既怨望潛遣人至東都言狀君奭奏四部有怨  
謀帝使中人卽訊司馬護輪等益不平思有以復怨  
會吐蕃使間道走突厥君奭率騎到肅州掩取之還  
望州制護輪發兵奪君奭節殺左右親吏剖其心曰  
是始謀者輪欲以尸奔吐蕃追兵至乃棄尸去帝痛  
惜之以喪還京師官護其葬

高仙芝

高仙芝高麗人父舍難初以將軍隸河西軍爲四鎮  
校將仙芝年三十餘從至安西以父功補游擊將軍  
初事節度使田仁琬蓋嘉運等不甚知名後事夫蒙  
靈登始善遇之開元末表爲安西副都護四鎮都知  
兵馬使小勃律其王爲吐蕃所誘妻以女故西北二  
十餘國皆屬屬吐蕃自仁琬以來三討之皆無功天

寶六載詔仙芝以步騎一萬出討乃分軍為三使既  
 勒趙崇北自北谷道撥換買崇璣自赤佛道仙芝與  
 監軍邊令誠自護各俱入約會連雲堡破之因平其  
 國於是拂林大食諸胡七十二國皆震攝降附仙芝  
 遣判官王庭芬奏捷京師軍至河西雲營怒不迎勞  
 既見罵曰高麗奴于闐使爾何從得之仙芝懼且謝  
 曰中丞力也又曰馬耆鎮守使安西討都護都知兵  
 馬使皆何從得之荅曰亦中丞力也靈營曰審若此  
 捷書不待我而敢即奏何邪奴當斬爾新立功故貸  
 列傳 卷五 五

餘解黃金五六乘駝良馬寶玉甚衆尋除武威太  
 代安思順為河西節度思順更拜右羽林軍大將軍  
 封客雲郡公廣平王為元帥仙芝副之領飛騎  
 及朔方等兵出禁財募關輔士五萬繼封常清東討  
 初令誠數私於仙芝仙芝不應因言其逗撓狀以奏  
 帝且云常清以賊搖表而仙芝棄陝地數百里發  
 稟賜帝大怒使令誠即軍中斬之軍中咸呼曰枉  
 封常清  
 封常清蒲州韓氏人外祖教之讀書多所該究然  
 貧年過三十未有名夫蒙靈營為節度使以高仙芝  
 為都知兵馬營使出軍素餼從三十餘人衣構鮮明  
 常清儉然投牒請預常清素齋又脚跋仙芝陋其貌  
 不納明日復至仙芝謝曰餼已足何庸復來常清怒  
 曰我慕公義願事鞭勒故無嫌自前公何見拒深乎  
 以貌取士恐失之子羽仙芝猶未納乃日候門下仙  
 芝不得已竄名條中會達吳諸部叛自黑山西起碎  
 葉有詔遣靈營使仙芝以二千騎追蹙達吳行遠  
 人馬殺命賊畧盡常清於暮下潛作旗布且記井泉

次舍克賊形勢謀畧條最明審仙芝取贖之皆意所欲出乃大駭卽用之軍還靈登迎勞仙芝已去奴裨帶刀而判官劉眺獨孤峻爭問向捷布誰作者公慕下安得此人荅曰吾儂封常清也眺等驚進揖常清坐與語異之遂知名以功授疊州戍主仍爲判官仙芝破小勃律代靈登爲安西節度使常清以從職有勞擢慶王府錄事參軍事爲節度判官仙芝委家事於郎將鄭德銓其乳母子也威動軍中常清嘗自外還請將前謁德銓見常清始責易之走馬突常清歸廣傳卷十三七

祿山度河陷榮陽常清使驍騎拒之殺拓羯數十百人賊大軍至常清不能禦語高仙芝曰賊銳甚難與爭鋒潼關無兵一夫奔突則京師危不如急守潼關仙芝從之敗書聞帝削常清官使白衣隸仙芝軍效力仙芝使衣黑衣監左右部軍及邊令誠以詔書示之常清曰吾所以不死者恐汗國家節度戮賊手今死乃甘心初常清敗徑入關欲見上陳討賊事至渭南有詔赴潼關常清憂懼爲表以謝且言自東京陷三遣使表論成敗不得對以表投令誠而死

哥舒翰

哥舒翰其先蓋突騎施囚長哥舒部之裔父道元爲安西都護將軍赤水軍使故仍世居安西翰少補校教府果毅家富於財任俠縱蒲酒長安市年四十餘遭父喪不歸不爲長安尉所禮慨然發憤游河西事節度使王倕倕攻新城使翰經畧稍知名又事王忠嗣署衙將翰能讀左氏春秋漢書通大義遷左衛郎將吐蕃盜邊與翰遇苦拔海翰持半段槍迎擊虜輒拔靡擢授右武衛將軍副隴右節度爲河源軍使

先是吐蕃候積石軍麥熟歲來取其能禁翰乃使王  
難得楊景暉設伏東南谷吐蕃五千騎入塞翰自城  
中馳至慶園虜駭走追北伏起悉殺之翰嘗逐虜馬  
驚墮於河吐蕃三將欲刺翰大呼皆擁矛不敢動  
救兵至追殺之翰有奴曰左軍年十六以膂力聞翰  
使用槍追及賊擬槍於肩叱之賊反顧翰刺其喉剔  
而騰之高五尺許乃墮左車卽下馬斬其首以爲常  
天寶八載詔翰以朔方河東郡收兵拾萬攻吐蕃石  
堡城數日未克翰怒梓其將高秀巖張守瑜將斬之

唐列傳

卷三

九

秀巖請三日期如期而下遂以赤嶺爲西塞關屯田  
備軍實十一載加開府儀同三司翰素與安祿山安  
思順不平帝每欲和解之進封平西郡王楊國忠惡  
祿山向安及狀故厚結翰嗜酒極聲色因風痺  
體不仁 廢還京師關門不朝請十四載祿山  
反封常 王師敗帝乃召見翰拜太子先鋒兵馬  
元帥部 萬守潼關然病痼不能事明年進拜  
左僕射司 軍事祿山遣子慶緒攻關翰擊走之始  
安思順 山必反嘗爲帝言得不坐翰既惡祿山

又怨思順及是因僞爲賊書遺思順者使關邏禽以  
獻翰因既請誅之有詔思順及弟元貞皆賜死國忠  
始懼或說翰曰祿山本以誅國忠故稱兵今君留卒  
三萬守關悉精銳度漼水誅君側此漢控七國計也  
翰猶豫未發謀頗露國忠大駭入見帝曰兵法安不  
忘危大兵在潼關而無後殿萬有一不利京師危矣  
卽募牧兒三千人日夜訓練以劍南列將分統之又  
募萬人屯瀘上使腹心杜乾運爲帥翰疑圖已表請  
乾運兵隸節下因詔召乾運計事者至軍卽斬首梟

唐列傳

卷三

十

牙門弁其軍國忠愈恐謂其子曰吾無死所矣然翰  
亦不自安又謀久不決帝聽國忠言使使者促戰項  
背相望翰蒼不知所出六月引兵而東憐哭出關賊  
將崔乾祐爲陣十五五或卻或進而陷刀五千列  
陣後王師視其陣無法及戰乾祐少偃如欲避者王  
師鮮不爲偃伏忽起皆奮死戰翰敗收散卒後守關  
乾祐進攻於是火拔歸仁等約翰出關執以降賊  
送洛陽京師震動由是天子西幸祿山見翰責曰汝  
常易我今何如翰俯伏謝罪安度緒以輪度河及賊

乃殺之先是有客梁慎初遺翰書請堅壁勿戰以屈賊翰善之奏爲左武衛曹參軍留幕府及翰與國忠貳慎初曰難將作矣乃遁去翰失守華陰馮翊上洛郡官軍皆潰帝遣劍南將劉光庭等將新募兵萬餘人往助翰未至而翰被縛云

### 李林甫

李林甫長平肅王叔良曾孫初爲千牛直長舅姜皎愛之開元初遷太子中允源乾曜執政與皎爲姻家而乾曜子潔爲林甫求司門郎中乾曜素薄之曰郎

唐列傳

卷十三

十一

官應得才望哥奴豈郎中材邪哥奴林甫小字也即授以論德累擢國子司業宇文融爲御史中丞引與同列稍歷刑吏部侍郎初吏部置長名榜定留放寧王私謁十人林甫曰願細一人以示公時武惠妃寵傾後宮子壽王盛王尤愛林甫因中人白妃願護壽王爲萬歲計妃德之侍中裴光廷夫人武三思女嘗私林甫而高力士本出三思家及光廷卒武請力士以林甫代爲相力士未敢發而帝因蕭嵩言自用林休方具詔武撻語林甫使爲休請休既相重德林甫

而與嵩有隙廼薦林甫有宰相材妃陰助之即同中書門下三品皇太子鄂王光王被譖帝欲廢之張九齡切諫帝不悅林甫惘然私語中人曰天子家事外人何與那二十四年帝在東都欲還長安裴耀卿等建言農人塲圃未畢須冬可還林甫陽蹇獨在後帝問故對曰臣非疾也願奏事二都本帝王東西宮車駕往幸何所待時假令妨農獨赦所過租賦可也帝大悅即駕而西始九齡由文學進守正持重而林甫特以佞倖放得大任帝由是益既薄九齡俄與耀卿

唐列傳

卷十三

十二

俱罷政事專任林甫和中仙客奕初三宰相親位二人磨折趨而林甫在中軒蓋無少讓觀者竊言一應扶兩兔少選詔書出耀卿九齡而林甫進兼中書令帝卒用其言殺三子天下冤之大理卿徐嶠妄言大罪獄殺氣盛鳥雀不敢棲今刑部斷死歲纔五十人而烏鵲巢獄戶幾至刑措羣臣賀帝推功大臣封林甫晉國公仙客幽國公及帝將立太子林甫探帝意數稱道壽王語秘不傳而帝意自屬忠王壽王不傳立太子既定林甫恨謀不行且畏禍乃陽善嵩堅堅

太子妃兄也及構堅獄而太子絕妃自明林甫數危太子太子自以孝謹聞帝無所發其猜林甫善刺上意旨帝春秋高聽斷稍怠林甫每奏請必先餽遺左右故天子動靜必具符之性陰容忍誅殺公卿不出其門而進必被罪徙附離者雖小人且為引重同時相若九齡李適之皆遭逐至楊慎矜張瑄盧幼隣柳升等緣坐數百人以王鉷吉溫羅希奭為爪牙適之子雪嘗盛具召賓客畏林甫乃終日無一人往者林甫有堂如偃月號月堂每欲排搆大臣即居之恩所

唐列傳

卷十三

十三

寇林甫因建遣之鎮欲離間之國忠入辭帝曰處置且訖亟還指日待卿林甫聞之憂懣是時已屬疾稍侵國忠至自蜀謁床下垂涕託後事因不食卒林甫居相位凡十九年補闕杜璩再上書言政事斥為下邳令因以語動其餘曰君等獨不見立仗馬乎終日無聲而飲三品芻豆一鳴則黜之矣開元中大臣若薛訥郭元振張嘉貞王峻張說蕭嵩杜暹等自節度使入相林甫疾儒臣以方畧積邊勞且大任欲杜其本以久已權即說帝以不如用蕃將帝因以安思順領節度而擢祿山高仙芝哥舒翰等為大將國忠素銜林甫及未葬陰諷祿山暴其短悉奪官爵斷棺剔取含珠金紫更以小棺用庶人禮葬之諸子司儲郎中寧太常少卿與及岫等徙嶺南黔中各給奴婢三人籍其家諸婿若張博濟鄭平杜位元搗等皆貶官帝之幸蜀也給事中裴士淹以辯學得幸時肅宗在鳳翔每命宰相輒啓聞及房琯帝曰此非破賊才也若姚元崇在賊不足滅至朱瑒曰彼賈直以沽名耳因歷評十餘人皆當至林甫曰是子妬賢嫉能舉無

唐列傳

卷十三

十四

比者士淹曰陛下誠知之何任之久邪帝默不應

楊國忠

楊國忠太真妃之從祖兄嗜飲博數旬貸於人無行檢不為姻族齒年三十從蜀軍以屯優當遷節度使張宥惡其人笞屈之卒以優為新都尉罷去益困蜀大豪解于仲通頗資給從父玄琰死蜀州國忠護視其家因與妹通所謂號國夫人者哀其貧至成都擣蒲一日費輒盡乃亡去久之調扶風尉不得志復入蜀劔南節度使章仇兼瓊與宰相李林甫不平聞楊

卷三

十五

氏新有寵思有以結納之為與取使仲通之長安仲通辭以國忠見兼瓊喜表為推官使部春貢長安諸楊曰為兼瓊譽而言國忠善擣博推金吾曹參軍兼瓊入為戶部尚書兼御史大夫國忠稍入供奉常後出專主簿書計筭鈎畫分銖不悞帝悅曰度支郎才也累遷監察御史李林甫與韋堅等獄欲危太子獄吏畏卻以國忠怙寵搏鷲可用倚之使按劾國忠乃慘文峭詆速繁連年誣讎被誅者百餘族度可以危太子者先林甫意陷之皆中所欲號國居中用事帝

所好惡國忠必探知其微帝以為能擢兼度支員外郎遷不淹年領十五餘使林甫始惡之天寶七載程

給事中兼御史中丞專判度支會三妹封國夫人兄錡擢鴻臚卿與國忠皆列祭戰初楊慎矜引王錡為御史中丞已而有隙錡挾國忠共劾慎矜抵不道誅由是推傾中外吉溫為國忠謀奪林甫政先此南詔質子閣羅鳳亡去帝欲討之國忠薦解于仲通為蜀郡長史率兵六萬討之戰瀘川舉軍沒獨仲通挺身免時國忠兼兵部侍郎素德仲通為匿其敗更叙戰

唐書

卷十三

十六

功國忠恥雲南無功知為林甫倚據欲自解於帝乃使麾下請已到屯外示憂邊以合上旨實杜禁言路林甫果奏遣之及辭泣訴為林甫中傷者妃又為言故帝益親之豫計召日林甫病已困入見牀下林甫曰死矣公且入相以後事屬公國忠懼其詐不敢當流汗被顏林甫果死遂拜右相國忠已得相竊德林甫姦事碎其家帝以為功封魏國公國忠雖當國常領劔南召募使遣戍瀘南餉路險乏舉無還者舊勳戶免行所以寵戰功國忠令當行者先取勳家故士



無聞志人人思亂安祿山方有寵總重兵於邊懼寒

不奉法帝護之下其敢言國忠知終不出已下又恃

內援獨暴發反狀帝疑以位相媚不之信祿山雖逆

以帝遇之厚故隱忍伺帝一日晏駕則稱兵及見帝

變國忠甚畏不利已故謀日急反遂決國忠寡謀矜

驍謂祿山跋扈不足圖故激怒之使必反以取信於

帝帝卒不悟祿山反以誅國忠為名哥舒翰潼關失

守帝出奔蜀龍武大將軍陳玄禮謀殺國忠進次馬

冤殺之爭啗其肉且盡梟首以殉四牙瞳眴踴躍

唐列傳 卷十三 十七

位戶部侍郎聞亂下馬驟弩發射之眴尚萬春公主

位鴻臚卿陷賊見殺晚奔漢中為漢中王瑒榜死賊

及國忠妻裴柔同奔陳倉為追兵所斬柔故蜀倡也

併坎而塞其黨張漸竇華宋昱鄭昂俱走山谷民爭

其貲富埒國忠昱戀貲產竊入都為亂兵所殺餘在

蘇國忠本名釗以圖讖有非金刀當位御史中丞時

為改今名

唐列傳卷之十四

李光弼

李光弼營州人嚴毅沈果有大畧善騎射補王忠嗣

府兵馬使忠嗣遇之厚嘗曰他日得我兵者光弼也

安祿山反郭子儀薦其能授河東節度光弼以朔方

兵五千出上門東救常山次真定常山團結子弟執

賊將安思義降光弼得思義不殺問其計答曰今軍

行疲勞逢敵不可支不如按軍入守料勝而出虜兵

焱銳弗能持重圍之萬全光弼曰善據地待明日思

唐列傳 卷十四

明兵二萬傳檄光弼兵不出乃以勁弩五百射之賊

退徙陣稍北是日饒陽賊五千至九門光弼謀知之

提輕兵飲旗鼓伺賊方飯襲殺之且盡思明懼引去

會郭子儀收雲中詔悉眾出井陘與光弼合擊賊九

門西思明大敗挺身走趙郡入博陵光弼急攻趙一

日拔之士多幽掠光弼坐譙門收所獲悉歸之民城

中大悅進圍博陵未下與子儀合擊大破之光弼以

范陽本賊巢穴當先取之會潼關失守乃拔軍入井

陘肅宗即位詔以兵赴靈武更授戶部尚書同平章



李節度如故光弼將兵入太原有詔侍御史崔衆以  
兵付光弼衆素狂易見光弼長揖不卽付兵光弼怒  
乃斬衆以徇威震三軍至德二載思明希德將兵十  
萬攻光弼時銳兵悉赴朔方而麾下卒不滿萬衆議  
搆城以守光弼曰彼疲吾人乃徹民屋爲櫺石車車  
二十人挽之石所及輒數十人灰賊傷十二思明畏  
敗乃去留希德攻太原光弼出敢死士搏戰追敗之  
乾元初與九節度圍安慶緒於相州大戰鄴西破之  
旣而思明來援光弼拒賊戰尤力殺累相當會諸將

唐書

卷十四

二

驚潰各引歸所在剽掠獨光弼整裝還太原帝以光  
弼代子儀爲朔方節度使未幾爲天下兵馬副元帥  
謂留守肅陝曰賊新勝難與爭鋒欲屈之以計然洛  
無見糧危偏難守公計安出陝曰益陝兵公保潼關  
可以持久光弼曰兩軍相敵尺寸地必爭今委五百  
里守關賊得地勢益張不如移軍河陽北阻澤路勝  
則出敗則守表裏相應賊不得西此後管勢也思明  
至僞師光弼悉軍趨河陽治塹溝築月城以守賊攻  
光弼與賊中澤西破逆黨斬千級溺死者甚衆賊帥

周韋引却俄而收兵復振與安太清合衆三萬光弼  
登陣望曰彼軍雖銳方陣而置不足虞也日中當破  
乃出戰光弼執大旗曰望吾旗麾若三麾至地諸軍  
畢入生死以之退者斬光弼麾旗三諸軍爭奪賊衆  
奔敗會周韋等惟太清挺身走思明大懼築壘以推  
官軍始光弼將戰內刀於鞞曰戰危事吾位三公不  
可辱於賊萬有一不捷當自刎以謝天子及是西向  
拜舞三軍感動太清棄懷州守之上元元年加太尉  
中書令魚朝恩屢上賊可滅狀詔諭光弼固言賊方

唐書

卷十四

三

銳未可輕動僕固懷恩媚光弼功陰佐朝恩光弼不  
得已令李抱玉守河陽使懷恩傳三陣懷恩不從弼  
計官軍遂潰懷州復陷帝以懷恩遣令覆軍詔召光  
弼入朝未幾復拜太尉知河南等五道節度寶應元  
年進封臨淮郡王浙東賊袁晁反光弼遣麾下破之  
遂禽晁北却之敗魚朝恩羞其策終故深忌光弼切  
骨而程元振尤疾之吐蕃寇京師代宗詔入援光弼  
畏禍遷延不敢行及帝幸陝數存問其母以解嫌疑  
遂令郭子儀自河中董其母還京二年光弼疾篤將

吏問後事答曰吾淹軍中不得就養為不孝子尚何言哉取所餘絹布分遺部將薨年五十七初與郭子儀齊名世稱李郭而戰功推為中興第一其代子儀朔方也營壘士卒麾幟無所更而光弼一號令之氣色乃益精明云子巢有志操廉介從賈耽為裨將後遷潁原節度使

李光進

李光進其先河曲諸部姓阿跌氏正觀中內屬隸朔方軍光進與弟光顏俱家太原以沈果稱從馬燧救臨洛戰洹水有功歷御史大夫元和四年王承宗引師救易定表為都將時光顏亦至大夫俄遷振武節度賜姓以光寵之

荔非元禮

荔非元禮起裨將累兼御史中丞光弼守河陽周摯攻北城光弼使元禮守羊馬城植小旗城東北隅望摯軍摯恃衆直逼城元禮出戰以堅敵未可以馳還軍示弱怠其意乃躍馬持刀瞋目直前銳士堵而進左右奮擊一當數人斬賊數百首摯遁去以功累遷

知鎮西北庭行營節度使上元二年光弼進收洛陽軍敗元禮徙軍冀成為麾下所害

郝廷玉

郝廷玉驍勇善格鬪為光弼愛將及保河陽禽徐璣玉功為多封安邊郡王與馬燧屯中涓橋魚朝恩聞其善布陣請觀之歎曰吾處兵間久今始識訓練法廷玉曰此臨淮王遺法也累為秦州刺史卒

李國臣

李國臣河西人本姓安以折衝從取魚海王城積勞擢雲麾大將軍賜姓李從光弼守河陽累封臨川郡王大曆八年為鹽州刺史吐蕃敗渾瑊於黃菩原將略所隴西國臣乃引兵登安樂山鳴鼓而西日行三十里吐蕃聞之自百城回軍踰險城因擊敗之

白孝德

白孝德安西人事光弼為偏裨史思明攻河陽使驍將劉龍仙以騎五十挑戰加右足馬鬣上縵罵光弼登城顧諸將曰孰能取是賊左右以孝德對召問所須幾兵對曰願出五十騎見可而進大軍鼓譟以張

善氣足矣孝德擁二矛策馬絕河半濟瞋目曰賊識我乎我白孝德也乃躍馬前搏城上因大譟五十騎繼進龍仙環隄走追斬其首以還累功至北庭行營節度使徙邠寧僕固懷恩引吐蕃兵入寇孝德擊敗之未泰初吐蕃回紇圖涇陽郭子儀說回紇約盟吐蕃退走子儀使渾瑊以兵五千出奉天命孝德應之大戰赤沙峰斬獲甚衆累封昌化郡王建中元年卒

張伯儀

張伯儀魏州人隸光弼軍浙賊袁晁反使伯儀討平

唐列傳

卷十四

六

之功第一擢睦州刺史李希烈反詔與賈耽張獻甫收安州戰不利伯儀中流矢賊追及奮刀以禦之收散卒還久之除右龍武統軍卒

陳利貞

陳利貞幽州范陽人初爲平虜將安祿山亂從光弼軍河南張巡被圍睢陽也光弼遣郝廷玉及利貞救之輕騎出廷玉稱爲勝已以子妻之及歸薦於光弼累遷檢校太子賓客封靜戎郡王李希烈叛詔哥舒曜東討利貞爲前鋒朱泚反利貞及張廷芝所統士

皆幽州河隴人故與廷芝合謀應泚而利貞麾下亦從爲亂利貞披劍當軍門大呼衆畏其勇乃止廷芝出奔德宗嘉之擢汝州防禦使貞元五年疽發背卒

侯仲莊

侯仲莊蔚州人爲光弼先鋒授忠武將軍禽安太清有功累加冠軍將軍僕固懷恩以朔方反仲莊爲都將調兵自守懷恩敗郭子儀代之引爲腹心封上谷郡王爲神策京西將德宗幸奉天遷左衛將軍帝還都復鎮奉天幾二十年卒

唐列傳

卷十四

七

栢良器

栢良器字公亮魏州人父造以獲嘉令死安祿山難乃學擊劍欲報賊父友王奐爲光弼從事薦之授兵平山越遷左武衛中郎將以部兵隸浙西豫平袁晁方清後破滑寧虎胡參是時年二十四更戰陣六十  
二李希烈圍寧陵良器以救兵至擢弩手善游者沿汴渠夜入及旦伏弩發賊乘城者皆死錄功封平原郡王入爲左神策軍大將軍中尉實文場惡之坐友人闖入換右領軍衛自是軍政皆中官專之

烏承玘

烏承玘字德潤張掖人開元中與族兄承玘皆為平  
盧先鋒沈勇而決號轅門二龍契丹可突于殺其王  
邵固降突厥而奚亦亂其王魯蘇挈族屬及邵固妻  
子自歸是歲奚契丹入寇詔承玘擊之安慶緒使史  
思明守范陽承玘勸思明曰慶緒偷肆晷刻必殆與  
俱亡有如束身本朝滿洗前汙此反掌功再思明善  
之斬承慶等奉表聽命李光弼表為冠軍將軍封昌  
化郡王為石嶺軍使王思禮為節度使軍政倚辦焉  
唐列傳 卷十四 八  
卒年九十六子重胤

郭子儀

郭子儀字子儀華州鄭人長七尺二寸以武舉異等  
補左衛長史累遷天寶十四載安祿山反詔子儀充  
朔方節度使先是安思順為朔方子儀與李光弼俱  
為牙門都將二人素不相能雖同盤飲食常睜目相  
視不交一語及子儀代思順光弼意欲亡去猶未決  
旬日詔子儀率兵東出趙魏光弼入見曰一死固其  
乞免妻子可也子儀趨下持抱上堂而泣曰今國亂

主遷非公不能東伐豈懷私忿時耶執其手相持而

拜曰率本軍東討子儀引軍下井陘與光弼合破賊  
祿山益出精兵佐史思明子儀曰彼恃加兵必易我  
易我心不固戰則克矣與戰未決裁一步將以徇士  
殊死關遂破之會哥舒翰敗天子入蜀太子即位靈  
武詔班師子儀與光弼率部騎五萬赴行在宰相房  
琯自請討賊次陳濤師敗衆略盡故帝惟倚朔方軍  
為根本至德二載攻賊崔乾祐於潼關賊安守忠壘  
永豐倉子儀遣子旰與戰多殺至萬級旰死於陣進

唐列傳

卷十四

九

收倉於是關陝始通詔還鳳翔進司空充關內河東  
副元帥乾元元年破賊河上執守安忠以獻遂朝京  
師詔百官迎於長樂驛帝御望春樓待之即詔大舉  
九節度師討慶緒以子儀光弼皆元功難相臨攝第  
用魚朝恩為觀軍容宣慰使而不立帥王師衆而無  
統進退相顧望是以及於敗魚朝恩素疾其功因是  
嫌譖之帝召子儀還思明再陷河洛西戎逼擾京輔  
天子肝食乃授邠寧鄜坊兩節度使仍留京師上元  
初詔為諸道兵馬都統以管崇嗣副之詔下為朝恩

沮解明年光弼敗却山失河陽又明年河中亂殺李  
國貞太原賊鄧景山遂以子儀爲副元帥進封汾陽  
郡王屯絳州時帝已不豫羣臣莫有見者子儀請曰  
老臣受命將死於外不見陛下目不瞑帝引至卧内  
謂曰河東事一以委卿代宗立程元振自謂於帝有  
功忌宿將難制離構百計因罷子儀副元帥爲肅宗  
山陵使梁崇義據襄陽叛僕固懷恩屯汾州陰召回  
紇吐蕃寇河西殘涇州犯奉天武功拜子儀爲關内  
副元帥鎮咸陽初子儀自相州罷歸部曲離散速丞  
唐制傳 卷十  
詔麾下才數十騎驅民馬補行隊至咸陽虜已過渭  
水竝南山而東天子幸陝子儀聞流涕董行營乃率  
騎南收兵得武關防卒及亡士數千自變生倉卒賴  
子儀復安天下皆咎程元振元振懼乃說帝都洛陽  
子儀奏曰雍州古稱天府右隴蜀左嶠函直用武之  
國秦漢所以成帝業也乘輿還僕固懷恩縱兵掠并  
汾屬縣帝患之以子儀兼河東副元帥節度使鎮河  
中懷恩子瑒也榆次爲帳下張惟岳所殺傳首京師  
持其象歸子儀懷恩懼委其母走靈州懷恩誘吐蕃

回紇光項數十萬入寇詔子儀屯奉天虜寇邠州先  
驅至奉天諸將請擊之子儀令取言戰者斬壁待之  
賊果遁子儀至自涇陽進拜尚書令懇辭未恭元年  
吐蕃回紇光項羌渾奴刺等二十萬掠涇邠曠鳳翔  
入醴泉奉天京師大震於是帝急召子儀屯涇陽軍  
纔萬人比到虜騎圍已合子儀單騎與回紇盟吐蕃  
疑之夜引去大曆元年華州節度使周智光謀反帝  
聞遣以蠟書賜子儀令悉軍討之同華將吏聞軍起  
殺智光傳首闕下二年吐蕃寇涇州詔移屯涇陽  
唐制傳 卷十  
戰於靈州敗之德宗嗣位詔還朝肅宗克山陵使  
賜號尚父進位太尉中書令建中二年疾帝遣詹  
王到第傳詔省問子儀不能興叩頭謝恩堯年八十  
五子儀事上誠御下恕賞罰必信遭幸臣程元振魚  
朝恩短毀方時多虞握兵處外然詔至卽日就道無  
纖介顧望故讓聞不行破吐蕃靈州而朝恩使人殺  
其父墓蓋未得子儀自涇陽來朝入見帝言之卽號  
泣曰臣久主兵不能禁士殘人之墓此天譴非人患  
也朝恩又嘗約子儀修具元載使人告以軍容將不

利公其下衷甲願從子儀不聽但以家僮十數往朝  
恩曰何車騎之寡告以所聞朝恩泣曰非公長者得  
無致疑乎田承嗣傲狠不執子儀嘗遣使至承嗣  
西望拜指其膝謂使者曰茲膝不屈於人久矣今爲  
公拜李靈耀據汴州公私財賦一皆遺絕子儀封幣  
道其境莫敢留令持兵衛送麾下宿將數十皆王侯  
貴重子儀願指進退若部曲然幕府六千餘人後皆  
爲將相顯官其取士得才類如此與李光弼齊名而  
寬厚得人過之中書令考二十四八子七婿皆貴顯

唐列傳

卷十四

十二

諸穠數十不能盡識至問安但頷之而已子驥肝膽  
咄咄暖曙映而四子以才顯晞善騎射從征伐有功  
復兩京戰甚力出奇兵破賊累進鴻臚卿河中軍亂  
子儀召首惡誅之其支黨猶反及晞選親兵晝夜警  
戒姦人不得發功拜殿中監吐蕃回紇入寇加御史  
中丞頡朔方軍援邠州與馬璘合軍擊虜破之居父  
喪值朱泚亂南走山谷賊昇致之欲汙以官伴瘞不  
答賊露兵脅之不動以城中事貽書李晟旣而奔奉  
天天子遷改太子賓客子綱以得罪走吐蕃賜死驥

坐免孫承燾字復卿元和中及進士第居母喪以孝  
聞太和六年爲諫議大夫言政事得失文宗以鄭注  
爲太僕卿承燾極論其非注頗懼進給事中俄出爲  
華州刺史給事中盧載還詔書且言承燾數封駁稱  
職宜在禁闥乃復留給事中遷刑部侍郎帝嘗稱其  
儒素卒暖以太常主簿尚昇平公主朱泚亂逼署暖  
官辭以居喪被疾旣而與公主奔奉天德宗嘉之尋  
遷太常卿貞元三年襲代國公卒年四十八初暖女  
爲廣陵郡王妃王卽位是爲憲宗生穆宗穆宗立尊

唐列傳

卷十四

十三

妃爲皇太后贈暖太傅四子鑄劍鏃鑄鑿封劍長  
七尺方口豐下代宗朝以外孫爲奉禮郎累官邠寧  
節度使憲宗寢疾宦豎或妄議廢立者穆宗問計於  
劍荅曰殿下爲太子當且夕視膳何外慮乎穆宗卽  
位爲河陽三城節度使敬宗立召拜兵部尚書太和  
中南蠻寇蜀取成都外郭杜元穎不能禦詔劍兼領  
西川節度使劍書譙蠻首約無相犯天子嘉之卽拜  
北川節度使以疾請爲太常卿卒子仲文仲恭仲詞  
開成二年詔仲文襲太原郡公給事中盧弘宣奏劍

妻沈公主女代宗皇帝外孫其子仲詞尚饒陽公主  
仲文冒嫡不應襲乃詔仲詞襲封而仲文以太皇太  
后故置不問仲恭歷詹事府丞亦尚金堂公主銀字  
利用尚德陽郡主詔裴遵齡為主營第長興里順宗  
立主進封漢陽公主擢繼檢校國子祭酒駙馬都尉  
宰相薦其材乃拜右金吾將軍封太原郡公改太子  
詹事充開厩官死使卒銛累為殿中監尚西河公主  
縱卒代為太子詹事官死開厩使長慶二年暴卒賜  
代宗朝累官司農卿德宗幸奉天曙方領家兵獵獲

唐書

卷十四

十四

北開蹕至休調道左遂從乘輿入駱谷曙與功臣于  
李昇帝清令狐建李彥輔被甲請見言路險且虞  
變臣等世蒙恩今相誓願更相挾馬帝許之帝還  
清擢金吾大將軍餘並為禁衛將軍曙終祁國公

馬璘

馬璘岐州扶風人少孤流蕩無業年二十讀漢馬援  
傳至丈夫當死邊野以馬革裹尸而歸慨然曰使吾  
祖勲業墜於地乎開元末挾策從安西節度府以首  
級累遷金吾衛將軍至德初王室多難統精甲三千

赴鳳翔肅宗奇之委以東討勅戰衛南以百騎破賊  
五千衆從李光弼攻洛陽史朝義衆十萬陣北邙山  
璘率部士五百薄賊也出入三反衆披靡乘之賊遂  
潰明年吐蕃寇邊詔璘移軍援河西懷恩之叛璘引  
還間關轉關至鳳翔虜圍已合節度使孫志直嬰城  
守璘令士持滿外向突入轅門不解甲出戰背城陣  
虜潰率輕騎追之擢兼御史大夫未幾初拜四鎮行  
營節度南道和蕃使俄檢校工部尚書兼寧節度使  
元日有卒犯盜或曰宜赦璘曰赦之則人將伺其日

唐書

卷十四

十五

為盜遂殺之未幾徙涇原權知鳳翔隨右節度副使  
大曆八年吐蕃內寇渾瑊戰宜祿不利璘設伏潛原  
與瑊合擊破之進檢校左僕射明年入朝進扶風郡  
正十一年卒於軍年五十六

李嗣業

李嗣業字嗣業京兆高陵人長七尺膂力絕衆開元  
中從安西都護來曜討十姓蘇祿累功署昭武檢校  
後應募安西軍中初用陌刀而嗣業尤善所擢推也  
高仙芝討勃律署嗣業及中郎將田珍為左右陌刀



將時吐蕃兵十萬屯安勒城據山瀕水聯木作郭  
振王師仙芝潛軍夜濟令曰及午破賊不者皆死嗣  
業提步士升山頽石四面擊賊又樹大旗先走險諸  
將從之虜不虞軍至因大潰進金吾大將軍留為脫  
勒鎮使城一隅陞屢築輒壞嗣業視之有白龍見因  
其處以祠祭城遂不壞漢耿恭故井久涸禱已泉復  
出天寶二載加驃騎大將軍入朝賜酒玄宗前醉起  
舞安祿山反肅宗追之詔至即引道與諸將割臂盟  
曰所過郡縣秋毫不可犯至鳳翔王謁乃詔與郭子  
儀使僕固懷恩倚角常為先鋒進四鎮伊西北庭行  
軍兵馬使廣平王收長安嗣業統前軍陣於香積祠  
是賊酋李歸仁擁精騎戰王師注矢逐之走未及營  
大賊出掩追騎還蹂王師於是亂不能陣嗣業謂子  
儀曰今日不蹈萬死取一生則軍無類矣即持長刀  
大呼出陣前殺數十人陣復整步卒二千以陌刀長  
柯斧堵進賊東走遂平長安進收東都兼衛尉卿封  
魏國公卒子佐國襲爵

李抱玉

唐列傳

卷十四

十六

唐列傳

卷十四

十七

李抱玉本安興貴曾孫世居河西善養馬始名重  
少從軍沈毅有謀尤忠謹李光弼引為裨校天寶末  
玄宗以其戰河西有功為改今名祿山亂守南陽斬  
賊使至德二載上言世占涼州耻與逆臣共宗有詔  
賜之姓因徙籍京兆舉族以李為氏擢陳鄭顏亳節  
度使史思明已破東都光弼壁河陽拒之使抱玉守  
南陽賊急攻抱玉縱奇兵出表裏俘殺甚衆封棗城  
縣公代宗立兼澤潞節度使授兵部尚書徙涼國公  
廣德中吐蕃入寇帝次陝群盜繼南山五谷間詔太  
子賓客薛景胤招捕又不克更遣抱玉討賊不閱旬  
五谷平即詔抱玉權鳳翔隴右節度抱玉在鎮十餘  
年雖無破虜功而禁暴安人為將臣之良卒年七十  
四從父弟抱真

辛雲京

辛雲京蘭州金城人客籍京兆世為將家雲京有膽  
決以生禽虜敵常冠軍藉功遷特進史思明屯相州  
雲京以銳兵四千襲滏陽破其衆授開府儀同三  
司太原軍亂帝惡鄧景山繩下無漸以雲京性沉毅



授太原尹進封金城郡王開統特舊勳每入朝所托  
暴鈔至太原雲京以戌狄待之虜畏不敢惕息加平  
章事大曆三年檢校僕射卒從弟京果信安王禘節  
度朔方京果與弟吳以策干說禘後從李光弼出井  
陘督益光弼與嘉山尤力肅宗異之肅宗立進晉昌  
郡王宋泚盜京師以老病不能從肅宗悔哭而卒吳  
亦從光弼定恒趙後署太原一城吏思門也相軍及  
涇陽吳逆擊走之東都陷退守河陽卒

唐列傳 卷十四

唐列傳卷之十五

房琯 字魯文父融武后時以正諫大夫同鳳閣  
閣事琯平章事神龍元年貶死高州琯少好學風度  
沈整以補私文與呂向偕隱陸渾山十年不諧  
際人專開元中作封禪書說宰相張說奏為校書  
郎授廬氏令拜監察御史坐訊獄非是貶睦州司戶  
參軍復為縣所至上德化興長利以天寶五載試給  
事中封漳南縣男坐善李適之帝堅斥為宜春太守  
歷瑯琊扶風三郡頻遷憲部侍郎十五載帝狩蜀  
瑄馳至普安上謁帝喜甚即拜文部尚書中書門下  
平章事從至成都賜一子官俄與常見素崔渙奉冊  
靈武見肅宗具言上皇所以傳付意因道當時利病  
籌策虜情辭吐華暢瑄既有重名帝傾意待之第五  
琦言財利幸為江淮租庸使瑄諫曰往楊國忠聚歛  
產怨天下今又寵琦帝曰六軍之命方惡卿惡琦可  
也何所取財瑄不得對北海太守賀蘭進明自河南  
至詔稱御史大夫嶺南節度使入謝帝曰朕語瑄除

正大夫何爲攝邪進明銜之因曰陛下知晉亂乎惟以尚虛名任王衍爲宰相瑄性疏闊大言無當非宰相器瑄爲聖皇建遺諸王爲都統節度乃謂陛下爲元子而付以朔方河東河北空虛之地永王豐王乃統四節度使此於聖皇似忠於陛下非忠也瑄意諸子一得天下身不失恩帝入其語始惡瑄以進明爲御史大夫河南節度使會瑄請自將平賊帝猶倚以成功乃詔瑄持節招討西京防禦蒲潼兩關兵馬節度等使得自擇參佐十月庚子次便橋辛丑中軍北

卷十五

二

乾元元年出爲邠州刺史政聲流關召拜太子賓客遷爲晉漢二州刺史寶應二年召刑部尚書道病卒子孺爲容州刺史孫咎爲桂管觀察使

張鎬字從周博州人儀狀瓌偉好王霸大略少事吳兢器之游京師未知名率嗜酒鼓琴自娛天寶末楊國忠執政聞鎬才焉之釋褐衣拜左拾遺歷侍御史玄宗西狩鎬徒步扈從俄遣詣肅宗所數論事擢諫議大夫尋拜中書侍郎同平章事時內浮屠數百居禁中號內道場鎬曰天子之福要在養人帝然之尋詔兼河南節度使都統淮南諸軍事徇河南河東郡縣皆下之賊圍宋州張巡告急鎬倍道進檄濠州刺史間丘曉趣救曉復挽留比鎬至淮口而巡已陷鎬大怒杖殺曉帝還京師封南陽郡公史思明獻款鎬揣其僞又言滑州防禦使許叔冀狡獪後果如鎬言召拜太子賓客左散騎常侍坐市嗣岐王珍第貶辰州司戶參軍代宗初起爲撫州刺史更封平原郡公袁晁寇東境江介震發鎬遣兵屯上饒又襲餘

卷十五

三

賊楊昭梟之沈千載者新安大豪連結推剽州縣不能禽鎬造別將盡殄其衆改江南西道觀察使卒鎬布衣二期至宰相居身廉不殖貲產天下之人推爲舊德云

李峴

李峴吳王恪孫折節下士長吏治爲零陵太守峴爲政得人心代宗立拜同平章事故事政事堂不接客自元載爲相中人傳詔者引升堂置榻待之峴至卽勅吏徹榻又奏常參官舉才任諫官憲官者然限員

唐

卷五

五

不踰月爲要近譖短遂失恩罷太子詹事卒初東京平陳希烈等數百人等待罪譴者將悉抵死帝意亦欲懲天下故崔器等附致深文峴時爲三司獨曰法有首有從固爭數日乃見聽

李揆

李揆字端胤系出隴西開元末擢進士第乾元中進禮部侍郎進拜同平章事揆美風儀善奏對帝歎曰卿門第人物文學皆當世第一信朝廷羽儀平京師多盜李輔國橫請選羽林騎五百備徵捕揆曰漢以

南北軍相統攝本朝置南北衛文武區別今以羽林

代金吾忽有非常何以制之輔國議格揆決事明然殿於進且近名後以蕭呂誣貶袁州刺史初苗晉卿數薦元載揆輕載地寒謂晉卿曰龍章鳳姿士不見用塵頭鼠目子乃求官邪載聞銜之及秉政揆流落凡三十六載載誅始拜吏部尚書揆素爲盧杞所惡用爲入蒼會盟使揆至蕃酋長曰聞唐有第一人李揆公是否揆畏鼠因紿之曰彼李揆安肯來邪還卒

顏杲卿

唐

卷五

五

顏杲卿字真卿同五世祖以文儒世家父元孫有名番拱間爲濠州刺史杲卿以蔭調遂州司法叅軍開元中與兄春卿弟暉卿並以書判超等吏部侍郎席豫咨差推伏謀以晁遷范陽戶曹叅軍安祿山聞其名表爲營田判官假常山太守祿山反杲卿及長史袁履謙謁於道賜杲卿紫袍履謙緋袍令與杲卿子李欽奏以兵七千屯土門杲卿指所賜衣謂履謙曰與公何爲者此履謙悟乃與真定令買漆內其金張通幽定謀討賊杲卿入稱疾不視事使子泉明

逆計議陰結太原尹王承業為應使平盧節度副使  
賈循取幽州謀泄祿山殺循以向潤客牛延玠守泉  
卿杲卿陽不事事委政履謙時真卿在平原素聞賊  
逆謀陰養死士為拒守計李愷等死賊使段子光傳  
首狗諸郡真卿斬子光遺剄盧逸至常山約起兵斷  
賊北道杲卿大喜乃矯賊命召欽湊計事使履謙及  
叅軍馮虔郡豪翟萬德等數人飲勞既醉斬之并殺  
其將潘惟慎賊將何千年自趙來虔亦執之已而事  
顯乃拜杲卿衛尉卿兼御史中丞履謙常山太守於  
唐 卷五 七

家親屬數百人於獄厚給遺令行喪杲卿被殺  
首於衢莫敢收有張湊者得其髮特調上皇是夜見  
臺帝寤為祭後湊歸髮於其妻疑之髮若動云後杲  
明購尸將葬得刑者言死時一足先斷與履謙同坎  
瘞指其域得之泉明有孝節喜振人之急既為王承  
業所遣未至而常山陷故客壽陽史思明敗李光弼  
獲泉明妻以華送幽州間關得免思明歸國而真卿  
方為蒲州刺史令泉明到河北宗屬始一女及姑  
女泣流離賊中及是并得之悉錢三萬贖姑女還取  
唐 卷五 七

張巡字勉鄆州南陽人博通群書曉戰陣法開元末  
擢進士第時兄曉已位監察御史巡出爲清河令秩  
滿還都更調真源令民甚宜之安祿山及天寶十五  
載正月賊酋張通晤陷宋曹等州譙郡太守楊萬石  
降賊逼巡爲長史使西迎賊軍巡率吏哭玄元皇帝  
祠遂起兵討賊從者千餘初靈昌太守嗣吳王祇受  
詔令河南兵拒祿山有單父尉賈賁者閬州刺史璠  
之子宰吏稱吳王兵擊宋州通晤走襄邑爲頓丘令  
盧諶所殺賁引軍進至雍丘巡與之合有衆二千是

卷十五

九

時雍丘令令狐潮舉縣附賊巡乃屠其妻子磔城上  
祇聞承制拜賁監察御史潮怨賁還攻雍丘賁趨門  
爲裂躡死潮乃舉交以東委巡經畧積六旬大小數  
百戰士帶甲食糞澆闐潮遂敗走追之幾獲潮怒復  
率衆來然素善巡至城下情語潮報然去當此時王  
命不復通大將六人白巡以執不敵且上存亡莫知  
不如降六人者皆官開府特進巡陽許諾明日堂上  
設天子畫像率軍士朝巡引六將至責以大誣斬之  
城中矢盡巡縛藁爲人千餘被黑衣夜縋城下潮兵

爭射之入乃藁人還得箭數十萬潮怒圍復合巡徐  
謂潮曰君須此城歸馬三十匹我得馬且出奔請君  
取城以藉口潮歸馬悉悉以給驍將約曰賊至人取  
一將明日潮責巡答曰吾欲去將士不從奈何潮怒  
欲戰陣未成三十騎突出禽將十四斬百餘級於是  
河南節度使嗣虢王巨屯彭城假巡先鋒俄而魯東  
平陷賊濟陰太守高承義舉郡叛巨引兵東走臨淮  
賊將楊朝宗謀趨寧陵絕巡餉路至睢陽與太守許  
遺城父令姚闒等合乃遣將雷萬春南霽雲等領兵

卷十五

九

戰寧陵北斬賊將二十殺萬餘人有詔拜巡主客郎  
中副河南節度使至德二載祿山死慶緒遣其下尹  
子琦將同羅突厥奚勁兵與朝宗合凡十餘萬攻睢  
陽巡勵士固守日中二十戰氣不衰遠自以材不及  
巡請稟軍事而居其下有詔拜巡御史中丞遣侍御  
史巡士多餓死存者皆瘡傷氣乏逃出愛妾殺以大  
饗坐者皆泣巡疆令食之遠亦殺奴僮以哺卒至羅  
雀掘鼠煮鐵弩以食賊將李懷忠過城下巡問君事  
胡幾何自古恃逆終夷滅懷忠率其黨數十人降建前

後說降賊將甚多皆得其死力御史大夫賀蘭進明  
代巨節度屯臨淮許叔冀尚衛次彭城皆觀望莫肯  
救巡使霽雲如叔冀請師不應既見進明初無出師  
意又愛霽雲壯士欲留之爲大饗樂作霽雲泣曰昨  
出睢陽時壯士不粒食已彌月因拔佩刀斷指一坐  
大驚爲出涕卒不食去措矢回射佛寺浮圖矢著幕  
曰吾破賊還必滅賀蘭此矢所以志也至真源李貴  
遣馬百匹次寧陵得城使廉坦兵三千夜冒圍入賊  
覺拒之且戰且引兵多死所至才千人方大霧巡聞

唐 卷十五

戰聲曰此霽雲等聲乃啓門驅賊牛數百入將士相  
持泣賊知外援絕圍益急衆議東奔巡違議以睢陽  
江淮保障也若棄之賊乘勝鼓而南江淮必亡賊攻  
城急病不能戰巡西向拜曰臣生不能報陛下死爲  
鬼以瀆賊城遂陷與遠俱執乃以刃脅降巡不屈又  
降霽雲未應巡呼曰南八男兒死爾不可爲不義屈  
霽雲笑曰欲將有爲也公知我者敢不死亦不肯降  
乃與姚閔雷萬春等三十六人遇害巡年四十九尹  
子琦讓生致一人慶緒所或曰用兵拒守者幾也乃

送遠洛陽至偃師亦以不屈死巨之走臨淮巡有姊  
嫁陸氏遮王勸勿行不納賜百緡弗受爲巡補行間  
軍中號陸家姑先巡被害被肅宗詔侍郎張錡代進  
明節度河南率浙東李希烈浙西司空襲禮淮南高  
適青州鄧景山四節度犄角放睢陽巡亡三月而錡  
至十日而廣平王收東京德宗差次至德以來將相  
功效尤著者以顏杲卿袁履謙盧奕及巡遠霽雲爲  
上貞元中復官巡它子去疾遠子觀

許遠

唐 卷十五

許遠敬宗曾孫初客河西章燧兼瓊辟署劍南府欲  
以子妻之固辭瓊怒以事劾貶高要尉更赦還會祿  
山反或薦遠於玄宗召拜睢陽太守遠與巡同年生  
而長故巡呼爲兄大厝中巡子去疾上書曰孽胡南  
侵巡及將校三十餘皆割心剖肌慘毒備盡而遠與  
麾下無傷巡臨命歎曰嗟乎人有可恨者賊曰公恨  
我乎答曰恨遠心不可得詔下尚書省使去疾與許  
峴及百官議皆以去疾證狀最明者城陷而遠獨生  
也且遠本守睢陽凡屠城以生致主將爲功則遠後

巡死不足感此時去疾尚幼事未詳知元和時韓愈讀李翰所為巡傳以為關遠事非是其言曰遠誠畏死何苦守八寸地食其所愛之內抗不降乎愈於褒貶尤慎故著之

南霽雲

南霽雲者魏州頓丘人少微賤為人操舟祿山反鉅野尉張沼起兵討賊拔以為將尚衝擊汴州賊李廷望以為先鋒遣至睢陽與張巡計事遂留巡所巡固勸歸不去衛資金帛迎霽雲謝不受乃事巡甚厚加

卷五

十二

禮始被圍築臺募萬死一生者數日無敢應俄有暗鳴而來者乃霽雲也巡對泣下霽雲善騎射見賊百步內乃發無不應弦斃子承嗣歷涪州刺史利開叛以無備誦末州

雷萬春

雷萬春者不詳所來事巡為偏將令狐潮圍雍丘萬春立城上與潮語伏弩發六矢着面萬春不動潮疑刻木人謀得其實乃大驚遙謂巡曰向見雷將軍知君之令嚴矣潮壁雍丘北謀襲裏邑寧陵巡使萬春

引騎四百壓潮先為賊所包巡突其圍大破賊遁去

姚闓

姚闓者宰相崇從孫父弁楚州刺史開歷壽安尉素善巡及為城父令同守睢陽累加東平太守巡之遣霽雲萬春敗賊於寧陵也別將二十有五石承平李醉陸元雄朱珪朱若虛楊振威耿慶禮馬日昇張惟清廉坦張重孫景趙連城王森喬紹俊張恭然祝忠李嘉隱程良輔孫廷皎馮頰其後皆死巡難四人

隨其姓名

卷五

十三

盧奕

盧奕宰相懷慎少子也與兄奐名相上下而剛毅過之天寶初為鄆令所治輒最積功擢給事中拜御史中丞自懷慎與及奕三居其官清節似之俄留滬東都兼知武部還安祿山陷東都吏亡散奕前遣妻子懷印間道走京師自朝服坐堂被執將殺之即數諫山罪奕臨刑西向再拜而辭罵賊不空口子祀

李愬

李愬并州文水人或言其先出與聖皇帝爵亦晚



不復傳父希精神龍初右監監察御史愷舉明經高第授成安尉張說罷宰相為相州刺史坐有善相者說徇閭官屬後執當貴工指愷及臨河尉鄭巖說以女妻巖而歸其甥於愷會毋免自武功尉以政尤異遷說在并州引愷置幕府及執政為長安尉出為河南少尹尹蕭吳內倚權愷法植私愷裁抑其謬徙彭城太守封酒泉侯入為京兆尹楊國忠惡之改東京留守安祿山及玄宗遣封常清募兵東京愷與晉臺御史中丞盧奕河南尹達奚珣繕城壘緩勵士卒將遇賊西鋒帝聞擢禮部尚書愷收殘士數百哀斷絃折矢堅守人不堪聞愷約奕吾曹荷國重寄雖力不敵當死官部校皆夜縱去祿山破而入殺數千人矢著關門執愷奕及官屬蔣清等之愷通左氏春秋頗殖產伊川占膏腴自都至關口疇墅兩望時謂地瘠巖仕終少府監產利埒愷云愷十餘子江涵瀕瀧等同遇害惟源彭脫

賈循

賈循京兆華原人其先家常山父會有高節嘗稱疾

卷五

十一

卷五

十一

不答辟署親亡廬墓號關中曾子循有大畧蘇瓌謂今頗效表為益州署別將敗吐蕃於西山三遷贊塞軍營田使張守珪北伐次灤河屬凍泮欲濟無梁循揣廣狹為橋以渡以功擢游擊將軍安祿山表為副遷博陵太守祿山及不從賊繼之從子隱林為未平兵馬使當入衛屬朱泚難率泉扈行在德宗見隱林備其貌問家世答曰故范陽節度副使循臣從父也遷檢校右散騎常侍封武威郡王賊圍悉隱林與侯仲莊冒矢石死戰已而解從臣稱慶隱林流涕前

魏濟

魏濟字孟成定州無極人叔父為幽涼二州都督家衛州濟少孤好學居青巖山十餘年遠近伏其仁環山不敢取漁採訪使苗晉卿表之諸府五辟詔十至堅卧不起天寶十載左拾遺召未至而安祿山入朝求濟於玄宗授范陽掌書記祿山至衛使太守鄭遵意欲歸山中濟不得已為祿山下拜鈞覆察祿山



有反謀不可諱濟素善衛令齊玘因謂歸其告以誠  
密置羊血左右至夜若嘔血狀陽不支昇歸舊廬祿  
山反使蔡希德封刀召之濟引頸待之希德歔歔嗟  
歎止刀以實病告後慶緒復使躡輿至東都安國觀  
會廣平王平東都濟詣軍門上謁泣涕王為感動肅  
宗詔館之三司署使汗賊官羅拜以愧其心授秘書  
郎或言太薄更拜太子舍人來填辟為陝西襄陽恭  
謀拜禮部員外郎宜城楚昭王廟墮地廣九千畝濟  
立墅其左屏居七年大曆初江西節度使魏少遊表

唐

卷十五

十六

為著作郎兼侍御史卒濟生子因其官字曰禮關曰  
憲墓而禮關死憲墓更名逢切而孤及長耕宜城野  
自力讀書不謁州縣逢常以父名不得在國史欲請  
京師自言而逢與元稹善稹移書於史館脩撰韓愈  
由是父子俱顯名

程千里

程千里京兆萬年人長七尺魁岸有力應募積西累  
官安西副都護天寶末兼北廷都護安西北廷節度  
使突厥首領阿布思內附本隸朔方賜氏李名獻忠

素與安祿山有怨故叛還積外數盜遣玄宗患之詔  
千里將兵討捕千里論葛邏祿陰令犄角獻忠果以  
窮歸葛邏祿縛之并妻子帳下數千人送千里所乃  
獻俘勤政樓祿山反詔募兵河東至德二載賊將蔡  
希德圍上黨千里待勇開縣門率百騎欲直擒希德  
幾得而救至乃退會橋壞馬顛為賊執囚千里至東  
都安慶緒僞署特進慶緒敗為嚴莊所害

龐堅

唐

卷十五

十七

龐堅京兆涇陽人四世祖玉事隋為監門直閤李密  
據洛口玉以關中銳兵屬王世充擊之世充歸東都  
秦王東徇洛玉率萬騎降高祖以隋舊臣禮之領軍  
武衛二大將軍使出為梁州總管巴山獠叛玉梟其  
首餘黨四奔太宗以耆舊令主東官兵卒堅歷潁川  
太守安祿山反南陽節度使魯炆表堅為長史兼防  
禦副使以薛愿為潁川太守共守潁川自正月盡十  
一月賊設木柵衝車飛梯薄城矢如雨士皆背藩棄  
半踰城入二人不肯降賊縛至東京將磔解之乃縛  
於樹北且死見者哭之愿汾陰人父縉太常卿兄崇

一娶惠宣太子女其女弟為太子瑛妃瑛廢貶雁巖  
外父乃得還

張興

張興者東鹿人長七尺一飯至斗米歲十斤備起而  
辯為饒陽裨將祿山反史思明引眾傳城興據甲持  
陌刀重五十觔乘城賊將入興一舉刀輒斃人死賊  
皆氣懾城破思明縛之馬前怒錡解之且死罵曰吾  
能哀疆死兵敗賊

唐

卷五

十八

唐列傳卷之十六

苗晉卿

苗晉卿字元輔潞州人擢進士第進知吏部選事遷  
人訴索好官厲言佞色紛於前晉卿與相對終日無  
愠顏久之進侍郎李林甫為尚書專國政以銓事委  
晉卿天寶二載判入等者凡六十四人分甲乙丙三  
科以張奭為第一奭御史中丞倚之子倚新得幸於  
帝奭本無學故議者囂然不平帝為御花萼樓覆  
中藏十一二奭持紙終日筆不下人謂之鬼白帝末

唐

卷十六

十一

貶晉卿安慶太守明年徙魏郡太守居三年政化大  
行安祿山反陝郡不守楊國忠忌其有望奏授之晉  
卿以老辭忤旨致仕肅宗至扶風召赴行在拜左相  
再秉政出入七年小心謹畏練達事體議者比漢胡  
廣子榮德宗時官至郎中陸贄欲進榮官而榮官終  
不顯

呂誼

呂誼河中河東人少力於學孤貧里人程氏財雄於  
鄉以女妻誼開元末入京師第進士哥舒翰節度河

西表度支判官翰敗潼關謹西趨靈武由中人尉屬  
肅宗拜御史中丞所陳事無不順納帝復兩京詔盡  
繫群臣之汪賊者御史大夫李峴及謹願使乾元二  
年累封須昌縣伯遷黃門侍郎上元初加同中書門  
下三品罷為太子賓客數月拜荊州長史禮朗峴忠  
等五州節度使謹始建請荊州置南都詔可於是更  
號江陵府以謹為尹置永平軍萬人遇吳蜀之衝初  
荊州長史張惟一以衡州疊首陳希昂為司馬政一  
出希昂後入朝遷常州刺史過江陵入謁謹伏甲擊

唐 卷六

殺之内外震服謹與李揆不平揆奏置軍湖南非便  
又陰遣人刺謹過失謹上疏訟其事帝怒逐揆出之  
謹苦麻疾卒年五十一始謹知杜鴻漸元載才為於  
朝後皆為宰相末泰中嚴郢以故吏請議博士獨孤  
及謹曰肅郢以故事宰相謹皆二各請益曰忠肅及  
執奏謂謹在義美惡不在多名文王伐崇尉公殺三  
監淮夷重耳一戰而羈而謹曰文其缺之恪審命之  
忠隨會不忘其君而謹曰武故知稱其大略其細也  
且二名謚非古也漢興蕭何張良霍去病霍光以文

武大畧佐漢致太平一名不盡其善乃有文終文成  
景桓宣成之謚唐興恭用漢制魏徵以王道佐時近  
文愛君忘身近貞二者並優廢一莫可故曰文貞  
瑀端直近真多信近禱言禱則失貞稱貞則遺禱故  
曰貞禱蓋有為為之也若跡無異稱則易以一字故  
杜如晦曰成封德彛曰明王珪曰懿陳叔達曰思溫  
彥博曰恭岑文本曰獻帝巨源曰昭皆當時赫赫極  
宰相位者謚不過一名而言故事宰相必以二名固  
所未聞宜如前謚遂不改

唐 卷六

劉晏  
劉晏字士安曹州南華人玄宗封泰山晏始八歲獻  
頌行在帝前其詞命張說試之說曰國瑞也即授太  
正字公卿邀請旁午號神童天寶中累調夏令未  
嘗賦而輸無逾期舉賢良方正補溫令所至有惠  
記再遷侍御史祿山亂避地襄陽永王璘署晏  
石職固辭私書房瑄論封建與古異今諸王出深宮  
一區望桓文功不可致詔拜度支郎中領江淮租庸  
事兼京兆尹總大體不苛號稱職代宗立拜同平章

車俄領東都河南江淮轉運租庸鹽鐵常平使時大  
兵後京師米斛十錢禁膳不兼時旬農接種以輸晏  
乃按行觀三門遺迹至河陰登洛見宇文愷梁公堰  
所河爲通濟渠視李傑新堤盡得其利病然畏爲人  
牽制乃移書於宰相元載載方內擅朝權既得書即  
盡以漕事委晏故晏得盡其才歲輸始至天子大悅  
遣衛士以鼓吹迓東渭橋馳使勞曰卿朕鄭侯也凡  
歲致四十萬斛又兼益湖南荆南山南東道轉運常  
平鑄錢使與第五琦分領天下金穀又知吏部三銓

唐

卷十

四

事常來執政忌晏有公望乃言晏舊德當師長百僚  
用爲左僕射實欲奪其權帝詔以僕射領使如舊初  
晏分置諸道租庸使慎簡臺閣士專之憲當時之選  
檢勅出納一委士人吏惟奉行文書而已所任雖數  
千里外奉教令如目前頻仰詣戲不敢隱惟晏能行  
之它人不能也自言如見錢流地上每朝謁馬上以  
鞭策質明視事至夜分止雖休滑不廢事無闕劇即  
日剖決無留所居修行里租樸平恒飲食儉挾室無  
媵婢然任職久執軋宰相要官華使多出其門饋遺

四方有名士無不至其有口舌者率以利啖之使不  
得有所訾短故議者頗言晏任數固恩揚炎與晏盛  
氣不相下炎必欲加其罪知度準與晏素憾乃徃爲  
荆南節度使準即奏晏與朱泚書語言怨望炎證成  
之詔賜晏死簿錄其家惟雜書兩乘米麥數斛晏歿  
二十年而韓洄元秀裴腆李衡包佶盧徵李若初繼  
掌財利皆晏所辟用舊史推明其功晏又以常平法  
豐則買取贖則賤與舉諸州米常儲三百萬斛堂所  
請有功於國者非邪

唐

卷十

五

穆寧懷州河內人世以儒聞寧以明經調盩厔尉安  
祿山反寧募士撤州縣并力捍賊史思明略境郡守  
召寧爲東光令寧之賊遣使誘寧寧以殉始寧過  
平原見顏真卿嘗商賊必反真卿拒祿山署寧河北  
採訪使既而賊攻平原寧勸固守真卿不從夜亡  
避河見肅宗行在帝問狀真卿對不用穆寧言故聖  
此帝異之馳驛召寧以諫議大夫任之會真卿以直  
忤旨寧亦罷上元初爲殿中侍御史佐監鐵轉運使

塙橋李光弼屯徐州節檄不至取資糧寧不與光弼  
怒召寧欲殺之即往見光弼曰命寧主糧者救也公  
可以檄取乎累遷鄆岳沔都團練及租庸監鐵轉運  
使淮西節度使李忠臣不奉法道路幾絕與寧夾淮  
爲治憚寧威掠劫爲裴漕賈得通坐杖死沔州別駕  
貶平集尉大曆初起爲監察御史三遷檢校秘書少  
監兼和州刺史治有狀後刺史疾之以天寶舊版校  
見戶妾劾寧多逆亡貶泉州司戶叅軍事子贊訴其  
枉三年始得通詔御史覆視實增戶數倍召入拜太

唐

卷十六

六

子右諭德寧性不能事權右德宗在奉天奔詣行在  
羅秘書少監致仕卒四子贊贊賞寧之老贊爲御  
史中丞贊右補闕員侍御史賞監察御史皆以守道  
行誼顯先是韓休家訓子姪至嚴貞元間言家法者  
尚韓穆二門云

高適

高適字達夫滄州渤海人少落魄不治生事張九皋  
奇之舉有道科中第調封丘尉不得志去河西哥舒  
翰表爲左驍衛兵曹叅軍掌書記祿山亂召翰討賊

即拜適佐翰守潼關翰敗帝問群臣策安出適請竭  
禁裁募死士抗賊未爲晚不省天子西幸適走間道

及帝於河池俄遷侍御史權諫議大夫負氣敢言權  
近側目帝以諸王分鎮適盛言不可俄而永王叛肅  
宗雅聞之召與計事除淮南節度使李輔國惡其才  
數短毀之下除太子少詹事未幾蜀亂出爲蜀彭二  
州刺史梓屯將段子璋反適從崔光遠討斬之而光  
遠兵不戢遂大畧天子怒罷光遠以適代爲西川節  
度使肅德元年吐蕃取隴右適率兵出南鄭欲率

唐

卷十六

七

其力既無功遂亡松維三州及雲山城召還封渤海  
縣侯永泰元年卒適尚節義語王霸褒褒不厭年五  
十始爲詩卽工以氣質自高每一篇已好事者輒傳  
布其貽書賀蘭進明使救梁宋以親諸軍與許叔冀  
書令釋賊未度淮移檄將校絕未王偁各自白君子  
以爲義而知變

元結

元結漢州人後魏常山王遵十五代孫結少不羈十  
七乃折節向學事元德秀天寶十二載舉進士禮部

侍郎陽浚見其文曰一第恩子耳有司得子是賴果

撰上第復舉制科會天下亂沈浮人聞國子司業蘇

源明見肅宗問天下士薦結可與時史思明攻河陽

帝將幸河東召結請京師問所答言結上時議三篇

擢右金吾兵曹參軍攝監察御史為山南西道節度

參謀募義士於唐鄧汝蔡史思明亂帝將親征結建

言賊銳不可與爭宜折以謀帝善之以討賊功遷監

察御史裏行荆南節度使呂誣請益兵拒賊帝進結

水部員外郎佐誣府又參山南東道來瑱府瑒謀結

擢領府事會代宗立固辭巧侍親歸樊上授著作郎

益著書作自釋曰河南元氏望也結元子名也次山

結字也後家漢濱乃自稱浪士及有官人以爲浪者

亦漫爲官乎呼爲漫郎既客樊上漫遂顯樊左右皆

漁者少長相戲更曰聲更久之拜道州刺史初西原

蠻掠居人數萬去遺戶裁四千諸使調發符牒二百

函結以人困甚不忍加賦卽上言臣州爲賊焚破糧

儲屋宅男女牛馬幾盡請免百姓所負租稅明年租

以索上供十萬緡結又奏歲正租庸外所率宜以

時增減詔可罷還涼師卒年五十七

韋倫

韋倫系本京兆父光乘在開元天寶間爲朔方節度

使倫以蔭調藍田尉楊國忠署爲鑄錢內作使判官

玄宗晚節盛營宮室吏介以爲欺倫閱實工員省費

倍從帝入蜀度支使第五琦薦倫才擢南州刺史荆

襄道租庸使襄州裨將康楚元亂倫調兵擊禽楚元

乾元中襄州亂召倫爲山南東道節度使而李輔國

方恣橫不肯調賦之中罷爲秦州刺史尋乞項歲

入邊倫兵寡數格虜敗貶巴州長史德宗嗣位遷使

絕域者擢倫太常少卿充和吐蕃使進兼御史大夫

再使數論政得失宰相盧杞惡之改太子少保及杞

既敗帝後欲復用杞爲刺史倫苦諫時李楚琳以模

射兼衛尉卿李忠誠以尚書兼府監倫言楚琳逆節

忠誠戎醜不當寵以官致仕卒年八十三

王翊

王翊字宏肱并州晉陽人少治兵家天寶中擢才兼

文武科出爲辰州刺史與討襄州康楚元有功初安

祿山亂詔嶺南兵隸南陽魯良足敗績衆奔潰務洞  
夷獠相抵爲亂夷酋梁崇牽號平南都統與別帥單  
問合又與西原賊張侯夏永更綉肅因陷城邑遂據  
容州焮乃移書義藤二州刺史約皆進討卒破賊會  
崇牽悉復容州故地捷書聞詔更置順州以定餘亂  
嶺表平代宗遣使慰勞加金紫光祿大夫時吐蕃人  
寇郭子儀悉河中兵乘邊召焮爲河中少尹裨將凌  
正數干法不逞約其徒夜斬關逐焮焮覺之陰亂漏  
刻以差其期衆驚不敢發俄禽誅之拜京兆尹會

唐 卷之六

十一

起涇原兵討李希烈次涇水京兆主供糧饑敗肉腐  
衆怒曰食是而討賊乎遂叛焮挺身走奉天徙東都  
留守俄而吳少誠叛獨東畿爲有備關東賴之貞元  
十八年卒焮雅善廬杞杞之殺崔寧沮李懷光不得  
朝皆與其謀議者以爲嘗于正雅字光謙行謹劾爲  
崔邠所器元和初擢進士稷宗時京邑多盜賊正雅  
以萬年令威震豪疆尹柳公綽言其能就賜緋魚爭  
宋申錫獄堅甚申錫得不死太和初卒焮兄翊歷山  
南東道節度使翊曾孫燦字成庶少孤依其舅宰相

鄭肅舉明經進士皆中歷臺省擢禮部侍郎不阿權  
近出爲商州刺史徙湖南觀察使僖宗立召爲兵部  
侍郎領監鐵轉運使坐舉非其人以秘書監分司東  
都即拜河南尹遷宣徽池觀察使時乾符四年也王  
仙芝之黨屠至德勢益張凝遣牙將孟琢防池凝以  
強弩拒采石遣別將馬穎解和州之圍明年賊大至  
都將王涓自承陽赴敵凝大宴謂涓曰賊席勝而驕  
可持重待之慎無厭涓銳意日趨四舍至南陵未食  
即障死焉監軍收餘卒數千還走凝乘門墜見廳左

唐 卷之六

十一

八 右捕殺之益儲蓄繕完以備賊賊去未幾卒年五十  
魏少游  
魏少游邢州鉅鹿人以吏幹稱天寶末累遷朔方水  
陸轉運副使肅宗幸靈武杜鴻漸奉迎而留少游繕  
治官室兩京平封鉅鹿縣侯遷陝州刺史王師潰於  
鄴河洛震駭少游鎮守自若擢京兆尹改衛尉卿會  
率將臣士馬助軍少游與漢中王瑒持異帝怒貶粟  
州長史復爲京兆尹少游四爲京兆雖無赫赫名然



善任人緣便規檢有足稱者

李復

李復字初陽以祖世累為江陵司錄參軍衛伯玉才  
之表江陵令遷少尹歷澧蘇二州刺史李希烈叛荆  
南節度使張伯儀數為賊害朝廷以復充行軍司馬  
佐伯儀會伯儀罷改容州刺史在容三年人賴以安  
轉嶺南節度使時安南經畧使高正平張應繼卒其  
佐李元度胡懷義等因阻兵有州縣肆為姦賊復至  
誘懷義杖死流元度貞元十年鄭滑節度使李融卒

卷十六

十一

軍亂以復代融節度墾營田以稟其軍加檢校尚書  
右僕射卒年五十九復更方鎮所在稱治然頗嗜財  
為世所譏從父若水為左金吾衛大將軍兼通事舍  
人容貌瓌偉在朝三十年多識舊儀每宣勞揖贊造  
止閑華有可觀者

李惠登

李惠登營州初城人為平盧軍裨將安祿山亂從董  
泰泛海略定涪棣等州史思明反惠登陷賊以計挺  
身走山南依來瑱李希烈反屬以兵二千使屯滑州

惠登擊州以歸即拜刺史政清靜居二十年田畝闢  
戶口日增人歌舞之於是節度使于頔狀其績俄檢  
校國子祭酒卒

于邵

于邵字相門其先自代來為京兆萬年人天寶末第  
進士以書判超絕補崇文校書郎錄比部郎中為道  
州刺史未行徙巴州會歲饑部獠亂薄城下邵勵兵  
拒戰且遣使諭曉獠乃降節度使李抱玉以聞俄以  
諫議大夫知制誥進禮部侍郎為三司使使按薛邕

卷十七

十二

獄失德宗旨貶桂州長史復為太子賓客與宰相陸  
贄不平貶循州別駕徙江州卒年八十一邵孝悌有  
行晚塗益修潔樊澤始舉賢良邵至見曰將相材也  
崔元翰舉進士年五十矣邵以其文擢異等曰後當  
司詔令已而皆然獨孤授舉博學宏辭吏部考當乙  
邵履之置甲人咨其公

王難得

王難得沂州臨沂人父思敬少隸試太子賓客難  
得善騎射天寶初為河源軍使吐蕃贊普子即支都

者恃越挑戰難得怒挾矛直斬其首從哥舒翰擊吐蕃至積石復收五橋拔樹惇城收九曲加特進肅宗在寧武軍賞之難得上家貲助軍武衛尉卿俄領興平軍及鳳翔兵馬使收京師方戰麾下士失馬難得馳救殊死前鬪血戰而不已帝嘉之從郭子儀攻相州累封瑯琊郡公爲英武軍使寶應二年卒子子頰少從父征討檢校衛尉卿生莊憲太后

李芄

李芄字茂務趙州人李勉觀察江西表署判官永泰

初宣使

秋蒲

禁使

拜節度使

悅洹水

都卒年

李叔明

初宣使劍賦方清陳莊西地江華商族爲亂芄請以秋蒲置州即詔芄行州事李靈耀反署芄兼荊州防禁使護陳潁饒道德宗立授河陽三城鎮節度使未幾拜節度使以東畿汜水等五縣屬屬與馬燧等被田悅洹水上以功檢校兵部尚書兼元祐屬求罷歸東都卒年六十四

李叔明

李叔明字晉之閩州人本鮮于氏世右族乾元中除司勳員外郎副漢中王瑀使回紇復命拜洛陽令遷

袁晔尹餘太子右庶子崔肝擬成都出爲州刺史拜東川節度使遂州刺史建中初吐蕃襲之并掠龍州陷扶文遠三州叔明分五將邀擊走之以功加檢校戶部尚書梁崇義阻命詔引兵下陝戰荆門敗其衆襄州平遷檢校尚書左僕射德宗幸興元出家資助軍封蘭國公初東川彭破叔明治之二十年撫綏有方拜尚書右僕射致仕貞元三年卒始叔明與兄仲通俱尹京兆及兼秩御史中丞並節制劍南又與李異德兼大夫蜀人推爲盛門叔明素惡德之繁

王履休

王履休

王履休

王履休

王履休字君佐汝州梁人大曆中判史李潛署爲裨將澤潞李抱真聞其名授兵馬使抱真討河北戰獲剛臨洛度休以功擢步軍都虞候封同昌郡王抱真卒元仲經等謀弒其子履休正色語衆帥亡當稟天子德宗嘉之以邑王爲昭義節度大使擢履休歸州左司馬領留後本名延貴至是賜名遷昭義節度使檢校工部尚書始屬城州縣守宰多署它職不親政

故治苟簡度休增俸廩遺就部人以妥安卒年六十  
二度休性恪敏節用既沒所部務廩皆有餘嘗得太  
常樂家劉玠撰樂天誕聖樂因帝誕日以獻後中和  
樂本於此子麗成等十人並補太學

曲環

曲環陝州安邑人客隴右天寶中從哥舒翰討吐蕃  
安祿山反從魯吳守鄧州與賊武令苟戰破賊殿將  
安曉大曆中戍隴州數破吐蕃德宗初虜寇劍南詔  
以邠隴兵五千馳救收七盤城豫討涇州劉文喜封

陳希烈

十六

晉昌郡王邠隴兵馬使時李紱逼徐州環與劉玄佐  
救之敗其衆建中三年擢邠隴行營節度使李希烈  
陷汴州環守寧陵禽其將崔崇暉希烈平敗陳許節  
度轉檢校尚書左僕射貞元十五年卒年七十四

唐列傳卷之十七

楊綰

楊綰字公權華州華陰人祖溫王在武后時爲顯官  
世以儒聞綰少孤家素貧事母謹甚性沉靜獨處一  
室左右圖書凝塵滿席澹如也不好立名有所論著  
未始示人第進士補太子正字舉詞賦宏麗科玄宗  
已試又加詩賦各一篇綰爲冠由是擢右拾遺制舉  
加詩賦縣綰始天寶亂肅宗卽位綰脫身見行在拜  
起居舍人知制誥累遷中書舍人兼修國史故事舍

人

年久者爲闕老其公廨雜料獨取五之四至綰悉  
均給之歷禮部侍郎建復古孝廉力田等科天下高  
其議俄遷吏部品裁清允是時元載秉政忌綰望高  
晚薄之宦者魚朝恩判國子監旣誅因是建言太學  
當得天下名儒汰選卽拜綰國子祭酒外示尊重而  
實以散地處之載日貪冒天下議益歸綰帝亦知之  
自擢爲太常卿充禮儀使載得罪拜中書侍郎同平  
章事修國史時進士不鄉舉但試辭賦浮文綰請置  
五經秀才科以爲取士之實又減諸道觀察判官員

之半又定府州官月廩使優狹相均縮素痼疾居旬日寢劇有詔就中書療治每對延英殿許挾扶於時釐補穿敝唯縮是恃未幾卒贈司徒謚文簡縮儉約祿稟分姻舊隨多寡輒盡造之者清談終畧而不及榮利始輔政御史中丞崔寬本豪侈城南別墅池榭堂室爲當時第一卽日遣毀之京兆尹黎幹出入從騶馭百數省損才器十餘騎中書令郭子儀在邠州行營方大會除書至音樂散五之四世以比楊震山濤謝安云

卷十七

二

### 崔祐甫

崔祐甫字貽孫沔之子也世以禮法爲聞家第遷士安祿山陷洛陽祐甫負矢石入私廟負木主以逃累遷中書舍人性剛直遇事不回時侍郎闕祐甫攝後事數與宰相常袞爭議不平會朱泚軍中貓鼠亂表其瑞詔示袞袞率群臣賀祐甫獨曰貓鼠不修其應若曰法吏有不觸邪疆吏有不捍敵代宗異其言袞益不喜帝崩袞與禮官議釋服袞劾祐甫率情喪禮撓國典貶河南少尹始肅宗時天下務劇宰相莫

直掌事若休沐還第非大詔命不待徧曉則聽直者代署以聞是時郭子儀朱泚俱以平章事當署勅尾而不行宰相事帝新卽位袞如故事代署子儀泚入言祐甫不宜貶帝怒以袞爲罔上卽以袞爲河南少尹而拜祐甫門下侍郎同平章事自至德乾元以來天下戰討元載用事非賄謝不與官袞當國懲其敝凡奏請一杜絕之賢愚同滯焉及祐甫薦舉惟其人不自信畏神策軍使王駕鶴者與衛兵久權震中外帝將代之懼其變以問祐甫祐甫曰是無足慮卽

卷十七

三

召駕鶴留語移時而代者已入軍中矣淄青李正己表獻錢三十萬緡祐甫請以所獻就賜將士正己慙服卒年六十贈太傅謚曰文貞故事門下侍郎未有贈三師者帝以其有大臣節特寵異之朱泚亂祐甫妻王陷賊中泚嘗與祐甫同列遺以繒帛菽粟受而緘錡之帝還京具封以獻士君子益重其家法云子植有傳

### 柳渾

柳渾字夷曠僕射倓六世孫後籍襄州早孤方十歲

有巫告曰兒相天且淺為浮屠道可緩死諸父欲從其言渾曰去聖教為異術不若速死學愈篤與游者皆有名士大官初渾進士第調單父尉累除衢州司馬兼官隱武寧山召拜監察御史尋條以儀矩相繩而渾放曠不樂檢局乃求外職宰相惜其才留為左補缺大曆初江西魏少游表為判官州僧有夜飲火其廬者歸罪瘖奴軍候受財不詰獄具渾與其僚崔祐甫曰奴冤祐甫輔政薦為諫議大夫浙江東西黜陟使入為尚書右丞朱泚亂渾匿終南山賊素聞其名以宰相召執其子榜笞之搜索所在渾羸服步至奉天改右散騎常侍貞元元年遷兵部侍郎封宜城縣伯李希烈據淮蔡關播用李元平守汝州渾曰是夫往必見禽何賊之攘既而果為賊縛三年以本官同中書門下平章事仍判門下省帝嘗親擇史宰畿邑而政有狀召宰相語皆賀帝得人渾獨不賀曰此特京兆尹職隋左丞田季羔從子伯疆請賣私第募兵助討吐蕃渾以豈容田氏不肖子毀門構微俸一時韓滉自浙西入朝省中榜吏渾雖為滉所引惡其

卷十七

四

專質讓曰省闕非刑人地白志貞除浙西觀察使源奏志貞與小吏縱嘉其才不當超劇職會渾移疾出即日詔付外放行疾間因乞骸骨不許渾城與吐蕃會平涼是日帝語大臣以和戎息師之便渾言夷狄難以信結易以威制宰相張延賞怙權嫉渾守正遣親厚謂曰明公舊德第慎言於朝則位可久渾曰為吾謝張公頭可斷而舌不可禁卒為所擠以右散騎常侍罷政事免後數日置酒召故人出游無黜免意時李勉廬翰皆以舊相闔門奉朝請歎曰吾等視柳宜城真拘俗之人哉五年卒年七十五

卷十七

五

李栖筠

李栖筠字貞一世為趙人幼孤有遠度族子華每稱有王佐才舉進士俄擢高第調冠氏主簿太守李峴視若布衣交還安西判官肅宗駐靈武發安西兵栖筠料精卒七千赴難擢殿中侍御史復遷山南防禦觀察使會李峴去相栖筠坐所善改河南令李光弼守河陽高其才引為行軍司馬兼糧料使改絳州刺史累擢給事中是時楊綰請置五經秀才科詔群臣

議柄與李廙買至以緝所言為是進工部侍郎關  
中舊仰鄭白二渠溉田而豪戚壅上游取利且百  
柄柄請皆徵毀元載忌之出為常州刺史宿賊張度  
保陽羨西山累年史討不克至是發卒捕斬以治行  
進封贊皇縣子蘇州蒙上方清因歲凶誘流浮為盜  
詔李光弼分兵討平之會平盧行軍司馬許杲特功  
擢署上元朝廷以創殘重起兵即拜柄柄漸西都國  
緣觀察使圖之杲懼悉眾度江會御史大夫缺引拜  
柄柄為大夫柄柄素方擬無所屈劾去載黨徐浩等

卷七

六

三人帝比比欲召相得載輒止然有進用皆密訪焉  
多所補助柄柄見帝依違不斷亦內憂懼卒年五十  
八子吉甫

張鑑

張鑑字季樞一字公度父齊丘朔方節度使鑑以蔭  
授左衛兵曹參軍郭子儀表為元帥府判官遷侍御  
史乾元初華原令盧樞以公事誣責邑人令誅令鑑  
官人也銜之構樞罪鑑案驗當免官有司承風以死  
誣鑑不直之乃白其母曰今理樞樞免死而鑑坐貶

嚙則負官貶則為太夫人憂歎問所安母曰兒無累  
於道吾所安也遂執正其罪樞得流鑑貶撫州司戶  
參軍徙晉陵令江西觀察使張鑑表遷屯田右司員  
外郎居母喪以孝聞不妄交游特與楊綰崔祐甫  
大厝初出為濠州刺史李靈耀及於汴鑑聞圍鄉兵  
嚴守禦有詔褒美建中二年拜平章事郭子儀婿太  
僕卿趙縱為奴告下御史勅治而奴留內侍省鑑奏  
言貞觀時者令奴告主者新帝納之貶縱循州司馬  
杖死奴鑑召子儀家僮數百暴示奴尸盧杞忌鑑剛

卷七

七

直欲去之時朱泚以盧龍卒成鳳翔乃以鑑為鳳翔  
隴右節度使鑑知為杞陰中頃之與吐蕃相尚結贊  
盟清水以牛馬為牲鑑耻與盟將未殺其禮乃給  
吐蕃以羊豕犬代之帝幸奉天鑑罄家貲將自獻行  
在而營將李楚琳者嘗事朱泚得其心軍司馬齊映  
等謀曰楚琳必為亂乃遣屯隴州楚琳夜率其黨王  
分李卓牛僧伽等作亂齊映自寶出奔執託備皆免  
鑑繩城走不及遠與二子為候騎所執楚琳殺之屬  
官張元度柳遇李淑皆死

李泌

李泌字長源，魏八柱國弼七世孫，徙居京兆。七歲知為文，開元十六年召能言佛道孔子者相答難禁，中有真儼者九歲升座，詞辨注射，座人皆屈。帝異之，因問童子：「豈有類若者？」儼奏：「臣舅子李泌，帝即馳召之。泌至，帝方與張說觀奕，因使說試其能說。請賦：『方圓動靜，泌遠遊。』曰：『願聞其畧。』說曰：『方若棋局，圓若棋子。動若棋生，靜若棋死。』泌即答曰：『方若行義，圓若用智。動若騁材，靜若得意。』說因賀，帝得奇童，帝大悅。曰：『是子精神要大於身，賜束帛，勅其家曰：『善視養之。』張九齡尤所獎愛，常引至卧内。九齡與嚴挺之齋誠善，忽獨念曰：『嚴大苦勁，然蕭軟，亦可喜。』泌在傍，言曰：『公起布衣，以直道至宰相，而喜軟羨者乎？』九齡驚嘆，既容謝之，因呼小友及長博學善治易常遊嵩華終南，開慕神仙不死術。天寶中，詣闕獻明堂九間，說帝德，其早惠召講老子有法，待詔翰林，肅宗即位，靈武物色求訪，會泌自至，已謁見，陳天下成敗事，帝悅，欲授以官，固辭，願以客從，入獻國事，出陪輿，登殿指曰：

著黃者聖人，着白者山人。帝聞，因賜金紫，拜元帥。廣

平王行軍，司馬因從，客問破賊期，對曰：『我當以逸待

勞，來避其鋒，去剪其疲，以所徵之兵，會扶風與太原

朔方，共互擊之。徐令建寧王為范陽節度使，北並塞

與李光弼相倚，角以取范陽賊，失巢窟，當死。河南諸

將手帝然之。二京平，帝奉迎上皇，自請歸東宮，以遂

子道，亦泌計也。崔圓李輔國以泌親信，疾之，泌畏禍

願隱衡山，代宗立，召至，舍蓬萊殿，書閣初，泌無妻，不

食肉，帝賜第，強詔食肉，為娶，故稱後李瞻甥，婚日，勅

北軍，供帳元載惡，不附，已出為觀察，魏少游判官載

誅召還，復為常袞所忌，出為楚州刺史，辭不行，會漣

州闕袞，盛言南方凋瘵，請報泌治之，乃授澧朗峽圓

練使，徙杭州刺史，皆有風績，德宗在奉天，召赴行在

授左散騎常侍，時李懷光叛，歲又蝗，議者欲赦懷光

帝博問群臣，泌破一桐葉附使以進，曰：『陛下與懷光

君臣之分不可合如此，葉矣。貞元元年拜陝西觀察

使，泌始鑿山開車道，至三門，以便饋漕，以勞進檢校

禮部尚書，又議置十六衛，上將軍三年同平章事，初



張延賞減天下吏員人情愁怨至流離死道路者必請復之請復所省州縣官又奏中朝官常侍賓客十員其六員...三十員其二十員可罷時州刺史月俸至千緡方鎮所取無藝而京官祿寡薄自方鎮入八座至謂罷權薛邕由左丞貶欽州刺史家人帳降之晚崔祐甫任吏部員外求為洪州別駕使府賓佐有所忤者薦為郎官其當遷臺閣者皆以不赴取罪去泌以為外太重內太輕乃請隨官開劇普增其俸時以為宜而竇參多沮亂其事不能悉如

唐書

十一

所請泌又白罷拾遺補闕太子妃蕭母部國公主也坐蠱媚幽禁中帝怒責太子太子不知所對泌入帝數稱舒王賢泌揣帝有廢立意泌婉諫之帝審太子乃得安河隴既沒於吐蕃安西北庭及西域使人在長安者歸路阻絕泌請假道回紇各遣歸國不願者當於鴻臚自陳授以職位於是胡客無一人願歸者分隸神策禁旅益壯帝嘗從容言盧杞清介敢言然少學不能廣朕以古道人皆指其奸而朕不覺也泌指其臨李揆顏真卿之罪加崇文館學士脩國史泌

請廢正月晦以二月朔為中和節四年八月月食東壁泌曰東壁圖書府大臣當有憂者吾以宰相兼學士嘗之矣明年果卒泌出入禁中事四君致為權倖所羨嘗以智免奸縱橫大言時謫議能寤人主泌亦自有所建明柳玭稱兩京殺泌謀居多其功乃大於魯連范蠡云子繁少才警為隋州亳州刺史州有劇賊為大患繁有機畧捕殺之舒元與繁素隙及坐以濫殺不辜詔賜死人皆寃之繁下獄知且死恐先人功業泯滅從吏求廢紙握筆著家傳十篇

唐書

十一

陸贄字敬輿嘉興人年十八第進士中博學宏辭調鄭尉罷歸齊州刺史張鑑有重名贄往見與語三日奇之請為忘年交既行餉餞百萬曰請為母夫人一日贄贄不納止受茶一串以書判拔萃補渭南尉德宗立遷監察御史帝在東宮已聞其名矣召為翰林學士會馬寢討賊河北久不決請濟師李希烈寇襄城詔問策安出贄言皆效從符奉天務填總遠近請發奏請報下書詔日數百贄初不謹思遠成皆周

盡事情帝命卒變故每自冠責許曰陛下引咎免罪  
意也然致寇者乃群臣罪許意捕虜和帝又問許事  
行於今者許勸帝群臣參曰使極言得失兼天下之  
智以爲聰明擢考功郎中時賊沫平帝欲明年改元  
而術家等言數鍾百六宜有所變示天下後始帝乃  
議更益大號贊謂宜痛自貶厲不宜益美名以累議  
總會與元赦令方具帝以兼付贊使商討其詳贊建  
言動人以言所成已淺言又不切人誰肯懷始帝捕  
遷府兼委兼衛兵無稍衣至是天下貢奉稍至乃於

卷十七

行在夾廡署瓊林大盈二庫別藏貢物贊諫以爲郡  
邑賦稅當委有司以制經用李懷光有異志欲怒其  
軍使叛即上言兵稟薄與神策不等難以戰李晟嘗  
言其變因請移屯帝遣贊見懷光議事贊還奏懷光  
必友宜有以制之因勸帝許晟移軍又建遣李建徽  
賜惠元與晟并屯東渭橋帝猶豫曰晟移屯懷光則  
快快若又遣建徽等俱東彼且爲辭少頃之晟已能  
營不聞句懷光果奪兩節度兵建徽挺身免惠元疑  
之行在震驚遂徙幸梁道有獻瓜果者帝嘉其意

授以試官贊諫止之德宗在艱難中雖有宰相小大  
之事必與贊謀之當時謂之內相選許爲諫議大夫  
仍爲學士時鳳翔節度使李楚琳殺張釐得位雖數  
許來議者頗言其挾兩端有所伺然帝亦不能容其  
使至皆不得召欲以渾瑊代之許諫曰楚琳之罪極  
矣今議者乃始紛紛不晚哉今須望兩端是乃天譴  
其襄歸通塗濟大業也帝釋然重見其使優詔勞安  
之帝欲以內外從官贊定難功臣贊曰官官具齊  
格居奔走勢則有之何功之云難則嘗之何定之云

卷十七

宸師已平帝欲召渾瑊訪存亡內人給裝使赴行在  
贊諫帝不復下詔猶遣使諭瑊資遣上又問贊近有  
早官自山北來者論說賊勢語多張皇察其私情頗  
似窺覷贊諫宜推誠不可畜疑初劉從一姜公輔材  
下不遠贊遠甚位台宰而贊孤立一意爲左右權侍  
沮短又言事無所回諱陰失帝意久之不得宰相選  
京但爲中書舍人以喪解官服除以權知兵部侍郎  
獲召爲學士天下屬以爲福而實參素不平忌之贊  
亦數言參罪失貞元七年四月學士以兵部侍郎知貢

來明年參黜乃以中書侍郎同門下平章事贊乘政  
始謂燕閣長官得自薦其屈有不職坐舉者帝初許  
之或言諸司所引皆親黨招賂遺無實才帝後詔宰  
相自擇贊奏言所謂蓋省長官使射尚書丞郎御史  
大中丞是也陛下擇輔相多出其中行實不能煩殊  
也今乃謂不能進一二屬吏豈後位宰相則可擇天  
下材乎班宏判度支卒官贊屬李異帝漫許之而自  
用裴延齡贊上書苦諫帝不悅竟以太子賓客罷贊  
長慎未嘗通客延齡揣帝意薄議短百緒帝遂發怒  
唐 卷十七 十五  
欲誅贊賴陽城等交章論辨乃貶忠州別駕後稍思  
之後薛延爲刺史諭旨慰勞常舉數上表請贊代領  
劍南帝猶銜之不肯與順宗立召選詔未至卒年五  
十二贈兵部尚書謚曰宣始贊入翰林年尚少以才  
幸天子常以輩行呼而不名在奉天朝夕進見小心  
精潔未嘗有過奉天所下制書雖武人悍卒無不感  
動流涕後李抱真入朝爲帝言陛下在奉天山南時  
赦令至山東士卒聞者皆感泣思奮臣是時知賊不  
足平也議者謂興元戡難功雖爪牙宣力蓋贊有助

焉帝狩山南也道險澀與從官相失夜召贊不得帝  
驚且泣詔軍中得贊者賞千金久之上謁帝喜見顏  
間自太子以下皆賀及輔政不敢自顧垂事有可否  
必言之所言皆懇到深切或規其太過者對曰吾上  
不負天子下不負所學違他恤乎既放荒遠常聞戶  
人不識其而又避訪不著書地苦瘴病祇爲今古集  
驗方五十篇贊所陳俱詳奏議

唐列傳 卷十七

十五

唐列傳卷之十八

常袞

常袞京兆人天寶末及進士第累為中書舍人魚朝恩怙寵兼判國子監袞奏成均之任不宜以宦臣領職始回紇有戰功者嘗留京師後乃制邸第佛祠或伏甲其間袞建言今西蕃盤桓境上數入寇若相連結以乘無備其變不細又天子誕日諸道爭以侈麗奉獻袞請卻之代宗嘉納遷禮部侍郎時宦者劉忠翼權震中外涇原節度使馬璘為帝寵任有所干請袞皆拒卻元載死拜平章事與楊綰同執政綰長厚通達而袞苛細會綰卒袞始當國先是百官俸寡狹議增給之時韓滉判度支與袞皆任情輕重滉惡國子司業張參袞惡太子少詹事趙慈皆少給之太子文學為洗馬副袞姻家任文學者其給乃在洗馬上其驛私崇怨類此故事日出內厨食賜宰相家可十人具袞奏罷之又將讓堂封它宰相不從乃止政事堂北門異時宰相過舍人院咨建政事至袞乃塞之以示尊大袞為相散官纔朝議而無封爵郭子儀言

於帝遂加銀青光祿大夫封河內郡公德宗卽位袞奏罷崔祐甫為河南少尹帝怒使與祐甫換秩再貶潮州刺史建中初楊炎輔政起為福建觀察使始闕人未知學袞至為設鄉校使作為文章親加講導由是俗一變歲貢士與內州等卒於官年五十五其後闕人春秋配享袞於學宮云

趙憬

趙憬字退翁涇州隴西人憬志行峻潔寶應中方營秦建二陵用度廣又吐蕃盜邊天下若饑憬獨衣上服請殺禮從儉建中初擢水部員外郎湖南觀察使李承表憬自副承卒遂代之召還闔門不與人交李泌薦之對殿中占奏明辯通古今德宗欽悅拜給事中貞元中成安公主降回紇詔關播為使而憬以御史中丞副之異時使者多私齎以市馬規利入獨憬不然使未還尚書左丞缺帝曰趙憬堪此遂以命之考功歲終請如至德故事課殿址憬自言薦果州刺史帝証以貪敗請降考校考使劉蕤謂憬知過更以考升資參當國欲抑為刺史帝不許參罷進平章事

與陸贄同輔政贊於裁決少所讓又徙憚門下侍郎  
繇是不平自以不任職數稱疾時杜黃裳遣人護  
詆贄贄嘗試李宜盧雲等為裴延齡構損勢危世憚  
救贄申解皆得免初贄約共執退廷於既對贄極言  
其姦帝色變憚不為助遂罷贄乃始當國憚精治道  
獻審官六議輔政五年卒年六十一憚性清約位台  
宰而第室童獲猶儒先生家也得廩入先建家廟而  
竟不營產其鎮湖南令狐垣崔儼並為部刺史不守  
法憚以正彈治之皆遺客暴憚失於朝及為相乃擢  
儼自大理卿為尚書右丞坦方貶衡州別駕引為吉  
州刺史人以為賢

賈耽

賈耽字敦詩滄州南皮人天寶中舉明經累進汾州  
刺史治凡七年召授鴻臚卿俄為山南西道節度使  
梁崇義反東道耽進屯穀城取均州建中三年德宗  
在梁耽使司馬樊澤奏事澤還耽大置酒會諸將俄  
有惡詔至以澤代耽召為工部尚書耽納詔於懷歎  
如故既罷召澤曰詔以公見代吾且治行救將吏謁

乃規旋飲利公上地可謂事人不忠矣軍中不平請  
為公殺之耽曰是為何邪朝廷有命即為帥矣吾今  
趨觀得以親君即日離鎮以獻甫自隨軍中遂安俄  
為東都留守故事居守不出城以耽善獵優詔許獵  
近郊遷義成節度使貞元九年同平章事俄封魏國  
公時王叔文等于政屢乞骸骨不許卒年七十六

蕭復

蕭復字履初以清操顯推主蔭為官門郎廣德中歲  
大饑不自振議罷昭應聖宰相王鐸欲得之使弟絃  
說曰以君才宜在左右胡不以聖奉丞相取右職復  
曰聖先人聖以濟孺單吾何用美官使門內餒且寒  
乎緝憾之由是廢數歲乃歷欽池二州刺史治狀居  
甚遷湖南觀察使改同州刺史歲欽州有京畿觀察  
使儲粟復輒發以貸人久乃拜兵部侍郎晉王為襄  
漢元帥進復戶部尚書統軍長史未行扈狩奉天帝  
欲如鳳翔復止之於是拜同平章事言宦官權重言  
楊炎盧杞諂諛因召復充山南江淮湖南嶺南等道

宣撫安慰使實疎之也興元初進門下侍郎初淮南  
陳少游左附李希烈而張鑑判官清卓殺卻隴叛卒  
不從遂來復還執政建言少游位兼將相首敗臣節  
皇太后下僚獨建忠義如以皇代少游則天下瞭然  
知逆順之理帝許之尋遣中使馬欽緒接宰相劉從  
一附耳語既而從一密諭復曰有詔與公議向所奏  
不欲李勉盧翰聞知復曰如勉等非其人當罷去既  
曰宰相而謀議可獨避之乎從一以聞帝不悅復辭  
疾上政事許之弟升尚郾國大長公主肅宗女也升

唐

卷十八

五

韓滉

韓滉字大冲以父休蔭補左威衛騎曹參軍三遷東  
部員外郎再遷給事中知兵部選時盜殺富平令肅  
當賊隸北軍魚朝恩私其齒奏原死滉執處卒伏辜  
遷右丞知吏部選以戶部侍郎判度支大曆十二年  
秋大雨害稼十八京兆尹黎幹言狀滉恐有所錮貸

唐

卷十八

六

固表不實時潦敗河中鹽池滉奏池產瑞鹽帝疑遣  
諫議大夫蔣鎮按狀鎮長滉還乃賀帝且請置稱號  
實應靈慶池德宗立惡滉培刻徙太常卿議者不服  
乃山爲晉州刺史未幾檢校禮部尚書爲鎮海軍節  
度使帝在奉天淮汴震駭滉率士卒分兵戍河南既  
狩梁州又獻練十萬匹請以鎮兵二萬助討賊有詔  
嘉勞進檢校尚書右僕射封南陽郡公李希烈陷汴  
州滉遣裨將王棲耀李長榮栢良器以勁卒萬人進  
討次睢陽而賊已攻寧陵棲耀等破走之滉握疆兵  
雖遷延不進而調發糧帛以濟朝廷者繼屬當時實  
賴之李晟方屯渭北滉運米饋之船置十弩以相警  
捍賊不能剽始漕船臨江滉顧謂衆曰天子蒙塵臣  
下之耻也乃自舉一囊將佐爭負之貞元元年同平  
章事封鄭國公元琇判度支也以關輔旱請運江南  
租米西給京師帝委滉專督之而琇畏其剛峻難共  
事請自江至楊子滉主之楊子以北自主之滉由是  
銜琇誣劾琇饋米與滉青李納河中李懷光帝怒不  
復寬驗貶琇雷州司戶劉玄佐不軌帝密詔滉諷之

及過汴玄佐素揮浣脩屬吏禮辭不敢當因結為兄  
弟入拜其母置酒設女樂酒行浣曰宜早見天子不  
可使夫人... 朝浣尋卒年六十五浣雖宰相子性節儉衣裘齒經  
十年一易甚畧不能扇居處陋薄取鹿鼠雨門當稱  
誠以父賤... 增補之浣見即徹去曰先君容焉安敢改作以傷儉  
德好鼓琴書得張旭筆法畫與宗人幹相埒嘗自言  
不能定筆不可論書畫以非懲務故自晦不傳於人

唐

卷六

七

初判度支李晟以裨將白軍事浣待之加禮使其子  
拜之厚遺器幣鞍馬浣幼時已有美名既得志則驕  
肆蓋自其性云子羣阜群終國子司業

元載

元載字公輔鳳翔岐山人父昇本景氏曹王明妃元  
氏賜山在扶風昇主其租入有勞請於如昇為元氏  
天寶初下詔舉明莊老列文四子學者載策入高第  
補新平尉常鑑監選黔中苗晉卿東都留守皆署判  
官至德初江東採訪使李希言表載自副入為度支

郎中占奏敏給肅宗異之累遷戶部侍郎克度支江  
淮轉運等使帝不豫李輔國用事輔國妻載宗女也  
因相締昵會京兆尹缺輔國白川載載意屬國柄固  
辭輔國曉之翌日拜同平章事領使如故代宗立輔  
國勢愈重數稱其本進拜中書侍郎許昌縣子載以  
度支繁浩有吏事督責損威寵乃悉天下錢穀委劉  
晏未幾判天下元帥行軍司馬益殺李輔國載除與  
其謀乃復結中人董秀厚啖以金使刺取密旨故帝  
任不疑華原令顧繇上封白發其私帝方倚以當國

唐

卷六

八

乃斥繇除名為民魚朝恩驕橫震天下與載不叶  
之雖帝亦銜志乃乘間奏誅朝恩帝畏有變載結其  
愛將為助朝恩已誅載得意甚益矜肆初四鎮北庭  
行營節度使寄治涇州大曆八年吐蕃寇邠寧載嘗  
在西州具知河西隴右要領乃言於帝請徙京西軍  
戍原州乘間築作二旬可訖貯粟一歲戎人夏牧青  
海上有書比至則我功集矣因圖上地形使吏問人  
原州度水泉計徙庸車乘舂鍊之器悉具而田神功  
沮短其議帝由是疑不決載智略開米久得君外委

主書卓英倩李待榮內劫婦言縱諸子關通貨賄賊  
中開南北二策室宇奢廣近郊作觀榭帳幄什器不  
徒而供膏腴別墅囑吟相望且數十區名姝異伎雖  
禁中不遠帝盡得其狀載管獨見帝深戒之營然不  
校客有賦都盧尋撞篇諷其危載泣下而不知悟會  
李少良上書詆其醜狀載怒奏殺少良道路目語帝  
積怒大曆十二年三月庚辰伏下帝御延與殿遺左  
金吾大將軍吳湊收載及王縉察政事堂賜載自盡  
妻王及子楊州兵曹參軍伯和祠部員外郎仲武校  
唐 卷六  
書郎季能並賜死發祖冢毀私廟主及大寧安仁  
里二第以賜百官署舍破東都第助治禁苑王氏河  
西節度使忠嗣女悍驕疾沓載巨禁而諸子卒賊聚  
歛無涯籍其家鍾乳五百兩詔分賜中書門下臺省  
官胡椒至八百石它物稱是女真一少爲尼没入掖  
庭德宗時始告以載死號踊投地左右呵止帝曰安  
有聞親喪責其哀殞乎命扶出帝爲太子也實用載  
議興元元年詔復其官聽改葬故吏許初楊故紀備  
等合贊以葬謚曰荒後改曰成縱

王縉  
王縉字夏卿本太原祈人後客河中少好學與兄維  
俱以名聞舉進士文辭清麗科上第歷侍御史武部  
員外郎祿山亂擢太原少尹流李光弼以功加憲部  
侍郎遷兵部史朝義平詔宣慰河北使拜河南副元  
帥損軍資錢四十萬緡營完宮室朱希彩殺李懷仙  
也詔拜盧龍節度使至幽州委軍於希彩乃還會辛  
雲京卒兼領河東節度讓還河南副元帥東都督守  
太原將王無縱張奉璋恃功以縉儒者易之不如律  
唐 卷六  
令縉斬以徇諸將股慄再歲還以本官知政事時元  
載專朝天子拱手縉曲意附離無敢忤又恃才多所  
抑侮雖載亦嫉其凌競也京兆尹黎幹數論執載惡  
之縉折幹曰尹南方孤生安曉朝廷事縉素奉佛不  
茹葷食肉晚節尤謹妻死以道政里第爲佛祠諸道  
節度觀察使來朝必邀至其所諷令出財佐營作初  
代宗喜祠祀而未重浮屠法每從容問所以然縉與  
元載盛陳福業報應帝意向之縉是禁中祀佛諷  
齋黃號內道場詔天下官司不得詈辱僧尼大曆政



刑日以堙陵由縉與元載杜鴻漸偕之也性貪冒及敗劉晏等鞠其罪同載論死晏以法有首從上矜其辜不加刑乃貶括州刺史久之遷太子賓客分司東都建中二年死年八十二

楊炎

楊炎字公南鳳翔天興人也炎豪爽尚氣西河節度使汨崇辟掌書記神烏令李太簡嘗醉辱之炎令左右交撻榜二百餘幾死崇愛其才不問李光弼表為判官不應召拜起居舍人固辭父喪廬墓炎三世以

卷六

十一

孝行聞終喪為司勳員外郎遷中書舍人與常衮同時知制誥宰相元載與炎同郡炎又元出也故擢炎吏部侍郎載當國陰擇才可代已者引以自近會載敗坐貶道州司馬德宗在東宮雅知其名又嘗得炎所為李楷洛碑真于壁日諷玩之及即位崔祐甫薦炎即拜同平章事舊制天下財賦皆入左藏庫及炎為相請出之以歸有司帝從之又行兩稅於數月崔祐甫疾不能事喬琳免炎獨當國又請開豐州陵陽渠發畿縣民役作閭里騷然渠卒不就炎素德元載

憚有以報之於是後議城原州節度使段秀實請安邊卻敵宜以緩計方農事不可遽興功炎追秀實為司農卿以邠寧李懷光督作遺朱泚崔寧統兵各前入翼之詔書下涇軍士悉怒裨將劉文喜因入之怨不奉詔及別將劉海賓斬文喜獻其首涇州平而原卒不能城又以劉晏劾載誣晏殺之帝意銜之未發也會盧杞秉政炎薄之託疾不與會食杞陰為獄又嘗訪群臣可大任者杞薦張鑑嚴郢而炎舉崔昭趙惠伯帝以炎論議驟擢遂罷為尚書左僕射既謝對

卷六

十二

延英訖不至中書杞怒益欲中之惠伯河南尹時嘗市炎第為官廨御史劾炎宰相抑吏市私第貴取其直杞召大理正田悅評罪晉比監臨計羨利罪奪官杞怒謫晉衡州司馬於是當監主自盜罪絞關元時蕭嵩嘗度曲江南欲立私廟以為天子臨幸處乃止後炎復取以立廟飛語云地有王氣故炎取之帝聞震怒會獄其詔三司同覆貶崖州司馬未至百里賜死年五十五歲貶惠伯多田尉亦殺之

盧杞

盧杞字子良父奕杞有口才體醜貌藍色不耻惡衣  
 菲食藉蔭為清道率府兵曹參軍僕固懷恩辟朔方  
 府掌書記病免補鴻臚丞出為忠州刺史上謁節度  
 府衛伯玉伯玉不喜乃謝歸稍遷吏部郎中為魏州  
 刺史奏言魏有官豕三千為民患德宗曰徙之沙苑  
 杞曰同州亦陛下百姓臣謂食之便帝曰守魏而憂  
 同州宰相材也俄召為御史中丞論奏無不合踰年  
 遷大夫不閤旬擢同平章事既得志險賊寢露楊炎  
 與杞俱輔政炎鄙杞未半歲譖罷炎時大理卿嚴郢  
 唐 卷六 十三  
 與炎有隙即擢郢御史大夫以自助炎卒遂死張鎰  
 帝所倚愛會隴右用兵杞乃見帝鶴請行帝不可加  
 薦鎰守鳳翔既又惡郢時幽州朱滔與此有遺言經  
 其軍司馬蔡廷玉間闕請殺之俄而滔反帝欲斥之  
 下御史鄭詹按狀貶郢州司戶參軍敕吏護送死五  
 疑送滔所因自沈於河杞奏恐此疑為詔所殺願下  
 詹三司雜治并劾郢李希烈反杞素惡頗真卿即令  
 宣慰其軍卒為賊害故宰相李揆有雅望畏復用道  
 為吐蕃會盟使卒於行是時兵屯河南北擊不解財

用日惡杞乃以戶部侍郎趙贊判度支其黨常都賓  
 等建言商賈儲錢千萬聽自業過千萬者貸其贏以  
 濟軍所得不足給而費之術亦窮於是開架除陌之  
 濕縱史召悉捉亂皆杞為之請出奉天杞與關播從  
 後數日崔寧自賊中來以指還事指杞杞即誣寧反  
 帝殺之靈武杜希全率監夏二州士六千來赴帝營  
 所從道杞請道模谷渾瑊曰不如道乾陵帝從杞議  
 賊果拒隘兵不得入奔還邠州李懷光自河北還數  
 破賊賊解去或謂王珣起贊曰聞懷光常斥宰相不  
 能謀度支賦歛重而京兆刻損軍賜宜誅之以謝天  
 下方懷光有功上必聽用其言公等殆矣二人以白  
 杞杞懼即請帝詔懷光無朝懷光自以千里勤難有  
 大功為姦臣沮間不一見天子肉怏怏無所發遂謀  
 及因言杞等罪惡士議譁沸帝始貶為新州司馬始  
 帝即位以崔祐甫為相專以道德導主意故建中初  
 綱紀張設赫然有貞觀風及杞相乃諷帝以刑名繩  
 天下亂民相踵及興元敕令僕徒吉州長史貞元元  
 年詔拜魏州刺史給事中袁高當行詔書不肯草白

宰相宰相不悅乃召它舍人作制高固執不得下於是諫臣趙霽裴佶宇文炫盧景亮張薦等累對極言杞罪帝語宰相授杞大州李勉曰陛下與大州亦無難如四方之謗何乃詔爲澧州別駕後散騎常侍李泌見帝曰高等論杞專朕可之矣泌賀曰比日外謂陛下爲漢之桓靈今乃知堯舜主也杞遂死澧州初尚父郭子儀病甚百官造省不屏姬侍及杞至則屏之隱几而待家人怪問其故子儀曰彼外陋內險左右見之必笑使後得權吾族無類矣

唐

卷十八

十五

裴延齡

裴延齡河中河東人乾元未爲汜水尉賊陷東都去客江夏華州刺史董晉表署判官稍遷廬杞秉政引爲膳部員外郎宰相張延賞疾之出爲昭應令與尉交訴京兆尹鄭叔則右尉而御史中丞竇參善延齡卒逐尹德宗用參輔政即推延齡司農少卿會班宏李燾領度支乃廣鈎距取宿奸老吏與謀以固帝幸因建言左藏天下歲入不貲耗登不可校請列別舍以檢盈虛俄以戶部侍郎爲真又請以京兆苗錢市

草千萬俾民輸諸苑宰相陸贄等以爲非是不從京右備故有舊蓄地數頃延齡妄言長安咸陽間得跋芳數百頃願以爲內廩收地帝信之以問宰相皆曰當無有帝遣使按覆果詐延齡大慙帝不責也京兆積歲和市不得直尹李充請之官延齡譏其妄及令還輸號曰底折盛生日帝謂延齡曰朕所居浴堂殿一棟壓念易之未能也延齡曰宗廟至重殿棟微矣且陛下本分錢用之亡窮何所難哉帝驚曰本分錢奈何對曰此在經誼臣能言之按禮天子賦三之一

唐

卷十八

十六

以充乾豆一以事賓客一君之庖厨又造神龍佛祠須材五十尺者延齡妄奏同州得大谷木數十章度皆八十尺帝曰吾聞開元時近山無巨木求之嵐勝間今何地之近材之良邪延齡曰異材現產處處有之待聖主乃出今生近輔豈開元所當得也帝悅時陸贄爲宰相帝素所信重極論其譎妄不可任帝以爲排翊愈益專延齡會鹽鐵使張滂京兆尹李充司農卿李錡皆指延齡專以檢僞罔上帝怒乃罷贄幸相左除滂等官時大旱人情愁懼延齡言贄等失權

然望乃下詔斥廷贊等時人側目屬財疾載度支官  
物輸之家無敢言者帝念之使者日三輩往死年六  
十九人語以相安惟帝悼不已元和中謚曰穆

皇甫鑄

皇甫鑄涇州臨涇人貞元初第進士又擢制科爲監  
察御史居喪游處不度下除詹事府司直久之遷吏  
部員外郎典南曹鈐制吏奸稍知名進郎中累遷司  
農卿判度支改戶部侍郎憲宗方代蔡憲於用度鑄  
哀會嚴憲以辦濟師帝悅進兼御史大夫蔡平之明

唐

卷十八

十七

年遂同平章事猶頌度支鑄由聚斂勾剽至爲宰相  
雖市道皆嗤之崔群裴度以聞帝怒不聽度乃表罷  
政事極論鑄姦邪苛刻天下怨之將食其肉今王承  
宗削地程權赴闕韓弘與疾討賊非力能制之願朝  
廷處置能服其心也若相鑄則四方解矣帝以天下  
畧平亦欲崇臺沼宮觀自娛樂鑄與程异知帝意故  
數貢羨財除佐所欲又賂吐突承璀爲與援故帝排  
衆論決任之及以度爲朋黨不內其言鑄銜度乃與  
李逢吉令狐楚合擠之出度太原又譖群抑損徽稱

帝怒廷群嘗與金吾將軍李道古共薦方士泐泌浮  
屠大通爲長年蓋帝惑之穆宗在東宮聞其奸妄始  
聽政集群臣於月華門貶鑄崖州司戶參軍死其所  
必者本楊仁晝也因言天台山靈仙所舍多異草願  
官天台求采之起徒步拜天台刺史賜金紫諫臣固  
爭以爲列聖亦有龍方士未嘗使牧民帝曰煩一州  
而致長年於君父何愛哉必驅吏民采藥山谷鞭笞  
苛虐歲餘無所獲懼詐窮舉族遁去浙東觀察使捕  
得鑄與道古營解乃復待詔翰林帝餌必藥復躁怒  
不常宦侍懼以弒崩大通自言百五十歲鑄敗與必  
皆誅鑄弟鑄字益卿第進士鑄爲相時任河南少尹  
見權寵太盛每言之必不悅乃求分司爲太子右  
庶子鑄敗授國子祭酒開成初卒

唐

卷十八

十八

唐列傳卷之十九

顏真卿

顏真卿字清臣秘書監師古五世從孫少孤母嚴氏躬加訓導既長博學工辭章事親孝開元中舉進士又擢制科調禮泉尉再遷監察御史使河隴時五原有冤獄久不決天且旱真卿辨獄而雨郡人呼御史雨後使河東勅奏朔方節度使母死不葬三十年有詔終身不齒聞者聳然時御史吉溫以私怨構宋渾誦賀州真卿曰奈何以私忿欲危宋璟後平宰相楊國忠惡之出為平原太守安祿山逆狀牙草真卿度必反陽託霖雨增陴濬隄料才壯儲倉廩日與賓客泛舟飲酒以紓祿山之疑果以為書生不虞也祿山反河朔盡陷獨平原城守具備使司兵參軍李平馳奏玄宗始聞亂歎曰河北二十四郡無一忠臣邪及平至帝大喜謂曰朕不識真卿何人所為乃如此時平原有靜塞兵三千乃益募士得萬人遣錄事參軍李擇交統之以刁萬歲和琳徐浩馬相如高抗胡等為將分總部伍大饗士城西門慷慨泣下衆感勵

陽太守盧全誠濟南太守李隨清河長史王懷忠是城司馬李暉鄆郡太守王燾各以衆歸有詔北海太守賀蘭進明率精銳五千濟河為助賊破東都段子光傳李愷盧奔將清首狗河北真卿畏衆懼給諸將曰吾素識愷等其首皆非是乃斬子光藏三首他日結芻饋愷而祭為位哭之是時從父兄果卿為常山太守斬賊將李欽琚等清士門十七郡同日自歸推真卿為盟主兵二十萬絕燕趙詔即拜戶部侍郎佐李光弼討賊真卿以李暉自副而用李旆買載沈震為判官清河太守使郡人李善來乞師真卿為出兵六千肅宗已卽位靈武真卿數遣使以檄凡書陳事復為河北招討使時軍費困竭李善勸真卿收景城鹽使諸郡相輸用度遂不乏第五琦方參進明軍後得其法以行軍用饒雄祿山乘虛遣思明尹子奇悉攻河北諸郡復陷獨平原傅平清河固守然人心危不復振真卿謀於衆不如徑赴行在至德元載十月棄郡度河間關至鳳翔謁帝詔授憲部尚書遷御史大夫百官肅然出為焉翊太守轉蒲州刺史封

丹陽縣子為御史唐旻誣劾饒州刺史乾元初拜  
浙西節度使劉展將以真卿豫劾備都統李岷以  
為生事因召為刑部侍郎李輔國遷上皇西京真卿  
率百官問起居輔國惡之貶遂州長史代宗立再遷  
吏部侍郎除荆南節度使未行改尚書右丞帝自陝  
還真卿請先謁陵廟而即官宰相元載以為迂俄以  
檢校刑部尚書為朔方行營宣慰使未行詣知省事  
更封魯郡公時載多引私黨畏群臣論奏乃給帝曰  
群臣奏事多挾讒毀請每論事皆先白長官長官以

唐

三

白宰相宰相詳可否以聞真卿上疏曰今陛下欲自  
屏耳目使不聰明則天下何望焉後攝事太廟言於  
器不勝載以為誹謗貶陝州別駕改吉州司馬遷撫  
湖二州刺史載誅楊綰應之擢刑部尚書進吏部帝  
崩以為禮儀使楊炎當國以直不容換太子少師然  
猶頗使及盧杞益不喜改太子太師并使罷之數遣  
人問方鎮所便將出之直卿往見杞辭曰先中丞傳  
首平原面流血吾不敢以衣拭親舌舐之公恐不見  
容乎杞覆然下拜而銜恨切骨李希烈陷汝州杞乃

建遣真卿四方所信若往諭之可不勞師而定詔可  
公卿皆失色李勉以為失一元老貽朝廷羞密表固  
留至河南河南尹鄭叔則勸不行答曰君命可避乎  
既見希烈宣讀書希烈養子千餘拔刃爭進諸將皆  
慢為將食之真卿色不變希烈以身扞麾其衆退乃  
就館逼上跪雪已真卿不從曰若等聞常山舌吾見  
也祿山反首舉義師後雖被執詎賊不絕於口吾年  
且八十官太師吾守吾節死而後已豈受若等賜邪  
諸賊失色希烈僭稱帝使問儀式對曰老夫耄矣曾

唐

四

掌國禮所記諸侯朝覲耳希烈因發怒使闖奴等害  
真卿曰有詔遂縊殺之年七十六淮蔡平子顏頊護  
喪還帝廢朝五日贈司徒謚文忠真卿立朝正色剛  
而有禮非公言直道不萌於心天下不以姓名稱而  
獨曰魯公善正草書筆力迥婉世寶傳之貞元六年  
敕書授顏五品正員官開成勅又以曾孫弘式為同  
州參軍

段秀實

段秀實字成公本姑臧人曾祖仕隴州猶不歸更為

沂陽人六歲母死不勺飲至七日病間乃肯食時號為孝童及長沈厚能斷翻然有濟世意舉明經乃棄去事高仙芝仙芝討大食圖但羅斯城會虜救至仙芝兵却士相失秀實夜聞副將李嗣業聲識之因責曰憚敵而奔并勇也免已陷眾非仁也嗣業慚乃與秀實收散卒復成軍後從封常清討大勃律勝之肅宗幸靈武節度使梁宰欲留觀變秀實責曰天子方急宰遂赴東都以秀實為副嗣業中源矢卒眾推荔非元禮代將其軍俄而元禮為麾下所殺將佐多

唐

卷五

五

死惟秀實以恩信為士卒所服益知名代宗幸陝曰使我為軍候豈至是邪司馬王稷言之遂知奉天行營事還為涇州刺史時郭子儀以副元帥居蒲子瞻也邠州士放縱不法孝德不敢執秀實自州以狀詰請孝德俄而晞士十七人入市取酒刺酒翁秀實列卒取之斷首置梁上植市門一營大譟盡甲出秀實笑且入曰殺一老卒何甲也吾戴頭來矣甲者慢取秀實曉之曰尚書固負若屬耶副元帥固負若屬

耶晞出秀實曰今尚書恣卒為暴使亂天子造罪且及副元帥晞再拜叩叱左右解甲令曰收誰者死邠由是安大曆三年徙涇州是軍既聚從相與出怨言別將王童之作亂約日間警鼓而縱秀實知之召鼓人陽怒失節戒曰每籌畫當報因延數刻盡四鼓而曙明日役有告者曰夜焚棗積約救火則亂秀實嚴警備夜中果火發令曰敢救者斬明日捕之并其黨八人斬以徇曰後徙者族遂遷涇州於時倉無人儲邠無居人朝廷患之詔馬璘領鄜穎二州以佐軍命

唐

卷五

六

秀實為魯後軍不乏貴拜四鎮北廷行軍涇原鄜蘄節度數年吐蕃不敢犯塞十三年來朝對蓬萊殿代宗問所以安邊者晝地以對德宗建中初召為司農卿朱泚反以秀實失兵必恨憤使騎往迎秀實與子弟訣而入乃陽與合陰結將軍劉海濱姚令言何明禮三人圍之會源休教泚偽追天子遣韓旻願飲師三千疾馳奉天秀實以為宗社之危不容喘乃倒用司農印追其兵旻得符還翌日泚召秀實計事詔至備位勃然起執休腕奪其象笏奮而前唾泚面大罵



曰狂賊可磔萬段我豈從汝及耶遂擊之泚走秀實  
遂遇害詔贈太尉諡曰忠烈子伯倫終太僕卿

符令奇

符令奇沂州臨沂人初為盧龍軍裨將會幽州亂軍  
子璘奔昭義節度使薛嵩署為軍副高卒田承嗣盜  
其地引令奇為右職田悅拒命馬燧敗之沮水令奇  
密語璘委質朝廷初悅與李納會濮陽因乞師納分  
麾下隨之至是納兵歸齊使璘以三百騎護送璘與  
父噲臂別乃以衆降燧璘之出三子同降悅怒引令  
奇切讓令奇罵悅怒奮而起令奇臨刑色不變年七  
十九夷其家燧署璘為軍副詔封義陽郡王贈令奇  
戶部尚書璘字元亮李懷光反詔燧討之璘介五千  
兵先濟河與西師合從燧入朝為輔國大將軍璘居  
瓊衛十三年卒年六十五

劉迺

劉迺字永夷河南伊闕人天寶中擢進士喪父以孝  
聞服終中書舍人宋昱知銓事迺方調因進書以陳  
有周公尼父圖書易象之訓以判責之曾不及徐康

雖有至德以喋喋取之曾不若齋夫宜先攻事次文

學昱嘉之補判尉劉晏在江西奏使巡履充管轄後

大曆中召拜司門員外郎德宗初進郭子儀為尚父

時冊禮廢視詔文者不適所宜宰相崔祐甫召迺至

閣草之少選成文詞義典裁俄擢給事中權知兵部

侍郎楊炎盧杞當國五歲不遷建中四年真拜兵部

侍郎帝狩奉天迺卧疾私第朱泚遣人召之固稱篤

復遣僞相蔣鎮慰誘迺拜着不答鎮再至知不可服

乃大嘆曰我嘗忝曹郎不能死寧以自辱履屐後欲

汗費吾子遂歸迺聞車駕如梁州自投於狀搏膺呼

天不食卒年六十

周曾

周曾

周曾本李希烈部將與王玠姚愔常清相善號四公

子希烈反曾密得其計一二以告李勉玠為許州鎮

遏使會哥舒曜拔汝州希烈遣曾往拒曾欲引軍拒

蔡使玠為應愔清居中謀取希烈希烈使李誠率

募軍千人劫曾殺之而收其兵并殺愔玠始約事曾

毋相引清懼陽說希烈曰今兵寡恐不能就事請乞



師朱滔希烈然之至襄邑奔劉洽德宗贈曾太尉孫  
司徒僉工部尚書擢清安定郡王又有呂賁康秀琳  
梁興朝買樂卿侯仙欽皆死希烈之難曾無後貞元  
中女及曾兄子鄭爭襲封有司奏鄧以五十戶奉祀  
女亦封五十戶

辛謹

辛謹雲京孫也初事李暉主錢穀罷居揚州年五十  
不肯仕麗助反攻杜愔於泗州謹聞之挈舟趨泗口  
貫賊柵以入愔素聞其名於李延柁喜甚謹乃請還

唐

卷五

九

與妻子訣同愔生死時賊張甚衆皆南走獨謹北行  
謹未至愔憂之延柁知必來俄至勸解白衣披甲賊  
將李固焚淮口謹曰事棘矣獨出可以求援乃與楊  
文播李行實夜踰淮坎登岸馳三十里至洪澤見成  
將郭厚本告急厚本許出兵表襲擊賊人心遂圍滑  
西杜審權遣將程行約赴援壁蓮塘愔欲遣人迎勞  
諸吏憚不敢出謹往獨而還圖三月救兵外敗城益  
危謹復請乞兵淮南與壯士徐珍十人持斧夜斬賊  
柵出見節度使令狐綯復請詣浙西見審權時皆傳

泗州已陷疑謹爲賊計囚之謹引李暉自明暉時爲  
大同防禦使稱其忠可信審權乃許救謹引兵決戰  
斬賊六百級乃克入城上譙呼愔與下迎泣表其功  
授監察御史闕凡十月起解卒完一州拜亳州刺史  
徙曹泗二州乾符未終嶺南節度使方謹之少耕於  
野有牛鬪衆畏奔踐謹直前兩持其角牛不能動人  
而引觸竟折其角里人駭異屠牛以飯謹然謹短  
才及中人後貴方亦少衰云

張名振

唐

卷五

十

張名振本事李懷光爲都將德宗賜錢券懷光奉詔  
傷甚名振到軍門大言曰太尉見賊不擊使到不迎  
將及邪懷光召見論以賊強須蓄銳俟時誘爲不反  
及引軍入咸陽又曰公不反來比何邪懷光怒曰病  
狂人也使左右拉殺之

石演芬

石演芬西域胡人事懷光至都將尤親信蓄爲假子  
懷光軍三橋將與朱泚連和演芬使客郤成義到行  
在言請罷其總統成義走告懷光子璵懷光召演芬

罵曰爾為我子柰何欲破吾家今日負我宜即死對曰公乃負天子我何不負公死固吾分懷光使士食之德宗聞贈演芬兵部尚書斬成義於朔方

吳淑

吳淑者章敬皇后之弟朱泚反盧杞白志貞皆謂泚有功不宜首難得大臣一人持節慰曉惡且悛德宗顧左右無敢行淑願至賊中論天子至意帝悅淑還謂人曰吾知死無益而決見賊者人臣食祿死其難可也即日齋詔見泚具道帝待以不疑而泚業情遂故爵淑客省不遣卒被害于世矩

蔡廷玉

蔡廷玉幽州昌平人事安祿山未有聞與朱泚同里用少相狎近泚為幽州節度使奏署幕府廷玉有泚畧間語泚曰古未有不臣而能推福及子孫者因勸泚入朝泚將聽諸校怒縛廷玉辱之廷玉無撓辭泚不忍殺又有朱體微者亦泚腹心廷玉有建白體微輒左右之故泚桀傲稍章泚內畏弟滔倡已滔亦勸入朝乃以軍屬滔廷玉體微共白泚公入朝為功臣

首涌雖大弟多變不情如假以兵是嫁之禍也泚不聽二人隨泚到朝德宗為太子時知廷玉名及見禮舂殊泥泚統幽州行營為涇原鳳翔節度使詔廷玉以大理少卿為司馬體微為典藉滔表言二人離間骨肉亦遣泚書會滔以幽州叛帝示滔表而泚亦自發其書乃歸罪於二人貶廷玉郴州司戶叅軍體微南浦尉廷玉至藍田巡使鄭詹遣使趨潼關廷玉告子少誠少良曰今使使我出東都此殆為計吾不可以辱國比至靈寶自投於河

孔巢父

孔巢父字弱翁孔子三十七世孫少力學隱徂耒山永王璿稱兵江淮辟署幕府不應德宗符奉天行在擢為給事中上破賊方畧兼御史大夫為魏博宣慰巢父辨而才及見田悅與言君臣大義利害逆順數日田緒殺悅因請命於巢父巢父即以緒權知軍務將其難李懷光據河中帝復令巢父宣慰罷其兵以太子太保授之懷光素服待命衆忿曰太尉無官矣廷謀而合害巢父并殺中人啖守盈初巢父至懷光

以其使魏博而田悅死疑其謀出巢父故軍亂不肯  
收帝聞震悼贈尚書左僕射謚曰忠從子殘賊賊

曆

卷九

十三

唐列傳卷之二十一

李晟

李晟字良器洮州臨潭人世以武功仕然位不過裨  
將晟幼孤奉母孝身長六尺年十八往事河西王忠  
嗣擊吐蕃悍酋乘城殺傷士甚衆忠嗣怒募射者晟  
挾一矢殪之三軍謹奮忠嗣撫其背曰萬人敵也大  
曆初李抱玉署晟右軍將吐蕃寇靈州抱玉授以兵  
五千擊之辭曰以衆則不足以謀則多乃請千人執  
其帥慕容谷鍾虜乃解靈州去遷爲涇原四鎮兵馬  
使馬璘與吐蕃戰鹽倉敗績晟率游兵援璘以歸封  
合川郡王璘內忌晟威略歸之朝爲右神策都將德  
宗立吐蕃寇劍南崔寧未還蜀土大震詔晟將神策  
兵救之虜遁去建中二年魏博田悅反晟爲神策先  
鋒與河東馬燧昭義李抱真合兵攻之斬楊朝光乘  
水度洛水破悅又戰洹水悅大敗遂進攻魏加檢校  
散騎常侍朱滔王武俊圖康日知於趙州也抱真分  
兵二千戍那燒怒欲班師晟曰奉詔東討者吾三帥  
也公奈何遽引去燒悟釋然卽遣抱真壘與交歡會

帝出奉天有詔召晟即日治嚴晟語衆曰天子播越人臣當百舍一息朔方李懷光軍咸陽不欲晟當一面請與晟合有詔從屯乃引趨陳濤斜與懷光聯壘遣翰林學士陸贄臨詔懷光令與晟計所宜者懷光屯咸陽八旬帝數促戰以伺賊隙爲言陰通朱泚反迹寢露晟懼爲所併上言當先變制備是時晟提孤軍橫當寇鋒恐二盜合以軋之則雋致誠於懷光者乃陳兵下令曰國家多難乘輿播遷見危死節自吾之分公等此時不誅元凶取富貴非豪英也士皆奮

卷十

二

泣晟乃遣書願讓懷光使破賊自贖懷光不聽然其下益搆落長爲晟屢乃奔河中其將孟淑段威勇以兵數千自拔歸晟皆表以要官帝欲益西幸晟請駐梁漢以繫天下望又進京畿渭北鄜坊商華兵馬副元帥運士得姚令言崔宣謀者晟命釋縛飯飲之遣還勅曰爲我謝令言等善爲賊守勿不忠於泚乃引兵叩都門賊不敢出振旅而還明日會諸將圖所向衆對先拔外城然後清宮殿以賊聚苑中卽先攻之乃自涓橋移壁光泰門部分諸將悉軍攻賊大破之

朱泚將走吐蕃其衆隨道散亡降伏泚將梁廷芬射韓旻等斬之溥首行在帝感泣群臣上壽帝曰天生晟爲社稷萬人豈獨朕哉拜司徒兼中書令涇州倚邊數戰其帥成請治不供命者因以訓耕積粟實塞下羈制西戎帝乃拜晟鳳翔隴右涇原節度使兼行營副元帥徙王西平郡晟請與李楚琳俱行亦將治殺張繼罪帝方務安反側不許晟至鳳翔亂將王城等十人以次伏誅時宦者尹元貞持節到同華擅入河中諭慰李懷光晟勅元貞矯使欲洗宥元惡請治

卷十

三

果又言激懷光有五不可臣請選精兵五千約十日糧可破賊帝方以賊委馬燧潭城故不許晟至涇而田希鑒迎謁執之并其黨石青等悉伏誅表右龍武將軍李觀爲涇原節度使得大酋浪息髮表以王號吐蕃君臣大懼相與議尚結贊者善計乃曰唐名將特李晟與馬燧潭城爾不去之必爲吾患卽遣使委辭因燧請和且求盟因盟謀執燧以資燧結贊屢乞和會晟朝京師奏言戎狄無信不可許半相韓滉與晟合會泚卒而張延賞當國故與晟有隙密言晟不

可久持兵帝惑其言貞元三年帝坐宜政殿引見晟  
備冊禮進拜太尉中書令罷兵是歲賊與吐蕃盟平  
涼虜却之賊挺身免詔罷燧河東皆如結贊計九年  
堯年六十七謚曰忠武晟性疾惡臨下明允惡下爲  
朋黨者篤分義隆於故舊每進對寒暑盡大臣節未  
嘗露於外治家以嚴與馬燧皆在朝每宴樂賜使  
相銜於道兩家日出無鍾鼓聲則金吾以聞少選使  
者至必曰今日何不舉樂旣堯城鹽州復故池以新  
聖賜宰相帝思晟乃致鹽靈座其眷遇終始無與比

唐 卷十

四

者有十五子其聞者愿愿聰云愿少謙謹晟立功  
時諸子未官宰相以聞即日召授太子賓客上柱國  
元和初願夏綏銀宥節度使政簡而嚴部有失馬者  
愿署滕於道以金購之三日失馬并良馬皆繫署下  
且曰逸而至不告罪當死謹以良馬贖愿歸失馬而  
縱其良境內肅然徒節武寧軍會伐青鄆數有功以  
久疾用愬代之愬與愬於諸子號最仁孝調太原府  
參軍事禮泉尉于頔鎮襄陽辟署於府時吳少誠張  
淮西獨憚頔威疆時謂得愬之助又辟魏博田弘正

幕府遷衛州刺史以治行稱徙絳州終有幻人林民  
以亂憲執誅之入爲宗正少卿副金吾大將軍胡証  
爲送太和公主使還獻回鶻道里記遷太府卿太和  
初錄江西觀察使遷嶺南節度使憲勳伐家子所歷  
皆以吏能顯善治律令大獄活無罪者數百人卒官

馬燧

馬燧字洵美系出右扶風徙爲汝州郟城人父季襲  
舉孫吳側僮善兵法歷仕至風州刺史燧姿度魁傑  
長六尺二寸與諸兄弟輟策歎曰天下有事丈夫當

唐

卷十

五

以功濟四海渠老一儒哉更學兵書戰策沉勇多算  
安祿山反使買循守范陽燧說循曰祿山雖舉洛陽  
猶將誅履公盍斬向潤客牛延玠傾其根本此不世  
功也循許之不決祿山召循計事因縊殺之燧走西  
山間道歸平原平原不守復走魏寶應中澤潞節度  
使李抱玉署爲趙城尉時回紇還國恃功恣睢所過  
皆剽傷州縣供餼不稱輒殺人燧自請典辦具乃先  
賂其酋與約得其旗章爲信犯令者得殺之燧又取  
死囚給役左右小違令輒戮死虜大駭至出境無敢

暴者抱玉才之署左武衛兵曹參軍抱玉守鳳翔表隴州刺史西山直吐蕃其上有通道虜常所出入者燧聚石種樹障之設二門為譙櫓八日而畢從抱玉入朝代宗雅聞其才召見授商州刺史大曆中河陽兵逐其將常休明詔燧為三城使汴將李靈耀反帝務息人即授以汴宋節度留後靈耀不拜引魏博田承嗣為援詔燧與淮西李忠臣討之忠臣行汴南燧行汴北敗賊靈耀以銳卒八千號狼軍燧獨戰破之燧知忠臣暴傲讓其功出合板橋忠臣入汴果困

唐

卷十

六

會擊殺宋州刺史李僧惠燧還河陽秋大雨河溢軍吏請具舟以避燧曰使城中盡魚而獨完其家吾不忍既而水不為害遷河東節度留後進節度使太原承德防之敗兵力衰單燧募廩役得人數千悉補騎士教之戰數月成精卒建中二年朝京師遷檢校兵部尚書封國公還軍勅田悅新有魏博恐下未附即輸款朝廷燧建言悅必反既而悅果圍邢州燧令大將李自良以騎兵備守斬悅將朝光擒其將盧子昌五日進軍臨洛悅悉軍戰燧自以銳士當之悅大

敗進同平章事北平郡王魏州大都督長史朱滔王武俊聯兵五萬帝遣李懷光以朔方軍萬五千助燧會涇師亂帝幸奉天燧還軍太原李抱真欲殺懷州刺史楊鉢鉢奔燧燧奏其非罪乃免抱真怒繇是逼帝數遣使講解李晟和之燧念晉陽王業所基宜固險以示敵乃引晉水架汾而屬之城帝還京李懷光反河中詔燧與渾瑊駱元光合兵討之因拜燧晉絳慈隕節度使時天下蝗兵艱食中朝臣請有懷光者帝未決燧以懷光逆計久反覆不可信河中近甸

唐

卷十

七

拾之屈威靈無以示天下乃捨軍入朝為天子自言之乃與瑊元光韓游瓌之兵合賊將徐廷光守長春官差長春不下則懷光固守久攻所傷必衆乃棧身至城下見廷光廷光憚燧威即率衆降不閱月河中平遷光祿大夫封中賜一子五品官還太原帝賜宸袞台名曰崑以言君臣相成之美貞元二年吐蕃尚結贊破鹽夏二州守之糧乏詔燧為綏銀麟勝招討使與駱元光韓游瓌同會師擊虜燧次石州結贊懼乞盟帝不許乃遣將論頽熱甘辭申愆慰明年

燧還太原與論頽熱俱朝盛言宜許天子然之燧之朝結贊遜引去帝詔渾瑊與盟平涼虜劫瑊僅得免帝聞悔怒奪其兵拜司徒兼侍中賜妓樂奉朝請卒年七十謚曰莊武子彙暢官少府監

### 渾瑊

渾瑊本鐵勒九姓之渾部也世為皋蘭都督父釋之有才武從朔方軍積戰多累開府儀同三司瑊年十一善騎射隨釋之防秋朔方節度使張齊丘戲曰與乳媪俱來邪是歲立跳盪功後二年從破賀魯部拔

唐

卷三

八

石堡城龍駒島其勇常冠軍署折衝果毅節度使安思順授瑊偏師入葛祿部略特羅斯山破阿布思與諸軍城未清及天安軍遷中郎將祿山反從李光弼定河北射賊驍將李立節貫其左脅肅宗即位瑊以兵趨行在至天德與虜軍遇敗之從郭子儀復兩京討安慶緒勝之新鄉擢武鋒軍使從僕固懷恩平史朝義大小數十戰功最懷恩反瑊以所部歸子儀會父喪起復朔方行營兵馬使從子儀擊吐蕃於州留屯邈虜復入至奉天瑊戰漠谷有功屯奉天周智光

反子儀令瑊以步騎萬人下同州智光平以邈寧歸朔方軍瑊屯宜祿大曆七年吐蕃盜塞深入瑊會連原節度使馬璘討之領邈州刺史吐蕃入方渠懷安瑊擊走之子儀入朝留知邈寧慶兵馬後務回紇破太原鮑防軍拜瑊都知兵馬子儀為太尉德宗柝所部為三節度以瑊兼單于大都護建中中李希烈詐為瑊書若同亂者帝識其謀不疑更賜良馬錦幣會王為荆襄元帥討希烈也以瑊為中軍都虞候帝狩奉天瑊率家人子弟以從朱泚兵薄城戰燕門及至

唐

卷三

九

日中不解或以芻車至瑊曳車塞門焚以戰賊乃解泚方據乾陵帝召瑊授以詔書千餘實封五百戶而下募突將死士當賊賜瑊筆使置功署詔不足則署衣以授瑊以忠義感率中矢自根去被血而戰愈厲是日詔授瑊二子官乃第賞將校泚攻城益急會李懷光奔難賊乃去李晟自東渭橋破賊瑊與韓游瓌戴休顏以西軍收咸陽延屯延秋門泚平論功以瑊兼侍中封咸寧郡王俄加朔方行營副元帥與馬燧同討李懷光懷光平還屯河中吐蕃相尚結贊陷鹽

夏陰朝京師而畏瑛與李晟馬燧欲以計勝之乃詭辭重禮請燧講好燧苦贊帝乃詔約盟平涼川以瑛為會盟使為結贊所劫副使崔漢衡以下皆陷惟瑛得免會吐蕃復入盜使瑛鎮奉天虜罷還河中貞元四年虜入涇邠授邠寧慶副元帥進檢校司徒兼中書令十五年卒年六十贈太師諡曰忠武瑛好書通春秋漢書天性忠謹功高而志益下世方之命日碑貞元後天子常恐藩侯生事稍桀驁則姑息之惟瑛有所奏論不盡從可輒私喜曰上不疑我矣五子鎮

唐 卷十 十一 瑛為達官

李抱真

李抱真字太玄抱玉屬以軍事授汾州別駕僕固懷恩反陷焉挺身歸京師代宗以懷恩倚回紇所將朔方兵精憂之召抱真問狀答曰郭子儀嘗領朔方軍人多德之懷恩欺其下曰子儀為朝恩所殺今起而用是伐其謀兵可不戰解也既而懷恩敗如抱真策遷殿中監陳鄭澤潞節度留後既謝因言百姓勞逸在牧守願得一州以自試更授澤州刺史仍為懷澤

潞觀察留後乃籍戶三丁擇一蠲其徭租給弓矢閑月習射比三年皆為精兵遂推山東天下稱昭義拔兵為諸軍冠德宗嗣位頌昭義節度使建中中田悅反圍邢及臨洺詔抱真與河東馬燧合神策兵救之進圍魏悅戰城下大敗會朱滔王武俊反救悅抱真退保魏帝倉卒狩奉天時李希烈陷汴李納及鄆李懷光相次反河中抱真獨以數州截然橫給潰叛中離沮其姦為群盜所憚與元初進義陽郡王天子下罪已詔並赦群盜抱真三遣叅軍賈林以大義說武

唐 卷十 十一 俊即數騎馳入見武俊因持武俊涕下交頤武俊亦感泣左右皆泣食訖約為昆弟而別且日合戰大破滔進檢校司空貞元初朝京師詔還所鎮抱真喜聞世賢者必欲與之遊會天下稍無事乃餉臺沼以自娛方士有孫季長者能治丹且日服此當仙去解丹二萬丸不能食且死醫以彘肪漆下之疾少間季長曰僂得仙何自棄也益服三十九卒年六十二

李元諒

李元諒安息人本安氏少為宦官駱奉先養息冒姓



駱名元光以宿衛積勞諫太子詹事居軍十年士心  
悍服德宗出奉天賊遣將何望之襲華州刺史董晉  
棄城走元諒自潼關引兵徑薄其城拔之封武康郡  
王先是詔發幽隴兵東討李希烈師方出潼朱泚使  
劉忠孝召還至華陰華陰尉李夷簡說驛官捕之進  
及關元諒斬以徇俄詔元諒與李晟收京師次淮西  
進屯荅東泚連戰皆北遂大潰京師平讓功於晟貞  
元三年吐蕃來請盟詔元諒以軍從渾瑊會平涼元  
諒軍潘原韓游瓌軍洛口以為援元諒曰太原去平  
涼七十里虜詐不情請與公連屯瑊不聽元諒密使  
營次之既會元諒望雲物曰不祥虜必有變傳令約  
部伍出陣既而虜劫盟瑊奔還元諒軍兵成列出而  
涇原節度使李觀亦以精六五千伏險與元諒相表  
裏虜騎乃解是會也徵元諒與觀二人瑊且不免帝  
嘉歎賜善馬金幣良厚因賜姓更今名節度隴右治  
良原良原隍堞涇北旁皆平林元諒培高峻澗關幾  
田數十里勸士墾藝又築連營臺遠烽偵為守備由  
是涇隴以安西戎憚之卒諡曰莊威

韓游瓌

韓游瓌靈州靈武人始為子儀裨將安祿山反誘河  
曲九蕃府六胡叛部落凡五十萬子儀使游瓌率辛  
京果擊破之進邠寧節度奉天之狩兵未集游瓌以  
兵三千來赴有詔引軍屯便橋朱泚大治戰棚雲橋  
士皆懼瓌曰賊取佛祠乾木為攻具可以火之風逐  
棚皆燼賊氣沮李懷光叛誘游瓌為變游瓌白發其  
書會懷光撤假游瓌邠州刺史欲因張昕殺之游瓌  
既失兵不知所圖有客劉南金說曰邠兵有留甲可  
以立功殆天假也游瓌悟誘舊部兵八百馳入邠伏  
甲斬昕以聞時懷光子玫在邠游瓌衛出之日殺之  
祇以怒敵不如捨之攻至涇陽懷光遂走蒲州詔拜  
邠寧節度使破泚兵咸陽泚走涇州遂敗京師平論  
功與瑊等皆第一游瓌還屯邠寧懷光冠關州詔率  
兵并力敗賊衆五千於屯蒲城懷光見勢單蹙益  
死貞元二年吐蕃入涇隴邠寧游瓌追至安化虜營  
黎明虜以兵尾擊瓌瓌羅帳自衛鞞鼓四發虜驚潰  
去後又收鹽州會盟平涼游瓌以勁騎五百待非常

瑛被劫馳以免後吐蕃寇太原回游瓌方壁長城即  
選騎八百迎擊自引兵戰南原敗之吐蕃夜遁會子  
欽緒以射生將衛京師與妖人李廣弘謀反事泄中  
人捕斬以狀示游瓌懼求歸死京師帝不許又執  
欽緒二息送京師帝亦原之未幾入朝有詔復位卒

楊朝晟

楊朝晟字叔明夏州朔方人建中初從李懷光討劉  
文喜涇州斬獲多加驃騎大將軍李納寇徐州從唐  
朝臣往討常冠軍懷光赴難奉天屬朝晟兵千人下

唐

卷三

十四

咸陽懷光反韓游瓌退保郿軍賊黨張昕守郿州朝  
晟父懷賓為游瓌將夜以拾數騎斬昕告行在德宗  
勞同授兼御史中丞朝晟泣見懷光曰父立功於國  
子當誅不可以主兵懷光繫之及諸軍圍河中游瓌  
營長春官懷賓戰甚力懷光平帝原朝晟因為游瓌  
都虞吐蕃犯邊游瓌自將守寧州而御士寬軍驕及  
張獻甫來軍遂亂朝晟逃於郊張獻甫監軍請以范希  
朝為節度使朝晟結諸將謀諸首惡者獻甫遂入於  
軍帝以希朝為節度副使而朝晟加御史大夫貞元

九年城鹽州發卒護境朝晟屯木波堡會獻甫卒  
詔代為郿寧節度使朝晟請城方渠合道木波以通  
吐蕃路帝納其策師次方渠水乏有青蛇降險下走  
視其跡水從而流朝晟使築防環之遂為淳淵士飲  
仰足圖其事以聞有詔命泉曰應聖己城吐蕃悉舉  
至度不能害乃引去復城馬嶺而歸開地三百里十  
七年卒於屯

戴休顏

戴休顏夏州人家世尚武郭子儀引為大將論平党  
項羗以安河曲進封咸寧郡王城郿州功最遷鹽州

唐

卷三

十五

刺史朱泚反率兵三千晝夜馳奔問行在德宗嘉之  
帝進狩柔洋留守奉天李懷光屯咸陽使人誘之休  
顏斬其使遷檢校工部尚書合渾瑊兵破泚偏師京  
師平又與瑊率兵趨岐陽邀泚殘黨加檢校尚書右  
僕射弟休璠歷開府封東陽郡王

楊惠元

楊惠元平州人事平盧軍從田神功李忠臣浮海入  
青州詔以兵隸神策鎮奉天德宗初立稍繩諸節度

賊扈者於是李正已屯曹州田悅增河上兵河南大  
授詔移兵萬二千戍關東帝御望春樓誓師因勞遣  
諸將酒至神策將士不敢飲帝問故惠元曰初發奉  
天臣之帥張巨濟與衆約是役也不立功無飲酒臣  
不敢食其言俄以兵三千擊田悅戰御河奪三橋惠  
元功多以兵屬李懷光及朱泚反自河朔赴難解奉  
天圍加檢校工部尚書李晟李建徽及懷光聽營便  
橋晟知懷光且叛移屯東渭橋帝使神策將李昇往  
伺運奉懷光反明甚是夕奪二軍惠元建徽走奉天

卷三

十六

懷光遣將冉宗駟騎走及於好時惠元被愛呼天  
而死三子展高匿井中皆及害建徽獨免詔贈惠元  
展高官少子曼字公素惠元之死被八劍墮井或救  
得免歷邢州刺史盧從史既縛路軍潰有驍卒五千  
從史嘗以子視者奔於曼曼開諭禍福遣之泉感悟  
遂還軍憲宗嘉之遷易州刺史王師討吳元濟以廣  
州刺史提兵深入容州西原蠻反授本州經略招討  
使擊定之進御史大夫合邕容兩管為一道卒

杜希全

杜希全京兆醴泉人以裨將隸郭子儀積功勞至朔  
方節度使奉天之狩希全與李建徽戴休頰引兵赴  
難次漠谷為賊邀擊還保邠州賊平封餘姚郡王尋  
兼夏綏銀節度都統請城鹽州希全居河西久頗越  
法橫肆帝數容掩其短卒

李自良

李自良交州泗水人天寶亂往從充鄆節度使熊元  
皓以戰多累授右衛率從衰修討賊回紇入寇鮑防  
遣大將焦伯瑜等擊之自良曰寇遠來難與爭鋒請

卷三

十七

築柵壘扼歸路堅壁勿出防不聽伯瑜戰百井大敗  
由是知名馬燧代防表為軍候從討田悅還攻李懷  
光河中貞元三年燧來朝德宗罷燧兵以自良代之  
充河東節度使居九年上下諧附卒於官

王栖曜

王栖曜濮州濮陽人安祿山反尚衡募義兵討賊者  
牙將徇充鄆諸縣下之進牙前總管賊將趙德諤守  
曹州乘城指顧栖曜曰彼可取也一矢殲之袁晁亂  
浙東御史中丞袁修討之表為偏將與賊戰日十餘

遇生擒梟授浙西都知兵馬使時江介未定詔內常侍馬日新以汴滑軍五千鎮之中人暴橫賊蕭廷蘭乘衆恣逐日新劫其衆栖曜方游奕近郊賊脅取之與圍蘇州栖曜乘賊怠挺身登城率城中兵出戰賊衆大敗遷試金吾大將軍李靈耀反汴州浙西觀察使李恣使提兵四千爲河南掎角有功李希烈陷汴州也乘勝東畧次寧陵將襲宋州浙西節度使韓泚使栖曜以疆弩三千涉水夜入寧陵遂不敢東貞元初拜左龍武大將軍出爲鄆坊節度使十九年卒

李季

十八

劉昌

劉昌字公明汴州開封人天寶末從河南防禦使張介然討安祿山授果毅史朝義兵圍宋州城中食盡且降昌說刺史李岑曰李光弼在河陽執必來援候而光弼援軍至賊夜潰光弼聞其謀召置軍中將用之會光弼卒李靈耀以汴州反刺史李僧惠欲應之昌請見陳逆順計且泣僧惠悟即馳表請自將討賊汴州平李忠臣疾僧惠功殺之昌遁去劉玄佐願宜武節度使擢昌左廂兵馬使李綱反以偏師收考城

李希烈取汴玄佐別將高翼提精卒守襄邑城陷翼赴水死江淮大震昌以兵三千守寧陵賊數敗乃解圍去更攻陳州昌從玄佐以浙西兵三萬救之會賊將程曜希烈奔還蔡州加檢校工部尚書貞元三年入朝詔以宣武兵八千北出五原七年城平涼開地二百里又西築保定打青石崩累封南川郡王十四年歸化堡軍亂逐大將張誠詔昌經畧昌入堡誅數百人復使國誠統之昌在邊凡十五年身率士墾田及感疾詔赴京師未行卒年六十五

李景畧

十九

李景畧幽州良鄉人大曆末客河中閫門讀書李懷光爲朔方節度使署選官五原將張光殺其妻以質市獄前後不能決於畧畧論殺之既而有若女厲者進謝廷中如光妻云遷大理司直懷光屯咸陽將襲東渭橋召幕府計議畧畧曰殺朱泚還軍諸道杖策請行在此轉禍爲福也不聽遂遁歸靈武節度使杜希全表置於府累拜侍御史豐州刺史豐州當回紇通道前刺史軟茶每屬使至與抗禮時梅錄將軍

入朝景畧欲折之因勞前道人謂曰可汗新沒欲  
吊使者乃坐高樓待之梅錄備伏前哭景畧即撫之  
曰可汗燕代功高流墓於是虜容氣沮索不敢抗以  
父行呼景畧自此回紇使至者皆拜於廷希全忌之  
誣奏貶袁州司馬希全死遷左羽林將軍對德宗延  
英殿會河東節度使李說病以景畧為太原少尹行  
軍司馬時方鎮既重故少召還者惟不幸則司馬代  
之人心固屬景畧矣會梅錄復入朝識其聲驚拜曰  
非李豐州邪說愈不平路中尉竇文場謀殺去之歲

唐

卷三十一

十一

餘塞下傳言回紇將南寇文場方侍帝傍即言豐州  
當得良將且舉景畧乃拜豐州刺史窮塞苦寒地塔  
鹵景畧與士同甘藜藿咸應永清二渠溉田數百頃  
卒於屯年五十五

張萬福

張萬福魏州元城人三世明經止縣令州佐萬福乃  
學騎射從王斛斯以別校征遼東有功李暉代劉展  
署為部將斬首萬級累攝壽州刺史州遂租賦詣都  
至穎為盜所奪萬福領輕兵尾襲悉禽之拜刺史准

南節度副使而節度崔圓忌之失刺史改鴻臚卿使  
將千人鎮壽州時許杲以平盧行軍司馬將卒三千  
駐濠州陰窺淮海間使萬福攝濠州刺史賊陳莊臨  
舒州圓又令攝舒州刺史大曆三年召見代宗曰欲  
一識卿面且將以許杲累卿萬福辭謝乃拜和州刺  
史萬福至州杲懼徙屯上元過楚州大掠節度使肅  
元甫使萬福追討未至杲為其將康自勸所逐自勸  
循淮鈔而東萬福倍道追殺之元甫死諸將願得萬  
福為帥監軍使邀請之對曰我非幸人勿以此待我

唐

卷三十一

十一

遂去以利州刺史鎮咸陽且留宿衛李正己反屯兵  
通橋江淮漕船積千餘不敢踰渦口德宗乃以萬福  
為濠州刺史召謂曰先帝改爾名正者所以褒也朕  
謂江淮草木亦知爾威名若從所改恐賊不曉是卿  
也後賜舊名萬福因馳至渦口駐馬於岸悉發漕船  
相銜進賊兵倚岸熟視不敢動改泗州刺史魏州錄  
父子相賣萬福曰魏州吾鄉里安忍其困令兄子將  
米百車饋之為杜亞所忌召拜右金吾將軍及見帝  
驚曰亞乃言爾昏耄何邪陽城寺請延英門論裴延

齡事伏閣不去帝震怒左右懼不測萬福大言曰爾有直臣天下無慮矣吾年八十與見盛事獨揖城等勞之以工部尚書致仕卒年九十

高固

高固不知何許人或言四世祖侃未徵中為北廷安撫使禽車鼻可汗以功為安東都護固生微賤為家所賣轉為渾瑊童奴字黃岑性敏惠有膂力善騎射以齊有高固因以名以乳媪女女固從瑊屯朔方德宗在奉天固仍從瑊賊突入東塞門固引敏士長刀殺賊數十人封渤海郡王李懷光反使邠寧留後張昕將兵萬人先趨河中固在行乃伺間入帳下斬昕首貞元十七年節度使楊朝晟卒詔將邠寧朔方為一軍議以季朝采為節度劉南金副之邠軍咸曰如詔數日復却固為帥固曰然能聽吾言乃可東唯唯固曰毋殺入毋肆掠三軍皆順悅帝亦念固功乃拜邠寧節度使憲宗時入為右羽林統軍卒

郝玘

郝玘不記其鄉里貞元中為臨涇鎮將嘗獲數百騎

卷三十一

三十一

卷三十一

三十一

出野還說節度使馬璘曰臨涇鎮洛口其川饒衍利畜牧其西走戎道曠數百里皆泥沙無水草願城之為休養便地玘出或謂璘曰玘言信然公今若用此言則邊已安尚何事遂不聽及段佑代節度玘又說築臨涇以折虜勢便甚佑請於朝詔城臨涇為行原州以玘為刺史成之自是虜不敢過臨涇玘在邊積三年每討賊不持糧糧取之於敵獲虜必剝剔而歸其屍虜大畏道其名以怖噓兒封保定郡王贊普常等玘身鑄金像令於國曰得生玘者以金玘償之朝廷長失名將徒為慶州刺史卒佑本郭子儀牙將在

力貞元末為涇原節度使虜畏之

韋臯字城武京兆大始仕為建陵郎諸帥府更辟權  
監察御史張鑑節度鳳翔以侍御史知隴州行營事  
德宗狩奉天朱泚叛步將牛雲光謀請臯為帥將劫  
以臣泚臯偽受泚詔明日置酒大會臯盡殺之泚復  
使他奴拜臯鳳翔節度使臯亦斬之帝聞乃授臯隴  
州刺史貞元初代張延賞為西川節度使初雲南蠻  
葛附吐蕃臯乃間使招徠之稍稍遠西南夷明年  
大首領以王爵遜其兄子臯上言願皆封以示褒進  
詔可明年雲南款邊求內屬約東蠻等絕吐蕃盟五  
年東蠻攻吐蕃請臯濟師臯遣精卒三千與蠻共破  
吐蕃以功進司徒封南康郡王卒謚曰忠武臯治蜀  
二十一年數出師凡破吐蕃四十八萬斬首五萬餘  
級始臯務利其民列州互除租凡三歲一復臯沒蜀  
人德之見其遺像必拜

張建封

張建封字本立鄧州南陽人李光弼鎮河南盜起詔

中人馬日新與光弼麾下偕討建封見中人請前務  
賊可不須戰因到屯開譬禍福一日降馬燧為三城  
鎮邊使表為判官燧伐李靈耀軍中事多諏訪即表  
其能於朝李希烈跋扈淮南節度使陳少游陰附之  
希烈遣使持偽赦昇建封建封斬其使希烈欲破壽  
州以趣江都建封壁霍丘拒之授濠壽廬觀察使貞  
元四年除泗濠節度使十三年來朝賦朝天行以獻  
帝眷遇異等時宦者主官市置數十百人閱物屢左  
謂之白望諫臣交章列上不納故建封請間為帝言

唐列傳卷之二十一

之帝頗順聽會詔書蜀民避賦帝問何如曰殘遺積  
負決無可飲其還鎮帝賦詩以饒于時雖馬燧潭  
等勳寵卓越未有以詩餞者又使左右以所持鞭賜  
之曰卿節誼歲寒弗渝故用此為况建封又賦詩自  
警勵十六年卒性樂仕許孟容韓愈皆奏署幕府

嚴震

嚴震字遐聞梓川鹽亭人至德乾元中數出賃助邊  
得為州長史西川節度使嚴武知其才委以軍府兼  
務武卒罷歸節度使李叔明表為興鳳兩州團練使

節度使韋植狀震治行爲山南第一封隕國公治鳳  
十四年遷山南西道節度使朱泚反遣腹心穆延光  
等遺帛書誘之震卽斬以聞時李懷光與賊連和帝  
欲徙暉山南震聞馳表奉迎遣大將張用誠以兵五  
千扞衛用誠至蕪屋有反計帝愛之命震牙將馬勛  
嗣至帝告以故勛曰臣請歸以節度使符召之卽不  
受斬其首以復命帝悅用誠懼將走壯士自後禽之  
用誠子斫助傷首左右扞刀得免遂釋用誠而格殺  
其子翌日發奉天旣入駱谷懷光以騎追襲賴山南

唐

卷二十一

三

兵以免天子至梁州宰相以爲地貧請進幸成都震  
曰山南密邇畿輔李晟銳於收復帝未決會晟表至  
亦請駐驛梁洋議遂定車駕將還詔改梁州爲興元  
府卽用震爲尹進同平章事貞元十五年卒

張孝忠

張孝忠字孝忠本奚種孝忠始名阿勞以勇聞燕趙  
間天寶末安祿山奏爲偏將破九姓突厥以功擢潭  
源府折衝祿山史思明陷河洛常爲賊前鋒朝義敗  
乃自歸授左領軍將軍以兵屬李寶臣累加左金吾

衛將軍賜今名寶臣以其沉毅謹詳遂爲姻家易州  
諸屯委以統制十餘年威惠流聞因承嗣寇冀州寶  
臣付兵四千使出上谷屯貝丘寶臣與朱滔戰尾橋  
奏孝忠爲易州刺史封符陽郡王寶臣晚節稍忌刻  
殺大將李獻誠等而召孝忠孝忠不往復使其弟孝  
節召之寶臣素善孝忠及病不能語以手指北而死  
子惟岳擅立詔朱滔以幽州兵討之滔忌孝忠善戰  
使判官蔡雄往說孝忠然之遣將程華報滔連和遣  
易州錄事參軍事董積入朝德宗嘉之擢孝忠成德  
軍節度使令與滔并力孝忠重德滔爲子茂和聘其  
女敗惟岳於東鹿滔欲乘勝襲恒州孝忠乃引軍西  
北壁義豐滔疑之屯東鹿月餘王武俊果斬惟岳以  
獻已而定州刺史楊政義以州降孝忠遂有易定特  
三分成德地詔定州置軍名義武以孝忠爲節度使  
易定滄等州觀察使後滔與武俊叛復遣蔡雄說之  
答業已効忠不復助惡幸謝司徒滔復囁以金帛皆  
不受易定介二鎮聞乃浚溝壘修器械感厲將士乘  
城固守滔悉兵攻之帝詔李晟寶文揚率師援孝忠

唐

卷二十一

四



潘解去孝忠因與晟結婚天子出奉天孝忠遣將楊榮國以銳卒六百佐晟赴難收京師與元初詔同平章事貞元二年河北蝗民饑孝忠與其下同粗淡日膳裁豆譜而已明年檢校司空詔其子茂宗尚義章公主孝忠遣妻入朝執親迎禮五年為將佐所惑以兵襲蔚州入之奉詔還鎮有司劾擅與削司空六年還其官卒年六十二子茂昭茂宗茂和

田弘正

田弘正字安道父廷玠尚儒學與承嗣為從昆弟仕

唐

卷二十一

五

為平舒丞遷樂壽清池東城河間四縣令以治稱遷滄州刺史李寶臣朱滔與承嗣不協合兵圍滄州廷玠固守連年食雖盡無叛者弘正幼通兵法善騎射承嗣以為必與吾宗名之曰與季安時為衙內兵馬使同節度副使封沂國公季安後汰銳殺罰弘正從容規切軍中賴之季安內忌出為臨清鎮將欲因罪誅之弘正陽痺痼臥家不出乃免季安死子懷諫襲節度召還舊職懷諫委政於家奴將士則措置不平眾怒咸曰兵馬使吾帥也牙兵即請其家迎之弘正

拒不納眾譁于門弘正出致拜之乃還府殺士則及

支黨十餘人於是圍魏博相衛貝澶之地籍以獻不敢署僚屬而待王官憲宗美其誠詔充魏博節度使又遣司封郎中裴度宣慰賫其軍請度徧行其部宣示天子恩詔因令節度叅謀布衣崔惟奉表陳謝制語褒答且賜今名天子討蔡弘正遣子布以兵三千進戰數有功李師道疑其襲已不敢顯助蔡故元濟失援王師得致誅焉王承宗叛詔弘正以全師壓境破其衆南官承宗懼弘正表請朝遂獻德棣二州以

唐

卷二十一

六

謝納二子為質俄而李師道拒命詔弘正與宣武等五節度兵進討師道大將劉悟率精兵屯河東賊勢賊悟乃反兵斬師道首請弘正降取十二州以獻以功加檢校司徒同平章事是歲來朝對麟德殿進兼侍中擢其兄融為東都留司弘正數上表固請留關下帝勞弘正遂還常欲變山東承襲舊風故悉遣子姓仕朝廷穆宗立王承元以成德軍請帥帝詔弘正兼中書令為節度使弘正以新與鎮人戰有父兄怨取魏兵二千自衛入其軍時天子賜錢一百萬緡不

時至軍有怨言弘正親加撫喻乃安仍請留魏兵爲  
紀綱以持緩心度支崔俊各其稟沮卻之長慶元年  
七月歸卒於魏是月軍亂并家屬將吏三百餘人皆  
遇害年五十八弘正之禍也其判官劉茂復獨免士  
相戒曰是人遇吾等信敢干其家共殺之子布群李  
布字敦禮弘正戍臨清布知季安且危密白父請以  
髮歸朝弘正奇之及得魏使布總親兵王師誅蔡以  
軍隸嚴綬屯唐州帝以布大臣子或有罪且撓法弘  
正請以董曉代而士卒愛布願留帝乃止凡十八

唐 卷三十一 七

石凌雲柵下郟城以功授御史中丞裴度輕出觀兵  
沱口賊將董重質以奇兵掩擊布伏騎數百突出還  
之請軍繼至賊驚引還蔡平入爲左金吾衛將軍  
官嘗論事帝前同列將廢卻之布止曰使天子容直  
臣毋輕進弘正徙成德以布爲河陽節度使長慶初  
徙涇源弘正遇害穆宗遽召布解綬拜檢校工部尚  
書魏博節度使乘傳以行布號泣固辭不聽未至魏  
三十里跣行被髮號哭而入以牙將史憲誠出麾下  
可任乃委以精銳時中人屢督戰而度支饋餉不繼

布輒以六州租賦給軍於是朱克融據幽州與王廷  
秦屠河朔三鎮營連衝禁爲自私而憲誠陰欲乘  
衆會有詔分布軍合李光顏救深州兵怒不肯東去  
遂潰皆歸憲誠唯中軍不動布以中軍還魏明日會  
諸將議事衆譁曰公能行河朔舊事則生死從公不  
然不可以戰布度衆且亂歎曰功無成矣卽爲書謝  
帝哭授其從事李石訖乃入至几筵引刀刺心曰上  
以謝君父下以示三年年三十八

吳湊

唐 卷三十一 八

吳湊章敬皇后弟也諱布衣與兄淑一日賜官封首  
等而湊畏太感乞解太子詹事換善家令進左金吾  
衛大將軍帝數顧訪尤見委信時令狐章田神功等  
繼沒其下乘喪挾兵輒餽蹇益亂湊持節至汴滑委  
悉慰說各盡其情亦度朝廷可行者故軍中驩附元  
載當國久無狀帝陰欲誅未發也顧左右無可與計  
卽召湊圖之俄而收載賜死於是王縉楊炎王昂韓  
會包佶等皆當坐湊建言法有首從縉等得赦死丁  
後母喪解職既除拜右衛將軍德宗初出爲福建觀

察使與宰相竇參有憾參數加短段又言參風痺不  
良趨走帝召還驗其疾非是參是不直參推湊陝虢  
觀察使貞元十四年夏大旱殺貴人流亡帝以過京  
兆尹韓皋罷之即召湊代皋湊見便殿因言中人所  
市不便官中所須責臣可辦若不欲外吏與閭禁中  
事宜料中官高年謹信者爲官市初府中易湊貴戚  
子不便簿領每有疑獄時其將出則遞湊取決幸倉  
卒得容欺湊叩鞍一視凡指擿盡中其弊初無留思  
參畏服不意湊精裁遣如此文敬太子義章公主仍

卷二十七

九

堯帝悼念厚葬之湊候帝問徐言極爭不避進兼兵  
部尚書及屬病門不內醫巫不嘗藥家人泣請對曰  
吾以庸謹起田畝位三品顯仕四十年年七十尚何  
求后族退居奉朝請者猶以事失職而湊任中外未  
嘗有過也

盧坦

盧坦字保衡河南洛陽人仕爲河南尉時杜黃裳爲  
共召坦立堂下曰某家子與惡人游破產盡察之坦  
曰凡居官廉雖大臣無厚畜其能積財者必剝下以

致之如子孫善守是天賞不道之家不若恣其不道  
以歸於人黃裳驚其言自是遇加厚李復爲鄭滑節  
度使表爲判官監軍薛盈珍數干政坦每據理拒之  
復卒詔姚南仲代之盈珍以南仲本書生易之曰是  
將材邪坦私謂人曰姚大夫外柔中剛監軍若侵之  
必不受命我留恐及禍乃從復喪東歸盈珍果與南  
仲不相中召爲刑部郎中兼侍御史知雜事赤縣尉  
爲臺所按京兆尹審救之帝遣中人就釋坦白中丞  
請中覆中人走以聞帝曰吾固宜先命有司遂下詔

卷二十七

十

乃釋數月還中丞初諸道長吏罷還者取本道錢爲  
進奉帝因赦令一切禁止而山南節度使柳晟浙西  
觀察使闕濟美格詔輸獻坦劾奏晟濟美李錡誅有  
司將毀其祖墓坦上疏諫止裴均爲僕射怒坦罷爲  
左庶子數月拜宜歛池觀察使時江淮旱穀踊貴或  
請抑其價坦曰所部地狹穀來他州若直賤穀不至  
矣再遷戶部侍郎判度支或告泗州刺史薛審爲代  
比運水特畜異馬不以獻事下度支坦遣吏驗未反  
帝遣之更遣中人劉泰昕往坦曰事付有司而又遣

宦官豈有司不足信乎三秦帝乃止表韓重華為代  
北水運使開廢田河西段受降城宰相李吉甫議徙  
天德坦以為城當磧口得制北狄之要城使周懷義  
亦以為言吉甫不悅出坦為東川節度後數月懷義  
憂死燕重軒代之遂徙天德西人怨殺重軒覆其家  
初坦與宰相李絳議多協絳藉為已助及坦出半歲  
而絳罷治東川盡蠲山澤鹽井權率之籍吳少誠之  
諫詔以兵二千屯安州坦每朔望使人問其父母妻  
子視疾病醫藥故士皆感慰元和十二年卒年六十

卷二十一

十一

張薦

張薦字孝舉深州陸澤人祖鶯字文成早慧絕倫為  
兒時夢紫文大鳥五色成文止其廷大父曰吾聞五  
色赤文鳳也紫文鸞也若壯殆以文章瑞朝廷乎  
遂命以名調露初登進士策員半千數為公卿稱薦  
文辭猶青銅錢萬選萬中時號鴛青錢學士薦敏銳  
有文辭能為周官左氏春秋初為顏真卿歎賞大曆  
中浙西觀察使李涵表薦才任史官詔授左司禦率

府兵曹參軍以母老辭不就喪除禮部侍郎于邵以  
聞召充史館修撰真卿為李希烈所拘遣兄子峴及  
家僕奏事五章皆留內客省不得出薦上疏盧杞付  
之不報朱泚反詭姓名伏匿城中著史通先生傳京  
師平擢左拾遺詔復用杞為刺史薦與陳京趙需等  
論杞姦惡貞元元年帝親郊時更兵亂禮物殘替用  
薦為太常博士刑部尚書開播持節送咸安公主于  
回紇以薦為判官選擢諫議大夫復為史館修撰方  
裴延齡用事薦將疏其惡延齡欲斥廢薦會遣使冊

卷二十一

十一

王仲舒

王仲舒字弘中并州祁人少客江南與梁肅楊遷游  
有文概貞元中賢良方正高第拜左拾遺德宗欲相  
裴延齡與陽城交章言不可俄遷禮部考功員外郎  
奏議詳雅坐累為連州司戶參軍再徙荆南節度參  
謀元和初召為吏部員外郎知制誥楊憑得美斥去

無敢過其家仲舒屢存之將直憑寬貶映州刺史母  
喪解服除爲婺州刺史州疫旱人病死幾空居五年  
里閭增完穆宗立召爲中書舍人既至視同列率新  
進少年居不樂宰相聞之除江西觀察使初江西推  
酒利穀數斛易斗酒仲舒罷酷錢九十萬有爲佛老  
法典浮屠祠屋者皆驅出境卒于官年六十二

### 獨孤及

獨孤及字至之河南洛陽人爲兒時讀孝經父試之  
曰兒志何語對曰立身行道揚名於後世宗黨奇之

唐

卷二十一

十一

天寶末以有道舉高第代宗以左拾遺召既至上覽  
陳政俄改太常博士或言景皇帝不宜爲太祖及據  
禮條上謚召譴盧奕郭知運等得褒貶之正遷禮部  
員外郎歷濠舒二州刺史歲早鄰郡庸亡什四以上  
舒人獨安以治課加司封郎中徙常州甘露降其廷  
卒及喜暨拔後進如梁肅高參崔元翰陳京唐次齊  
抗皆師事之晚嗜琴有眼疾不肯治欲聽之專也

### 顧少連

顧少連字夷仲蘇州吳縣人舉進士擢上第以拔萃

補登封主簿邑有虎孽民患之少連命塞陷甯獨移  
文嶽神虎不爲害御史大夫于頔薦爲監察御史歷  
吏部侍郎裴延齡方橫嘗與少連會田鎬第酒酣少  
連拔笏曰段秀實笏擊賊臣今吾笏將擊姦臣奮且  
前元友直在坐勸解之改京兆尹先是京畿租賦薄  
厚不能一少連以法均之遷吏部尚書封本縣男徙  
兵部爲東都留守卒年六十二始少連攜少子師閔  
奔行在有詔同止翰林院車駕還授同州叅軍

### 韋夏卿

唐

卷二十一

十四

韋夏卿字雲客京兆萬年人大曆中與弟正卿同舉  
賢良方正授高陵主簿累擢給事中出爲常蘇二州  
刺史徐州節度使張建封疾甚詔夏卿爲徐泗行軍  
司馬且代之未至而建封卒徐軍立其子愔爲留後  
召夏卿爲吏部侍郎時從弟執誼在翰林嘗受人金  
有所干請密以金內夏卿懷中夏卿毀懷不受執誼  
大慙爲東都留守辭疾改太子少保卒年六十四夏  
卿與齊映穆贊贊弟員友善雖同游終年不見其喜  
愠所辟士如路隋張賈李景儉等至宰相

李遜

李遜字友道始署山南東道掌書記累遷濠州刺史初濠州兵謀殺其將陽騰騰走揚州因滅騰家遜至鑄諭利害衆釋鑄自歸擢浙東觀察使當貞元初福建軍亂前觀察使奏益兵三千屯于境以折閩衝遂為長戍幾二十年遜署事即停其兵入為給事中故事天子以畸日聽政對群臣遜奏陛下求治豈宜限以日憲宗悅從之遷戶部侍郎代嚴綬為山南東道節度使時方討蔡柝山南東道為兩節度以韋鄧隋

卷二十一

十一

三州授高震寓得專攻討而遜督襄復郢均房五州後震實戰不勝言為遜所撓下遷久乃為忠武節度使時吳元濟始平遜召會大衆申嚴約束衆遂安長慶初幽鎮繼亂遜首建誅討計不聽詔以兵萬人會行營即日上道先諸軍至為刑部尚書卒年六十三

羅珣

羅珣越州會稽人寶應初詣闕上書授太常寺大祝曹王皋領江西荆襄節度使常著幕府累遷副使舉卒軍亂却府庫珣取首惡十餘人斬以徇環棘廷中

俾投所却庫物一日皆滿乃賞餘黨召為奉天令權廬州刺史政教簡易有芝草白雀淮南節度使杜佑上治狀賜金紫服再遷京兆尹累封襄陽縣男卒

薛珏

薛珏字温如河中寶鼎人以蔭為懿德太子廟令累遷乾陵臺令歲中以清白聞課第一改昭應令遷楚州刺史初州有營田別戶三千備刺史廨役珏至悉條去之租入贏異時觀察使惡其潔誣以罪左授峽州刺史建中初德宗命使者分諸道察官吏升黜焉

卷二十一

十一

而李承狀珏之簡趙贊言其廉盧翰稱其肅書參閱於是拜中散大夫賜金紫入為司農卿為京兆尹珏剛嚴曉法坐善寶參改太子賓客出為嶺南觀察使卒子存慶字嗣德及進士第五遷給事中與韋弘景封駁詔書時稱其直劉總以幽州歸穆宗謂宰相曰必用薛存慶至鎮疽發背卒

戴叔倫

戴叔倫字幼公潤州金壇人師事蕭穎士為門人冠劉晏管鹽鐵表主運湖南至雲安楊惠琳反馳客却

之曰歸我金幣可殺死叔倫曰身可殺財不可奪乃捨之嗣試守撫州刺史民歲爭澆灌爲作均水法獄無繫囚俄卽真其年詔書褒美封譙縣男齊映劉滋執政叔倫勸以屯難未靖金穀之司不輕易人映等重其言遷容管經畧使綏德夷落威名流聞德宗嘗賦中和節詩遣使者寵賜代還卒于道年五十八

徐申

徐申字維降京兆人擢進士第王皋討李希烈檄申以長史行刺史事任職辦臬表其能遷韶州刺史部

唐

卷二十一

十七

自兵興四十年刺史以縣爲治署而令丞雜處民間申按公田之廢者募人假牛犁墾廢以所收半畀之田久不治故肥美歲入凡三萬斛諸工悉所廢受果有差乃徙治故州遷合州刺史踰年進嶺南節度使外蕃咸以珠璣瑁香文犀浮海至申於常貢外未嘗騰索商賈餽盈劉闢反表增發卒五千循馬援故道跡襲蠻抵嶽嶺關不備詔可封東海郡公詔未至卒

郝士美

郝士美字和夫兖州金鄉人父純字高卿舉進士拔

率制策首高第張九齡亦世數稱之自拾遺七遷至

中書舍人處事不回爲宰相元載所忌遂辭疾還東

都號伊川田父十年不出德宗立崔祐甫輔政召爲

太子左庶子不拜以老乞身士美年十二通五經史

記漢書皆能成誦父友蕭穎士顏真卿柳芳與相論

釋嘗曰吾曹異日當交二郝之間矣未冠爲陽翟丞

佐李抱真潞州幕府久乃進房州刺史黔中經畧觀

察使漢州賊向子琪以衆八千阻上剽掠士美討平

之加檢校右散騎常侍封高平郡公遷京兆尹昭

唐

卷二十一

十八

節度使昭義自抱真以來皆武臣私厨月費米羊酒

漆人因甚士美至悉去之又盧從史時日具三百人

膳以餉牙兵士美亦罷之討王承宗也遣大將王獻

督萬人爲前鋒獻恣橫退挽士美卽斬以徇大破賊

會詔班師後爲忠武節度使卒

薛平

薛平字坦塗年十二父爲磁州刺史喪軍以喪歸宿

衛三十年宰相杜黃裳推爲汝州刺史王師討蔡授

鄭滑節度使數戰有功始河溢甄子東泛滑距城繞



二里所平按求故道出黎陽西南因命其佐裴弘泰往請田弘正弘正許之乃籍民田所當者易以他地甌道二十里以醜水悍入爲左金吾衛大將軍未幾復帥鄭滑李師道平詔分淄青齊魯萊五州爲平盧軍徙平爲節度使王庭湊圖牛元翼棣州危詔平出援遷尚書右僕射封魏國公拜河中絳隰節度使召拜太子太保以司徒致仕卒薛從字順之以蔭授左滑道率遷汾州刺史隄文谷瀘河二水引溉公私田汾人利之徙濮州山東大水詔趙傑爲賑郵使傑奏

唐

卷二十一

十九

其才權將作監終左領軍

裴佖

裴佖字弘正第進士補校書郎判高等授藍田尉德宗詔發畿縣民城奉天嚴郢爲京兆政刻急本曹尉章重規疾不敢免佖請代役要如程當時稱其義帝幸梁佖奔見行在授補闕李懷光以河中叛佖建議請討帝深器之詔用盧杞爲澠州刺史與諫官執不可歷遷諫議大夫黔中觀察使韋日文爲夷獠所逐詔佖代之部夷安服歷同州刺史遷尚書右丞改史

部侍郎以疾爲國子祭酒工部尚書卒

裴誥

裴誥字士明擢明經調河南參軍事累遷京兆倉曹參軍母喪居東都會史思明亂逃山谷問思明故爲寬將德寬舊恩且聞誥名遣捕騎跡獲之喜甚呼爲郎君僞授御史中丞賊殘殺宗室誥陰緩之全活者數百人又嘗疏賊虛實於朝事泄思明恨罵危死而免賊平遷考功郎中數燕見奏事代宗幸陝誥徒步追赴行在將擢御史中丞爲元載沮却故拜河東租

唐

卷二十一

二十

廉豐使拜左司郎中數訪政事載退之出爲處州刺史歷饒處三州德宗卽位時大行將廢陵事蔡屠殺尚父郭子儀家奴宰羊誥列奏帝謂不畏強禦善之或曰尚父有社稷功豈不爲庇之誥笑曰非君所知尚父方尊威上新卽位必謂黨附者衆今發其細過以明不恃權耳誥惡法吏舞文或挾宿怨爲重輕因獻獄官箴以諷坐貶閩州司馬俄進兵部侍郎至河南尹凡五世爲河南誥視事未嘗敢當正處以寬厚和易爲治不鞠人以賊卒年七十五



陸淳

陸淳字伯冲七代祖澄仕梁為名儒世居吳明春秋師事趙匡匡師啖助淳盡傳二家學陳少游鎮淮南表在幕府薦之朝授左拾遺累遷左司郎中歷信台二州刺史淳素善書執誼方執誼附叔文竊威柄用其力召為給事中憲宗為太子詔侍讀時執誼懼太子怒已專故以淳侍東官陰伺意解釋左右之淳伺間有所言太子輒怒曰陛下命先生為寡人講學何可及他淳惶懼出執誼未敗時淳病甚太子已即位為臨問加禮卒

劉禹錫

劉禹錫字夢得自言系出中山世為儒擢進士第登博學宏辭科工文章淮南杜佑表管書記人為監察御史素善章執誼時王叔文得幸太子禹錫以名重一時與之交叔文每稱有宰相器太子即位朝廷大議秘策多出叔文引禹錫及柳宗元與議禁中所言必從權屯田員外郎判度支鹽鐵若武元衡不為宗元所喜自御史中丞下除太子右庶子御史賈辭

禹錫挾邪亂政群即日罷韓皋素貴不肯親叔文等斥為湖南觀察使凡所進退視愛惡重輕憲宗立叔文等敗禹錫貶連州刺史未至斥朗州司馬州接後郎諸夷風俗陋甚家喜巫鬼每祠歌竹枝鼓吹禹錫謂屈原居沅湘間作九歌使楚人以迎送神乃倚其聲作竹枝辭十餘篇于是武陵夷悉歌之始坐叔文貶者八人憲宗欲終斥不復宰相哀其才且困將澤濯用之會程异復起領運務方詔禹錫等悉補遠州刺史而元衡方執政諫願言不可用遂罷禹錫久

落魄鬱鬱不自聊其吐辭多諷託幽遠叙強九齡為宰相建言放臣不宜與善地卒無嗣久之召還宰相欲任南省郎而禹錫作玄都觀看花君子詩語譏忿當路者不喜出為播州刺史詔下御史中丞裴度為官播極遠猿狖所宅禹錫母八十餘不能往當與其子死訣恐傷陛下孝治乃易連州又徙夔州刺史禹錫嘗嘆天下學校廢乃奏記宰相當時不用其言由和州刺史入為主客郎中復作游玄都詩且言始謫十年遂京師道士植桃其感若霞又十四年過之無

復一存惟鬼葵燕麥動搖春風耳以詆權近聞者益薄其行俄分司東都宰相裴度薦爲禮部郎中集賢直學士度罷出爲蘇州刺史徙汝周二州遷太子賓客復分司會昌時加檢校禮部尚書卒年七十二德宗棄天下太子立時王叔文以善奕得通籍叔文北海人自言猛之後有遠祖風東平呂溫隴西李景儉河東柳宗元以爲信然

柳宗元

柳宗元字子厚其先蓋河東人從曾祖奭爲中書令得罪武后死高宗時父鎮天寶末遇亂奉母隱王屋山後徙于吳肅宗平賊鎮上書言事擢左衛率府兵曹參軍佐郭子儀朔方府三遷殿中侍御史以事觸寶參貶夔州司馬遂終侍御史宗元少精敏絕倫第進士博學宏辭科授校書郎調藍田尉貞元十九年爲監察御史裏行善王叔文幸執誼二人者奇其才及得政引內禁近與計事擢禮部員外郎欲大進用俄而叔文敗貶邵州刺史不半道貶永州司馬既寬斥地又荒蕪因自放山澤間其埤厄感鬱一寓諸文

卷二十一

十一

傲離騷數十篇讀者咸悲惻雅善蕭倪詒書言情曰僕嘗時年三十三自御史裏行得禮部員外郎超取顯美欲免世之求進者怪怒媚疾可得乎又詒京兆尹許孟容曰宗元於衆黨人中罪狀最甚神理降罰又不能卽死猶對人語言飲食自活迷不知耻日復一日然亦有大故賢者不得志於今必取貴於後古之著書者皆是也然衆畏其才高故無用力者元和十年徙柳州刺史時劉禹錫得播州宗元卽具奏欲以柳州授禹錫而自往播會大臣亦爲禹錫請因改遷州世實柳州十四年卒年四十七既沒柳人懷之託官降于州之堂人有慢者輒死廟於羅池轉念因神以實之云

卷二十一

十一

杜黃裳

杜黃裳字遵素京兆萬年人擢進士第又中宏辭郭子儀辟佐朔方府子儀入朝使主番事李懷光與監軍陰謀矯詔誅大將等以動衆心欲代子儀黃裳得詔判其非以質懷光懷光流汗服罪於是諸將狼駭難制者黃裳皆以子儀命易置衆不敢亂入爲侍御史爲裴延齡所惡十基不遷平盧節度使李師古卒黃裳請乘其未定分之帝不從後討之勞費頗甚卒

唐 卷二十一

如棠計貞元末拜太子賓客居常曲時中人欲請其地賜公主德宗曰城南杜氏鄉里不可易遷太常卿時王叔文用事黃裳未嘗過其門塔常執誼輔政黃裳勸請太子監國執誼曰公始得一官遽開口議禁中事黃裳怒即拂衣去皇太子總軍國事擢黃裳同平章事於是夏綏銀節度使韓全義儉佞無功因其來朝白罷之俄而劉闢叛議者以闢恃險討之或生事唯黃裳固勸不赦因奏罷中人監軍而專委高崇文蜀平群臣賀憲宗目黃裳曰是卿之功黃裳每從

察其言陛下宜鑒貞元之弊整法度服損諸侯則天下治帝以黃裳言忠嘉納之由是平夏剪齊滅蔡復兩河以機乘還宰相紀律設張赫然號中興元和二年以檢校司空爲河中晉絳卽度使俄封邠國公明年卒年七十黃裳達權變有王佐大略初李師古跋扈憚黃裳未敢失禮命一幹吏寄錢數千緡并種車子一乘使者未敢遽送伺候累日有綠輿出從婢二人青衣繼縷言是相公夫人使者遽歸以告師古終身不敢改飾初不爲執誼所禮及敗悉力營救既死

唐 卷二十一

表還其柩葬焉嘗被疾醫者誤進藥疾遂甚終不語譏然除吏不甚別流品通饒謝無紫白名卒後數年御史劾奏黃裳坐納邠寧卽度使高崇文錢按故吏具憑及黃裳子載辭服帝念舊功但流憑昭州原載不問載終太僕少卿載弟勝字賦卿寶曆初擢進士第宣宗感章武舊事元和時大臣子若孫在者多振振之帝嘗問勝勝具道黃裳首建憲宗監國議帝嘉歎拜給事中出爲天平卽度使

李吉甫

李吉甫字弘憲以蔭補左司禦率府會曹參軍貞元初為太常博士年尚少明練典故昭德皇后崩自天寶後中官虛郵禮廢缺吉甫草具其儀德宗稱善李泌竇參器其才厚遇之陸贄疑有黨出為朔州長史贄之貶忠州宰相欲害之起吉甫為忠州刺史使其心焉既至置怨與結懼人益重其量憲宗立入翰林為學士遷中書舍人劉闢拒命帝意討之未決吉甫獨請宜絕朝貢以折姦謀時李錡在浙西厚賂貴幸請用鞠泯故事願監鐵又求宣歙問吉甫對若益以

卷五十一

三

監鐵之餽采石之險是趣其反也帝寤乃以李異為監鐵使高崇文圍鹿頭未下嚴礪請出分州兵與崇文趨果聞以攻渝合吉甫以為非是礪復請大臣為節度吉甫諫曰崇文功且成而又命帥不復盡力矣劉闢平吉甫謀居多吐蕃遣使請尋盟吉甫議誠許盟則南詔怨望中書史滑渙素厚中人劉光琦專恣通賂吉甫劾之伏誅元和二年杜黃裳罷宰相乃擢吉甫同平章事吉甫常病方鎮疆恣至是為帝從容言使屬郡刺史帝然之出郎吏十餘人為刺史自王

叔文時選任猥月吉甫始簿其員人得叙進官無留才又度李錡必反討之必克帝意決復言韞弘在汴州多憚其威誠詔弘子弟率兵為犄角則賊不戰而潰從之詔下錡舉聞徐梁兵與果斬錡降以功封贊皇縣侯徙趙國公德宗以來姑息藩鎮有終身不易地者吉甫為相歲餘凡易三十六鎮裴均以尚書右僕射判度支結黨傾執政會皇甫湜等對策指搃權彊用事者皆怒帝亦不悅均黨因宣言殆執政使然右拾遺獨孤郁李正辭等陳述本末帝乃解吉甫本

卷五十一

四

書實辭羊士諤呂溫薦群為御史中丞群即奏士諤待御史溫知雜事吉甫恨不先白持之久不決群等衝之俄而吉甫病醫者夜宿其第群捕醫者劾吉甫交通術士帝大駭訊之無狀群等皆敗而吉甫亦固乞免因薦裴相自代乃以檢校兵部尚書為淮南節度使吉甫雖居外每朝廷得失輒以聞六年裴相病免復以前官召吉甫還秉政田季安疾甚吉甫請任薛平為義成節度使以重兵控邢洛八年回鶻引兵自西城柳谷侵吐蕃塞下傳言且入寇吉甫曰回鶻

能為我寇當先絕和而後犯邊今不足虞也既而果  
邊夷妄言自蜀平帝銳意欲取淮西方吉甫在淮南  
聞吳少陽立上下搗泮自請徙壽州以天子命招懷  
之反間以梳其黨會討王承宗未及用後田弘正以  
魏歸吉甫知魏人謂田進誠才而唐州乃蔡喉衿請  
拔進誠為刺史以臨賊境且慰魏心元濟擅立吉甫  
以內地無屑齒援因時可取不當用河朔故事與帝  
意合又請自往招元濟苟逆志不悛得指授群帥存  
賊以獻天子不許固請至流涕帝慰勉之會暴疾卒  
年五十七吉甫圖淮西地未及上帝敕其子獻之謚  
曰忠懿始吉甫當國經綜政事衆職咸治引薦賢士  
大夫褒忠臣後與武元衡連位未幾節度劔南屢言  
元衡材宜遠為相及再輔政天下想望風采而稍修  
怨罷李藩宰相而裴垪左遷皆其謀也初政事堂會  
食有巨牀相傳徙者宰相輒罷不敢遷吉甫笑曰世  
俗禁忌何足疑耶撤而新之吉甫居安邑里時號安  
邑李丞相所論著甚多前卒一歲榮感掩太袞上相  
吉甫曰天且殺我再遜位不許子德修亦有志操次

子德裕

杜佑

杜佑字君卿京兆萬年人父希望重然諾所交游皆  
一時俊傑為安陵令都督宋慶禮表其異政坐小累  
去官開元中交河公主嫁突騎施詔希望為和親判  
官信安郡王洺表署靈州別駕開內道度支判官自  
代州都督召還京師封邊事玄宗才之屬吐蕃攻勃  
律乞歸右相李林甫方領隴西節度使故拜希望鄴  
州都督知留後馳傳度隴破鳴莽乘斬千餘級進拔  
新城擢鴻臚卿於是置鎮西軍希望居數歲芻粟金  
帛豐餘官者牛僮童行邊或勸希望結其驩荅曰以  
貨落身吾不忍僮童還奏希望不臧下遷恒州刺史  
徙西河而僮童受諸將金事泄抵死丹金者皆得罪  
佑以蔭補濟南參軍事剡縣丞嘗過潤州刺史常元  
甫元甫以故人子待之不失禮他日元甫有疑獄不  
能決試訊佑為辨慶元甫奇之楊炎輔政後為改  
度支兼和親使於是軍興餽漕佑得制決以戶部侍  
郎判度支建中初盧杞當國惡之出為蘇州刺史時

刺史母喪解佑母在辭不行改饒州俄出爲嶺南節度使朱崖黎氏三世保險不負佑討平之召拜尚書右丞徐州節度使張建封卒軍亂詔佑檢校尚書右僕射討定之十九年拜同平章事於是王叔文爲副佑旣以宰相不親事叔文遂專權叔文欲播東宮莫佑爲助佑不應乃謀逐之未決而敗佑更薦李巽以自副明年拜司徒封岐國公党項陰導吐蕃爲亂諸將邀功請討之佑以爲無良邊臣有爲而叛上疏諫與師歲餘乞致仕不聽回乞骸骨帝不得已許之元和七年卒年七十八佑爲人平易遜順與物不違忤人皆愛重之方漢胡廣議者稱佑治行無缺惟晚年以妾爲夫人有所蔽云

### 權德輿

權德輿字載之未冠以文章稱諸儒間德宗聞其才召爲左補闕正元八年關東淮南浙西大水德輿建言天下大計仰於東南宜擇群臣明識通方者持節勞徠帝乃遣奚陟等四人循行慰撫裴延齡以巧佞進判度支德輿上疏斥言延齡疏奏不省遷起居舍

人兼知制誥時帝親攬庶政重除拜德輿獨直兩省乃上書言要重之司不宜久廢帝曰非不知卿之勞但擇如卿者未得其人耳久之知禮部貢舉凡三歲甄品詳諦十九年大旱德輿上陳國政憲宗元和初拜禮部尚書同平章事帝嘗問政之寬猛孰先對曰唐家承隋苛虐以仁厚爲先李吉甫再秉政帝又用李絳參贊大機是時帝切於治事巨細悉責宰相吉甫終論事不能無持異至帝前遲言亟辯德輿從容不敢有所輕重坐是罷爲東都留守卒諡曰文德輿生三歲知變四歲四歲能賦詩嘗著論辨漢所以亡西京以張禹東京以胡廣

### 裴垵

裴垵字弘中絳州聞喜人擢進士第以賢良方正對策第一補美原尉藩府交辟不就四遷考功員外郎鄭珣瑜委垵校辭判憲宗元和初召入翰林爲學士再遷中書舍人李吉甫始執政以情謂垵曰我落魄遠裔更十年始相天子比日人物吾情不及知且宰相職當進賢任能若精鑒爲我言之垵即累疏三十

詩人吉甫藉以薦於朝天下翕然稱得人坐覆視皇  
甫漫牛僧孺等對策非是罷學士爲戶部侍郎吉甫  
罷乃拜均同平章事吐突承瓘自東宮得侍恩顧親  
渥承瓘欲有圖說帝憚均誠使勿言帝在殿中常呼  
均官而不名敬南節度使楊於陵爲監軍許遂振所  
誣詔授冗官均曰以一中人罪藩臣陛下之法安在  
更授美官嚴綬守太原政一出監軍李輔光均劾其  
懦以李鄴代之王永宗擅襲節度帝方屢削叛逆意  
必取之又承瓘每欲撓均權因探帝意自請往於時  
唐 卷五十一 九

李藩

李藩字叔翰其先趙州人父承仕爲湖南觀察使有  
名於時藩少沈靖有微局居父喪家本饒財姻屬來  
所有持去者未嘗問益務施與居數年累壽年四十  
餘困廣陵間不自振杜亞居守東都表致府中亞嘗  
疑牙將令狐運爲盜掠服之藩爭不從輒去後果獲  
真盜稍知名徐州張建封辟節度府建封卒濠州刺  
史杜兼疾驅至陰有覲望藩泣謂宜速遂否則以法  
劾君兼錯忤去恨之因誣奏建封死藩憾其軍有非  
望德宗怒密詔徐泗節度使杜佑殺之佑雅器藩曰  
吾以閩門保君矣帝未之信亟追藩旣入帝望其狀  
貌曰是豈作亂人邪釋之拜秘書郎時王紹得君邀  
藩與相見當即用終不請王仲舒與同舍郎常成季  
呂洞日置酒邀賓客相樂慕藩名彙致之仲舒等爲  
俳說更語相狎昵藩一見謝不往累擢吏部郎中坐  
小累左授著作郎再遷給事中制有不便就勅尾批  
卻之吏爲請聽他終藩曰職祗是牒豈曰勅耶裴均  
白憲宗謂藩有宰相器會鄭絳罷因拜同平章事河  
東節度使王鐔賂權近求兼宰相密詔鐔可兼宰相



藩遽取筆滅宰相字署其左曰不可遽奏之宰相權德輿失色曰可以筆塗詔邪藩曰勢迫矣出今日便不可止既而事得寢李吉甫復相藩頗沮止會吳少陽襲淮西節度吉甫已見帝潛欲中藩即奏曰道逢中人假印節與吳少陽臣為陛下恨之帝變色不平翌日罷藩為太子詹事後數月帝復思藩召對殿中事寢釋明年為華州刺史未行卒年五十八謚曰貞肅藩材能不及常貫之裴均然人物清整是其流亞云

唐 卷五十一 十一

常貫之

常貫之名純避憲宗諱以字行父肇大曆中為中書舍人累上疏言得失為元載所惡左遷京兆少尹久之改秘書少監載誅除吏部侍郎代宗欲相之會卒謚曰貞貫之及進士第為校書郎擢賢良方正異等補伊闕渭南尉河中鄭元澤潞都士美以厚幣召皆不應居貧噉豆糜自結再遷長安丞或薦之京兆尹李實實舉笏示所知曰此其姓名也與我同里素聞其賢或者喜以告貫之唯唯不往官亦不遷末貞時

始為監察御史舉其弟纁自代及為右補闕纁代為御史宰相杜佑子從郁為補闕貫之與崔群持不可換左拾遺復奏拾遺補闕為諫官等宰相政有得失使從郁議是子而議父殆不可訓卒改他官遷禮部員外郎新羅人金忠義以工巧幸擢少府監蔭子補齋郎貫之不與進吏部員外郎坐考賢良方正牛僧孺等策獨署奏出為果州刺史半道貶巴州久之知制誥進中書舍人宰相裴均嘗三奏事憲宗不從貫之曰公亦以進退決請乎改禮部侍郎嘗從容奏曰

唐 卷五十一 十二

禮部侍郎重於宰相帝曰侍郎是宰相所除安得重曰然為陛下揀宰相者得無重乎帝美其言改尚書右丞俄同中書門下平章事討吳元濟也貫之請釋鎮州專力淮西皇甫鎔張宿皆以幸進宿使淄青裴度欲為請銀緋貫之曰宿姦佞吾等縱不能斥奈何欲假以寵乎由是宿等恐陰構之又與度論兵帝前議頗駁故罷左拾遺郭求上疏申理出貫之為湖南觀察使不三日常顛李正辭薛公幹李宣常處厚崔詔坐與貫之厚善悉貶為州刺史穆宗立即拜湖南



尹以工部尚書召未行卒年六十二謚曰文貞之沈厚寡言與人交終歲無款曲不為偽詞以悅人為右丞時內僧造門曰君且相貫之命左右引出曰此妄人也居輔相裴均子持萬緡請撰先銘答曰吾寧餓死豈能為是哉生平未嘗通饋遺故家無羨財

### 鄭餘慶

鄭餘慶字居業鄭州滎陽人三世皆顯宦餘慶擢進士第嚴震帥山南西道奏置幕府貞元初還朝擢庫部郎中為翰林學士以工部侍郎知吏部選貞元十

唐

卷五十二

十三

四年拜同平章事貶彬州司馬順宗以尚書左丞召會憲宗立即其官復拜同平章事時主書滑渙與宦人劉光琦相倚為姦每宰相議為光琦沮變者令渙往請必得由是四方貨餉奔委之第泳至官刺史杜佑鄭綱執政頗姑息而佑常行輩待不名也至餘慶議事渙傲然指畫諸宰相前餘慶叱去未幾罷為太子賓客後渙以贓敗帝寤問叱去事善之改國子祭酒累遷吏部尚書出為山南西道節度使遷尚書左僕射僕射比非其人及餘慶以宿德進公論浩然歸

重餘慶引韓愈李程為副崔郾陳佩楊嗣復庾敬休

為判官凡損增儀矩號稱詳衷封滎陽郡公穆宗立

加檢校司徒卒年七十五與從父綱家昭國坊綱第

在南餘慶第在北世謂南鄭相北鄭相云子潛本名

潛避玄宗故改馬第進士累遷右補闕敢言無所諱

憲宗謂餘慶曰涇卿令子而朕直臣也餘慶為僕射

避除國子博士史館脩撰文宗立入翰林為侍講學

士累進尚書左丞出為山南西道節度使始餘慶在

與元創學廡漸嗣完之以戶部尚書召未拜卒年六

唐

卷五十二

十四

十四四子處晦從諱尤知名處晦字廷美歷刑部侍郎

即浙東觀察宣武節度使卒先是李德裕次柳氏舊

開處晦請未詳更撰明皇雜錄為時盛傳

### 鄭珣瑜

鄭珣瑜字元伯鄭州滎澤人少孤值天寶亂退耕陸

渾山以養母不干州里轉運使劉晏奏補寧陵宋城

尉山南節度使張獻誠表南鄭丞皆謝不應大曆中

以諷諫主文科高第授大理評事調陽翟丞以拔萃

為萬年尉崔祐甫為相擢左補闕出為涇原帥府判

官人拜侍御史刑部員外郎以母喪解訖喪遷吏部  
貞元初詔擇十省郎治畿輔珣瑜檢校本官兼奉先  
令明年進饒州刺史入為諫議大夫四遷吏部侍郎  
為河南尹未入境會德宗生日尹當獻馬吏欲前取  
印白珣瑜視事且內贊珣瑜徐曰未到官而遽事獻  
禮歎不聽時韓全義將兵伐蔡河南主僦運百姓不  
知僦運勞復以吏部侍郎召進同平章事李實為京  
兆尹剝下務進奉珣瑜顯詰之順宗立即遷吏部尚  
書王叔文起州吏為翰林學士鹽鐵副使內交奄人

唐

卷五十一

十五

樓撓政樓常執誼為宰相居外奉行叔文一日至中  
書見執誼直吏白方宰相會食百官無見者叔文疑  
叱吏吏走人白執誼起就閣與叔文語珣瑜與杜祐  
高郢駁奏以待頃之吏白二公同飯矣珣瑜曰吾  
可復居此乎命左右取馬歸臥家不出七日罷為吏  
部尚書亦會有疾數月卒年六十八

高郢

高郢字公楚其先自渤海徙衛州遂為衛州人父伯  
祥為好時尉安祿山開京師將誅之郢尚幼解衣請

代賊義并貸之寶應初及進士第代宗為太后營華  
敬寺郢以白衣上書諫曰臣聞神人無功者不為有  
功之功聖人無名者不為可名之名不為有功之功  
故功莫大不為可名之名故名莫厚陛下之營作臣  
竊惑之以茂才異行高第累擢咸陽尉郭子儀取為  
朔方掌書記子儀怒判官張壘奏抵死郢引救甚力  
李懷光引佐邠寧府懷光將還河中郢勸不如西迎  
乘輿懷光反方銳不聽時渾瑊提孤軍抗賊群將未  
集郢恐為懷光所乘與李鄴固止之會懷光子堆候

唐

卷五十一

十六

郢因骨說曰君視天寶以來羸兵者今尚誰在瑊  
大懼流汗不能語郢因與其將昌鳴岳張延英謀間  
道歸國事洩懷光先斬二將然後引郢詰請郢抗詞  
無所愧隱觀者為泣下懷光怒赦之孔巢父遇害郢  
撫屍而哭懷光已誅李晟表其忠馬燧奏管書記召  
拜主客員外郎進以部侍郎貞元末擢同平章事順  
宗立病不能事王叔文黨根據朝廷帝始詔皇太子  
監國而郢以刑部尚書罷明年為華州刺史政尚仁  
靜初駱元光自華引軍戍良原元光卒軍人神策而

州仍歲餉其糧耶奏罷之數月改兵部尚書右僕射致仕卒郢之相也與鄭珣瑜同拜既叔文用事珣瑜稱疾不出郢未有所建白俄與珣瑜同免故議者賢珣瑜而咎郢子定

蔣又

蔣又字德源常州義興人徙家河南祖瓌開元中私文館學士父將明天寶末辟河中使府安祿山反以計佐其帥全奔潞等州兩京陷被拘乃陽狂以免又性銳敏七歲時見庾信哀江南賦再讀輒誦外祖其

唐

卷二十一

十七

魏位史官又幼從外家學得其書博覽強記冠絕縉紳籍籍有史才楊絳尤稱之將明在集賢值兵興圖籍散舛白宰相請引入入院助力整比宰相張鑑亦奇之署集賢小織又料次踰年各以部分得善書三萬卷再遷王屋尉充太常禮院修撰貞元九年權右拾遺史館修撰張孝忠子茂宗尚義章公主母亡遺言丐成禮帝念孝忠功即日召為左衛將軍許主下降又上疏以為未有奪喪尚主者十八年遷起居舍人轉司勳員外皆兼史任詔兼判集賢院事父子為

學士儒者榮之遷兵部郎中與常賈之許孟容為制

勅三十篇為開元格後勅與獨孤郁常處厚修德宗

實錄遷右諫議表相罷宰相而李吉甫惡均以嘗監

修故授又太常少卿久之遷秘書監封義興縣公卒

年七十五又在朝廷久居史職二十年每有大政事

議論宰相未能決必咨訪之嘗跪裴延齡罪惡及拒

王叔文當世高之子借以父任歷右拾遺史館修撰

轉補闕主客郎中初柳芳作唐曆大曆以後缺而不

錄宣宗詔崔龜從常渙李蔚嚴彥遠及偕等分年撰

唐

卷二十一

十八

次靈元和以續云累遷太常少卿大中八年與盧

牛勣王溫履告換次文宗實錄蔣氏世稱儒雅仲及

孫子兆能以辭章登進士第三世踵修國史

沈既濟

沈既濟蘇州吳人經學該明吏部侍郎揚炎稱善之

既執政薦既濟有良史才召拜左拾遺史館修撰德

宗立鏡于治建中二年諫分置待詔官得罪既濟坐

貶廣州司戶參軍後入朝位禮部員外郎卒撰建中

實錄子傳師字子言能治春秋工書有楷法少為杜

佑所器貞元末舉進士時給事中許孟容禮部侍郎  
權德輿樂輓較士號權許德輿稱之于孟容遂擢第  
復登制科授太子校書郎直史館翰林缺承旨次當  
傳師穆宗欲面命辭稱疾出帝遣中使召李德裕素  
與善開曉諄切終不出遂以本官兼史職俄出爲湖  
南觀察使寶曆二年入拜尚書右丞復出江西觀察  
使徙宣州傳師於吏治明吏不敢罔所流以廉靖聞  
入爲吏部侍郎卒年五十九傳師更二鎮十年無書  
誦入于家其僚佐如李景讓蕭真杜牧極當時選云

唐

卷二十一

十九

盧綸字允言河中蒲人避天寶亂客鄱陽大曆初數  
舉進士不入第元載取綸文以進補閭鄉尉累遷  
察御史輒稱疾去坐與王縉善久不調渾瑊鎮河中  
辟元帥判官嘗朝京師是時舅韋渠牟得幸德宗表  
其才召見禁中帝有所作輒使廣和異日問渠牟盧  
綸李益何在答曰綸從渾瑊在河中驛召之會卒綸  
與吉中孚韓翃錢起司空曙苗綰崔峒耿湓夏侯審  
李端皆能詩齊名擘大曆十才子憲宗詔中書舍人

張仲素訪集遺文文宗尤愛其詩尚宰相綸文章幾  
何亦有子石李德裕對綸四子簡能簡辭弘正簡來  
皆擢進士第仕臺閣帝遣中人悉索家筒得詩五百  
篇以聞中孚鄱陽人官戶部侍郎翊字君平南陽人  
侯希逸表佐淄青幕府罷十年不出李勉在宣武復  
辟之俄以駕部郎中知制誥時有兩韓翃其一爲刺  
史宰相請孰與德宗曰與詩人韓翃終中書舍人起  
吳興人天寶中舉進士與郎士元齊名時語曰前有  
沈宋後有錢郎終考功郎中翊字文初廣平人從韋

唐

卷二十一

二十

奉宇嗣南將虞部郎中參書卿子終都官員外郎  
終右補闕淳右拾遺審侍御史端趙州人始郭曖尚  
昇平公主主賢明有才思尤招納士故端等多從曖  
遊曖嘗進官大集客端賦詩最工錢起曰素爲之請  
賦起姓端立獻一章又工于前客乃服主賜帛百後  
移疾江南終杭州司馬

歐陽詹

歐陽詹字行鳳泉州晉江人其先皆爲本州州佐縣  
令閩越地肥行有山泉食魚能通文書更事不肯

北官及常袞罷宰相爲觀察使始擇縣鄉秀民能文辭者與爲賓主鈞禮遊觀饗集必與里人矜耀故其俗稍相勸仕初詹與羅山甫同隱潘湖往見袞袞奇之舉進士與韓愈李絳崔群王涯馮宿庾承宣聯策皆天下選時稱龍虎榜閩人第進士自詹始與愈友善詹先爲國子監四門助教率其徒伏闕下舉愈博士卒年四十餘崔群哭之甚愈爲詹哀辭

韓愈

韓愈字退之鄧州南陽人七世祖茂有功於後魏封

唐

卷五十二

十一

安定王父仲卿爲武昌令有美政終祕書郎愈生三歲而孤隨伯兄會貶官嶺表會卒嫂鄭鞠之愈讀書擢進士第會董晉爲宣武節度使表署觀察推官晉卒愈從喪出不四日汴軍亂乃去依武寧節度使張建封建封辟府推官調四門博士遷監察御史上疏極論官市德宗怒貶陽山令有惠愛民生子多以其姓字之改江陵法曹參軍元和初權知國子博士分司東都改都官員外郎即拜河南令遷職方員外郎復爲博士既才高數黜官又下遷乃作進學解以自

論改比部郎中史館修撰轉考功知制誥進中書舍

人初憲宗將平蔡命御史中丞裴度使諸軍按視及

還與宰相議不合愈奏言賊可滅在朝廷斷與不斷

耳會有人詆愈在江陵時爲裴均所厚改太子右庶

子度奏愈行軍司馬命請先入汴說韓弘使協力

元濟平遷刑部侍郎憲宗遣使者往鳳翔迎佛骨入

禁中愈上表切諫帝大怒持示宰相將抵以死裴度

崔群力救乃貶潮州刺史帝欲復用之皇甫鎛素忌

愈直改袁州刺史初愈至潮州問民疾苦皆曰惡溪

唐

卷五十三

十一

有鯉魚食民畜產且盡民以是窮數日愈自往視之

令其屬奉祭以一羊一豚投谿水作文而祝之祝之

夕暴風震電起谿中數日水盡涸西徙六十里自是

潮無鱷魚患袁人以男女爲隸過期不贖則沒人之

愈至悉計庸得贖所沒歸之父母七百餘人因與約

禁其爲隸召拜國子祭酒轉兵部侍郎鎮州亂殺田

弘正而立王廷湊詔愈宣撫旣行衆皆危之元稹言

韓愈可惜稹宗亦悔詔愈度事從宜無必入愈至廷

湊嚴兵迂之甲士陳廷愈大聲曰天子以公爲將

帥材故賜以節豈意同賊反邪廷湊慮衆變疾麾使去因曰今欲廷湊何所爲愈曰神策六軍將如牛元翼者爲不乏但朝廷顧大體不可棄之公久圍之何也廷湊曰卽出之愈曰若爾則無事矣會元翼亦潰圍出廷湊不追愈奏其語帝大悅轉吏部侍郎時宰相李逢吉惡李紳欲逐之遂以愈爲京兆尹兼御史大夫特詔不臺參而除紳中丞紳果劾奏愈愈以詔自解其後文刺紛紛宰相以臺府不協遂罷愈爲兵部侍郎而出紳江西觀察使紳見帝得留愈亦復爲

唐

卷五十一

廿二

吏部侍郎長慶四年卒年五十七贈禮部尚書諡曰文愈性明銳不詭隨與人交始終不少變成就後進士往往知名經愈指授皆稱韓門弟子愈官顯稍謝遣凡內外親若交友無後者爲嫁孤女而卹其家嫂鄭喪爲服甚以報其原道原性師說等數十篇皆與衍閣深與孟軻楊雄相表裏而佐佑六經云

李翱

李翱字習之後魏尚書左僕射冲十世孫中進士第始調校書郎累遷元和初爲國子博士史館修撰常

謂史官記事不得實又條興復太平大畧再遷考功員外郎初諫議大夫李景儉表翱自代景儉斥翱下除朗州刺史久之召爲禮部郎中翱性峭鯁見宰相李逢吉面斥其過失逢吉詭不校更表爲廬州刺史入爲諫議大夫知制誥改中書舍人相者使滄州翱感言其才者得罪左遷後歷遷山南東道節度使卒

孟郊

孟郊者字南野湖州武康人少隱嵩山愈一見爲忘形交年五十得進士第調溧陽尉縣有投金瀨平廢城林薄蒙野下有積水郊聞往坐水旁斐然賦詩而曹務多廢令白府以假尉代之分其半奉鄭餘慶爲東都留守署水陸轉運判官餘慶頗與元奏爲參謀卒年六十四

張籍

張籍字文昌和州烏江人第進士爲太常寺太祝久次遷秘書郎愈薦爲國子博士歷水部員外郎主客郎中嘗時有名士皆與游而愈賢重之籍爲詩長於樂府多警句仕終國子司業

皇甫湜

皇甫湜字持正睦州新安人擢進士第為陸渾尉仕至工部郎中下急使酒數忤同省求分司東都留守裴度辟為判官度修福先寺將立碑求文於白居易湜怒曰近捨湜而遠取居易請從此辭度謝之湜即請斗酒飲酣援筆立就度噴以車馬繒綵甚厚湜大怒曰自吾為顧况集序未嘗許人今碑字三千字三縑何遇我薄邪度笑曰不韜之才也從爾酬之湜嘗為蜂螫指購小兒飲蜂搗取其液一日命其子錄詩一字誤詎躍呼杖杖未至滿臂血流

李賀

李賀字長吉系出鄭王後七歲能辭章韓愈皇甫湜大驚每旦日出騎弱馬從小奚奴背古錦囊遇所得書投囊中毋使婢探囊中見所書多即怒曰是兒要嘔出心乃已耳以父名晉肅不肯舉進士愈為作諱辨然卒亦不就為協律郎卒年二十七與游者權璩陽敬之王恭元每誤著時為所取去賀亦早世故其詩歌傳者鮮焉

盧仝

盧仝居東都愈為河南令愛其詩厚禮之仝自號玉川子嘗為月蝕詩以譏切元和逆黨愈稱其工時又有賈島劉義皆韓門弟子

賈島

賈島字浪仙范陽人初為浮屠名元本來東都時洛陽令禁僧午後不得出島為詩自傷愈憐之因教其為文遂去浮屠舉進士當其苦吟雖逢值公卿貴人皆不之覺也一日見京兆尹陸贄不避諱詰之久乃

卷二十一

廿一

得釋累舉不中第文宗時坐飛謗貶長江主簿會屋初以普州目倉奉軍遷同戶未受命卒年六十五

劉義

劉義者亦一節士少放肆為俠行因酒殺人亡命會赦出更折節讀書能為歌詩聞愈接天下士步趨之樊宗師見為獨拜能面道人短長後以爭語不能下賓客因持金數斤去曰此諛墓中人得耳不若與劉君為壽愈不能止

李觀



李觀字元寶貞元中舉進士宏辭授太子校書郎卒年二十九觀屬文不旁沿前人時謂與韓愈相上下及觀少夭而愈後文益工議者以視文未極愈老不休故卒擅名並希聲以爲觀尚辭故辭勝理愈尚質故理勝辭雖愈弱老終不能加觀之辭觀後愈死亦不能逮愈之質云

皮日休

皮日休字襲美襄陽人咸通丙戌中日休射策不上第退歸州之別墅編次其文復將貢於有司發篋叢

唐

卷二十一

廿七

萃繁如藪澤因名其書曰文藪焉亦由食魚遇鯖持肉偶膜皮子世錄著之於後亦太史公自序之意也又請孟子爲科舉書曰子不異乎道者孟子也咸通十年崔璞守蘇辟日休爲軍事判官與陸龜蒙爲友著鹿門隱書數十篇子光業字文通爲吳越相孫燦官瀉臚寺卿

唐列傳卷之二十三

裴度

裴度字中立河東聞喜人貞元初擢進士第以宏辭補校書郎舉賢良方正具等調河陰尉遷監察御史論權嬖梗切出爲河南功曹參軍武元衡帥西川召爲起居舍人元和六年以司封員外郎知制誥田弘正效魏博六州於朝憲宗遣度宣諭弘正知度爲帝高選故邾迎趨謁受命且請徧至屬州布揚天子德澤魏人由是歡服進御史中丞宣徽五坊小使方秋聞屬物所過梳官司厚得餉謝乃去下邳令裴憲才吏也不爲禮因構憲出醜言送詔徵當大不恭宰相武元衡婉辭爭帝怒未置度見廷英言憲無辜當憲曰憲誠無罪杖小使小使無罪且杖憲度曰憲爲令惜陛下百姓安可罪帝色霽乃釋憲王師討蔡以度視行營諸軍還奏攻取策與帝意合且薦李光顏進兼刑部侍郎王承宗李師道謀緩蔡兵乃伏盜京師刺用事大臣已害元衡又擊度議者欲罷度安二鎮反側帝怒不許度亦以權綱未張王室陵遲常憤慨



無死所自行營歸知賊曲折帝益信伏拜同平章事  
始德宗昔尚苛伺中朝士相遇金吾輒飛啟宰相至  
闕門謝賓客度以時多故宜延天下髦英咨籌策建  
請還第與士大夫相見詔可時討蔡數不利十二年  
宰相逢吉涯建言餉億煩匱宜休師唯度請身督戰  
帝獨目度留口果為朕行乎度俯伏流涕曰臣誓不  
與賊偕存初逢吉忌度帝惡居中統沮出之外度屯  
郾城勞諸軍宣朝廷厚意是時諸道兵悉中官統監  
與奏罷之未幾李愬夜入縣城縛吳元濬以獻度  
德進晉國公復知政事程昇皇甫鏗以官財賦奉使  
潤相度三上書極論不可帝不納蔡平王承宗繼  
與邈耕士柏耆皆說乃獻德棣二州納質子又諭程  
權人覲始判滄景德棣為一鎮朝廷命帥而承宗勢  
乃離李師道怙愷度密勸帝誅之乃詔宣武義成武  
寧橫海四節度會田弘正致討帝嘗誨臣事若當屬  
善底公朕惡夫樹黨者度曰君子小人以類而聚未  
有無徒者在陛下觀所行則辨已而卒為錫昇所構  
為河東節度使穆宗即位進檢校司空朱克融王廷

卷五十三

三

奏亂河朔加度鎮州行營招討使時元稹顯結宦官  
魏弘簡求執政憚度復當國因經置軍事數居中持  
梗不使有功度恐亂作即上書痛暴積過惡帝不得  
已罷弘簡積近職俄擢相以度守司空平章事  
東都留守諫官叩延英言不可罷度兵搖衆心會中  
人使幽鎮還言軍中謂度居東人人失望帝悟詔度  
由太原朝京師及陛見始陳二賊畔渙受命無効計  
陳所以入覲意感淚流涕始議者謂度無與援且其  
勇為奸愴排抑慮帝未能明其忠及進見辭切氣怡  
卓然當天子意乃拜度守司徒領淮南節度使會昭  
義監軍劉承偕慢劉悟舉軍諱怒執承偕悟樹以聞  
帝怒問度何施而可度頓首謝潘臣不與政辭不對  
帝疆之度曰必欲收忠義心使帥臣死節獨斬承偕  
則四方群盜隱然賊膽矣帝曰顧太后養為子且我  
何愛更言其次度曰投諸荒裔可乎帝曰可悟果出  
承偕昭義遂安是時徐州王智興逐崔群諸軍盤互  
河北進退未一議者交口請相度乃以本官兼中書  
侍郎平章事權仗側目謂李逢吉險賊善謀可以構

卷五十三

三

度共諷帝自乘陽召逢吉還拜兵部尚書度若位冊  
閣月果為逢吉所間罷為左僕射帝暴風眩中外不  
聞問者凡三日度數請到內殿求立太子翌日乃見  
帝遂立景王為嗣逢吉既代相思有以茅孽之引所  
厚李仲言張又新李績張權輿等內結宦官種文黨  
醜沮日間乃出度山南西道節度使長慶四年王廷  
滂屠元翼之家敬宗羞悅款宰輔非其人學士常處  
厚上疏薦度帝感悟於是復度兼平章事實曆二年  
度請入朝逢吉黨大懼權輿作偽語欲以傾度天子  
獨能明其誣詔復使輔政先是帝將幸東都大臣切  
諫不納度言因止行汴宋觀察使令狐楚言亳州聖  
水出飲者疾輒愈度判曰妖由人興水不自作命在  
所禁塞朱克融執賜衣使者楊文端詭言慢已分詔  
所賜濫惡又旬假度支帛二十萬匹不者軍必有變  
且請遣工五千助治東都湏天子東巡帝怒患之欲  
遣重臣臨慰度曰陛下無庸遣重使第以詔書言中  
人保騎頓還我自責譴春服不謹方請有司所上工  
宜卽遣已詔在所供擬此則賊謀窮矣陛下若未能

然則答官室營繕既有序毋遣工為重勞朝廷緣召  
發乃有賜予朕無所愛獨與范陽體不可爾帝曰善  
用度次策克融聽命歸文端未幾軍亂殺克融帝崩  
定策誅劉克明迎立江王是為文宗加門下侍郎李  
全畧死子同捷求襲滄景軍度奏討平之即陳調兵  
食非宰相事請罷度支歸有司奏可太和四年詔進  
司徒平章軍國重事度自見功高位極不能無慮稍  
詭跡避禍於是牛僧孺李宗閔同輔政媾度助業久  
居上欲有所逞乃共訾其跡損短之因度辭位即自  
帝進兼侍中出為山南東道節度使八年復東都留  
守俄加中書令李訓之禍宦官肆威以逞凡訓注宗  
姬賓客悉收逮訊報苛慘度上疏申理全活數十姓  
時閹豎擅威天子擁虛器縉紳道喪度不復有經濟  
意乃治第東都集賢里沼石林叢岑綠幽勝午橋作  
別墅其樓館涼臺號綠野堂激波其下度野服蕭散  
與白居易劉禹錫為文章把酒窮晝夜相歡不同人  
間事而帝知度年雖艾神明不衰每大臣自洛來必  
問度安否開成二年復以本官節度河東度年辭遂

上道度乃之鎮易定節度使張瑄卒軍中將立其子元益度遣使曉譬禍福元益懼束身歸朝三年以病旬還東都真拜中書令度堯年七十六謚文忠度退然繞中人而神觀適奕操守堅正善占對既有功名震四夷使外國者其君長必問度年今幾狀貌孰若天子用否其威譽德業比郭汾陽而用不用常為天下重輕事四朝以全德始終五子識論知名論籍蔭累官考功員外郎宣宗恩度勳聖故用論有加為翰林學士適會帝幸其院取御香果以賜論舉衣跪受

帝

卷五十三

六

鄭綱

鄭綱字文明餘慶從父行也擢進士宏辭高第張廷賞帥劔南奏署掌書記入為起居郎翰林學士累遷中書舍人德宗自興元還置六軍統軍視六尚書以處功臣除制用白麻付外又廢宣威軍益左右神策以監軍為中尉實文場恃力除諷宰相進擬如統軍比綱當作制奏言一封建或用宰相以白麻署制付中書門下今以命中尉不識陛下特以寵文場邪遂著為令也帝悟謂文場文場叩頭謝更命中書作詔并罷統軍白麻矣順宗病不得語王叔文與牛勗人用事權震中外憚廣陵王雄鷹欲危之帝召綱草立太子詔綱不請輒書曰立嫡以長疏曰之帝意乃定憲宗即位拜同平章事遷門下侍郎始盧從史陰與王承宗連和有詔歸洛從史辭洛乏粮請留軍山東李吉甫密謂綱漏言於從史帝怒坐浴堂殿召學士李絳語其故絳曰綱任宰相識名節不當如犬彘象貌與姦臣外通恐吉甫勢軋內忌造為醜辭以怒陛下帝良久曰幾誤我先是杜黃裳方為帝夷削節度疆王室建議裁可不關決于綱綱常默然居位四

帝

卷五十三

七

年罷為太子賓客文宗太和中以太子太傅致仕卒年七十八

武元衡

武元衡字伯蒼曾祖載德則天皇后之族弟祖平一有名元衡舉進士累為華原令移疾去德宗欽其才召拜比部員外郎歲內三遷至右司郎中以詳整任職擢為御史中丞嘗對延英帝目送之曰是真宰相器順宗立王叔文使人誘以為黨拒不納劉禹錫求為判官元衡不與憲宗元和二年拜同平章事兼判

唐

卷廿三

八

戶部事帝素知元衡堅正有守故應禮信任異它相浙西李錡求入覲既又稱疾欲除其期帝問宰相網網請聽之元衡不可帝然之遣追錡而錡計窮果反是時蜀新定高宗文為節度不知吏治帝難其代詔元衡為劍南西川節度使封臨淮郡公元衡至緣靖約束儉已寬民八年召還乘政李吉甫李絳數爭事帝前不叶元衡獨持正無所通附吉甫卒淮蔡用兵悉以機政委之王承宗上疏請數與元濟使人自事中西悻悻不恭元衡叱去承宗怒數上章詆詆未

幾元衡入朝出靖安里第夜漏未盡賊乘暗呼曰滅燭射中肩復擊其左股徒御格鬪不勝皆駭走遂宵

元衡批頰骨持去帝震驚贈司徒謚曰忠愍弟儒衡字延后元衡歿帝行之益厚知諫議大夫事俄兼知制誥皇甫鎛以宰相領度支剝下以媚天子儒衡疏其狀儒衡論議勁正有風節且將大用宰相令狐楚忌之遷中書舍人琦元稹倚宦官知制誥儒衡鄙厭之會食瓜瓟集其上儒衡彈以扇曰適從何處來遽集於此一坐失色然以疾惡太分明終不至大任以

唐

卷廿三

九

兵部侍郎卒年五十六

李絳

李絳字深之系本贊皇擢進士宏辭元和二年授翰林學士俄知制誥會李錡誅憲宗將舉取其質絳與裴相諫願賜本道貸貧民租稅制可帝嘗稱太宗玄宗之盛絳對以尊道德遠邪佞進忠直帝曰比諫官多朋黨論奏不實皆陷謫詎欲出其尤者若何絳曰此非陛下意必佞人以此愛誤上心初吐突承理討王承宗無功遷加開府儀同三司絳奏承理喪師當

抵罪又數論宦官橫肆方鎮進獻等事進中書舍人  
烏重胤縛盧從史而承瓘驟署昭義留後絳曰澤潞  
據山東要官嚴那洛跨兩河間可制其合從宜以孟  
化陽為澤潞而以重胤節度三城帝從之六年遷戶  
部侍郎帝以戶部故有獻而絳獨無有荅曰臣乃為  
陛下謹出納烏有羨哉帝欲遂以為相而承瓘毀  
短乃出承瓘淮南節度監軍翌日拜同平章事江淮  
歲儉民若饑有御史還奏不為災帝以語絳荅曰御  
史苟悅陛下耳李吉甫嘗盛贊天子威德帝欣然絳

唐

卷五十一

十一

獨曰陛下自視今日何如漢文帝時賈誼以為措火  
積薪下誠陛下焦心銷志求濟時之畧渠便高枕而  
臥哉帝入謂左右曰絳言骨鯁真宰相也魏惲因季  
安死子懷諫弱軍中請襲節度吉甫議討之絳曰不  
然彼得立不倚朝廷亦不能安惟蓄威以俟之俄而  
田興果立以魏惲聽命帝拜興節度使絳請賜錢以  
賞其軍帝從之帝患朋黨以問絳絳極言以隴其資  
絳居中介特尤為左右所不悅王播為鹽鐵使而事  
月進絳曰比禁天下正賦外不得有它獻而播名

奚餘願悉付有司帝曰善詭絳在位獻不入禁中吐  
蕃犯涇州掠人畜絳因言瀕塞虛籍多實兵少請分  
隸本道然士卒樂兩軍姑息宦者以為言議遂寢嘗  
盛夏對延英帝汗浹衣絳欲趨出帝曰朕宮中所對  
唯宦官女子欲與卿講天下事乃甚樂也絳或無所  
論諍帝輒詰所以然又言公等得無有姻故冗食者  
當為惜官吉甫權德輿皆稱無有絳曰崔祐甫為宰  
相不半歲除吏八百人德宗曰多公姻故何耶祐甫  
曰所問當與不當耳非臣親舊孰知其才其不知者

唐

卷五十一

十一

安敢與官時以為名言時教坊使稱審詔問良家子  
及別宅婦人內禁中京師驚然絳入言于帝乃悉歸  
所取以足疾求免罷為禮部尚書帝乃召承瓘於淮  
南絳雖去位猶懷不能已因上言北虜方彊其憂有  
五十年出為華州刺史承瓘田多在部中主奴擾民  
絳捕繫之入為兵部尚書母喪免還授河中觀察使  
河中故節制而皇甫鎛惡絳故薄其恩議者不直鎛  
得罪復以兵部召遷御史大夫穆宗數游畋絳率其  
屬叩延英切諫不納以疾辭實曆初拜尚書左僕射

御史中丞王播遇絳於道不之避絳引故事論列宰相李逢吉右播下遷絳太子少師分司東都文宗立召爲太常卿以檢校司空爲山南西道節度使累封趙郡公四年南蠻寇蜀道詔絳募兵千人往赴不半道蠻已去兵還監軍使楊叔元者素疾絳遣人迎說軍曰將收募直而還爲民士皆怒乃謀而入劫庫兵絳方宴不設備遂擣節登陴或言絕城可以免絳不從牙將王景延力戰殿絳遂遇害年六十七幕府趙存約薛齊皆死事聞諫官崔戎等列絳冤冊贈司徒

卷之三

十三

謚曰貞子璋字重禮大中初擢進士第咸通中累官尚書右丞湖南宣歙觀察使

李廓

李廓字建侯北海太守邑之從孫第進士李懷光辟致幕府懷光反河中廓與母妻陷焉因給懷光以死病臥洛且革母欲往視懷光許可戒妻子無偕行廓私遣之後與高郢刺賊虛實及所以攻取者白諸將懷光覺嚴兵召二人問之廓詞氣不撓三軍爲之感懷光不殺囚之河中平馬燒破械致禮表佐其府以

言不用罷歸洛中徐州張建封卒兵亂囚監軍追逮封子情主軍務帝以廓剛敢拜宣慰使持節直入其軍情卽上表謝罪釋兵馬留後廓曰非詔命安得轉稱之順宗時進御史中丞憲宗元和初京師多盜賊復拜京兆拜淮南節度使王師討蔡方急李師道謀撓沮之廓以兵二萬分壁郟境天子憂財乏使程昇馳驛江淮諷諸道輸貨助軍廓素富疆卽籍府庫留一歲儲餘盡納于朝諸道由是悉索以獻廓獨之先是立突承璀爲監軍貴寵上廓以剛嚴治相禮得

卷之三

十三

趙厚善權賜教稱薦之召拜平章事廓不喜由宦侍進至京師不肯視事引疾固辭以太子少傅卒廓直無私與楊愿穆質許孟容王仲舒友善皆以氣自任而廓當官以峭法操下在淮南七年其生殺會禮多委軍吏而參佐束手不得與人往往陷非法議者亦以此少之

崔群

崔群字敦詩貝州武城人未冠舉進士陸贄主貢舉梁肅薦其有公輔之材擢甲科舉賢良方正授校書

郎遷翰林學士中書舍人數陳讜言憲宗嘉納因解  
學士凡奏議待辭器乃得上羣以禁密之言人人當  
自陳一為故事後或有惡直醜正則它學士不得上  
言矣固讓見聽時魏博田季安以五千緡助營開業  
佛祠群以為無名之賦不當受有詔却之元和十二  
年同平章事時長篇坐罪抵死其母老丐子以養  
帝問宰相羣對曰陛下幸憐其老宜即遣使諭旨若  
頃出敕即無及矣於是免死群凡啟奏平恕如此時  
皇甫鎛言利幸於帝陰藉左右求宰相群數言其佞  
唐 卷廿三 十四  
邪不可用又言世謂祿山反為治亂分臣謂罷張九  
齡相李林甫則治亂固已分矣帝宰相鎛穆宗即位  
以吏部侍郎召之勞曰我為太子卿力也群曰此先  
帝意臣何力焉且陛下向為淮西節度使臣起制草  
其言有能辨南陽之牘允符東海之責先帝然之則  
傳付久矣俄拜御史大夫卒

白居易

白居易字樂天其先太原人又徙下邳父季康為彭  
城令居易敏悟絕人工文章未冠謁顧况况曰吾謂

斯文遂絕今復得子矣貞元中擢進士拔萃皆中元  
和元年對策乙等遷左拾遺請帝歸于頓所獻歌舞  
人請帝贖魏徵故第河東王錡將加平章事居易以  
為宰相天下具瞻錡誅求百計號為羨餘以獻今若  
假以名器四方聞之皆謂陛下得所獻與宰相會王  
承宗叛帝詔吐突承璀率師出討居易諫唐家制度  
每征伐專委將帥後世且以中人為制將自陛下始  
後對殿中論執強梗帝未喻輒進曰陛下懼矣帝變  
色罷謂李絳曰是子我自拔擢乃敢爾必斥之絳曰

卷廿三

十五

陛下啟者路故群臣敢論得失帝悟待之如初後  
有言居易毋墮开死而居易賦新井篇言浮華無實  
行不可用貶江州司馬既失志能順適所遇託浮屠  
生死說若忘形骸者久之入為主客郎中知制誥後  
宗好畋游戲續虞人箴以諷俄轉中書舍人持節宣  
諭田布居易上言李光顏久將有威名裴度為人忠  
勇可當一面旬外遷為杭州刺史始築堤捍錢塘湖  
鍾洩其水溉田千頃復浚李涉六井民賴其汲文宗  
立遷刑部侍郎封晉陽縣男太和初二李黨事興楊



虞卿與居易姻家而善李宗閔居易惡緣黨人升乃  
移病還東都開成初進馮翊縣侯會昌初以刑部尚  
書致仕卒年七十五居易被遇憲宗特然為當路所  
忌遂擯斥乃放意文酒既復用又皆初君偃蹇與第  
行簡從祖弟敏中友愛東都所居履道里甌沼種樹  
構石樓香山鑿八節灘自號醉吟先生為之傳暮節  
感浮屠至經月不食葷稱香山居士嘗與胡杲吉貶  
鄭據劉真盧真張渾狄兼謨盧真燕集皆高年不仕  
者人慕之繪為九老圖居易於文章精切然最工詩

卷廿三

十六

當時士人爭傳雞林行買傳其國相率篇易一金甚  
偽者相輒能辨之初與元稹酬詠故號元白稹卒又  
與劉禹錫齊名號劉白其始生七月能展書姆指之  
無兩字雖試百數不差九歲暗識聲律其為於才章  
蓋天稟然敏中為相請諡曰文後履道第卒為佛寺  
東都江州人為立祠焉

高崇文

高崇文其先自渤海徙幽州七世不異居開元中再  
表其間崇文少籍平盧軍貞元中從韓全義鎮長武

城治軍有聲累官金吾將軍吐蕃三萬寇寧州崇文  
率兵三千往救戰佛堂原大敗之封渤海郡王全義  
入朝留知行營節度後務遷長武城都知兵馬使劉  
闢反宰相杜黃裳薦其才詔檢校工部尚書左神策  
行營節度使俾統左右神策驍游奉天諸屯兵討闢  
乃西自閬中出卻劔門兵解梓潼之圍賊將邢泚逃  
守梓州詔拜崇文東川節度使初闢陷東川執節度  
使李康不殺也至是歸康以有雪崇文數康失守罪  
斬之崇文始破賊二萬於城下使曉將高傑實敗之

卷廿三

十七

九八戰皆捷賊心始搖大將阿跌光顏與崇文約後  
期懼罪請深入自贖乃軍鹿頭西斷賊糧道賊大震  
其將李文悅以兵三千自歸仇良輔舉鹿頭城二萬  
衆降執闢子方叔婿蘇瓊遂趨成都餘兵皆面縛送  
欸關走追禽之邢泚已降而貳斬於軍進檢校司空  
西川節度副大使南平郡王刻石紀功於鹿頭山詔  
同平章事邕寧慶節度使居邕三年戎備整脩卒年  
六十四子承簡以崇文平蜀功除嘉王傳裝度征葛  
秦屠牙將蔡平詔拜承簡刺史治郎城始開屯田列



防庸瀕激綿地二百里無復水敗皆為腴田拜右金  
吾衛大將軍復節度邠寧屬疾還朝道卒崇文孫

范希朝

范希朝字致君河中虞鄉人初事節度使韓游瓌德  
宗在奉天以戰守功累兼御史中丞治軍整毅游瓌  
畏其才將伺隙殺之希朝懼奔鳳翔帝聞召真左神  
策軍貞元四年以游瓌政無狀使代之希朝曰始備  
而來終代其任非所以防覬覦安反不也固讓左金  
吾衛將軍張獻甫軍中憚獻甫嚴以兵脅監軍使請

唐

卷廿三

十八

於帝必得希朝乃止詔拜寧州刺史邠寧節度副使  
俾佐獻甫俄遷振武節度使部有党項室韋雜居悉  
掠放肆日入慝作謂之刮城門希朝度要害置屯保  
斥遷嚴密鄙民以安至小竊取亦殺無赦虜人憚伏  
邠州每長帥至必効藥他駿馬希朝一不納貞元未  
請朝時節度以事自述職者希朝而已帝悅拜右金  
吾衛大將軍憲宗立率師討王承宗敗之木刀溝然  
老病不能有大功以太子太保致仕卒

李愬

李愬字元直有等畧善騎射以蔭補協律郎累遷衛  
尉少卿早喪生母為晉國王夫人所鞠王卒晟以非  
嫡敕諸子服總總獨號愬不忍晟乃許服練既練晟  
薨與憲廬慕側服除授太子右庶子出為坊晉二州  
刺史憲宗討吳元濟唐鄧節度使高潛寓旣敗以袁  
滋代將復無功愬求自試宰相李逢吉亦以愬可用  
遂以檢校左散騎常侍出為唐鄧節度使愬以其軍  
初傷夷士氣未完乃不為斥候部伍或有言者愬曰  
賊方安袁公之寬吾不欲使震而備我乃令于軍曰

唐

卷廿三

十九

天子知愬能忍耻故委以撫養戰非吾事也虜人以  
嘗敗辱霞寓等又愬名非風所畏者易之不為備愬  
沈鷲務推誠待士故能張其卑弱而用之遂擒淮西  
將丁士良陳光治降吳秀琳李忠義并文城柵命史  
用誠禽淮西健將李祐而還諸將素苦祐望請殺之  
愬以為容表言殺祐無與其誅祭者諸將不敢言由  
是始定襲祭之謀故謀者反效以情愬益悉賊虛實  
時李光顏戰敗勝元濟悉銳卒屯泗曲以抗光顏愬  
知其隙可通乃遣從事鄭澥見裴度告師期于時元

和十一年十月己卯師夜起入蔡州城遂擒元濟權  
送京師二萬衆皆降愬不戮一人其爲賊執事帳內  
厨廩廝役悉用其舊使不疑乃屯兵鞠場以俟裴慶  
至愬以彙韃兒度將避之愬曰此方廢上下分久矣  
請因示之度以宰相禮受愬謁蔡人從觀乃還中支  
城柵有詔進檢校尚書左僕射山南東道節度使封  
涼國公帝方經畧隴右故徙愬節度使鳳翔李師道  
反詔愬代恩帥武寧軍旬日踐父兄兩鎮世以爲榮  
董重質得罪被斥愬請賜軍中自效許之乃署爲牙

卷廿三

二十一

將愬與戰金鄉破之滑得平會田弘正守鎮州乃以  
愬帥魏博長慶初幽鎮亂殺弘正愬素服以令軍曰  
魏人富庶而通于天化者田公力也衆皆哭又以玉  
帶寶劍遺牛元翼曰此劍吾先人嘗以剪太盜吾又  
以平蔡姦今鎮人逆天公宜用此夷之也元翼感動  
乃下令軍中勒兵以俟會愬疾甚不能軍詔田布代  
之以太子少保還東都卒年四十九愬行已儉約其  
昆弟賴家勳貴備與馬矜室盧唯愬所處乃父時故  
院無所增廣始辰見京師市不收肆愬平蔡亦如之

晚雖忽于取士與鄭注善議者不以掩其賢弟聽字  
正思七歲以陰爲協律郎父更少之不甚敬聽極使  
鞭之晟奇其才長廼辟佐于頤府吐突承璀討王承  
宗以聽爲神策行營兵馬使承璀數問聽計卒縛唐  
從史遷左驍衛將軍出爲蔚州刺史徙安州會觀蔡  
使柳公綽方討蔡以聽典軍召爲羽林將軍帝討李  
師道出聽楚州刺史淮西兵綿弱郛人素易之聽日  
整勒士皆奮卽掩賊不虞降之懷仁東海兩城望風  
送款兼御史大夫徙靈鹽部節度部有光祿渠久廢

卷廿三

二十一

聽始復用田以省轉餉穆宗初立幽鎮反代裴慶使  
統兵北討授檢校兵部尚書克河東節度使敬宗嗣  
位改義成軍太和初討李同捷而魏州將丁志滔反  
擊其帥史憲誠詔聽出援擊殺志滔封涼國公聽請  
以賂遺得權辛心故多爲助力未幾拜外軍節度使  
開成初爲河中晉絳隰節度使復拜太子太保卒年  
六十一

李光顏

李光顏字光遠葛州少教以騎射母嘆其天姿驍健

長從爲裨將馬燧曰若有奇相終必光大解所佩劍  
贈之討李懷光楊惠琳戰有功從高宗文平劔南數  
奉旗陷軍出入若神益知名元和中討蔡擢爲忠武  
軍節度使詔以其軍當一面大破賊裴度宣慰諸軍  
還爲憲宗言光顏勇而義必立功韓弘素惡光顏忠  
力思有以挑蠱之乃飾名姝以遺光顏徐曰公以君暴  
露於外恭進侍者慰君征行之勤光顏徐曰我去室  
家久以爲公憂誠無以報德然戰士皆棄妻子陷白  
刃奈何獨以女色爲樂爲我謝公天子於光顏恩厚  
唐 卷廿三 三十一

烏重胤

烏重胤字保君河東將承此子也少爲潞牙將盧從  
史奉詔討王承宗陰與賊連吐突承璀將圖之以告  
重胤乃練從史帳下士士持兵合譚重胤叱曰天子  
有命從者賞違者斬士斂手還部無敢動憲宗擢河  
陽節度使討淮蔡詔與李光顏相犄角大小百餘戰  
凡三年賊平徙橫海軍建言河朔能拒朝命者蓋別  
史失權鎮將領軍能作福威也臣所管三州輒還刺  
史職各主其兵因請廢景州法制脩立時以爲宜文  
宗初拜司徒李同捷請襲父位帝方務安靜授同捷  
唐 卷廿三 三十一

馬總

馬總字會元系出扶風少孤寡不妄交遊元和中憲  
宗遷安南都護廉靖不撓獠夷安之建二銅柱于漢  
故處則著唐德以明伏波之裔十二年副裴度宣慰  
淮西兵元濟禽爲彰義節度留後駁彰義爲淮西雖  
吏事倥偬書不去前論者頗多卒

劉沔

劉沔字朝宗徐州彭城人沔少孤客范希朝署牙將軍中大會沔捉刀立堂下希朝奇之召謂曰後日必處吾坐希朝卒人為神策軍太和末擢涇原節度使徙振武開成三年突厥劫營田沔發吐渾契苾沙陀部萬人擊之賊一變無返者進檢校戶部尚書武宗立遷檢校尚書左僕射回鶻寇天德詔以兵據雲伽關虜引去會昌二年又掠太原振武天子使兵部郎中李拭調兵食因視諸將能否拭獨稱沔乃拜河東

唐

卷廿三

二十四

石雄

石雄徐州人系寒不知其先所來少為牙校敢殺善戰氣蓋軍中王智興討李回徙收棧州使雄先驅度河鼓行無前初徐軍惡智興奇詭謀逐之而立雄智興懼變因立功奏除州刺史詔以為壁州刺史智興

由是殺雄素所善行餘人誣雄陰結士搆亂請以軍

法論文宗素知其能不殺徙為陳州刺史党項擾河

西召雄諫劉沔軍破寇有勞帝難智興久不罷會昌

初回鶻入寇連年掠雲朔出五原塞下詔雄為天德

防禦副使兼朔州刺史佐劉沔雲州即遷沙陀李

國昌及契苾拓拔維虜三十騎夜發馬邑旦登振武

城望之見劍車十餘乘從者朱碧衣謀者曰公主帳

也雄潛使喻之直擣烏介帳可汗大駭單騎走追至

邊胡山迎公主還進豐州防禦使武寧李彥佐討劉

唐

卷廿一

二十五

詔留以雄為晉絳行營諸軍副使時王宰屯歸

河屯石會關願望莫先逃雄受命即勸兵越烏嶺

就拜行營節度使代彥佐徙河中積危慮其大

誼密獻款請斬積首自歸雄以七千人徑

走河陽

唐列傳卷之二十四

陽城

陽城字亢宗定州北平人徙陝州夏縣世為官族好學貧不能得書求為吏隸集賢院竊院書讀之晝夜不出戶六年無所不通及進士第乃去隱中條山與弟堵域常易衣出年長不肯娶弟義之亦不娶遠近慕其行來學者跡接于道閭里有爭訟不詣官而詣城決之有盜其樹者城遇之慮其恥退自匿嘗絕糧遣奴求米奴以米易酒醉臥于路城怪其故與弟相之奴未醒乃負以歸及覺痛答謝城曰寒而飲何責焉寡妹依城居其子四十餘痴不知人城常負以出入始妹之夫客死遠方城與弟行千里負其柩歸葬歲饑屏跡不迺隣里屑榆為粥講論不輟有奴都兒化其德亦方介自約或哀其餒與之食不納後至糶粟數石乃受山東節度府聞城義者發使遺五百緡戒使者不令返城固辭使者委而去城置之未嘗發會里人鄭叔欲英親貸於人無得城知其然舉緡與之叔既英遠曰蒙君子之施願為奴以償德城曰能

唐 卷二十四

唐 卷二十四

同我為學乎做泣謝即教以書叔不能業城更徙遠阜使顯其習學如初懸縊而死城驚且哭厚自咎為服總麻陝魏觀察使李泌數禮餉城受之泌欲辟致之府不起乃薦諸朝詔以著作佐郎召賜緋魚泌使參軍事韓僕奉詔至其家城封還詔及為宰相又言之德宗於是召拜右諫議大夫遣長安尉揚寧賈東帛詣其家城褐衣到闕下辭讓帝遣中人持緋衣衣之初城未起縉紳想見風采既與草茅處諫議官士以為且死職天下益憚之及受命他諫官論事苛細紛紛帝厭苦而城獲聞得失且熟猶未肯言韓愈作爭臣論議切之城不屑方與二弟延賓客日夜劇飲常以木枕布衾質錢人重其賢爭售之有陳長者候其得俸常往稱錢之美月有獲焉居位八年人不能窺其際及裴延齡誣逐陸贄張滂李克等帝怒甚無敢言城乃約拾遺王仲舒守延英閣上疏極論延齡罪申直贊等累日不止聞者寒懼城愈勵帝大怒在宰相抵城罪順宗方為皇太子為開救良久得免城宰相論遣然帝意不已欲遂相延齡城顯語曰延齡

二

為相吾當取白麻壞之哭於廷帝不相延齡城力也  
坐是下遷國子司業引諸生告之曰凡學者所以學  
為忠與孝也諸生有不省親者乎明日謁城還養者  
二十輩有三年不歸侍者片之簡孝秀德行升堂上  
薛約者狂而直言事得罪謫連州吏捕迹得之城家  
城坐吏於門引約飲食訖步都外與別帝惡城黨有  
罪出為道州刺史太學諸生何蕃季償王魯卿李謙  
等二百人頓首闕下請留城柳宗元聞之遺蕃等書  
曰詔出陽公道州僕爾悒然諸生之言於國甚宜至

唐

卷廿四

三

道州治民如治家月俸取足則已日炊米二斛魚一  
鷄置既杓道上人共食之州產侏儒歲貢諸朝城哀  
其生離無所進帝使求之城奏曰州民盡短若以貢  
不知何者可供自是罷州人感之以陽名子賦稅不  
時觀察使數請貴州當上考功第城自署曰撫字心  
勞追科政拙考下下觀察府遣判官督賦至州怪城  
不迎以問吏吏曰刺史以為有罪自囚於獄判官驚  
馳入謁城曰使君何罪我奉命來候安名耳留數日  
城不敢歸判官遮辭去府復遣官來接舉義不飲行

乃載妻子中道逃去順宗立召還城已卒年七十

鮑防

鮑防字子慎襄州襄陽人及進士第代宗授防少尹  
節度行軍司馬為御史大夫從德宗奉天進禮部侍  
郎封東海郡公貞元元年策賢良方正得稱質裴復  
柳公綽歸登崔州肅純弘簡熊執易等世美防知人  
初防與知雜御史竇叅遇導騎不引避叅譴其僕及  
為相防尹京兆迫使致仕與中書舍人謝良弼善時  
號鮑謝云

唐

卷廿四

四

崔邠

崔邠字處仁貝州武城人父儒三世一覺嘗特言治  
家者推其法至德初獻賦行在肅宗異其文位吏部  
侍郎邠第進士復擢賢良方正授渭南尉遷補闕上  
疏論裴延齡姦以鯁亮知名由中書舍人再遷吏部  
侍郎憲宗器之裴均亦薦邠材可宰相會病遂不拜  
久乃為太常卿知史部尚書銓故事太常始視事大  
閱四部樂都人縱觀邠親導母與公卿見者皆避道  
都人榮之以毋憂解卒于喪年六十弟鄆鄆鄆鄆

鄧字廣畧中進士第補集賢校書郎累遷吏部員外郎三遷諫議大夫穆宗立荒于遊畋內酣蕩所膳不能朝鄧進曰願陛下親政事以幸天下帝動容慰謝遷給事中敬宗嗣位歷鄧岳等州觀察使自蔡人叛鄧岳常苦兵江湖盜賊顯行鄧修治鎧仗造蒙衝駛追窮躡上下千里歲中悉捕平又觀察浙西遷檢校禮部尚書卒五子瑤瑰瑾瓊瑤任禮部侍郎浙西鄂岳觀察使瑾禮部侍郎湖南觀察使瑰瓊俱廷官

楊於陵

唐

卷廿四

五

楊於陵字達夫本漢太尉震之裔十八擢進士第節度使韓滉剛嚴少許可獨奇於陵謂妻柳曰吾求佳婿無如於陵賢因以妻之滉是宰相於陵不肯調退廬建昌以文書自娛樂滉卒乃入為膳部員外郎德宗雅聞其名拜中書舍人時京兆李實暴橫於陵與所善許孟容不離附遷浙東觀察使越人饑請出米三十萬贖貧民入拜京兆尹京師豪右大震元和初出為嶺南節度辟常詞李翱等在幕府監軍許遂振者悍矣憚於陵為飛語聞京師有詔罷歸宰相裴伯

為帝別白言之乃授吏部侍郎而遂振終得罪初吏部程判別詔官參考於陵建言悉遷吏部又請修甲曆南曹置別簿相檢責吏不能為奸以兵部兼御史大夫判度支穆宗立封弘農郡公俄以尚書左僕射致仕太和四年卒年七十八子嗣復位宰相

許孟容

許孟容字公範京兆長安人擢進士異等又第明經調校書郎辟武寧張建封府李納以兵拒境建封遣使諭止前後三輩往皆不聽乃使孟容見納數引逆

唐

卷廿四

六

願納即悔謝為罷兵表為濠州刺史德宗知其能召拜禮部員外郎公主子求補崇文生者孟容固謂不可主訴之帝嘉其守擢郎中累遷給事中京兆上言好時風電害稼帝遣宦人覆視不實奪尹以下俸孟容曰陛下遣宦者覆視糸綱紀宜更擇御史一人參驗乃可不聽浙東觀察使裴肅委判官齊總暴飲以厚獻服天子所欲會肅卒帝擢總自大理評事兼監察御史為衢州刺史孟容還制會補關武陵等亦執爭於是詔中停自哀高爭盧杞後九十八年門下

無議可否者至孟容數論駁四方知天子開納多士  
浩然想見其風貞元十九年夏大早上疏帝始不悅  
改太常少卿元和初再遷尚書右丞京兆尹遷吏部  
侍郎盜殺武元衡孟容白宰相願白天子起裴中丞  
輔政後數日果相度拜東都留守卒年七十六第季  
同始署西川常阜府判官劉闢反棄妻子歸拜監察  
御史歷長安令再遷兵部郎中孟容為禮部侍郎從  
季同京兆少尹元義方出為鄜坊觀察使奏劾宰相  
李絳與季同舉進士為同年才數月輒從帝以同絳

卷廿四

七

絳曰進士明經歲大抵百人吏部得官至千人私謂  
為同年本非親與舊也今季同以兄嫌從少尹豈臣  
所助邪且忠臣事君不以私害公設有才雖親舊當  
白用避嫌不用乃臣下身謀非天子用人意帝然之  
終宜欽觀察使

李渤

李渤字濬之父鈞殿中侍御史渤志於學與仲兄  
涉偕隱廬山久之更徙少室元季吳甫况交章  
薦之詔以右拾遺召於是河南少尹杜兼遣吏持詔

幣即山敦促渤上書謝韓愈遺書曰有詔河南敦諭  
拾遺公朝廷士引頸東望若景星鳳鳥始見爭先觀  
之為快渤心善其言始出家東都每朝廷有闕政輒  
附章列上元和九年討淮西上平賊三術一曰感二  
曰守三曰戰感不成不失為守守不成不失為戰乃  
以著作郎召渤遂起歲餘遷右補闕以直忤旨下遷  
諸議參軍十三年上言至德以來天下思致治平龍  
今不稱渤雖處外然志存朝廷表疏凡四十五獻  
南鐸輔政務刺下佐用度渤上言願下詔禁止移  
立召拜考功員外郎歲終當校考渤自宰相而下升  
黜之上奏會渤請急馮宿領考功以課令取歲中善  
惡為上下郎中校京官四品以下黜陟之由三品上  
為清望官歲進名聽內考非有司所得專渤舉舊事  
為褒貶違朝廷制請如故事渤議遂廢會田弘正表  
渤為副杜元穎劾奏渤實直售名外交方鎮不宜在  
朝出為處州刺史進諫議大夫時敬宗晏朝紫微閣  
帝入久不出群臣立屏外至頤小渤上疏諫時政  
近佞滿勤正不顧患太和辛



呂元膺

呂元膺字景夫鄆州東平人姿儀瓌秀有器識始游京師謁故宰相齊映映歎曰吾不及識婁郝殆斯人類乎策賢良高第調安邑尉辟長春宮判官李懷光亂河中輒解去歷右司員外郎出為蘄州刺史嘗歲巨械囚歸之而戒還則如期而至元和中累擢給事中俄為同州刺史既謝帝遣問政事謂宰相曰元膺直氣讜言宜留左右未幾兼皇太子侍讀進御史中丞遂拜鄆岳觀察使嘗夜登城守者不許左右曰中丞也對曰夜不可辨乃還明日擢守者為大將入拜尚書左丞度支使潘孟陽太府卿王遂交相惡乃除孟陽散騎常侍遂鄧州刺史詔辭無所輕重元膺上其詔請明在直以顯褒懲江西裴堪按虔州刺史李將順受賊不獲訊而貶元膺曰觀察使奏部刺史不加覆雖當誅猶不可為天下法請遣御史按尉宰相不能奪選拜東都留守都有李師道留邸邸兵與山棚謀竊發事覺元膺命破之東畿西南通鄧虢州谷曠深多糜鹿人業射獵皆趨悍善鬪號曰山棚樓德

與居守將焉糜之未克至是元膺募為三河子弟使衛官城詔可改河中節度使入拜吏部侍郎以疾改太子賓客卒年七十二

孔戣

孔戣字君嚴擢進士第鄭滑盧羣辟為判官羣卒攝總留務監軍楊志謙雅自肆衆皆恐戣邀志謙至府與對榻志謙嚴憚不敢動入為侍御史累擢諫議大夫中人劉希光受賕二十萬緡抵死吐突承璀坐屬善逐為淮南監軍太子舍人李涉知帝意投匭上言承璀有功不可棄戣劾奏涉結近侍以用上聽有詔斥涉陝州司馬戣俄兼太子侍讀改給事中江南觀察使李少和坐贓獄寢不下傳陵崔易簡殺從父兄鞠狀且京兆尹左右之翻其情戣慷慨論正貶少和殺易簡奪尹三月俸再遷尚書左丞信州刺史李位奸黃老道數祠禱部將蕭岳告位集方士圖不軌監軍高重謙上急變捕位劾禁中戣奏與三司雜治無反狀岳坐誣罔誅貶位建州司馬中人愈怒故出為華州刺史明州歲貢淡菜蚶蛤之屬戣奏罷之歷大

理卿國子祭酒會嶺南節度使崔誅死帝謂裴度曰  
嘗論罷蛤萊者誰歟度以戮對即拜嶺南節度使自  
貞元中黃洞諸蠻叛久不平容柱二管利虜掠幸有  
功乃請合兵討之獨戮不邀一旦功交廣晏然大治  
穆宗立以吏部侍郎召改右散騎常侍還為左丞以  
老自乞雅善韓愈上疏言幾年七十筋力耳目未  
衰禮大夫七十致仕若不得謝則賜之几杖安車不  
必七十盡許致仕不報以禮部尚書致仕卒年七十

唐 卷廿四 十一

裴濟

裴濟本河東聞喜人篤學善隸書以蔭仕元和初累  
遷左補闕諫任宦人為館驛使侵官亂職擢起居舍  
人帝信方士常山甫柳泌治丹藥濟諫帝怒貶江陵  
令穆宗立泌等誅召濟再遷刑部郎中拜兵部侍郎  
出為河南尹復還舊官卒憲宗竟以棄棄天下世益  
謂濟知言穆宗雖誅泌而後稍稍復感方士有布衣  
張車者上疏曰神慮淡則血氣和嗜欲勝則疾疹作  
高宗時處士孫思邈達於養生其言曰人無故不處

餌藥藥有所偏助則藏氣為不平推此論之可謂達  
見至理願陛下無忽帝善其言詔訪臯不獲

崔戎

崔戎字可大玄曠從孫也舉明經補太子校書郎辟  
淮南李鄴府裴度節度太原授參謀時王承宗以鎮  
叛度請戎往諭人為殿中侍御史累擢諫議大夫雲  
南蠻亂成都詔戎持節劍南為宣撫使還拜給事中  
出為州刺史吏以故事置錢萬緡為刺史私用戎不  
取徙兗海沂密觀察使民擁留于道至抱持取其鞶

唐 卷廿四 十二

時詔使尚在民泣請使請曰天子使許諾戎恚責其  
下衆曰留公而天子怒不過斬吾二三老人則公不  
去矣戎夜單騎亡去民追不及乃止至兗州鉏滅姦  
吏十餘輩民大喜歲餘卒年五十五

溫造

溫造字簡與姿表瑰傑不喜為吏隱王屋山人號其  
居曰處士墅壽州刺史張建封聞其名書幣招禮造  
忻然曰可人也往從之建封恐失造因妻以兄子時  
李希烈反攻陷城邑天下兵鎮陰相撼逐主帥自立

德宗患之以劉濟方納忠于朝密詔建封擇縱橫士  
往說濟建封疆署造節度叅謀使幽州造與濟語未  
訖濟俯伏流涕曰僻陋不知天子神聖大臣盡忠願  
率先諸侯効死節造還建封以聞詔馳入奏天子  
愛其才問造家世及年對曰臣五世祖大雅外五世  
祖李勣臣犬馬之齒三十有二帝奇之將用為諫官  
以語泄乃止復去隱東都烏重胤奏置幕府長慶初  
以造使劉總籍所部九州入朝還遷殿中侍御史田  
弘正遇害以起居舍人復宣慰鎮州行營頃之李景  
儉以酒得過宰相造坐與飲出為朗州刺史開後鄉  
渠百里召授侍御史夏州節度使李祐拜大金吾遣  
詔進馬造正衙梓劾祐曰吾夜入蔡州擒吳元濟未  
嘗心動今日膽落於溫御史遷左司郎中知御史雜  
事進中丞發南曹偽官九十人主吏皆論死遷尚書  
左丞封祈縣子興元軍亂殺李絳衆謂造可夷其亂  
文宗亦以為能乃授檢校右散騎常侍山南西道節  
度使許以便宜從事命神策將董仲質河中將溫德  
柔卻楊將劉士和從造而興元將衛志忠張丕李少

唐

卷廿四

十三

直自蜀還造喻以恩即問軍中殺絳狀志忠丕夾階  
立拔劔傳呼曰悉收之圍兵爭奮皆斬首九八百餘  
人親殺絳者醢之號令者殊死取百級祭絳三十級  
祭死事官王景延等餘悉投之漢江監軍楊叔元擁  
造靴祈哀造以兵衛出之詔流康州叔元始激兵亂  
者也人以造不戮為恨入為兵部侍郎出東郡留守  
俄節度河陽奏復懷州古秦渠召為御史大夫方倚  
以相會疾卒年七十子璋歷刺史京兆尹吏部尚書  
吳武陵

唐

卷廿四

十四

吳武陵信州人元和初擢進士第淮西吳少陽聞其  
才遣客鄭平邀之將待以賓友武陵不答俄而少陽  
子元濟叛武陵遣以書自稱東吳王孫曰揚惠琳劉  
闢李琦盧從史等盡伏其辜昔僕之師裴道明嘗言  
唐家二百載有中興主當其時狼傲者盡滅河湟之  
地復矣人心與足下一也足下反天子人亦欲反足  
下元濟得書不悟會裴度東討而韓愈為司馬武陵  
勸愈為度謀取中官常所不快者為監軍歸素所快  
者于內為吾地以傾諸侯出帛百萬以給士大夫則

孰不為丞相之人然後分三大將環賊而屯明斥候  
牛酒高會潛以實期授蔡諸將而以三期給賊令辨  
上持尺書劫元濟及將士約降彼無所窺謀矣時度  
部分已定故不見用元濟未破數日武陵自硤石望  
東南氣如旗鼓矛楯皆顛倒橫斜少選黃白氣出西  
北盤蛇相交武陵告愈曰今西北王師所在氣黃白  
喜象也敗氣為賊日直木舉其盈數不閱六十日賊  
必亡長慶初竇易直以戶部侍郎判度支表武陵主  
鹽北邊易直以不職薄其遇久之入為太學博士太

卷廿四

十五

和初禮部侍郎崔郾武進士東都公卿咸祖道長樂  
武陵後至謂郾曰君方為天子求奇才敢獻所益  
因出袖中書郾讀之乃杜牧所賦阿房官坐客大驚  
武陵請曰牧方試有司請以第一入處之郾謝已得  
其人至第五郾未對武陵勃然曰不爾宜以賦見還  
後出為韶州刺史以賦貶澧州司戶參軍卒初柳宗  
元謫永州而武陵亦坐事流永州宗元賢其人及為  
柳州刺史武陵北還大為裴度器過每言宗元無子  
說度曰西原蠻未平柳州與賊犬牙宜用武人以

宗元便得優游江湖又遺工部侍郎孟簡書曰古稱  
一世三十年子厚之斥十二年殆半世矣霆殛電射  
天怒也不能終朝聖人在上安有舉世而怒人臣邪  
度未及用而宗元死始李愬節度使唐鄧武陵薦李  
景儉王湘健智沈敏可表以自副時號知人

柳公綽

柳公綽字寬京兆華原人始生三日伯父子華曰興  
吾門者此兒也因小字起之舉賢良方正直言極諫  
補校書郎授渭南尉累遷開州刺史遷侍御史吏部

卷廿四

十六

員外郎時武元衡節度劍南與裴度俱為判官尤相  
引重召為吏部郎中憲宗喜武功且數出遊敗公綽  
奏大醫箴以諷諭月拜御史中丞公綽本與裴均善  
李吉甫復當國出為湖南觀察使以地卑濕不可避  
養求分司東都不聽後徙鄂岳觀察使時方討吳元  
濟詔發鄂岳卒五千隸安州刺史李聽公綽曰朝廷  
謂吾儒生不知兵耶即請自行許之鄂軍每戰輒克  
元和十一年為李道古代還除給事中李師道平遣  
宣諭鄂州復命拜京兆尹方赴府有神策乘馬不避

者卽榜死以母喪去官長慶元年復京兆尹時幽鎮用兵補置諸將使驛係近公綽奏館遽置之請者定限以息其弊改吏部侍郎選御史大夫韓弘病自河中選詔百官問疾弘遣子緝不能見公綽謂曰上使百司省候是謂異禮宜力疾以見公卿安可臥令子姓傳言耶弘懼挾扶以出改禮部尚書以祖譜換左丞俄檢校戶部尚書山南東道節度使行部至郿縣吏有納賄舞文二人同繫獄縣令以公綽素持法必殺貪者公綽判曰賊更犯法法在奸吏壞法法亡

卷十四

十七

誅舞文吏寶曆元年就遷檢校左僕射牛僧孺罷政事爲武昌節度使公綽具軍容伏謁曰重宰相所以尊朝廷也入爲刑部尚書俄拜邠寧節度使復爲刑部尚書京兆獄有姑鞭婦至死者府欲殺之公綽曰尊歐卑非剛也且子在以妻而戮其母不順遂減論太和四年爲河東節度遭歲惡樽節用度沙陀威恩以病乞代卒年六十八子仲鄂字論蒙母鞠卽舉女也善訓子故仲鄂幼嗜學嘗和熊膽丸使夜咀嚼以助勤元和末及進士第爲校書郎牛僧孺辟武昌幕

府會昌初累轉吏部郎中左諫議大夫武宗延方士築望僊臺累諫諄切拜京兆尹會廢泮屠法盡壞銅象爲錢仲鄂爲鑄錢使宣宗初李德裕罷政事坐所厚善出爲鄭州刺史復出河南尹以寬惠爲政或言不類京兆時答曰輦轂之下先彈壓郡邑之治本惠養擢劍南東川節度使大吏邊章簡挾執肆貪前帥不能制仲鄂因事殺之官下肅然居五年召爲吏部侍郎俄改兵部領鹽鐵轉運使咸通五年爲天平節度使初仲鄂爲諫議大夫後每遷必烏集升平第庭

卷十四

十八

樹戟架皆滿五日乃散及是不復集卒于鎮家有書萬卷所藏必三本上者貯庫其副常所閱下者幼學焉子璞珪璧珙字縉王學不營仕著春秋三氏異同義終著作郎珪擢進士第擢右拾遺璧累諫議大夫珙以明經補秘書正字由書判拔萃累拜御史大夫直清有父風昭宗欲倚以相中官譖珙煩碎非廊廟器乃止珙嘗述家訓以戒子孫曰夫名門右族莫不由祖考忠孝勤儉以成立之亦莫不由子孫頑率奢傲以覆墜之成立之難如升天覆墜之易如燎毛

孝慈友弟忠信篤行乃食之醯醬可一日無哉

柳公權公弟

柳公權年十二工辭賦元和初憲宗擢進士第李聽鎮夏州表為掌書記因入奏穆宗曰朕嘗于佛廟見卿筆蹟思之久矣即拜侍書學士有心正則筆正之對文宗時充翰林書詔學士嘗夜召對于亭燭窮而語未盡官人以蠟液濡紙繼之嘗與學士對便殿帝稱漢文帝恭儉因舉被曰此衣三澣矣學士皆賀獨公權無言帝問之對曰人主當進賢退不肖納諫諱

唐 卷廿四

十九

明賞罰服澣濯之衣此小節耳異日與周輝同對論事不阿輝為備恐公權益不奪帝徐曰卿有評臣風可屈居諫議大夫乃自舍人下遷咸通初致仕卒公權博貫經術其書法結構勁媚自成一家當時大臣永碑誌非其筆人以為不孝外夷人貢者皆別署貨具曰此購柳書凡公卿以書賜遺金鉅萬計而主藏奴或盜用管貯盃孟一筍勝識如故而器皆亡公權笑曰銀盃羽化矣唯研筆圖籍自鑄松子公度

錢徵

錢徵字蔚章中進士第居穀城穀城令王郢得接爵

士游客以財貨饋坐是得罪觀察使樊澤視其簿獨徵無有乃表署掌書記又辟宜欽推衍府王師討蔡檄遣米石兵會戰成遠頗驕塞會衍病亟徵請召池州刺史李遜署副使遜至而行死一軍賴以安入拜左補闕三遷中書舍人加承旨憲宗獨召徵徵從容言宅學士皆高選宜預聞機密廣參決帝稱其長者以論淮西事忤旨罷職徙太子右庶子號州刺史入拜禮部侍郎宰相段文昌以所善楊渾之學士李紳

唐 卷廿四

二十

以周漢肩並誘徵求致第籍渾之者憑子也多納古帖祕畫於文昌皆世所寶徵不能如二人請自取楊茂士蘇巢巢者李宗閔婿茂士者汝士之弟皆與徵厚文昌怒方帥劔南西川入辭即奏徵取士以私上訪紳及元稹稹與宗閔有隙因是共擠其非有詔令白居易覆試而黜者過半遂貶江州刺史汝士等勸徵出文昌紳私書自直徵曰苟無愧於心安事辨証邪敢子弟焚書轉湖州時宜欽早左丞孔戣請徙徵領宜欽宰相不用徵曰相君宜知天下事徵江統

之治不及知况其它邪還遷工部侍郎出為華州刺史文宗立召拜尚書左丞命置麻羣臣在廷方大寒稍稍引避微素恭謹不居位久而仆因上疏告老太和初復為華州俄以史部尚書致仕卒年七十五微與薛正倫魏弘懿二人前死微撫其孤至婚嫁成立任庶子時常公武以路結公卿遺微錢一十萬不納或言非當路可無讓微曰取之在義不在官子可復方義可復死鄭注時方義終太子賓客子珣字瑞文善文辭宰相王搏薦知制誥進中書舍人搏得

罪珣貶撫州司馬

崔咸

崔咸字重易博州博平人元和初擢進士第又中宏辭鄭餘慶李夷簡皆表在幕府與均禮入朝為侍御史敬宗將幸東都裝度在興元憂之自表求覲與章借來於是李逢吉當國畏度復相使京兆尹劉栖楚等十餘人悉力排却之他日度置酒延客栖楚曲意自解附耳語咸舉酒讓度曰丞相乃許囁嚅耳語願上爵爵度笑受而飲累遷陝虢觀察使日與賓客

屬痛飲未嘗醒夜分輒決事吏稱為神入拜右散騎常侍祕書監太和八年卒

常表微

常表微字子明隋郿城公元禮七世孫常畢鎮西州王緯司空曙獨孤良弼裴流居幕府皆厚相推揖擢進士第數辟諸使府久之入授監察御史裏行不樂曰爵祿曾滋味也吾年五十扶鏡櫛白冒游少年間取一班一級不見其味也俄為翰林學士是時李紳作宰相貶端州龐嚴蔣防皆謫去學士缺人人爭薦

丞相所善者表微獨薦常處厚人服其公進知制誥後與處厚議增選學士後薦路隋處厚以諸父事表

微因曰隋位崇入且翁右奈何答曰選德進賢初不計私也久之遷中書舍人敬宗嘗語左右欲相二肅會崩文宗立獨相處厚進表微戶部侍郎力志潞叛詔李聽率師討之次河上天子憂無成功表微曰以聽軍勢不十五日必破賊及捷書上止決日以病罷罷學士卒年六十

高鉞

高鉞字翹之與弟銖錯俱擢進士第累遷右補闕史館修撰元和末以中人爲和羅使武繼疏論執轉起居郎數陳政得失穆宗嘉之召入翰林爲學士張韶變與倉卒鉞從敬宗夜駐左軍翌日進知制誥拜中書舍人人見帝因勸躬聽覽以示憂帝納其言累遷吏部侍郎人善其振識出爲同州刺史卒子湜字澄之第進士累官右諫議大夫咸通末爲禮部侍郎時士多繇權要干請湜不能裁旣而抵帽于地曰吾決以至公取之得譴固吾分乃取公乘億許棠再夷中等以兵部侍郎判度支出爲昭義節度使爲下所逐貶連州司馬以太子賓客分司東都卒億字壽先棠字文化夷中字坦之皆有名當時

李商隱

李商隱字義山懷州河內人或言英國公勣之裔孫令狐楚帥河陽奇其文使與諸子遊楚徙天平宣武皆表署巡官歲具資裝使隨計開成二年高鏐知貢舉令狐綯雅善鏐獎譽甚力故擢進士第嗣弘農尉王茂元鎮河陽愛其才表掌書記

史茂元善李德裕而牛李黨人出商隱以爲說薄無行茂元死來遊京師久不調更依桂管觀察使鄭亞府爲判官亞謫循州亞亦德裕所善綯以爲志家慮放利偷合謝不進京兆尹盧弘上表爲府叅軍典箋奏綯當國商隱歸窮自解綯憾不置復干綯乃補太學博士柳仲郢節度劾南東川辟判官檢校工部員外郎府罷客榮陽卒



唐列傳卷之二十五

段文昌

段文昌字惠卿，景初，客荆州，疏奏任義節不為  
 龔，龔亦行節度使，表曹禮之後，依劔南節度，曹舉  
 表為校書郎，宰相李吉甫才之，擢登封尉，集賢校理  
 再遷左補闕，憲宗欲親用，頗為青貴之所，詆穆宗  
 卽位，屢召入，思政殿，顧問率至夕，乃出，俄拜中書侍  
 郎，同中書門下平章事，未踰年，自表還，改授劔南西  
 川節度使，同平章事，文昌素諳蜀利病，大抵治寬靜  
 間以威斷不常任也，長慶二年，黔中蠻叛，觀察使崔  
 元畧以聞，文昌使一介開曉，蠻卽引還，文宗立，拜御  
 史大夫，進封鄴平郡公，太和四年，檢校左僕射，徙帥  
 荆南州，或旱，郡解必雨，或久雨，遇出遊，必霽，民為語  
 曰：「早不苦禱而雨，雨不愁公出遊。」南詔襲南安帝，以  
 文昌得蠻夷心，詔使下檄，尉讓卽日解而去，復節度  
 西川，九年卒，文昌先墓在荆州，歲時享祀，必薦以音  
 樂歌舞，少驕，所向少諧，及居將相，享川肴侈，打金  
 蓮花盆，盛水濯足，或規之，荅曰：「人生幾何，要酬平生。」

不足也，子成式，推蔭為校書郎，博學強記，累官太常  
 卿，子安節，乾寧中為國子司業。

李逢吉

李逢吉字虛舟，系出隴西，舉明經，擢進士，第元和中  
 累拜平章事，逢吉性忌刻，險譎多端，及得位，務償好  
 惡，裴度討淮西，逢吉慮成功，密圖沮止，趙和議者請  
 罷諸道兵，憲宗知而惡之，出為劔南東川節度使，穆  
 宗召為兵部尚書，時度與元稹知政事，度常條稹儉  
 侈，逢吉以為其隙，易乘遂并中之，稹度坐是皆罷，逢  
 吉代平章事，因以恩爵動詭薄者，更相挺以詆傷，度  
 於是李紳、韋處厚等誦言度為逢吉排，逢吉初得留  
 時，已失河朔，帝訖不省，度遂外遷，鄭注得幸於王守  
 澄，逢吉遣從子訓，路注結守澄為奧援，其黨有張又  
 新、李續、張權、與、劉、栖、楚、李、虞、程、晉、範、姜、洽、及、訓、八、人  
 而傳會者，又八人，皆任要劇，故號八關十六子，有所  
 求，請先賂八關，于達於逢吉，無不得，所欲未幾，封京  
 國公，敬宗新立，度求入覲，逢吉不自安，為作讖言，以  
 沮度，而韋處厚坐當為帝言之，計卒不行，天子知度

忠相之逢吉於是寢疎及訓用事召拜尚書左僕射以司徒致仕卒

元稹

元稹字微之河南人也六代祖巖為隋兵部尚書稹幼孤母鄭賢而文親授書傳九歲工屬文十五擢明經判入等補校書郎元和元年舉制科對策第一拜左拾遺性明銳遇事輒舉始王叔文王伾蒙幸太子官而撓國政稹謂宜選正人輔導因獻書教太子又自以職諫諍不得數召見上疏條上十事於時論僂

唐列傳

卷三

三

高弘本豆盧靖等出為刺史閔旬追還詔書稹諫詔令數易不能信天下又陳西北邊事憲宗悅召問得失當路者惡之出為河南尉以母喪解服除拜監察御史按獄東川因劾奏節度使嚴礪礪黨怒俄分司東都會河南尹房式坐罪礪舉劾按故事追攝移書俾務詔薄式罪召稹還次敷水驛中人仇士良夜至稹不談中人怒擊稹敗面宰相以稹年少輕樹威失憲臣體貶江陵士曹參軍而李絳崔融白居易皆論其托父乃徙通州司馬改驪州長史元和末召拜膳

部員外郎稹尤長於詩與居易名相埒天下傳楓號

元和體往往播樂府稹宗在東宮妃嬪近習誦之官

中呼元才子稹之謫江陵善監軍崔潭峻長慶初峻

方親幸以稹歌詞數十百篇奏御帝大悅問稹官安

在曰為南宮散郎即擢祠部郎中知制誥愛詔書體

務純厚明切盛傳一時然其述非公議為士類皆薄

稹尚不平因誠風俗詔歷詆群有司以逞其憾俄遷

中書舍人翰林承旨學士中人爭與交魏弘簡在樞

密尤相善裴度出屯鎮州有所論奏共沮卻之度三

唐列傳

卷五

四

上既劾弘簡稹傾亂國政乃罷弘簡而出稹然眷倚

不衰未幾進同平章事朝野雜然輕笑稹思立奇節

時王廷湊方圖牛元翼於深州稹所善于方言王昭

子友明皆豪士雅遊燕趙間能知賊要領可使反間

而出元翼願以家貲辦行得兵部虛告二十以便且

募士稹然之李逢吉知其謀陰令李實誅裴度曰于

方為稹結客將刺公度隱不發神策軍中尉以聞遂

與度偕罷帝獨憐稹再荐徙浙東觀察使明州歲貢

辨役郵子萬人不勝其數稹奏罷之太和三年召為

尚書左丞王播卒謀復輔政甚力訖不遂俄拜武昌  
節度使卒年五十三種在越時辟寶箠鞏工爲諱與  
之酬和故鏡湖秦望之奇益傳時號蘭亭絕唱

牛僧孺

牛僧孺字思黯隋僕射奇章公弘之裔幼孤下杜樊  
鄉有賜田數頃依以爲生第進士元和初以賢良方  
正對策與李宗閔皇甫湜俱第一條指失政其言體  
訐不避宰相調伊闕尉改河南遷監察御史進直學  
士穆宗初徙御史中丞宿州刺史李直臣坐昧當死

唐列傳

卷三十五

五

賂官侍爲助其獄上帝曰直臣有才朕欲貸而用之  
僧孺曰彼不才者特祿取容耳天子制法所以束縛  
有才者祿山朱泚以才過人故亂天下帝異其言乃  
止以戶部侍郎同平章事始韓弘入朝其子公武用  
財賂權貴杜塞言者俄而弘公武卒孫弱不能事帝  
遣使者至其家悉收其簿校計出入所以餉中朝臣  
者皆在至僧孺獨注其左日月日送錢千萬不納帝  
善之敬宗立進封奇章郡公時政出近侍僧孺數表  
去位授武昌節度使文宗立李宗閔當國屢稱僧孺

賢後以兵部尚書平章事幽州亂楊志誠逐李載義

帝不時召宰相問計僧孺曰是不足爲朝廷憂第付

以節使扞奚契丹彼且自力因遣使慰撫之是時吐

蕃方請和議約弛兵而大酋悉怛謀舉維州入之劍

南於是李德裕上言請早經畧西山至死恨不能致

今以生羗三千人燒十三橋搆虜之虛可以得志帝

使群臣大議請如德裕策僧孺持不可途棄維州時

皆謂僧孺扶素愆橫議罷爲東都留守僧孺治第洛

之歸仁里多致嘉石美木與賓客相娛樂三年召爲

唐列傳

卷三十五

六

尚書右僕射出爲山南東道節度使劉稹誅而石樞  
軍吏得劉從諫與僧孺李宗閔交結狀又河南少尹  
呂述言僧孺聞稹誅恨歎之武宗怒累貶循州長史  
宣宗立還爲太子少師卒年六十九

李宗閔

李宗閔字損之鄭王元懿四世孫擢進士舉賢良方  
正與牛僧孺詆切時政觸宰相李吉甫惡之補洛陽  
尉穆宗即位進中書舍人長慶初設徵典貢舉宗閔  
託所親於徵而李德裕李紳元稹在翰林有寵於帝

共白徽取士不以實宗閔坐貶劔州刺史由是嫌德  
顯結植黨相磨凡四十年縉紳之禍不能解俄復  
為中書舍人典貢舉所知名士若唐冲薛序袁都  
等世謂之玉筍太和中同平章事時德裕自浙西召  
欲以相而宗閔中助多先得進引牛僧孺同秉政去  
異已者德裕所善皆逐之久之德裕為相與宗閔共  
當國德裕入謝文宗曰而知朝廷有朋黨乎眾以楊  
虞卿張元夫蕭瀚為黨魁德裕因請皆出為刺史宗  
閔大沮俄出為山南西道節度使李訓鄭注始用事  
疾德裕共皆短之乃罷德裕復召宗閔知政事會屢  
卿以京兆尹得罪宗閔極言營解帝怒叱曰爾常詆  
鄭覃為妖氣今自為妖取訓注乃劾宗閔異時陰結  
宦者求宰相乃貶湖州司戶帝常歎曰去河北賊易  
去此朋黨難楊嗣復輔政與宗閔善欲復用而畏鄭  
覃乃託宦人諷帝帝欲授一官陳夷行曰宗閔之罪  
不即死為幸嗣復曰事當適宜不可以憎愛奪遂擢  
杭州刺史會昌中劉稹敗得交通狀派封州宗閔初  
為裴度引拔後度薦德裕可為相宗閔遂與為結

愈為作南山狂虎行刺之而宗閔崇私黨卒以是敗

宋申錫

宋申錫字慶臣吏失其所人少而孤擢進士第累  
辟節度府後類遷以禮部員外郎為翰林學士敬宗  
時拜侍講學士長慶寶曆間風俗鶩薄聖嬖朋黨申  
錫素孤直少與及進用議者謂可以激浮競文宗即  
位再轉中書舍人復為翰林學士帝惡宦官權寵震  
主再致官禁之變而王守澄典禁兵偃蹇放肆欲剽  
除本根思可與決大事者察申錫忠厚因召對俾與  
朝臣謀去守澄等且倚以執政申錫頓首謝未幾拜  
中書右丞踰月進同平章事乃除王璠京兆尹密諭  
帝旨璠漏言而守澄黨鄭注得其謀太和五年遣軍  
候豆盧若詛告申錫與漳王謀及守澄持奏浴堂將  
遣騎二百屠申錫家宦官馬存亮爭曰謀反者獨申  
錫耳嘗召南司會議不然京師跋足亂矣守澄不能  
對時二月曉群司皆休中人馳召宰相馬奔之死於  
道易所乘以復命申錫與牛僧孺路隋字宗閔至中  
書中人唱曰所召無宋申錫申錫始知付罪望廷英

門以笏扣額還第僧孺等見上出著告牒皆駭愕不知所對守澄捕申錫親吏張全真家人賈子綠信及十六宅典史脅成其罪帝乃罷申錫為太子右庶子召三省官御史中丞大理卿京兆尹會中書集賢院雜驗申錫及狀京師譁言相驚久乃定翌日延英召宰相群臣悉入初議抵申錫死僕射竇易直率然對曰人臣無將將而必誅聞者不然於是左散騎常侍崔玄亮給事中李固言諫議大夫王質補闕盧鈞舒元褒羅泰蔣係裴休竇宗直常溫拾遺李群常端符

唐列傳 卷五十五

九

丁居勝袁都等伏殿陛請以獄付外帝震怒叱曰吾與公卿議矣卿屬第出玄亮固言執據愈切涕泣懇到繇是議貸申錫於嶺表京兆尹崔瑄大理卿王正雅苦請出著與申錫劾正情狀帝悟乃貶申錫開州司馬從而流死者數十百人擢豆盧著兼殿中侍御史初申錫既歸易素服俟命外舍其妻責謂曰公何負天子乃反乎申錫曰吾起孤生位宰相蒙國厚恩不能鉅姦亂反為所陷我豈反者乎初申錫以清節進疾要位者納賂餽敗風俗故自為近臣凡四方賄

謝一不受既被罪有司驗劾悉得所還問道書朝野為咎悶然在宰府無它謀畧七年感憤卒有詔歸葬開成元年李石因延英召對從容言申錫之枉久未原雪帝慙曰我當時亦悟其失而詐忠者迫我以社稷計故耳使逢漢昭宣時當不坐此因追復贈兵部尚書錄其子慎微為城固尉會昌二年賜謚曰貞

崔植

崔植字公修祐甫弟廬江令嬰甫子也祐甫病謂妻曰吾歿當以廬江次子主吾祀終服補弘文生與鄭

唐列傳 卷五十五

十

軍勇為補闕皆宰相後元和中為給事中時與前鎮劍度支建言減百官俸稟植封還詔書長慶初拜同平章事穆宗問貞觀開元中治道最盛何致而然植曰昔德宗常問先臣祐甫開元天寶事先臣具道治亂所以然臣願陛下以無逸為元龜又問司馬遷有漢文帝惜十家產而罷露臺身衣弋絺履草屨海上書畫為殿帷信乎植口良史非貌言時朝廷悉取河朔三鎮而制總又以幽燕七州獻諸朝且懼部

中植與杜元穎不知兵謂藩鎮且平不復料天下安  
危事而克融等羈旅塞贖得官自效日訴於前皆  
物不與乃遣張弘靖赴鎮縱克融等北還不數月克  
融亂復失河朔天下尤之植內憲罷終華州刺史

常處厚

常處厚字德載京兆萬年人舉繼母以孝聞中進士  
第宰相裴相引直史館改咸陽尉憲宗初擢左補闕  
李壽前開言古帝王以納諫為聖帝曰處厚路隋數  
上疏其言忠切坐與宰相常貫之善出為開州刺史  
唐列傳 卷五十一  
人知制誥穆宗立為翰林侍講學士處厚以帝冲怠  
不向學即與路隋合易書詩春秋禮孝經論語撮其  
粹要題為六經法言二十篇上之張平叔以言利得  
幸建言官自當籠籠天下之財宰相不能詰下群臣  
議處厚發十難送寢敬宗初李逢吉得柄構李紳處  
厚上言逢吉黨與讒之紳繇是免寶曆二年進翰林  
承旨學士兵部侍郎方天子荒諸月視朝才三四處  
厚人見即自陳有罪願前死以謝王廷奏之亂處厚  
言帝不能用裴度後禁中急變文宗綏內難猶未

即下詔處厚入途奉教班論進平章事封靈昌郡公  
處厚常獨對切言近君子遠小人時李回捷叛史憲  
誠慎向背裴度待以不疑憲誠遣吏白事中書處厚  
召語曰晉公以百口保爾帥於天子我則不然正所  
為以邦法從事耳憲誠懼不敢貳太和二年方奏事  
暴疾什香案前薨年五十六

路隋

路隋字南式其先出陽平父泌字安期通五經端亮  
寡言以孝悌聞德宗出奉天棄妻子奔行在扈狩梁  
唐列傳 卷五十一  
州排亂軍以出再中流矢裂裳滿血以策說渾瑊召  
置幕府東討從瑊會盟平涼為瑊所執死焉時隋嬰  
孺以恩授八品官遠長知父執虜中日夜號泣坐必  
西向不食肉母告以貌類泌者終身不引鏡貞元末  
吐蕃請和隋三上疏宜許不報舉明經授潤州參軍  
事李絳欲因辱之使知市事隋怡然坐肆不為屈帝  
夏卿高其節辟置東都幕府元和中吐蕃款塞隋五  
上疏請修好冀得必還詔可遣祠部郎中徐復報聘  
而泌以喪至帝感制服除擢隋左補闕史館修撰以

便亮稱穆宗立與常處厚並擢翰林學士文宗嗣位以同平章事監修國史初韓愈撰順宗實錄書禁中事爲切直宦豎不喜嘗其非實帝詔隋刊正隋建言衛尉卿周若巢諫議大夫王彥威給事中李固言史蘇景胤皆上言改修非是臣宗閔臣伯孺謂史官李漢將係皆愈之姪不可參撰俾臣得下筆臣謂不然且愈所書已非自出元和以來相循逮今雖漢等以嫌無害公証明年李德裕貶袁州長史不署奏爲鄭注所忌乃檢校鎮海節度使道病卒年六十

唐列傳

卷五

十三

鄭覃

鄭覃鄭州人父珣瑜以父蔭累擢諫議大夫穆宗立不卹國事數荒娛吐蕃方強覃與崔郾等廷諫帝不憚顧宰相蕭俛曰是皆何人俛曰諫官帝曰朕之閣下能盡規忠也因詔覃曰閣中殊不款款後有爲我言者當見卿延英時閣中奏久廢至是士相慶文宗召爲翰林侍講學士李宗閔等知政以覃與李德裕厚遷工部尚書帝頗思覃復召爲侍講俄宗閔得罪遂拜同平章事不喜文辭病進士浮夸建言廢其科

帝曰進士設科二百年渠可易乃止帝坐延英論詩工否覃曰孔子所刪三百篇是已其非雅正者烏足爲天子道哉覃旣名儒故以宰相頗祭酒請太學五經經置博士祿廩比王府官開成三年早帝多出官人李珣入賀覃又推贊之帝善其將美以病致仕卒始覃以經籍博十陋淺不能正建言願與鉅學鴻生共力讎刊覃乃表周墀崔球等是其文刻於石第朗字有融始辟柳公綽山南幕府入遷右拾遺開成中擢起居郎文宗與宰相議政適見朗執筆竊頭下

唐列傳

卷五

十四

謂曰向所論事亦記之乎朕將親之朗曰臣執筆所書者史也故事天子不觀史帝悅謂宰相曰朗可謂善守職者然人君之爲善惡必記庶一見得以自改朗遂上之累遷同平章事中人李敬實排朗驕導馳去朗以周宣宗詰敬實自言供奉官不避道帝曰傳我命則絕道行可也而私出不避宰相邪卽斥敬實右拾遺鄭言者故在幕府朗以諫臣與輔相爭得失不論則廢職奏徙他官久之以疾自陳罷爲太子少師卒始朗舉進士有相者言君嘗貴然不可以科第

進俄而有司擢朗第一既又復實被放相者賀曰安之已而果相

### 李石

李石字中玉襄邑恭王神符九世孫擢進士第辟李聽幕府從歷四鎮聽以兵北度河令石入奏占對華敏文宗異之帝惡李宗閔等以黨相排凡舊臣皆疑不用取後出孤立者欲懲艾之故李訓等至宰相訓誅死乃擢石同平章事石器識雄遠當軸乘權亡所撓時宦寺氣盛陵暴朝廷仇士良等往往斥訓以折

唐列傳

卷五

十五

大臣石徐謂曰亂京師者訓注也然其進孰為之先士良等惡縮不得對他日紫宸殿宰相進及陛下而歎石進曰陛下之歎臣固未諭陛下罪已當然然責治太早陛下積十年誠務修將來之政視太宗致昇平之期猶不為晚帝又問致治之難石勸拔才良愛人節用省賦禁奸明刑石欲強帝志因鄭覃之對更請效堯舜勿以文宣自安又請內置赦令救黜陟使以黜陟政治根本也中人自迨還走馬入金光門道路妄言兵且至京師譁走塵起百官或輟而請避

省吏稍稍過去鄭覃將出石曰事未可知宰相走則

亂矣益治簿書沛然如平時金吾大將軍陳君賞車

衆立望仙門內使起關門君賞不從日入乃止當是

時非石鎮靜君賞有謀幾亂帝嘗曰朕親晉君臣以

夷曠致蕪曩當時卿大夫過耶石曰然古詩有之人

生不滿百常懷千歲憂畏不逢也晝短苦夜長聞時

多也何不秉燭遊勸之照也帝曰天下之勢猶持衡

然此首重則彼尾輕矣其為我博選士朕且用之石

又奏治興成渠利關中奏貶韓益為梧州司戶奏復

唐列傳

卷五

十六

宋申錫官爵帝皆從之三年正月將朝請至親仁里

粗盜發射石傷馬京師震恐石因計家固辭位有詔

為荆南節度使始訓注亂權歸閣豎石起為相以身

狗國不郵近倖張權綱欲強王室收威柄而仇士良

疾之將加害帝知其然而未能罷去士人恨憤卒年

六十二

### 楊嗣復

楊嗣復字繼之父於陵見識於韓滉妻以其女歸嗣

妻曰吾聞人多矣後貴且壽無若生者有子必位



相既而生歸復浣撫其項曰名與位皆踰其父楊氏之慶也國字曰慶門八歲知屬文後擢進士博學宏辭與牛僧孺李宗閔雅相善二人輔政引權禮部侍郎凡二暮得士六十八人多顯宦文宗即位與李珣並拜同平章事嗣復為帝言陸贄屏居民間而上書論兵可勸以官珣起和曰士多趨競能獎濟貧夫廉矣鄭覃不平曰陛下當察朋黨嗣復曰臣聞左右佩劍彼此相笑未知覃果謂誰為黨耶固乞罷帝方委以政故慰安之他日帝問天后時有起布衣而為宰相者果可用乎嗣復曰天后重用刑釋用官自為之計耳必責能否要待歷試乃可帝又問延英政事孰當記之珣監修國史對曰臣之職也覃曰陛下開成初政甚善三年後日不逮前嗣復曰開成初覃夷行

唐列傳

卷三

十七

當國三年後臣與李珣同進即謝趨出園門不肯起帝乃免覃夷行相而嗣復專天下事進門下侍郎建言使府官屬多宜省帝曰無乃滯才乎對曰才者自異汰去批渣者菁華乃出帝崩中尉仇士良廢遺詔立武宗帝之立非宰相意故內滿執政臣不加禮自

用李德裕而罷嗣復後欲諫之德裕言昔太宗玄宗德宗三帝皆嘗用重刑後無不悔乃貶嗣復湖州刺史宣宗立召之至岳州卒

李珣

李珣字待價幼孤事母以孝聞甫冠舉明經李絳見之曰日角珠庭非庸人相明經碌碌非子所宜乃更舉進士高第擢右拾遺穆宗即位荒酒色即召李珣顏于邠寧李愬於徐州期九月九日大宴群臣珣與宇文辨同進曰光顏愬忠勞之臣方盛秋屯邊如今

唐列傳

卷三

十八

訪謀獻付疆事召之可也豈以酒食之歡為厚邪王播增茶稅十之五以佐用度珣上疏謂三不可帝不納為殿中侍御史宰相常處厚曰清廟之器豈擊搏才乎除禮部員外郎始鄭注以醫進文宗一日語珣曰卿亦知鄭注乎珣曰臣知之姦回人也注因怨珣開成中楊嗣復得君引珣同平章事與李固言皆善三人者居中秉權及與鄭覃陳夷行等更持議好惡相影和朋黨益熾矣杜宗頌度支有勞帝欲拜戶部尚書以同宰相陳夷行答曰恩權予奪願陛下自斷

王曰祖宗倚宰相天下事皆共平章苟用一吏處一事皆決於上將焉用彼相哉武宗新聽政王數稱無逸篇以勸時潞州劉從諫獻犬馬滄州劉約獻白鹿王請却之後遷河陽節度使罷積賊宿逋百餘萬及吏部尚書召宣宗立俄爲淮南節度使時江淮旱發倉廩賑流民以軍羨儲穀半價與人卒淮南之人叩闕下願立碑

裴休

裴休字公美孟州濟源人父肅貞元時爲浙東觀察

唐列傳

卷五

十九

使劇賊栗銀誘山越爲亂肅引州兵破禽之生三子休仲子也兒童時兄弟偕隱家點畫講經夜著書有續鹿者諸生共薦之休不食曰蔬食猶不足今一啖肉後何以繼擢進士第更內外任至大中時以兵部侍郎願諸道監鐵轉運使六年進同平章事即奏言宰相論政上前知印者次爲時政記請宰相人自爲記詔可進中書侍郎太和後歲漕江淮米四十萬斛至渭河倉者纔十三劉晏之法盡廢休分遣官詢按其弊又立稅茶十二法人以爲便秉政凡五歲罷爲

宣武軍節度使封河東縣子久之出太子少保分司東都復起歷昭義河東鳳翔荆南四節度卒年七十四贈太尉休不爲曠察行能文章書楷道媚有體法爲人醜穢進止雍閑宣宗嘗曰休真儒者然嗜浮屠法居常不御酒肉講求其說演繹附著數萬言習歌頌以爲樂與紇干良素善至爲桑門號以相字當世嘲薄之而所好不衰

常丹

常丹字文明京兆萬年人周大司空孝寬六世孫高

唐列傳

卷五

二十

祖現以洗馬事太子承乾諫不聽太宗亦之推給事中高宗在東宮爲中舍人封武陽縣侯孝敏爲太子現以右中護爲詹事卒丹蚤孤從外祖顏真卿學擢明經調安遠令以讓庶兄入紫閣山事從父能復舉五經高第歷咸陽尉張獻甫表佐邠寧幕府順宗爲太子以殿中侍御史召爲舍人新羅國君死詔拜司封郎中往弔故事使外國賜州縣十官賈以取貨號私觀官丹曰使外國不足於資宜上請安有貨官受錢取具厥所宜費帝命有司與之因著令未行而新

羅立君死還爲容州刺史始城州城周十三里屯田二十四所教種茶麥仁化大行遷河南少尹未至徙義成軍司馬以諫議大夫召有直名劉闢反議者欲釋不誅丹上疏會闢闢梓州乃授丹劔南東川節度使代李康至漢中上言康守方盡方不可易召還議蜀事闢去梓因以讓高崇文乃拜晉慈隰州觀察使封咸陽郡公徙爲江南西道觀察使丹計口受俸委餘於官築堤打江長十二里甯以甯漲凡爲陂塘五百九十八所泄田萬二千頃有卒盡令當死釋不誅

唐列傳

卷三十五

二十一

去上書告所不法詔丹解官待辨會卒年五十八驗卒所告皆不實子宙推蔭累調河南府司錄參軍李珣表河陽幕府宣宗謂宰相周墀曰丹有子否以宙對帝曰與好官乃拜侍御史三遷度支部中盧鈞節度太原表宙爲副三部六蕃諸種皆信悅召拜吏部郎中出爲永州刺史州方災歎乃斥官下什用所以供刺史者得九十餘萬錢爲市糧餉還爲大理少卿久之拜江西觀察使政簡易遷嶺南節度南詔陷交趾撫兵積備以幹聞加同平章事咸通中卒

盧弘宣

盧弘宣字子章元和中擢進士第鄭權帥襄陽辟署幕府李愬代權二人交憾弘宣始謁愬愬教左右謹衛旣與語見其冲遠不覺洗然表度留守東都表爲判官累遷給事中駙馬都尉開成中山南江西大水詔與吏部郎中崔璿分道賑卹遷京兆尹刑部侍郎拜劔南東川節度使時歲饑盜弘宣下檄脅諭賊黨徙義武節度使初詔賜其軍粟三十萬斛貯飛狐弘宣計輓費不能滿直敕吏守之明年春大旱教民贖力往取時凶魏饑甚獨易定自如歷工部尚書祕書監致仕卒年七十七子有及進士第終給事中

唐列傳

卷三十五

二十一

薛放

薛放端厚寡言第進士擢累兵部郎中穆宗爲太子拜侍讀及卽位參贊機命進工部侍郎集賢學士帝嘗問朕欲學經與史何先對曰論語六經之精華也孝經人倫之本也漢時論語首立於學官光武令鹿賁士皆習孝經玄宗親爲注訓終江西觀察使

丁公著

丁公著字平子蘇州吳人三歲喪母甫七歲見鄰媪抱子哀感不肯食請於父緒願絕粒學老子道父聽之稍長父勉勅就學舉明經高第授集賢校書郎不蒲秋凱去侍養於家父喪負土作冢觀察使薛平表上至行淮南節度使李吉甫表授太子文學會入輔政擢遷直學士立皇太子諸王侍讀因著太子諸王訓十篇穆宗立未聽政召居禁中條詢治理公著內知帝欲進川故辭疾求外遷授浙西觀察使徙為河南尹治以清靜開四遷禮部尚書翰林侍講學士長

唐列傳

卷三十一

二十三

慶中浙東災癘拜觀察使詔賜米七萬斛使賑饑荒入為太常卿太和中以病乞身還鄉里卒年六十四

崔玄亮

崔玄亮字晦叔磁州昭義人貞元初擢進士第累署諸鎮幕府父喪客高郵卧苦終制地下濕因得瘴病不樂進取元和初召為監察御史累轉駕部員外郎稍遷密欵二州刺史欵人馬牛生駒犢官籍踏噉故吏得為姦玄亮焚其籍太和四年蘇太常少卿改諫議大夫拜右散騎常侍每還官輒讓形於色鄭注補

宋申錫捕速倉卒玄亮率諫官叩延英苦諍名重朝廷頃之移疾歸東都召為魏州刺史卒年六十六

王質

王質字華卿五世祖通質少孤客壽春力耕以養母舉進士中甲科繇秘書省正字累遷諫議大夫宋申錫之得罪質與諫官伏閣出為魏州刺史李德裕素知之擢給事中河南尹徙宣欵觀察使卒年六十八質清白畏慎奏罷幕府者若河東裴夷直天水趙普隴西李行方梁國劉蕡皆一時選云

唐列傳

卷三十一

二十三

殷侗

殷侗陳州人貞元未及五經第其學長於禮擢太常博士元和八年回鶻請和親詔侗宗正少卿李孝誠使回鶻可汗驕甚盛陳甲兵欲臣使者侗不為屈已傳命虜責其倨宣言欲留不遣衆色怖侗徐曰可汗唐婿欲坐屈使者拜乃可汗無禮非使臣倨也虜聞其言不敢逼還還虞部員外郎王承宗叛遣侗相諭承宗聽命進諫議大夫侗論朝廷治亂得失以語切出為桂管觀察使寶曆元年徙江西所至以廉潔稱

入爲衛尉卿文宗即位李同捷叛而王廷奏陰爲營  
齒兵久不解帝銳欲討賊群臣無敢異論者獨侑請  
舍廷奏而專事同捷同捷平以侑嘗爲滄州行軍司  
馬遂拜義昌軍節度使以仁惠爲治遂爲營田巧耕  
牛三萬加檢校吏部尚書六年徙天平節度自李師  
道亂賊入盡爲軍費侑以餉軍有贏當上送官加檢  
校尚書右僕射御史大夫溫造劾侑道制擅賦歛爲  
無名之獻詔以唐承宣代還進刑部尚書復用爲天  
平節度使開成元年再召爲刑部尚書時李訓鄭注  
唐列傳 卷五 二十五

王彥威

王彥威其先出太原舉明經甲科爲太常散吏卿知  
其經生補檢討官詔拜博士憲宗崩淮南李夷簡上  
言大行皇帝功高宜稱祖穆宗下其議彥威奏古者  
始封爲太祖向太祖而降則又祖有功宗有德故夏

人祖顛頊而宗禹商人祖契而宗湯周人祖文王而  
宗武王唐本周禮以景皇帝爲太祖祖神堯而宗太  
宗大行宜稱宗制可後遷諫議大夫李師道既平其  
十二州賦法未均詔爲勘定兩稅使還兼史館修撰  
興平民上官與殺人亡命吏囚其父典開自首請罪  
京兆尹杜棕御史中丞宇文鼎以自歸死免父囚可  
勸風俗議減死彥威據法爭論下遷河南少尹俄改  
司農卿李宗閔執政雅善之進拜平盧節度使開成  
初召爲戶部侍郎判度支出入米鹽非所長也而韓  
唐列傳 卷五 二十六

李頻

李頻字德新睦州壽昌人少秀悟長廬西山多所  
記覽其屬辭於詩尤長與里人方于善給事中姚合  
大加獎挹以女妻之大中八年擢進士第調秘書郎  
爲南陵主簿判入等再遷武功令於時歲民多饑神  
策軍吏以其橫不敢繩以法頻至有神策士尚君慶  
道遇女年不送頻歸送獄有六門堰者廢百五十

年方歲幾類發官詹庸民浚渠溉田穀以大稔俄擢  
侍御史守法不阿累遷都官員外郎表丐建州刺史  
既至以禮法治下時朝政亂而建頽頽以安卒

唐列傳

卷五

二十七

唐列傳卷之二十六

李德裕

李德裕字文饒宰相吉甫子也少力於學既冠卓犖  
有大節不喜與諸生試有司以蔭補校書郎張弘靖  
辟為掌書記府罷召拜監察御史穆宗即位擢翰林  
學士帝為太子時已聞吉甫名由是顧德裕厚帝怠  
荒於政故戚里多所請丐挾宦人詞禁中語關託大  
臣德裕建言舊制駙馬都尉與要官禁不往來再進  
御史中丞始吉甫相憲宗牛僧孺李宗閔對直言獲  
痛詆當路條失政吉甫訴於帝且泣有司皆得罪遂  
與為怨吉甫又為帝謀討兩河叛將李逢吉沮解其  
言功未既而吉甫卒裴度實繼之逢吉以議不合罷  
去故追銜吉甫而怨度損德裕不得進欲引僧孺益  
樹黨乃出德裕為浙西觀察使俄而僧孺入相由是  
牛李之憾結矣敬宗立修用無度詔浙西上貽書  
具德裕奏不報又詔索盤條繚綾千匹復奏便詔為  
停自元和後天下禁毋私度僧徐州王智興給言天  
子親日請禁墮度人以資福詔可即顯募江淮間民

皆曹輩奔走因率擯其財以自入德裕劾奏智與  
帝昏荒聽朝簡忽德裕上丹扈六箴時亳州浮屠龍  
言水可愈疾號曰聖水德裕嚴勒津邏捕絕之且有  
昔吳有聖水宋齊有聖火皆本妖祥帝方惑佛老狂  
人杜景先上言其友周息元壽數百歲帝遣宦者  
浙西迎之詔在所馳驛敦遣德裕上躡息元果誕  
太和三年召拜兵部侍郎裴度薦才堪宰相而李宗  
閔以中人助先乘政出德裕為鄭滑節度使引僧  
協力罷度政事凡德裕所善悉逐去之踰年徙劍南

唐列傳

卷五十六

二

西川蜀人多鬻女為人妾德裕為着拜約凡十三而  
上執三年笈下者五歲及期則歸之父母蜀先主祠  
旁有孫杖其民剔髮若浮屠者畜妻子自如德裕下  
令禁止蜀風大變於是二邊寢懼南詔請還所俘掠  
四千人吐蕃維州將悉怛謀以城降德裕既得之即  
發兵以守且陳出師之利僧孺居中沮其功命返悉  
怛謀於虜以信所盟德裕終身以為恨會監軍使王  
踐言入朝盛言悉怛謀死拒遣人向化意帝  
即以兵部尚書召俄拜平章事封贊皇縣伯建官朝

廷惟邪正二塗正必去邪邪必害正俄而宗閔罷帝  
暴威風害語言鄭注始因王守澄以兼進帝少間又  
薦李訓使持節詔帝欲授諫官德裕言訓小人不宜引  
致左右訓注皆怒即復召宗閔輔政拜德裕為興元  
節度使入見帝自陳願留閣下後拜兵部尚書宗閔  
奏命已行不可止更徙鎮海軍以代王璠先是太和  
中漳王養杜仲陽歸浙西有詔在所存問時德裕被  
召乃檄留後使如詔書璠入為尚書左丞而漳王以  
罪廢死因與戶部侍郎李漢共譖德裕受賂仲陽謀

唐列傳

卷五十六

三

王為不軌帝欲其言召王涯李固言路隋質之獨隋  
言德裕大臣不宜有此遂貶德裕分司東都後貶袁  
州長史隋亦免宰相未幾宗閔以罪斥而注訓等亂  
敗帝追悟乃徙涪州刺史遷淮南節度使代牛僧孺  
武宗立召同平章事既入謝即進戒帝辨邪正帝嘗  
疑楊嗣復李珣願望不忠遣使殺之德裕知帝性剛  
而果於斷事三宰相見廷英鳴咽涕固諫因追還  
使者回轎自開成時為黠曼斯所破會昌後鳥介可  
汗扶公主來塞下種族大饑以弱口重器易粟於邊

退澤完項利勇掉因天德軍使田平上言願以部落  
兵擊之時議者不一武宗從德裕議而回鶻逐敗進  
位司徒澤潞劉從諫死其從子稭攬留事以邀節度  
德裕請發諸道兵討之澤潞平策功拜六樹進封趙  
國公改衛國公德裕嘗謂省事不如省官省官不如  
省吏威名獨重於時宣宗即位奉冊太極殿帝退朝  
左右曰向行事近我者非太尉耶每顧我毛髮為森  
豎翌日罷俄徙東都留守白敏中令狐綯崔鉉皆素  
仇大中元年使黨人李咸斥德裕陰事再貶潮州司  
馬明年又舉吳汝納訟李紳殺吳湘事而大理卿盧  
官刑部侍郎馬植御史中丞魏扶言紳殺無罪德裕  
狗成其冤乃貶為崖州司戶叅軍事明年卒年六十  
三德裕既沒見夢令狐綯曰公幸哀我使得歸葬與  
語其子高高曰執政皆其憾可乎既夕又夢綯懼曰  
衛公精爽可畏不言禍將及自於帝得以喪還德裕  
性孤峭明辯有風采善為文章其謀議援古為實家  
家可喜所居安邑里第有院號起草亭曰精思每計  
大事則處其中雖左右侍御不許豫不喜飲酒後房

無聲色嫫生乎所論著多行於世云

李回

李回字昭度新興王德良六世孫長慶中擢進士第  
及策賢良方正異等李德裕雅知之尋職方員外郎  
判戶部會昌中以刑部侍郎兼御史中丞時方伐劉  
稭武宗慮河朔列鎮陰相締以挽兵事德裕薦回持  
節諭何弘敬王元逵二將聽命又張仲武以幽州兵  
攻回鶻而與劉沔不協回至諭以大義仲武釋然即  
合太原軍攻潞復以回為使督戰至蒲東王宰石維  
秦鞅謂道左回不馳行顧左右呼直史責被賊限  
等震恐賊平進同平章事武宗崩出為劍南西川  
節度使以與德裕善決吳湘獄時回為中丞坐不辭  
摘貶湖南觀察使卒

鄭肅

鄭肅字又敬其先榮陽人第進士書判拔萃補興平  
尉累擢太常少卿文宗高擢魯王府屬肅以諫議大  
夫兼長史王為皇太子遷給事中進尚書右丞出為  
陝觀察使開成二年召拜吏部侍郎既而太子以



憂死山爲檢校禮部尚書河中節度使武宗知太子無罪特困於譏而朝廷謂肅臨義不可奪五年同平章事與李德裕同心輔政宣宗卽位遷中書侍郎罷爲荆南節度使卒子洎仕至州刺史

李讓夷

李讓夷字達心擢進士第辟鎮國李絳府判官又從西川杜元穎幕府宋中錫爲翰林學士薦讓夷右拾遺俄詔拜學士素善薛廷老廷老不傷細檢數飲酒不注職罷去坐是亦奪職累進諫議大夫開成初起

唐刻

卷三十一

六

居舍人李褒免文宗謂李石石以馮定孫簡蕭傲李讓夷對帝曰讓夷可也李固言請用崔球張次宗鄭覃曰球故與李宗閔善若裴中孺李讓夷臣不敢有言乃決用讓夷武宗初李德裕復入三遷同平章事潞州平檢校尚書右僕射宣宗立進司空門下侍郎復拜淮南節度使以疾願還卒

李紳

李紳字公垂中書令敬玄曾孫爲人短小精悍於詩昆有名時號短李蘇州刺史常夏卿數稱之非排有

爲銜芝墜車元和初擢進士第補國子助教不樂

去客金陵李紳愛其才辟掌書記錡寢不法錡召紳

作疏陽怖栗至不能爲字或言許縱能軍中書召紳

至操書如所欲卽囚紳獄中錡誅乃免穆定召爲右

拾遺翰林學士與李德裕元稹同時號三俊累擢中

書舍人稹爲宰相欲引牛僧孺懼紳等在禁近沮解

乃授德裕浙西觀察使僧孺輔政以紳爲御史中丞

顧其氣剛下而韓愈勁直乃以愈爲京兆尹兼御史

大夫免臺參以激紳紳愈不相下以紳爲江西觀察

使紳言爲李逢吉中傷改戶部侍郎逢吉終從隨之

紳族子虞有文學名隱居華陽自言不願仕時來省

紳雅與相者程昔範善及者爲拾遺虞以書求薦紳

惡其無立操痛謂之虞失策後至京師恭紳於逢吉

逢吉乃用張又新李績等計擢虞昔範與劉棲楚皆

爲拾遺以伺紳隙內結中人王守澄自助會敬宗立

逢吉知紳失勢可乘使守澄從容奏言先帝始議立

太子杜元穎李紳勸立深王獨宰相逢吉請立陛下

而李績李虞助之逢吉乘間言紳嘗不利於陛下願

逐之帝初即位不能辨乃貶紳爲端州司馬惟肅處  
厚屢言紳枉折逢吉之姦後天子於禁中得先帝手  
緘書一笥發之見裴度元穎紳三疏請立帝爲嗣始  
大感悟寤曆赦令不言左降官與量移處厚執爭詔  
爲追定得徙江州長史遷滁壽二州刺史太和中李  
德裕當國擢紳浙東觀察使李宗閔方得君復以太  
子賓客分司開成初鄭軍以紳爲河南尹河南多惡  
少或危帽散衣擊大毬車馬不敢前紳治剛嚴皆望  
風遁去遷宣武節度使大旱蝗不入境武宗即位徙

淮南召拜同平章事封越郡公復節度使淮南卒

盧鈞

盧鈞字子和系出范陽徙京兆藍田舉進士中第以  
拔萃補秘書正字從李絳爲山南府推官調長安尉  
又從裴度爲太原觀察使遷監察御史爭宋申錫獄  
知名遷給事中拜華州刺史關輔驛馬疲耗鈞爲市  
徒馬糧嶺南節度使海道商舶始至異時帥府爭先  
往賤售其珠鈞一不取以戶部侍郎召判戶部會昌  
中漢水害襄陽拜鈞山南東道節度使築隄六千步

以障漢暴王師伐劉稹武宗詔兼節度昭義軍會  
必專領昭義鈞及潞石雄兵已入而稹將白惟信  
餘卒三千保潞城未下惟召之使往鈞次高平惟信  
獻款俄而與士五千戍代北卒驕顧家屬不欲去  
醉及攻城迫大將李文矩爲帥鈞倉卒奔潞城之  
投地偪卅稍論叛者衆乃悔服卽相與謝鈞迎還  
斬首惡乃定會劉鈞自天平徙宣武水至暴於  
鈞宣武節度使人情帖然召入爲吏部尚書封范陽  
郡公節度河東大中九年召爲左僕射令孤勣

帝元日大饗會元殿鈞年八十升降如儀音吐瀉  
舉朝咨嘆以鈞耆碩長者顧不任職咎絢爲相實絢  
聞言於帝以鈞同中書門下平章事爲山南西道節  
度使懿宗初復節度宣武辭不拜致仕卒年八十七

劉琮

劉琮字子全高宗宰相仁軌五世孫第進士陳夷行  
表爲判官入選左拾遺諫罷武宗方士大初權輪  
林學士會伐兗項詔爲行營宣慰使遷刑部侍郎  
河南尹進宣武軍節度使先時大饗雜進倡舞琮曰

豈軍中樂耶取壯士千人被虜推矛盾習擊刺與  
士臨觀徒河東節度使未幾以戶部侍郎召判度支  
始琛在翰林帝素器遇至是手詔追還外無知者既  
發太原人方大驚後請聞帝視按上厝謂琛為朕擇  
一令曰琛跪曰某日良帝笑曰是日卿可遂相即  
同平章事仍領度支嘗與崔慎由議帝前慎由請罷  
別流品琛曰王夷甫相晉崇尚浮虛以述流品卒致  
淪交慎由不得對由是罷宰相俄而琛大病加工  
尚書拜卧内猶手既陳政事居位半歲卒年六十三

唐劉勰

卷五

十

杜牧

杜牧字牧之佑之孫也第進士復舉賢良方正沈傳  
師表為江西團練巡官又為牛僧孺府掌書記是時  
劉從諫守澤潞何進滔據魏博頗驕蹇不循法度牧  
追咎長慶以來朝廷措置亡術復失山東鉅封劇鎮  
所以係天下輕重不得承襲輕投背國家大事嫌不  
當位而言實有罪故作罪言又傷府兵廢壞作原十  
六衛論果遂左補闕史館修撰改膳部員外郎宰相  
李德裕素奇其才會昌中詰免所破回鶻回鹘種落

潰入漠南牧說德裕不如遂取之德裕善之會劉稹  
拒命詔諸鎮兵討之牧復移書於德裕若以忠武軍  
兩軍益青州精甲五千宣潤弩手二千道終而入不  
數月必覆賊巢俄而澤潞平畧如牧策歷黃池駐三  
州刺史入為司勳員外郎常兼史職改吏部復乞為  
湖州刺史踰年以考功郎中知制誥遷中書舍人牧  
剛直有奇節不為齷齪小謹亦以疏直時無右援者  
從兄宗更歷將相而牧因蹟不自振頗快快不平卒  
年五十牧於詩情致豪邁人號為小杜以別杜甫云

唐劉勰

卷五

十

李中敏

李中敏字藏之系出隴西元和中擢進士第與杜牧  
李珣善其文辭氣節大抵相上下入拜侍御史鄭注  
誣逐宰相宋申錫天下以目太和六年大旱文宗內  
憂詔詢所以致雨者中敏時以司門員外郎上言乞  
新鄭注不省注誅果遷諫議大夫為理匭使建言有  
司不得御奏既遷給事中仇士良以開府階蔭其子  
中敏曰內調者監安得有子士良恠蘇是棄官去  
開成末為琴杭二刺史卒於官

李茸

李茸字和鼎長慶末第進士舉賢良方正異等累擢侍御史鄭注侍講禁中求宰相朝廷譁然將用之茸顯倡曰注何人欲得宰相茸坐輕肆貶封州司馬而李訓內亦惡注縣是注卒不相茸終於貶始河南人楊牢字松年有至行茸方未顯以書薦牢於尹牢後亦擢進士第

綬溫

綬溫字弘育方七歲日誦書數千言十一舉兩經及

唐書卷三十一

十一

第以拔萃高等補成陽尉入為監察御史以整制苛嚴不可以省養不拜換著作郎既謝輒解歸侍親疾居喪服除李逢吉辟置宣武府頗遷右補闕宰相宋申錫被搆罪不測溫倡曰丞相操履純篤不宜及乃姦人陷之太和五年太廟室漏譚詔宗正將作營治不時畢文宗怒責卿李銳監王堪奪其稟自勅中人茸之溫諫更舉其職國以治事歸於正法以俗請還將作帝乃罷官人會群臣請上尊號溫固諫今河南水江淮早京師雪積五尺老稚凍什此非崇歸虛名

時改侍御史李德裕入輔擢禮部員外郎鄭注節度

鳳翔表為副溫曰拒則遠黜從之禍不測吾焉能為

注起邪注誅由考功員外郎拜諫議大夫未幾為翰林學士從太常少卿宰相李固言薦溫給事中帝曰

溫素避事肯為我論駁乎須太子長以為賓客久之

卒為給事中初兼莊恪太子侍讀諫曰殿下盛年宜

鷄鳴蚤作問安太子不悅辭侍讀太子得罪詔論群

臣溫曰陛下訓之不早非獨太子罪時頗直其言遷

尚書右丞監鐵推官姚坊按大獄帝以為能擢職方

員外郎將趨省溫言郎官清選不可賞能吏武宗在

擢吏部侍郎李德裕欲引同輔政溫苦言李漢可釋

德裕悵然出宣歙觀察使池民訟刺史劾無狀榜殺

之成行部中既疾召親屬賦詩在室愧屋漏因泣下

曰今知沒身不負斯誠矣卒年五十八溫性剛峻人

望見無敢戲慢者與楊嗣復李德裕善嘗勸平故憾

二人不從及皆謫溫歎曰用吾言孰至是耶一女歸

薛蒙士屬文績曹大家女訓行於世

劉黃

劉黃

劉蕡字去華幽州昌平人客梁汴開明春秋能言古興亡事沈徒於謀浩然有救世意擢進士第元和後桂綱弛廢神策中尉王守澄負弒逆罪更二帝不能討天下憤之文宗卽位思洗元和宿耻將剪落支黨方宦人握兵橫制海內號曰北司宦人挺外脅群臣內掣侮天子蕡常痛疾太和二年舉賢良方正能直言極諫帝引諸儒百餘人於廷策之時第策官左散騎常侍馮宿太常少卿賈餗庫部郎中龐嚴見蕡對嗟伏以爲過古臯董而畏中官睚眦不敢取士人唐列傳 卷三十六 十四

决帝後與宋申錫謀誅守澄不克守澄廢帝弟漳王而斥申錫帝依違其間不敢主也賈餗與王涯李訓舒元與以謀敗皆爲中官夷其宗而宦者益橫帝以憂崩昭宗誅韓全誨等左拾遺羅衮上言蕡當太和時宦官始熾因直言策請奪爵士復掃除之役使蕡策蚤用則逆節可消帝感悟贈蕡右諫議大夫訪子孫授以官云

唐列傳

卷三十六

十五

唐列傳卷之二十七

劉瞻

劉瞻字幾之其先出彭城後徙桂陽舉進士徐商辟署鹽鐵府案選太常博士劉瑑執政薦為翰林學士拜中書舍人進承旨出為河東節度使咸通十二年同平章事同昌公主薨懿宗捕太醫韓宗紹等送獄逮繫宗族數百人瞻諭諫官皆依違無敢言自上疏固爭帝大怒罷為荆南節度使路巖常保衡從為惡言聞帝俄斥廉州刺史於是翰林學士鄭畋以賣

唐列傳 卷二十七

節不添切御史中丞孫理讓大夫高湘等坐與

善貶嶺南巖等殊未愜按圖視離州道萬里即貶職州司戶叅軍事命李庾作詔極詆將遂殺之天下謂瞻便正幽州節度使張公素上疏申解巖等不敢害僖宗立徙康號二州刺史召平章事居位三月卒

王徽

王徽字昭文京兆人第進士授校書郎沈詢判度支徐商頗盈錢皆辟署使府始宣宗詔宰相選可尚主者或以徽爾微本清聲利聞不喜往見宰相劉稹曰

微年過四十又多病不應在選稹為言乃罷從令狐

絢署宣武淮南掌書記召授左拾遺書二十餘上言

無回忌徐商罷政事守江陵表為殿中侍御史高澆

薦知雜事進考功員外郎擢翰林學士廣明元年盧

攜罷宰相以微同平章事是日黃巢入關僖宗西狩

冒夜出微與崔沆豆盧瑑僕射于琮詰朝乃知追帝

不及墜崖樾間為賊所執迫還將汗以官微陽瘖不

答以刃環脅卒不動賊令歸策使醫視久之守者

懈乃奔河中裂襟書章遣人間走蜀顏昭義節度使

唐列傳 卷二十七

是時李克用亦爭澤潞微知朝廷力未能以兵抗之

奉表回辭更為諸道租庸供軍使因說行營都監楊

復光請赦沙陀罪令赴難遂平京師微助為多遷右

僕射奉表請帝東還權京兆尹微不屈勢侍為帝左

右所憎以其黨薛杞為少尹輕其權杞方居喪微奏

止不使到府眾忿共譖罷微令赴行在帝還京師宰

相疾其怨望貶集州刺史會帝避沙陀出次寶鷄帝

念微無罪拜吏部尚書封琅琊郡侯未行而昭義王

愬作亂帝遣次漢中暉過召微微誓膝微托手弱卒

不肯寫熅平帝至鳳翔召徵拜太子少師昭宗立見便殿進對詳洽帝顧宰相曰徵神氣精強可用乃復授吏部尚書進左僕射大順元年卒

鄭畋

鄭畋字台文系出榮陽舉進士第時年甚少有司上第籍武宗疑索所試自省乃出爲宣武推官以書判拔萃擢渭南尉父喪免宣宗時白敏中令狐絢繼當國皆怨德裕其賓客並廢斥故畋不調幾十年外更帥鎮幕府絢去位始爲虞部員外郎右丞鄭薰誣畋罪不可任即官出之久乃入爲刑部員外郎劉贍爲宰相薦授戶部郎中入翰林學士俄知制誥會討徐州賊龐勛書詔紛委助平以戶部侍郎進學士承旨贍以諫逆懿宗賜罷畋草制書多褒言帝保衛等語之貶梧州刺史僖宗立徙柳絳二州以右散騎召還同平章事封榮陽郡侯以星象求去位不許乾符六年黃巢勢竄盛據安南騰書求天平節度使帝令群臣議咸請假節以紓難畋欲因授嶺南節度使而盧勗方倚高駢使立功僕射于琮言南海以贍

唐荆傳

卷三十一

三

宮天下如與賊國議媾矣天子然搗議駭南蠻友璵請如西戎以公主下嫁搗又議從之畋以爲損國歲靈不可仰抗論至相妬媢乃俱罷以畋爲太子賓客分司東都俄召拜吏部尚書明年爲鳳翔隴西節度使會黃巢陷東都遣兵戍京師以家財勞行襄自緹戎衣給戰士帝出梁洋畋上謁斜谷遣子凝續從帝有詔進同平章事賊將又至畋斬於軍遷檢校尚書右僕射承制除拜乃以前靈武節度使唐弘夫爲行軍司馬中和元年賊將王璠率衆三萬來攻畋使弘夫設伏以待璠適去擒璠于斬之乃與溫原程宗楚秦州佻公遇鄭延李素恭夏州拓拔思恭約盟傳檄天下當此時徵畋天子幾殆弘夫與宗楚乘勝入都門爲賊所展敗數救無極進二人不聽果敗以鄭畋兵屯東渭橋再進司空行軍司馬李昌言者屯興平遷應下求爲南面都統輒引兵趨府畋不意見龔登城好語曰吾方入朝公能戢兵愛人爲國賊賊乎能則守此矣遂委軍去昌言自爲留後明年召至行在以王鐸將兵復拜畋司空平章事田令孜恃權有

唐荆傳 卷三十一 三

史 143-243

所干請改不應陳敬瑄欲以官品居宰相上改曰外  
宰相安得論品乎卒不肯處其下令改敬瑄內常銜  
之賊平帝將還而李昌言自以慶敗而奪之鎮今敗  
當國內不喜故三人相結而遣客上改過咎帝得其  
情不許改乃引疾去罷政事卒年六十三

鄭從謹

鄭從謹字正求及進士第補校書郎累遷左補闕令  
狐綯魏扶皆泮門生數進譽之遷中書舍人咸通中  
為吏部侍郎銓次明允出為河東節度使徙宣武以

唐列傳

卷五十一

五

善最開政顧南東道節度先是林邑國內侵召天下  
兵進援會屢勦亂不復遣而北兵寡弱從謹募土  
署其首右職為約束使相捍禦交廣晏然僖宗立召  
為刑部尚書久之擢同平章事沙陀都督李國昌入  
據鎮武雲朔等州南略大谷河東節度使康傳圭遣  
大將伊釗張彥琳蘇弘軫引兵拒之戰數負傳圭斬  
軫以狗彥琳所部及攻傳圭殺之劫府庫為亂朝廷  
以為憂帝欲大臣臨制乃拜從謹以宰相秩復為河  
東節度兼行營招討使詔自樞密佐皆一時選京師

士人比太原為小朝廷言得才多也會黃巢犯京師  
帝駐梁漢詔從謹發部兵屬北面招討副使諸葛爽  
入討從謹團士五千遣將論安從爽而李克用謂太  
原可乘以沙陀兵奄入其地壁汾東謂曰我且引而  
南欲與公而約從謹登城勉感柴使立功報天子  
厚恩克用辭窮再拜去亦會振武契苾通至與戰沙  
陀沙陀大敗引還即遣安等屯北百井安擅還從謹  
合諸將命持安出斬之鞠場中和三年賊平詔克用  
代領河東從謹乃行黃頭軍以糧少劫其資從謹開  
走絳州方道稷不通數月召拜司空從帝至興元以  
疾乞骸骨卒謚文忠從謹沈毅有謀時鄭畋鎮鳳翔  
兩人以忠義相提衡賊尤憚之號二鄭云

王鐸

王鐸字昭範宰相播昆弟子也會昌初擢進士第累  
遷右補闕集賢殿直學士白敏中辟署西川幕府咸  
通後仕廢顯十二年孫禮部尚書加門下侍郎常保  
衛恩恩侍輔致始由鐸得進士故謹事之雅竊政權  
將大斥不附者病鐸持其事不得歸精神頓竭出為



宣武節度使會重榮盜起天下跋鐸入輔又鄭畋數言其賢復拜門下侍郎平章事乾符六年賊破江陵宋威無功鐸因請自率諸將督群盜帝即以鐸為使中荆南節度使封晉國公李係者西平王晟諸孫鐸辯善言兵然中無有鐸信之舉為將分精兵使守關南俄而賊捨廣州鼓而北係望風未戰輒潰鐸退營襄陽於是以高駢代之貶太子賓客分司東都未幾召拜太子少師從天子入蜀中和二年乃以檢校司徒中書令為義成節度使諸道行營都統於是表

唐列傳

卷三

七

及家屬吏佐三百餘人皆遇害朝廷微弱不能治

蕭做

蕭做字思道悟子太和中擢進士第累除給事中宣宗嘗以李璣為嶺南節度使已賜節而做封還詔書自集賢學士拜嶺南節度使南方珍賄叢駭不以入門咸通初為左散騎常侍懿宗喜佛道做諫以為天竺法割愛取滅非帝王所尚募數遷拜義成軍節度使滑州瀕河累歲水壞西北防做徙其流遠去以兵部尚書再判度支進中書侍郎同平章事再遷司空

唐列傳

卷三

八

封蘭陵縣侯時天下盜起官人持兵柄做以鯁直為權近所忌卒年八十子廩字富侯第進士遷尚書郎做領南海解官南海多殺紙做教諸子繕補殘書廩諫得無意苴嫌乎做曰善吾思不及此乃止

孔緯

孔緯字化文少孤依諸父多與有名者游擢進士第東川崔慎由表置幕府從崔鉉淮南復從慎由守河中遷監察御史進禮部員外郎兼集賢直學士母喪解還為右司員外郎趙隱言其才拜翰林學士俄知

制誥擢御史中丞緒方雅疾惡若讐三遷吏部侍郎

當路不悅改太常卿從僖宗西到蜀以刑部尚書判

戶部蕭邁雅不喜坐調度不給改太子少保及帝避

朱致次陳倉惟黃門衛士數百扈乘輿詔拜緒御史

大夫令趣百官行在時群臣露次熱屋為盜剽脅衣

裳畧盡緒謂宰相欲有所論邁與裴澈怨田令孜不

欲行辭不見緒召御史口吾等身被恩誼不辭難往

見李昌符願假兵護送天子所昌符具資裝送之既

及行在緒建言閭邑阨狹不足駐六師請幸梁州拜

唐制傳 卷五十一

同平章事攻平從帝還願諸道鹽鐵轉運使昭宗即

位進司空以太學焚殘乃兼國子祭酒完浴之加司

徒封魯國公時張濬將伐太原帝不決以問緒緒助

濬請既濬敗坐傳會出為荆南節度使俄敗均州刺

史二人皆密結朱全忠全忠為請詔聽使便乃屏居

華陰李茂貞入殺常昭度帝惡大臣朋比與藩臣交

更召緯入朝再擢以司空門下侍郎復輔政使者敦

勸力疾到京師見帝嗚咽流涕自陳衰疾不任事會

天子出次石門從至莎城以病還都曰天下方亂何

久求生不肯服藥卒

崔彥昭

崔彥昭字思文其先清河人擢進士第數應帥鎮辟

奏於吏治精明所至課最累進戶部侍郎繇河陽節

度使徙河東先是沙陀諸部多犯法彥昭撫循有感

惠僖宗立授兵部侍郎諸道鹽鐵轉運使俄同平章

事仍判度支初楊牧路巖肅保衡皆坐朋比賄賂得

罪死肅做乘政矯革之而彥昭協力百政職脩彥昭

雖宰相退朝侍母膳與家人齒王凝外昆弟也凝大

唐制傳 卷五十一

中初先顯而彥昭未仕嘗見凝凝倨不冠帶嫂言曰

不若從明經舉彥昭為憾至是凝為兵部侍郎母聞

彥昭相敕婢多製履襪曰王氏妹必與子皆死吾將

共行彥昭聞之泣且拜不敢為怨而凝竟免伶人李

可及為懿宗所寵橫甚彥昭奏逐死嶺南累拜兼尚

書右僕射以疾去位卒

杜審權

杜審權字般衡第進士辟浙西幕府舉拔萃中為右

拾遺宣宗時入翰林為學士懿宗立進同平章事出

爲鎮海軍節度使歷助亂徐州審權與令狐絢崔鉉連師犄角助破進檢校司空入爲尚書左僕射襄陽郡公繼頴河中忠武節度使卒審權性長厚居翰林是久終不滿禁近語在方鎮視事有常處與杜悰俱位將相悰先進故世謂審權奚水杜公

杜讓能

杜讓能字群懿位宗狩蜀奔蜀行在召爲翰林學士方闡東兵興調發綏徠書詔叢浩帝倚重之李克用兵至帝夜出鳳翔蒼黃無知者俄而衍梁是時棧道

唐列傳

卷七

十一

爲山南石君涉所毀天子問關險讓能未嘗暫去側昭宗立進尚書左僕射李茂貞守鳳翔有大順後兵震疆恃有功不奉法帝怒詔讓能議討時宰相崔昭緯陰結茂貞讓能所言悉漏之泣曰它日臣蒙屍錯之譏顧不足弭七國愚然敢不奉詔景福二年李茂貞悉兵至三橋請必殺之乃賜死

蕭遘

蕭遘字得聖直子擢進士第嘗慕李德裕爲人由起居舍人斥補州司馬道三峽方迫畏不墮若有人謂

曰公無恐予爲公呵御違祝梧俄謂白帝利見帝貌

類向所睹異之僖宗入蜀拜同平章事始王鐸知貢

舉而得遘及是與鐸並位封楚國公遘負大節以王

佐自任田令孜持禁軍權寵可炙公卿無不拊順惟

遘未嘗少下後令孜取安邑池鹽給衛軍王重榮固

爭乃徙重榮他鎮不受詔令孜以兵討之重榮引沙

陀拒王師王師敗逐而西帝驚幸鳳翔諸節度共勅

令孜生事逼帝惡之召朱玫於邠起兵奉迎令孜迫

帝幸陳倉夜出百官不及從玫怒令孜并望帝不諱

唐列傳

卷七

十一

其心違曰上無負天下願爲令孜掣制陳倉之行又

劫於兵公誠有憂王室意宜請天子復國政退曰我

擇一王爲帝遣者斬尚何事乃立嗣襄王熒而召遘

作冊遘苦辭熒罷遘爲太子太保帝還孔緯與遘隙

乃劾嘗爲僞臣賜死

蕭昭度

蕭昭度字正紀京兆人擢進士第累遷中書舍人僖宗西狩以兵部侍郎翰林學士承旨從未幾進同平章事還京授司空再狩山南還次鳳翔李昌符亂興

倉卒昭度質家族於禁軍誓共討賊士感動乃平昌符遷太保兼侍中昭宗卽位守中書令封岐國公關州刺史王建攻陳敬瑄於成都以昭度爲西川節度使敬瑄不內詔東川顧彥朗與建合兵以討拜昭度兼行營招撫使乃建幢節行城下諭其衆建給昭度曰山東兵連禍結朝廷不能治腹心疾也宜亟還定之敬瑄小醜當責建等可辦昭度信之請還未半道建以重兵守建門急攻成都囚敬瑄自稱留後罷昭度爲東都留守杜讓能既被害復平章事王行瑜求

唐列傳 卷五十一

爲尚書令昭度建言太宗由是卽位後人臣無復拜者郭子儀有大功嘗授之固辭免行瑜恚會用李福輔政而崔昭緯密語行瑜曰前公已爲尚書令昭度持不可今又引礮協力行瑜乃與李茂貞數上書譏詆朝政昭度懼稱疾罷爲太傅致仕行瑜茂貞輔建聯兵至關下言昭度伐蜀失謀請貶之未及報而行瑜收昭度於都亭驛殺之天子不得已下詔暴其罪行瑜誅乃追復官爵贈太尉

陸展

陸展字祥文宰相費族孫客於陝遂爲陝人光啓二年從僖宗幸山南擢進士第累進翰林學士中書舍人扈工屬辭敏速若注射然昭宗優遇之帝嘗作賦詔學士皆和獨展址先就帝覽之嘆曰貞元時陸贄吳通玄兄弟善內廷文書後無繼者今朕得之始其舉進士時方遷幸而六月勝出至是每甚暑它學士輒戲曰造勝天也累爲尚書左丞封嘉興縣男徙戶部侍郎同中書門下平章事故事自三省得宰相有光署錢留爲宴資學士院未始有至展送光院錢五

唐列傳 卷五十一

十萬以榮近司進中書侍郎判戶部嗣單王以兵伐鳳翔展諫曰國步方安不宜加兵近輔且親王而屬軍事必有後害帝責展沮撓貶峽州刺史師果敗久之授工部尚書從天子自華州還以兵部尚書復當國封吳郡公天復初帝密語韓偓曰陸展投贄執忠於我偓曰展等皆宰相安有它展帝曰外言展不喜我復位元日易服奔啓夏門信不偓曰孰爲陛下言此曰崔胤令孫漢傑曰設展如是亦不足責且陛下反正展素不知謀忽開兵起欲出奔耳陛下責其不

死難則可以爲不喜乃讒言也帝遂悟命兼戶部尚書帝至自鳳翔大赦天下諸道比旨賜詔獨不及李茂貞辰曰國西鳳翔爲最近迹其罪固不可赦然尚脩職貢朝廷未之絕無宜於詔書有以異也始崔胤罷相辰代之胤內怨望及是議以爲陰有黨附貶沂王傳分司東都胤死復授吏部尚書從遷洛柳璨始附朱全忠謀去朝廷衣冠有望者貶辰濮州司戶叅軍殺之白馬驛年五十九辰初名允迪後改云

鄭祭

唐列傳

卷三十一

十五

鄭祭字菹武及進士第歷監察御史擢左司郎中因宴甚巧補廬州刺史黃巢掠淮南祭移檄請無犯州境巢笑爲歛兵州獨完僖宗嘉之賜緋魚歲滿去虜錢千緡蘇州庫後它盜至終不犯鄭使君錢及楊行密爲刺史送都還祭王徽爲御史大夫以兵部郎中表知雜事遷給事中杜弘微任中書舍人祭以其兄讓能輔政不宜處禁要上還制書不報輒移病去召爲右散騎常侍往往條摘失政衆譴侍之宰相怒改國子祭酒議者不直復還常侍大順後王政徵祭每

以詩譏託諷中人有誦之天子前者昭宗意其有所蘊未盡因有司上班簿遂署其側曰可禮部侍郎同中書門下平章事祭本善詩其語多俳諧故使落網世共號鄭五歇後體至是省史走其家上謁祭笑曰諸君誤矣人皆不識字宰相亦不及我史言不妄俄聞制詔下歎曰萬一然笑殺天下人既視事宗戚請慶搔首曰歇後鄭五作宰相事可知矣固讓不聽立朝偏然無復故態自以不爲人所瞻望纔三月以疾乞骸拜太子少保致仕卒

唐列傳

卷三十一

十六

韓僊

韓僊字致光京兆人擢進士第遷中書舍人僊嘗與崔胤定策誅劉季述昭宗反正爲功臣帝疾宦人驕橫欲盡去之前膝曰此一事終始屬卿僊因薦御史大夫趙崇勳正雅重可以準繩中外帝知僊崇門生也歎其能讓僊曰三使相有功不如厚與金帛官爵毋使豫政事令宰相不得斷決事初李繼昭等皆進同平章事時謂三使相宰相常貽範母喪詔還僊留草制上言伏變緣而召可也茂貞入見帝曰命宰相

而學士不草麻非友邪帝畏茂貞卒詔貽範遠相姚  
洎代草麻自是宦黨怒僱甚帝及正勵精政事僱處  
可機密率與帝意合欲用者三四讓不敢當初侍宴  
朱全忠胤臨陛宣事坐者皆去席僱不動全忠怒僱  
薄已謂僱喜侵侮有仇崔鳳亦與僱會遂上薄陸  
辰帝以王贊趙崇為相胤執贊崇非宰相器帝不得  
已而罷贊崇皆僱所薦為宰相者全忠見帝斥僱罪  
帝數顧胤胤不為解全忠至中書欲召僱殺之鄭元  
規曰僱位侍郎學士承旨公無遽全忠乃止貶漢州

唐列傳

卷三十一

十七

司馬帝執其手涕泣曰我左右無人矣天佑二年復  
召為學士僱不敢入朝挈其族南依王審知而卒

張濬

張濬字禹川本河間人性通脫無檢不得志乃麻服  
屏居金鳳山學從橫術樞密使楊復恭遇之以處士  
薦為太常博士進度支員外郎黃巢之亂稱疾扶其  
母走商山僉宗西出衛士食不給漢陰令李康獻糶  
餼數百畝士皆厭給帝異之曰爾乃及是乎對曰臣  
安知為此張濬教臣也乃悉召濬至行在再進諫議

大夫宰相王鐸任行營都統奏署都統判官時王敬  
武在平虜軍虓強果召不肯應濬往說之而敬武已  
臣賊不迎使者濬責之敬武愕始愧謝濬宣詔已士  
按兵默默濬召將佐至鞠場倡言忠義之士當審利  
害黃巢賊虜虜耳捨天子而臣之何利邪敬武即引  
軍從濬西摧濬為衛軍使賊平以戶部侍郎判度支  
後再狩山南拜同平章事濬始由復恭進復恭中失  
權更依田令孜昭宗即位復恭恃援立功專任事帝  
稍不平當時多言濬有方畧善處大計乃復見委信

唐列傳

卷三十一

十八

是時朱全忠威震關東李克恭以潞州歸全忠全忠  
乃與幽州李匡威雲州赫連鐸上言先帝幸梁驛李  
克用與朱攻連和請舉兵誅之議者言王室未寧雖  
得太原猶非所有濬固爭請因其弱討之斷兩雄勢  
帝曰平巢克用功第一今乘危伐之天下其謂我何  
久不決孔緯曰濬言萬世之利帝乃決出師詔濬為  
河東行營兵馬招討制置使京兆尹孫揆為昭義節  
度使副之韓建為供軍使以全忠匡威鐸並為招討  
使樞密使駱全諱為行營都監是役也濬外幸

而內制復恭復恭故銜之先是汴華那敗兵絕河會  
平陽汴將朱崇節已戍潞潞慮汴人遂據有之乃令  
揆分兵趨潞以中人韓歸範持節護送至軍會太原  
將李存孝方攻潞揆至長子為存孝所禽潞次陰池  
關諸軍壁平陽存孝擊之皆大逐北潞欲眾夜遁比  
明軍失大半全誣欽藥死建遁去克用上書請罪其  
辭悖慢因韓歸範以聞朝廷震動即日下詔罷潞三  
貶繡州司戶參軍全忠為申請詔聽使便潞乃至藍  
田依韓建及韋昭度死復用繡為宰相故潞亦拜兵  
部尚書願天下租庸使將復用克用上言若朝以潞  
為相暮請以兵見乃止乾寧中罷使遷左僕射致仕  
居洛長水墅雖自屏處然朝廷得失特上言之劉季  
述亂潞徒步入洛泣諭于全義全忠脅帝東遷潞聞  
曰乘輿卜洛大事去矣蓋知其將篡也全忠畏潞據  
它鎮兵使全義遣牙將如盜者夜圍墅殺之屠其家  
百餘人實天復二年十二月也始潞素厚承寧使葉  
彥彥知其謀以告潞子格潞度不免父子相持泣曰  
留則俱死不如去以存吾嗣格拜而辭彥率士三十

唐列傳 卷三十一

十九

人廷之沂漢入蜀後事王建少子播間道走淮南依  
楊行密終廣陵

周寶

周寶字上珪平州盧龍人曾祖代選為魯城令安祿  
山反率縣人拒戰死之祖光濟事平盧節度李希慶  
為牙將從李膺以徐州歸天子父懷義通書記累擢  
西城防禦使以徙城事不為宰相李吉甫所助以  
死寶籍為千牛備身天平節度使殷侗嘗為懷義舉  
軍寶從之為部將會昌時還方鎮才校入宿衛與高

唐列傳 卷三十一

二十

見武宗擢金吾將軍以趨喪一目進檢校工部尚書  
涇原節度號良將黃巢據宜欽徙寶鎮海軍節度巢  
南面招討使巢開出采石畧揚州僖宗入蜀時群盜  
所在盤結柳超據常熟王敖據崑山王騰據華亭宋  
可復據無錫寶練卒自守中和二年進同平章事兼  
天下租庸副使封汝南郡王將赴難益募兵號後樓  
都明年董昌據杭州柳超自常熟入睦州刺史章綰  
殺之四年餘杭鎮使陳處攻諸諸以州授處寶子

統後樓都屏不能取軍實亦稍感聲色不郵事以婿楊茂實為蘇州刺史田令孜以趙載代之茂實不受命實表留不聽高駢頌鹽鐵辟實子估為支使實亦表駢從子在幕府駢出屯東塘約西定京師實喜將赴之或曰高氏欲圖公地實未信駢遣人請會金山謀執實即奔常州依丁崇實召後樓都無一士至者錢鏐具素鞋迎實舍棹亭未幾殺之不淹月而駢為畢師鐸所囚實死年七十四

王處存

王處存京兆萬年人父宗巧射利修靡自奉累除金吾大將軍過領興元節度使處存累遷義武節度使黃巢陷京師處存號哭不俟詔分麾下兵二千間道至山南衛乘輿外約王重榮連盟進屯渭橋而涇州行軍司馬唐弘夫亦屯渭北中和二年授京城東面都統素善李克用又故婚好遣使十輩曉譬迎勸卒共平京師王鐸差典復功以勤王舉義處存為第一收城破賊克用為第一遷檢校司空復出兵三千屬大將張公慶會諸軍捕巢泰山賊之進檢校司徒

平章事田令孜討王重榮徙節度河中卒年六十五

王重榮

王重榮太原祁人父縱太和末為河中騎將從石堆破回鶻終鹽州刺史重榮以父任為列校與兄重盈皆以毅武冠軍擢河中牙將主伺察時兩軍士干夜禁捕而鞭之中尉楊玄寔怒執重榮讓曰天子瓜土而藩校辱之荅曰夜半執者姦盜孰知天子瓜土稍遷行軍司馬黃巢陷長安分兵畧蒲節度使李都不能支乃臣賊然內俾重榮重榮乃悉驅出賊使斬之

天子使前京兆尹寶滿問道懋其軍因詔代都重榮率官屬奉迎滿朱温以舟師下馮翊黃勳率眾自華陰合攻重榮重榮感勵士眾大戰敗之拜檢校工部尚書為節度使會忠武監軍楊復光率陳蔡兵萬人屯武功重榮與連和擊賊將李詳於華州賊使尚讓來攻而朱温將勁兵居前敗重榮兵重榮選兵三萬攻温温懼降詔即副河中行營招討賜名全忠巢喪二州怒甚自將精兵數萬壁梁田重榮軍華陰復光軍渭津角攻之賊大敗執其將趙璋巢中派矢處



乃遣使者約連和克用使陳景斯總兵自嵐石赴河中親帥師從之遂平巢復京師以功授檢校太尉封琅邪郡王中人田令孜怒重榮據鹽池之饒令孜徙重榮兌海節度使以王處存代之詔克用將兵援河中重榮上書劾令孜詔克用書且言奉密詔須公到使我圖公此令孜朱全忠朱玫之惑上也因示偽詔克用方與全忠有隙信之請討全忠及玫帝數詔和解天子走鳳翔俄嗣襄王煊僭位重榮與克用謀定王室楊復恭代令孜頌神策故與克用善遣諫議大夫劉崇望齎詔諭天子意重榮遂斬煊長安復平嘗

厚部將常行儒行儒怨之光啓三年引兵夜攻府重榮亡出外詰旦殺之推立重盈重盈前此已歷汾州刺史平章事及代重榮留長子珙領節度事入殺行儒淮復安昭宗立封琅琊郡王從子璠亦為中武節度使

趙犖陳州人世為忠武軍牙將犖兒弄時好為營陣稍長喜書學擊劍善射黃巢入長安所在盜與陳人

趙犖

趙犖陳州人世為忠武軍牙將犖兒弄時好為營陣稍長喜書學擊劍善射黃巢入長安所在盜與陳人

諸節度府請犖為刺史表於朝授之會官屬計曰吳若不死長安必東出關陳其衝也巢敗果東奔犖令引銳士出戰屢破賊中和五年擢彰義軍節度使巢始敗余宗權始熾屠二十餘州惟陳賴犖得全卒

黃礪

黃礪閩人也初為閩小將喜學問軒然有志向同列有假其筆者礪怒曰是筆他日斷大事不可假後戰安南有功高駢表為漳州刺史徙婺州治有績劉漢宏遣兵攻之兵寡不可守棄州去客蘇州董昌為威

唐列傳 卷三十一 二十四 勝軍節度使表礪自副久乃應及昌反礪諫其盡忠

王朝昌怒斥出之礪移書幕府李浦曰針可為鞘耶或竊其書示昌昌令使者斬之昌敗有詔贈司徒昌召會稽令吳錄問策錄曰王作偽天子自取滅亡昌叱斬之又召山陰令張遜知御史臺固辭他日謂人曰我無錫錄遜何乏事即害之

孫揆

孫揆字聖圭刑部侍郎遜五世從孫也第進士昭宗討李克用授昭義軍節度使以本道兵會戰克用伏

使以鋸解之罵聲不輟至死

趙匡疑

趙匡疑字光儀蔡州人也其父德諱事秦宗權為申州刺史宗權及德諱攻下襄陽梁太祖攻蔡州宗權屢敗德諱乃以山南東道七州降梁太祖初鎮宣武嘗為宗權所困聞德諱降大喜表為行營副都統河陽保義義昌三節度行軍司馬會其兵以攻蔡破之德諱卒匡疑自立時成汭死雷彥恭襲取荆南匡疑遣其弟匡明逐彥恭太祖表匡疑荆襄節度使以匡明為荆南留後是時唐衰藩鎮不復奉朝廷獨匡疑兄弟貢賦不絕太祖已弒昭宗將謀代唐畏匡疑兄弟不從遣使告之匡疑對使者流涕太祖遣楊師厚攻之太祖以兵殿漢北匡疑戰敗以輕舟奔於楊行密師厚進攻荆南匡明奔於蜀匡疑至廣陵行密厚遇之行密死楊渥稍不禮之渥方宴食青梅匡疑顧渥曰勿多食發小兒熱諸將以為慢渥遷匡疑海陵後為徐溫所殺匡明卒於蜀

張承業

張承業字繼元唐僖宗時宦者也本姓康勿闖為內常侍張泰養子晉王兵擊王行瑜承業素往來兵間晉王喜其為人及昭宗為李茂貞所迫將出奔太原乃先遣承業使晉以道意因以為河東監軍其後崔胤誅宦官宦官在外者悉詔所在殺之晉王憐承業不忍殺之解律寺昭宗崩乃出承業復為監軍晉王病且革以莊宗屬承業莊宗在魏與梁戰河上十餘年軍國之事皆委承業莊宗歲時自魏歸省親須錢蒲博賞賜伶人而承業主裁錢不可得莊宗乃置酒庫中酒酣使子繼岌為承業起舞舞罷承業出賣帶幣馬為贈莊宗指錢積呼繼岌小字以語承業曰和哥乏錢可與錢一積何用帶馬為也承業謝曰國家錢非臣所得私也莊宗以語侵之承業怒曰臣老勅使非為子孫計惜此庫錢佐王成霸業耳若欲用之何必問臣財盡兵散豈獨臣受禍也莊宗顧元行鈇曰取劍來承業起持莊宗衣而泣曰臣受先王顧托之命誓雪國家之讐今日為王惜庫物而死死不

慨於光王矣開寶從旁解承業奮拳擊寶罵曰國寶  
朱溫之賊蒙晉厚恩而反誦諛自容耶太后使召莊  
宗明日與莊宗俱過承業第慰勞之天祐十八年莊  
宗已誥諸將即皇帝位承業方此病聞之曰太原肩  
輿至魏諫曰大工父子與梁血戰三十年本欲雪國  
家之讐而復唐之社稷今元兇未滅而邀以尊名自  
居非王父子之初心且失天下望不可莊宗謝曰此  
諸將之所欲也承業曰不然梁唐晉之仇賊而天下  
所共惡也今王誠能為天下去大惡復列聖之深讐

唐列傳

卷五

二十七

然後求唐後而立之使唐之子孫在孰敢當之使唐  
無子孫天下之士誰可與王爭者臣唐家一老奴耳  
誠願見大王之成功然後退身田里使百官送出洛  
東門而令路人指而嘆曰此本朝勅使先王時監軍  
豈不臣主俱榮哉莊宗不聽承業知不可諫乃仰天  
大哭肩輿歸太原不食而卒年七十七

唐列傳卷之二十八

孔穎達

孔穎達字仲達冀州衡水人明服氏春秋傳鄭氏尚  
書詩禮記王氏易隋大業初舉明經高第授河內郡  
博士年最少老師宿儒耻出其下陰遣客刺之隱楊  
玄感家得免補太學助教隋亂避地虎牢太宗平洛  
授文學館學士遷國子博士貞觀初封曲阜縣男  
給事中時帝新即位穎達數以忠言進除國子司  
書兼以太子右庶子兼司業與諸儒議唐及明堂事

唐列傳

卷五

一

多使其以論撰勞加散騎常侍拜祭酒侍講帝幸  
太學親釋菜命穎達講經畢上釋奠頌有詔褒美使  
太子稍不法穎達爭不已後致仕卒初穎達與顏師  
古司馬才章王恭王琰受詔撰五經義訓詔改為正  
義云博士馬嘉運駁正其失尚書左僕射于志寧右  
僕射張行成侍中高季輔就加增損穎達子志終司  
業志子惠元力學寡言又為司業太子諭德王恭者  
濟州白馬人貞觀初召拜太學博士構三禮嘉運  
州魯水人少為沙門還治儒學長論議貞觀初

越王東閣祭酒退隱白鹿山十一年召拜太學博士  
弘文館學士高宗為太子引為崇賢館學士數與沈  
馬秦晞侍講官中終國子博士

顏師古

顏師古字籀其先瑯琊臨沂人祖之推自高齊入國  
終隋黃門郎遂居關中為京兆萬年人父思魯以儒  
學顯武德初為秦王府記室參軍事師古少博覽精  
訓故仁壽中李綱薦之授安養尉時薛道衡為襄州  
總管與之推舊嘉其才每作文章令指摘疵短俄失

卷八

二

職歸長安不得調寧其資教授為生高祖入關問是  
長春官授朝散大夫拜熒煌公府文學累遷中書舍  
人太宗即位拜中書侍郎封瑯琊縣男以毋喪解職  
除還官歲餘坐公事免帝嘗歎五經去聖遠傳習難  
詔詔師古於秘書省考定多所釐正尋加通直郎數  
騎常侍俄拜秘書少監然多引後生與管校抑素流  
先貴勢雖商賈富室子亦寬選中由是素議薄之斥  
為柳州刺史復留為故官師古性簡峭視章行傲然  
罕所推接多藏古圖書器物世帖亦性所為與輿

五禮成進爵為子又為太子承乾注班固漢書帝將  
有事泰山詔公卿博士雜定其儀師古奏臣撰定封  
禪儀注書在十一年於時諸儒謂為適中遷秘書監  
弘文館學士十九年從征遼道病卒年六十五子揚  
廷為符璽郎初思魯與妻不相宜師古苦諫師古嘗  
相時字麋亦以學聞貞觀中累遷諫議大夫有母臣  
風師古亦不勝哀而卒師古叔游秦武德初累遷  
州刺史封臨沂縣男撰漢書决疑師古多資取其義

蓋文達

卷八

三

蓋文達字信都人博陵前魏元明春秋三家刺史  
嘗抗集諸論論於是則神劉執思孔穎達並以書儒  
開門受業文達依經辨舉皆諸儒意所未叩抗曰水  
生於水而寒於水其謂此邪武德中授國子助教  
親勅為蜀王師王有罪免官拜崇賢館學士卒宗人  
文顯亦以儒學稱為國子助教

徐曠

徐曠字文達以字行兄文林曠書於肆文達日閱之  
因得通五經明左氏春秋時嘗備沈重講太學授業

常千人文遠從之質問嗟嘆其能實威揚玄感李密  
王世克皆從受學隋開皇中累遷太學士詔與漢王  
諒授經會諒反除名爲民大業初禮部侍郎許善心  
薦文遠及包愷褚微陸德明曾達爲學官擢國子博  
士越王侗署國子祭酒時洛陽饑文遠自出城樵拾  
爲李密所得密使文遠南向坐備弟子禮拜之俄而  
世克專制密敗復入東都世克給稍異等而文遠見  
輒先拜或問君踞見李密而下王公何邪答曰密君  
子能受鄭生之揖世克小人無容故人義相時而動  
唐列傳 卷三十一

曹憲

曹憲揚州江都人仕隋爲秘書學士聚徒教之凡數  
百人自漢杜林衛宏以後古文亡絕至憲復興錫書  
令與諸儒撰桂苑珠叢貞觀中揚州長史李襲譽薦

之以弘文館學士召不至太宗嘗讀書有奇難字輒  
遣使者問憲卒年百餘歲憲始以梁昭明太子文選  
授諸生而同郡魏模公孫羅江夏李善相繼傳授句  
容許淹者自浮屠還爲儒與羅等並名羅官沛王府  
叅軍事無錫丞模武后時爲左拾遺子景情亦世其  
學以拾遺召後歷度支員外郎善子邕有傳

張士衡

張士衡瀛州樂壽人父文慶北齊國子助教士衡九  
歲居母喪哀慕過禮博士劉軌思見之爲泣下奇其

唐列傳

卷三十一

五

可也世克僭號以爲國子博士子士會奔長安世克  
怒絕其稟文遠餓幾死身出樵爲羅士信所獲送京  
師乃爲國子博士高祖幸國學觀釋奠文遠發春秋  
題論難解生隨方占封莫能屈帝異之封東莞縣男  
卒年七十四孫有功

擢乃授以詩禮又從熊安生劉焯等受經貫知大義  
仕隋爲餘杭令以老還家大業兵起諸儒廢學唐興  
士衡復講教鄉里幽州都督燕王靈夔以禮邀聘北  
面事之太子承乾慕風迎致謁太宗洛陽宮帝賜食  
擢朝散大夫崇賢館學士太子廢給傳罷歸鄉里卒  
士衡以禮教諸生當時期者未平賈公彥趙李玄植  
公彥終大學博士撰次章句甚多子大隱儀鳳中爲  
太常博士累遷中書舍人垂拱中博士周傑請武氏  
廟爲七室唐廟爲五下比請侯大隱奏言秦漢母后

禮制未有疾古越禮者終禮部侍郎公彥傳業玄植  
玄植又受左氏春秋於王德韶受詩於齊威貞觀開  
為弘文館直學士高宗時教召見坐事遷巴令卒

元德秀

元德秀字紫芝河南人少孤事母孝舉進士不忍去  
左右自負毋入京師既擢第母亡廬墓側服除以襄  
困澗南和尉擢補龍武軍錄事叅軍德秀不及親在  
而娶不肯婚人以為不可絕嗣答曰兄有子先人得  
祀吾何娶為初兄子祿祿喪親無資得乳媪德秀自

唐列傳

卷六

六

乳之數日漚泥能食乃止既長將為娶家苦貧乃求  
為魯山令前此墮車足傷不能趨拜太守待以客禮  
有盜繫獄會虎為暴盜請格虎自贖明日盜尸虎還  
舉縣嗟嘆玄宗在東都酬五鳳樓下命三百里內縣  
令刺史各以弊樂集德秀令樂工數十人聯袂歌于  
薦于薦者德秀所為歌也帝聞異之歎曰賢人之言  
哉德秀益知名所得奉祿悉衣食人之孤遺者歲滿  
筭餘一絲架柴車去愛陸渾佳山水乃定居不為搆  
垣局鑰家無僕妾歲餘日或不覺嗜酒陶然彈琴瑟

自娛人以酒肴從之不問賢鄙為醜賦是時程休那  
字宇第甫張茂之李萼萼族子丹叔惟岳喬澤楊拯  
房垂柳識皆號門弟子德秀善文辭作寒士賦以自  
況房瑋每嘆息曰見紫芝眉宇使人名利之心都盡  
蘇源明常語人曰吾不幸生衰俗所不耻者識元紫  
芝也天寶十三載卒渾時為陸渾尉在共莽族第結  
哭之恸曰大夫生六十年未嘗識女色視錦繡未嘗  
求苟辭佚色未嘗有十畝之地十尺之舍十歲之值  
未嘗完布帛而衣具五味而食吾哀之以戒荒淫食

唐列傳

卷六

七

後劉勳聚肉之徒耳李華見事德秀而友蕭穎士劉  
迅及卒華謚曰文行先生天下高其行不名謂之元  
魯山華於是作三賢論或問所長華曰德秀志當以  
道化天下迅當以六經誥人心穎士當以中古易今  
世然各有病元病酒劉病賞物蕭病貶惡大亟獎能  
太重若取其節皆可為人師也萼擢制科遷南華令  
大水他縣饑人至相屬萼為具餐粥及去吏為立碑  
安祿山亂萼客清河為乞師平原太守顏真卿一郡  
獲全拯與萼名昆著渾識以文傳後

啖助

啖助字叔佐趙州人後徙關中淹該經術天寶末調  
州楊主簿秋滿屏居其足耽稷善為春秋考三家短  
長經注淵闢號集傳凡十年乃成助愛公穀二家以  
左氏解義多謬其書乃出於孔氏門人且論語孔子  
所引率前世人老彭伯夷等類非同時而言左丘明  
耻之丘亦耻之丘明者蓋如史佚遲任者又左氏國  
語屬綴不倫片事乖刺非一人所為蓋左氏集諸國  
史以釋春秋後人謂左氏便傳著丘明非也助之學

唐列傳 卷之六

意多此類助門人趙匡陸贄其高第也卒年四十

七匡者字伯循河東人歷洋州刺史賈所稱為趙夫

子者大厯時助匡贄以春秋施士句以詩仲子陵袁

彛書彤肅蒞以禮蔡廣成以易強蒙以論語皆自名

其學而士句子陵昆卓異士句吳人兼善左氏春秋

以二經教授繇四門助教為博士文宗喜經術宰相

李石因言士句春秋可讀帝曰朕見之矣穿鑿之學

徒為異同但學者如浚井得美水而已何必勞苦勞

求然後為得邪子陵蜀人好古學舍峨眉山舉賢良

方正擢太常博士通后替大小戴禮

王希夷

王希夷徐州滕人家貧父母喪為人牧羊取備以葬  
隱嵩山師黃願學養生四十年願卒更居兖州徂徠  
與劉玄傳友善喜讀周易老子解松栢葉雜華年七  
十餘筋力柔強刺史盧齊卿就謁問政答曰已所不  
欲勿施於人此言足矣玄宗東巡狩詔州縣敦勸見  
行在時九十餘帝令張說訪以政事宦官扶入宮中  
與語甚悅拜國子博士聽還山

唐列傳 卷之六

李元愷

李元愷邢州人博學善天步律曆性恭慎未嘗敢語  
人宋璟嘗師之既當國厚遺以束帛將薦之朝拒不  
答洛州刺史元行冲邀致之問經義畢贈衣服辭先  
是定州崔元鑿善禮學用張易之力授朝散大夫家  
居給半祿元愷謂曰無功而祿災也卒年八十餘

袁天綱

袁天綱成都人在洛陽與杜淹王珪常挺游天綱謂  
淹曰公蘭臺學堂全且博將以文章顯謂珪等令成

天地相臨不十年官五品謂挺面如虎當以武處官然三君久皆得謫吾且見之淹以待御史入天策爲學士珪太子中允提善隱太子薦爲左衛率武德中俱以事流寓州見竇軌謂曰君伏犀貫玉枕輔角完起十年且顯立功其在梁益間邪然赤脉干瞳方語而浮赤入大宅公爲將必多殺願自戒軌果爲益州行臺僕射坐事見召天綱曰公毋憂右輔澤而動不久必還果還爲都督武后之幼也天綱見其母曰夫人法生貴子乃見其二子元慶元爽曰官三品保家

唐列傳

卷末

十

主也見韓國夫人曰此女貴而不利夫后最幼姆也  
以見給以男天綱視其步與目驚曰龍瞳鳳頸極貴  
驗也若爲女當作天子張行成馬周見天綱曰馬君  
伏犀貫腦昔若有負貴驗也然而澤赤而耳無根後  
骨不降壽不長也張晚得官終位宰相高士廉曰君  
終作何官謝曰僕及夏四月數旣盡矣如期以火山  
今卒子客師亦傳其術高宗置一鼠於陰令術家射  
皆曰鼠客師曰雖實鼠然入則一出則四發之鼠生  
三子嘗渡江入舟而還左右請故曰舟中人鼻下氣

皆墨不可以濟俄有男子跛而負直旋舟客師曰貴人在吾可以濟跛男子乃其師德也時有長社人張憬藏技與天綱埒魏元忠尚少往見憬藏問之从不答元忠怒曰窮通有命何預君耶拂衣去憬藏遽起曰君之相在怒時位必卿相郎中裴珪妻趙見之憬藏曰夫人目修緩法曰承視淫又曰日有四白五夫守宅夫人且得罪俄坐姦沒入掖庭裴光庭當國憬藏以紙大署台字投之光庭曰吾旣台司矣尚何事後三日貶台州刺史玄宗時有金梁鳳者頗言人貴

唐列傳

卷末

十

賤天書裴冕爲河西留後梁鳳輒言不半歲兵起蒼當以御史中丞除宰相又言一日向洛一日向蜀一日向朔方此時公當國冕妖其言絕之俄而祿山反冕以御史中丞召因問三日答曰維日即魏蜀日不能久朔方日愈明肅宗卽位而冕薦於帝拜都水使者梁鳳謂曰諶曰君且輔政須大怖乃得諶責驛史榜之史突入射諶兩矢幾中走而免明年知政事李揆盧允數服給謁梁鳳不許二人語以情梁鳳曰李自舍人閱歲而相盧不過郎官揆已相摧允吏部郎



中

王遠知

王遠知父雲選為陳揚州刺史母古寢夢鳳集其身  
 因有娠浮屠寶誌謂雲選曰生子當為世方士遠知  
 少警敏多通書傳事陶弘景傳其術為道士又從臧  
 旋游陳後主聞其名召入重陽講論超詣隋煬帝為  
 晉王鎮揚州使人介以邀見少選自俄復覺帝體  
 遣之武德中秦王與房玄齡微服過之遠知迎語曰  
 中有聖人非王乎乃論以實遠知曰方為太平天子  
 唐列傳 卷六 十一

顧自愛貞觀九年詔潤州即茅山為觀俾居之遠知  
 謂其弟子潘師正曰吾少也有累不得上天今署少  
 室伯吾將行即沐浴加冠衣若寢者遂卒或言壽益  
 百一十六歲云遺命子紹業曰爾年六十五見天子  
 七十見女君調露中紹業表其言高宗召見嗟賞武  
 后時復召見皆如其年

嚴善思

嚴善思名讓同州朝邑人以字行父延與河東裴玄  
 證隴西李真蔡靖皆通術術曉圖讖善思武后時排

監察御史方酷吏構大獄為詳審使平活八百餘人

原千餘姓長壽中按囚司刑寺罷疑不實者百餘人  
 來俊臣等疾之誣以罪隨交趾五歲得還是時李淳  
 風夙候家皆不效乃詔善思以著作佐郎兼太史令  
 長安中榮感入月鎮犯天關善思曰法當亂臣伏罪  
 而有下謀上之象歲餘張柬之等起兵誅二張遷給  
 事中后崩將合葬乾陵善思建言尊者先葬卑者不  
 得入今啓乾陵是以卑動尊術家所忌更且有管輅  
 營乾陵國有大難易姓建國二十餘年今又營之難

唐列傳

卷六

十三

且復生合葬非古也況事有不安豈足循據漢世皇  
 后別起陵墓魏晉始合葬今若更擇吉地附近乾陵  
 取從葬之義使神有知無所不通若其無知合亦何  
 益山川精氣上為列星葬得其所則神安而後嗣昌  
 失其宜則神危而後嗣損願割私愛使社稷長久中  
 宗不納神龍中遷禮部侍郎求出為汝州刺史嘗語  
 姚崇曰肅氏禍且塗地相王所居有華蓋紫氣必位  
 九五公善護之惡肅宗立崇以語聞召拜右散騎常  
 侍開元十六年卒子向乾元中為鳳翔尹三世皆年

八十五云

吳道元

吳道元字道子陽翟人也少孤貧客游洛陽學書於張顛賀知章不成因工書初為交州瑕丘尉明皇聞之召入供奉由此名振天下大率師法張僧繇或者謂為後身焉至其姿態縱橫與造物相上下則僧繇疑不能及也畫有六法世稱顧愷之能備愷之畫隣女以棘刺其心使之呻吟道子畫驢於僧房一夕聞有踏籍破道之聲僧繇畫龍點睛則聞雷破壁飛去

唐荆轲

卷三

十四

道子畫龍則鱗甲飛動每天雨則烟霧生願冠於前張絕於後而道子乃兼有之開元中將軍裴旻居母喪請道子畫鬼神於天官寺資母冥福道子使旻屏去緩服用軍裝纏結馳馬舞劍激昂頓挫雄傑奇偉觀者數千人無不駭悚而道子解衣礮礮因用其氣以壯畫思落筆風生為天下壯然每一揮筆必須醉飲至於畫間光景在後轉臂運墨一筆而成觀者喧呼驚動坊邑議者謂有唐之盛文至於韓愈詩至於杜甫書至於顏真卿書至於吳道元天下之能事

畢矣邵氏錄曰古畫一法楊惠之與吳道子同師張僧繇惠之兄道子筆法已至不欲居其次乃去學道亦為古今第一

懷素

僧懷素姓錢氏疎放不拘每飲酒以養性草書以暢志酒酣興發遇寺壁里牆衣裳器皿靡不書之貧無紙嘗於故里種芭蕉萬餘株以供揮灑書未足乃漆一盤又漆一方板久之盤板皆穿懷素伯祖惠融禪師亦學歐陽詢書故鄉中呼為大錢師小錢師為懷

唐荆轲

卷三

十五

素嘗曰學無師授加不由戶而出及師金吾兵曹錢塘鄂彤授其筆法至中次彤謂懷素曰草書古勢多矣惟太宗以獻之書如凌冬枯樹寒寂勁硬不置枝葉張長史亦謂彤曰孤蓬自振驚沙坐飛余師而為故得奇怪凡草聖畫於此懷素不復應對但連叫數十聲曰得之矣經歲餘辭去彤曰萬里之別無以為贈吾有一寶割而相與先時人有傳彤有右軍惡溪小王驥勞三帖懷素疑以此見與臨路彤乃曰草書豈率似古奴脚勉辦至晚歲願太師以懷素為同儕

鄒兵曹弟子問曰夫草書於師授之外須自得之張  
長史觀孤蓬驚沙之外見公孫大娘劍器舞始得低  
昂廻翔之狀未知鄒兵曹有之乎懷素對曰似古叙  
脚爲草書豎牽之極真卿微笑經歲月不言懷素又  
辭去真卿曰師豈學古叙脚何如屋漏痕懷素抱頭  
公脚唱賊賊久之真卿徐問曰師亦有自得乎對曰  
夏雲多奇峰夏雲因風變化初無常勢又遇壁拆之  
路一一自然顏公曰噫草聖之淵妙代不絕人可謂  
聞所未聞之旨矣

唐列傳

卷三十一

十六

唐列傳卷之二十九

王績

王績字無功絳州龍門人性簡放不喜拜揖兄通知  
績誕縱不嬰以家事鄉族慶弔冠昏不與也與李拙  
呂才善大業中舉孝悌廉潔授秘書省正字不樂在  
朝求爲六合丞以嗜酒不任事時天下亦亂因劾遂  
解去有田十六頃在河渚間仲長子光者亦隱者也  
無妻子結廬北渚凡三十年非其力不食績愛其真  
徒與相近子光瘖未嘗交語與對酌酒惟甚績有奴  
婢數人種黍春秋釀酒養鳧屬葑藥草自供以周易  
老子莊子置牀頭他書罕讀也欲見兄弟輒度河還  
家游北山東臯著書自號東臯子乘牛經酒肆留或  
數日高祖武德初以前官待詔門下省故事官給酒  
日三升第靜爲武皇子牛謂曰待詔何樂邪答曰吾  
祿俸殊爲蕭瑟但良醪可憇耳侍中陳叔達聞之日  
給一斗時稱斗酒學士貞觀初亞弟疑爲監察御史  
彈候君集事連長孫太尉由是獲罪以疾罷復調有  
司時大樂署史焦革家善釀績求爲丞吏部以非流

不許續固請曰有深意竟除之華死妻送酒不絕歲餘又死續曰天不使我酣美酒耶棄官去自是大樂丞爲清職追述華酒法爲經又采杜康儀狄以來善酒者爲譜李淳風曰君酒家南董也所居東南有盤古石立杜康祠祭之尊爲師以華配著醉鄉記以次劉伶酒德頌其飲至五斗不亂者五斗先生傳刺史崔喜請相見答曰柰何坐召嚴君平耶杜之松請續講禮曰吾不能揖讓邦君門談精粕棄醇醪也貞觀十八年終於家自剋死日遺命薄葬自誌其墓弟疑

唐劉伶

卷二十一

二

字叔恬正觀初文中子門人布在廊廟遂求其書疑以編寫未就不之出故六經之義代莫得聞釋褐爲監察御史時御史大夫杜淹謂凝曰子聖賢之弟也

有異聞乎凝曰疑忝同氣昔亡兄講道河汾亦嘗預於斯然六經之外無所聞也淹曰昔門人咸存記焉蓋薛收姚義綬而名曰中說茲書天下之昌言也會凝黜爲胡蘇令歎曰文中子之教不可不宜也乃解印而歸大考六經之目而繕錄焉十九年凝被起爲洛州錄事又以中說授文中子之子福時

朱桃椎

朱桃椎益州成都人滄泊絕俗被裘曳索人莫能測其爲長史甯軌見之遺以衣服鹿麕鹿鞋遷署鄉正委之地不肯服遂結廬山中夏則麻冬緝木屨葉自蔽贈遺無所受嘗織十芒屨置道上見者曰居士屨也爲粥米茗易之置其屨輒取去終不與人接其爲屨草柔細環結促窄人爭躡之高士廉爲長史備禮以請降階與之語不荅睨視而出士廉拜曰祭酒其使我以無事治蜀耶乃簡條目薄賦蠲刑大治屢遣人存問見輒走林草自匿云

唐朱桃椎

卷二十一

三

孫思邈

孫思邈京兆華原人通百家說善言老子莊周周洛州總管獨孤信見其少異之曰聖童也顧器大難爲用爾及長居太白山隋文帝輔政以國子博士召不拜密語人曰後五十年有聖人出吾且助之太宗初召請京師年已老而聽視聰瞭帝嘆曰有道者欲官之不受顯慶中復召見拜諫議大夫同階上元元年稱疾還山高宗賜良馬假鄆陽公主邑司以居之思

遊於陰陽相步醫藥無不善孟詵盧照鄰等師事之  
照隣有惡疾不可為感而問曰高醫愈疾奈何荅曰  
天有四時五行乘暑迭居和為雨怒為風凝為雪霜  
張為虹霓天常教也人之四肢五藏一覺一寐吐納  
往來流為榮衛章為氣色發為音聲人常數也陽用  
其形陰用其精天人所同也初魏徵等修齊梁周隋  
等五家史屢咨所遺其傳最詳永淳初卒年百餘歲  
孫處約常以請子見思遺曰俊先顯侑晚貴佞禍在  
執兵後皆驗太子詹事盧齊卿之少也思遺曰後五  
十年位方伯吾孫為屬吏願自愛時思遺之孫溥尚  
未生及溥為蕭丞而齊卿徐州刺史

田游巖

田游巖京兆三原人末嶽時補太學生罷歸入太白  
山母及妻皆有方外志與其棲遲山水間自蜀歷荆  
楚愛夷陵青溪止廬其側長史李安期表其才召赴  
京師行及汝辭疾入箕山居許山祠旁自號由東都  
高宗幸嵩山遣中書侍郎薛元超就問其母賜藥物  
絮帛帝親至其門遊巖野服山拜儀止謹樸帝令左

右扶此謂曰先生比佳否荅曰臣所謂泉石膏肓  
霞痼疾者因救游巖將家屬乘傳赴都拜崇文館學  
士帝營奉天宮游巖舊宅直宮左詔不聽毀天子自  
書榜其門曰隱士田游巖家進太子洗馬裴炎死坐  
素石善於遊山

衛大經

衛大經蒲州解人卓然高行口無二言武后時召之  
固辭疾素善魏夏侯乾童問其母卒盛暑步往弔比  
至乾童以事行乃設席行弔禮不訊其家而還開元  
初畢構為刺史使縣令孔慎言就謁辭不見大經遠  
于易筮死日鑿墓自為誌

武攸緒

武攸緒則天皇后兄惟良子也恬淡寡慾好易莊周  
書少變姓名賣卜長安市得錢輒委去后革命封安  
平郡王從封中岳固辭官願隱居后疑其詐中宗初  
降封巢國公苦祈還山詔可安樂公主出降又遣  
事舍人李邈以匱書迎之將至帝勅有司即兩儀殿  
設位行問道禮詔見日山帔葛巾不名不拜攸緒至

更冠帶入伏通事舍人贊就位攸緒趨就常班再拜  
帝愕然及還中書門下學士朝官五品以上並祖城  
東俄而諸帝誅武氏連禍攸緒不及譙王重福之  
亂攸緒以誣被繫張說表置廬山姚元崇奏願賜嵩  
山舊居令州縣存問詔可開元十年卒

白履忠

白履忠汴州浚儀人貫知文史居古大梁城時號梁  
丘子景雲中召為校書郎棄官去開元十年刑部尚  
書王志愔薦履忠國子祭酒楊錫又表其賢召赴京  
師辭老病不任職詔拜朝散大夫乞還吳兢其里人  
也謂曰子素貧不露斗米尺帛雖得五品亦何益履  
忠曰往契丹入寇家取排門夫吾以讀書縣為免今  
終身高附寬徭役豈易得哉

廬鴻

廬鴻字顯然其先幽州范陽人徙洛陽博學善書籍  
廬嵩山開元初備禮再徵不至五年詔至東都謁見  
不拜宰相遣通事舍人問狀荅曰禮者忠信之薄臣  
敢以忠信見召升內殿置酒拜諫議大夫固辭下制

許還山將行賜隱居服官管草堂到山中廣學廬聚  
徒至五百人及卒帝賜萬錢所居室自號寧極云

吳筠

吳筠字直節華州華陰人舉進士不中去居南陽倚  
帝山天寶初召至京師請隸道士籍南游天台玄宗  
遣使召見大同殿與語甚悅敕待詔翰林獻玄綱三  
篇帝嘗問道對曰深於道者無如老子筠每闢陳皆  
名教世務以微言諷天子天子重之群沙門嫉其見  
遇而高力士素事浮屠共短筠筠亦知天下將亂懇  
求還嵩山詔為立道館安祿山欲稱兵乃還茅山而  
兩京江淮盜賊起因東入會稽剡中大曆十三年卒

司馬承禎

司馬承禎字子微洛州温人事潘師正傳辟穀道引  
術廬天台不出武后嘗召之未幾去睿宗復命其兄  
承禕就起之既至引入中掖廷問其術對曰為道日  
損帝嗟味曰廣成之言也錫寶琴霞紋幘還開元中  
再被詔召至都玄宗詔於王屋山置壇室以居善篆  
隸命以三體寫老子又命玉真公主及光祿卿常璿

至所居按金籙設祠厚賜焉卒年八十九

賀知章

賀知章字季真越州永興人與族姑子陸象先善證聖初擢進士遷太常博士張說為麗政殿修書使表知章及徐堅趙冬曦入院撰六典等書開元十三年遷禮部侍郎兼集賢院學士一日併謝宰相源乾曜語說曰賀公兩命之榮足為光寵然學士侍郎孰為美說曰侍郎衣冠之選然要為具員吏學士懷先王之道經緯之文然後處之此其為問也肅宗為太子

唐列傳

卷三十九

人

知章遷賓客授秘書監而左補闕薛令之兼侍讀時東官官積年不遷令之書壁帝見復題令之即棄官徒步歸知章晚節尤誕自號四明狂客及秘書外監善草隸天寶初病夢遊帝居數日寤乃請為道士還鄉里詔許之以宅為千秋觀而居又求周官湖數頃為放生池有詔賜鏡湖剡川一曲擢其子為會稽郡司馬賜緋魚使侍養幼子亦聽為道士卒年八十六

秦系

秦系字公緒越州會稽人天寶末避亂剡溪北部留

守薛兼訓秦為右衛率府倉曹參軍不就客泉州南安有九日山大松百餘章俗傳東晉時所植系結廬其上穴石為研注老子彌年不出刺史薛播數往見之姜公輔之謫見系輒窮日不能去公輔卒妻子在遠系為葬山張建封聞系不可致請就加校書郎與劉長卿善以詩相贈答權德輿曰長卿自以為五言長城系用偏師攻之其後東度秣陵年八十餘卒

張志和

張志和字子同婺州金華人始名龜齡父游朝通莊

唐列傳

卷三十九

九

列二子書為象罔白馬證諸篇佐其謔毋憂鳳生腹上而產志和十六擢明經以策于肅宗特見賞重命待詔翰林授左金吾衛錄事參軍因賜名後坐事貶南浦尉會赦還以親既喪不復仕居江湖自稱煙波釣徒著玄真子亦以自號兄鶴齡恐其遁世不還為築室越州東郭茨以生草豹席樓屬每垂釣不設餌志不在魚也縣令使浚渠執畚無件色嘗欲以大布製裘嫂為躬績織及成衣之雖暑不解觀祭使陳少游世見為終日留表其居曰玄真坊以門臨為買地

大其閭號回軒巷先是門阻流水無梁少游爲搆之  
人號大夫橋帝嘗賜奴婢各一志和配爲夫婦號漁  
童樵者陸羽嘗問孰爲往來者對曰太虛爲室明月  
爲燭與四海諸公共處未嘗少別也顏真卿爲湖州  
刺史志和來謁真卿以舟敝漏請更之志和曰願爲  
浮家泛宅往來若嘗聞善圖山水嘗撰漁歌憲宗求  
其歌不能致李德裕稱爲嚴光之比云

陸羽

陸羽字鴻漸一名疾字季疵復州竟陵人不知所生

唐列傳

卷九

十

或言有僧得諸水瀆畜之既長以易自筮得蹇之漸  
曰鴻漸於陸其羽可用爲儀乃以陸爲氏名而字之  
幼時其師教之以旁行書答曰終鮮兄弟而絕後嗣  
得爲孝乎師怒使執糞除垢填以苦之又使牧牛三  
十羽潛以竹畫牛背爲字得張衡南都賦不能讀危  
坐効群兒囁嚅若或成誦狀師拘之令薙草莽當其  
記文字情情若有遺過日不作主者鞭苦因亡去匿  
爲優人太守季奔物見異之貌能隨口吃而辨意有  
所行輒去人疑其多頃與人同而舌虎狼不噬也上

元初更隱茗溪自稱桑苧翁闔門著書或獨行誦詩  
久之詔拜羽太子文學徒太常寺太祝不就職貞元  
末卒羽嗜茶著經三篇言茶之原之法之具尤備時  
嘗茶者至陶羽形置煬笑聞祀爲茶神有常伯熊者  
因羽論復廣著茶之功御史大夫李季卿宣慰江南  
次臨淮知伯熊善煮茶召之至江南又有薦羽者召  
之不爲禮羽愧之更著毀茶論其後尚茶成風時回  
紇入朝始驅馬市茶

陸龜蒙

唐列傳

卷九

十一

陸龜蒙字魯望元方七世孫也父賓虞以文歷侍御  
史龜蒙少高放舉進士一不中往從湖州刺史張搏  
游搏歷湖蘇二州辟以自佐嘗至饒州三日無所詣  
刺史蔡京率官屬就見之龜蒙不樂拂衣去居松江  
甫里有田數百畝屋三十楹田苦下雨潦則與江通  
故常苦饑身親舂鍊嗜茶置園顧渚山下歲取租茶  
自判品第張又新爲水說七種其二慧山泉三虎井  
六松江人助其好者雖百里爲致之初病酒再葺乃  
已其後客至潔壺置杯不復飲不乘馬升舟設蓬廬



齊東書茶竈筆牀鈞具往來時謂江湖散人或號入  
隨子甫里先生自比涪翁漁父江上丈人後以高士  
召不至李蔚盧滿素與善及當國召拜左拾遺詔方  
下卒光化中韋莊表龜蒙及孟郊等十人皆贈右補  
闕陸氏在姑蘇其門有巨石遠祖績嘗事吳為鬱林  
太守罷歸然無裝舟輕不可越海取石為重人稱其  
廉號鬱林石世保其居云

司空圖

司空圖字表聖河中虞鄉人父輿有風幹當大中時  
廬弘正管鹽鐵為安邑兩池推鹽以勞再遷戶部郎  
中圖咸通末擢進士禮部侍郎王凝特所獎待俄而  
凝坐法貶商州圖感知已往從之凝起拜宣歙觀察  
使乃辟置幕府召為殿中侍御史不忍去臺劾左遷  
光祿寺主簿分司東都盧構以故宰相居洛嘉圖節  
常與游構還朝過陝虢屬於觀察使盧渥曰司空御  
史高士也渥即表為僚佐會構復執政召拜禮部員  
外郎尋遷郎中黃巢陷長安將奔不得前圖弟有奴  
段章者陷賊執圖手曰我所主張將軍喜下士可往

見之圖不肯往遂奔咸陽至河中僖宗次鳳翔即行  
在拜知制誥遷中書舍人後符寶雞不獲從又還河  
中龍紀初復拜舊官以疾解景福中拜諫議大夫辭  
不赴後再以戶部侍郎召身謝闕下數日即引去昭  
宗在華召拜兵部侍郎以足疾固自乞會遷洛陽初  
璨希賊臣意誅天下才望詔圖入朝即賜階笈意趣  
野老璨知無意於世乃聽還圖本居中條山王官谷  
作亭觀素室圖唐興節士文人名亭曰休休曰休美  
也既休而美具故量才一宜休揣分二宜休耄而贖  
唐列傳 卷二十九 十三

三宜休又少也情長也耄也迂三者非齊時用則  
又宜休因自目為耐辱居士豫為冢棺遇勝日引客  
坐柩中賦詩酌酒客或難之圖曰君何不廣耶生死  
一致吾寧暫游此中哉王重榮父子雅重之數饋遺  
弗受嘗為作碑贈絹數千圖置虞鄉市人得取之一  
日晝時寇盜所過殘暴獨不入王官谷朱全忠已篡  
召為禮部尚書不起哀帝弑圖聞不食而卒年七十  
二圖無子以甥為嗣嘗為御史所劾昭宗不責也

唐列傳卷之三十

李知本

李知本趙州元氏人知本涉經術事親篤至與弟知隱雍順大業末盜賊過閭相戒不入往依者五百餘室皆以免貞觀初知隱為伊闕丞知本夏津令

張志寬

張志寬蒲州安邑人居父喪而毀州里稱之王君廓兵略地不暴其閭倚全者百許姓後為里正忽詣縣稱母疾求急令問狀對曰母有疾志寬輒病是以知之令謂其妄繫於獄馳驗始言乃慰遣之毋終負土

唐列傳

卷之三十一

十一

成墳高祖表其閭

劉君良

劉君良瀛州饒陽人四世同居族兄弟猶同產也隋大業末荒饑妻勸其異居因易置庭樹鳥雛令鬪且鳴家人怪之妻曰天下亂禽鳥不相容况人邪君良即與兄弟別處月餘密知其計因斥去妻曰爾破吾家召兄弟涕泣以告更復同居天下亂人共依之

裴築為堡因號義成堡武德中深州別駕湯以業至

其居凡六院共一庖子弟皆有禮節歎拒而去貞觀六年表異門閭

王少玄

王少玄博州聊城人父隋末死亂兵遺腹生少玄甫十歲問父所在母以告即哀泣求尸時野中白骨覆歷或曰以子血漬而滲者父骨也少玄錢膺閭旬而獲遂以葬創其彌年乃興

任敬臣

任敬臣字希古隸州人五歲喪母及數舉孝廉授著作局正字父亡數殞絕繼母勸令更進繼服除遷秘書郎

支淑

支淑

支淑定州人隋末荒饑事母至孝賊至其家欲執其母殺之告以情賊憫其孝為解縛得全後母喪廬墓有白鶴止廬傍至德間有常州人王遇弟遇俱為賊執將釋一人兄弟相讓死賊感其意盡從之

程表師

程表師宋州人母病十旬不禱帶藥不嘗不進代弟

成洛州母終間計日走二百里因負土築墳常有白狼黃蛇馴墓左每哭群鳥鳴翔永徽中刺史狀諸朝詔吏敦駕既至不願仕授儒林郎

武弘度

武弘度士毅兄之子補相州司兵參軍未徵中父卒自徐州被髮徒跣趨喪所負土築塋晨夕號日一溢米素芝產廬前狸授其旁高宗詔旌其門

裴敬燹

裴敬燹絳州聞喜人曾祖子通隋開皇中以大中太

夫居母喪哭喪明有白鳥巢家兄弟八人皆為名孝

詔表門閭世謂義門裴氏父智周補臨黃令為下所

訟敬燹年十四詣巡察使唐臨直枉歸奇之表敬燹

於朝補陳王府典籤一日忽泣涕謂左右曰大人病

瘳吾輒心悸倍道歸而父已卒乾封初累遷監察御

史毋病醫許仁則者甦不能乘敬燹自為輿往迎既

居喪詔贈緣帛終服以著作郎兼修國史歷中書舍

人太子左率子武后時為酷吏所陷死嶺南

許伯會

許伯會越州蕭山人或曰玄度十二世孫舉孝廉上元中為衡陽博士母喪負土成墳野火將燒樹悲號於天俄而雨火滅歲旱泉湧廬前靈芝生

陸南金

陸南金蘇州吳人祖士季從同郡顧野王學仕隋為越王侗記室兼侍讀貞觀初終大學博士兼弘文館學士南金仕為太常奉禮郎開元初少卿廬崇道抵罪徙嶺南逃還東都南金居母喪崇道偽稱帶客入

而道其情南金匿之俄為韓人跡告詔侍御史王旭

捕按南金當賞賜第題韓旭自謂隨崇道者我也

請死旭驚上狀玄宗宥之南金知書史屢擢諫官

張說陸象先以賢頌之由庫部員外以痼疾改太子

洗馬卒

林攢

林攢泉州莆田人貞元初仕為福唐尉母羸老未及

逝而病攢聞素官還及母亡水漿不入口五日自經

覺作塚廬其右有白鳥來其露降詔作二闕於墳墓

前時號闕下林家

前時號闕下林家

前時號闕下林家

王傅武

王傅武許州人會昌中侍母至廣州及沙湧口暴風  
母溺死傅武自投於水嶺南節度使盧貞得吏沈晷  
獲二屍焉乃葬之

章全益

章全益梓州涪城人少孤獨兄全啓所鞠母病全啓  
割股膳母而愈及全啓亡全益服斬衰斷手一搯以  
報不畜妻值僕處一室賣藥自業世傳能作黃金居  
成都四十年號章孝子卒年九十八

唐列傳

卷之三

五

宋恩禮

宋恩禮字過庭事繼母徐以孝聞補蕭縣主簿會旱  
非池涸毋蔬疾非泉水不進口恩禮憂懼且禱忽有  
泉山諸庭味非寒日不乏汲縣人異之尉柳晃爲刻  
石頌其孝感

梁文貞

梁文貞瀘州閬鄉人少從軍守邊逮還親已亡自傷  
不得養即穿窟爲門晨夕汎掃廬墓左畔歷三十年  
家人有所問畫文以對會官改新道出文貞廬前行

族見之皆爲流涕有甘露降塋白兔馴擾開元中荆  
史許景先表文貞孝絕倫類語付史官

沈季詮

沈季詮字子平洪州豫章人少孤事母孝貞觀中侍  
母度江遇暴風母溺死季詮號呼投江中少選持母  
臂浮出水上都督謝叔方具禮祭而葬之

侯知道

程俱羅

侯知道程俱羅靈州靈武人居親喪穿塋作冢皆身  
親其勞知道七年俱羅三年不止李華作二孝贊

唐列傳

卷之三

六

唐卷之三十一

李德武妻

李德武妻裴字淑英安邑公矩之女以孝聞鄉黨德武在隋坐事徙嶺南時嫁方踰歲矩表雖婚願死無他欲割耳誓保姆持不許後十年德武未還矩決嫁之斷髮不食矩知不能奪聽之德武更娶尔朱氏遇赦還中道聞其完節乃遣後妻為夫婦如初

楊慶妻

楊慶妻王者世克兄之女慶以河間王子為郎王守樂陽隔於世克故世克妻之用為管州刺史太宗攻洛陽慶謀與王歸唐王謝還東都慶不聽乃飲藥死慶入朝官宜州刺史

房玄齡妻

房玄齡妻盧失其世玄齡微時病且死諉曰吾病革君年少不可寐於善事後人盧泣入帷剔一目示玄齡明無他會玄齡良愈視之終身

王蘭英

王蘭英者蜀師仁之母師仁之父武都謀歸唐王

世克殺之師仁三歲危死禁錮備英請是錮得保養許之後許為孫業高師仁歸京師高祖嘉其義詔封蘭英永壽鄉君

湯三安妻

湯三安妻李京北高陵人男始亡三安又死子幼孤寡三安日夜泣也三年葬舅始及夫兄弟凡七喪

樊會仁母

樊會仁母散河東人字象子梓而生會仁夫死事場姑祥願家以其少欲嫁之潛約婚於里人至期陽為

母病使歸視敬知見相伺隙遁去乃罷會仁未冠卒

時敬母又終既葬曰母死子安何生為不食數日死

衛孝女

衛孝女絳州夏人字無忌父為鄉人衛長劫所殺無忌甫六歲無兄弟母改嫁速長志報父使會從父大

延客長則在坐無忌抵以甕殺之請吏稱父冤已報

請就刑廷察使褚遂良以聞太宗免其罪

鄭義宗妻

鄭義宗妻盧者范陽士族也有盜持兵劫其家人皆

匿竄惟姑不能去廬胃亦立姑側為賊棒搥幾死

劉寂妻

劉寂妻夏侯滑州州人字碎金父長雲為鹽城丞  
喪明時劉已生二女矣求與劉絕歸侍父疾又事後  
母以孝稱五年父亡毀不勝喪負土作冢廬其左表  
門間後其女居母喪亦如母行官又賜粟帛表其門

于敏直妻

于敏直妻張者皖城公儉女也儉病篤聞之號泣幾  
絕儉死一慟遂卒高宗懿其行以狀屬史官

賈孝女

賈孝女濮鄆州城人字碎金年十五父為族人玄基  
所殺孝女弟疆仁尚幼孝女不肯嫁躬撫育之疆仁  
能自樹立教伺玄基殺之取其心告父墓孝女請闕  
請代弟死高宗憫嘆詔并免之

楚王靈龜妃

楚王靈龜妃上官者下邳士族也靈龜出繼哀王後  
而舅姑在妃朝夕侍奉謹甚靈龜卒將葬前妃無近  
族議者欲不舉妃曰逝者有知竟可無託乎乃備禮

合葬喪除兄弟共論妃少又無子可不有行泣將自  
刺川表遂不敢疆

楊紹宗妻

楊紹宗妻王華州華陰人在祿而母亡繼母鞠愛父  
在隋時征遼歿繼母又卒王年十五乃舉二母柩而  
立父象招鬼以葬廬墓左末微中詔表門

李氏妻

李氏妻王阿足深州塵城人歸李數歲夫死無子以  
婆姑高年無供養乃不忍嫁晝耕夜織能辨生事餘  
二十年坤乃亡年過知禮書終於家

樊彥琛妻

樊彥琛妻魏者揚州人彥琛病卒值徐敬業難顯兵  
中聞其知音令鼓篋魏引刀斬其指軍伍欲置妻之  
固拒不從乃見宥

李奮母

李奮母者夫其氏有淵謙奮為監察御史得粟米置  
之三斛而廉問之曰御史米不舉也又問車庸有幾  
曰御史不償也母怒勸歸餘米償其廉因切責奮食

乃劾倉官自言狀請御史聞之有慙色

汴女李

汴女李者年八歲父亡及笄毋欲嫁之斷髮丐終養居母喪哀號過人自庀葬具州里送葬千餘人廬於墓武后時按察使薛季昶表之詔樹闕門閭

崔繪妻

崔繪妻廬者鸞基侍郎獻之女獻有美名繪喪廬年少家欲嫁之廬稱疾不許女兄適工部侍郎李思冲早亡思冲方顯重表求繼室還崔合斷髮自誓思冲以聞武后不奪也詔為浮屠尼以終

堅貞節婦李

堅貞節婦李者年十七嫁為鄭廉妻永愉年廉死忽夢男子求為妻李自疑容貌未衰魂所召也即截髮垢面塵屑自是不復夢刺史白大威欽其操號堅貞節婦表旌門闕

符鳳妻

符鳳妻某氏字王英尤妹羨鳳以罪徙儋州至南海為獠賊所殺脅私之罵曰受賊辱不如死自沈於海

高獻妻

高獻妻秦獻為趙州刺史為默吸所攻州陷獻仰藥不死至默吸所示以寶帶異袍曰降我賜爾官不降且死後視秦秦曰君受天子恩當以死報默吸知不可屈逼殺之

盧惟清妻

盧惟清妻徐淄州人世客陳留惟清歷校書郎徐女兄之夫李宜得以罪斥惟清坐僚姻貶播州尉惟清死髡奴將劫徐歸灰江奴不敢逼劫其貨徐行至播州足滿泥血得惟清尸以還闕歲至洛陽既葬以無子終服還陳留汴州刺史齊高其節碑而頌之

饒娥

饒娥字瓊真饒州樂平人生小家勤織絨頗自脩整父勸漁於江遇風濟舟覆屍不出娥年十四哭水上不食三日死俄大震電父尸浮出鄉人異之河東柳宗元為立碑

竇伯女仲女

竇伯女仲女京兆奉天人永泰中遇賊行剽二女自

匡山谷賊迹而得之將逼以私行臨大谷伯曰我豈受汗於賊乃自殺投下賊大駭俄而仲亦躍而墜京兆尹第五琦表其烈

盧甫妻

盧甫妻李泰州成紀人父淵末泰初為新令梁宋兵興淵論降劇賊數千人刺史曹昇襲賊敗之賊疑淵賣已執淵及其弟渤兄弟爭相代死李見父被執亦請代父遂皆遇害又有王泛妻裴者亦俘賊中欲汗之賊臨以兵罵不止乃支解焉

唐

鄒待徵妻

鄒待徵妻薄者從待徵官江陰袁晁亂薄為賊所掠將汗之義不辱即死於水賊去得其尸義聲動江南聞人李華作哀節婦賦

金節婦

金節婦者安南賊帥陶青亮之母也常以忠義誨齊亮頑不受遂絕之自田而食節而衣州里於法焉大曆初詔賜兩丁侍養

高愍女

高愍女名妹妹父彥昭事李正之及納拒命質其妻子使守濮陽建中二年挈城歸河南都統劉玄佐納屠其家時女七歲毋李憐其幼請免死為婢許之女不肯西嚮哭再拜就死德宗駭嘆詔太常謚曰愍彥昭從玄佐救陵寧復汴州累功授潁州刺史

楊烈婦

楊烈婦者李侃妻也建中末李希烈陷汴謀襲陳州侃為項城令希烈分兵數十略定諸縣侃以城小賊銳欲逃去婦曰寇至當守力不足則死焉君而逃尚

唐

卷三十一

誰守會賊將中矢死遂引去縣卒完詔遷侃太平令

先是契丹寇平州鄒保英為刺史城且陷妻吳車家僮女丁乘城不下賊默啜攻飛狐縣令古玄應妻高能固守虜引去史思明之叛衛州女子侯滑州女子唐青州女子王相與歃血赴行營討賊滑濮節度使許叔冀表其忠

賈直言妻

賈直言妻董直言貶嶺南以妻少乃訣曰可亟嫁無須也董不答引繩束髮封以帛謂曰非君手不解直



言貶二十年乃還署帛宛然及湯沐髮墮無餘

李孝女

李孝女者名妙法瀛州博野人安祿山亂被劫徙他州聞父亡欲間道奔喪一子不忍去割一乳留以行既父葬號踊請開墓以視宗族不許復持刀刺心乃為間見棺舌去塵髮治扶之結廬墓左手植松栢有異鳥至母病或不食飲終日未嘗視已箸及亡刺血書於母臂而葬廬墓終身

李湍妻

李湍妻某氏湍籍吳元濟軍元和中自拔歸烏重胤妻為賊縛而餽食之將死猶號湍曰善事烏僕射觀者嘆泣重胤請以其事屬史官

董昌齡母

董昌齡母楊世居萊昌齡更事吳少陽至元濟時為吳房令母常密戒徒郎城會王師逼郎城昌齡乃降憲宗喜即拜郎城令兼監察御史昌齡謝曰母之訓也臣何能帝嗟嘆元濟囚楊欲殺者屢矣蔡平而母在陳許節度李遜表之

王孝女

王孝女徐州人字和子元和中父兄皆防秋屯涇州吐蕃寇邊血戰死和子年十七單身被髮徒跣縶裳抵涇屯日丐食護二喪還葬於鄉剪髮壞容廬墓所節度使王智興白狀詔旌其門

段居貞妻

段居貞妻謝字小娥豫章人居貞本歷陽俠少年重氣決娶歲餘與謝父同賈江湖上並為盜所殺小娥赴江流傷腦折足人救以免轉側丐食至上元夢父

及夫告所殺主名離析其文為十二首擿爾內外姻

莫能曉隴西李公佐隱占得其意曰殺若父者必申蘭若夫必申春試以是求之小娥泣謝諸申乃名盜亡命者也小娥詭服為男子與備保雜物色歲餘得蘭於江州春於獨樹浦蘭與春從兄弟也小娥託傭蘭家日以謹信自効蘭寢倚之雖苞苴無不委小娥見所盜段謝服用故在盜知所夢不疑出入二期伺其便他日蘭盡集群偷釀酒蘭與春醉廬卧小娥閉戶拔佩刀斬蘭首因大呼捕賊鄉人禽春得賊千萬

其黨數十小賊悉躡其人上之官皆抵死乃始自言  
狀刺史張錫嘉其烈白觀察使使不為請還豫章人  
爭聘之不許視髮事浮屠道

衛方厚妻

衛方厚妻程太和中方厚為邕州錄事參軍招討使  
董昌齡治無狀方厚數爭事昌齡怒將執付吏辭以  
疾不免即以死告卧棺中昌齡知之使闔棺甚牢方  
厚閉从以爪攫棺爪盡乃絕程懼并死不敢哭昌齡  
恬不疑厚遣其喪程徒行至闕下叩右銀鑿門自狀  
陳寃下御史鞠治有實昌齡乃得罪文宗詔封程武  
昌縣君賜一子九品正員官

鄭孝女

鄭孝女兗州瑕丘人父神佐為官兵戰死慶州特母  
已亡又無兄弟女時年二十四即剪髮毀服身護喪  
還鄉里與母合葬廬墓下初許適李玄慶至是謝不  
嫁大中中兗州節度蕭倣狀於朝

殷保晦妻

殷保晦妻封教孫也各絢字景文能文章草隸備體

歷校督郎黃巢入長安共匿蘭陵里明日保晦逃賊  
悅封色欲取之固拒賊遂遇害保晦左右曰夫人死  
矣保晦號而絕

楊含妻

楊含妻蕭父歷為撫州長史以官卒母亦亡蕭年十  
六與婢皆韶淑毀貌載三喪還鄉貧不能給舟備次  
宣州戰烏山舟子委柩去蕭結廬水濱與婢穿壙納  
棺成墳時松栢朝夕臨有馴烏縞兔茵芝之祥或請  
昏女曰我弱不能北還君誠為我致二柩葬故里請  
事君子於是含以高安尉廳歸聘之已葬乃釋服而  
歸楊云

常雍妻

常雍妻蕭張弘靖鎮幽州表雍在幕府朱克融亂雍  
被劫蕭聞難與雍皆出左右格之不退雍臨刃蕭呼  
曰我苟生無益願今日死君前刑者斷其臂乃殺雍  
太和中楊忠誠表其烈雍字和叔擢進士第

李廷節妻

李廷節妻崔乾符中廷節為郟城尉王仙芝攻汝州

廷節被執賊見崔姝美將妻之詬罵我士人妻死十  
有命奈何受賊汗賊怒劊其心食之

李拯妻

李拯妻廬者美姿容能屬文拯字昌時咸通末擢進  
士累遷考功郎中黃巢亂拯死廬伏尸哭王行瑜兵  
逼之不從脅以刃斷一臂死

山陽女

山陽女趙者父盜鹽當論死女詣官訴曰迫饑而盜  
救死爾有司義之許減父死女曰身今為官所賜願  
毀服依浮屠法以報耳截耳自信待父疾卒不嫁

宋延壽妻

宋延壽妻王者延壽事楊行密為壽州刺史惡行密  
不臣與寧國節度田頌謀絕之以歸唐事泄行密以  
計召延壽殺之王呼天曰我誓不為蠻人辱赴火死

五代

馬維銘曰五代之際難言矣或五年或十年入者  
不過二十年易姓矣然大半出於夷狄善乎唐主  
亶之言曰某胡人因亂為眾所推願天早生聖人  
為斯民主然則藝祖其聖人歟不然何以開有宋  
三百年之天下也

五代史纂卷之一

明職方主事馬維銘纂

同社文學

沈懋嘉

王拱極 校

五代梁唐晉漢周攷十國世記有唐賜爵為王者有

自立為帝王者依歐陽氏仍書十國名號以當世家

吳楊氏四世曰行密初為淮南節度使傳子渥朱

全忠篡唐淮南仍稱天祐年號梁開平四年始稱

吳梁貞明元年降演始改年號曰武義梁龍德元

年楊溥即位改元順義後唐天成二年溥始稱帝

改元乾貞晉天福二年徐知諤奉吳王為讓皇而

代之吳遂亡凡四十七年○前蜀王氏二世曰建

曰行建已前仍稱天祐年號梁貞明五年建始改

元乾德至後唐同光三年國除凡三十五年○吳

越錢氏四世曰璆曰元璣曰弘佐曰弘徽自唐乾

寧二年為鎮海鎮東軍節度使後唐天成元年

建元至宋太平興國國除凡八十四年○南漢劉

氏四世曰隱初名巖曰玢曰晟曰煥父隱唐天

祐二年為廣州刺史梁貞明三年龔始建國號漢

至宋開寶四年國除凡六十七年○南唐李氏二

世曰昇曰璟曰煜晉天福二年始建國至宋開寶

八年國除凡三十九年○閩王氏五世曰審知曰

璘曰昶曰曦曰延政璘始稱帝改元光啓時後唐

長興四年也晉開運三年為南唐所滅○後蜀孟

氏二世曰知祥曰昶起後唐閔帝應順元年至宋

乾德三年國除凡四十二年○楚馬氏六世曰殷

曰希聲曰希範曰希廣曰希萇曰希崇殷自唐乾

寧二年入湖南至周廣順元年降於南唐凡五十

七年○南平高氏五世曰季興曰從誨曰保融曰

保勗曰繼冲自梁開平元年至荆南宋乾德元年

國除凡五十七年○北漢劉氏三世曰崇曰鈞曰

繼元起周廣順元年宋太平興國四年國除凡二

十八年○此十國之主皆稱小實與中國為敵體

閩至小之國嘗稱中國主為洛州刺史它可知已

唯南唐吳越僅稱治云今撮十國於五代之前亦

綱目之法也

梁太祖 在位七年 開平 乾化 壽六十一

太祖名溫姓朱氏宋州碭山人其父誠以五經教授鄉里溫從黃巢為盜既而降唐拜為宣武軍節度使賜名全忠未幾進封梁王竟移唐祚為子友珪所弑初全忠有受禪之意帝乃下詔禪位於梁遣宰相張文蔚等至大梁梁王更名是文蔚等奉寶冊即皇帝位文蔚等稱賀梁主與宗戚飲其兄全昱謂曰朱三汝本碭山一民也從黃巢為盜天子用汝為四鎮節度使富貴極矣奈何一日滅唐家三百年社稷他日

五代

卷一

三

得無滅吾族乎梁主不懌而罷

末帝 在位十一年 貞明 龍德 壽三十六

末帝名友貞太祖第三子初封均王及太祖遇弑乃起兵誅友珪即帝位更名鎰又更名瑱未幾唐兵來伐遂自殺而國亡

後唐莊宗 在位三年 同光 壽四十三

莊宗名存勗姓朱邪沙陀人先世唐賜姓李氏父克用平黃巢以功封晉王及存勗以兵滅梁稱帝號曰後唐○五代史云盛衰之理雖曰天命豈非人

事哉世言晉王之將終也以三矢賜莊宗而告之曰

梁仇也燕王吾所立契丹與吾約為兄弟而皆背晉以歸梁此三者吾遺恨也與爾三矢爾其無忘乃父之志莊宗受而藏之於廟其後用兵則遣從事以一太半告廟請其矢盛於錦囊負而前驅及凱旋而納之方其係燕父子以組函梁君臣之首入於太廟還矢先王而告以成功其意氣之盛可謂壯哉及仇讐已滅天下已定一夫交呼亂者四應至誓天斷髮泣下沾襟又何哀也○莊宗既好俳優又知音能度曲

五代

卷一

四

至今汾晉之俗往往能歌其聲謂之御製者是也其小字亞子當時或謂之亞次又別為優名曰李天下皇后劉氏父劉叟賣藥善卜號劉山人劉氏性悍與諸姬爭寵常自耻其家世寒微莊宗乃為劉叟衣服自負者囊藥笈使其子繼及提破帽隨造財內曰劉山人來省女劉氏大怒笞繼及而逐之以此用為笑樂其戰於胡柳也屢伶周匝為梁人所得後滅梁入汴周匝謁於馬前曰身得不死者教坊使陳俊內圍裁接使儲德源力也莊宗皆許以為刺史郭崇勳諫

曰陛下所與共取天下者皆英豪忠勇之士今大功始就封賞未及而先以伶人爲刺史恐失天下心不可莊宗不聽嘗與羣優戲四顧而呼曰李天下何在伶人敬新磨遽前以手批莊宗頰莊宗失色群伶大驚新磨曰李天下者一人而已復誰呼邪於是左右皆笑莊宗大喜殿中多惡犬新磨去一犬逐之新磨倚柱而呼曰陛下毋縱兒女醫人莊宗家世夷狄夷狄之人請狗故新磨以此譏笑之莊宗大怒彎弓注矢射新磨新磨急呼曰陛下無殺臣臣與陛下爲一

五代

卷一

五

體殺之不祥莊宗大驚問故對曰陛下開國改元同光天下皆謂陛下同光帝夫同銅也若殺敬新磨則同無光矣莊宗復大笑時諸伶獨新磨善俳而無他過惡其敗政亂國甚者景進史彥瓊郭門高三人門高竟與彥瓊共弑莊宗莊宗崩五坊人善友聚樂器而焚之李嗣源入洛得其骨葬於新安之雍陵傳曰君以此始必以此終莊宗好伶而弑於門高焚以樂器豈不信哉初莊宗獵於中牟踐蹂民田中牟令當馬而諫莊宗大怒令叱去斬之伶人敬新磨者率諸

伶走追其令擒至馬前數而讓之曰汝爲縣令獨不聞天子好田獵乎柰何縱民稼穡以供歲賦何不且饑餓汝民空此田地以待天子馳逐也汝罪當死亟請行刑諸伶復共唱和於是莊宗大笑赦之

明宗 在位十年 天成 長興 壽六十七

明宗世本夷狄無姓氏父實爲鴈門部將生子邈倍烈以騎射事太祖爲人質厚寡言恭謹太祖養以爲子賜名嗣源初梁攻鄆充太祖使嗣源以兵三千擊梁梁兵解去太祖以嗣源所將部騎號橫衝都由是

五代

卷一

六

名重四方從攻劉守光拜昭德節度總管梁軍及後梁中郎擒王彥章勸莊宗入汴滅梁進中書令及莊宗見絨魏王自殺以百官勸進卽位年踰六十每夕於官中焚香祝天曰某胡人因亂爲衆所推願天早生聖人馬斯民主帝於五代之君最爲長世兵革粗戢年屢豐登生民實賴以休息初嗣源爲亂兵所逼至矧子谷聞變慟哭拾莊宗骨於灰燼之餘而殯之百官三笑請嗣源監國監國令所在訪求諸王通王存確雅王存紀匿民間安重誨與李紹貞謀密遣人

微之監國切責重誨傷惜久之劉后奔晉陽在道與存渥私通存渥爲其下所殺劉后爲尼於晉陽監國使人就殺之莊宗幼子繼嵩等皆不知所終惟邕王存美以病得免唐主旣立更名亶唐主亶殂子從厚立改元應順是爲閔帝潞王從珂入洛陽廢從厚爲鄂王尋弒之閔帝性仁厚於潞王亦無嫌而朱弘昭孟漢瓊之徒橫生猜間以至禍敗焉

廢帝 在位二年 清泰 壽四十五

廢帝名從珂本姓王氏鎮州平山人明宗養以爲子

五代

卷十

七

初封潞王旣而廢閔帝從厚而自立未幾石敬瑭以兵入洛陽遂自焚死

石晉高祖 在位七年 天福 壽五十一

高祖之父臬拔鷄本出於西夷自朱邪歸唐從朱邪入居陰山其後拔鷄嘗從晉王克用征伐有功官至洛州刺史鷄生敬瑭姓石氏不知其得姓之始也敬瑭沈厚寡言多謀畧唐明宗愛之妻以女隸明宗帳下號左射軍以功累授河東節度使潞王篡位以千春節置酒晉國長公主上壽畢辭歸晉陽唐主曰可

不且得還歸欲與石郎反邪敬瑭聞之懼乃借契丹兵以滅唐稱臣稱父於契丹割幽薊十六州以奉契丹契丹乃立敬瑭爲晉皇帝敬瑭殂兄子齊王重貴立初有旨召劉知遠入輔重貴寢之知遠由是怨之出帝 在位三年 開運

出帝名重貴高祖兄敬儒之子初封齊王及高祖崩無嗣大臣迎而立之景延廣用事請致書契丹稱孫而不稱臣契丹大怒入寇執之以歸而國亡矣

後漢高祖 在位二年 乾佑 壽五十四

五代

卷十一

八

高祖名暉字知遠姓劉氏其先沙陀人也其後世居於太原知遠弱不好弄嚴重寡言面紫色目多白睛凜如也仕晉以功封北平王及重貴被虜乃卽位於晉陽初敬瑭之借兵契丹也知遠諫曰以金帛賂之足矣許以土田恐異日大爲中國之禍云

隱皇帝 在位三年 乾佑 壽二十

隱帝名承祐高祖太子卽位狎僇倖誅戮大臣及郭威舉兵反帝爲亂兵所殺而國亡矣

周太祖 在位三年 廣順 壽五十二

太祖名威姓郭氏邢州堯山人父簡事晉爲順州刺史劉仁恭攻破順州簡見殺潞州留後李繼勳募勇敢士威年十八以勇力應募爲人負氣讀春秋畧知兵法繼勳特奇之繼勳叛晉附梁莊宗滅梁繼勳誅死威補爲軍契丹滅晉高祖起兵常以威從卽位拜樞密使事隱帝討平三叛加拜同中書平章事及隱帝與李業等謀誅史弘肇諸大臣并殺威威謀於魏仁浦遂舉兵反隱帝遇害將士擁而立之國號後周世宗 在位六年 顯德 壽三十九

五代 卷一 九

世宗名榮姓柴氏太祖后兄守禮之子太祖無嗣養以爲子太祖崩乃承大統卽位欲自將禦漢兵曰劉崇幸我大喪輕朕年少朕不可不往追至高平北漢兵大敗世宗在藩多務誦晦及破高平之寇人始服其英武其禦軍號令嚴明人莫敢犯又勤於爲治聰察如神暇則召儒者讀前史商榷大義性不好絲竹珍玩之物文武參用各盡其能云

恭帝 在位半年

恭帝名宗訓世宗太子初封梁王七歲嗣立禪位宋

南唐主 附 在位七年 昇元 壽五十六

唐主唐宗室喬也小字彭奴光啓四年生彭城流寓濠泗吳武王楊行密克濠州得之奇其狀貌養爲子諸子不能容行密令徐溫撫之乃姓徐名知誥奉溫甚孝謹由是愛之逮壯身長七尺廣額隆準精彩鑠人從溫攻伐以功拜昇州刺史時江淮初定州郡多武夫務賦歛爲戰守知誥獨好學接禮儒者能自勵爲勤儉以寬仁爲政遠近歸心溫嫡子知訓秉政驕侮諸將爲朱瑾所殺知誥以州兵定其亂遂爲淮南節度使引宋齊丘駱知祥王令謀爲館客振紀綱脩典禮舉法律中外謂之政事僕射吳主僭號累遷中書令太尉都督後進封齊王閩越諸國皆遣使勸進於是建齊國置宗廟受吳禪國號大齊二年復姓李國號大唐更名昇昇殂子璟立改元保太唐主更名景去帝號奉周正朔初馮延巳以取中原策說唐主由是有寵嘗笑烈祖醜醜翰林學士常夢錫屢言延巳等浮誕不可信曰姦言似忠陛下不悟國必亡矣

五代 卷一 十



五代梁列傳卷之一

敬翔

敬翔字子振同州馮翊人也自言唐平陽王暉之後乾符中舉進士不中乃客之梁翔同里人王發為汴州觀察使遂往依焉久之發無所薦引翔客益窘為人作箋刺傳之軍中太祖素不知書翔所作皆俚俗語太祖愛之補以軍職非其所好乃以為館驛巡官太祖與蔡人戰汴郊翔時為太祖謀畫多中太祖舉昭宗自岐還長安昭宗召翔與李振升延喜樓勞之拜翔太府卿太祖即位以唐樞密院故用宦者乃改為崇政院以翔為使遷兵部尚書金鑾殿大學士太祖剛暴難近有所不可翔亦未嘗顯言微開其端太祖意悟多為之改易太祖得時溥寵姬劉氏愛幸之劉氏故尚讓妻也乃以妻翔翔已貴劉氏猶待太祖翔頗患之劉氏謂翔曰爾以我嘗失身於賊乎尚讓黃家宰相時溥國之忠臣以卿門地猶為辱我劉氏車服驕侈別置典謁交結藩鎮寵信言事不下於翔太祖崩友珪立以翔先帝謀臣懼其圖已不欲翔

居內職乃以李振代翔為崇政使末帝即位趙鼎等用事頗離間舊臣莊宗入汴詔赦梁群臣李振喜邀翔欲俱入見翔嘆曰李公謬為丈夫矣復何面目入梁建國門乎乃自經而卒

朱珍

朱珍徐州豐人也少與龐師古等俱從梁太祖為盜太祖與晉王東逐黃巢還過汴節之上源驛太祖使珍夜以兵攻之晉王亡去珍悉殺其麾下兵太祖乃拜珍滑州刺史募兵於滑青唐賓者陝州陝人也初為尚讓偏將降梁梁兵攻掠四方賓常與珍俱珍戰每小却賓佐之乃大勝珍常私迎其家置軍中太祖疑珍有異志遣賓伺察之珍與賓不協太祖兩惜其才為和解之珍屯蕭縣聞太祖將至戒軍中治館廡以待賓部將嚴郊治廨失期軍吏督之郊訴於賓賓以讓珍珍怒拔劍而起賓拂衣就珍珍即斬之太祖大驚珍迎謁太祖命武士執之遂縊死

葛從周

葛從周字通美濮州鄆城人也少從黃巢巢敗降梁

從太祖太祖乃表從周兼邢州留後從太祖攻鎮州  
下臨城王鎔乞盟太祖表從周泰寧軍節度使從氏  
叔琮攻晉太原不克梁兵西攻鳳翔青州王師範遣  
其將劉鄩襲交州從周家屬爲鄩所得厚遇之而不  
殺太祖還自鳳翔乃遣從周攻鄩從周招降鄩太祖  
卽位拜左金吾衛衛將軍末帝卽位卒贈太尉

### 牛存節

牛存節字贊正清州博昌人也初名禮事諸葛爽於  
河陽爽卒存節顧其徒曰天下洶洶當得英雄推事之

### 五代梁

### 卷一

### 三

乃歸梁存節爲人木強忠謹太祖愛之賜之名字以  
爲小校太祖卽位拜右千牛衛上將軍從康懷英攻  
潞州晉兵已破夾城存節等以餘兵歸行至天井關  
聞晉兵攻澤州存節顧諸將曰吾行雖不受命然澤  
州要害不可失也戒士卒熟息已而謂曰事急不赴  
豈曰勇乎舉策而先士卒隨之比至州人已焚外城  
將降晉聞存節至乃稍定晉人解去遷鄴州留後末  
帝立蔣殷反徐州遣存節攻破之以功加太尉將卒  
語其子知素曰忠孝吾子也不及其佗

### 張歸霸

張歸霸清河人也末帝娶其女是爲德妃歸霸少與  
其弟歸厚歸弁俱從黃巢巢敗東走乃降梁秦宗權  
攻汴歸霸戰數有功張旺軍赤岡以騎兵挑戰矢中  
歸霸歸霸拔之反以射賊一發而斃奪其馬而歸太  
祖從高丘望見甚壯之賞以金帛并馬賜之又破濮  
州晉人攻魏歸霸從葛從周救魏又破劉仁恭於內  
黃光化二年權知邢州開平二年拜河陽節度使卒  
子漢傑事末帝爲顯官梁亡唐莊宗入汴遂族誅

### 五代梁

### 卷一

### 四

### 楊師厚

楊師厚潁州斤溝人也少事河陽李罕之罕之降晉  
選其麾下勁卒百人獻於晉王師厚在籍中師厚在  
晉無所知名後以罪奔於梁梁攻王師範師厚戰賊  
胸擒其偏將八十餘人取棣州以功拜齊州刺史太  
祖攻趙匡胤於襄陽遣師厚爲先鋒拜山南東道節  
度使同中書門下平章事太祖遇弒友珪自立師厚  
乘間殺魏牙將潘晏斌延範等逐出節度使羅周翰  
友珪因以師厚爲天樞軍節度使自太祖與晉戰

北師厚常為招討使悉願梁之勁兵友珪陰欲圖之  
召師厚入計事其吏田溫等勸勿行師厚曰吾二十  
年不負朱家今若不行則見疑而生事然吾知上為  
人雖往無如我何也已而未帝謀討友珪問於趙巖  
巖曰此事成敗在招討楊公爾未帝乃遣馬慎交陰  
見師厚乃遣其將王舜賢至洛賢見袁象先使朱漢  
賓以兵屯滑州為應未帝卒與象先弑友珪即位封  
師厚鄴王然心益忌而畏之已而師厚發卒未帝  
為之受賀於官中由是始分相魏為兩鎮魏軍亂以  
魏博降晉梁失河北自此始

王彥章

王彥章字子明鄆州壽昌人也少為軍卒事梁太祖  
為開封府押衙左行營先鋒軍使未帝即位遷濮州  
刺史又徙澶州刺史彥章為人驍勇有力能跣足履  
棘行百步持一鐵鎗騎而馳軍中號王鐵鎗梁晉等  
天下為勍敵獨彥章心常輕晉王謂人曰亞子鬪鷄  
小兒耳何足懼哉梁分魏相六州為兩鎮魏軍不從  
遣彥章將五百騎入魏抱金波亭自梁失魏博與晉

夾河而軍彥章常為先鋒是時晉已盡有河北以鐵  
鎖斷德勝口築河南北為兩城號夾寨而梁未帝昏  
亂小人趙巖張漢傑等用爭龍德三年晉取鄆州梁  
人大恐宰相敬翔顧事急以繩內靴中入見未帝泣  
曰事急矣非彥章不可未帝乃召彥章為招討使以  
段凝為副未帝問破敵之期彥章對曰三左右皆  
失笑彥章受命而出馳兩日至滑州置酒大會陰遣  
人具舟於楊村命甲士六百皆持巨斧載治者具轄  
炭乘流而下彥章會飲酒半佯起更衣引精兵數千  
沿河以趙德勝舟兵舉燭燒斷之即以巨斧斬浮橋  
而彥章引兵悉擊南城浮橋斷南城遂破蓋三日矣  
是時段凝已有異志與趙巖張漢傑交通彥章素剛  
憤梁日削而嫉巖等巖等與凝叶力傾之其破南城  
也彥章與凝各為捷書以聞凝遣人告巖等匿彥章  
書及楊劉之敗也凝乃上書言彥章使酒輕敵而至  
於敗趙巖等從中日夜毀之彥章馳至京師入見以  
笏畫地自陳勝敗之迹巖等諷有司劾彥章不恭勒  
還第唐兵攻兗州未帝召彥章使守捉東路被擒莊

宗見之曰爾常以孺子待我今日服乎彥章對曰大事已去非人力可爲謂人曰豹死留皮人死留名其於忠義蓋天性也莊宗又遣明宗往諭之彥章病劇卧不能起仰顧明宗呼其小字曰汝非逸佶烈乎我豈苟活者遂見殺年六十一

### 氏叔琮

氏叔琮開封尉氏人也爲梁騎兵伍長梁兵擊黃巢陳許間叔琮戰數有功太祖壯之太祖下河中取晉絳晉王遣使致書太祖求成太祖以晉書詞授乃遣

### 叔琮

### 卷一

### 七

叔琮與質德倫等攻之太祖遣朱友寧帥兵萬人會叔琮樂晉友寧欲休兵以待叔琮曰敵聞救至必走走則何功耶乃夜擊之已而兵大疫叔琮班師令曰病不能行者焚之病者懼皆言無恙乃以精卒爲殿而還昭宗遷洛拜右龍武統軍太祖遣叔琮與李彥威等弒昭宗已而殺之

### 李振

李振字興緒其祖抱真唐滁州節度使振爲唐金吾將軍拜台州刺史盜起浙東不果行乃西歸過梁以

策于太祖太祖留之太祖兼領鄆州表振節度副使振奏事長安舍梁郎宦官劉季述謀廢昭宗遣其姪希正因梁郎吏程巖見振曰今主上嚴惡誅殺不辜中尉懼及禍將行廢立振駭然曰百歲奴事三歲主而敢爾耶今梁王百萬之師方仗大義尊天子君等無爲此不祥也振還季述卒與巖等廢昭宗幽之東宮號太上皇立皇太子裕爲天子是時太祖用兵在邢洛間季述詐爲太上皇詔告太祖太祖猶豫未知所爲振曰今聞官作亂天子危辱此王仗義立功之

### 五代史

### 卷一

### 八

時太祖大憚乃囚季述使者遣振詣京師見崔胤謀出昭宗王師範以青州降梁疑懼振曰獨不聞漢張綉乎綉與曹公爲敵然不歸袁紹而歸曹公者知其志大不以私讎殺人也昭宗遷洛振往來京師朝臣皆側目時人目振爲鴟梟太祖之弒昭宗也遣振至京師與朱友恭氏叔琮謀之昭宗崩太祖問振所以待友恭等且如何振曰昔晉司馬氏殺魏君而誅成濟不然何以塞天下口太祖乃歸罪友恭等而殺之振嘗舉進士咸通乾符中連不中尤憤唐公卿及裴

相等賜死白馬驛振謂太祖曰此輩常自言清流可  
拔之河使為濁流也太祖卽位累遷振戶部尚書友  
珪時以振代敬翔為崇政院使莊宗滅梁入汴振試  
見郭崇韜曰人言李振一代奇才吾今見之一常人  
爾已而伏誅

五代唐列傳卷之二

郭崇韜

郭崇韜代州鴈門人也為河東教練使莊宗為晉王  
孟知祥薦崇韜為中門使甚見親信莊宗卽位拜兵  
部尚書樞密使梁王彥章擊破德勝唐軍東保楊劉  
彥章圍之及莊宗登壘望見彥章為重塹以絕唐軍  
意輕之卽引短兵出戰為彥章伏兵所射大敗而歸  
莊宗問崇韜計安出是時唐已得鄆州矣崇韜因曰  
彥章圖我於此其志在取鄆州也乃遣崇韜與毛璋  
將數千人夜行所過驅掠居民毀屋伐木渡河築壘  
於博州東晝夜督役六日壘成彥章果引兵急攻之  
時方大暑彥章兵熱死及攻壘不克所失大半還趨  
楊劉莊宗迎擊遂敗之康延孝自梁奔唐先見崇韜  
崇韜延之川內盡得虛實唐自失德勝梁兵日掠澶  
相黎陽衛州而李繼韜以澤潞叛而入於梁契丹數  
犯幽涿崇韜曰今得一鄆州不能守而棄之雖指河  
為界誰為陛下守之莊宗大喜因問司天司天言歲  
不利用兵崇韜曰古者命將鑿函門而出莊宗滅梁

推功賜崇禰鐵券拜侍中崇禰未嘗居戰陣徒以謀  
議居佐命第一之功初崇禰與宦官馬紹宏俱爲中  
門使而紹宏位在上及莊宗卽位二人當爲樞密使  
而崇禰不欲紹宏在上乃以張居翰爲樞密使紹  
宏爲宣徽使紹宏失職怨望崇禰頗懼語其故人子  
弟故人子弟對曰俚語曰騎虎者勢不得下今公權  
位已隆而下多怨一失其勢能自安乎崇禰曰柰  
何對曰今中官未立而劉氏有寵宜請立劉氏爲皇  
后崇禰乃上書請立劉氏爲皇后崇禰素謙自從入  
洛始受四方賂道故人子弟或以爲言崇禰曰吾位  
兼將相祿賜巨萬豈少此邪今藩鎮諸侯多梁舊將  
藏於私室何異公希明年天子有事南郊乃悉獻其  
所藏以佐賞給莊宗已郊遂立劉氏爲皇后李嗣源  
爲成德軍節度使徙崇禰忠武崇禰因自陳權位已  
極言甚懇至同光三年夏霖雨不止莊宗患宮中暑  
濕不可居思作高樓避暑宦官進曰郭崇禰肩頭不  
伸嘗爲租庸惜財用陛下雖欲有作其可得乎莊宗

乃使人問崇禰崇禰果諫宦官口崇禰之第無異皇  
居安知陛下之熱由是譏間愈入河南縣令羅貫爲  
人疆直頗爲崇禰所知貫不受權豪請託莊宗幸陵  
作所而道路泥塗橋壞莊宗怒竟下貫獄禰曰貫雖  
有罪當具獄行法於有司莊宗曰貫公所愛任公戮  
決因起入官明年征蜀議擇大將時明宗爲樞密使  
行而崇禰以譏見危思立大功爲自安之計乃曰契  
丹爲患北邊非樞密不可禦魏王繼岌國之儲副而  
大功未立且親王爲元帥唐故事也莊宗曰繼岌小  
子豈任大事公爲我擇其副崇禰未及言莊宗曰吾  
得之矣無以易卿也崇禰素嫉宦官嘗謂繼岌曰王  
有破蜀功師旋必爲太子使主上于秋萬歲後當盡  
去宦官繼岌監軍李從襲等見崇禰專任軍事心已  
不平及聞此言遂皆切齒莊宗聞破蜀遣宦官向延  
嗣勞軍崇禰不郊迎延嗣大怒因與從襲等共構之  
延嗣因言蜀之寶貨皆入崇禰且誣其有異志將危  
魏王莊宗怒遣宦官馬彥珪至蜀視崇禰去就彥珪  
以告劉皇后劉皇后教彥珪矯詔魏王殺之崇禰有

子五人其二從死於蜀餘皆見殺其伐蜀也過工儀  
墓下馬號慟而去聞者頗以為笑然崇禎盡忠國家  
有大畧其已被蜀因遣使者以唐威德風諭南詔諸  
蠻欲因以綏來之可謂有志矣

安重誨

安重誨應州人明宗鎮安國以為中門使即位以為  
兵部尚書累加侍中兼中書令重誨嘗出過御史臺  
門殿直馬延誤觸其前導重誨怒即臺門斬延而後  
奏宰相任圜判三司以其職事與重誨爭不能得圜

李休

卷二

四

怒辭疾退居宋守殿以汴州友重誨遣人矯詔殺圜  
而後白誣圖與守殿通謀是時四方奏事皆先白重  
誨然後開河南縣獻嘉禾一莖五穗重誨視之曰偽  
也管其人而遣之夏州李仁福進白鷹重誨却之明  
宗陰取之它日按鷹於西郊戒左右無使重誨知也  
宿州進白兔重誨曰兔陰且狡雖白何為却而不受  
白馬牧軍使田令方所牧馬瘡而多斃坐剋當死重  
誨諫曰使天下聞以馬故殺一軍使錢鏐據兩浙自  
梁及莊宗常異其禮明宗即位鏐寓書重誨其禮慢

重誨遣韓致使瑒乃下制削瑒官爵錢氏遂絕於唐  
潞王從珂為河中節度使重誨以非李氏子欲圖  
之從珂聞馬黃龍莊其牙內指揮使楊彥溫閉城以  
叛從珂遣人謂彥溫曰何苦而反邪報曰彥溫非叛  
也得樞密院宣請公趨歸朝廷耳從珂上奏明宗疑  
其事重誨固請用兵明宗遣葉彥稠討之誠曰為我  
生致彥溫彥稠希重誨旨斬彥溫以滅口孟知祥鎮  
西川董璋鎮東川二人皆有異志重誨每事裁抑遂  
及初明宗幸汴州重誨建議欲因以伐吳明宗難之

李休

卷二

五

已而擇聖軍使李行德牙將張倫告變言樞密承旨  
李處徽語其客逃彥溫云重誨私募士卒繕治兵器  
欲自伐吳又與相者交私明宗怒趣馮道等議代重  
誨者道曰諸君苟惜安公使得罷去是紆其禍也趙  
鳳以為大臣不可輕動遂居職如故時石敬瑭征蜀  
未有功重誨請自行鳳翔節度使朱弘昭請之召還  
京師未至拜河中節度宦者安希倫坐與重誨交私  
嘗為重誨陰伺官中動息事發棄市重誨懼因上章  
告老而以李從璋為河中節度使遣葉彥稠率兵



變二子崇緒崇贊宿衛京師聞制下卽日奔其父重  
誨見之驚曰二渠安得來乃械二子于京師又遣龐  
光業至河中視重誨去就戒有異志則與從璋圖焉  
從璋圖其第而殺之檢責其家貲不及數十緡而已

### 周德威

周德威字鎮遠朔州馬邑人也勇而多智能望塵以  
知敵數事晉王爲騎將稍遷鐵林軍使從破王行瑜  
其小字陽五當梁晉之際周陽五之勇聞天下梁軍  
圍晉太原下令軍中曰能生得周陽五者爲刺史有

### 五代唐

#### 卷二十一

### 七

驍將陳章者號陳野義常乘白馬被朱甲以自異出  
入陣中求周陽五欲必生致之晉王戒德威曰陳野  
義欲得汝以求刺史德威笑曰陳章好大言耳安知  
刺史非臣作邪因戒其部兵曰見白馬朱甲者當佯  
走以避之兩軍皆陣德威微服雜卒任中陳章出挑  
戰兵始交德威部下見白馬朱甲者因退走章果奮  
稍竄追之德威伺章已過揮鐵鎚擊之中章墮馬遂  
生擒之天祐七年秋梁遣王景仁將魏滑汴宋等兵  
七萬人擊趙王鎔乞師於晉晉遣德威先屯趙州

莊宗勇而好戰尤銳於見敵德威老將常務持重十  
五年德威將三萬人從莊宗于河上進軍趙汴梁軍  
至莊宗問之對曰吾以深入之兵當其必死之戰可  
以計勝難與力爭莊宗曰吾軍河上終日待敵今見  
敵不擊復何爲梁軍犯晉輜重德威軍亂父子皆戰  
死莊宗與諸將相持而哭曰吾不聽老將之言而使  
其父子至此莊宗卽位贈太師子光輔官至刺史

### 符存審

符存審字德詳陳州宛丘人也初名存少微賤嘗犯  
法當死臨刑指傍壞垣顧主者曰顧就死於彼冀得

### 五代唐

#### 卷二十一

### 七

垣土覆尸主者哀而許之爲徙垣下而主將方飲酒  
顧其愛妓思得善歌者佐酒妓言有符存常爲妾歌  
甚善主將馳騎召存而存以徙垣下故未加刑因往  
就召使歌而悅之因得不死其後事李罕之歸晉晉  
王以爲義兒軍使賜姓李氏名存審從晉王擊李匡  
傳爲前鋒破居庸關又從擊王行瑜破龍泉寨晉與  
梁相持河上欲發兵兵少欲勿救懼失之莊宗疑以  
問諸將而存審獨以爲當救梁朱友謙以河中同州



降晉梁遣劉鄩攻同州友謙求救乃遣存審與李嗣昭救之存審為將有機畧大小百餘戰未嘗敗與周德威齊名德威死晉之舊將獨存審在契丹攻遮虜乃以存審為盧龍軍節度使時存審已病辭不肯行莊宗使人慰諭疆遺之莊宗滅梁入洛存審自以身為大將不得與破梁之功快快疾甚因請朝京師是時郭崇韜權位已重然其名望素出存審下不乘其來崇韜度存審病已亟乃請許其來朝徙存審宣武軍節度使卒於幽州臨終戒其子出其平生身

五代唐

卷二

八

所中矢鐵百餘而示之三子彥超彥饒彥卿

史建塘

史建塘鴈門人也晉王為鴈門節度使其父敬思為九府都督從晉王入關破黃巢還過梁軍其城北梁王置酒上源驛獨敬思與薛鐵山賀回鶻等十餘人侍晉王醉留宿梁驛梁兵夜圍而攻之敬思登驛樓射殺梁兵十餘人會天大雨晉王得與從者俱去繼尉氏門以出而敬思為梁追兵所得見殺建塘少事軍中為裨校自晉降丁會與梁相拒於潞州復為晉

兵先鋒梁兵數為所殺相戒常避史先鋒天祐九年晉攻燕燕王劉守光乞師於梁梁太祖自將擊趙圍棗疆舊縣是時晉精兵皆北攻燕獨符存審與建瑋以三千騎屯趙州累以功歷貝相二州刺史十八年晉軍討張文禮於鎮州建瑋以先鋒兵下趙州執其刺史王鏐兵傳鎮州建瑋攻其城門中流矢卒年四十二子匡翰尚晉高祖女是為魯國長公主匡翰為將沈毅有謀而接下以禮與部曲語未嘗不名史氏世為將而匡翰好讀書尤喜春秋三傳義成軍從事

五代唐

卷二

九

關徹尤嗜酒嘗醉罵匡翰白近聞張彥澤鬻張式未見史匡翰斬關徹天下談者未有偶耳匡翰不怒引滿自罰而慰勉之人皆服其量卒年四十

李嗣昭

李嗣昭本姓韓氏汾州大谷縣民家子也太祖出獵至其家見其林中鬱鬱有氣甚異之父言家適生兒太祖因遺以金帛而取之命其弟克柔養以為子初名進通後更名嗣昭為人短小而膽勇過人初嗜酒太祖嘗微戒之遂終身不飲太祖愛其謹厚常從用

兵爲內衙指揮使天祐三年與周德威攻梁潞州降  
丁會以嗣昭爲昭義軍節度使梁太祖嘗遣人招降  
嗣昭斬其使者周德威死嗣昭權知幽州居數月以  
李紹宏代之嗣昭將去幽州人皆號哭閉關遮留之  
夜遁乃得去十九年從莊宗擊契丹於望都莊宗爲  
契丹圖之數十重嗣昭以三百騎決圍是時晉遣閻  
寶攻張文禮於鎮州寶爲鎮人所敗乃以嗣昭代之  
鎮兵出掠九門嗣昭以奇兵擊之鎮軍且盡餘三人  
匿破垣中嗣昭馳馬射之反爲賊射中腦嗣昭顧僚

五代唐

卷二

十一

中矢盡援矢於腦射殺一人還營而卒

任圓

任圓京兆三原人也李嗣昭節度昭義辟圓觀察支  
使梁兵築夾城圍潞州踰年而晉王堯晉兵救潞者  
皆解去嗣昭危甚圓勸嗣昭堅守以待已而莊宗攻  
破梁夾城圍圍爲嗣昭畫守計甚嘉之其後嗣昭與  
莊宗有隙圓數奉使往來辨釋讒構其後以鎮州爲  
北京拜圓工部尚書知留守事初圓推官張彭爲人  
傾險貪黷及郭崇勳領鎮彭爲圓謀隱其公驛錢

莊宗遣宦者選故趙王時宮人百餘人有許氏者尤  
有色彭賂守者匿之後事覺彭懼悉以前所隱公錢  
簿書獻崇勳崇勳深德彭不殺由是與圓有隙同光  
三年圓罷司馬守工部尚書魏王繼岌暨崇勳伐蜀  
懼圍攻已於後乃辟圓參魏王軍事蜀滅表圓黔南  
節度使圓懇辭不就繼岌殺崇勳以圓代將其軍而  
旋拜圓同平章事兼判三司是秋常說豆盧革罷相  
圓與安重誨鄭珣孔循議擇當爲相者圓意屬李琪  
而珣循雅不欲琪爲相謂重誨曰李琪非無文藝但

五代唐

卷二

十一

不廉耳宰相端方有器度者足以爲之太常卿崔協  
可也圓前爭曰天下皆知崔協不識文字而虛有儀  
表號爲沒字碑以臣一人取笑足矣相位有幾豈容  
更益笑端明宗曰吾在藩時識易州刺史曹肅肅或  
不可則馮書記先朝判官稱爲長者可以相矣馮書  
記者道也孔循不揖拂衣而去行且罵曰天子事一  
則任圓二則任圓圓乃何人圓謂重誨曰若舍琪而  
協如棄蘇合之丸而取堯娘之轉也若月餘協與  
重誨皆拜相協在相位數年人多嗾其所爲然圓與

重誨交惡自始故時使臣出四方皆自戶部給券  
重誨奏請自內出圖以故事爭之不能得遂與重誨  
辨於帝前圖聲色俱厲明宗罷朝宮人奏曰妾在長  
安見宰相奏事未嘗如此蓋輕大家耳明宗由是不  
悅重誨嘗過園圖出妓善歌而有已誨欲之圖不與  
由是二人益相惡而圖遽求罷職退居於磁州朱守  
殷反於汴州重誨誣圖與守殷連謀遣人矯制殺之  
圖受命怡然聚族酣飲而死

趙鳳

五代唐

卷十一

十二

趙鳳幽州人也少以儒學知名燕王劉守光時悉黜  
燕人以爲兵鳳懼因髡爲僧依燕王弟守奇自匿守  
奇奔梁梁以守奇爲博州刺史鳳爲其判官守奇卒  
鳳去爲鄆州節度判官晉取鄆州莊宗聞鳳名得之  
喜以爲扈鑾學士卽位拜翰林學士莊宗及劉皇后  
幸河南尹張全義家酣酒命皇后拜全義爲父明日  
遣宦者命學士作牋上全義以父事之鳳止書極言  
其不可明宗武君不通文字四方章奏常使安重誨  
讀之重誨亦不知書奏讀多不稱旨孔循教重誨求

儒者置之左右而兩人皆不知唐故事於是置端明  
殿學士以馮道及鳳爲之鳳好直言而性剛彊素與  
任圜善自圖爲相頗薦進之圖爲重誨所殺而誣以  
謀反是時重誨方用事雖明宗不能詰也鳳獨號哭  
呼重誨曰任圜天下義士豈肯謀反初術士周玄豹  
以相法言人事多中莊宗尤信重之以爲北京廵官  
明宗爲內衛指揮使重誨欲試玄豹乃使佗人與明  
宗易服而坐明宗於下坐召玄豹相之玄豹曰內衛  
貴將也此不足當之乃指明宗於下坐曰此是也因

五代唐

卷十一

十三

爲明宗言其後責不可言明宗卽位思玄豹以爲神  
將召至京師鳳諫遂不復召朱守殷及明宗幸汴州  
守殷已誅又詔幸鄴人情大恐鳳手疏責安重誨重  
誨以白遂罷幸有僧遊西域得佛牙以獻明宗以示  
大臣鳳言世傳佛牙水火不能傷請驗其真僞因以  
斧斫之應而碎天成四年夏拜同平章事秘書少  
監于有自莊宗時與鳳俱爲翰林學士及鳳已貴  
而嶠久不遷嶠與鄰家爭水嶠爲安重誨所怒鳳卽  
左遷嶠秘書少監其後安重誨爲趙彥溫等告變明

宗召彥溫等廷詰其狀其詐即斬之後數日鳳奏事  
中興殿因指殿屋曰若折其一棟去其一柱則傾危  
矣大臣國之棟梁柱石也其後重誨得罪群臣無敢  
言者獨鳳數言重誨盡忠明宗以鳳為朋黨罷為安  
國軍節度使廢帝入立召為太子太保清泰二年卒  
於家

張憲

張憲字名中晉陽人也莊宗素知其文辭以為天樞  
軍節度使掌書記即位拜工部侍郎東都副留守  
精於吏事莊宗幸東都定州王都來朝莊宗命憲治  
鞠場與都擊鞠初莊宗建號於東都以鞠場為即位  
壇憲言即位壇王者所以興也漢鄗南魏繁陽壇至  
今皆在不可毀乃別治官西為鞠場郭崇韜伐蜀憲  
憲可任為相而宦官伶人不欲憲在朝廷乃以為大  
原尹北京留守趙在禮作亂憲家在魏州在禮善待  
其家遣人以書招憲憲斬其使莊宗遇弒明宗入京  
即太原猶未知而宋王存勗奔於太原左右請拘之  
以快會憲曰吾豈宜懷二心以幸變第可與之俱死

耳憲從事張昭遠教憲奉表明宗以勸進憲涕泣拒  
之已而存勗削髮見北京巡檢符彥超願為僧以求  
生彥超麾下兵大譟殺存勗憲出奔忻州亦見殺

王晏球

王晏球字望之洛陽人也少遇亂為盜所掠汴州富  
人杜氏得之養以為子冒姓杜氏梁太祖鎮宣武選  
富家子之材武者置之帳下號廳子都晏球為廳子  
都指揮使即位為右千牛衛將軍友珪立龍曠戍卒  
反自懷州起京師遣晏球擊敗之於河陽以功遷龍  
曠第一指揮使未帝即位遷龍曠四軍都指揮使莊  
宗入汴晏球以兵追之行至封丘聞末帝已崩即解  
甲降唐莊宗賜姓名曰李紹復拜齊州防禦使戍尾  
橋關明宗聞變自鄴而南遣人招晏球從至洛陽拜  
歸德軍節度使定州王都反以晏球為招討使與宣  
徽南院使張廷朗等討之都遣人北招契丹遣禿飯  
將萬騎救都又遣楊隱以七千騎益都自晏球擊敗  
禿飯又走楊隱是時中國之威幾於大震久之都城  
中食盡先出其民萬餘人數與禿飯謀決圍以走不

果都將馬讓能以城降都自焚死以破都功拜天平軍節度使又徙平盧累官至兼中書令卒年六十二

張廷蘊

張廷蘊開封襄邑人也少為宣武軍卒去事晉稍遷軍校常從莊宗征伐先登力戰金瘡滿體莊宗以為魏博三城巡檢使是時莊宗在魏以劉皇后從行劉氏多縱其下擾人為不法廷蘊輒收而斬之李繼韜叛於潞州莊宗遣明宗為招討使元行欽為都部署廷蘊為馬步軍都指揮使將兵為前鋒廷蘊至潞日

五代史

卷二十一

十六

已暮即率兵百餘踰濠登城城守者不能禦遂破潞州明旦明宗與行欽後至明宗心頗憐之開運中以疾卒廷蘊武人所識不過數字而平生重文士嘗從明宗破梁鄆州獲判官趙鳳亟薦於明宗後鳳貴為相數薦廷蘊明宗以廷蘊破潞之際終不乘旄節廷蘊素廉歷七州卒之日家無餘貲

裴約

裴約者潞州之牙將也莊宗以李嗣昭為昭義軍節度使約以裨將守澤州嗣昭卒其子繼勳以澤潞叛

降於梁約召其舟人泣而諭曰吾事故使二十餘年

欲報梁仇今郎君父喪未葬適背君親吾能死於此

不能從以歸梁也衆皆感泣梁遣董璋率兵圍之約

與州人拒守求救於莊宗時莊宗方與梁人戰河上

而已建大號聞繼勳叛頗有憂色及聞約獨不叛喜

曰吾於繼勳何薄於約何厚而約能分逆順邪願將

存審曰吾不惜澤州與梁一州易得約難得也存審

以五千騎馳至遼州而梁兵已破澤州約見殺

夏魯奇

五代史

卷二十一

十七

夏魯奇字邦傑晉州人也唐莊宗時賜姓名曰李嗣

裔其後莊宗賜姓名者皆復其故魯奇初事梁為宣

武軍校後奔於晉為衛護指揮使從周德威攻劉守

光於幽州守光將軍廷珪元行欽以驍勇自負魯奇

每與二將鬪兩軍皆釋兵而觀之晉已下魏博梁將

劉鄩軍於涇水莊宗以百騎規敵退鄩伏兵圍之數

重幾不得脫魯奇力戰夾圍而出從戰中都擒王彥

章莊宗壯之賜絹千匹拜鄭州防禦使遷河陽節度

使為政有恩愛徒鎮忠武河陽之人遊爵不得行賄

師伐京南以魯奇為招討副使無功而還徙鎮武信東川董璋反攻遂州魯奇閉城拒之旬月救兵不至城中食盡魯奇自刎死年四十九

王思同

王思同幽州人也其父敬柔娶劉仁恭女生思同思同事仁恭為銀胡軍指揮使仁恭為其子守光所囚思同奔晉以為飛勝指揮使梁晉相距於莘遣思同築壘楊劉以功累遷鄭州防禦使石敬瑭討董璋思同為先鋒應順元年二月潞王從珂反鳳翔驍徽

五代唐

卷二

十一

十一

鄰獨思同執從珂所使推官郝詡等送京師愍帝嘉其忠即以為西行營馬步軍都部署羽林指揮使楊思權呼曰潞王吾主也乃引軍自西門入降而思同未知猶督戰從珂引兵東至昭應前鋒追執思同從珂責曰罪可逃乎思同曰非不知從王而得生恐終死不能見先帝於地下從珂媿其言乃殺之

張敬達

張敬達字志通代州人也小字生鐵以騎射事唐莊宗為屬直軍使明宗時為河東馬步軍都指揮使清

恭二年契丹數犯邊廢帝以河東節度使石敬瑭兼都總管屯忻州廢帝疑敬瑭有異志乃以敬達為北面副總管以分其兵明年敬瑭及即以敬達為太原四面招討使敬瑭求救於契丹九月契丹耶律德光自鴈門入兵交唐軍爭馳之契丹兵走追至汾曲伏發斷唐軍為二廢帝遣趙延壽范延光等救之延壽等皆有二心副招討使楊光遠勸敬達降敬達曰諸公何相迫耶何不殺我而降光遠即斬敬達降德光剛敬達死哀其忠遣人收葬之

五代唐

卷二

十一

十一

姚洪

姚洪本梁州之小校也自董璋為梁將洪嘗事璋後事唐為指揮使長興中遣洪將千人戍閬州璋反以書招洪洪輒投厠中後璋兵攻破閬州執洪璋曰爾為徒兒我遇汝厚洪罵曰老賊爾昔為李十郎奴掃馬糞得一爵殘炙感恩不已今天子用爾為節度使何苦反邪璋怒然饒於前令壯士十人剖其肉而食洪至死大罵明宗聞之泣下錄其二子而厚恤其家

五代晉列傳卷之三

桑維翰

桑維翰字國僑河南人也為人醜怪身短而面長常臨鑑以自竒曰七尺之身不如一尺之面慨然有志於公輔初舉進士主司惡其姓以為桑喪同音人有勸其不必舉進士可以從作求仕者維翰慨然乃著日出扶桑賦以見志又鑄鐵硯以示人曰硯斲則改而他仕卒以進士及第晉高祖辟為河陽節度掌書記其後常以自從卒以減唐而興晉維翰之力也

五代晉

卷三

祖即位以維翰同中書門下平章事兼樞密使夫福四年出為相州節度使歲餘徙鎮泰寧七年高祖狂鄭維翰來朝徒饋晉員出帝即位召拜侍中而景延廣用事與契丹絕盟維翰言不能入乃陰使人說帝曰制契丹而安天下非用維翰不可乃出延廣於河南拜維翰中書令復為樞密使封魏國公權執既盛四方歸遺歲積鉅萬內容省使李彥詢端明殿學士馮玉用事共譏之維翰日益見疎帝飲酒過度得疾遣人陰白太后請為皇弟重厚置師傅帝疾愈知之

怒罷為開封尹維翰遂稱足疾稀復朝見契丹屯中渡破藥城杜重威等大軍隔絕維翰曰事急矣乃見馮玉等計事而謀不合又求見帝帝方調鷹於苑中不暇見維翰退而嘆曰晉不血食矣自契丹與晉盟始成於維翰而終敗於景延廣故自兵興契丹凡所書檄未嘗不以此兩人為言耶律德光犯京師遣張彥澤遣太后書問此兩人在否可使先來而帝以維翰嘗議母絕盟而已遣之也不欲使維翰見德光因諷彥澤圖之而彥澤亦利其貲產彥澤以兵入府調

五代晉

卷三

二

維翰何在維翰厲聲曰吾晉大臣自當死國安得無禮邪彥澤股栗不敢仰視乃以帝命召維翰維翰行遇李崧立馬而語軍吏前白維翰請赴侍衛司獄維翰知不免顧崧曰相公當國使維翰獨死崧慙不能對是夜彥澤使人縊殺之以帛加頸告德光曰維翰首縊德光曰我本無心殺維翰何必自殺使人驗其尸信為縊死乃以尸賜其家而貲財悉為彥澤所掠

景延廣

景延廣字航川陝州人也父建善射嘗教延廣曰射



不入鐵不如不發事梁邵王友誨友誨謀反被幽延  
廣亡去後從王彥章戰中都彥章敗延廣身被數創  
僅以身免明宗時朱守殷以汴州反晉高祖爲六軍  
副使主誅從守殷反者延廣爲汴州軍校當誅高祖  
惜其才陰縱之使亡後錄以爲客將卽位以爲侍衛  
步軍都指揮使高祖崩出帝立延廣有力頗伐其功  
初出帝立晉大臣議告契丹致表稱臣延廣獨不肯  
但致書稱孫而已謂契丹使者喬瑩曰先皇帝北朝  
所立今天子中國自冊可以爲孫而不可爲臣且晉

五代書

卷三

有橫磨大劍十萬口翁要戰則來他日不禁孫子取  
笑天下天福八年秋出帝幸次年莊還置酒延廣第  
延廣所進器服鞍馬茶床椅榻皆裝金銀飾以龍鳳  
請賜從官各有差帝亦賜延廣及其母妻從事等稱  
是君臣窮極奢侈明年春契丹入寇延廣從出帝北  
征契丹去出帝還京師迺出延廣爲河南尹留守西  
京明年出帝幸澶淵以延廣從皆無功延廣居洛陽  
嘗嘗不得志後帝亦追悔遣供奉官張暉奉表稱臣  
以求和虜辭卷至迴與從軍闕太馳騎見備光德光

責延廣曰南北失懽皆因爾也因以十事責延廣每  
服一事投一牙籌投至八籌延廣以面伏地不能仰  
視遂叱而鎖之將送之北行至陳橋止民家夜分延  
廣伺守者怠引手扼吭而死

馬全節

馬全節字大雅大名元城人也唐同光中爲捉生指  
揮使赴在禮及鄴都以爲馬步軍指揮使明宗卽位  
應博單郢沂四州刺史廢帝時蜀人攻金州兵纔數  
百全節散家財與士卒堅守蜀人去廢帝召以爲滄

五代書

卷三

州留使晉高祖入立卽拜橫海軍節度使徙鎮安遠  
代李全金全金全叛附於李昇高祖發兵三萬使全節  
與安審暉討之徙鎮安國從杜重威討安重榮徙鎮  
義武自出帝與契丹交惡全節未嘗不在兵間開運  
二年徙鎮順國未至而卒年五十五

郭延魯

郭延魯沁州綿上人也父儵以驍勇事晉延魯以善  
舉爲將累遷神武都知兵馬使朱守殷反從攻汴州  
累遷復州刺史以廉平自勵秩滿州人乞留不許皆



避道攀號天福中拜單州刺史卒於官當是時刺史皆以軍功拜特功縱下爲害不細而延魯父子特以善政著聞焉

張希崇

張希崇字德峯幽州薊人也少好學通左氏春秋劉守光不喜儒士希崇因事軍中爲偏將將兵戍平州其後契丹攻陷平州以爲盧龍軍行軍司馬明宗時盧文進自平州亡歸契丹因以希崇代文進爲平州節度使遣其親將以三百騎監之居歲餘虜將喜其

五代書

卷三

五

爲人監兵稍怠希崇因與其麾下謀走南歸明宗嘉之拜汝州防禦使遷靈武節度使靈州地接戎狄戍兵餉道常苦抄掠希崇乃開屯田教士耕種軍以足食而省轉饋居凶歲上書求還內地徙鎮邠寧晉高祖入立復拜靈武節度使希崇嘆曰吾當老死邊徼豈非命邪頗知星曆天福三年月掩畢口大星希崇嘆曰畢口大星邊將也我其當之乎明年正月卒

皇甫遇

皇甫遇常山真定人也少從唐明宗征伐事唐爲武

勝軍節度使晉高祖時歷義武昭義隸雄河陽四鎮開運三年契丹寇西山遣先鋒趙延壽圍鎮州杜重威不敢出戰是時歲除出帝與近臣飲酒過豎得疾不能出征三年冬以杜重威爲都招討使遣爲馬軍右廂都指揮使也於中渡重威已陰送款契丹伏兵幕中悉召諸將列坐告以降虜出降契丹遣遇與張彥澤先入京師遇行至平棘絕吭而死

馬重績

馬重績字洞微其先出於北狄而世事軍中重績少

五代書

卷三

六

學數術居於太原唐莊宗鎮太原每用兵征伐必以問之拜大理司直明宗時廢不用晉高祖以太原拒命廢帝遣兵圍之執甚危急命重績筮之遇同人曰戰而勝其九月十月之交乎是歲九月契丹助晉擊敗唐軍晉遂有天下天福三年重績上言曆象下詔班行之號調元曆行之數歲輒差遂不用重績又言漏刻之法卒年六十四

石昂

石昂青州臨淄人也家有書數千卷喜延四方之士

昂不求仕進節度使符胄高其行召以爲臨淄令自入朝監軍楊彥朗知留後事昂以公事至府上謂贊者以彥朗諱石更其姓曰右昂趨於庭仰責彥朗趨出解官還家昂父亦好學平生不喜佛說父死昂於柩前誦尚書晉高祖時戶部尚書王權宗正卿石光贊國子祭酒田敏兵部侍郎王延等相與詣東閣門上昂行義召見便殿以爲宗正丞遷少卿出帝卽位晉政日壞昂數上疏極諫不聽乃稱疾東歸以壽終

李自倫

五代書

卷七

七

李自倫深州人天福四年正月尚書戶部奏深州司功叅軍李自倫六世同居奉勅准格旌表復奏前登州義門王仲昭六世同居宜高其外門門安綽楔焉

吳巒

吳巒字寶川鄆州盧縣人也清泰中爲大同沙彥珣節度判官晉高祖起太原召契丹爲援契丹過雲州彥珣出城迎謂爲契丹所虜城中推巒主州事高祖召巒以爲武寧軍節度副使出帝卽位與契丹絕盟以王令溫爲永清軍節度使令溫牙將祁珂素驕狠

乃陰使人亡入契丹晉大臣迺遣巒馳驛代令溫守泉州珂因求見巒願自效開運元年正月契丹南寇圓貝州巒命珂守南門已而珂引契丹入巒方戰而左右報珂反巒顧城中已亂卽投井死而令溫家屬爲契丹所虜出帝憫之以令溫爲武勝軍節度使後累歷方鎮周顯德中卒令溫瀛州河間人也

沈斌

沈斌字安時徐州下邳人也少爲軍卒事梁後事唐從魏王繼茂破蜀晉開運元年爲邠州刺史契丹犯

五代書

卷三

八

巒將趙延壽招斌降斌從城上罵延壽已而城陷斌自盡其家屬皆沒於虜云

王清

王清字去瑕洛州曲周人也初事唐後事晉爲奉國都虞候安從進叛襄州從高行周攻之開運二年冬從杜重威戰陽城加檢校司徒遣與宋彥筠俱前時重威已有貳志彥筠亦退走清曰吾獨死於此矣因力戰而死年五十三

五代漢列傳卷之四

王仁裕

王仁裕字德輦天水人也少不知書以狗馬彈射為樂年二十五始就學而為人偽秀以文辭知名秦帥辟為秦州節度判官秦州入於蜀仁裕因事蜀唐莊宗平蜀仁裕事唐王思同鎮興元辟為從事廢帝舉兵鳳翔思同戰敗廢帝得仁裕聞其名不殺寘之軍中入立克翰林學士晉高祖入立罷職為郎中漢高祖時復為翰林學士承旨周顯德三年卒年七十七

五代漢

卷四

仁裕性曉音律喜為詩其少也嘗夢剖其腸胃以西江水滌之願見江中沙石皆為篆籀之文由是文思益進仁裕與和凝於五代時皆以文章知名又嘗知貢舉仁裕門生王溥凝門生范質皆至宰相

蘇逢吉

蘇逢吉京兆長安人也漢高祖鎮河東父悅為高祖從事逢吉嘗代悅作奏記召見乃以為節度判官高祖性素剛嚴賓佐稀得進見逢吉獨入終日待立高祖書閣中文簿盈積莫敢通逢吉輒取內之懷中伺

高祖色可犯時以進之逢吉為人貪詐無行喜為殺戮高祖嘗以生日遣逢吉疏理獄囚以祈福逢吉入

獄中閱囚無輕重曲直悉殺之以報曰獄靜矣高祖建號拜同平章事高祖既定京師逢吉與蘇禹珪同在中書除吏多違舊制逢吉尤納貨賂晉相李崧從契丹以北高祖入京師以崧第賜逢吉而崧別有田宅在西京逢吉遂皆取之崧自北還因以宅券獻逢吉逢吉不悅而崧子第數出怨言其後逢吉乃誘人告崧與弟與等下獄族崧家逢吉嘗從高祖征鄴數使酒辱周太祖於軍中太祖恨之其後隱帝立逢吉素善李筠諷筠請罷太祖與楊邠樞密李太后怒遷離間大臣罷筠相周太祖鎮鄴不帶樞密使逢吉以謂樞密之任方鎮帶之非便與史弘肇爭於是卒如弘肇議弘肇怨逢吉異已是時隱帝少年小人在側弘肇等威制人主帝與左右李業郭允明等皆患之逢吉每見業等以言激之業等卒殺弘肇即以逢吉權知樞密院方命草麻聞周太祖起兵乃止逢吉夜宿金祥殿東閣謂司天夏官正王處訥曰昨夕未

五代漢

卷四

宿金祥殿東閣謂司天夏官正王處訥曰昨夕未

已見李崧在側周太祖至北郊官軍敗於劉子陵逢吉宿七里夜與同舍酣飲索刀將自殺為左右所止明日與隱帝走趙村自殺

史弘肇

史弘肇字化元鄭州滎澤人也為人驍勇走及奔馬梁末調民七戶出一兵弘肇為兵謀開道指揮選為禁兵漢高祖與禁軍弘肇為軍校其後漢高祖鎮太原顧雷州刺史高祖建號以功拜忠武軍節度使高祖起義之初弘肇行兵所至秋毫無犯兩京帖然累

五代史

卷四

三

遷同平章事高祖疾大漸與楊邠蘇逢吉等同受顧命隱帝時河中李守貞鳳翔王景崇永興趙思綰等皆反是時太白晝見民有仰觀者輒腰斬於市凡民抵罪吏以白弘肇但以三指示之吏即腰斬之又為斷舌決口斫筋折足之刑李崧坐奴告變族誅弘肇取其幼女以為婢弘肇不喜賓客嘗言文人難耐呼我為卒周太祖平李守貞推功群臣弘肇拜中書令隱帝自關西罷兵漸近小人與後贊李業等嬉遊無度而太后親族頗行于託弘肇與楊邠稍裁抑之弘

肇曰安朝廷定禍亂直須長槍大劍若毛錐子安足用哉三司使王章曰無毛錐子軍賦何從集乎毛錐子蓋言筆也弘肇嘿然佗日會飲章第酒酣為手勢令弘肇不能為客省使闕晉卿坐次弘肇屢救之蘇逢吉戲曰坐有姓閻人何憂罰爵弘肇妻閻氏酒家倡以為讖已大怒以醜語詆逢吉是時李業郭允明孫文進等用事不喜執政而隱帝春秋漸長為大臣所制數有忿言葉等乘間譖之乾祐三年冬十月十三日弘肇與楊邠王章等入朝坐廣政殿東廡甲士數十人自內出擒弘肇邠章斬之并族其三家

五代史

卷四

四

楊邠

楊邠魏州冠氏人也少為州掌籍吏租庸使孔謙頗度支補邠勾押官高祖即位拜樞密使邠出於小吏不喜文士與蘇逢吉等內相排忌逢吉諷李濟上疏罷邠與周太祖樞密使邠泣訴李太后前太后怒罷濟相邠雖長於吏事而不知大體謂為國家者皆廢實甲兵完而已禮樂文物皆虛器也邠嘗與王章論事帝前帝曰事行之後勿使有言邠曰陛下但禁聲

有臣在開者為之戰慄李太后弟業求為宣徽使帝與太后私以問邪邪止以為不可帝欲立所愛耿夫人為后邪又以為不可夫人死將以后禮葬之邪又以為不可由是隱帝大怒而左右乘間構之與史弘肇等同日見殺邪為人頗儉靜四方之路雖不却然往往以獻於帝居家絕賓客晚節稍通縉紳延客門下知史傳有用乃課傳寫未幾及於禍

五代周列傳卷之五

王峻

王峻字秀峯相州安陽人也父豐為樂營將峻少以善歌事梁節度使張筠唐莊宗已下魏博筠棄相州走歸京師租庸使趙巖過筠家筠命峻歌佐酒巖見而悅之是時巖方用事筠因以峻遣巖梁亡巖族誅峻流落民間久之事三司使張延朗延朗不甚愛之晉高祖滅唐殺延朗是時漢高祖從晉起兵因悉以延朗貨產賜之峻因得事漢高祖即位拜客省使漢遣郭從義討趙思綰以峻監其軍累遷宣徽北院使周太祖鎮天樞軍峻為監軍漢隱帝已殺大臣史弘肇等又遣人殺周太祖及峻等峻等遂與太祖舉兵犯京師太祖監國以漢太后命拜峻樞密使是時太祖已遣馮道迎湘陰公贊於徐州而漢宗室蔡王信在許州峻與王殷謀遣侍衛馬軍指揮使郭崇奉兵之宋州前申州刺史馬輝之許州崇輝遂幽贊而殺信太祖入立拜峻平章事監脩國史劉晏攻晉州峻為行營都部署峻與太祖俱起於魏自謂佐命之功

凡所論請事無大小期於必得或小不如志言色氣不遜太祖每優容之峻年長於太祖二歲往往呼峻爲兄或稱其字峻由是益橫自破慕容彥超還即求解樞密以探上意太祖慰勞之峻多發書請鎮求爲保薦居數日諸鎮皆馳騎上峻書太祖大駭峻連章求解因不視事太祖遣近臣召之曰卿若不出吾當自往候卿樞密直學士陳同與峻相善太祖即遣同召峻同還奏曰峻意少解然請陛下聲言嚴駕若將幸之則峻必出矣遂馳入謁峻於樞密院起廳事極其華侈邀太祖隔幸賜予甚厚後太祖於內園起一小殿峻輒奏曰官室已多何用此爲太祖曰樞密院屋不少卿亦何必有作峻慙愧不能對峻爲樞密使兼宰相又求兼頗平盧又請用顏衍陳同代李穀范質爲相太祖曰進退宰相豈可倉卒語漸不遜太祖遂不能忍明日御便殿召百官皆入即幽峻於別所太祖見馮道泣曰峻陵朕不能忍即貶商州司馬卒於貶所

馮道

馮道字可道瀛州景城人也事劉守光爲參軍守光敗去事宦者張承業承業監河東軍以爲巡官以其文學薦之晉王爲河東節度掌書記莊宗即位拜戶部侍郎充翰林學士道爲人能自刻苦爲儉約嘗與梁夾河而軍道居軍中爲一茅菴不設牀席卧一束芻而已所得俸祿與僕厮同器飲食意恬如也諸將有掠得美女以遺道道不能却實之別室訪其主而還之其解學士居父喪於景城遇歲饑悉出所有以贖鄉里而退耕於野躬自負薪有荒其田不耕者與力不能耕者道夜往潛爲之耕其人後來媿謝道殊不以爲德服除復召爲翰林學士行至汴州遇趙在禮作亂明宗自魏擁兵還犯京師孔循勸道少留以待道曰吾奉詔赴闕豈可自留乃疾趨至京師莊宗遣欽明宗即位雅知道所爲拜端明殿學士歲餘拜同平章事明宗問曰天下雖豐百姓濟否道曰穀貴餓農穀賤傷農因誦文士聶夷中田家詩水將運軍於臨河縣得一玉盃有文曰傳國寶萬歲孟明宗惡之以示道道曰此前世有形之寶爾王者固有

無形之寶也明宗問之道曰仁義者帝王之寶也故  
大寶曰位何以守位曰仁明宗武君不曉其言道已  
去召侍臣講說其義嘉納之道相明宗十餘年明宗  
崩相愍帝潞王反於鳳翔愍帝出奔衛州道率百官  
迎潞王以人是為廢帝晉滅唐道又事晉相晉高祖  
封魯國公高祖崩道相出帝加太尉進燕國公契丹  
滅晉道又事契丹朝耶律德光於京師德光謂之曰  
爾是何等老子對曰無才無德癡頑老子德光喜以  
道為太傅漢高祖立乃歸漢以太師奉朝請周滅漢  
五代前... 卷五  
道又事周周太祖拜道太師兼中書令道少能矯行  
以取稱於世及為大臣尤務持重以鎮物事四姓十  
君益以舊德自處然當世之士無賢愚皆指道為元  
老而喜為之稱譽耶律德光嘗問道曰天下百姓如  
何救得道為俳語以對曰此時佛出也救不得惟皇  
帝救得人皆以為契丹不夷滅中國之人者賴道一  
言之善也道視喪君亡國亦未嘗以屑意方自號長  
樂老著書數百言陳已更事四姓及契丹所得階勳  
官爵以為榮道前事九君未嘗諱諱世宗初即位劉

夏攻上黨世宗曰吾見唐太宗平定天下敵無大小  
皆親征道曰陛下未可比唐太宗世宗曰劉旻烏谷  
之眾若遇我師如山壓卵道曰陛下作得山定否卒  
自將擊旻旻於高平世宗從淮南定三關威武之  
振自高平始其擊旻也鄙道不以從行以為太祖山  
陵使奔畢而道卒年七十三謚曰文懿追封瀛王時  
人皆共稱嘆以謂與孔子同書道有子吉

李穀

五代前... 卷五  
李穀字惟珍汝陰人身長八尺少任俠頗為鄉人所  
因穀從學第進士晉少帝尹開封穀為推官及即  
位歷滁州刺史契丹入汴少帝蒙塵舊臣無敢候謁  
者穀奔迎於路相對泣下因領囊以獻歷漢周中書  
侍郎平章事周祖在乾祐中已有人望屬漢政紊亂  
潛貶異志屢讓穀穀但對以人臣當盡節奉上而已  
穀世居洛陽既貴訪得舊地建蘭若又立垣屋凡族  
之不可仕者分田居之顯德初進司空門下侍郎監  
脩國史請令端明樞密直學士編記言動為內廷日  
曆以付史官二年冬議伐南唐為行營前軍節節督

兼知廬壽等州行府事領兵渡淮手疏請親征有必  
勝之利三世宗大悅用其策及淮南平賞賜甚厚恭  
帝即位加開府封趙國公求歸洛太祖即位遣使就  
賜器幣卒年五十八穀深沉有城府善論事好汲引  
寒士多至顯位與韓熙載善熙載將南渡密告穀曰  
若江東相我我當長驅以定中原穀笑曰若中原相  
我下江南探囊中物耳李昉常為穀記室穀曰子他  
日官祿當如我昉後至宰相司空顯德中扈載有文  
章名王朴薦令知制誥穀曰斯人薄命必不克享耳  
五代周 卷五

采蘋卒穀歸洛受李筠遺錢五十萬他稱是筠敗穀  
憂患而終

王朴

王朴字文伯東平人也少舉進士為校書郎依漢樞  
密使楊邠邠與王章史弘肇等有隙朴見漢興日淺  
知其必亂乃去邠東歸周世宗鎮潭州朴為節度掌  
書記世宗為開封尹拜右拾遺即位遷比部郎中獻  
平邊策時世宗銳意征伐已撓群議親敗劉昫於高  
平歸而益治兵慨然有平一天下之志翰林學士同

穀資儀御史中丞楊昭儉與朴皆言用兵之策朴謂  
九淮為可先取顯德三年征淮以朴為東京副留守  
還拜戶部侍郎遷樞密使詔朴校定大曆乃削去近  
世符令流俗不經之學為欽天曆六年又詔朴考正  
雅樂其陳用兵之畧非特一時之策至言諸國興滅  
次第云淮南可最先取并必死之寇最後亡其後宋  
興平定四方惟并獨後服皆如言六年春世宗遣朴  
行視汴口作斗門還過故相李穀第疾作什於坐上  
昇歸卒年五十四

張昭

張昭字潛夫本名昭遠避漢祖諱改為濮州人祖楚  
平壽張令赴調長安值黃巢亂不知所終父直尚  
幼避地河朔既長自秦抵蜀徒行旬食求之十許年  
不能得乃發哀成服竟隱居投徒號逍遙先生昭未  
冠通讀九經通其義後至贊皇遇程生者專史學盡  
得十三史後唐莊宗入魏游士多自効軍門昭因至  
魏構文數十軸謂與唐尹張憲根相見之晚即署府  
魏官憲為北京留守昭亦從至晉陽莊宗及難憲遂



死之天成三年改安義軍節度掌書記以昭有史材  
拜左補闕史館脩撰明宗好畋獵昭疏諫遊幸晉天  
福二年改戶部侍郎宰相桑維翰薦爲翰林學士以  
唐史未成詔與呂琦崔執等續成之漢加檢校禮部  
尚書周初遷至兵部尚書世宗好拔英俊有自布衣  
及下位上書言事者多不次進用昭疏諫恭帝卽位  
封舒國公宋初拜吏部尚書乾德元年郊祀昭爲鹵  
簿使卒年七十九劉鋹之擒也昭已致政太祖遣近  
臣就問獻俘禮于乘圖進士及第

五代史 卷五

扈載

扈載字仲熙北燕人也廣順初舉進士高第拜校書  
郎直史館再遷監察御史初載以文知名一時樞密  
使王朴尤重其才薦於宰相李穀穀曰非不知其才  
然載命薄恐不能勝朴曰公爲宰相以進賢退不肖  
爲職所言命邪已而召拜知制誥及爲學士居歲中  
病卒年三十六是時天子英武樂延天下奇才而尤  
禮文士載與張昭竇儼陶穀徐台符等俱被進用

賈緯

賈緯鎮州獲鹿人也少舉進士不中州辟參軍唐天  
成中范廷光鎮成德辟趙州軍事判官遷石邑令緯  
長於史學晉天福中爲太常博士數求爲史職累遷  
後爲脩撰漢隱帝時詔與王仲寶等同脩晉高祖出  
帝漢高祖實錄初桑維翰爲相常惡緯爲人待之甚  
薄緯爲維翰傳言維翰死有銀八千疑周廣順元年  
實錄成緯求遷官不得由是怨望是時宰相王峻監  
脩國史緯書日歷多言當時大臣過失峻見之怒貶  
平盧軍行軍司馬明年卒於青州

五代史 卷五

史彥超

史彥超雲州人也爲人勇悍驍捷周太祖起魏時彥  
超爲漢龍捷都指揮使以兵從太祖入立遷虎捷都  
指揮使成於晉州劉晏攻晉州州無主帥知州王萬  
敢不能拒彥超以成兵堅守月餘太祖遣王峻救之  
晏兵解去周漢戰高平彥超爲前鋒周兵圍漢太原  
契丹救漢出忻代世宗遣符彥卿拒之以彥超爲先  
鋒戰忻口彥超勇憤俱發左右馳擊解而復合者數  
四遂歿於陣

韓通

韓通太原人歷仕晉漢周累功遷至歸德軍節度副都指揮使周祖伐河中命以自隨鎮大名委以心腹入汴通甚有力焉王彥超擊劉崇通副之敗崇於高平世宗將北征命通巡北邊恭帝即位移鎮鄆州太祖為六軍推戴通在殿閣間有變惶遽而歸軍校王彥昇遇通於路策馬逐之通馳入其第未及闔門為所害妻子皆死太祖詔贈中書令以禮收葬通剛狷寡謀言多忤物肆威虐眾謂之韓瞎眼其子頗有智

李筠

李筠太原人善騎射初隸後唐秦王從榮麾下從榮難作筠騎從至天津橋射殺十數人棄馬遁去清泰初應募為內殿直遷控鶴指揮使開運末契丹德光滅晉其將趙延壽聞筠驍勇召實帳下及德光北歸道卒延壽至鎮州為兀欲所執惟耶律解里將二千騎尚留筠與諸將謀伺間併擊控鶴左廂都校白再

榮匿室中不敢應筠拔佩刀破幕引臂逼再榮行諸將次第赴之殺傷相當解里遂棄城去故相馮道與諸將議權推白再榮為弔後以安人心再榮以鎮州送款漢祖乃授再榮留後授筠博州刺史周祖鎮大名表為先鋒指揮使又為北面緣邊巡檢周祖起兵入汴筠與郭崇從戰敗慕容彥超於留子陂累功遷至同平章事世宗時筠以奇兵擊敗契丹兵之援太原者加兼侍中恭帝立加檢校太尉宋初加中書令遣使諭以受周禪筠升階置酒張樂遙索周祖畫像懸壁涕泣不已及太原劉鈞以蠟書約舉兵筠子守節為皇城使常泣諫筠不聽遂起兵檄辭多不遜筠留其子守節守上黨引眾南向太祖遣石守信等討之太祖遂親征與守信等會破筠太祖進伐上黨守節以城降筠初名榮避周世宗諱改之性雖暴事母甚孝筠有愛妾劉氏欲俱死筠以其有娠麾令去子守節字得臣歷和州團練使卒年三十三無後以劉氏所生之弟為嗣

李重進

李重進

李重進其先滄州人生於太原周太祖之甥也仕晉  
爲殿直周廣順中累遷殿前都指揮使顯德初領武  
信軍節度重進年長於世宗周祖寢疾召重進受顧  
命令拜世宗以定君臣之分世宗立從征劉崇有功  
時張永德屯下蔡與重進不睦重進單騎詣永德帳  
中命飲酒謂永德曰吾與公皆國家肺腑相與戮力  
公何疑之深也李景知之齋蠟請重進以厚利重  
進表其行事豫州刺史齊藏珍亦說重進世宗知之  
假他事誅藏珍恭帝立改淮南節度太祖受禪加守  
舊令既而移鎮青州加開府贈重進陰懷異志太祖  
遣六宅使陳思誨齎賜券以安其心重進遂拘思誨  
治城隍繕兵甲遣人求援李景景懼而不納太祖遣  
石守信等率禁兵討之遂親征徑至揚州城下即日  
拔之重進舉族赴火死思誨亦爲其黨所害

五代南唐

卷五

十一

五代南唐列傳卷之六

周本

周本舒州宿松人漢南郡太守瑜之後祠廟隴畝皆  
在子孫守故土者猶數十戶本少孤貧嘗在田里獨  
格猛虎唐末大亂投楊行密軍中以勇敢聞累遷淮  
南馬步軍使天祐五年楊氏始得江西撫州刺史危  
全諷率諸郡兵十萬來爭其地屯於象牙潭楚人取  
高安爲之援江南守將劉威告急判官嚴可求薦本  
可用大破其軍擒全諷諸郡之兵皆潰楚人果遁吉  
州刺史彭玕信州刺史危存昌棄城走以本爲信州  
刺史越將陳璋據衢州歸於越人圍之本受命以兵  
迎璋既至越人解圍璋以其衆來奔唐莊宗入洛陽  
與遣司農盧勣使於洛陽莊宗問吳之名將存否而  
本預焉拜太尉中書令烈祖將受禪徐玠周宗等以  
本及李德誠皆位望隆重故諷之以爲推戴之首本  
以昏耄仍不知時變皆少子祚左右其事時吳宗室  
臨川王洪慶處歷陽聞將受終乃嚴監守者與親信  
二騎趨詣本本將見之祚固執不可本怒曰我家郎

君也何不使我一見祚閉中門拒之濛被殺吳室  
移本隨象至建康勅進由是愧恨數月而卒子鄴有  
戰功亦至廬州節度使

### 王輿

王輿少與兄綰俱事吳武王輿始為小校從周本伐  
危全諷讓皇之世烈祖以輿為控鶴都虞候持重有  
法出為光州刺史先是輿兄子孫為海州副使叛入  
北方以為刺史聞輿在光州問遣親信通書幣與執  
之以聞因求罷郡復為控鶴都虞候監軍甄庭堅與

### 五代南唐

卷六

二

輿不協或告庭堅交通境外烈祖使中使繫庭堅下  
大理輿先知之密見庭堅曰可乘輕舟自歸闕庭無  
與中使遇庭堅懼從其計遂獲免輿少時從軍圍潤  
州為大弩射中右耳自左耳出旁一人中之猶死輿  
卧病百許日及愈耳亦不聾又嘗攻潁州夜夢道士  
告之曰旦有流星下墜能避當富貴及旦輿杖劍倚  
柵木驅士攻城城中飛大石正中其柵及輿鎧甲之  
半皆糜碎而輿無傷卒年七十四兄綰為虔州節度  
使

### 林仁肇

林仁肇建陽人也文身為虎兒因謂之林虎兒事閩  
為裨將閩亡潘承祐薦之署為軍校周世宗征淮甸  
仁肇將偏師出援壽州及剗地拜潤州節度使移鎮  
武昌會李重進以揚州叛朝廷討平之而淮南諸郡  
所守各不過千人仁肇密說後主曰中原承哀亂之  
後請假臣兵數萬北渡仍乞臣起兵之日聞於北朝  
言臣據兵竊叛事成歸國否則請族臣家以明陛下  
之無貳後主嘗曰爾無妄言宗社危矣竟德三年以

### 五代南唐

卷六

三

仁肇為洪州節度使與皇甫繼勳朱令贇並不協因  
搆仁肇求援皇朝欲自王江西後主潛使人鳩之初  
仁肇見知於陳喬曰令仁肇將外吾掌機務國雖  
迫蹙未易圖也及仁肇死喬歎曰事勢如此而殺忠  
臣吾不知其死所矣

### 常夢錫

常夢錫字孟剛少警悟通書記事岐王李茂貞為秦  
隴判官茂貞卒從僞襲位補寶鷄令從儼左右有惡  
之者夢錫渡淮詣廣陵烈祖辟致門下薦為大理司

直烈祖受禪拜殿中侍御史夢錫數言時政繁碎宜  
脩復舊典爲後代法又言宋齊丘陳覺姦邪馮延巳  
魏岑並小人不宜左右春官元宗卽位許以翰林學  
士待之而以齊丘故黜爲池州節度判官及齊丘罷  
特置宣政院於內庭命夢錫專掌既而姦黨愈熾遂  
稱病縱酒希復朝謁會鍾謨李德明分掌吏兵二部  
以夢錫人望求爲長吏以自重乃除戶部尚書知省  
事固辭不獲夢錫無子以其婿王繼沂掌家務或言  
繼沂亂內夢錫畫出妻妾室爲之一空素無繼沂於

五代南唐 卷六

四

處州時馮延巳爲相劾夢錫敗饒州團練副使尋改  
吏部侍郎轉禮部尚書割地之後公卿在座有言及  
大朝者夢錫笑曰群公常欲致君於堯舜何故今日  
自爲小朝耶座皆失色每公集往往暗罵人吃頭德  
五年卒年六十一踰月宋齊丘敗元宗歎曰夢錫生  
平欲殺齊丘恨不使見之

劉仁贍

劉仁贍字守惠彭城人也父金事楊行密爲濠滁二  
州刺史以驍勇知名仁贍少畧通兵書事南唐爲左

監門衛將軍黃袁二州刺史所至稱治李景使掌  
軍以爲武昌軍節度使周師征淮先遣李穀攻自壽  
春景遣將劉彥貞拒周兵以仁贍爲清淮軍節度使  
鎮壽州李穀退守正陽浮橋彥貞見周兵之却意其  
怯惡追之仁贍以爲不可彥貞不聽仁贍獨按兵城  
守彥貞果敗於正陽世宗攻壽州周兵多死世宗東  
還濠梁以李重進爲廬壽州都招討使景亦遣其元  
帥齊王景達等別若紫金山下重進與張永德兩軍  
相疑不協在壽慶請出戰景達不許由是憤惋成疾

五代南唐 卷六

五

明年正月世宗復至淮上景之守將廣陵馮延魯光  
州張紹舒州周祥泰州方訥泗州范再遇等或走或  
降皆不能守雖景君臣亦皆震懾奉表稱臣而仁贍  
獨堅守不可下世宗使景所遣使者孫晟等至城下  
示之仁贍子崇諫幸其父病謀與諸將出降仁贍立  
命斬之監軍使周延構哭於中門救之不得於是士  
卒皆感泣願以死守三月仁贍病甚已不知人其副  
使孫羽詐爲仁贍書以城降世宗命昇仁贍至帳前  
嗟嘆久之賜以玉帶御馬復使入城養疾是日卒年

五十八追封彭城郡王以其子崇謙為懷州刺史

孫晟

孫晟初名鳳又名忌密州人也少為道士居廬山簡寂宮嘗畫唐詩人賈島像置於屋壁晟夕事之簡寂宮道士惡晟為妖以杖驅出之易儒服北之趙魏謁唐莊宗於鎮州莊宗以晟為著作佐郎天成中朱守殷鎮汴州辟為判官守殷反伏誅晟乃棄其妻子亡命陳宋之間安重誨惡晟以為教守殷反者晟也遂族其家晟來奔於吳時烈祖輔政尤愛之引與計議

五代南唐

卷六

六

多合意以為右僕射與馮延巳並相元宗晟輕延巳嘗曰金碗王盃而盛狗矢乎晟事烈祖元宗二十餘年官至司空每食不設几案使褻妓各執一器環立而侍號肉臺盤周世宗征淮元宗懼始遣泗州牙將王知朗至滁州奉書以求和世宗不荅又遣翰林學士鍾謨文理院學士李德明奉表稱臣不荅乃遣禮部尚書王崇質副晟奉上表謨與晟皆見留初晟之奉使也語崇質曰吾行必不免然吾終不忍負永陵一杯土世宗召晟問江南事晟不對世宗怒亟召侍

衛軍虞候韓通收晟下獄及其從者二百餘人皆殺之晟臨刑世宗猶遣近臣問之晟終不對怡然就刑其後世宗頗憐晟忠悔殺之

張彥能

張彥能為楚州守將周師伐淮南諸郡皆降獨楚州不可下周人圍之數月城中兵食殆盡而彥能與其副鄭昭業城守益堅世宗親督兵洞屋穿穴而焚之彥能昭業戰死

孟堅

五代南唐

卷六

七

孟堅初事閩王昶為建州裨將昶攻與曦有隙堅知其必敗會趙鐸伐建陽堅以其衆先降鐸等資其策以取南閩及陳覓矯命攻晉安堅隸馮延魯軍中李仁達先求救於越越以兵數千人入城助守而江淮諸軍大集堅曰敵至此已久進退不可求一戰而死無路耳今與之戰必致死力可盡殺乎不若堅壁以拒之援兵遠涉大海不戰而困城可圖也延魯不聽揮兵少却越人登岸未定堅曰可擊矣延魯又不聽既而合戰延魯敗走堅死之諸軍皆潰

陳喬

陳喬字子喬世為廬陵玉笥人祖岳仕大唐為南昌  
觀察判官著唐書父湛仕吳為中書舍人翰林學士  
撰吳錄喬以唐授太常寺奉禮郎烈祖即位拜中書  
舍人元宗既失淮甸耻其降號欲授機務於大弟而  
陳覺之徒因有窺竊之計輒謂元宗曰宋齊丘嘗贊  
烈祖變家為國終成大業是社稷之臣也今若委以  
國事庶寧逸鄙元宗由是欲傳位而以齊丘輔政喬  
聞之排闥而入諫曰臣見淖齒李兌復作而讓皇幽  
囚於丹陽亦陛下之所親見元宗愕然曰微卿幾落  
賊人彀中於是引喬入見后及諸子指喬曰此忠臣  
也及元宗南遷留喬輔太子監國後主即位遂搃軍  
國事宋太祖遣使召後主入朝後主連年拚命喬誓  
以死守及城將陷後主執其手泣曰盍與我北歸喬  
曰臣當大政而致國家如此非死無以報臣死而歸  
之以逆命之罪則陛下保無恙也掣其手去入視事  
堂遂自縊

劉彥貞

劉彥貞字吳功臣信之子也授大理評事歷武職拜  
濠州節度使承劉崇俊虎政之後裁以法度吏民頗  
服及移鎮壽春漸自矜大周世宗征淮甸命大將李  
穀攻自壽州元宗使彥貞督諸路兵出拒周師以江  
州皇甫暉為援李穀曰吾無水戰之具而使唐兵斷  
正陽浮橋則我背腹受敵乃焚其芻糧退屯正陽是  
時世宗親征行至圖鎮聞穀軍却意唐兵必追之遣  
李重進急趨正陽曰唐兵且至宜急擊之彥貞等聞  
穀退軍皆以為怯裨將咸師朗曰追之可大獲劉仁  
贖使人喻之曰君來赴援未交戰而敵人退不可測  
也前軍張全約亦曰不可追比至正陽而重進先至  
周兵見而知其怯一鼓敗之彥貞死於陣

嚴續

嚴續字與宗父可求善籌畫為吳相續以父廕補赤  
中傅身遷秘書郎烈祖以女妻之烈祖受禪為兵部  
侍郎元宗即位改中書侍郎方宋齊丘用事續常守  
正不為黨附常夢錫屢言齊丘姦黨及夢錫罷宜政  
院續亦出為池州刺史後為中書侍郎尋拜平章事

割地之後罷為少傅元宗南遷拜左僕射後主即位  
改司空稱疾罷歸卒於私第續自以少貴倦學命群  
從子弟皆矚以儒業諸子及孫舉進士者十餘人

張延翰

張延翰字德華宋州碭山人少遊長安後避亂江淮  
事吳為鹽城令烈祖輔政以延翰為工部郎中判江  
州入為知雜侍御史張宣以功臣為左街使率意驕  
暴延翰劾之元宗輔政大臣中唯重延翰及禪代拜  
中書侍郎平章事延翰有時望當其作相人為晚  
五代南唐卷六

何敬洙

何敬洙幼為吳將李簡廝養簡性殘忍左右過愆鮮  
獲全活敬洙暮與群兒戲庭下有蒼頭取簡所愛端  
硯戲諸僮曰誰敢破此敬洙厲色曰死生有命乃一  
擲破之翌日簡責破硯之山敬洙自陳因壯其果敢  
捨之勿殺簡鎮鄂州令相術董紹顏徧閱諸子紹顏  
曰諸郎皆善然祿壽無及公者時敬洙侍側指曰此  
奇相也可與公齊簡卒烈祖以為金陵裨將累遷天

威軍都虞候建州之役為應援使周師伐淮南元宗  
使敬洙移郭外居人入城為備敬洙不從乃背城除  
地為戰場曰職當効死於此元宗善之未幾召還都  
年老有足病後主以其勳舊優禮之卒年七十七

柴克宏

柴克宏吳功臣再用之子以父廕為郎將累遷龍武  
軍都虞候淮甸兵起越人寇常州以克宏為撫州刺  
史克宏上書乞從軍効用元宗善之使帥師救常州  
時精兵皆在江北克宏將老弱數千介冑朽蠹入白  
五代南唐卷六

樞密副使李徵古徵古素輕其為人因慢罵遣之眾  
皆憤怒而克宏怡然進及京口徵古使召還以朱業  
代將克宏不從至常州徵古又使召之克宏曰吾刻  
日破敵爾來召我必姦人也命斬之常州有隋末陳  
果仁祠見夢於克宏曰吾與陰兵助爾及戰有黑牛  
二頭衝突越兵克宏繼之大敗越人俘馘甚眾克宏  
奏封果仁為武烈大帝賊走朱業方至克宏善遇之  
以功拜江州節度使復請北出命未下而發瘍卒

王崇文



王崇文字光福吳功臣緒之子尚烈祖妹廣德公主出爲歙吉二州刺史吉州民多爭訟崇文無所侵撓吏民便之遷虔州節度使福州之役師潰元宗歸罪於陳覺馮延魯而崇文及諸將皆弗問項之移鎮廬州入爲神武侍御統軍復出夏口其治皆如初後主卽位加中書令去拜而卒

姚景

姚景始事劉金爲庶卒金暇日至廐中見景畫賔有二赤虵悠揚景面少頃入鼻竅而寤奇之引爲親信

五代唐 卷六 十二

俄遷禪將金以女去女之烈祖亦重其爲人使典親兵歷制置刺史拜清淮軍節度使初吏請家諱景大署於紙尾曰諱賊吏誦子爲牙將景登城見其長子導從甚盛過市市人皆廢業辟路景召其子杖之

魯崇範

魯崇範廬陵人也竈薪不屬而讀書自若烈祖初建學校崇範雖窶九經子史世藏於家刺史賈皓就取進之薦其名不報皓以已緡償其直崇範笑曰吾非書肆何估直以償耶御之會皓赴關與崇範俱至金

陵表薦之召試東官授太子洗馬復守廉儉唯食月俸元宗卽位尤重之除東官使卒

韓熙載

韓熙載字叔言北海人也弱冠擢進士第同光末北海軍亂推熙載父光嗣爲留後明宗卽位平北海光嗣見殺熙載來奔於吳里民趙氏女有姿色熙載娶爲正室烈祖受禪除秘書郎輔元宗於東官元宗卽位拜虞部員外郎史館脩撰宋齊丘之黨大忌之烈祖山陵元宗以熙載知禮遂兼太常博士既葬遷知

五代南唐 卷六 十三

制諱熙載性懶朝直多闕爲馮延巳劾奏陳覺等殺師南闕特赦不誅熙載上疏請置於法元宗手札敦諭而宋齊丘大怒乃誣以醉酒披猖黜爲和州司馬其質熙載平生不能飲久之徵拜中書舍人奉使中原爲感懷詩三章熙載才名遠播四方建碑表者皆載金帛求爲之文而常俸賜賚月不下數千緡門下以舒雅之徒爲門生高第凡十數輩月入不供及奉使臨川借官錢三十萬熙載畜女樂四千餘人不加檢束恣其出入與賓客雜聚後主累欲相之而惡其

如此乃左授右廢子分司於外復上表乞住闕下表  
上未報於是盡出群婢使之卽散後主乃喜遂以爲  
秘書監群婢俄集如初後主笑曰吾於今乃知卿之  
心矣開寶三年病卒年六十三後主深痛惜之以爲  
不得無載爲相欲追贈之乃贈平章事謚文靜葬梅  
嶺崗謝安墓側初嚴續請熙載撰其父可求神道碑  
遺珍貨巨萬仍輟未勝衣歌妓姿色纖妙者歸焉熙  
載受之文旣成但叙其譜裔品秩而已續慊之封還  
熙載亦卻其贈上寫一闕於泥金帶云宋齊丘自署  
五代南唐 卷六 十四

江文蔚

江文蔚字君章許人也長興中舉進士爲河南府廡  
宜有高才與韓熙載名相上下而熙載不持檢操文  
蔚旣擅價一時又勵行義烈祖殂元宗以文蔚知禮  
儀蓋治山陵事除判太常寺以議葬禮旣葬以文蔚  
遷居諫職文蔚之居諫職秉心貞亮時宋齊丘拜爲

諫議大夫而馮延巳爲相魏岑亦居近密文蔚上表  
曰四罪盡除方明國典表旣上而元宗惡其大言黜  
爲江州司士延巳亦罷相出鎮臨川岑猶在職未幾  
延巳自臨川再入相宣內制畢百寮皆言曰白麻甚  
嘉猶不稱文蔚表爾其直言見重於時者如此也唐  
土好文學故韓熙載馮延巳延魯文蔚潘佑徐鉉之  
徒皆至美官文雅於諸國爲盛然未嘗設科舉多因  
上書言事拜官保太十年始設科舉命文蔚知貢舉  
執政皆不由科第相與沮毀竟罷之

五代南唐 卷六 十五

高越

高越燕人也少舉進士時威武將軍節度使盧文進  
有女美而慧善屬文時稱女學士越聞而慕焉往謁  
文進文進以妻之晉高祖卽位文進南奔越與之俱  
來初投鄂帥張宣久不見知越以薦詩請之曰晴空  
不碍摩天翻未肯平原淺草飛遂至廣陵烈祖愛其  
詞學時經國立制凡禱祠燕饗之文越多爲撰之烈  
祖受禪累遷禮部員外郎中書舍人時越與江文蔚  
俱以詞賦知名

劉洞

劉洞廬陵人也少遊廬山學詩於陳旼後主卽位詣金陵獻詩羈旅二年不報遂還廬陵與同門夏竦相善陳旼嘗謂已詩埒賈島洞亦自言有浪仙之體

汪台符

汪台符歙州人也能文章聞烈祖移鎮金陵台符上書陳民間利害十餘條宋齊丘疾其才高屢爲詆訾齊丘始字超回台符貽書誦之曰聞足下齊大聖以

五代南唐 卷六

十六

爲名超亞聖以稱字齊丘大懶改字子嵩因使親信

誘台符乘舟痛飲推沉石城磯下

史虛白

史虛白山東人世儒學與韓熙載友善唐晉之間中原多事遂因熙載渡淮聞宋齊丘摠相府事虛白以言曰彼可代而相矣齊丘欲窮其伎因宴齊厲而致虛白酒數行出詩百詠俾齊爲恣女奴玩肆多方掩之虛白談笑賦酬筆不停綴衆方大驚及見烈祖說之長驅中原功若屈指烈祖雖善其說未暇北顧乃

署郡從事虛白意頗不平遂南遊廬山以詩酒自娛

元宗卽位韓熙載薦之召見問爲治之理虛白曰臣

草野之人釣魚而已邦國大計不敢預知因醉溺於

殿陛元宗曰真處士也賜田五頃遣還及畫江爲界

虛白爲湖江賦以請云舟車有限沿汀島以俱閑魚

鼈無知尚浮游而不止元宗南遷至星子渚復召至

問處士隱居有所得乎對曰臣得漁父一聯云風雨

撥却屋全家醉不知元宗變色久之復賜粟帛遣歸

卒於家年六十七

五代南唐 卷六

十七

郭昭慶

郭昭慶其先爲廬陵禾州人父鵬保太初進士官至大理司直或告故南平王鍾鐔夫人與僧通姦大理卿蕭儼案法議徙鵬曰法之行自貴者始遂曲法誅之人皆以爲冤會宋齊丘得罪鵬坐黨免官卒昭慶傳通經史撰元經作唐春秋三十卷著治書五十篇皆引古以勵今獻之爲左右所沮俾就舉進士昭慶不平復上書因得召對補楊子尉不受復歸禾川邑宰脩謁不與之見宰銜之會閱編戶乃籍昭慶爲新

擬軍昭慶復走金陵獻經國治民論各十餘篇後主覽而悅之遂署爲著作郎常以才名自居徐鉉徐鉉尤嫉之居與客將李師義爲隣而師義與鉉爲姻姪錯因令師義召昭慶飲潛置鴆於酒詰旦入朝而什

康仁傑

康仁傑泉州人也少祝髮爲僧喜儒學頗自勵因遊江淮會陳德誠出次池陽仁傑以詩投之乃薦仁傑於執政者仁傑易儒服至金陵會群公旬沐宴昇元閣仁傑造席和登閣詩陳洪進據漳泉遂召問其風

五代南唐卷六

十八

士民俗仁傑對蒼無滯仍獻所業授鄂州文學補漢陽簿考滿出吉州括置屯田入授汾陽令及金陵敗亡仁傑亦卒

周彬

周彬和川人也杜門讀書不治產業其妻讓之曰君家兄弟皆力田畝而獨調玩故紙以自困寧有益邪彬笑曰耕田不如耕道開烈祖鎮金陵招辟儒生彬因獻所習烈祖善之元宗與壽王景遂貽書交辟置之門下賜予頗優告歸省母以所得金玉緡幣陳列

於庭彬顧其妻曰伯叔田畝執愈授大理司直以母憂歸葬謁禾川令直造其廳署令詰之曰君雖朝省直察其如桑梓何彬怒因自誓曰吾不歸令於茲有如白日服闋詰建康以前官出宰禾川前令醜頽而去連任七考累遷尚書郎卒於官

徐錯

徐錯字金楚與兄鉉同有大名於江左錯第進士累遷屯田郎中知制誥集賢殿學士鉉錯兄弟俱忝近侍而其文相軋議者方晉之二陸云錯以開寶八年

五代南唐卷六

十九

於金陵圍城中卒卒之踰月南唐亡

江夢孫

江夢孫字聿脩潯陽人也博綜經史烈祖輔政辟置門下薦爲秘書郎久之求一縣以自効乃補天長令至縣吏告曰正廳甚凶前令居之鬼怪畢見請陳設便廳夢孫固不可禮上之夕若數十人傾倒几案呼嘯甚喧夢孫從容整衣冠呪曰夢孫爲縣令合居此廳爾爲鬼神應有祠宇丘墓自此寂然無患其治以簡易仁恕爲事邑人大悅踰年稱疾求歸田里躬勤

禾邦事繼母甚謹保大中卒年八十五

沈彬

沈彬筠陽高安人讀書能詩屬唐末亂離南遊湘湖  
隱於雲陽山十餘年與僧虛中齊已為詩侶烈祖鎮  
金陵命所屬郡縣辟致之授校書郎入輔吳世子璉  
未幾乞致仕禪代之後絕不求進元宗南遷彬年逾  
八十詣南昌求見曰臣自處山野世事不預臣妻謂  
臣曰汝主人即君今為天子與接清光元宗優禮待  
之賜帛粟遣還畧其子元為秘書省正字彬學方外

五代南唐

卷六

之術迄無所異唯子植一樹命諸子曰吾死葬此及  
彬卒發之得石椁一上有篆刻八字云開成二年壽  
椁一所因就葬焉

顏詡

顏詡魯郡公真卿之後唐末徙居木川詡少孤兄弟  
數人事繼母以孝聞一門百口家法嚴肅子侄二十  
餘人皆服儒業詡聞子弟有與賓客戲者未嘗面責  
手寫常昭博奕論置於屋壁使之自愧初季父非理  
據鄉人桑請邑求治令尹下詡評之詡償以已緡其

訟遂止卒年七十餘

鄭元素

鄭元素京兆華原人也少習詩禮避亂南遊隱居於  
廬山青牛谷高卧四十餘年會集古書殆至千餘卷  
元素溫編之甥也自言編發昭陵從渠道下見官室  
制度閎麗不異人間中為正寢東西廂列石牀牀上  
石函中有鐵匣悉藏前世圖書鍾王墨跡紙墨如新  
編悉取之編死元素得之為多

陳颺

五代南唐

卷六

陳颺南閩人性沉澹志操古朴而不苟於仕進一卧  
廬山三十年學者多師事之元宗以幣致之布裘鹿  
鞞進止閑肆因獻景陽懋懷古詩元宗欲授以官颺  
固不受賜帛粟遣還舊隱卒年七十

陳陶

陳陶世居嶺表以儒業名家陶挾冊長安聲詩曆象  
無不精究常以台鉢之器自負恨世亂不得逞昇元  
中至南昌將請建康聞宋齊丘秉政凡所進擢不愜  
士論乃築室於西山日以詩酒為事會宋齊丘出鎮

南昌陶志不屈而齊丘亦不爲之薦辟元宗雖聞其詩名而未及召之會有星孛陶嘆曰國家其幾亡乎既而果失淮甸陶所居幽邃性尤嗜鮮元宗南遷至落星灣欲有所問而恐陶不盡言因僞使人賣鮮至陶門陶出嚼鮮喜甚賣者曰官舟祇落星矣翁知之乎陶笑口星落不還元宗至南都未幾歿陶所遁西山先產藥物數十種陶採而餌之問元中常見一叟角髮披褐與老媪貨藥於市獲錢則市鮮對飲旁若無人既醉行舞而歌或疑爲陶之夫婦云

五代南唐

卷六

三十一

許堅

許堅不知其家世或曰晉長史穆之裔形陋而怪或寓廬阜白鹿洞桑門道館行吟自若憤巾芒屨短襪至齋亦無疥裝唯自負布囊常括不解每沐浴不脫衣就谿澗出而曝之或問其故則言天象昭布人自昧之其可裸程乎堅辭嗜魚或得大魚則全體而烹卽嚼之舊與樊若水相善若水北渡後因轉輓於江南遇堅於前寂觀勉之以仕則羣蹙不答堅嘗至陽羨人不之識一日涉西津凌波澗步若平地象方神

之不知其所在

朱令贊

朱令贊大將軍業從子也常從業軍累遷神衛都虞候會林仁肇卒以令贊爲鎮南軍節度使王師問罪後主召令贊赴難令贊不識兵機王師聚攻之諸軍不戰而潰令贊投火死

胡則

胡則爲江州副使金陵既下後主歸於京師諸郡皆送款則謂所部曰吾等世受主恩忍負之遂謀殺降

五代南唐

卷六

三十一

者嬰城固守將軍曹翰帥師圍城三年則誓以死守城將隔太宗遣使諭翰城下日拒命之人盡赦之使人至獨木渡大風數日不可濟江州無遺類矣

蜀黃筌

黃筌成都人以工畫早得名時十七歲事蜀後主王衍爲待詔衍嘗詔筌於內殿觀吳道元畫鍾馗謂筌曰吳道元畫鍾馗以右手第二指扶鬼之目不若以拇指爲有力令筌改進筌於是不用道元之本別以拇指改進後主怪其不如旨筌對曰道元之所畫者

眼目意思俱在第二指今臣所畫眼色意思俱在指後主悟乃喜筌花竹師滕昌祐烏雀師乃堯山水師李昇鶴師薛稷龍師孫選然其筆意豪騰脫去格律過諸公為多嘗畫野雉於八卦殿有五方使呈鷹陸殿下鷹見雉擊臂數四

五虎南傳內卷末

三十四

宋史

馬維銘曰宋太祖之得天下亦易耳然五代之亂極矣太祖以神武忠厚開拓洪基太宗真宗仁宗英宗並有君人之度藹然長者熙寧元豐之間元氣始削紹聖而益紛紛矣徽欽比而高宗南別是一小朝廷氣象而孝宗以太祖嫡裔嗣服主也天也理宗文弱崇尚儒術宋之為宋已不可為矣他何論乎要以太祖至公以傳其第太宗至險以狀其姪亦天也嗚呼趙普之論語便似胡廣之中庸有負太祖多矣宋朝各臣最盛未易更僕王安石亦其一也却將從前呂蒙正呂端李沆王旦諸案底一齊翻駁將近時范仲淹韓琦富弼歐陽修文彥博諸建白一齊倒壓雖有司馬光呂公著諸公承之而紹述之說又嗷嗷矣奈之何哉李綱趙鼎相非不賢也岳飛韓世忠將非不勇也乃安石麟鳳已壞天下於全盛之時而秦檜螟賊亦何怪其不賣國於偏安之日乎前蘇軾之才不減賈誼而不能屈意賢者與程頤相左趙汝愚之貳可方霍

光而不能置腹小人爲韓侂胄所搆吾皆不得而知之矣

宋史纂畧卷之一

明職方主事馬維銘纂

仙原文學崔廷弘

崔廷衛

崔用恒

譚本威

魏塘文學徐霖徵

武原文學徐元星

當湖孝廉郭紹儀

宋本紀卷之一

明經劉希夔

太學俞懋相

俞允晉

曹如堦

文學張王政

毛應鑿

屠景瀚

趙志寧

謝朝宗



弟太學馬維錦

姪文學馬德澍全校

太祖在位十七年 建隆 乾德 開寶

壽五十

太祖諱匡胤，姓趙氏，涿郡人。高祖胤，唐幽都令，胤生珽，御史中丞，珽生敬，涿州刺史，敬生弘殷，後唐歷州官司徒，娶杜氏，後唐天成二年生太祖，洛陽夾馬營赤光滿室，異香經宿不散，人謂之香孩兒。營及長，應

募郭威帳下，柴世宗卽位，拜殿前都虞候，從征淮南，擒南唐驍將皇甫暉，姚鳳拜殿前都指揮使，又從世宗沿淮東下，拔楚州，世宗一日，文書囊中得木題云：點檢作天子，時張永德為殿前都點檢，乃命太祖代之。世宗崩，子宗訓立，會契丹入寇，遣率禁兵禦之，發汴京殿前指揮使苗訓善觀天文，見日下復有一日，黑光摩盪者久之，指示楚昭輔曰：此天命也。是夕，次陳橋驛，侍衛親軍指揮使高懷德、趙彥徽等相與謀曰：主上幼弱，我輩出死力破敵，誰則知之，不如先冊

點檢為天子，因具白匡義及掌書記趙普、黎明將士

直逼寢所，曰：諸將無主，願冊太尉為皇帝，未及對，則相與共扶出廳事，黃袍已加身矣。眾即羅拜呼萬歲，挾之上馬，擁逼還汴，乃攬轡普諸將曰：汝等自貪富貴，立我為天子，能從我命則可，不然我不能為若主也。皆下馬曰：願受命。太祖曰：太后主上，我比面事者，不得驚犯。公卿皆我比肩，不得侵凌。朝市府廡，不得侵撓。皆應曰：諾。乙巳，入汴，將士擁范質等至，遂奉太祖詣崇元殿，行禪代禮。國號宋，以其弟光義為殿前

宋本紀 卷一 主

都虞候趙普為樞密直學士，尊母南郡夫人杜氏為皇太后，上頗為微行，或諫上笑曰：帝王之興，自有天命。周世宗見諸將方面大耳者，殺之，我終日侍側，亦不能害。建隆二年，皇太后杜氏崩，后治家嚴而有法，陳橋之變，后聞之曰：吾兒素有大志，今果然矣。及后疾革，召趙普入受遺命，謂帝曰：汝知所以得天下乎？正由柴氏使幼兒主天下也。汝百歲後當傳位光義，光義傳光美，光美傳德昭，能立長君，社稷之福也。帝泣曰：敢不如教。后頰謂普曰：爾同記吾言，不可違也。

上遂以弟光義爲開封尹。光義爲興元尹。李漢超在關南。民有訟其強娶已女爲妾及貸民錢不償者。上召謂曰。汝女可適何人。曰。農家。漢超未至關南時。契丹何如。曰。歲苦侵暴。今復爾耶。曰。無也。上曰。漢超朕之貴臣。汝女爲之妾。不猶愈於農婦乎。使漢超不在關南。汝家尚能保其所有貨財乎。責其人而遣之。密使諭漢超曰。亟還其女并所貨。朕姑贖汝。勿復爲也。郭進爲山西巡檢使。有軍校誣訟進不法事。帝詰知其情。送進。令殺之。會北漢來侵。進語其人曰。汝敢論

宋本紀

卷一

四

我信有膽氣。今贖汝罪。汝能掩殺敵兵。卽當薦汝。如賊可自投河東。其人踴躍赴敵。大致克捷。進卽以聞。乞還其職。上卽位以來。先平荆南。復高繼冲。得州三縣。十七。繼平湖南。降周保權。得州十四。監一縣。六十六。上以湖南旣平。思得通蠻情。習地勢者。以鎮撫之。辰州徭人秦再雄。武健有奇畧。上聞。卽擢爲刺史。使自辟吏。再雄至州。訓士兵。得三千人。皆能披甲渡水。歷山飛壘。捷如猿猴。又親校二十人。分使諸蠻。以傳朝廷懷徠之意。於是荆襄無復邊患。乃命潘美尹

崇珂帥兵攻南漢柳州。克之。以王全斌爲四川行營都部署。劉光義。崔彥進。副之。王仁贍。曹彬爲都監。將步騎六萬。分道伐蜀。戒之曰。凡克城寨。止藉其器甲。芻糧。悉以財帛分給將士。吾所欲得者。土地耳。全斌進次魏城。蜀主命李昊草表請降。前蜀之亡也。降表亦昊爲之。蜀人夜書其門曰。世修降表。李家官軍自發。汴至受降。凡六十六日。得州四十五。縣百九十八。全斌之伐蜀也。屬汴京大雪。上設氈帷于講武殿。衣紫貂裘。稍以視事。忽謂左右曰。我被服如此。體尚覺

宋本紀

卷一

五

寒。念西征將士。衝冒霜雪。何以堪處。卽解裘帽。遣中使馳賜全斌。仍諭諸將曰。不能徧及也。後王全斌。崔彥進。王仁贍等晝夜宴飲。縱部下掠女子。奪人財物。蜀人苦之。曹彬屢請旋師。全斌等不從。蜀兵憤怨。行至綿州。遂作亂。劫蜀邑。殺至十餘萬。獲蜀文州刺史。全師雄。推以爲帥。於是邛蜀眉雅十六州及成都屬縣。皆起兵以應。師雄時成都城中降兵未遣者尚二萬七千。全斌慮其應賊。謀誘至夾城中。盡殺之。賴劉光義曹彬進擊。大破全師雄於新繁。曹翰王仁贍又

圍賊呂翰於嘉州。呂翰棄城走，是夕呂翰還，結衆圍城，約以三鼓而進。曹翰知之，令掌漏者止擊二鼓，賊衆不集。天明，遂遁。追襲又大破之。師雄走死，蜀復平。先是馮瓚知梓州，纔數日，會僞蜀軍校上官進，嘯聚亡命三千餘衆，劫村民，夜攻州城。瓚曰：賊乘夜奄至此，烏合之衆，以箠相擊耳，可持重以鎮之。待旦自潰矣。城中止有騎兵三百，使守諸門。瓚坐城樓，密令促其更籌。未夜，分擊五鼓，賊驚遁，因縱兵追之。擒上官進，降千餘人。五年，全斌等至，具伏贖貨，殺降之罪。先是上平荆湖及定蜀，皆收其金帛，別爲內庫儲之。號封樁庫。凡歲終用度之餘，皆入之。謂近臣曰：石晉割幽燕，以賂契丹，朕欲待斯庫蓄滿，遣使謀彼，儻肯歸我地，則以此酬之。不然，當散滯財，募勇士，以圖攻取也。又嘗欲以百練易一胡人首，尋又鑿大池于京城南，號講武池，選精卒習戰池中。其志復幽燕如此。南漢主復侵道州，刺史王繼勳請伐之。上乃以潘美爲桂州道行營都部署，尹從珂爲副，以伐南漢。南漢主劉鋹降，凡得州六十，縣三百四十二，銀多制醜毒臣。

下，一日從幸講武池，上賜以卮酒，鋹疑有毒，上笑曰：安有此乎？命取銀酒自飲，而別酌以賜鋹。開寶七年，命曹彬爲西南路行營都部署，潘美爲都監，曹翰爲先鋒，將兵十萬以伐江南。戒彬曰：江南之事，一以委卿，切勿暴掠生民，務廣威信，使自歸順，不須急擊也。又曰：城陷之日，慎無殺戮，設若困鬪，李煜一門不可加害。仍以劍授彬曰：副將以下，不用命者，斬之。潘美等皆失色。彬自荆南發戰艦東下，初唐池州人樊若水舉進士不第，因謀歸宋，乃漁釣于采石江上，乘小船載絲繩維南岸，疾棹抵北岸，以度江之廣狹。因詣關上書，請造浮梁以濟。帝然之，遣石全振往荆湖造黃黑龍船數千艘，又以大艦載巨竹，縵自荆渚而下。議者謂江濶水深，古未有浮梁而濟者。帝不聽。權若水右贊善大夫，先試於石牌口，移置采石，三日而成。不差尺寸。潘美帥兵渡江，若履平地。江南主危迫，遣徐鉉求緩師。鉉至，言于帝曰：李煜無罪，煜以小事大，如子事父，柰何見伐？帝曰：爾謂父子爲兩家，可乎？論月，鉉復見帝，按劍怒曰：不須多言，江南亦有何罪，但

天下一家臥榻之側豈容他人鼾睡耶絃惶恐解歸

江南愈危煜率臣僚詣軍門請罪凡得州十九軍三

縣一百八十吳越王俶與妻孫氏子惟濬入朝帝賜

禮賢宅以居親幸宴之命與晉王叙昆弟之禮留兩

月遣還賜以一黃袱封識甚固戒俶曰途中宜密觀

及啟則皆華臣之留俶章跡也俶益感懼三月至洛

陽上欲留都卒臣咸諫晉王光義言其非便上曰遷

河南未已終當居長安耳光義力請還汴乃不得已

從之因嘆曰不出百年天下民力殫矣上友愛光義

尤義嘗有疾親為灼艾光義覺痛帝亦取艾自炙每

對近臣言光義龍行虎步他日必為太平天子福德

非吾所及也

太宗 在位二十二年 太平興國 雍熙 端拱

淳化 至道 壽五十九

太宗諱吳初名匡義改賜光義太祖之弟也初封晉

王太祖以昭憲太后願命捨其子而立之太宗沉謀

英斷既即大位陳洪進錢俶相繼納土未幾取太原

伐契丹惟清陵縣公之貶死武功王之自殺宋后之

不成喪大可恨焉

真宗 在位二十五年 咸平 景德 大中祥符

天禧 乾興 壽五十五

真宗諱元侃更名恒太宗第三子也初封襄王改封

壽王尋立為皇太子帝寬仁慈愛有帝王之量李沆

寇準王旦相繼為相講和契丹寇準勸帝親征之功

也然好奉道教東封西祀信惑邪說天書屢降而祥

符天慶制作紛紛矣

仁宗 在位四十二年 天聖 明道 景祐

寶元 康定 慶曆 皇祐 至和 嘉祐

壽五十四

仁宗諱禎初名受益真宗第六子也司養李氏所生

皇后養以為子與楊淑妃同撫育之真宗得皇子已

晚始生晝夜啼不止有道人言能止兒啼召入則曰

莫叫莫叫何似當初莫笑啼即止謂帝嘗顧上帝所

顧上帝問羣僊誰當往皆不應獨赤脚大僊一笑遂

命降為真宗子在宮中好赤脚其驗也祥符九年封

壽春未幾進昇王尋立為皇太子真宗崩遂登大寶

帝之初年。母后臨朝。政非已出。寶元。康定。間。西鄙多事。慶曆以後。君子滿朝。仁宗恭儉。仁恕。出於天性。一遇水旱。或密禱禁廷。跪立殿下。有司請以玉清舊地為御苑。帝曰。吾奉先帝苑園。猶以為廣。何以是為。燕私常服澣濯。帷帝衾裯。多用繒絁。宮中夜因不寐而饑。思膳。燒手侍臣曰。何不降旨取索。仁宗曰。比聞禁中每有取索。外面遂以為例。誠恐自此。遂夜宰殺。以備非時供應耳。夏人犯邊。禦之出境。契丹渝盟。增以歲幣。然仁柔有餘。而剛武不足。是以常有夷狄之禍。

宋本紀 卷一 十一  
不能如漢唐之盛也。

英宗 在位四年 治平 壽三十六

英宗諱曙。濮安懿王允讓第十三子也。仁宗無嗣。養于宮中。初封鉅鹿郡公。尋立為皇太子。更名宗實。仁宗崩。遂登大寶。帝之初立也。以曹太后同聽政。未幾。宦官譏間。兩宮不和。帝憂疑致疾。幸賴宰相韓琦。歐陽修調護而安。然優禮大臣。愛民好儒。足為良主。初。辭皇子之命。極其懇切。既就召。戒其舍人曰。謹守吾舍。上有適嗣。吾歸矣。及即位。每命近臣。必以官而不

以名。其議濮王等禮。蓋諸臣泥古不通。各執已見。非帝失也。一日。語神宗曰。國家舊制。士大夫之子。有尚帝女者。皆升行。以避舅姑之尊。義甚無謂。豈可以富貴之故。而屈人倫長幼之序也。帝自居睦親宅。孝德著聞。蓋自為皇子時。而天下陰知其有君人之度矣。

神宗 在位一十八年 熙寧 元豐 壽三十八

神宗諱頊。英宗長子也。初封穎王。未幾為皇太子。英宗崩。遂登大寶。帝即位之初。勵精求治。不御遊畋。不治宮室。惟勤惟儉。將以大有為也。而誤于王安石之

宋本紀 卷一 十一

黨變亂。法政紛紛。制作用兵西北。卒無成功。蓋由志大而才小故也。太皇太后嘗乘間語帝曰。祖宗法度。不宜輕改。吾聞民間甚苦青苗助役。宜罷之。帝曰。此以利民。非苦之也。后又曰。安石誠有才學。然怨之者甚衆。欲保全之。不若黜出之於外。帝曰。羣臣惟安石為國家當事。時帝弟岐王顥在側。因進曰。太后之言。至言也。不可不思。帝怒曰。是我敗壞天下邪。汝自為之。願泣曰。何至是邪。皆不樂而罷。時熙寧七年也。元豐八年。神宗疾甚。三省樞密院入見。請立皇太子。及

請皇太后權同聽政許之且謂輔臣當以呂公著司馬光爲師傅遂立延安郡王傭爲皇太子賜名煦先是岐王顥嘉王顥日問起居高太后既垂簾命二王毋輒入且陰敕中人梁惟簡妻製十歲兒一黃袍懷以來蓋密爲踐祚倉卒備也初太子之未立也職方員外郎邢恕與蔡確成謀密語太后之姪高公繪公紀曰上疾不可諱延安幼冲宜早有定論岐嘉皆贊王也公繪驚曰此何言君欲禍吾家邪恕知計不行及宣言太后屬意岐王而與王珪表裏導確約珪入

宋本紀 卷一 十一

問疾陽鈞致珪語使知開封府蔡京伏劔士於外珪小持異則執而誅之既而珪言上自有子定議立延安恕蓋無所施及太子已立猶與確自謂有定策功傳播其語於朝太子即位尊皇太后曰太皇太后太皇太后既聽政下詔曰先帝臨御十有九年建立政事以澤天下而有司奉行失當幾於頽擗或苟且文具不能布宣實惠其申論中外協心奉令以稱先帝惠安元元之意於是散遣修京城役夫減皇城規卒止禁庭工技罷導洛司出近侍尤無狀者十三人

戒中外無苛歛寬民間保戶馬事由中旨王珪等弗預知也蔡確思求媚於太后以自固太皇太后從父高遵裕坐西征失律抵罪因言乞復遵裕官太后曰遵裕靈武之役塗炭百萬先帝中夜得報環榻而行徹旦不能寐自是驚悸馴致大故禍由遵裕得免刑誅幸矣先帝肉未冷吾何敢顧私恩而違天下公議乎確悚而退

哲宗 在位一十五年 元祐 紹聖 元符

壽二十五

宋本紀 卷一 十三

哲宗諱煦神宗第六子也初封延安郡王尋立爲皇太子神宗崩乃登大寶帝幼冲嗣位太皇太后高氏臨朝任用贊相司馬光呂公著等政事修舉國內大治號曰女中堯舜太后崩揚畏首叛呂大防上疏乞紹述先政召章惇爲相熙寧元豐黨人得志橫行追貶元祐正人殆無虛日以致禍亂內變夷狄乘機而起於是中原卒大亂矣

徽宗 在位二十六年爲金所虜 建中靖國

崇寧 大觀 政和 重和 宣和

徽宗諱佶神宗第十一子也初封端王哲宗崩無嗣大臣與皇太后向氏立之帝性機巧多技藝不修國政大興土木窮極淫樂天變民怨盜賊乘機而起後雖討平反復不省屏棄忠正信任奸邪與金人盟約滅遼尋爲金人所欺靖康二年大舉入寇虜帝北行至紹興五年殂于五國城

欽宗 在位二年爲金所虜 靖康 壽六十一

欽宗諱桓徽宗長子初封定王金人入寇徽宗遂傳以位帝在東宮初無失德時強胡逆發國事以去立

宋本紀 卷一 十四

二年金人入寇逼之北行紹興三十年殂于五國城

高宗 在位三十六年 建炎 紹興 壽八十一

高宗諱構字德基徽宗第九子初封康王及徽欽北狩遂卽位于南京遷都臨安號曰南宋帝僅能中興然無撥亂之才惑于姦臣秦檜和議之誤雖有李綱趙鼎張浚爲之相岳飛韓世忠吳玠劉錡爲之將不能復尺寸之地稱臣奉貢忘不共戴天之讎而不耻由畏懦有餘而剛果不足故也初靖康之亂以親王奉使建炎三年苗傅劉正彥劫帝傳位于皇子粵賴

張浚等討賊乃復位粵尋卒九月女真入建康帝走明州及陷臨安帝航于海賴韓世忠等敗金人于江女真乃北還先是元祐皇后降手書俾高宗嗣大統其畧曰歷年二百人不知兵傳序九君世無失德雖舉族有北轍之歎而敷天同左袒之心乃眷賢王越居舊服漢家之厄十世宜光武之中興獻公之子九人惟重耳之尚在茲乃天意夫豈人謀

孝宗 在位二十七年 隆興 乾道 淳熙 壽六十八

宋本紀 卷一 十五

孝宗諱昚太祖六世孫秀王偁之子也初名瑗封建國公又以瑗爲皇子更名瑑進封建王又立建王瑑爲皇太子更名昚初高宗晚年乏嗣抱望思之恨頗怨張浚謂處身亦太過云謂侍臣曰太祖以神武定天下而子孫不得享遭時零落朕甚閔之紹興三年乃選帝育于禁中三十二年受高宗禪帝性至孝事德壽宮二十六年孝養絕篤并還之日哀慕尤切銳志恢復值金世宗賢明南北講好易表稱書改臣稱姪減去歲幣俱得休息



光宗 在位五年 紹熙 壽五十四

光宗諱惇，孝宗第三子也。初封恭王，受內禪。帝年四十而受禪，遭后悍妒，欲亟立其子而逾於其父及父之崩喪，不能執禮，一旦仆地，不久而死。

寧宗 在位三十年 慶元 嘉泰 開禧 嘉定

壽五十七

寧宗諱擴，光宗第三子也。初封嘉王，及光宗疾不出，遂卽位。柔而不明，前有韓侂胄，後有史彌遠，既兵致寇，屏斥忠良，正學廢黜，姦邪得志。嘉定以後，金人犯邊，無歲不被其擾。元太祖起於北方，江南震懼，國勢漸危，雖有小善，不足稱也。

宋本紀

卷一 十六

理宗 在位四十年 寶慶 紹定 端平 嘉熙

淳祐 寶祐 開慶 景定 壽六十二

理宗諱昀，太祖十世孫，榮王希瓚之子，母曰全氏。寧宗崩，無嗣，史彌遠迎立之，帝之立也，在朝君子小人互為消長，治亂相半。時元滅金，滅西夏，威震海內，雖使撥亂反正之才，亦未決成敗。况中才之主，其能保邦於沒身，亦幸也。然始終崇尚周程張朱義理之學，

故得廟號理宗，亦賢矣哉。帝初名昀，賜名貴誠。史彌遠矯詔立為皇太子，更名昀。初詔立沂王嗣子貴

和為皇子，更名竑。先是帝不豫，史彌遠遣鄭清之往沂王府，告貴誠以將立之意。貴誠默不應。清之曰：丞相以清之從游久，故使布腹心。今不答一語，則清之將何以答丞相。貴誠始拱手徐言曰：紹興老母在，清之以告彌遠，益相與嘆其不凡。及帝崩，彌遠遣皇后

兄子谷后，以廢立事白后，后不可，曰：皇子竑先帝所立，豈敢擅變。谷等一夜七往返，后終不許。谷等乃拜泣曰：內外軍民皆已歸心，苟不立之，禍變必生，則楊

宋本紀

卷一 十七

氏無噍類矣。后默然良久，曰：其人安在。彌遠即於禁中遣快行宣昀，令之曰：今所宜是沂靖惠王府皇子，非萬歲巷皇子。苟誤，則汝皆處斬。皇子竑時聞帝崩，踰足以需宣召，久而不至，迺趨目墻壁間，見快行過其府而不入，疑焉。已而擁一人徑過天墀，不知為誰。甚惑之，昀入官見后，后拊其背曰：汝今為吾子矣。彌遠引昀至樞前，舉哀畢，然後召竑，竑聞命即赴至，則每過官門，禁衛拒其從者，彌遠亦引竑至樞前，舉哀



畢引出惟殿帥夏震守之遂召百官立班聽遺制則引竑就舊班竑愕然曰今日之事我豈當仍在此班震給之曰未宣制前當在此宣制后乃即位耳竑以為然已而遙見殿上燭影中已有人在御座則昀已即位矣宣制畢閣門宣贊呼百官拜賀竑不肯拜震捽其首下拜遂稱遺詔以竑為開府儀同三司進封濟陽郡王初竑鼓琴史彌遠買美人善鼓琴者納諸竑而厚撫其家使矚竑動息美人知書慧黠竑嬖之時楊皇后專國政彌遠用事久宰執侍從臺諫藩

宋本紀 卷一 十八

圖皆所引薦莫敢誰何權勢熏灼竑心不能平嘗書后及彌遠之事于紙上曰彌遠當決配八千里又嘗指宮壁輿地圖瓊崖曰吾他日得志置史彌遠於此又常呼彌遠為新恩以他日非新州則恩州也彌遠聞之大懼思以處竑而竑不知寶慶元年乃矯詔殺竑

慶宗 在位十年 咸淳 壽三十五  
度宗 諱祺太祖十一世孫榮王與芮之子理宗之姪也初封忠王未幾立為皇太子理宗崩遂登大寶時

晉似道專政權傾人主強敵在外喪師失地殆無慮日方且粉飾太平邀功各賞失將士心天怒人怨以至於亡先是吳潛為丞相帝欲立忠王榘為太子潛密奏忠王無陛下之福似道因陳建儲之策

恭宗 在位二年 德祐

恭宗名焜度宗次子也母曰金氏初封嘉定公度宗崩奉遺詔登大寶于樞前年四歲謝太后臨朝稱制及元兵入臨安執帝北狩降封為瀛國公殂于沙漠後人追諡曰恭

宋本紀 卷一 十九

端宗 在位二年 景炎 年十一

端宗名昀度宗長子初文天祥請以二王是爵鎮閩廣及元兵迫臨安乃徙封昀為益王判福州昀為廣王判泉州至是立昀以為宋主是為端宗元兵至建寧昀欲入泉州以招撫蒲壽庚作亂乃移潮州至井澳颶風壞舟昀幾溺死遂成疾殂

帝昀 在位二年 祥興

帝昀度宗之末子端宗之弟也初封廣王端宗崩陸秀夫議立之即位于厓州二年元兵攻崖山急陸秀

夫負昂投海中而宋亡矣後宮及諸臣從死者尸出于海至十餘萬楊太后聞昂死撫膺大哭曰昔我忍死間關至此者正為趙氏一塊肉耳今無望矣遂赴海死世傑葬之海濱而自溺

宋列傳卷之一

趙普

趙普字則平幽州薊人父迴徙洛陽普沈厚寡言周節度劉詞辟為從事詞卒遺表薦普世宗用兵淮上太祖拔滁州宰相范質奏普為軍事判官宣祖待以宗分太祖嘗與語奇之淮南平調補渭州軍事判官太祖頌同州節度辟為推官移鎮宋州表為掌書記陳橋推戴排闥入告及受禪以佐命功授右諫議大夫充樞密直學士歷拜樞密使檢校太保乾德二年范質等三相同日罷以普為門下侍郎平章事集賢殿大學士既拜相上視如左右手事無大小悉咨決焉太祖教微行過功臣家普每退朝不敢便衣冠一自大雪向夜普意帝不出久之聞扣門聲普亟出帝立風雪中普惶懼迎拜普妻行酒帝以嫂呼之因與普計下太原普計姑置太原以當西北二面俟削平諸國然後下之錢王俶遣使餽普海物十瓶皆瓜子金也上至命啟之嘆曰彼謂國家事皆由汝書生爾慮多遜屢攻其短普恩益替始詔叅知政事與宰相

更知印押班奏事，以分其權，未幾出爲河陽三城節度檢校太傅同平章事。太宗太平興國初，遷太子太保，奉朝請，數年鬱鬱不得志。會柴禹錫等告秦王陰謀，帝召問普，言願備樞軸，以察姦變。退，又上書自陳，願託事，帝慰諭之。俄拜司徒兼侍中，封梁國公，涪陵事敗，多遜南遷，皆普之力也。淳化三年春，凡三上表乞骸骨，拜太師，封魏國公。七月卒，年七十一。追封真定王，謚忠獻。二女皆笄，願爲尼，賜號智果智圓大師。初，太祖側微，普從之游，既有天下，屢以微時所不足者言之。太祖曰：「若塵埃中可識天子宰相，則人皆物色之矣。」普少習吏事，寡學術，及爲相，太祖常勸以讀書。晚年手不釋卷，每歸私第，讀書竟日。及次日臨政，處決如流。既卒，家人發篋視之，則論語二十篇也。嘗奏薦某人爲其官，太祖不用。三復奏之，太祖卒用其人。又有羣臣當遷官，太祖惡其人，不與。普堅請，竟得俞允。太宗入弭德超之讒，疑曹彬不軌，屬普再相，爲彬辨雪。太宗嘆曰：「朕聽斷不明，幾誤國事。」真宗詔配饗太祖廟庭。子承宗，承煦，宗知潭、鄆二州，皆有聲。

成州團練使弟安知易州事，遷宗正卿。

### 后守信

后守信，凌儀人。初隸周祖帳下，累功至殿前都指揮使。宋初，遷侍衛馬步軍副都指揮使。乾德初，帝與守信等飲酒，釋其兵權，皆以散官就第。卒年五十七。守信專務聚斂，積財鉅萬。尤信奉釋氏。子保興、保吉、保興字光裔，以蔭歷銀夏綏府都巡檢使。咸平中，知威虜軍，徙知邢州。改澶州，在郡頗峻刑罰。云子元孫、康定，初與夏人戰，敗被執，及元昊納款，縱元孫歸。諫官請斬塞下，得賈昌朝奏免。保吉字佑之，選尚太祖女，歷官保平軍節度。真宗幸澶淵，命與李繼隆分爲駕前東西面都排陣使。保吉姿貌瓌頤，頗有武幹。累世將相，多財好治生，尤驕倨。峻暴葉齊，查道皆知名士，嘗械以運糧云。

### 王審琦

王審琦，字仲寶，其先遼西人。初隸周祖帳下，宋初擢殿前都指揮使，領泰寧軍節度。開寶中，改鎮許州。後加同平章事。卒年五十。審琦重厚，有方畧，尤善騎射。

素不能飲，嘗侍宴太祖，酒酣，仰祝曰：「酒天之美，祗寧琦朕布衣交，方與朕共享富貴，何獨斬之？」祝畢，顧謂審琦曰：「天必賜卿酒量，試飲之，勿憚也。」審琦受詔，飲十杯無苦。自此侍宴常引滿，及歸，即不能飲。子承衍承衍，承衍之孫克臣，並知名。衍尚太祖女，授駙馬都尉，領恩州刺史。衍開寶中授開廐使，纔十二歲，累遷永州刺史。

韓重贇

韓重贇，武安人，少以武勇隸周祖麾下，累功遷至監鶴軍都指揮使。宋初擢為龍城左廂都校，時有諸重贇私取親兵為腹心者，太祖怒欲誅之，趙普諫出為彰德軍節度。太祖征太原，過其郡，命為北面都部署。銜枚夜發，遇契丹兵，大破其衆，獲馬數百匹，優詔褒美。卒贈侍中。重贇與張光翰、趙彥徽分領諸軍節度，嘉其翊戴功也。彥徽與太祖同事世宗，太祖兄寧之二人卒，皆贈侍中。重贇子崇訓，崇訓崇業，訓以蔭歷遼郡。累敗李繼遷，歷諸州鈐轄，業尚秦王，廷美女，授駙馬都尉。訓子允恭，禮賓副使，有謀畧，好學，能世其家。

羅彥瓌

羅彥瓌，太原人，父全德，晉州刺史。彥瓌聞漢祖建號太原，以馬歸漢，擢護聖指揮使。周歷遷散，指揮都虞候。太祖自陳橋還，宰相范質等至，未及言，彥瓌撻劍而前，質等降聽命。歷安國軍節度，與李繼勳大破契丹，又與田欽祚殺太原軍千餘人，禽其將，移鎮華州卒。

王彥昇

王彥昇，字光烈，後唐徙家洛陽，以驍勇得補東班承旨，晉轉內殿直。周以功累轉散員都指揮使。太祖為襄推戴，彥昇以所部先入京，遇韓通，逐至第殺之。為唐州刺史，歷原州防禦使。卒，彥昇殘忍多力，西人有犯漢法者，彥昇召僚屬飲宴，引所犯以手捍斷其耳，大嚼，卮酒下之，帝以其專殺韓通，終身不授節鉞。

慕容延釗

慕容延釗，太原人，少以勇幹隸周祖帳下。太祖即位，延釗方握重兵，屯真定，帝許以便宜從事。荆湘既平，加檢校太尉。卒年五十一，初延釗與太祖友善，及即

使每遣使勞問猶以兄呼之子德豐從子德琛並知名德豐字日新幼聰悟八歲補山南東道衙內指揮使太宗真宗時屢爲邊帥德豐輕財好施厚享將士在西邊毋留京師妻孥寓長安貧真宗憫之詔給園練使奉辛家無餘財談者善焉

符彥卿

符彥卿字冠侯宛丘人後唐宣武軍節度存審之子年十三能騎射事莊宗於太原周領禁兵屯澶淵漢祖入汴自徐州來朝改鎮兗州太祖卽位加守太師

宋

卷一

六

開寶中移鳳翔節度被病許就醫洛陽滿百日猶請其奉爲御史所劾罷節制卒年七十八彥卿將家子善用兵周世宗后及宋太宗后皆其女也子昭信在周由武階領賀州刺史卒次昭信昭壽曾孫惟忠

郭守文

郭守文太原人父暉漢護聖軍使從征河中戰死周時權守文至東第二班副都知事太祖太宗累遷西上閣門使雍熙二年詔率兵屯三交端拱初改南院使又爲北面行營都部署卒年五十五守文頗知書

每朝選習書百行死之日家無餘財士皆流涕帝聞而嗟嘆厚恤其家爲真宗聘其女焉子崇仁

崔翰

崔翰字仲文京兆人風姿偉秀太祖見而奇之隸麾下領端州刺史太宗卽位進本州團練使從征太原初劉繼元降上令翰往撫慰俘畧無得出城時秦王廷美以數十騎將冒禁出翰呵止之至是構於上明年出爲感德軍節度使卒年六十三

折德辰

折德辰世居雲中爲大族父從院自晉漢以來獨據唐州控扼西北仕周至靜難軍節度使周世宗建府州爲永安軍以德辰爲節度使宋初來朝遣歸乾德元年敗太原軍擒其將楊瑋卒贈侍中子御勳御卿御勳初權知府州事開寶中累官泰寧軍節度使卒贈侍中御卿繼知府州淳化五年拜永安軍節度使一日契丹擁萬餘衆入寇御卿帥兵大敗之於子河汝其大將韓德威僅以身免歲餘御卿被病德威謀知之復率衆來侵御卿力疾出戰會疾甚其母密遣

宋

卷一

七

人召歸御卿曰為白太夫人無念我忠孝豈兩全乎  
日卒年三十八贈侍中子惟正為洛苑使知州事惟  
正歸朝以弟惟昌繼之惟昌以功領富州刺史歷興  
州刺史卒以弟惟忠繼之惟忠初以兄惟信戰沒補  
西頭供奉官擢閤門祇候及惟昌卒以惟忠為六宅  
使知府州歷簡州團練使卒錄其弟姪子孫七人以  
其子繼宣嗣州事實元中坐苛虐指刻絀擢其弟右  
侍禁繼閤為西京作坊使嗣州爭歷果州團練使元

宋

卷一

八

嗣州事卒有子當襲州事請以授兄之子克柔詔從  
之而進其三子官錄二孫弟繼世以左驥驥使果州  
團練使卒以捍邊有績特詔給聘從子克行字遵道  
繼閤子也初與夏人戰葭蘆川先登斬級四百降戶  
千馬畜萬計諸老將嬰然曰真折太尉子擢知府州  
卒子可大為榮州團練使知府州從子可適未冠有  
勇馳射不習而能補殿侍從種謨出塞遇敵騎以少  
年易之可適索與閤斬其首取馬而還益知名章案  
合三道兵築好水川命總管王文振統之而可適將

軍為副熙州兵千人失道盡死案下可適吏哲宗從  
輕比削十三官而罷案請留以責效乃以權第十二  
將鬼名阿埋昧勒都逋皆夏人桀黠用事者詔可適  
密圖之會酋以畜牧為名會境上可適謀知夜襲之  
弁俘族屬三千人遂取天都山鍾傳行邊為敵所隔  
以輕騎拔歸進武安軍節度以疑謗召為祐神觀使  
明年復以為渭州命其子彥質直祕閣叅軍事未幾  
卒彥質紹興中僉書樞密院事

宋

卷一

九

曹彬

曹彬字國華真定靈壽人成德軍節度芸之子初為  
成德軍牙將周太祖貴妃張氏彬從母也彬因得隸  
世宗帳下初太祖與禁旅彬非公事未嘗造門羣居  
譙會亦罕預由是器重馬建隆二年遷客省使乾德  
初改左神武將軍俄兼樞密承旨二年冬伐蜀彬為  
都監蜀平王全斌等晝夜宴飲不恤軍士部下漁奪  
無已彬屢請旋師不聽俄而全雄師等繼起彬復厥  
之卒平蜀亂時諸將多取子女王帛彬橐中唯圖書  
衣衾而已七年將伐江南八年師進次秦淮江南水

軍六十餘萬陣於城下大敗之彬每冀煜歸服城垂克忽稱疾不視事諸將皆來問疾彬曰余疾非藥后所能愈惟諸公誠心自誓以克城之日不妄殺一人則自愈矣明日城陷煜與其臣百餘人詣降彬待以賓禮卒賴保全凱旋入見刺稱奉敕江南幹事回其不伐如此初太祖謂彬當以卿為使相副帥潘美以賀彬曰不然夫是行也仗天威遵廟謨乃能成事吾何功哉况使相極品乎美曰何謂也彬曰太原未平爾及獻俘上謂曰本授卿使相然劉繼元未下姑少待之美竊視彬微笑上詰所以美以實對上亦大笑乃賜錢二十萬退曰人生何必使相好官亦不過多得錢爾太宗即位加同平章事召議征太原太平興國三年進檢校太師從征太原加兼侍中八年為平德超所誣罷為天平軍節度使上尋悟進封魯國公待之愈厚雍熙三年詔彬與崔彥進米信田重進潘美分路北伐三月彬敗契丹于固安又破涿州戎人來援大破于城南四月又與米信破契丹于新城五月戰于岐溝關諸軍敗績彬等具伏遠詔失律之罪

真宗即位復檢校太師同平章事數月召拜樞密使咸平二年被疾上趣駕臨問問以後事對曰臣無事可言臣二子材器皆堪為將上問優劣對曰璨不如璵卒年六十九諡武惠七子璨璵皆大用璵娶秦王女至昭宣使理女為仁宗后璵字縉光以蔭入官常從彬征討與計議累官彰國保靜武寧忠武等軍節度使卒璨起貴冑以孝謹稱習知韻畧好讀左氏春秋善撫士卒輕財不逮其父仁敬和厚亦有父風璵字寶臣父彬在諸鎮皆以璵為牙內都虞候歷關門祗候沉勇有謀喜讀書通春秋三傳李繼遷叛兵數無功太宗謀帥於彬對曰臣少子璵可任即召見命同知渭州時年十九真宗即位改內殿崇班彬卒請持喪不許遷西上問門副使徒知鎮戎軍繼遷暴虐璵知其下多怨即移書諸部諭以朝廷恩信由是康奴等族請內附繼遷畧西蕃還璵邀擊于石門川伴獲甚眾繼遷死其子德明請命于朝既而數大族請拔帳自歸諸將猶豫不敢應璵曰德明野於不折其翻後必颺去即日將其士薄天都山愛降者德明



不敢拒時喃厮囉強盛立遵佐之使其舅賞樣冊吳  
厮敦謀內寇瑋陰結厮敦解寶帶予之厮敦感激自  
效取賞樣冊首獻南市地南市者秦渭之阨也瑋城  
之時瑋作塹抵授囉囉乃西藩要害也先是瑋遣小  
吏楊知進護賜物通其州可汗王還過宗哥界立遵  
邀知進語曰秦州大人直以兵入授囉囉來幸為我  
言願罷兵歲入貢約蕃漢為一家因使來獻馬自是  
喃厮囉勢蹙退保殯中不出歷拜宣徽北院使鎮國  
軍節度丁謂惡瑋不附已指為寇準黨乾興初請知

宋

卷一

十一

萊州謂敗擢至昭武軍節度使卒年五十八琮字實  
章累遷秦州防禦使生寇屢鈔遣琮懷以恩信多請  
內屬實元初南郊召入侍祠會元昊反拜同州觀察  
使上攻守禦三策琮欲誘吐蕃犄角圖賊帝善琮策  
拜步軍副都指揮使與夏竦屯鄜州卒贈安化軍節  
度使孫詩尚仁宗女

潘美

潘美字仲詢大名人周世宗尹開封美為中涓即位  
補供奉官太祖遇美素厚及受禪命美先往見執政

諭旨中外太祖慮陝帥袁彥繕兵甲將為變遣美監  
其軍以圖之美諭以臣節遂入朝開寶三年征嶺南  
以為行營諸軍都部署四年二月劉鋹窮蹙遣其臣  
請軍門求道好乞降美因諭以上意鋹第保興等復  
拒戰美倍道趨柵頭以火攻潰其衆揮兵急擊大敗  
之長驅至廣州擒鋹送京師七年議征江南二月遣  
美與劉遇等率兵先赴江陵十月命美為昇州道行  
營都監與曹彬偕往采石磯浮梁成吳人以戰艦二  
十餘鳴鼓汧流來趨利美麾兵奮擊奪其戰艦太平

宋

卷一

十一

興國中命將征太原美為北路都招討判太原行府  
事部分諸將進討并州遂平繼征范陽以美知幽州  
行府事雍熙三年詔美及曹彬崔彥進等北伐美獨  
拔寰朔雲應等州契丹兵掩至戰於陳家谷口不利  
驍將楊業死之美坐削秩責授檢校太保未幾改都  
部署判并州加同平章事卒年六十七子五人惟熙  
娶秦王女惟熙女為其宗后從子惟吉累資為天雄  
軍駐泊都監雖連戚里能以禮法自飭敗歷中外人  
咸稱勤敏云本超者信都人為禁卒常從潘美軍中



主刑刀美奸乘怒殺人超每潛緩之美怒解輒得釋以是全者甚衆人謂其有陰德子濬字德淵第進士咸平中屢上書言事未再歲擢樞密直學士王旦言濬雖有劇才然驟歷清切時望未允真宗曰朕業已許之矣累遷至右司郎中出知秦州卒濬與李宗諤同歲同月後一日生其卒也亦後一日衆以爲異

李處耘

李處耘上黨人父肇仕後唐至檢校司徒從征死於陣處耘晉末隨兄至京師世宗以處耘隸太祖帳下

宋

卷十

十四

陳橋推戴遽白太宗與王彥昇謀召馬仁瑀李漢超等定議始入白太祖授密省使兼樞密承旨從平澤潞討李重進爲行營兵馬都監賊平知楊州奏減居民屋稅民皆悅服拜南院使朔州軍亂詔慕容延釗率師討之以處耘爲都監初師至襄州衢肆鬻餅者倍取軍人之直處耘捕得其尤者二人斬之於延釗大不協謫淄州刺史卒年四十七處耘居常以功名爲已任及臨事專制不顧羣議遂至於敗後太祖頗念之爲太宗納其次女爲妃卽明德皇后也子繼隆

繼和繼隆字霸圖以父蔭入官乾德中年方弱冠平蜀選爲果閬監軍代還會征江南領雄武卒三百成邵州蠻賊數千截其道繼隆率衆力戰太平與國中改六宅使從征太原與潘美出征北邊改定州駐泊都監嘗與賊戰獲牛羊車帳甚衆李繼遷叛命與田仁朗王侁率兵擊之從曹彬征幽州下固安新城進克涿州矢中左股獲契丹貴臣一人俄而傳潛米信軍敗衆潰獨繼隆振旅而還旣而繼隆退保樂壽致全軍陷沒上怒追繼隆赴關令中書問狀旣而得釋

宋

卷十一

十五

逾年加領本州觀察使至道二年白守榮等送糧靈州爲繼遷所敗上聞之怒亟命繼隆爲靈環十州都部署五路討繼遷乃奏轉運使陳絳梁鼎軍儲不繼竝坐削秩真宗卽位改領鎮安軍節度真宗親征契丹繼隆表求扈從命爲駕前東西排陣使未幾卒年五十六繼和字周叔以蔭累遷洛苑使繼隆每令人奏機事繼隆罷兵柄手錄唐李勣遺戒授繼和曰吾門不墜者在爾矣初繼隆之請城鎮戎軍也朝廷不果行繼和面奏太宗乃許馬咸平中棄鎮戎繼和又

以爲言乃命版築以繼和知其軍城畢加領平州刺  
史兼涇原儀渭鈐幣時繼遷未弭命張齊賢梁顥經  
畧因訪繼和邊事和上言靈州孤壘戍守最苦望比  
他州尤加存恤五年繼和領兵殺衛埋族於天麻川  
自是隴山外諸族皆恐懼內附繼和因請移涇原部  
署於鎮戎以壯軍勢又請開道環延爲應援真宗以  
其精心戎事甚嘉之先是繼隆卒繼和繼以遺奏得  
官久之遷西上閤門使未幾擢殿前都虞候領端州  
防禦使卒

宋

卷一

十六

### 王全斌

王全斌太原人其父事唐莊宗爲尙嵐軍使私蓄勇  
士百餘人莊宗疑而召之懼不敢行全斌時年十二  
謂其父曰此蓋疑大人有他圖願以全斌爲質父從  
其計果獲全因以諫帳下及莊宗入洛累歷內職同  
光末國有內難兵入宮城近臣宿將皆棄甲遁去惟  
全斌與符彥卿等十數人居中拒職明宗卽位補禁  
軍列校歷事晉周屢將兵有功遷至相州留後宋初  
討李筠以功拜安國軍節度建隆四年與郭進等率

兵入太原進克樂平乾德二年冬文爲忠武軍節度  
卽日下詔伐蜀命全斌爲西川行營前軍都部署劉  
廷讓等副之分路而進十二月下興州遂至嘉陵蜀  
人斷閣道軍不能進全斌命崔彥進康延澤督沿閣  
道數日成遂進擊克利州趨劔門三年正月孟昶遣  
使奉表詣全斌降全斌等入成都旬餘廷讓等始自  
峽路至詔書頒賞諸軍無差降由是兩路兵相犄蜀  
人亦構主帥遂不協俄詔發蜀兵赴闕全斌等不奉  
命由是蜀軍思亂初屬巨衆號興國軍推蜀交州刺

宋

卷一

十七

史全師雄爲帥率衆攻綿州遂攻彭州自號興蜀太  
王彥進等討之敗績賊衆益盛聲言欲攻成都自是  
十七州並隨師雄爲亂未幾廷讓曹彬破師雄之衆  
於新繁全斌王仁贍又攻破之會有訴全斌彥進賊  
蜀日奪民家子女王帛不法事與諸將同時召還太  
祖不欲辱以敍吏但令中書問狀並具伏詔百官議  
當大辟詔特貸之責授坐降開寶末召全斌爲武寧  
軍節度謂之曰朕以江左未平故抑卿爲朕立法今  
巴克金陵還卿節鉞未幾卒年六十九子審鈞爲末

興駐泊都監擊賊死審鈞孫凱字勝之家京兆散施  
結客日馳獵南山下以踐蹂民田捕至府時寇準守  
長安見其狀貌奇之言全斌取蜀有勞而審鈞忠義  
當錄其孤遂以爲三班奉職累爲邊將卒年六十六  
孫誦字晉卿能詩善畫尚主官至留後

李崇矩

李崇矩字守則上黨人初隸周世宗帳下宋初改澤  
路南面行營前軍都監與諸將同殿李筠之衆於曠  
子谷崇矩以女妻宰相趙普子承宗帝不悅有鄭仲

宋

卷一

十八

者客崇矩門下險誠無行因上書誣告陰事太祖釋  
不問出爲鎮國軍節度太宗時出爲瓊崖儋萬四州  
都巡檢使時黎賊擾動崇矩悉抵其洞穴撫慰以已  
財遺酋長衆皆懷附卒年六十五崇矩初爲史弘肇  
所知署親吏弘肇被誅崇矩盡籍付其家財產信奉  
釋氏又喜黃白術子繼昌字世長初崇矩與太祖同  
府厚善太祖欲選尚公主崇矩謙讓不敢當繼昌亦  
自言不願崇矩亟爲繼昌聘婦太祖聞知頗不悅景  
德二年遼人請和令繼昌與其使姚東之偕詣遼部

尋擢爲西上閣門使出知涇州卒錄其子文晟文旦  
繼昌性謹厚鄭伸者早死其母貧餓嘗詣繼昌乞丐  
家人競前詎逐繼昌召見與白金百兩時人稱之子  
遵昂

康延澤

康延澤父福晉護國軍節度兼侍中延澤以蔭補供  
奉官遷內染院副使宋初從諸將平湖湘乾德中征  
蜀爲鳳州路馬軍都監孟昶降就命爲成都府都監  
會全師雄復亂徙晉州刺史全斌等得罪延澤亦坐

宋

卷一

十九

貶坐與諸姪爭家財失官居西洛卒兄延沼亦屢爲  
邊將

袁繼忠

袁繼忠并州人周時以父任補右班殿直太祖平澤  
潞討并汾悉預攻戰太宗卽位爲閣門祇候征太原  
先登契丹入代境擊走之以功遷通事舍人護高陽  
廟會契丹騎大至駐唐河北諸將欲堅壁待之繼忠  
不可曰我將身先士卒死於寇矣契丹兵大潰淳化  
初遷引進使卒年五十五子用成雍熙初登進士第

樊知古

樊知古字仲師父潛事李景令漢陽石埭二縣因家池州知古舉進士不第謀比歸乃漁釣采石江上乘小舟載絲繩以度江之廣狹開寶三年詰闕上書言江南可取狀太祖令送學士院試賜本科及第解褐舒州軍事推官七年召拜太子右贊善大夫王師征江表知古為鄉導下池州八年遂領州事金陵平拜侍御史授江南轉運使太宗累遷駕部郎中知古本名若水上問卿名出何書對曰周尚書右丞倪若水

卷一

二十一

置無狀上特宥之以本官知均州視事旬日憂悸卒

張鑑

張鑑字德明以蔭補供奉官鑑本將家能瞽學登進士第歷殿中侍御史太宗命曹彬等討幽州問羣臣方畧鑑上疏極言不可論者以鑑燕人沮議非忠也帝置不問王繼恩討蜀寇御軍無政其下恃功暴橫帝以知益州張詠奏命鑑與馮守規偕往安撫鑑與詠議督繼恩軍分捕殘寇而鑑等招輯反側事平拜左諫議大夫真宗即位遷至工部侍郎出知廣州使知相州有芝草生監牧之室鑑表其祥異以為河朔弭兵款附之兆云

卷一

二十一

張觀

張觀字仲賓毘陵人江南登進士第歸宋舉進士不第由縣簿歷監察御史克桂陽監使獻所業文賜進士及第會三司言劾外賦輕太宗命觀按行稍增之觀疏言欽怨於民留不遣其後復疏言朝廷急務有六上稱善召賜緋魚以為度支判官歲餘遷左司諫改塩鐵判官又諫罷泊佛寺不報出為諸路茶塩制

置副使既言更茶鹽之制非便不合旨改知黃州召  
為三司河東道判官有詔計司官屬不得越局言他  
事觀自以任諫官乃上書指陳拾遺補闕之職不奉  
詔上怒出知道州移廣南西路轉運使坐奏事不實  
被劾獄未具卒

宋

卷一

二十一

宋列傳卷之二

曹翰

曹翰大名人士少為郡小吏周祖以隸世宗帳下宋初  
累功遷蔡州團練使開寶二年從征太原復為行營  
都壕若使河決澶州翰出銀器助役沉所乘白馬以  
祭征江南改行營先鋒使江州拒命屠城無噍類所  
畧金帛以億萬計僞言欲致廬山東林寺鐵羅漢像  
五百頭於京師因調巨艦百艘載所得以歸錄功遷  
桂州觀察使判穎州太平興國中從征太原幽州卒

宋

卷二

乙

掘土得解翰謂諸將曰解水物而陸居失所也且多  
足彼援將至况解者解也其班師乎已而果驗從幸  
大名拜威塞軍節度仍判穎州復命為幽州行營都  
部署詔督開南河以通漕在郡歲久征歛苛酷以汝  
陰令孫崇望訴下詔獄上貸其死削爵流登州後起  
至左千牛衛將軍卒年六十九贈太尉優遷其四子  
官六子皆補殿直真宗賜謚武毅翰卒未三十年子  
孫流丐海上蓋陰禍云

党進

党進馬邑人周時自軍伍累遷宋初遷至彰信軍節度開寶中征太原將行營前軍太宗時出爲忠武軍節度在鎮歲餘一日自外歸有大蛇臥榻上寢衣中進怒烹食之遇疾卒年五十一進少給事魏帥杜重威子孫有貧困者進分俸給之士大夫或有愧焉

田重進

田重進幽州人初爲辛諫太祖麾下及受禪積功至瀋州刺史太宗錄太原功擢天德軍節度使雍熙中比征重進率兵傳飛狐城下掄契丹驍將大鵬翼後

宋 卷二

歷末興軍節度卒年六十九重進不事學太宗居藩邸時愛其忠勇嘗遺以酒炙不受曰爲我謝晉王我知有天子爾

侯延廣

侯延廣平遙人父仁矩宋初歷祁雄二州刺史治軍有方畧延廣初在襁褓中遭王景崇之難乳母劉氏以已子代死行丐抱持至京師仁矩在雄州日方飲宴虜數十騎白晝入州城延廣引數騎馳出射殺酋長斬禽其餘黨仁矩喜拊其背曰與吾門者必汝也

仁矩卒補西頭供奉官累遷充同鄜坊延冊緣邊都

巡檢使叛卒劉渥嘯聚亡命寇富平縣其勢甚盛延廣率兵追之渥素憚延廣傳言侯公家世富貴奈何與亡卒爭一旦之命於鋒鏑之下延廣怒因擊之挺身與渥鬪大樹下斷渥右臂大破其衆渥素號驍勇無敵至是爲延廣所殺羣盜喪氣餘黨稍稍自歸關

右以定拜崇儀使淳化二年知靈州既而爲延州鈐轄會節帥田重進老耄以延廣同知州事兼緣邊都

巡檢使李繼遷素避其鋒爲監軍康贊元所譏遣召

宋 卷二

遷至道間繼遷寇靈州朝廷謀帥錢若水稱延廣可使就拜寧州團練使知靈州未幾卒

李漢瓊

李漢瓊洛陽人晉由衛士爲內殿直周歷左射指揮使宋初累遷侍衛馬軍都虞候太平興國中出爲彰德軍節度親征太原攻城都部署漢瓊先登矢集其腦併拑猶力疾戰太原平改鎮州兵馬鈐轄契丹數萬騎寇中山漢瓊大敗之俘斬萬計以病還京卒年五十五漢瓊木強使酒難近然善戰有功無子

李繼勳

李繼勳大名人周初補禁軍列校宋初以為昭義軍節度乾德二年詔同諸將率兵攻遼州太原將郝貴超領兵來援大敗之太宗即位加兼侍中以疾請老致仕尋卒弟繼偃亦有武勇歷龍衛右廂都指揮使

李漢超

李漢超雲中人周殿前都虞候宋累遷關南兵馬都監關南人有訟漢超者太祖召問而遣之因密諭漢超在郡十七年吏民愛之詣闕求立碑頌德太祖詔

卷二

四

徐鉉撰文賜之既與馬仁瑀交惡太祖賜金帛令和解焉太宗遷應州觀察使判齊州仍為關南巡檢率軍中皆流涕子守恩少驍果善戰有父風知靈州與轉運使陳綿部芻糧過瀚海為賊所邀與其弟守忠及子象之望之皆沒真宗震悼特贈洪州觀察使

李謙溥

李謙溥字德明并州人仕晉漢周以戰功遷至澶州巡檢使卅州刺史乾德元年移慈州開寶元年以謙溥為汾州路都監謙溥在州十年敵人不敢犯境有

招收將劉進者勇力絕人謙溥撫之厚藉其死力并

人患之為嘯丸書以間進佯遺書道中晉帥趙贊得

之以問太祖令械進送闕下謙溥即上言進為并人

所惡此乃反間也帝悟遽令釋之八年以疾求歸京

師卒年六十二謙溥與宣祖同里閭弟謙昇與太祖

為布衣交其母鬪嘗厚待太祖及即位數迎入宮中

命坐飲食語及舊故賜賚優厚雍熙中太宗為許王

納謙昇女為夫人以謙昇為如京副使二子允則允

正正以蔭初歷閣門通事舍人女弟適許王因質其

卷二

五

居第太宗謂曰爾父守邊二十餘年止有此第即遣

內侍鞶錢為贖

董遵誨

董遵誨范陽人父宗本為漢隨州刺史遵誨署隨州

牙校周錄其前後功遷至驍武指揮使太祖徵時客

遊至漢東依宗本遵誨憑藉父勢太祖每避之遵誨

嘗謂太祖曰每見城上紫雲如蓋又夢遇黑蛇長百

尺餘俄化龍東北去雷電隨之是何祥也太祖皆不

對他日論兵戰事遵誨理多屈拂衣而起太祖乃解

去自是紫雲漸散及卽位召見遵誨伏地請死因諭之曰卿尚記往日紫雲及化龍之夢乎遵誨再拜呼萬歲俄而部下訴其不法太祖釋不問召諭之曰朕方赦過賞功豈念舊惡耶遵誨毋在幽州太祖令人賂邊民竊迎其母遂與遵誨遵誨遣外弟劉綜貢馬以謝太祖解所服真珠盤龍衣命齋賜之綜曰遵誨人臣豈敢當此太祖曰吾方委以方面不此嫌也既而命從慕容延釗討李筠遷馬軍都軍頭開寶元年以西夏近邊授通遠軍使恩威並行夷落以定就拜

宋

卷十一

七

羅州刺史太宗卽位兼領靈州路巡檢卒年五十六

馬仁瑀

馬仁瑀大名人十餘歲時鄉校習孝經旬餘不識一字博士笞之仁瑀夜中獨往焚學堂博士僅以身免常集里中羣兒數十人與之戲爲行陣之狀自稱將軍及長善射挽弓二百斤太祖受禪以佐命功授散員都指揮使勅詔仁瑀等領荆湖諸郡不數歲復其地征蜀又詔領川峽諸郡遂平之先是薛正知貢舉仁瑀私囑所舉者榜出無其人聞喜宴日仁瑀酒

酣搗所囑者詰居正切責之爲御史中丞劉溫叟劾帝優容之王繼勳以后族驕恣凌蔑將帥人皆引避獨仁瑀詞氣不相下會帝將講武郊外遂欲相圖各勒所部兵私市白挺帝密知之詔罷講武出仁瑀爲密州防禦使羣盜起兗州賊首周弼甚勇悍詔仁瑀掩擊擒弼盡獲其黨開寶四年遷瀛州防禦使凡子嘗因醉誤殺平民民家自言非有宿憾願以過失殺傷論仁瑀曰我爲長吏而兄子殺人此怙勢爾非過失也遂論如律太宗遷至朔州觀察使判瀛州事

宋

卷二

卒年五十

何繼筠

何繼筠字化龍河南人父福進周節度使繼筠歷棣州刺史宋初升棣州爲團練以繼筠克使開寶元年命將征太原以繼筠爲先鋒部署擒其二將以獻二年親征晉陽契丹來援召繼筠至行在授以方畧謂之曰翌日亭午俟卿來奏捷也至期帝御北臺以俟見一騎自北來亟遣遼問之乃繼筠子承膚獻捷三年來朝詔賜鞍馬戎仗令戍邊明年卒年五十一子



承矩字正則幼為棟州衙內指揮使事太祖太宗以平寇功自開廐副使遷為使時契丹撓邊承矩疏請順安砦西貯水為屯田乃以承矩董其役既成民賴其利至道元年契丹夜襲城下承矩整兵出拒擒其酋所謂鐵林相公者契丹遁去太宗立復遣知雄州咸平二年契丹南侵屢密詔問計景德初入朝進領英州團練使真宗謂宰相曰承矩讀書好名以才能自許宜擇善地處之乃出知澶州時置綠邊安撫使命承矩為之且詔邊民誘其復業承矩曰契丹聞之

宋

卷十一

八

必謂誘其部屬也乃易詔文為水旱流民之意樞密以為擅請罪承矩帝釋不問承矩善推步自知冥數乃以老疾求僻郡授齊州團練使至郡七日辛年六十一特贈相州觀察使錄其四子邊民間其卒相率請雄州發哀飯僧云

王繼勳

王繼勳陝州人隸河中府為牙校李守貞之叛繼勳出降補供奉官周歷憲麟石磁四州刺史宋初歷道州刺史州境接廣南劉鋹屢引兵入寇繼勳因上言

嶺表可圖狀及王師南伐以為賀州行營馬步軍都監繼勳有武勇在陣常用鐵鞭鐵槊鐵槌軍中目為王三鐵

侯贊

侯贊太原人漢以父義蔭補官周為供奉宋初為諸衛將軍先是朝廷歲仰給關中穀麥贊當其事後知建安軍揚徐二州皆有善政太宗累遷右衛大將軍知靈州在朔方凡十餘年求可代者難其人卒于官

翟守素

翟守素任城人以父溥為殿直歷漢周遷供奉官乾德中為引進副使從王全斌伐蜀太宗即位遷客省使領憲州刺史錢俶獻浙右地詔守素為兵馬都監安撫諸郡人心甚悅即以知杭州淳化中徙石州以老病上疏求歸本郡從之卒年七十一

劉福

劉福下邳人初隸周世宗麾下宋初遷橫海指揮使以與田紹斌夾擊蜀賊功授虎捷都虞候繼隸曹彬麾下平江南從太宗克并汾累遷涼州觀察使判雄

州事卒年六十四

安守忠

安守忠字信臣晉陽人父審琦為周節度使封陳王守忠歷衛州刺史宋初歷漢州刺史開寶初改濮州淳化中徙知雄州方與僚佐宴飲有軍校謀變擐甲及闕者倉卒入白守忠言笑自若徐顧坐客曰此輩酒狂爾擒之可也人服其量知宋州兼制置營田使威德兼著吏民不忍其去卒年六十九初審琦以愛妾故為隸人所戕守忠終身不畜妓妾喜佞佛云

宋

卷二

十一

尹繼倫

尹繼倫浚儀人父勳鄂州防禦使嘗內舉繼倫可用太祖以補殿直權領虎捷指揮太宗再遷洛苑使契丹潛謀入寇上聞遣李繼隆發鎮定兵萬餘護送輜重契丹將耶律休哥謀知之率精銳邀于路繼倫適與寇值諭其衆人持短兵從後急擊殺其將皮室皮室者契丹相也平居相戒則曰當避黑面大王以繼倫面黑也至道二年分兵五道討李繼遷時繼倫已被病強起受詔至慶州卒年五十

田仁朗

田仁朗大名人父武仕晉昭義軍節度使仁朗以父任西頭供奉官太祖卽位累功遷至左藏庫使為中官所讒太祖怒立召詰之太祖怒釋止停其職後起為樞易使西北邊內侵又遷知慶州仁朗大破之太宗時為西上閤門使歷判四方館事李繼遷攻麟州命與閤門使王侁等發邊兵數千擊之仁朗部署已定欲示閒暇日縱樗博不恤軍事召赴闕下御史按問獄具當死上特貸之責授商州團練副使未幾拜

宋

卷二

十一

右神武軍大將軍時河北用兵以仁朗知定州節度副使事俄召赴闕未聞命卒年六十

王昭遠

王昭遠冀州人父繼升事晉邸繼升名之鐵山亦事晉邸太宗卽位補禁衛數遷常從征太原及范陽有功活王之遷房陵也諸校以依附被讒獨昭遠無所預應殿前都虞候為公署掘地得鐵若山形或言卽鐵山故管又與幼名同真宗遷至保靜軍節度使卒

宋列傳卷之三

范質

范質字文素大名宗城人九歲能屬文十三治尚書教授生徒後唐第進士歷封丘令晉天福中以文干宰相桑維翰器之即奏為監察御史累遷翰林學士知制誥漢加中書舍人戶部侍郎周祖起兵向闕質匿民間物色得之令草太后誥及議迎湘陰公儀注質倉皇論撰稱旨乃白太后以質為兵部侍郎樞密副使廣順初累進左僕射兼門下侍郎平章事監修

宋

宋主

乙

國史又加司徒弘文館大學士顯德中世宗命詳定律條是為刑統從質議也世宗北征還以魏仁浦為相命質與王溥並參知樞密院事及不豫入受顧命恭帝嗣位加開府儀同三司封蕭國公太祖自陳橋遂府署質率溥仁浦謁見降階受命既即位加質兼侍中罷參知樞密質上奏為宰相者當舉賢能以輔佐天子呂餘慶趙普精通治道乞授台司帝嘉納之進封魯國公明年罷為太子太傅卒年五十四遺戒勿請謚勿刻墓碑贈中書令質力學強記舉進士時

和疑典貢部覽其文重之自以登第名在十三亦處

以是數貢闈中謂之傳衣鉢其後質位皆與疑同云

質既登朝猶手不釋卷人或勞之質曰相者謂我異

日位宰輔誠如其言不學何術以處之質性廉介祿

賜多給孤貧闈門之中食不異味身沒家無餘貲太

祖謂侍臣曰范質止有居第不事生產真宰相也太

宗亦曰宰輔中能循規矩慎名器持廉潔無出質右

者但欠世宗一死為可惜耳子旻字貴參以父任累

遷著作佐郎宋初為度支員外郎歷知兗州會南漢

宋

宋主

工

來攻旻屢出戰矢集於胸猶激厲將卒堅壁固守救

兵至圍解太平興國初召為水部郎中錢俶獻地以

為考功郎中權知兩浙諸州軍事坐受人請求擅市

竹木貶房州司戶量移唐州卒

魏仁浦

魏仁浦字道濟衛州汲人晉末隸樞密院為小史漢

祖起迎謁道左即補舊職從周祖鎮鄴及即位以仁

浦為樞密副承旨宋太祖自陳橋回范質率仁浦就

太祖第謁見軍校羅彥瓌舉刃擬之質等咸降階受

命進位右僕射乾德初罷守本官未幾卒年五十九  
三子一名咸信尚太祖女歷拜彰德軍節度主生子  
召亮累遷四方館使

薛居正

薛居正字子平茂儀人登進士第歷仕晉漢周至刑  
部侍郎宋初遷戶部侍郎建隆三年為樞密直學士  
權知貢舉知朗州會亡卒聚山澤為盜監軍使疑城  
中僧千餘人皆其黨議欲盡捕誅之居正以計緩其  
事擒賊帥汪端詰之僧皆不預乾德初加兵部侍郎

宋

家王

三

車駕將親征太原大發民餽運時河南府畿逃亡者  
四萬家上憂之命居正馳傳招集決旬間民盡復業  
以本官參知政事開寶六年拜平章事太宗進司空  
因服丹砂遇毒方奏事覺疾作卒年七十居正好讀  
書為文落筆不能自休子惟吉集為三十卷上之

沈倫

沈倫字順儀太康人舊名義倫避太宗諱止名倫周  
顯德初太祖嘗募府及受禪自宋州觀察推官召為  
戶部郎中使具越歸奏便宜十數事王師伐蜀用為

隨軍水陸轉運使倫獨居佛寺飯蔬食東歸篋中圖  
書數卷而已開寶二年丁母憂起復視事六年拜中  
書侍郎平章事太宗加右僕射兼門下侍郎盧多遜  
事敗以倫與同列不能覺察降工部尚書復授左僕  
射致仕卒年七十九倫微時娶閩氏無子妾田氏生  
繼宗以蔭歷淮南轉運使

盧多遜

盧多遜河內人父億歷事晉漢周後為河南令宋初  
遷少尹億性恬退聞其子多遜知制誥即上章求解

宋

家王

四

乾德二年以少府監致仕多遜顯德初舉進士開寶  
四年為翰林學士六年使江南還因言江南衰弱可  
圖狀受詔同修五代史遷中書舍人參知政事丁外  
艱數日起復太平興國初拜中書侍郎平章事四年  
從平太原還加兵部尚書與趙普不協多攻普短會  
有以多遜交通秦王事聞太宗怒責授守兵部尚書  
明日以多遜屬吏卒於流所年五十二

竇儀

竇儀字可象漁陽人曾祖遜玉田令祖思恭媯州司

馬父禹鈞與兄禹錫皆以詞學名禹鈞唐天佑末起家幽州掾至周爲太常少卿右諫議大夫儀晉天福中第進士歷仕漢周至兵部侍郎宋初遷工部尚書兼判大理寺奉詔重定刑統爲三十卷會翰林學士王著以酒失貶太祖謂宰相曰深巖之地當得宿儒處之范質等對曰竇儀清介重厚然已自翰林遷處明矣太祖曰非斯人不可處禁中即日再入翰林爲學士乾德中加禮部尚書卒年五十三弟儼侃偁偕相繼登科馮道嘗贈禹鈞詩曰靈椿一株老丹桂五枝芳時號竇氏五龍子諍諫語俱登進士第儼字望之晉天福六年進士爲左拾遺漢爲史館修撰周廣順初遷右補闕顯德元年加集賢殿學士判院事宋初就轉禮部侍郎代儀知貢舉當是時祀事樂章宗廟謚號多儼撰定卒年四十二儼善步星曆盧多遜楊徽之同任諫官儼嘗謂之曰丁卯歲五星聚奎自此天下太平二拾遺見之儼不與也又曰儼昆弟皆登進士第然無及輔相者惟偁稍近之亦不久居其位卒如其言偁字日章漢乾祐二年進士周爲絳州

防禦判官宋歷右補闕知宋州嘗作遂命賦以自悼太宗尹京選偁判官時賈琰爲推官偁不樂其爲人太宗累遷參知政事上謂偁曰汝何能臻此偁曰陛下不忘舊臣上曰非也卿能以公正責賈琰朕旌直臣爾未幾卒年五十八

呂餘慶

呂餘慶幽州人本名胤犯太祖偏諱因以字行父琦晉兵部侍郎餘慶以蔭至忠武軍節度推官歷漢周太祖初召拜給事中蜀平命知成都府開寶六年與

宋

卷三

六

宰相更知政事印旋以疾上表求解機務拜尚書左丞卒年五十餘慶重厚簡易太祖受禪趙普李處耘皆先進用餘慶恬不爲意未幾處耘黜守淄州太祖委曲問處耘事餘慶以理辨釋趙普忤旨左右爭傾普餘慶獨辨明之時稱其長者弟端

李穆

李穆字孟雍陽武人幼能屬文有至行行路得遺物必訪主歸之從王昭素受易及莊老書盡究其義周顯德初第進士遷右拾遺宋初以殿中侍御史選爲

洋州通判開寶五年以太子中允召明年拜左拾遺知制誥太平興國中累遷中書舍人以與多遜款狎又為秦王廷美草辭朝笏記為言者所劾責授司封員外郎八年復中書舍人擢左諫議大夫叅知政事明年正月晨起將朝暴卒年五十七子惟簡以父任將作監丞多材藝性冲澹真宗素聞其履行詔官惟簡子郊後召惟簡入對特拜太子中允致仕卒

扈蒙

扈蒙字日用幽州人晉第進士歷仕漢周至知制誥

宋

卷三

七

蒙從弟載為翰林學士宋初蒙由中書舍人遷翰林學士坐請託貶秩數年復知制誥為盧多遜所惡出知江陵府太宗即位召復翰林學士久之被疾以工部尚書致仕卒年七十二自張昭寶儀卒典章儀注多蒙所定載字仲熙

王祐

王祐字景叔大名莘人祖言仕唐黎陽令父徹第後唐進士至左拾遺祐少篤志詞學仕周歷魏縣南樂二令太祖受禪累遷知制誥符彥卿鎮一名頗不治

太祖以祐代之俾察彥卿祐以百口明彥卿無罪世謂祐有陰德召還攝判吏部銓盧多遜素惡祐遂出祐為鎮國行軍司馬太宗累遷至兵部侍郎卒年六十四子懿旦旭懿第進士嘗知袁州有政績且自有傳旭以蔭補太祝嘗知緱氏鄰邑縣官多貪猥民有求寧三鏗緱氏一鏗之語懿子瞻旭子質皆知名質字子野以蔭登仕獻文召試賜進士及第累遷判尚書刑部吏部南曹知蔡州州人歲時祀吳元濟廟質曰安有逾醜而廟食于民者毀之為更立狄仁傑李

宋

卷三

八

德像祠之累擢天章閣待制出知陝州卒質簡素如寒士初且為中書舍人家貧與昆弟貸人息錢違期償以所乘馬質閱書得故券召子弟示之曰此吾家素風爾曹當毋忘也范仲淹貶饒州治朋黨方急或謂質載酒往餞質曰范公賢者得為之黨幸矣

劉溫叟

劉溫叟字永齡洛陽人父岳後唐太常卿溫叟七歲能屬文周歷工部侍郎兼判國子祭酒事宋初改刑部未幾拜御史中丞後又兼判吏部銓任臺丞十二

年屢求代太祖難其人不久開寶四年被疾太祖知其貧就賜器幣數月辛年六十三溫叟性重厚方正事繼母以孝聞五代以來言執禮者惟溫叟焉立朝有德望精賞鑒門生中尤器楊徽之趙鄰幾後皆爲名士史館修撰范杲幼時以文贊大加稱獎以女妻之太宗在晉邸聞其清介遣吏遺錢五百千納貯廳西舍中明年重午又送角黍執扇視西舍封識宛然太宗曰我錢尚不用况他人乎雍熙初子炤罷徐州觀察推官待選以貧詣登聞求注官及引對太宗問

宋

卷三

九

誰氏子炤以溫叟對太宗愀然召宰相語其事且曰其父有清操儼子登朝庶足示勸擢太子右贊善大夫炳燁並進士及第燁字耀卿仕州縣積官秘書省著作佐郎天禧元年真宗謂宰相曰諫官御史當識朝廷大體於是燁爲右正言會歲饑河決大興力殺饑殍相望燁請策免宰相以應天變累遷龍圖閣直學士知河南府徙河中府卒初王曙坐寇準貶在朝無敢往見者燁獨往餞經宿而還雅善處士李濱死爲陳其高行得贈典唐末五代亂衣冠舊族多離

去鄉里惟劉氏自十二代祖比齊中書侍郎環倚以下任者相繼世牒具存焉子几字伯壽以燁任爲將作監主簿第進士辟通判邠州復以薦爲嘉州團練使爲太原涇原路總管改鄜州召判三班院英宗以爲秦鳳總管神宗卽位轉四方館使知保州治狀爲河北第一踰六年卽請老還爲秘書監致仕元豐三年詔詣太常定雅樂几得謝二十年放曠嵩少間遇唐末異人靖長官者得養生訣故益老不衰間與人語邊事卒年八十一几篤于風義推父遺恩官從兄

宋

卷三

十

已得任乎必先兄弟子之孤者

楊業

楊業太原人父信爲漢麟州刺史業弱冠事劉崇以驍勇聞遷至建雄軍節度使屢立戰功國人號爲無敵太宗征太原孤壘甚危業勸其主繼元降以保生聚帝召見業大喜以爲右領軍衛大將軍師還授鄜州刺史雍熙三年大兵北征以潘美爲都部署命美副之而以刺史王侁團練副使劉文裕護其軍諸軍連拔雲應寨朔四州會曹彬之師不利諸路班師美



等歸代州未幾詔遷西州之民於內地令美等以所部之兵護之時契丹國母蕭氏與其大臣耶律頌舉十餘萬復陷寰州業謂美等曰今敵兵益盛不可與戰仇沮其議曰君侯素號無敵得非有他志乎業曰時有未利徒令殺傷士卒而功不立今若責業以不死當為諸君先將行指陳家谷口曰諸君於此為左右翼俟轉戰至此即夾擊不然無遺類矣美即與仇領麾下兵陣於谷口仇欲爭其功領兵離谷口美不能制業敗却走力戰至谷口望見無人拊膺大慟再

宋

卷三

十一

為姦帝戒之斥正還營卒年五十七延昭智勇善戰在邊防二十餘年契丹憚之目為楊六郎及卒河朔之人多望柩而泣帝嗟悼錄其三子文廣最顯文廣字仲容累遷興州防禦使築築城文廣聲言城噴珠率眾急趣筆架遲明敵騎大至文廣遣將襲之斬獲甚眾詔書褒諭賜襲衣帶馬遷部軍都虞候卒

郭進

宋

卷三

十二

郭進博野人少貧賤為傭保嗜酒蒲博其家少年患之欲圖殺進婦竺氏陰知其謀進遂走晉陽依漢祖

率帳下士力戰身被數十創士卒殆盡業猶手刃數百人馬重傷不能進遂為契丹所擒其子延王亦沒馬業太息為姦臣所迫不食三日死帝痛惜下詔贈太尉大同軍節度潘美降三官王侁劉文裕除名業既沒朝廷錄其子延朗延浦延訓延瓌延貴延彬延昭本名延朗太平興國中補供奉官咸平二年以功拜莫州刺史是冬契丹南侵延昭伏銳兵於羊山西北掩擊獲其將景德中累遷高陽關副都部署延昭不達吏事常遣小校周正治訴牒頗為所罔因緣

累遷乾坊二州刺史周廣順初遷登州顯德初移衛州亡命者出沒棰剝設計發獲剪滅無餘郡民又請立碑記其事改洺州團練使進嘗於城四面植柳壕中種荷芡蒲葦後益繁茂郡民見之有垂涕者曰此郭公所種也建隆初遷本州防禦使嘗與曹彬王金斌入太原境獲數千人開寶中親征河東為行營前軍馬軍都指揮使太平興國初領雲州觀察使判邢州防北邊弁人喪氣時田欽祚護軍恣為姦利進性剛烈戰功高欽祚以他事侵之心不能甘自經死年



五十八欽祚以暴卒聞後頗聞其事罷欽祚

馬知節

馬知節字子元幽州薊人父全義李守真鎮河中召置帳下守真叛周祖討之全義每率死士夜攻周祖壘城陷變姓名亡命往澶淵事周世宗從入朝宋初從征李筠太宗時知節以蔭補供奉官賜今名年十八監彭州兵衆憚之如老將李順之報詔與劉繼恩同討賊知節力戰賊遂潰去帝嘆曰賊衆我寡知節不易當也授益州幹轄會韓景祐帳下劉肝腸牙兵

宋

卷三

十三

爲亂知節領兵追擊殺之無噍類咸平初領登州刺史知秦州車駕在澶淵王超擁兵數十萬屯真定退避不進知節遺書謂讓之超始出兵景德中徙知定州未幾擢至僉書樞密院事是時大臣方言符瑞而知節每不然之歷知天雄軍後知貝州兼部署將行真宗閱其癯瘁命歸鎮未幾卒年六十五

雷有終

雷有終字道成同州人德驥之次子也德驥第周廣願間進士宋初歷屯田員外郎判大理寺與宰相趙

普有隙得罪削籍徙靈武其長子有鄰擊登聞鼓訴

中書不法事普由是出鎮河陽召德驥爲秘書丞太宗朝歷遷同知考課未幾普再入相上疏乞歸以本官奉朝請帝終保全之淳化二年爲其婿如京副使衛濯訟有鄰子孝先內亂責授感德軍行軍司馬漸積成疾三年卒有終以蔭補漢州司戶參軍署萊蕪尉知監劉祺頗易其年少有終發祺姦賊坐流海島以有終代之李順之亂主師西征命與裴莊爲轉運使副知兵馬事調發規畫皆有節制拜右隸職大夫

宋

卷三

十四

知益州真宗加工部侍郎咸平三年益州秦神衛戍卒以正月朔日竊發害兵馬幹轄符昭壽擁都虞侯王均爲亂遂知州牛冕遂拜有終瀘州觀察使知益州二月再攻益州楊懷忠與轉運使陳緝三路分兵抗之有終等至賊出攻砦有終擊走之有終遣其子奉禮郎孝若馳奏孝若因言常習武藝願改秩以効卽補供奉官有終與后普屯于城北分遣將校攻城三面賊出戰屢敗賊既平有終加保信軍節度是役也懷忠之功居最契丹入寇上幸澶淵受詔率所部

由上門抵鎮州與大兵會有終赴援威聲甚振契丹  
脩好命還屯所就判并州拜檢校太保卒年五十九  
孝先舉進士以衛澤訟除籍隨有終討王均有功改  
將作監丞李繼遷陷靈州軍費多出於民孝先請募  
商人粟償以茶鹽召對稱旨最後至昭州刺史卒子  
簡夫隱居不仕樞密使杜衍薦召累遷職方員外郎  
卒簡夫起隱者出入乘牛冠鐵冠而每以口舌押闔  
公卿既仕自奉稍驕侈里閭指笑之曰牛及鉄冠安

在

宋

卷三

十五

宋列傳卷之四

宋琪

宋琪字叔寶幽州薊人少好學習祖割燕地奉契丹  
契丹歲開貢部琪舉進士中第署壽安王侍讀乾德  
中太祖召拜左補闕開封府推官太宗爲尹初甚禮  
遇琪與宰相趙普樞密使李崇矩善出入門下遂惡  
之乃白太祖出琪太宗卽位召赴闕時程羽賈琰皆  
自府邸攀附致顯要頗抑琪數年方授太子洗馬召  
見詰責琪拜謝請悔過自新遷太常丞復以藩邸舊

宋

卷四

一

樞密判三司勾院坐與王仁贍廷辨忤旨責授兵部  
員外郎俄通判開封府事京府置通判自琪始趙普  
出鎮河陽琪遂與李昉同拜平章會宣徽使柴禹錫  
爲琪請廬多遜舊第上不悅因以其素好詆譖無大  
臣體罷守本官端拱初親耕籍田進吏部尚書淳化  
二年詔百官轉對琪首應詔建明堂辟雍之議琪又  
上書言邊事上密寫其奏令繼隆擇利而行至道二  
年春拜右僕射優給月俸是秋被病令其子貽序乘  
輦授辭作多幸老民叙卒年八十謚惠安

李昉

李昉字明遠饒陽人父超晉集賢殿直學士從大父右贊善大夫洛無子以昉為後宋初歷中書舍人直學士院昉知貢舉其鄉人武濟川預選既而奏對失次昉坐左遷後復拜中書舍人翰林學士判吏部銓盧多遜數言趙普之短太祖以訪昉對曰臣職司書詔普之所為非臣所知太宗即位遷至工部尚書兼承旨又改文明殿學士遂參知政事趙普出鎮昉與宋琪俱拜平章事淳化二年復以本官兼中書侍郎

宋

卷四

二

平章事監修國史四年罷為右僕射明年昉年七十以特進司空致仕朝會宴饗令綴宰相班至道元年上元觀燈乾元樓召昉賜坐于側酌御樽酒飲之自取果餌以賜顧侍臣曰李昉事朕兩入中書未嘗有傷人害物事宜其今日所享如此可謂善人君子矣二年卒年七十三贈司徒謚文正昉和厚多恕素與盧多遜善待之不疑多遜屢請昉于上及入相太宗言及遜事昉頗為解釋帝曰多遜屢常毀卿一錢不直上由此益重昉昉再相因表贈所生父母官子宗

訥宗諤訥以蔭歷太常博士頗習典禮累遷比部郎

中卒子昭迥真宗時獻文召試賜進士第宗諤字昌武七歲能屬文耻以父任得官由鄉舉第進士授校書郎獻文自薦遷秘書郎集賢校理同修起居注真宗即位拜起居舍人從征契丹遷知制誥判集賢院景德二年召為翰林學士著樂纂以獻宗諤究心典禮凡創制損益靡不與聞五年卒年四十九宗諤與弟宗諒友愛尤篤恩蔭必先羣從及歿其子有未仕者次子昭述從子昭述述以蔭為秘書省校書郎賜

宋

卷四

三

進士出身為刑部詳覆官遷河北轉運使遷亦以蔭登仕勃時楊億嘗命為賦既成嘆曰桂林之下無雜木其後薦之召試授館閣校勘

呂蒙正

呂蒙正字聖功河南人祖夢奇戶部侍郎父龜圖起居郎蒙正太平興國二年擢進士第一授將作監丞通判昇州累擢左補闕知制誥初龜圖多內寵與妻劉氏不睦并蒙正出之頗淪蹟及蒙正登仕迺二親奉養備至龜圖旋卒詔起復未幾遷都官郎中入為

翰林學士擢左諫議大夫叅知政事李昉罷相蒙正拜中書侍郎兼戶部尚書平章事先是盧多遜為相子雍起家授水部員外郎後遂以為常至是蒙正奏曰臣忝甲科及第釋褐止授九品京官乞以臣釋褐時官補之自是為定制朝士有藏古鏡者自言能照二百里欲獻以求知蒙正笑曰吾面不過楮子大安用照二百里哉淳化中罷為吏部尚書復相李昉及昉罷蒙正復以本官入相上嘗欲遣人使朔方論中書選才蒙正以名上上不許他日三問三以其人對既而卒用所薦果稱職真宗即位進左僕射會營末廕陵蒙正追感先朝不次之遇奉家財三百餘萬以助用咸平四年以本官同平章事國朝以來三入相者惟趙普與蒙正焉封萊國公改封隨又封許景德二年表請歸洛陛辭因言遠人請和弭兵省財古今上策上嘉納之大中祥符而後上朝末熙陵封泰山祠后土過洛兩幸其第錫賚有加上謂蒙正曰卿諸子孰可用對諸子皆不足用有姪夷簡宰相才也卒年六十八贈中書令謚文穆蒙正初相時張紳知萊

州坐贓免或言於上曰紳家富不至此特蒙正貧時勾索不如意今報之爾上命即復紳官蒙正不辨後考課院得紳實狀復黜紳蒙正再入相太宗謂曰張紳果有贓蒙正不辨亦不謝子七人皆為京朝官六子居簡最顯慶曆中提點京東刑獄時夏疎有憾石介介死言于上曰介未嘗死北走鄰國矣乃遣中使發棺居簡不可中使乃令保證以聞人稱為長者

張齊賢

張齊賢曹州人晉亂徙家洛陽孤貧力學慕唐李太亮之為人字師亮太祖幸西都以布衣獻策馬前召至行官以手畫地條陳十事內四說稱旨齊賢堅執以為皆善上怒令武士搜出之還語太宗我幸西都唯得一張齊賢異時可使輔汝為相或曰太祖有意取河東恐謀洩故置齊賢下并汾策不用太宗擢進士欲置高第有司偶失掄選上不悅一榜盡與京官出為江南西路轉運副使雍熙初遷左諫議大夫三年大舉北伐楊業戰沒齊賢請行授給事中知代州以計取勝端拱元年遷工部侍郎契丹自大石路南

侵齊賢預備兵千人爲二部分屯繁峙崞縣二年拜  
刑部侍郎樞密副使淳化二年叅知政事數月拜同  
平章事齊賢母孫氏年八十餘封晉國太夫人每人  
謁禁中上嘆其福壽有令子手詔存問加賜子四年  
罷爲尚書左丞真宗卽位召拜同平章事嘗從容爲  
上言皇王之道而根本其所以然上曰皇王之道非  
有跡但庶事適治道則近之矣郊祀加門下侍郎與  
李沆同事不相符坐事免咸平四年李繼遷陷清遠  
軍命爲涇原等州軍安撫經畧使十二月拜右僕射

宋

卷四

六

判汾州不行改判末興軍時薛居正子惟吉妻柴氏  
無子早寡盡蓄其貨產及書籍繪告欲改適齊賢惟  
吉子安上訴其事上不欲寘于理命官就訊柴氏所  
對與安上狀異下其事御史乃齊賢子太子中舍宗  
誨教柴氏爲詞齊賢坐責太常卿分司西京宗誨貶  
海州別駕景德初起爲兵部尚書以司空致仕歸洛  
得裴度午橋莊有池榭松竹之勝日與親舊觴味其  
間意甚曠適七年卒年七十三贈司徒謚文定齊賢  
以致君自負居相日數起大獄又與寇準相傾人以

此少之諸子宗禮最賢累資登朝而畏羈束故多居  
田里云宗誨次子也性貪貨殖終其身子二人子皋  
子憲皋第進士累官至尚書司封員外郎憲以蔭爲  
將作監主簿又獻文賜同進士出身

賈黃中

賈黃中字媧民南皮人父玘字仲寶晉天福三年進  
士黃中六歲舉童子科十五舉進士由集賢校理遷  
直史館建隆中遷左拾遺太宗卽位遷禮部員外郎  
太平興國二年知泉州時金陵初附爲政簡易部內

宋

卷四

七

甚治一日按行府署見一室扃鑰甚固發視之得金  
寶數十楨直數百萬乃李氏遺物也卽表上之賜錢  
三十萬遷至給事中叅知政事帝召見其母王氏命  
坐謂曰教子如是真孟母矣黃中畏慎過甚中書政  
事頗留不決甫二年罷守本官未幾卒年五十六子  
守謙雍熙二年進士守正獻文召試賜進士

錢若水

錢若水字澹成一字長卿河南人父文敏歷官右贊  
善大夫若水爲舉子時陳搏謂之曰子神清可以學

道不然當富貴但忌太速爾雍熙中舉進士釋褐同  
州觀察推官錄事嘗貸富民錢不獲因其女奴亡遂  
誣父子謀殺而沉其屍獄成若水獨留不決久之得  
女奴其人傾貲飯僧爲祈福冠準薦文學高第召試  
翰林擢秘書丞直史館歲餘爲右正言知制誥加職  
方員外郎除翰林學士嘗草賜趙保忠及賜保吉詔  
並稱旨至道初擢同知樞密院事劉昌言罷樞密上  
問趙鎔曰昌言涕泣否及呂蒙正罷相上曰蒙正望  
復位之目穿矣若水念未嘗有秉節高邁能全進退  
之道以感動人主故贈上之輕鄙遂草覈求解職會  
晏駕不果真宗立加工部侍郎若水懇求避位以爲  
集賢院學士又判流內詮從幸大名陳備禦之策俄  
知開封府上出手札訪邊事若水陳五事上嘉嘆曰  
若水儒臣中知兵者也遣巡撫陝西還知并州因疾  
歿兩足創潰出血數斗自是體羸手詔慰勞俾歸京  
師卒贈戶部尚書錄其子賜毋白金五百兩後復遣  
使存問若水精術數知年壽不末輒懇避權位年四  
十四君子深惜之

### 蘇易簡

蘇易簡字太簡銅山人父協舉蜀進士歸宋累遷光  
祿寺丞易簡甫弱冠舉進士太宗臨軒擢冠甲科三  
年中遷至右拾遺知制誥雍熙二年同知貢舉有詔  
凡親屬就舉者籍名別試易簡妻弟崔範匿父喪充  
貢易簡緣是罷知制誥淳化三年遷中書舍人易簡  
續唐李肇翰林志二卷以獻他日易簡直禁中以水  
試歌器上密聞之因晚朝問曰卿所玩得非歌器耶  
易簡曰然江南徐逸所作也命取試之易簡奏曰臣  
聞日中則昃月滿則虧器盈則覆物盛則衰遷給事  
中叅知政事時趙昌言與同列頗不協至忿爭上前  
昌言出使劍南中路改知鳳翔府明年易簡亦以禮  
部侍郎出知鄧州移陳州卒年三十九易簡外雖坦  
率中有城府性嗜酒上曰易簡果以酒死可惜也  
李至  
李至字言幾真定人第進士太平興國八年自翰林  
學士拜右諫議大夫叅知政事雍熙初加給事上  
幸秘閣賜草書千字文至勒后上曰千字文乃梁武

得破碑鍾繇書命周興嗣次韻而成理無足取若有資於教化莫孝經若也乃書以賜真宗為太子與李沆並兼賓客卒年五十五贈侍中

辛仲甫

辛仲甫字之翰汾州人仕周歷深趙鎮觀察判官太祖受命遷至右補闕歷知彭州謀民植柳蔭行路人各為補闕柳太宗遷起居舍人奉使契丹使還以刑部郎中知成都府尚寬簡蜀人安之累擢叅知政事時呂蒙正以長厚居相位王沔任事仲甫從容其間

宋

卷四

十一

而已出知陳州代歸以太子少保致仕卒年七十四孫有孚有鄰俱進士

王化基

王化基字永圖真定人太平興國二年第進士遷右拾遺太宗曰化基自結人主慷慨之士也召試知制誥以右諫議大夫權御史中丞初柴禹錫任樞密有奴受人金叅知政事陳恕欲因以中禹錫上怒引四訊其事化基為辨其誣上感悟以化基為長者至道三年超拜叅知政事咸平四年以工部尚書罷知揚

州卒年六十七贈右僕射謚惠獻化基在中書不以蔭補諸子官然善訓飭故其子舉正舉善舉元皆有所以立舉正字伯仲以蔭補秘書省校書郎進士及第歷知制誥為翰林學士拜右諫議大夫叅知政事仁宗曰卿恬於進取未嘗干朝廷以私故不次用卿歐陽修等論舉正懦然不任事遂自求去出知許州皇祐初拜御史中丞奏張堯佐庸人緣妃家一日領四使因留班廷爭唐介貶春州舉正力言之狄青為樞密使又言青出兵伍不可為執政帝稱得風憲體以

宋

卷四

十一

太子少傅致仕卒舉元字懿臣歷官中外至給事中其為河東轉運使也夏人來爭屈野地舉元縱數騎度河設幕與之議示以赤心夏人感服神宗以細札議攻守策舉元請省官減戍引疾徙陳州未行卒子諱字景獻用蔭歷度支郎中使契丹時方討西夏近者耶律誠欲嘗我言曰河西無禮大國能容之乎詔曰夏人侮邊既正其罪矣何預兩朝和好事入賀故事雖而飲蓋有悞拜者乃強詔詔曰南北百年所守者禮可紓更邪卒跪飲之崇寧中歷司農卿御史論

詔在滁州日請蘇軾書醉翁亭碑罷于祠轉開封尹  
時子璠使京西父子兩京相望人以爲榮致仕卒

陳恕

陳恕字仲言南昌人少爲縣吏折節讀書太平興國  
二年進士解褐大理評事通判澧州貶秩連擢工部  
郎中知大名府時契丹內寇受詔增浚城隍太宗諭  
以農戰之旨恕對曰古者兵出於民今之戎士皆以  
募致衣食仰給縣官營田之議遂寢拜鹽鐵使恕有  
心計宿弊悉釐去太宗親題鐵柱曰真鹽鐵陳恕恕

宋 卷四

十二

將立茶去召茶商數十人俾各條利害第爲三等曰  
中等公私皆濟吾裁損之可以經久於是始爲三法  
行之貨財流通遷禮部侍郎真宗加戶部命條具中  
外錢穀以聞恕久不進屢趣之恕曰陛下富於春秋  
若知府庫充實恐生侈心臣是以不敢進真宗嘉之  
咸平五年知貢舉首薦則王曾也恕病劇表求館殿  
時寇準罷樞密使恕卽薦以自代遂以準爲三司使  
恕爲集賢學士準檢恕前後典華事類爲冊躬至起  
第請判押恕亦不諫卒年五十九恕頗涉史傳多識

典故素不喜釋氏嘗請廢譯經院真宗曰三教之興  
其來已久但存而不論可也子執中

王明

王明字如誨大名入晉舉進士不第樂元福爲原州  
刺史辟爲從事馮暉節制靈武表爲觀察巡官周廣  
順初元福領陳州防禦使奏署判官顯德初元福移  
鎮陝特功驕恣明直道見疎因謝絕之詣闕上書求  
任州縣歷清平隴城二縣令宋初歷遷右補闕會用  
兵嶺南選爲荆湖轉運使開寶三年大舉南征爲

宋

卷四

十二

軍轉運使既而賀州未下明入與主帥計當急取之  
帝召見勞問是歲將用師南唐以明爲黃州刺史金  
陵平詔明安撫諸郡因命知洪州太宗卽位累遷禮  
部侍郎會契丹擾邊以明知真定府契丹遁去淳化  
初召還子扶旆並進士及第歷臺省皆知名

馮瓚

馮瓚字禮臣歷城人性便佞任數以歷歷仕晉漢周  
乾德三年以本官充樞密學士時劍外初平命瓚知  
梓州無何蜀軍校上官進率亡命二千餘人掠民數



萬夜攻州城墮曰賊乘夜奄至此烏合之衆密令促其更籌五鼓賊悉遁去因縱兵追之擒上官進斬於市初太祖欲任用瓚常與趙普言瓚有奇才普忌之乃遣詣蜀平寇潛令所親信擊登聞鼓訟瓚受賂爲姦事太祖欲貸其死普固執不可乃削籍流登州沙門島開寶末赦還太宗起歷度支判官除給事中致仕復舊勳階卒

段思恭

段思恭晉城人在晉以父蔭登仕歷漢周宋初除開

宋

卷四

十四

封令蜀平通判眉州時亡命集衆攻通州城思恭募

軍士先登者厚賞大敗賊思恭矯詔以上供錢帛給之度支請按其罪太祖憐其果幹不許命馮繼業自靈州舉宗來朝以思恭代知州事至則悉矯繼業之失朝廷方經畧江表命兼沿江巡檢與通判李岩相告許降秩知宿州太宗卽位遷將作監知秦州又坐不法爲通判王廷範所發降秩累遷尋知陝州卒

許仲宣

許仲宣字希繁青州人漢乾祐中登進士第時年十

八周歷瀋川團練判官宋初赴召引對便殿太祖悅其氣貌受詔知北海軍仲宣度其山川形勢地利廣袤可以爲州郡因畫圖上之遂升爲維州南唐平以漕輓功拜刑部郎中太宗累遷給事中卒

李符

李符字德昌大名人漢歷大理正乾德中歸朝太宗欲幸西京有事於南郊符上書陳八難不從改比部員外歷知開封府趙普令符上言廷美在西洛非便遂有房陵之貶普恐泄以事貶寧國軍行軍司馬後

宋

卷四

十五

知春州歲餘卒

魏丕

魏丕字齊物相州人頗涉學問周世宗鎮澶淵辟司法參軍太祖卽位改作坊副使時揚承信帥河中或言其反側未安命丕賜承信生辰禮物陰察之還言其無狀以久次轉正使領代州刺史太宗累遷黃州刺史還朝作歌以獻因自述願授臺省之職上面諭曰知卿本儒生然清望官奉給不若刺史之優也遷至左驍衛大將軍年八十卒



曹光實雅州人父疇蜀靜南軍使光實嗣職乾德中  
太祖命王全斌等平蜀俄而盜賊羣起夷人張忠樂  
等亦率行攻劫憾光實殺其徒黨中夜奄至環其居  
鼓譟並進光實負其母揮戈突圍以出賊殺族三百  
餘口又發冢墓光實詣全斌具以事白誓雪冤憤圖  
雅州地形要害兼陳攻取之策全斌壯其志令率兵  
先導果克其城獲忠樂遂知黎雅二州兼都巡檢使  
後全斌遣入貢太祖喜謂左右曰此蜀中俊傑也久  
之以爲黎州刺史爲嶺南諸州都巡檢使太宗遷本  
宋 卷四 十八  
州團練使李繼捧之入朝也以光實爲銀夏都巡檢  
使繼捧弟繼遷爲遣患光實掩襲俘斬獲其母妻繼  
遷僅免使人給光實期某日降光實信之及期往赴  
之途遇害卒年五十五帝驚悼錄其子從子克明字  
堯卿補衙內都虞候光實戰歿克明時謫輻垂在後  
懼軍亂秘不發喪陽令人西來傳光實命還軍銀州  
而潛與僕張貴入敵中獲光實尸以還葬京師累遷  
西上閣門使歷知登舒邵三州復徙鼎州卒

宋列傳卷之五

呂端

呂端字易直餘慶第也少好學以父蔭歷著作佐郎  
直史館開寶中假太常少卿副郝崇信使契丹權至  
參知政事趙普嘗曰吾觀呂公奏事得嘉賞未嘗喜  
遇抑挫未嘗懼亦不形於言真台輔器也歲餘左諫  
議大夫寇準亦拜參知政事端請居準下帝卽以端  
爲左諫議立準上每獨召便殿語必移晷時呂蒙正  
爲相帝欲相端或曰端爲人糊塗帝曰端小事糊塗  
大事不糊塗蒙正罷拜端戶部侍郎平章事時至道  
元年四月也端慮同列寇準不平乃請參知政事與  
宰相分印押班知印同升政事堂端持重識大體帝  
手札戒諭中書事必經呂端詳酌聞奏端愈謙讓初  
李繼遷擾西鄙保安軍奏獲其母是時寇準在樞府  
帝召與謀欲誅之準退告其故端曰何以處之準曰  
欲斬於保安軍北門外以戒凶逆端曰願少緩之端  
將覆奏入曰舉大事不顧其親况繼遷悖逆之人乎  
以臣之恩置於延州使善養視以招來繼遷雖不

卽降終可以繫其心而毋死生之命在我矣帝撫解  
綽音用其策其母後病死繼遷尋亦死繼遷子竟納  
款請命端之力也進門下侍郎兼兵部尚書帝不豫  
內侍王繼恩忌太子英明陰與參知政事李昌齡殿  
前都指揮使李繼勳知制誥胡旦謀立故楚王元佐  
帝崩李皇后命繼恩召端端知有變鎖繼恩閉內使  
人守之而入遂立眞宗加右僕射明年以疾請罷爲  
太子太保在告卒年六十六贈司空謚正惠錄其四  
子端瓌秀有器量兩使絕域其國歎重之後有使往

學士安

學士安字仁叟雲中人少好學事繼母祝氏以孝聞  
祝曰學心求良師友乃與如宋又如鄭得楊瓌韓丕  
劉錡爲友因爲鄉人第進士本名士元犯王諱改焉  
歷遷考功員外郎俄以本官知制誥淳化二年召入  
翰林爲學士大臣以張洎薦帝不以爲然士安以父

名又林故抗章引避不聽景德初兼秘書監契丹謀  
入境士安首疏五事進吏部侍郎參知政事入謝眞  
宗曰未也行且相卿對曰臣孱朽不足勝任冠準兼  
資忠義善斷大事宰相才也未閱月以本官與準同  
拜平章事有布衣中宗古告準交通安王元傑準皇  
恐莫知所自明士安力辨其誣下宗古吏具得姦罔  
準乃安會契丹統軍撻覽引兵分掠轉窺貝冀天雄  
兵號二十萬眞宗問策安出士安與冠準條禦備狀  
又合議請幸澶淵和議遂定及罷兵未幾夏州趙德

學士安

明亦款塞內附二方既定五年以病求免不允十月  
晨朝疾作帝步出臨視已不能言詔以肩輿送歸第  
卒年六十八贈太傅中書令謚文簡錄其子孫士安  
端方沉雅有清識醞藉嘗謂人曰僕仕宦無赫赫譽  
但力自規檢庶幾寡過耳眞宗謂冠準等曰學士安  
吾人也傍躬慎行有古人風及王旦爲相而奏學士  
安仕至輔相而四方無田園居第沒未終喪家用已  
屈真不負陛下所知然使其家假貸爲生宜有以周  
之者竊謂當出上恩非臣敢爲私惠眞宗感嘆賜白

金五千兩曾孫仲衍仲游最顯仲衍字夷仲以蔭爲  
陽翟簿縣人馬宏橫閭里合稱縣事卽逮捕驗治得  
其姦流宏鄧州一縣相賀第進士歷司農丞吳克引  
爲中書檢正王珪與克不相能故抑不遷經四年爲  
官制局檢討官制行神宗自擢起居郎未幾卒仲游  
字公叔與仲衍同登第元祐初爲軍器衛尉丞召試  
學士院同策問者九人乃黃庭堅張耒晁補之蘇  
軾異其文擢爲第一加集賢校理出提點河東路刑  
獄太原銅器名天下獨不下一物懼人以爲矯也且  
行賈二茶七而去墮黨籍坎壞散秩而終年七十五  
仲游爲文切於事理而有根抵蘇軾在館閣頗以言  
語文章規切時政仲游憂其及禍貽書戒之司馬光  
反王安石所爲仲游予之書曰昔安石之居位也中  
外莫非其人故其法能行今欲救前日之敝而左右  
侍職司使者十有八九皆安石之徒烏在其勢之可  
爲也光軾得書竦然竟如其慮仲愈歷國子監丞諸  
王府侍講知鳳翔府坐仲游例廢黜徽宗曰畢仲衍  
被遇先帝可除罪籍擢仲愈至秘書少監

寇準

寇準字平仲下邳人自少英邁通春秋三傳年十九  
舉進士太宗取人年少者往往罷去或教準增年答  
曰準方進取其可欺邪後中第累遷監鐵判官嘗奏  
事殿中語不合帝怒起準輒引帝衣令帝復坐事決  
乃退帝由是嘉之曰朕得寇準猶文皇之得魏徵也  
淳化二年春大旱帝延近臣問時政得失衆以大數  
對準曰洪範天人之際應若影響大旱之證蓋刑有  
不平也頃者祖吉王淮皆侮法受賅吉職少乃伏誅  
淮以參政汚第盜主守財千萬止杖仍復其官準拜  
參知政事入見帝曰朕諸子孰可以付神器者準曰  
惟帝擇所以副天下望者遂立襄王爲皇太子真宗  
景德元年與畢士安並命同平章事時契丹大入帝  
以問準準曰陛下欲了此不過五日爾因請幸澶州  
契丹請盟成約而還南北罷兵準之力也時帝悉以  
軍事付準準承制專決號令明肅士卒畏悅已而契  
丹數千騎薄城下詔士卒迎擊斬獲大半乃引去帝  
還行官留準居比城上徐使人視其何爲準方與知

制誥楊億飲博歌譴懼呼帝喜曰準如是吾復何憂契丹使韓杞持書與曹利用俱來請盟利用言契丹欲得關南地帝曰所言歸地事極無名若必邀求朕當決戰若欲金帛朝廷之體固亦無傷準不欲賂以貨財且欲邀其稱臣及獻幽薊之地因畫策以進曰如此則可保百年無事不然數十年後戎且生心矣準欲擊之使隻輪不返帝方厭兵適曰數十年後當有扞禦之者吾不忍生靈重困姑聽其和可也準尚未許會有謂準幸兵以自取重者準不得已乃許其

宋

卷五

六

助轉運使李士衡帝不悅謂宰相王旦曰準剛忿如昔旦曰準好人懷惠又欲人畏威此其短也天禧初改山南東道節度使時巡檢未能挾內侍都知周懷政詐爲天書帝以問旦旦曰始不信天書者準也命準上之遂拜同平章事時帝得風疾劉太后預政準請問曰皇太子人所屬望擇方正大臣爲羽翼丁謂錢惟演佞人也不可輔少主帝然之準密令翰林學士楊億草表請太子監國且欲援億輔政謀洩罷爲太子太傅封萊國公時懷政謀殺大臣丁謂等奉帝爲太上皇傳位太子復相準謂以計誅懷政降準太

宋

卷五

七

嘗得通天犀爲二帶一以賜準及是準取自洛中  
至數日沐浴朝服束帶北面再拜趣設臥具就榻卒  
年六十三準之入相也張詠謂僚屬曰寇公奇材惜  
學術不足及準出陝詠適自成都還準送之郊問曰  
何以教準詠徐曰霍光傳不可不讀歸取讀之至不  
學無術笑曰此張公謂我矣準少年富貴性豪侈喜  
劇飲每宴客多國犀脫驂厠洞必燃炬燭在雷州  
踰年既卒衡州之命乃至歸葬西京道出京南公安  
縣人皆設祭哭於路折竹植地挂紙錢逾月視之枯  
宋 卷五 八

竹盡生筍衆因爲立廟祀之無子以從子隨爲嗣後  
復太子太傅贈中書令萊國公賜諡忠愍

李沆

李沆字太初洛州肥鄉人曾祖祖居沁州縣父炳爲  
殿中侍御史知舒州沆少好學器度宏遠太平興國  
五年舉進士甲科爲將作監丞遷至翰林學士淳化  
二年判吏部銓嘗侍曲宴太宗曰送之曰李沆風度  
端凝真貴人也三年拜給事中兼知政事真宗卽位  
遷戶部侍郎兼知政事咸平初拜平章事累加門下

侍郎尚書右僕射帝問治道所宜先沆曰不用浮薄  
喜事之人一日帝遣使持手詔欲以劉氏爲貴妃乃  
對使焚詔駙馬都尉后保吉求爲使相帝問沆沆曰  
無戰功恐騰物議他日再三問執議如初遂止帝以  
沆無容奏謂之曰人皆有容哉卿獨無何也對曰公  
事則公言之何用容啓夫人臣有容哉者非讒卽佞  
臣常惡之豈可効尤時李繼遷久叛有圖取朔方之  
意朝廷困於飛輓中外咸以爲靈州乃必爭之地帝  
訪於沆沆曰繼遷不死靈州非朝廷有也莫若遣使

宋

卷五

九

密召州將使部分軍民空壘而歸則關右之民息肩  
矣未幾而靈州陷帝益重之沆爲相王旦兼知政事  
以西北用兵或至肝食且歎曰我輩安得優游無事  
耶沆曰少有憂勤足爲警戒他日四方寧謐朝廷未  
必無事沆沒後真宗封岱祠汾人營宮觀且乃嘆曰  
李文靖真聖人也寇準與丁謂善屢以謂才薦於沆  
沆曰顧其爲人可使在人上乎準曰如謂者相公終  
能抑之使在人下乎沆笑曰他日當思吾言也準後  
竟爲謂所傾沆爲相接賓客常寡言馬亮與沆同年

生又與其弟維善語維曰外議以大凡爲無口鮑維  
乘間達亮語沆曰吾非不知也今邦國大事比有契  
丹西有夏人日盱條議所以備禦之策非不詳究薦  
紳如李宗諤趙安仁皆時之英秀與之談猶不能就  
發吾意自餘通籍之子坐起拜揖尚周章失次卽席  
必自論功寂以希寵獎此有何策而與之接語哉荷  
屈意妄言卽世所謂籠罩也沆又嘗言居位無補惟  
中外所陳利害一切報罷之此少以報國爾嘗讀論  
語曰沆爲宰相如節用愛人使民以時尚未能行景  
德初卒年五十八上臨哭之憫贈太尉中書令謚文  
靖沆性直諒內行修謹言無枝葉居位慎密不求聲  
譽人莫能干以私嘗與宋白同知貢舉而物議一不  
及沆嘗與胡旦同知制誥旦謫外久聞沆參政祝賀  
歷詆前居職四人之短而盛譽沆沆不說治第封丘  
門內廳事前僅容旋馬或謂太監沆笑曰此爲宰相  
廳事誠隘爲太祝奉禮廳事已寬矣至於垣頽壁損  
不以屑慮曰內典以此世界爲缺陷安得完滿如意  
弟維字仲方博學少以文章知名第進士事真宗景

遷翰林學士承旨仁宗朝歷工部尚書會傳契丹精  
絕盟遣維往使其主隆緒重維名館勞加禮歷知陳  
州卒維至老手不廢書景德以後巡幸四方典章名  
物多維所奏定嘗預定七經正義修續通典冊府元  
龜

王旦

王旦字子明父祐以文章顯於漢周之際事太祖太  
宗爲名臣又多陰德嘗手植三槐於庭曰吾後世必  
有爲三公者及旦舉進士及第淳化初王禹偁薦其  
才二年拜右正言知制誥旦登第不十年繼其父任  
同列錢若水有人偷鑿每曰王君凌霄聳整棟梁之  
材非吾所及李沆同年生亦推爲遠大器真宗卽位  
遷拜翰林學士帝素賢旦嘗奏事退目送之曰爲朕  
致太平者必斯人也景德元年契丹犯邊從幸澶州  
命旦權留守事三年拜工部尚書同平章事王欽若  
進封禪之說帝心憚旦遂召見飲歡甚賜以尊酒既  
歸發之皆珠也由是不復異議每有大禮輒奉天書  
以行恒邑邑不樂凡柄用十八年爲相僅一紀帝久



益信之凡大臣有所請必曰王且以爲如何日者上書言宮禁事坐籍其家得朝士所與往還占問吉凶之說帝怒欲付御史問狀且曰此人之常情不足罪真宗怒不解且因自取嘗所占問書進曰臣少賤時不免爲此必以爲罪願并臣付獄真宗曰此事已發何可免且曰臣爲宰相執國法豈可自爲之幸於不發而以罪人帝意解且悉焚所得書既而復悔馳往取之蓋已焚矣繇是皆免寇準數短且且專稱準帝以是愈賢且帝欲相王欽若且曰祖宗朝未嘗有南

宋

卷五

十二

人當國者雖立賢無方然須賢士乃可帝遂止其後欽若語人曰爲王公遲我十年作宰相內臣劉承規以忠謹得幸病且死求爲節度帝語且且執不可自是內臣官不過留後薛奎爲江淮發運使薛且且無他語但云東南民力竭矣奎退曰真宰相之言也張士遜爲江西轉運使薛且且曰朝廷權利至矣故士遜迭更是職未嘗求利時謂識大體且素羸多疾自東魯復命連歲求解一日獨對滋福殿帝曰朕方以大事託卿而卿疾如此因命皇太子出拜曰卿萬一

不諱朕以天下事付之誰乎且強起舉笏曰莫如寇準且卒年六十一帝臨其喪慟贈太師尚書令魏國公諡文正且事寡嫂有禮與弟旭友愛甚被服質素不好珍異家人未嘗見其怒飲食不精潔不食而已嘗試以少埃墨投羹中且惟啖飯後又墨其飯則曰今日不喜飯可別具粥平生不置田宅曰徒與爭爲不義爾真宗以所居陋欲治之且以先人舊廬辭且臨終謂其子曰吾無狀久坐台司卽死當削髮披緇以塞吾志家人欲從其言壻蘇耆力排而止之三子

宋

卷五

十三

素別有傳

向敏中

向敏中字常之開封人第進士歷淮南轉運副使權判大理寺時沒入祖吉贖錢分賜法吏敏中引鍾離意委珠事獨不受以婦翁張去華累落職知廣州州兼掌市舶敏中預市藥物往在官無所須以廉聞擢廣南東路轉運使召爲工部郎中太宗飛白書敏中洎張誅付中書曰二人名臣也欲大任敏中當塗者忌之會有言敏中在法寺時皇甫侃以賄敗發書歷

諸朝貴求爲末減敏中亦受之事下御史按實嘗有書及門敏中觀其名不戢封遣去俄捕得侃私種詰之云其書尋納簡中瘞臨江傳舍馳驛握得封題如故太宗大驚異召見慰諭賞激遂決登用眞宗卽位拜參知政事旣而以本官同平章事故相薛居正孫安上不肖其居第有詔無得質易敏中遣詔質之會居正子惟吉娶婦柴將攜貲產適張齊賢安上訴其事柴遂中敏中嘗求娶已不許以陰庇安上遂下御史臺并得敏中質宅之狀罷爲戶部侍郎出知永興

宋

卷五

十四

軍時舊相出鎮不以軍事爲意寇準所至終日游宴張齊賢獲劫盜或至縱遣帝聞之口大臣出臨四方惟敏中盡心民事爾於是有復用意大中祥符中刑部尚書同平章事天禧初累進左僕射四年卒年七十二帝臨哭之慟贈太尉中書令謚文簡子傳範拒外戚傳傳亮生子經經女爲神宗后

田錫

田錫字表聖嘉州人太平興國三年第進士釋褐將作監丞改左拾遺直史館錫好言時務旣居諫官卽

疏獻軍國要機者一朝廷大體者四疏奏優詔褒答賜錢五十萬趙普爲相令有司受平臣章奏必先白已錫貽書以爲失至公體普引咎兩端拱二年京畿大旱上章迂宰相罷知陳州咸平三年詔近臣舉賢良方正翰林學士承旨宋白以錫應詔還朝屢召對言事上對宰相稱錫得爭臣之體卽日以本官兼侍御史知雜事擢右諫議大夫史館修撰連上八疏六年卒年六十四上覽遺表惻然謂宰相李沆曰田錫直臣也贈工部侍郎錄其二子

宋

卷五

十五

王禹偁

王禹偁字元之鉅野人九歲能文擢進士端拱初太宗聞其名召賜右拾遺直史館賜緋特命以文犀帶籠之時北庭未寧禹偁獻禦戎十策大畧假漢事以明之拜左司諫知制誥未幾判大理寺廬州妖尼道安誣訟徐鉉偁抗疏雪鉉請論道安罪貶商州團練副使召爲禮部員外郎再知制誥屢獻討李繼遷便宜謂宜晚論蕃漢高與官資則繼遷身首不梟卽擒矣其後潘羅支射死繼遷夏人款附卒如禹偁策至

道元年召入翰林爲學士咸平初預修太祖實錄直書其事時宰相張齊賢李沆不協意禹偁議論輕重其間出知黃州嘗作三黜賦以見志四年州境二虎鬪其一死食之殆半羣雞夜鳴經月不止冬雷暴作禹偁手疏引洪範傳陳戒且自劾上遣內侍乘驛勞問醮禳之詢日官云守土者當其咎上惜禹偁才即日命徙蘄州禹偁上表謝有宣室鬼神之間不望生還茂陵封禪之書止期身後之語上異之果至郡未踰月而卒年四十八子嘉祐嘉言俱知名嘉祐官不

宋

卷五

十七

顯嘉言登進士第至殿中侍御史曾孫汾進士甲科至工部侍郎入元祐黨籍

張詠

張詠字復之郟城人太平興國五年郡舉進士議以詠首薦有風儒張覃者未第詠與寇準致書郡將薦覃衆許其能讓是歲詠登進士乙科知崇陽縣踐歷中外李沆宋湜寇準薦其才累擢樞密直學士同知銀臺通進封駁司掌三班院邊將張永德等小校致死詔案其罪詠封還詔書言以一部校故權辱主帥

臣恐下有輕上之心不從未幾果有營兵脅訴軍校者詠引前事爲言太宗改容勞之出知益州時東西兩川旱民饑吏失救郵李順因之構亂詠既激總兵土官正等克捷平亂乃大修荒政歲糴米六萬石以廣儲蓄蜀人賴之初蜀士不樂仕官詠敦勉郡之賢者張及李改張達就舉三人者悉登科士由是知勸真宗卽位連拜御史中丞未幾出知杭州又知未興復命知益州遷至樞密直學士吏部侍郎治狀聞詔褒之會遣謝濤巡撫西蜀上因令傳諭詠曰得卿在

宋

卷五

十七

蜀朕無西顧之憂矣歸朝復掌三班領登閣檢院詠中歲瘍生腦頗妨巾櫛求知穎州上將委以青社或真定令自擇詠辭不就遂命知昇州大中祥符初加左丞三年春州民以秩滿借留就轉工部尚書令再任是秋以江左旱歉命充昇宣等一州安撫使進禮部上憫詠腦瘍甚令薛映馳驛代還抗論賊臣丁謂王欽若戕上侈心虛帑藏而困生民不誅死無以謝天下章三上出知陳州初詠與青州傅霖少同學霖隱不仕詠既顯求霖者二十年不可得至是來謁聞

吏白傅霖請見詠賁之曰傅先生天下賢士吾尚不  
得爲友汝何人敢名之霖笑曰別子一世尚爾耶是  
豈知世間有傅霖者乎詠問昔何隱今何出霖曰子  
將去矣來報子爾詠曰詠亦自知之霖曰知復何言  
翌日別去未幾詠卒年七十贈左僕射謚忠定詠剛  
方自任爲治恩威並行人畏而愛之嘗謂友人曰張  
詠幸生明時讀典墳以自律不爾則爲何人耶故其  
言曰事君者廉不言貧勤不言苦忠不言己效公不  
言己能斯可以事君矣性卞急不喜人拜晚命與容  
宋 卷五 十九

乃許之  
索湘  
索湘字巨川滄州人開寶六年進士釋褐鄆州司理  
參軍太宗時歷監察御史直宗卽位入爲右諫議大  
夫復克河北轉運使坐與王扶交相請託擅易版籍  
責授將作少監後出知許州徙荆南復爲諫議大夫  
知廣州卒  
宋太初  
宋太初字永初晉城人太平興國初舉進士解褐大  
理評事克鹽鐵副使時陳恕爲使太初有所規畫必  
咨恕未嘗自用爲功恕甚德之咸平初拜右諫議大  
夫知江陵府蠻寇擾動太初以便宜制邊詔獎之歷  
權御史中丞俄出知杭州連徙汝光二州卒  
鄭文寶  
鄭文寶字仲賢太平興國八年登進士第歷殿中丞  
使川陝均稅次渝涪聞夔州廣武卒謀亂乃乘舸泛  
江一夕數百里以計平之授陝西節度副使會歲歉  
活饑民八萬口旣而李順亂蜀秦隴賊趙包聚徒數

千將趨劔閣附之文寶移書蜀郡分兵討襲獲其渠  
魁餘黨滅焉真宗咸平中召授殿中丞掌京南樞貨  
時慶州發兵護駕禮請靈州文寶素知山川險易上  
言必爲繼遷所敗未幾果如其奏遷刑部員外郎賜  
金紫寇準薦其熟西事復任陝西轉運使景德元年  
契丹犯邊又徙河東擢其子於陵爲大理寺丞知襄  
城縣以便養後改兵部員外郎歸襄城別墅卒

劉綜

劉綜字居正虞鄉人少依外兄通遠軍使董遵誨遂

宋

卷五

二十

謙常遣貢馬太祖嘉其敏辨雍熙二年登進士第解  
楊邛州軍事推官景德三年召拜戶部員外郎大中  
祥符中館伴契丹使因作大雪歌以獻俄權知開封  
府以未疾命知廬州授右諫議大夫卒

裴莊

裴莊字端已閬中人蜀明經登第歸宋歷高陵主簿  
歷通判澶州遷太子中允端拱初遷義鎮真定又辟  
爲通判時契丹掠趙深入邊將無功莊上書以爲周  
世宗誅樊愛能何徽二將遂取淮南克巴蜀真宗遷

度支歷河北轉運使光祿卿卒年八十一子與登進  
士

韓國華

韓國華字光弼安陽人太平興國二年進士歷監察  
御史雍熙中假太常少卿使高麗淳化二年朝廷疑  
契丹請和非實遣國華使河朔祭之既至盡得其詐  
以聞累官太常少卿知泉州遷右諫議大夫卒子琚  
璣琦並進士及第琦自有傳

張綸

張綸字公信汝陰人少儻任氣舉進士不中補三  
班奉職遷右班殿直從雷有終討王均於蜀辰州溪  
峒蠻屢入寇以綸爲安撫使綸諭蠻酋禍福購還所  
掠民久之除江淮制置發運副使奏除鹽課宿負又  
築漕河隄二十里于高郵北秦州知海藪壞兼權  
知秦州遂成堰民利之累遷東上閣門使拜乳州刺  
史徙知潁川卒

宋列傳卷之六

王嗣 雍州人進士甲科補秦州司寇叅軍

太宗在河東嗣宗陳邊事召赴行在授大理寺丞通

判睦州徙河州帝遣武德卒潛察遠方事嗣宗械送

京師奏曰陛下不委任天下賢俊猥信此輩為耳目

臣竊不取帝怒其橫械下吏削秩會赦復官累遷左

正言河北轉運副使帝議親征契丹嗣宗疏其必不

至之狀甚見嘉納歷駕部員外郎河北轉運使貝州

宋 魏撻卒五十餘人劫庫兵為亂嗣宗率兵悉禽之又

歷比部郎中淮南轉運使楊楚間民有疾惑禱祠不

解藥嗣宗徹淫廟刻石榜州門民俗為變召拜御史

中丞頗輕險好進深詆叅知政事馮拯之短遂結宰

相王旦弟旭使達意為助且不之與知制誥王曾從

妹適孔冕家閨門不睦曾從東封過冕啜茗中毒得

良藥乃解曾密疏方行大禮願罷推究嗣宗獨謂曾

誣構懼反坐乃求寢息拜耀州觀察使知永興軍府

時种放得告歸山嗣宗迎於傳舍放霑醉稍偃嗣宗

怒以語譏放放曰君以手搏得狀元耳何足道也初

嗣宗就試講武殿搏趙昌言帽擢首科故放及之嗣

宗愧恨因上疏至目放為魍魎既而徙知邠州寧環

慶路都部署城東有靈應公廟並山羣狐處焉妖巫

挾之為人禍福嗣宗毀其廟燻穴得數十狐盡殺之

徙鎮州代邊肅發肅不法事肅坐貶嗣宗嘗言徙种

放攝邪狐按邊肅為去三害居二歲擢樞密副使檢

校太保與樞密使寇準不叶累表解職寇準為相命

以左屯衛上將軍檢校太尉致仕卒年七十八贈侍

宋 中嗣宗事三朝最為宿舊為中丞日忿宋白郭贊邢

昺七十不請老屢請真宗赦其休致及嗣宗晚歲疾

甚猶享厚祿徘徊不去嘗謂人曰僕惟此一事未能

免物議云

趙安仁

趙安仁字樂道洛陽人父孚周顯德初第進士仕宋

為永寧令有治狀擢宗正丞雍熙中詔詢文武禦戎

之策孚奏議以為近鑒唐高祖降禮遠法周公之

讓地會上賜安仁金紫因問孚年幾安仁對曰臣父

年六十二上曰孚名士也亟召對亦賜金紫未幾卒  
安仁早以文藝稱雍熙二年登進士第歷著作佐郎  
時稱安仁李諤楊億辭雅贍召詣中書獎諭真宗即  
位拜右正言歷充翰林學士北邊請盟命安仁撰答  
書獨記太祖時聘問書式邊使韓杞至首命接伴姚  
東之至又令接伴東之談次頗矜兵強戰勝安仁曰  
佳兵不祥時論翕然稱其得體未幾以右諫議大夫  
叅知政事改御史中丞卒年六十一贈吏部尚書諡  
文定錄其子尚寬良規孫君錫尚寬在循吏傳良  
規以父任登仕張知白薦之召試賜進士及第積官  
至尚書工部侍郎知濠州卒君錫良規子性至孝登  
進士第以父故不仕父沒調知武強縣歷擢給事中  
素有志行後隨人低昂爲給事日論蔡確章惇不宜  
復職大河不可輕議東回蘇軾不可使去朝廷拜御  
史中丞及買易劾題詩怨謗即請正軾罪宜仁后  
曰君錫全無執守紹聖中貶少府少監分司南京卒

陳彭年

陳彭年字永年撫州人幼少年十三著皇綱論萬

餘言爲名輩所賞在場屋頗有倚名然佻薄好嘲咏  
頗爲宋白所黜雍熙二年始中第歷遷祕書郎咸平  
三年屢上疏言事召試學士院遷祕書丞知金州景  
德初代還直史館大中祥符中附王欽若丁謂詳定  
封禪儀注真宗奉祀亳州太清宮丁謂爲經度制置  
使彭年副之又爲叅詳儀制冊寶使進兵部侍郎卒

梁顥

梁顥字太素須城人初舉進士不第雍熙二年復舉  
進士賜甲科解褐大名府觀察推官改右司諫真宗  
初詔羣臣言事顥時使陝西途中作聽政箴以獻景  
德元年權知開封府顥闔門雍睦與人交久而無改  
士大夫多之暴卒年九十二子固述適固幼有志節  
嘗著漢春秋顥器重之以蔭賜進士出身大中祥符  
元年讓前命舉服勤詞學科擢甲第解褐將作監丞  
適別傳

楊徽之

楊徽之字仲猶浦城人周顯德中舉進士甲科太宗  
素聞其詩名因索所著帝稱賞歷拜左諫議大夫知



許州入判史館事真宗即位拜工部侍郎咸平初加禮部侍郎特置翰林侍讀學士命與夏侯嶠呂文仲並爲之賜宴秘閣日襄以詩得疾請告卒年八十

杜鎬

杜鎬字文周無錫人父昌業南唐虞部員外郎鎬舉明經解褐集賢校理太宗即位歷秘閣校理虞部員外郎帝問西漢賜與悉用黃金近代爲難得之貨何也鎬曰是時佛事未興故金價甚賤景德初置龍圖閣待制因以命鎬大中祥符中命鎬同詳定東封儀

宋

卷六

五

注遷給事中進禮部侍郎卒年七十六錄子溼及三

孫官

楊億

楊億字大年浦城人生有毛被體長尺餘經月乃落七歲能屬文年十一太宗詔送闕下連三日得對試詩賦五篇立成太宗嘉賞授秘書省正字賜袍笏外艱服除依從祖徽之於許州益務學不倦淳化中詣闕獻文賜進士第遷光祿寺丞上金明池頌明年曲宴復以詩獻卽命直集賢院真宗立超拜左正言固

請外補就養知處州召還拜左司諫知制誥賜金紫

西鄙未寧詔近臣議靈州棄守億上疏謂買捐之建

議棄朱崖當時公卿亦有異論元帝力排衆說下詔

廢之人頌其德臣以爲類靈武也景德初歷判史館

上欲立劉德妃爲后大臣諫不從欲得億草制億難

之乃命他學士復爲翰林學士朝廷典章制度及冊

府元龜國史變例多億所定留心釋典禪觀之學無

子以從子紘爲後第億天禧元年試學士院賜進士

及第歷集賢校理通判單州會部卒李素合州卒二

宋

卷六

六

百餘人謀殺巡檢使入鼓角門偉挺身往問悉令按

兵籍首惡得十餘人斬之累遷知制誥權諫院絃用

蔭登仕歷官知鄞孫以億文獻賜進士出身累擢轉

運按察使絃御下急與王鼎王緯號江東三虎

晁迥

晁迥字明遠澶州人第進士歷右正言累擢翰林學士其子宗操上景靈宮慶成歌真宗嘆爲縉紳間笑事歷拜工部尚書天聖中迥年八十一召宴太清樓子宗慙爲知制誥同預宴卒年八十四贈太子太保



宗慈性敦厚至孝篤於故舊凡任子恩皆先其族人嘗密詔訪邊策陳七事頗施用之

劉筠

劉筠字子儀大名入第進士歷秘閣校理真宗時四方獻符瑞筠數上賦頌累遷翰林學士筠嘗草丁謂與李迪罷相制既而謂復留令別草制不奉詔乃更召晏殊筠自院出遇殊樞密院南門殊愧側面而過帝久疾謂寢擅權筠曰姦人用事安可一日居此請補外以右諫議大夫知廬州仁宗即位累進翰林學士再知廬州管塚墓作棺自為銘刻之既病徙于書閣卒筠初為楊億所識拔後遂與齊名時號楊劉

謝泌

謝泌字宗源歙州人第進士累遷殿中丞太宗詔閣門言事非陟僥倖乃許受之繇是言路稍壅泌抗疏陳其不可改左正言會脩正殿施采繪泌復上疏帝亟命代以丹望且喜其忠蓋真宗初邊人屢寇泌上疏援漢高祖唐開元故事欲帝屈己以寧天下遷至太常少卿右諫議大夫判吏部銓卒年六十三

孫何

孫何字漢公汝陽人父庸字鼎臣顯德中獻贊聖策九篇歷殿中丞知龍州卒何篤學嗜古為文必本經義與丁謂齊名舉進士甲科歷右司諫真宗初獻五議從幸大名詔訪邊事何上疏謂將帥或未得人邊奏或有壅闕隣境不相救援樞機須俟轉輸之所致歷知制誥賜金紫掌三班院被疾賜告遣醫診視醫勉其然艾何答曰死生有命竟不聽卒年四十四第僅伯僅少勤學與何俱有名于時咸平元年進士甲

宋

卷六

八

科兄翁連冠貢籍時人榮之嘗使契丹適當通好之始館禮過腆僅悉裁而正之務令中度其後信使往復不易其制侑亦登進士第至殿中丞

戚綸

戚綸字仲言楚丘人父同文自有傳綸少與凡維以文行知名第進士歷知太和縣真宗即位命為秘閣校理歷任拜右正言龍圖閣待制賜金紫大中祥符元年掌吏部選事三年擢樞密直學士上寵以詩祀汾陰復領發運出知杭州就加左司郎中胡則時領

發運嘗居杭肆縱不檢厚結李浦繪素惡之則時爲  
當塗者所昵因共摺據繪過徙知揚州維揚亦浦則  
巡內持之益急求改僻郡徙徐州王遵誨奏繪誘勸  
坐左遷卒年六十八

張去華

張去華字信臣開封人父誼字希賈好學不事產業  
長興中第進士歷仕晉漢至中書舍人去華幼勵學  
敏於屬辭蔭補太廟齋郎周世宗平淮去華時年十  
八嘆曰兵戰未息民事不脩非馭國持久之術因著

宋

卷六

九

南征賦治民論獻行在建隆初始構文遊京師大爲  
李昉所稱明年舉進士甲科拜秘書郎直史館以歲  
滿不遷上章自訴因言制誥張澹盧多遜殿中侍御  
史蘇頌文學膚淺願得校優劣太祖立召策試命陶  
穀等考之澹以所對不應問降秩擢去華爲右補闕  
朝議薄其疎進不遷秩者十六年後累遷京東轉運  
使太平興國七年爲江南轉運使雍熙中王師討幽  
州掌河北轉運事真宗復拜左諫議大夫以疾求分  
司西京在洛葺園廬作中隱亭以見志改工部侍郎

致仕卒年六十九子十人最器師德嘗欲任以官鞋  
不就去華曰此兒必繼吾志舉進士亦第一遷至吏  
部郎中拜左諫議大夫

樂黃目

樂黃目字公禮宜黃人世仕江左李父史字子正入  
朝爲平原主簿舉進士太宗惜科第不與旣而復賜  
及第累遷至職方員外郎知商州前後臨民頗以賄  
聞俄告病聽解職後授舊職與黃目同在文館後判  
留司御史臺卒年七十八黃目舉進士歷官判三司

宋

卷六

十

三勾院天禧初馬元方奏黃目不舉職乃分三勾院  
以三人掌之遂罷任奉朝請諭月拜兵部員外郎知  
制誥仁宗升儲拜給事中兼左庶子知亳州卒年五  
十六兄黃裳弟黃庭黃裳孫滋並進士及第

張雍

張雍德州人治毛氏詩開寶十六年中第釋褐東閣  
尉太宗遷至秘書丞歷充戶部使西川轉運使知梓  
州蜀州青城民王小波李順作亂衆至萬人雍訓練  
士卒募疆勇守城鞏綿州金帛以實帑藏督僚佐陳

世卿等治戎器伐木爲竿銷燧爲鎗紐布爲索齒然  
數乘城進戰皆不列一日北風晝晦賊乘風縱火急  
攻北門雍與盧斌等領兵據門立矢石間固守不動  
賊爲少却長圍八十餘日會援兵至賊始潰去事聞  
手詔褒美擢雍等官大中祥符元年請老以尚書右  
丞致仕誥命未至而卒年七十雍性鄙吝莅事動恪  
恃其清幹受過於時益矯厲以取名譽始登科爲歷  
中正壻中正子錫世寧咸笑之中正曰此人異日必  
顯達壽考非汝曹所及錫兄弟雖有名然終不越鄭

宋

十一

署亦無着年者

楊單

楊單字申錫浙人從錢俶歸朝爲禹城尉太平興國  
八年第進士本名禪太宗爲改焉淳化中轉屯田員  
外郎時田重進爲未興節度選單與林特同判軍府  
事重進不法單事多抗執觸其怒單表求徙任不許  
遷至屯田郎中大中祥符二年代馮亮爲淮南江浙  
荆湖制置發運使改知廣州單勤於吏事所至以幹  
濟稱南海有番舶之利守者多致謗議惟單以廉着

卒從弟說從子侃傳並登進士第侃後名大雅

康保裔

康保裔洛陽人祖志忠後唐長興中討王都戰歿父  
再遇爲龍捷指揮使建隆初從征李筠又歿於陣保  
裔在周朝屢立功太祖詔保裔代父職歷事太宗眞  
宗遷至彰國軍節度後爲高陽關都部署契丹兵大  
入諸將戰於河間保裔選精銳赴之決戰二日兵盡  
矢絕援不至死之贈侍中錄其子繼英繼彬繼明繼  
宗孫惟一繼英等入謝眞宗惻然謂左右曰保裔世  
有忠節深可嘉也又封其母妻

宋

宋

十二

秦傳序

秦傳序江寧人淳化五年克夔峽巡檢使李順之亂  
城中乏食傳序出囊橐服玩盡市酒肉以犒士卒慰  
勉之城壞傳序赴火死傳序家寄荆湖間子爽邈疎  
求父屍溺死人以爲父死於忠子死於孝奏至太宗  
嗟惻久之錄其次子賜其家錢十萬

盧斌

盧斌開封人以筆札事晉邸太宗卽位補殿直雍熙

中領兵屯霸州會大舉北伐令以五千騎隨曹彬抵岐溝既克涿州令斌以萬人戍守斌因言涿州深在  
北境宜爲之備果爲契丹所乘帝聞其言議棄涿州  
遂釋不問歷梓遂十二州都巡檢使斌在川陝六年  
以孤軍禦寇累立戰功賊黨集梓綿漢三州境上斌  
往平之未幾代還帝親加勞問拜東上閣門使檢校  
左僕射尋命爲銀夏兵馬鈐轄遣與李繼隆等討李  
繼遷俄徙屯尋以疾召歸勾當軍頭司引凡卒

裴濟

宋 卷六

十三

裴濟字仲海開善人少事晉郎太宋卽位補慶直  
遷西上閣門使定州都監鈐轄尋知州事淳化中爲  
鎮州行營鈐轄又與李繼隆擊賊於唐河短兵陷陣  
賊大敗走優詔褒美咸平初李繼遷叛以濟領順州  
團練使其年清遠軍陷夏人大集斷饑道孤軍絕援  
濟刺指血染奏求救甚急兵不至城陷死之上廟嗟  
悼特贈鎮江節度使三子並優進秩濟凡麗澤弟麗  
正並進士及弟

李繼宣

李繼宣浚儀人乾德中補右班殿直年十七命往陝  
州捕虎殺二十餘生致其二及一豹以獻初與明德  
皇后兄名同太宗爲改焉雍熙三年曹彬北征繼宣  
時爲貝州監軍從先鋒李繼隆至方城力戰三日大  
軍繼至遂克固州及權知威虜軍屢有功咸平四年  
拜西上閣門使領康州刺史爲前陣鈐轄與秦翰楊  
延昭楊嗣分屯靜戎威虜大克捷詔書稱獎特加檢  
校官及食邑改鄆州部署加四方館使以疾授西京  
水南都巡檢使卒

宋 卷六

十四

張旦

張旦趙州人勇敢善射以經學中第至國子博士淳  
化中知陵州州無城堡兵不滿三百會李順賊黨數  
萬來攻旦脩戰具置鹿角堦驅市人與戰大敗之景  
德中契丹入寇旦與其子利涉戰沒贈旦左衛大將  
軍利涉崇儀副使錄四子官又虎翼都虞候胡福金  
劍編體猶奮劔轉剛指揮使尚祚能運大槓並多  
所擊殺衆寡不敵遂與指揮使張唐劉福都頭輔能  
等四人俱死之各贈官有差

周渭

周渭字得臣恭城人幼孤養于諸父力學工為詩創銀據五嶺渭率鄉人六百踰嶺將避地零陵未至賊起斷道絕糧渭脫身北上建隆初至京師為薛居正所禮上書言時務召試賜同進士歷通判興州太平興國二年為廣南諸州轉運副使移書交趾諭朝廷威信將刻日再舉黎桓懼即遣使入貢為益州轉運使坐從子造詔市馬黜真宗聞其清節召還將復用詔下而卒年七十七上閔其貧不克葬賜錢十萬

宋

卷六

十五

妻莫荃賢婦人也渭北走時不暇與荃訣二子孩幼荃尚少父母欲嫁之荃泣誓曰渭非久困者親養續雁春以給朝夕二子皆畢婚娶凡二十六年復見渭朱昂為著節婦傳

查道

查道字湛然休寧人端拱初舉進士高第歷通判遂州徙知果州寇黨何彥忠擁衆不聽撫詔道單馬趨賊所諭以詔意或譏之曰仁郡守也寧害我乎相率投兵羅拜給券歸農拜左正言進右司郎中天禧初

知虢州卒道至孝母病思臘羹方冬泣禱於河整冰取之得臘尺許以饋又刲臂血為佛經毋尋愈

崔立

崔立字本之鄆陵人祖周度仕周為泰寧軍節度判官慕容彥超叛周度以大義責之遂見殺立登進士第歷官知江陰軍屬縣有利港久廢立濬治溉田數千頃歷知棗漢相潞交鄆涇七州祥符封禪士大夫爭奏符瑞獻贊頌立獨言水發徐州旱連江淮無為烈風金陵火知耀州改知濠州遷給事中告老進尚

宋

卷六

十一

書工部侍郎致仕卒立識韓琦於布衣以女妻之

張逸

張逸字大隱荊陽人進士及第知襄州鄧城縣知州謝泌薦逸引對真宗問所欲何官逸對曰毋老在室願得近鄉幕職授澧州觀察推官母喪除帝又固問之曰願得京官特改大理寺用泌薦也知長水縣徙青神縣縣東南有松栢灘夏秋暴漲多覆舟逸請江神不踰月灘為徙五里累遷尚書兵部郎中知開封府有僧求內降免田稅而逸固執不許知益州逸凡

四至蜀諸其民風華陽驕長殺人誣道旁行者縣吏受財獄既具乃使殺人者守囚逸曰囚色寬守者果服立誅之蜀人以爲神卒于官

王濟

王濟字巨川饒陽人父愨後唐時童子及第開寶中知秀州會盜起城陷爲盜所殺將并害濟濟伏柩號慟謂賊曰吾父已死吾安用生爲恨力不能殺汝報父讎爾賊義之拾去雍熙中上書自陳死事之孤得試學士院補龍溪主簿判登聞鼓院拜監察御史疏

宋

卷六

十七

陳十事皆切於時咸平初建議請制定制勅乃命張齊賢領其事改鹽鐵判官車駕巡師大名調丁夫十五萬脩黃汴河濟以爲勞民詔濟馳往度還奏省十六七齊賢時爲相以河決爲憂因召對令濟署狀保河不決濟曰河決亦陰陽災沴宰相苟能和陰陽河之不決臣亦可保上動容獨咎濟問邊事著備邊策十五條以獻屬選官判大理寺上曰王濟近數言事似有操持可試之遂令權判寺事時王欽若知審刑與濟素不相得乃因劉瑩獄與齊賢共議坐濟故入

停官後判司農寺受詔與劉綜改定茶法頗易舊制由是忤丁謂林特劉承規輩因與欽若迭詆訾之拜本曹郎中出知杭州濬治錢塘湖民頗利之大中祥符三年年五十九卒濟涉經史好讀左氏春秋性剛直無所畏避少時深州刺史念金鎖一見器之且託後於濟金鎖沒濟撫其孤援實祿仕素與內臣裴愈有隙及愈坐事觸上怒濟力爲辨理遂獲輕典

高瓊

宋

卷六

十八

高瓊家世燕人少無賴爲盜事敗將跽于市者雨創潰尙守者稍息擊釘而遁事王審琦夫宗尹京召置帳下卽位禮至神衛右廂都指揮使領歸義軍節度出爲并州馬步軍都部署時潘美亦在太原嘗制節度使領軍職者居上瓊以美寵臣表請居其下成兵有糜食陳腐諱者瓊知之一日巡諸營士卒方聚食因取其飯自啖之衆言遂息景德中車駕北巡或勸南還有以金陵之謀告者帝意稍惑召冠準問之準曰陛下惟可進尺不可退寸河北諸軍日夜望鑿與至士氣百倍若回輦數步則萬衆瓦解虜乘其後金

陵亦不可得至也準出遇璣于屏間謂曰太尉受國厚恩今日有以報乎璣曰願効死準役入璣立庭下準厲聲曰陛下不以臣言為然盍試問璣璣即仰奏曰寇準言是馮拯在旁呵之怒曰君以文章致位膺府今虜騎充斥如此君何不賦一詩退虜耶帝乃發至澶州南城望見契丹軍勢甚盛衆請駐蹕準固請璣亦固以請即麾衛士進犂帝遂渡河御北城門樓召諸將撫慰遠近望見御益踴躍呼萬歲聲聞數十里會鄂州得契丹謀者縛至斬之契丹相視益飾驩

宋 卷六 十九

使夜中潛誌盜背明日皆獲最後知并州帥兵禦元昊有功築寧遠砦鑿石出泉已而城五砦遷至眉州防禦使卒

范廷召  
范廷召棗強人年十八手刃父讎剖心以祭父墓嘗為盜以勇壯間周廣順初應募遷至殿前指揮使從平太原征范陽事連泰王廷美山之於外雍熙三年議比征召還領先鋒大破賊衆乘勝下涿州淳化中歷拜代環慶諸路副部署至道中遣將五路討李繼遷命廷召副李繼隆為環慶靈都部署諸將失期獨廷召與王超大小數十戰屢克捷咸平二年車駕北巡廷召與契丹戰逐北斬首數萬加檢校太傅卒年七十五諸子守慶最賢更名王珪為西京作坊副使

曹利用  
曹利用字用之趙州人父諫擢明經第仕至右補闕以武畧改崇儀使利用少喜談辨慷慨有志操蔭補右班殿直真宗幸澶州契丹使王繼忠議和延授利用閣門祇候崇儀副使奉書詣其軍既至議開南地

宋 卷六 二十

利用拒之遣其臣韓杞來報命利用再使竟不能屈遂定議歷拜樞密使同平章事天禧二年輔臣丁謂李迪爭論帝前迪斥謂姦邪因言利用朋黨利用曰以片文遇主臣不如迪捐軀入不測之虜迪不遷臣初章獻太后臨朝中人與貴戚稍能軒輊為禍福利用以勳勳自居不卹也凡內降恩力持不予左右多怨太后亦嚴憚之會從子洎坐被酒衣黃衣令人呼萬歲杖死連謫利用左千牛衛將知隨州又坐私貸景靈官錢貶房州安置命內侍楊懷敏護送奪詣子

宋

卷六

二十一

官行至襄陽驛懷敏不肯前投綬而絕以暴卒聞年五十九明道二年追復節度還諸子官

張凝

張凝滄州人人事太宗藩邸即位為邊將遷至六宅使真宗時累破契丹遷至趙州刺史歷邠寧環慶靈州路副都署兼安撫使時斥候數擾凝率兵入敵境生擒賊將慶州蕃族胡家門等桀黠難制凝因襲賊之又熟戶與生寇錯居頗為誘脅凝引兵降峇都等百七十餘族景德初遷本州防禦使卒

白守素

白守素開封人以蔭補東班承旨真宗與輔臣議三路禦賊命魏能為部署曰能頗強慢以守素練邊計張銳性和善命為幹轄戍順安以貳之景德初契丹侵長城口守素與能發兵破之大中祥符三年命副李迪使契丹守素居邊久名聞北庭上慮其不欲行遣內侍密詢守素頗首感咽乃命代為再遷南作坊五年卒

宋

卷六

二十一

楊允恭

楊允恭綿竹人少側儻任俠乾德中丁德裕討賊至州允恭以策干之署綿漢招收巡檢太平興國中歷廣運都巡檢使以海鹽盜入嶺北民犯者衆請建大庾縣為軍官輦鹽市之詔建為南安軍自是少冒禁者時緣江多賊命督江南水運以功轉洛苑副使江淮兩浙都大發運擘畫茶鹽捕賊事轉西京作坊使條陳緣江權務事宜鹽鐵使陳恕等是其議詔從之即命為發運使允恭與王守與秦羲同主茶鹽之任多作條制遂變新法真宗即位改西京左藏庫使會



議減西鄙屯兵以息轉餉召允恭往經度王均亂蜀  
以為荆湖江浙都巡檢使卒初李順兒自榮據綿竹  
允恭見允升第允元率鄉里子弟併力破之又為王  
師鄉導就自榮請劔門以獻詔並授縣令明年召赴  
闕授允升右贊善大夫允元大理評事允恭子可威  
平元年進士善屬文有吏幹

王欽若

王欽若字定國新喻人年十八獻平賢賦於太宗後  
擢進士甲科歷太常丞判三司理欠憑由司時毋實

宋

卷六

五十五

古為度吏判官嘗言曰天下通負自五代迄今理督  
未已民不能勝僕將啟獨之欽若一夕命吏勾校成  
數登目上之真宗大驚曰先帝願不知耶欽若曰殆  
嘗與陛下收人心爾帝即日行之由是益器重為翰  
林學士蜀寇王均始平為西川安撫使還授左諫議  
大夫參知政事加給事中河陰民常德方訟臨津縣  
尉任慈賂欽若得中第景德初契丹入寇欽若自請  
此行判天雄軍素與寇準不協及還累表願解政事  
大中祥符初為封禪經度制置使天書儀衛副使先

是真宗嘗夢神人言賜天書於泰山即密諭欽若授  
中使馳進封禪禮成遷禮部尚書明年同平章事又  
明年商州捕得道士譙文易畜禁書能以術使六丁  
六甲神自言嘗出入欽若家得欽若所遺詩帝以問  
欽若謝不省遂以太子太保出判杭州仁宗為皇太  
子自以東宮師保請歸朝復同平章事判河南府與  
宰相丁謂不相悅以疾請就醫京師不報仁宗即位  
歷拜司空封冀國公卒贈太師中書令謚文穆欽若  
嘗言少時過田夜起視天中赤文成紫微字後使  
蜀至褒城道中遇異人告以他日位至宰相既去視  
其刺字則唐相裴度也及貴遂好神仙事冀宗封祀  
言符瑞皆欽若與丁謂倡之狀貌短小項有附疣特  
人目為瘰相仁宗嘗謂輔臣曰欽若久在政府觀其  
所為真姦邪也王曾對曰欽若與丁謂林特陳彭年  
劉承珪時謂之五鬼

丁謂

丁謂字謂之更字公言長洲人少與孫何友善同袖  
文謁王禹偁大驚重之進士甲科歷夔州路轉運使

宋

卷六

五十四

蠻地餽果常乏鹽謂聽以果易鹽蠻人大悅真宗幸  
澶淵以謂知鄆州明年召為右諫議大夫權三可使  
上會計錄大中祥符初議封禪天禧三年以吏部尚  
書復參知政事時寇準為相尤惡謂謂熈其過寇  
罷準拜謂同平章事周懷政事敗帝意欲謂準江淮  
間謂退除道州司馬王曾以帝語質之謂顧曰居停  
主人勿復言其後謂欲引所善林特為樞密兼東官  
官李迪斥之於是二人俱罷相以謂為戶部尚書尋  
出知河南府迪知鄆州明日入謝謂復舊仍進圖學  
宋 卷本 二十五

中授秘書監致仕居光州卒謂初判饒州遇異人曰  
君貌類李贊皇既而曰贊皇不及也  
夏竦  
夏竦字子喬德安人父承皓上平晉策於太宗補右  
侍諫大名府契丹內寇承皓緜州道發兵夜與契丹  
遇力戰死之贈崇儀使錄竦縣簿舉賢良方正累遷  
知制誥禮部郎中竦娶楊氏亦工筆札有鈎距及竦  
顯多內寵寢與楊不諧訴開封府事聞下御史臺左  
遷知黃州後徙鄆州襄州仁宗即位遷戶部郎中徙  
宋 卷本 二十六

及任以西事頗依違願避改判河中府徙蔡州慶曆  
中召爲樞密使諫官御史交章論竦詔竦歸鎮徙知  
亳州改授吏部尚書歲中加資政殿學士竦之及國  
門也帝封彈疏示之既至亳州上書萬言自辨復拜  
宣徽南院使河陽三城節度使判并州明年拜同平  
章事削大名府又明年召入爲宰相制下而諫官御  
史復言遂改樞密使封英國公會京師同日無雲而  
震者五帝方坐便殿趣召翰林學士張方平至謂曰  
夏竦姦邪以致大變罷知河南府未幾赴本鎮加衆  
朱 卷六 二十七

侍中饗明堂徙武寧軍節度使進鄧國公錫資與輔  
臣等將相居外遇大禮有賜自竦始尋以病歸卒贈  
太師中書令謚文正劉敞言竦姦邪不可爲正改謚  
文莊竦家累鉅萬自奉尤侈子安期字清卿以學士  
知延州安期雖乘世資頗以才自厲然無學術求入  
侍經筵爲世所譏其侈不減其父云

宋列傳卷之七

馮拯

馮拯字道濟河陽人第進士累擢右正言徙知鼎州  
改通判廣州真宗卽位累遷右諫議大夫同知樞密  
院事景德中爲參知政事再遷兵部侍郎大中祥符  
初嚴貢舉糊名法拯與王旦論選舉帝前拯請以兼  
致策論不專以詩賦爲進退帝曰可以觀才識者文  
論也拯論事多合帝意如此拜同平章事乾興元年  
進封魏國公輔臣會食資善堂召議事丁謂獨不預

朱

卷七

謂知得罪頗哀請錢惟演述曰當致力無大憂也拯  
然視惟演惟演取階及封承明殿太后怒甚語欲誅  
謂拯進曰謂固有罪然帝新卽位亟誅大臣駭天下  
耳目太后怒少解謂既貶拯代謂爲司徒玉清昭應  
宮使病告表願罷相判河南府卒贈太師子行已累  
觀察使仲巳累武衛大將軍

陳執中

陳執中字昭譽以父恕任爲秘書省正字寶元初執  
中自知未與軍拜右諫議大夫知陝州復徙青州慶

曆四年召拜參知政事諫官孫甫蔡襄極論不可帝遣使馳賜敕告諭年拜同平章事兼樞密使皇祐初以足疾辭位遂出知陳州久之拜集慶軍節度使判大名府後以吏部尚書拜同平章事時張貴妃治喪皇儀殿追冊為后王洙后全彬務以非禮導帝意執中隨輒奉行會嬖妾管小婢出外舍死御史趙抃列八事奏劾歐陽修亦言之至和二年諫官范鎮等言不已卒罷執中拜司徒岐國公致仕卒贈太師執中為相八年人莫敢干以私四方聞遺不及門惟殿前

宋 卷七

指揮使郭承祐數至其家為御史所言遂詔中書樞密自今非聚廳無見賓客子世儒官至國子博士妻李與羣婢殺世儒所生母世儒與謀皆棄市

賈昌朝

賈昌朝字子明真定人真宗初殺南郊昌朝獻頌道左召試賜同進士出身主胥陵簿除國子監說書孫與判監獨稱其講說有師法他日書路隨帝處厚俸示昌朝曰君當以經術進如二公與辭侍讀為昌朝自代歷遷右諫議大夫權御史中丞兼判國子監議

者欲以金縢啗契丹使攻元昊昌朝曰契丹許我有功則責報無窮矣力止之慶曆三年拜參知政事歷同平章事與育數與昌朝爭議上前論者多不直昌朝遂罷育而除昌朝判大名府尋以討貝州賊功後山南東道節度使徙判鄭州毋喪除判許州召對邈英閣帝問乾卦昌朝開陳上九之所以曰悔用九之所以曰吉者等語優答復劍大名府時河決商湖昌朝請復故道不從英宗即位徙鳳翔節度使卒謚文元昌朝在侍從多得名譽及執政乃不為正人所與

宋 卷七

第昌衡從子炎伯祖父瑛昌衡第進士歷諸路轉運使炎以昌朝陰歷筦庫累遷顯謨閣待制蔡京童貫屢更錢法炎言表其不便瑛胥中書舍人給事佛之子以陰歷左正議大夫樞密直學士權三司副使卒瑛有更幹昆第五人瑛最幼瑛歷官諸兄相繼死瑛拊循孤幼分給衣食庭無間言士大夫稱之

梁適

梁適字資仲穎之子也少孤嘗輯父遺文及所自著以進真宗曰梁顯有子矣授秘書省正字更舉進士

知淮陽軍仁宗知其名召為審刑詳議官累擢樞密副使儂智高入寇移嫚書求邕桂節度帝將受其降適曰若爾嶺外非朝廷有矣乃遣狄青討之遷參知政事契丹欲易國書稱南北朝適曰自古豈有無名之國哉遂止進同平章事大端王守忠求為節度使適持不可張貴妃治喪皇儀殿又以為不可將以適為園陵使適言國朝以來無此制由是寢與陳執中不合適馳暢法令臨事有膽力而多挾智數不為清議所許以太子太保致仕進太傅卒孫子美紹聖中

宋

卷七

四

提舉湖南常平時新復役法子美先諸路成役書就遷提點刑獄累直龍圖閣河北都轉運使傾漕計以奉上至捐縑錢三百萬市比珠以進崇寧間諸路漕臣進羨餘自子美始比珠出女真子美市於契丹契丹嗜利虐女真捕海東青以求珠兩國之禍蓋基於此子美用是致位光顯卒

陳堯叟

陳堯叟字唐夫閬中人父省華事孟昶為西水尉蜀平授隴城主簿端拱二年太宗親試進士堯叟登甲

科省華智辨有吏幹擢至左諫議大夫卒年六十八堯叟解褐光祿寺丞直史館父子同日賜緋歷工部員外郎廣南西路轉運使俗有疾輒禱神不知醫藥堯叟刻方書於州驛嶺外少林木井泉堯叟令道傍植木鑿井置亭舍民咸使之咸平初詔諸路課民種桑棗堯叟上言聖自今許以所種蘇苧頃畝折桑棗之數權知兵部侍郎祥符初東封加尚書左丞五年以本官檢校太傅同平章事充樞密使天禧初疾亟求還至京師卒年五十七堯叟母馮氏性嚴家本富

宋

卷七

五

祿賜且厚不許諸子事華後堯叟尤以孝謹稱景德中堯叟掌機密第堯佐直史館堯咨知制誥與其父同在北省諸孫任官者十數人宗親登科者又數人榮盛無比馮年八十餘後堯叟數年卒堯佐字希元進士及第為魏縣中牟尉通判潮州民張氏子與其毋灌于江鱈魚尾而食其子毋弗能救堯佐命二吏擊小舟操網往捕鱈至暴非可網得至是鱈餌受網作文示諸市而烹之人皆驚異天禧中河決知滑州造木龍以殺水怒又築長堤人呼為陳公堤徙并州

每汾水暴漲州民輒憂堯佐爲築堤植柳數萬本  
作柳溪民賴其利天聖七年三月拜樞密副使八月  
以給事中叅知政事遷吏部侍郎太后崩執政多罷  
以戶部侍郎知未與軍改知廬州徙同州復徙永興  
鄭州旣而拜同平章事以災異罷爲淮康軍節度使  
判鄭州以太子太師致仕卒贈司空兼侍中謚文惠  
堯佐少好學初肄業錦屏山後從種放於終南山及  
貴讀書不輟號知餘子自誌其墓曰壽八十二不爲  
天官一品不爲賤使相納祿不爲辱陳搏嘗謂其父

宋 卷七 六

曰君三子皆當將相惟中子貴且壽後如其言堯咨  
字嘉謨舉進士第一歷官右正言以龍圖閣直學士  
知未與軍長安地斥鹵無甘泉堯咨疏龍首渠注城  
中民利之嘗以氣凌轉運使樂黃目黃目不能堪末  
解去遂徙堯咨知河南府又徙天雄軍卒族子博古  
篤學能文爲館閣校勘早卒

宋庠

宋庠字公序安陸人舉進士開封試禮部皆第一歷  
官左正言郭皇后廢庠與御史伏閣爭論坐罰金庠

初名郊李淑恐其先已以奇中之言曰宋受命之號  
郊交也合姓名爲不祥帝弗爲意他日以論之因改  
名庠寶元中以右諫議大夫叅知政事與呂夷簡論  
數不同凡庠與善者皆指爲朋黨如鄭戩葉清臣等  
悉出之乃以庠知揚州慶曆中范仲淹去位帝問宰  
相章得象誰可代者得象薦其弟祈帝雅意在庠後  
召爲叅知政事皇祐初同平章事封莒國公御史言  
庠昏惰判鄭州英宗卽位封鄭國公以老請出判毫  
州以司空致仕卒年七十一祈字子京與庠同舉進

宋 卷七 七

士禮部奏祈第一庠第三章獻太后不欲以弟先兄  
擢庠第一真祈第十八呼曰二宋以大小別之歷官  
太常博士同知禮儀院李照定新樂胡璣鑄鍾磬祈  
皆典之庠復知政事祈改龍圖學士史館修撰修唐  
書累遷右諫議大夫庠爲樞密使祈復爲翰林學士  
皇祐中詔求直言祈奏二患其意主於彊君威別邪  
正急先務皆中時病會冊温成爲貴妃祈適當制祈  
疑進告身非是以李淑明典故問之淑心知其誤謂  
祈曰君第進何疑耶祈遂坐誤出知許州數月復召

遷給事中兼龍圖學士坐其子從張彥方游出知毫州又上禦戎論七篇知益州尋除三司使唐書成遷左丞俄拜翰林學士承旨復為羣牧使卒年六十四學士承旨張方平言祈法應得謚乃謚景文

魯宗道

魯宗道字貫之亳州譙人第進士歷海鹽令縣有港導海水歲久淹塞宗道疏治之人號魯公浦擢右正言宗道風聞多所論列帝意頗厭其數後因對自訟請罷去帝撫諭良久他日書殿壁曰魯直蓋思念之

宋

卷七

八

也仁宗立歷拜右諫議大夫參知政事章獻太后臨朝宗道多所諫正執政多任子於館閣讀書宗道曰館閣育天下英才豈統榜子弟得以恩澤處邪貴戚用事者皆憚目為魚頭參政因其姓且言骨鯁也卒年六十四皇太后臨奠贈兵部尚書勅議謚剛簡改蕭簡論者謂剛得其實焉宗道不為小諫為論德時居近酒肆嘗微行飲肆中偶真宗亟召使者及門久之宗道方自酒肆來使者先入約曰即上怪公遲何以為對宗道曰第以實言之使者曰然則公當得罪

曰飲酒人之常情欺君臣子之大罪也真宗果問禮者且詰之宗道謝曰有故人來臣家貧無杯盤故就酒家飲帝以為忠實可大用嘗以語太后云

薛奎

薛奎字宿藝絳州人舉進士為州第一乃推與里人王嚴而處嚴下進士及第為隰州軍事推官州民常聚博僧舍一日盜殺寺奴取財去博者適至血滿流衣捕訊誣伏奎獨疑之白州緩其獄後果得殺人者累擢龍圖閣待制使契丹還遷右諫議大夫仁宗初

宋

卷七

九

或譏奎漏禁中語改授集賢院知并州改秦州知益州秦民與夷落數千人列奎治狀召權三司使遂參知政事帝諭曰先帝嘗以為卿可任今用卿先帝意也太后謁太廟欲被服天子袞冕奎力諫終不聽及太后崩卒賴奎言去袞冕以后服飲因請逐內侍羅崇勳等判尚書都省尋卒年六十八謚簡蕭奎性剛不苟合遇事敢言真宗時數宴大臣至有雷醉者奎諫大臣數被酒無威儀非所以重朝廷也善知人范仲淹龐籍明鑄自為吏部選人皆以公輔許之無子

以從子嗣

王曙

王曙字晦叔河南人第進士再調定國軍節度推官  
咸平中舉賢良方正科遷祕書省著作郎仁宗為皇  
太子與李迪同選兼賓客坐貢舉失實黜官後復為  
給事中兼羣牧使其妻冠澤女也準再貶曙亦再貶  
累遷知潞州州有殺人者獄已具曙獨疑之果果辨  
為作辨獄記遷工部侍郎參知政事以疾請歷知河

南府召為樞密使同平章事逾月卒子益恭益柔恭

宋

卷七

十一

以蔭為衛尉寺丞性恬淡慕唐王龜之為人數解官  
就養曙參知政事治第西京勸曙引年謝事曙不果  
去終父喪遂以尚書司門員外郎致仕間與浮圖隱  
者出游洛陽名園山水無不至也益柔字勝之用蔭  
至殿中丞杜衍薦知介丘縣仁宗戒勅朋黨上書論  
辨尹洙貶又為訟之不聽范仲淹以館閣薦除集賢  
校理預蘇舜欽奏邸會醉作傲歌時諸人欲遂傾正  
黨至列狀言罪當誅韓琦力言帝悟但黜之久之為  
開封府推官鹽鐵判官熙寧元年入判度支審院詔

百官轉對益柔言唐高宗之李義甫明皇之李林甫  
德宗之盧杞憲宗之皇甫湜帝王之鑑也况誦六藝  
挾才智以文致其姦說者哉意蓋指王安石也遷至  
直舍人院知制誥兼直學士院卒年七十二益柔少  
力學通羣書為文日數千言司馬光語人曰吾為資  
治通鑑觀者讀未終一紙已欠伸思曠能閱之終篇  
者惟王勝之耳

蔡齊

蔡齊字子思萊州人舉進士第一儀觀俊偉真宗命

宋

卷七

十一

金吾給七騶傳呼以寵之狀元給騶自齊始也歷祕  
書省著作郎直集賢院仁宗初歷尚書禮部員外郎  
兼侍御史知雜事入為翰林學士加侍讀學士太后  
大出金帛修景德寺遣內侍羅崇勲主之命齊為記  
崇勲陰使人誘齊曰當得參知政事矣齊久不上崇  
勲譏之罷為龍圖閣學士知河南府召為右諫議大  
夫御史中丞太后崩遺詔以楊太妃同裁制軍國事  
齊人白執政遂罷預政蜀大姓王齊雄者太后姻家  
坐殺人除名未更赦復官齊奏曰以恩廢法如朝廷



何帝勉從之郭皇后廢將立富人陳氏女爲后齊極論之拜禮部侍郎參知政事王曾與齊善曾罷相齊亦以戶部侍郎歸班尋出知穎州卒年五十二齊方重有風采丁謂秉政欲齊附已終不往少與徐人劉頴善頴罪廢齊上其書數十萬言得復官頴卒又以女妻其子從子延慶字仲遠登進士第歷官秦鳳等路都轉運使王詔進師河州薨斷其歸路延慶檄兵赴之詔得全師還召知開封府歷吏部侍郎卒年六十二延慶幼爲伯父齊後齊有遺腹子乃歸其宗籍

宋

卷七

十二

家所有付之萊人義焉

韓億

韓億字宗魏雍丘人第進士累遷司封員外郎兼侍御史知雜事與樞知臨江軍使人賂宰相王欽若因牙吏至京師審之語頗洩欽若知不可掩執吏以聞詔付臺獄億窮治并按欽若詔釋不問使契丹還景德二年以工部侍郎同知樞密院事范仲淹獻百官圖陰薦億可用遂除戶部參知政事會忻州地大震課官韓琦言王隨陳堯佐非輔弼才又言億子綜爲

羣牧判官不當自請以兄綱代之遂與宰相皆罷知應天府以太子少傅致仕卒年七十三謚忠獻八子綱綜繹絳維續緇緇綱尚書水部員外郎中慶曆中知光化軍性苛急不能撫循士卒帥衆爲亂欲殺綱坐除名綱管英州維字持國進士奏名禮部方億輔政不肯試大廷受蔭入官召試學士院辭不就富弼辟河東幕府史館修撰歐陽修薦爲檢討神宗在王邸維爲記室參軍語及功名維曰聖人功名因事始見不可有功名心左右史闕英宗謂執政第擇人不

宋

卷七

十三

必專取高科遂以維同修起居注御史呂誨等以濮議得罪維諫請詳議以盡人情復誨等以全政體神宗卽位除龍圖閣直學士以言事求去知汝州數月召兼侍講明年爲御史中丞以兄絳在樞府力辭安石亦惡其言保甲事復使爲開封孔文仲對策入等以切直罷歸維言陛下毋謂文仲爲一賤士黜之何損臣恐賢俊解體忠良結舌請郡出知襄州改許州召爲學士承旨入對帝曰天久不雨朕日夜焦勞奈何維謂當責躬求言命維草詔求直言詔出人情大

悅有旨體量市易免行利病權罷方田保甲是日乃  
雨安石罷會絳人相知河陽復知許州請外祠帝崩  
赴臨宣仁后手詔勞問召兼侍讀維謂司馬光曰小  
人議論希意迎合不可不察拜門下侍郎被讒分司  
南京尚書右丞王存抗聲簾前曰韓維得罪莫知其  
端臣竊爲朝廷惜乃遷秩知鄧州兄絳爲請改汝州  
久之以太子少傅致仕紹聖中坐元祐黨再謫卒年  
八十二

吳育

卷七

十四

吳育字春卿建安人父待問禮部侍郎育舉進士試  
禮部第一中甲科除大理評事遷寺丞歷三縣舉賢  
良方正擢著作郎供諫職元昊僭號議出兵育獨建  
言宜援國初江南故事稍易其名可以順附而收之  
卒如育議育又上言請募士諭喇嘶囉及他蕃部離  
散其黨與契丹與元昊構兵元昊求納欵契丹使來  
請勿納朝廷未知所答育因疏言不可納一叛寇失  
繼世兄弟之懼慶曆五年連拜樞密副使參知政事  
育在政事遇事政言與宰相賈昌朝數爭議上前左

右皆失色育論辨不已願罷職乃復以爲樞密副使  
明年以高若訥言罷昌朝而育歸給事中班未幾出  
知許州徙河南病革視事如平日因閱囚辨非罪寬  
舞文吏二人已而卒年五十五弟克

宋綬

宋綬字公垂趙州人外祖楊徽之無子家藏書悉與  
綬遂通經史百家初以徽之遺奏補太常寺太祝年  
十五召試中書真宗愛其文遷大理評事爲集賢校  
理與父阜同職後賜同進士出身遷大理寺丞時章

宋

卷七

十五

獻太后猶稱制仁宗未嘗獨對羣臣綬奏言唐先天  
中睿宗爲太上皇五日一受朝處分軍國重務宜防  
先天制度今羣臣對殿前迂太后意出知應天府太  
后崩召還將大用宰相張士遜沮之士遜罷廼除參  
知政事時宰相呂夷簡王曾論議數不同綬多是夷  
簡而參知政事蔡齊間有所異四人皆罷綬知河南  
府元昊反劉平石元孫敗沒綬畫十事以獻後召知  
樞密院參知政事尋卒年五十七子敏求字次道賜進  
士及第歷遷知制誥英宗在廩有言宗室服厥者可

嫁娶敏求以為不可曾公亮欲去敏求遂以異議貶秩知絳州未久召還王安石當國論旨草呂公著制明著罪狀敏求但言敷陳失實安石嗔怒白於神宗命陳升之改其語敏求請解職未聽會李定除御史敏求封還詞頭遂以本官右諫議大夫奉朝請策試賢良方正孔文仲對語切直擢真優等安石愈怒罷文仲人為敏求懼帝獨全護之加龍圖閣直學士卒年六十一

李若谷

卷七

十六

李若谷字子淵徐州豐人第進士歷大理寺丞知宜興縣累遷集賢院學士知江寧府卒挽舟過境寒瘡甚者皆養視之涓春溫遣去民巧于道者以分隸諸僧寺助給春爨知并州民貧夫婚姻者若谷出私錢助其嫁娶知開封府拜叅知政事建言君子小人各有其類今一日以朋黨恐正人無以自立仁宗悟為下詔論中外疾辭以太子少傅卒年八十七子淑

王疇

王疇字景彝以蔭入仕登進士第累遷太常博士翰

林學士宋祁與內侍同提舉諸司庫務祁薦疇為當公事疇辭於中書曰翰林先進疇恐不得事也然以朝士大夫為闖人指使疇實耻之賈昌朝薦改編脩唐書仁宗獵近郊疇引十事以諫皇祐中詔禁貴戚近習私謁者疇獻聖政惟公頌召試直秘閣為開封府推官宦者李允良疑人毒死其叔父訴請發棺驗視疇獨曰此安知非允良姦謀邪窮治果引伏遷給事中英宗即位疏請聽政及視朝猶持謙抑疇復疏請聽決大政又請行幸以安人心大臣亦以為言帝

宋

卷七

十七

乃出疇兩都人大悅時詔近臣議仁宗明堂配祭知制詔錢公輔議遺仁宗疇非之謂不宜導陛下為不孝帝與執政大臣謂疇每論事有補皆器異之拜樞密副使未幾卒

王堯臣

王堯臣字伯庸虞城人舉進士第一遷右司諫郭皇后在殯值上元節帝以堯臣言罷張燈陝西用兵為體量安撫使使還論延州鎮戎軍渭州山三敗之由皆為將帥不能據險擊之而多倍道趨利詔以其言

戒邊吏時韓琦坐好水川兵敗徙秦州仲淹亦以擅復元昊書降耀州堯臣言二人忠義智勇不當置散地薦种世衡狄青有將帥才使堯臣再安撫涇原初曹瑋開山外地置籠竿等四禁募弓箭手給田使耕戰自守其後將帥失撫御稍侵奪之衆怨怒閉城畔堯臣適過境上作書射城中諭以禍福衆遂出降以戶部郎中權三可使入內都知張永和建議收民僦舍錢十之三以助軍費堯臣入對曰此衰世之道夔州轉運使請增監課十餘萬堯臣謂欽恣罷之歷遷

宋

卷七

十八

樞密副以戶部侍郎叅知政事久之帝欲以爲樞密使爲胡宿所沮卒年五十六

孫抃

孫抃字夢得眉山人第進士累遷至諫議大夫權御史中丞諫官韓絳論奏抃非紕繩才卽手疏謂諫官無適以捷給刻深爲才則臣誠不能也仁宗察其言趨視事帝欲除內都知王守忠節度使抃奏罷之温成議建陵立廟抃率官屬言非禮固爭不能得伏地不起帝爲改容遣之御史請罷宰相梁適未聽抃奏

非罷適無以慰物論宰相陳執中嬖妾張氏撈殺其婢抃復論列疏十上遷禮部侍郎樞密副使歲中叅知政事抃質畧無威儀居兩府年老益耄被彈罷爲觀文殿學士英宗立以太子少傅就第卒

田况

田况字元均其先信都人晉亂祖行周沒於契丹父延昭景德中脫身南歸性沈鷲教子嚴累官太子率府况舉進士第歷太常丞通判江寧府趙元昊反夏竦經畧陝西辟爲判官累遷知制誥常而奏事論及

宋

卷七

十九

政體仁宗頗以好名爲非意在遵守故常况退而著論上之謂名由實而生非徒好而自至也時邊奏契丹修天德城及多建堡堦况意其蓄姦謀乃上疏願曰燕間召執政大臣從容咨訪專以慮患爲急尋爲陝西宣撫副使還領三班院始契丹寇澶州畧得數百人以屬其父延昭延昭哀之悉縱去因自脫歸中國延昭生八子多知名况長子也保州之役况脫殺降卒數百無子

馮元

馮元字道宗與樂安孫質共陸參譙夏侯圭善羣居講學號四友登進士第授江陰尉時詔取明經者補學官元自薦通五經補國子監講書仁宗卽位與孫真以經術並進講論坐監護宸妃葬事不職罷知河陽王曾爲言元東朝舊臣不宜以細故棄外召遷禮部侍郎修景佑廣樂記書成遷戶部侍郎卒

趙師民

趙師民字周翰臨淄人九歲能屬文登進士第歷天平軍節度推官年五十來京師近臣宋郊等列薦爲

宋

卷七

二十一

國子監直講會趙元昊反罷進講師民上書陳十五事因獻勸講歲明年復命講讀同判宗正寺他日讀漢記問長安城衆莫能知其推師民因陳自古都雍年世舊址所在若畫諸掌仁宗悅累請補郡除龍圖閣直學士知耀州帝自寫詩寵行日以儒林舊德三遷刑部郎中復領宗正卒

張揆

張揆字貫之其先范陽人登進士第歷三司戶部判官詔對邇英閣命揆著得斷首言斷首準易之夫君

子進小人退之象仁宗說擢天章閣待制兼侍讀一日進讀漢馬后傳因言今妃族宜裁損出知齊州卒

楊安國

楊安國字君倚安丘人父光輔居馬者山讀書授徒以薦歷太常寺奉禮郎既而孫真馮元薦安國爲國子監直講并召光輔仁宗命說尚書講無逸一篇時年七十矣帝欲留爲學官辭以國子丞老於家安國五經及第歷翰林侍講學士卒

尹洙

宋

卷七

二十一

尹洙字師魯河南人與兄源俱以儒學名第進士歷知光澤縣遷太子中允會范仲淹貶戒百官朋黨洙奏臣與仲淹義兼師友不可苟免宰相怒黜監唐州酒稅元昊反葛懷敏辟爲經畧判官劉平石元孫戰敗朝廷以夏竦爲經畧安撫使范仲淹韓琦副之以洙爲判官洙數上疏論兵擢洙集賢校理洙遂趨延州謀出兵仲淹持不可還至慶州會任福敗因發州銳卒數千赴救未至賊引去坐專擅降通判濠州未幾韓琦知秦州辟洙通判州事會鄭戩爲陝西四路

都總管道劉滬董士廉城洛水洙奏罷之戰論奏不  
已卒徙洙慶州而城洛水又徙晉州遷起居舍人士  
廉詰闕上書遣御史劉湜就鞠湜文致其罪徒監均  
州酒稅感疾沿牒南陽訪醫卒年四十七嘉祐中宰  
相韓琦為洙言乃追復故官及官其子

孫甫

孫甫字之翰陽翟人少好學日誦數千言慕孫何為  
古文章初舉進士得同學究出身為汝陽縣主簿再  
舉進士及第為華州推官歷秘閣校理陳十二事夏

宋

卷七

二十一

國乞盟甫上一利四害保州兵變前有告者大臣不  
時發之甫因言樞密副使當得罪使乃杜衍也邊將  
劉滬城洛水於渭州總管尹洙以滬違節度將斬之  
大臣稍主洙議甫謂洛水通秦渭於國家為利滬不  
可罷由是罷洙而釋滬衍屢薦甫洙與甫素善者歷  
江東兩浙轉運使范仲淹知杭州多以便宜從事甫  
一切繩以法然退未嘗不稱其賢累遷天章閣待制  
河北都轉運使留為侍讀年六十卒

謝絳

謝絳字希深富陽人父濤以文行稱進士起家為梓  
州權鹽院判官李順反成都濤盡守禦之計累官至  
太子賓客絳以父任試秘書省校書郎進士甲科授  
太常寺奉禮郎楊億薦絳文章召試擢秘閣校理仁  
宗即位遷太常博士天聖中天下水旱蝗起河決滑  
州絳上疏願除煩苛之命會郭皇后廢絳諫引中后  
褒叙事以諷辭甚切至徙三司度支判官擢知制誥  
使契丹還請知鄧州按召信臣六門堰故迹請復脩  
之未就而卒年四十六子景平最著景平好學者詩  
書傳說數十篇終秘書丞

宋

卷七

二十三

葉清臣

葉清臣字道卿長洲人父參終光祿卿清臣天聖二  
年舉進士知舉劉均奇所對策擢第二宋進士以策  
擢高第自清臣始累遷太常丞京師地震上疏以范  
仲淹余靖以言事被黜天下之人齟舌不敢議朝政  
其行將二年願深自咎延忠直敢言之士會詔求直  
言復上疏言大臣專政仁宗嘉納之請外為兩浙轉  
運副使遷右正言陝西用兵清臣言西北二隣若漢

落大獄外示雄壯其中空伺元昊圖延州既解去鈴  
轄內侍盧守懃與通判許用章稟訟于朝上廷議薄  
守懃罪而流用章嶺南清臣上疏用章不過為畏懦  
而守懃乃是歸款二者之責孰重孰輕時西師未解  
急於經費帝曰葉清臣才可用權三司使公事清臣  
與宋庠鄭戩雅相善為呂夷簡所惡出知江寧府仁  
宗召公卿訪當世急務因為條對論奔兢復為翰林  
學士權三司使舊制有三司使權使公事而清臣所  
除止言權使自是分三等焉清臣請發大名庫錢以  
佐邊糴而安撫使賈昌朝格詔不從清臣固爭且疏  
其跋扈不臣宰臣方欲兩中之乃徙昌朝鄴州罷清  
臣為侍讀學士知河陽卒

宋

卷七

二十四

宋列傳卷之八

李迪

李迪字復古濮人深厚有器局嘗攜所為文見柳開  
奇之曰公輔材也舉進士第一歷擢知制誥真宗幸  
亳為留守判官遂知亳州代歸會訥斫斫帝憂開  
中進迪集賢院學士知未與軍徒陝西都轉運使入  
為翰林學士時頻歲蝗旱迪因召對請發內藏以佐  
國用又言陛下東封特敕所過毋伐木除道行宮裁  
令加塗墍而已及幸汾亳土木之役過往日幾百倍

宋

卷八

一

今蝗旱之災殆天所以儆陛下也帝問關右兵幾何  
對曰臣向在陝西以方寸冊書兵糧備調發猶置佩  
囊中帝令自採取目黃門取紙筆具疏帝顧曰真所  
謂頗牧在禁中矣未久哺斫斫果犯邊秦州方出兵  
復召迪問曹瑋此舉勝乎對曰必勝數日奏至帝曰  
卿何以知瑋必勝迪曰以逸待勞臣用此知其勝帝  
自是欲大用迪矣初帝將立章獻后迪屢諫謂起寒  
微不可毋天下章獻深術之天禧中拜給事中參知  
政事同懷政之誅帝怒甚欲責及太子羣臣莫敢言

迪從容奏曰陛下有幾子乃欲為此計上大悟仁宗為皇太子兼太子賓客寇準罷帝欲相迪固辭一日對滋福殿有頃皇太子出拜曰陛下用賓客為宰相敢以謝帝顧謂迪曰尚可辭謝耶同平章事初真宗不豫寇準議皇太子總軍國事迪贊其策丁謂以為不便力爭不已於是皇太子於資善堂聽常事他皆聽旨準既貶謂寢擅權用事至除吏不以問迪憤然自此不協時議二府皆進秩兼東宮宿衛又欲引林特為樞密副使迪進曰東宮官屬不當增置臣不敢

宋

卷八

二

受此命左遷迪戶部侍郎出知鄆州仁宗即位太后預政貶準雷州以迪朋黨附會貶衡州團練副使謂敗起歷兵部侍郎知河南府來朝京師時太后垂簾語迪曰卿向不欲吾預國事殆過矣今日吾保養太子至此卿以為何如迪對曰臣不知皇太后盛德乃至於此太后亦喜以尚書左丞知河陽遷工部尚書太后崩兩遷同平章事坐范諷獄罷為刑部尚書知亳州復刑部尚書知徐州迪奏所部隣兖州欲行縣因祠岳為上祈年禱皇子仁宗語輔臣曰大臣當

百姓訪疾苦祈禱非迪所宜元昊攻延州武事久施迪願守邊詔不許然甚壯其意除彰信軍節度使請老以太子太傅致仕後其子東之為侍御史知雜事奉迪來京師帝數遣使問勞欲召見以疾辭卒年七十七東之字公明晚國朝典故獻文召試賜進士出身為樞密校勘宣化軍使累擢侍御史知雜事自少受知於寇準至是論準保護功英宗即位富弼薦復舊職兼侍讀神宗初請老致仕令講讀官賦詩勸勞其退卒年七十八有李受者字益之長沙人仕於治

宋

卷八

三

平中神宗立進學士致仕賜宴賦詩如東之禮相去數月故時稱二李年八十迪弟子肅之字公儀以進蔭監大名府庫軍資庫歷度支副使江淮發運使神宗即位訪以西夏事奏對稱旨以為右諫議大夫知慶州尋徙瀛州大雨地震官舍民廬摧陷肅之出入泥潦中結草困以儲庾粟之暴露者為芟舍以居民再知開封府元豐四年提舉太極觀卒年八十二季第承之生而孤鞠育誨導至於成人遂相繼為侍從帝稱一門忠孝云承之字奉世從兄東之將任以宜



辭登進士第調明州司法叅軍嘗建免役議王安石  
見而稱之以爲條例司檢詳文字得召見累官權三  
司使遷至龍圖閣直學士承之懇辭學士職乞授肅  
之曰臣少鞠於凡且兄爲待制十年矣帝曰卿兄弟  
孝友足厲風俗肅之亦當遷也卽並命焉商人犯禁  
貨北珠乃爲公主售三司久不敢決承之曰朝廷法  
令畏王姬乎亟索之帝聞之曰有司常如此矣進樞  
密直學士坐補吏不當降待制知汝州歷陳鄆揚州  
而卒及之字公達由陰登第通判安肅軍嘗譏次唐

宋

卷八

四

史有益治體者爲君臣龜鑑王堯臣上其書弁表其  
學行韓琦亦以館職薦召試除直秘閣知涇晉陝三  
州卒年八十五東之子孝基及之子孝壽孝稱

王曾

王曾字孝先青州人由鄉貢試禮部廷對皆第一以  
將作監丞通判濟州歷遷右正言知制誥時瑞應沓  
至真宗嘗以語曾曾曰陛下推而弗居異日或有  
災沴則免與議及帝既受命大建玉清昭應宮下莫  
敢言者曾陳五害以諫兩擢至諫議大夫叅知政事

爲王欽卮所排罷爲尚書禮部侍郎判都省出知  
天府民間訛言有妖若帽夜飛搏人曾令夜闔里門  
敢倡言者卽捕之徙天雄軍復叅知政事真宗不豫  
皇后居中豫政太子雖聽事資善堂然事皆決於后  
中外以爲憂曾密語后成錢惟演謂太子安所以安  
劉氏惟演因以白后仁宗立遷尚書羣臣議太后臨  
朝儀曾請如東漢故事太后坐帝在垂簾奏事丁謂  
獨欲帝朔望見羣臣大事則太后召對輔臣決之非  
大事令入內押排雷允恭傳奏禁中畫可以下曾曰

宋

卷八

五

兩宮異處而柄歸宦官禍端兆矣謂不聽旣而允恭  
坐誅謂亦得罪自是皆如曾議先是冠準貶雷州李  
迪貶衛州曾疑太重謂然視曾曰居停主人恐亦未  
免耳蓋指曾嘗以弟舍假準也允恭初下獄曾欲因  
山陵事并去謂一日語同列曰曾無子將以弟之子  
爲後明日朝退當留白曾因獨對具言謂包藏禍心  
故令允恭擅移皇堂於絕地太后大驚乃責謂時真  
宗初崩內外洶洶曾正色獨立朝廷倚以爲重拜同  
平章事始太后受冊將御大安殿曾執以爲不可及

長寧節上壽止共張便殿左右姻家稍通請謁多所  
裁抑太后滋不悅會玉清昭應宮災出知青州以彰  
信軍節度使復知天雄軍契丹使者往還飲車徒無  
敢譁者人樂其政為畫像生祠之景祐元年為樞密  
使明年拜右僕射平章事討沂國公會進退士人莫  
有知者范仲淹嘗問曰明揚士類宰相任也公之盛  
德獨少此耳曾曰夫執政恩欲歸已怨使誰歸仲淹  
服其言初呂夷簡參知政事事曾謹甚曾力薦為相  
及夷簡位曾上任事多專決曾不能堪遂與夷簡

宋

卷八

六

俱罷判鄆州寶元元年冬大星晨墜其寢而卒年六  
十一贈侍中謚文正曾資質端厚眉目如畫平居寡  
言笑人莫敢干以私僚友亦不敢狎戲少與楊億同  
在侍從億喜談謙至與曾言則曰余不敢奉戲也曾  
無子養子曰緯又以弟子融之子繹為後繹至尚書  
兵部郎中秘閣校理

張知白

張知白字用晦滄州人登進士第累遷河陽節度判  
官奏疏言當今要務真宗異之召試舍入院權右正

言獻鳳宸儀出知劔州遷尚書工部郎中使契丹拜  
給事中參知政事時王欽若為相論議多相失罷知  
大名府及欽若分司南京宰相丁謂素惡欽若徙知  
白南京留守意其報怨既至待欽若加厚謂怒復徙  
知白亳州遷兵部仁宗即位進同平章事知白拒相  
位慎名器無毫髮私常以盛滿為戒俄卒贈太傅知  
白九歲其父卒邢州殯於佛寺契丹寇河北寺宇多  
頽廢頽不可辨既登第徙行訪之得寺殿基恍然識  
其處既發其衣衾皆可驗眾歎其誠孝天聖中契丹

宋

卷八

七

大閱聲言獵幽州衆議備粟練師以備不虞知白謂  
契丹修好未遠今其舉者以上初政試觀朝廷耳豈  
可自生釁未幾契丹果罷去無子以兄子子思後仕  
至尚書工部侍郎致仕

杜衍

杜衍字世昌山陰人父遂良仕至尚書度支員外郎  
衍登進士甲科初歷州郡咸有遺愛累遷樞密直學  
士求補外知天雄軍仁宗親政特召為御史中丞拜  
同知樞密院事拜樞密使每內降恩幸嚴格不行諫

官歐陽脩入對帝曰外人知杜衍封還內降耶凡有求於朕每以衍不可告之而止者多其所封還也行多知本朝故實善決大事契丹與元昊爭銀瓮大戰黃河外參知政事范仲淹宣撫河東欲以兵自從衍曰二國方交關勢必不來我兵不可妄出仲淹爭議帝前詆衍語甚切仲淹嘗父行事衍行不以爲恨契丹婚劉三般避罪來歸輔臣議厚館之以詰契丹陰事歐陽修亦請留三般衍曰違誓約納叛亡則不直

宋

宋人

八

沮僥幸小人多不悅御史中丞王拱辰諷僚屬劾奏其婿蘇舜欽及所知王益柔欲因以危衍衍罷丁度草制指爲朋比蓋范仲淹富弼與衍共政二人爲言者所攻而行獨左右之也行以尚書左丞知兗州年七十一上表還印綬乃以太子少師致仕封祁國公衍家居間國事可憂傲然若任其責者清介不殖私產寓南都第室卑陋享客多用聚器客有面稱歎者卽命取白金燕器陳於前每出入從者十許人烏帽皂緋袍革帶而已或勸服居士服曰老而謝事尚可竊

高士名耶卒年八十謚正獻

晏殊

晏殊字同叔臨川人七歲能屬文景德初以神童召試賜同進士出身宰相冠準曰殊江外人帝顧曰張九齡非江外人耶後二日復試擢秘書省正字秘閣讀書明年試中書遷秩久之爲翰林學士遷左庶子帝每訪以事率用方寸小紙細書已荅奏輒并葉封上帝重其慎密仁宗初立章獻太后權聽政丁謂曹利用各欲獨見奏事殊建言羣臣奏事者垂簾聽之

宋

宋人

九

皆無得見議遂定歷拜參知政事太后崩以禮部尚書罷知亳州復爲三司使陝西用兵殊請罷內臣監軍不以陣圖授諸將使得應敵爲攻守及募弓箭手教閱備戰鬪又請出宮中長物助遣費凡他司領財利者還度支皆施行康定初自樞密使進中書慶曆中拜同平章事兼樞密使歷觀文殿大學士知永興軍留侍經筵卒年六十五殊性剛簡清儉累典州吏民畏其峭急善知人富弼楊察皆其婿也殊爲宰相兼樞密使而弼爲副使辭所兼不允

龐籍

龐籍字醇之武城人進士及第歷官殿中侍御史章獻遺詔以楊太妃為太后議軍國事籍請於仁宗下閣門取垂簾儀制蓋燔之為開封府判官尚美人遣內侍稱教旨免工人市租籍言於上為下詔戒飭知延州自元昊陷金明諸砦破五龍川邊民焚掠殆盡籍至稍葺治之使部將狄青等悉復所亡地元昊遣李文貴齎野利旺榮書來送款籍曰此詐也乃屯兵青澗城後數月果大寇定川籍召文貴開諭之遣去

宋

卷八

十一

既而元昊又以旺榮書來會帝厭兵因招懷之遣籍報書使呼旺榮為太尉籍曰太尉三公非陪臣所得稱使旺榮當之則元昊不得臣矣今其書自稱寧令或其官名於義無嫌從之元昊既臣連擢拜同平章事儂智高反遣狄青為宣撫使諫官韓絳謂武人不宜專任帝以問籍籍曰若以文臣副之則號令不專不如不遣帝以為然既而捷書至堂吏受賂韓絳論罷知鄆州致仕封穎國公卒年七十六籍晚律令長吏事及為相辟望城於治郡時子元英朝散大夫孫

恭

呂夷簡

呂夷簡字坦夫壽州人進士及第補絳州軍事推官歷遷刑部員外郎兼侍御史知雜事按說送蜀賊李順非是左右業已稱賀趣具獄夷簡以實奏判永興寇準黜罪人徙河南道由京師上準變事夷簡曰準治下急是欲中傷爾宜勿問盜徒遠方權知開封府殿辦有聲帝識姓名於屏仁宗即位以給事中參知政事兼樞密平章事帝所生母宸妃薨官中未治喪

宋

卷八

十一

夷簡朝奏事因曰聞有官嬪亡者太后震怒曰宰相亦豫官中事邪引帝起有頃獨出曰卿何間我母子也夷簡曰太后他日不欲全劉氏乎請發哀成服備儀仗奠之大內火百官晨朝而宮門不開輔臣請對帝御拱辰門夷簡獨不拜帝使人問故曰宮中有變羣臣願一望清光帝舉簾見之太后崩帝始親政夷簡疏陳八事帝與夷簡謀以太后所任張耆夏竦皆罷之退告郭皇后曰夷簡獨不附太后耶但多機巧善應變爾由是夷簡亦罷判陳州歲中而夷簡復

相郭皇后批尚美人頗誤傷帝頸帝以爪痕示執政夷簡以前罷相故遂主廢后事加右僕射封申國公王曾與夷簡數爭事不平曾斥夷簡納賂市恩夷簡乞置對帝問曾曾語屈於是二人皆罷未幾以右僕射復入相慶曆初徙許國公時方飭兵脩改兼樞密使契丹聚兵幽薊聲言入寇議者請城洛陽夷簡謂契丹畏壯侮怯遠城洛陽必長虜勢景德之役非乘與濟河其心未易服也宜建都大名示將親征以伐其謀此子囊城郢計也乃建北京寶曆初仁宗服藥

宋

卷八

十二

久不視朝一日促召二府夷簡移刻方赴比至中使數促愈緩纒徐行上曰久疾方平喜與卿相見而遲遲其來何也夷簡曰陛下一旦召臣臣若奔馳以進慮人心驚動耳夷簡感風眩拜司空平章軍國重事力辭復降手詔曰古謂髡可療疾今剪以賜卿以太尉致仕卒年六十帝涕下曰安得憂國忘身如夷簡者贈太師中書令謚文靖自帝立太后臨朝十餘年天下晏然夷簡之力爲多孔道輔等諫廢后夷簡謂伏閣非太平事范仲淹屢言事獻百官圖夷簡指爲

狂肆時論以此少之然所斥士旋復收用亦不終廢其於天下事屈伸舒卷動有操術爲世名相子公綽公弼公著公孺公綽字仲祐蔭歷判太常寺兼提舉以修祭器公綽以制度多違禮請悉更造集爲郊祀總儀上之改樞密直學士知秦州安遠營古渭州諸寇來獻地公綽曰天下之大豈利區落尺寸地爲廣邪卻之遷右司郎中未拜卒公綽通敏有才父執政時多涉干請嘗滯洩除拜以市恩人比之竇申公弼字寶臣賜進士出身積遷直史館河北轉運使夷簡

宋

卷八

十三

之亡也仁宗思之識公弼名於殿柱擢都轉運使改同羣牧使英宗罷三司使蔡襄召公弼代之初公弼在羣牧時帝居藩得賜馬頗劣欲易不可至是帝謂曰卿曩歲不與朕馬是時固已知卿矣蔡襄訴訟不得決故多留事卿將何以處之公弼對曰襄勤於職恐言之者妄爾拜樞密副使神宗立司馬光劾內侍高居簡帝未決公弼曰光與居簡勢不兩立居簡內臣爾而光中執法願陛下擇其重者王安石立新法公弼將疏論之從孫嘉問竊其采示安石罷爲觀文

殿學士知太原麟州無井惟沙泉在城外欲掘城包之而土善陷公弼用其僚鄧子喬計做古拔軸法去其沙實以末炭瑾土於其上板築立遂包泉於中自是城堅不陷判秦州旬月以疾辭卒年七十公孺字稚卿任爲奉禮郎賜進士出身歷陝西轉運使神宗議綏州棄守久未決命公孺往與郭遠議合綏州遂存知開封府爲政明恕擢戶部尚書以病提舉醴泉觀卒年七十

張士遜

卷八

十四

張士遜字順之陰城人年百日始啼淳化中第進士調鄆鄉主簿遷射洪令轉運使移檄治鄆民遮馬不得去因聽遂改襄陽令知邵武縣以寬厚得民前治射洪禱雨白崖山陸史君廟尋大雨士遜立庭中須臾雨足乃去至邵武禱歐陽太守廟離城踰舍士遜徹蓋雨霑足始返歷監察御史貢舉初用糊名法士遜爲諸科巡捕官請避進士親嫌著爲令天聖六年自尚書左丞拜同平章事曹洵獄起宦者羅崇勳江德明方用事因譖曹洵用帝疑以問執政舉顧望莫對

士遜曰此獨不肖子爲之利用大臣宜不知狀太后怒知江寧府後知許州明道初復入相羣臣上章懇謫冊退而入慰士遜與同列過楊崇勳園飲日中不至御史中丞范諷劾士遜判河南府寶元初復入相封鄆國公時朝廷多事士遜亡所建明諫官韓琦論曰政事府豈養病地耶致仕宰相得謝自士遜始年八十六卒謚文懿士遜生七日喪母鞠於姑既長寧姑孝謹姑亡爲行服追封南陽縣君曹利用藉寵肆威士遜無所可否特人以和鼓目之嘗納女口宮中爲御史楊偕所劾子友直蔭至工部郎中知越州友正不治家事居小閣學書三十年不輟神宗評其草書爲本朝第一

宋

卷八

十五

孔道輔

孔道輔字原魯初名延魯孔子四十五代孫也父最進士歷殿中丞迺判廣州以清潔聞道輔舉進士授寧州軍事推官歷左右正言受命日即論奏曹利用羅崇勳竊美威柄宜早斥去未幾爲直史館奉使契丹道除右司諫契丹晏使者優人以孔子爲戲道輔

然徑出正色曰俳優之徒慢侮先聖而不知禁北朝之過也堯舟君臣默然又酌大卮謂曰方天寒飲此可以致和氣道輔曰不和固無害既還言者以爲生事仁宗問其故對曰平時漢使輒爲所侮若不較恐益慢中國帝然之權御史中丞會郭皇后廢道輔率諫官御史凡十人詣垂拱殿伏奏皇后天下之母不當輕議絀廢願賜對盡所言於是黜道輔知秦州復入爲御史中丞會受詔鞠馮士元獄事連參知政事程琳宰相張士遜素惡琳而疾道輔不附已卽朝

宋 卷八 十六

道輔上願程公厚道輔入對言琳罪薄不足深治帝果怒以爲朋黨出知鄆州道輔知爲士遜所賣憤惋道卒年五十四子宗翰字周翰登進士第知仙源縣遇族人有恩不以私故恍法哲宗初立求言吏民上書以千數詔司馬光采閱其可用者十五人獨稱堯其二乃宗翰與王鞏也召爲司農少卿再遷刑部侍郎屬疾求去以寶文閣待制知徐州未拜卒

鞠詠

鞠詠字詠之開封人十歲而孤好學自立第進士歷

著作郎知山陰縣仁宗卽位爲監察御史錢惟演自亳州來朝闕入相詠言惟演儉險時王欽若復相詠數睨其短欽若中以事出通判信州欽若卒還詠殿中侍御史天聖八年特置天章閣待制以詠及范諷爲之節度使張士遜入觀冀得再用詠論奏乃赴鎮明年詠卒常著道釋雜言數十篇別構淨室以居自號深寧子

劉隨

劉隨字仲豫開封人進士及第爲永康軍判官轉運使李士衡託以事不從乃奏隨苛刻罷歸初西南夷

宋 卷八 十七

市馬入官苦吏誅索隨爲繩按之及是夷人數百訴於轉運使曰吾父何在事聞乃得詞歷右正言隨在諫職數言事常劾奏江淮發運使鍾離瑾載奇花怪石數十艘納禁中賂權貴累疏論丁謂姦邪胡則謂之黨王欽若既死詔塑像茅山隨言欽若職污無忌憚豈神僊耶李維以詞臣求換武職隨言非所以勵廉節仁宗旣益習天下事而太后猶未歸政隨請軍國常務專稟帝肯又諫太后數幸外家太后不悅請

外出知濟州久之入兼侍御史知雜事上言比年廢官佻倖請托使吳玘以病足痺辭不能拜及還右司劾奏奪一官出知信州改天章閣待制卒

曹脩古

曹脩古字述之建安人進士起家累遷監察御史晏殊以笏擊人折齒脩古奏殊忿蹙亡大臣體先朝陳恕於中書榜人即時罷黜太后兄子劉從德死錄其姻戚馬季良錢駿皆緣遺奏超授官秩脩古與楊偕郭勸段少連交章論列太后怒削一官判杭州會赦

宋

卷八

十八

復官卒家貧不能歸葬賓佐贖錢五十萬季女泣謂其母曰奈何以是累先人拒不納脩古無子以兄子觀為後觀知封州與儂高智戰被執不屈為所害棄屍江中時年三十五弟睦性廉介同脩古進士累官司封員外郎

郭勸

郭勸字仲襄涇城人舉進士擢殿中侍御史論節度使錢惟演弟惟濟胡則又論劉從德遺奏恩濫貶太常博士監維州稅復為侍御史諫郭氏非有大故不

當廢陳氏非世閥不可以儼宸極疏入后已廢而陳

議遂寢元昊及遣其使稱偽官來勸視其表函猶稱

臣因上奏可漸以禮屈之願與大臣熟議遂落職知

齊州累遷翰林侍讀學士同知通進銀臺司嘗謂諸

子曰顏魯公云生得五品服章綬任子為齋郎足矣

及再為侍諫曰吾起諸生志不過郡守今年七十列

侍從可以歸矣遂用元日拜章三上不得謝賜白金

使市田宅後二年卒于源明治平中為太常博士會

呂誨等議濮王典禮被黜以源明補監察御史裏行

宋

卷八

十九

源明乞免除命請追誨等遂聽免後以職方員外郎知單州卒

段少連

段少連字希逸開封人舉進士遷太常博士論劉從德遺奏恩濫降監漣水軍酒稅太后崩召殿中侍御史與孔道輔等伏閣言郭后不當廢元昊及范仲淹薦其才遷龍圖閣直學士知涇州改渭州命未至卒

司馬池

司馬池字和中夏縣人少喪父家貲數十萬悉推諸



父而自力學舉進士當試殿庭而友慮其母計池心動號慟而歸後中第授永寧主簿出入乘驢以令相惡也以公事謁令令南向踞坐不起池挽命西向偶坐論事不為少屈歷通判留守司樞密使曹利用奏羣牧判官辭不就朝廷固授之利用貶池獨颺言稱利用枉召知諫院上表懇辭仁宗謂宰相曰人皆嘗進而池獨賢退亦難能也加直史館復知鳳翔累遷三章固待制後知晉州卒子旦光從子里旦字伯康以父任為祕書省校書郎歷鄭縣主簿吏捕蝗因緣

宋 卷八

二十

擾民旦言蝗民之佐宜聽自捕輸之官後著為令歷知梁山軍安州旦治郡有大體歷官十七遷至太中大夫卒年八十二旦與弟光友愛尤篤光居洛旦居夏縣皆有園沼之勝光歲亦往省旦旦亦間至洛視光凡光平時所與論天下事旦有助焉旦生於丙午與文彥博程公珣席汝言為同年會賦詩繪像世以為盛事比唐九老三子並入仕孫朴字文季父宏紹聖黨事起上書論辨得罪終陳留令朴少育於外祖范純仁純仁責永州失明客至必令朴導以見時方

七歲進指應對如成人以純仁遺恩補官宏死徒洗負樞靖康初為虞部右司員外郎金人次汴郊命朴使之二酋問家世喜曰賢者之後也乃吐腹心諭以亟求講解二帝將北遷又貽書請存立趙氏金人憚之挾以去且悉取其器開封儀曹趙鼎為匿其長子但於蜀得免徽宗崩朴與朱弁在燕共議制服弁欲先請朴曰臣子聞君父喪當致其哀尚何請設請而不許奈何遂服所製朝夕哭金人義而不問後卒於真定訃聞詔贈兵部尚書謚忠潔

宋

卷八

二十一

蔣堂

蔣堂字希魯宜興人登進士第歷監察御史禁中火多引官人屬吏堂言火起無迹安知非天意也不宜歸咎官人詔原之論奏郭皇后不當廢坐贖再遷侍御史歷江淮制置發運使先是發運使上計造大舟數十載江湖物入遺權貴堂曰吾豈為此歲入自可附驥奏也前後五年未嘗一至京師累遷樞密直學士知益州楊日嚴在蜀有能名堂素不樂之於是節游宴減厨傳專尚寬縱頗變日嚴之政徙河中府又

徙杭州蘇州以尚書禮部侍郎致仕卒

劉夔

劉夔字道元崇安人進士中第累遷尚書屯田員外郎權侍御史李詔改製大樂鍾磬夔以為樂之大本與政化通不當輕易其器歷兼湖南安撫使初至遣人諭蠻酋使降不從乃舉兵擊破其巢穴變迹道遠去還權判吏部流內銓河北大水民流入京東為盜守鄆州發廩賑饑民遷工部侍郎知福州請解官入武夷山為道士弗許知建州尋告老卒年八十三

宋

卷八

二十一

陳希亮

陳希亮字公弼蜀人登進士第為大理評事知長沙縣有僧海印國師出入章獻皇后家恃勢侵奪希亮捕寘諸法徙知鄆縣巫覡歲飲民財祭鬼希亮禁之毀淫祠數百區歷開封府司錄司事外戚沈元吉以姦盜殺人希亮一訊得實自驚仆死沈氏訴之坐廢富弼薦起知房州時劇賊党軍子方張供奉官崔德贊捕之既失党軍子遂圖竹山民賊所嘗舍者曰向氏殺父子三人梟首南陽市曰此党軍子也希亮察

其寃下德贇獄未幾党軍子獲於商州詔提舉河北

便糴與都轉運使魏瓘廷辨帝直希亮奪瓘職會河溢魚池埽且決希亮悉召河上使者發禁兵捍之虜於所當決吏民涕泣吏諫希亮堅臥不動水亦去人比之王尊歷京西轉運使賜三品服石塘河役兵叛希亮令曰自首無罪然必有首謀者衆不敢隱乃斬其首一人以徇英宗立遷太常少卿致仕卒年六十四希亮常夢異人按圖告之年至是果然為人清勁寡欲少與鄉人宋輔游輔卒養其母以女妻其孤端

宋

卷八

二十三

平使同諸子學卒第進士四子慥字季常少使酒好劔用財如糞土與蘇軾遊稍壯折節讀書遜於光黃間曰岐亭庵居不與世相聞人莫識也見其帽方屋而高曰此豈古方山遺像乎因謂之方山子及軾請黃過岐亭識之人始知為慥云

李垂

李垂字舜工聊城人登進士上兵制將制書自湖州錄事參軍召為崇文校勘累遷著作郎館閣校理上導河形勝書欲復九河故道時論重之又累脩起居

注丁謂執政垂未嘗往謁罷知亳州遷穎晉絳三州  
明道中還朝閤門祇候李康伯謂曰舜工文學議論  
稱於天下諸公擬用知制誥但宰相未嘗相識盍往  
見之垂曰若我昔謁丁崖州乾興初已爲翰林學士  
矣焉能趨炎附熱看人眉睫以異推挽乎出知均州  
卒五子仲昌最知名

張洞

張洞字仲通祥符人幼開悟爲文甚敏未冠睥然有  
聲趙元昊援遼洞以布衣求上方畧召試舍人院尋

宋

卷八

二十四

舉進士中第再調潁州推官晏殊知求與軍奏管勾  
機宜文字皇后郭氏沒後仁宗詔追復其號至是有  
司請耐於廟劉敞謂不當許洞奏后無大過不許於  
義無當轉太常博士判登聞鼓院出知棣州英宗卽  
位轉度支員外郎命試開封進士進試題曰孝慈則  
忠時議濮安懿王稱皇事帝曰張洞意諷朕宰相韓  
琦進曰言之者無罪聞之者足以成帝意解出爲江  
西轉運使移淮南轉工部郎中卒年四十九

步皆

楊偕字次公坊州人少從種放學於終南山第進士  
歷殿中侍御史與曹修古連疏言劉從德遺奏恩太  
濫貶監舒州稅起歷侍御史爲三司度支判官時郭  
皇后廢偕與孔道輔范仲淹力爭富民陳氏妻選入  
官將以爲后偕復上疏諫止累進樞密直學士知并  
州元昊大掠河北詔修寧遠偕言寧遠若拒河外  
介麟豐二州之間無水泉可守請建新麟州於嵐州  
有白塔地可建若屯兵謂遷有五利不遷有三害况  
靈夏二州皆漢唐郡一旦棄之六麟州何足惜哉不  
聽知越州改右諫議大夫請老致仕卒

宋

卷八

二十五

王沿

王沿字聖源館陶人少治春秋登進士第歷審刑院  
詳議官再遷太常博士上書論善禦敵者必思所以  
務農實邊之計天聖五年按撫關陝減誅縣秋稅十  
二三還爲開封府推官歷河北轉運使奏罷二牧監  
以地賦民導州衛邢趙水下天平景祐諸渠溉田數  
萬頃累遷龍圖閣直學士知并州時元昊數寇河東  
建議徙豐州不報已而州果陷尋降天章閣待制未

幾徒知成德軍又徙河中府卒子昂字鼎臣登進士第累遷轉運使卒昂性廉不欺嘗任其子族八欲增年以圖速仕昂不可父死分財尚悉推與其弟奉使契丹得千緡散之族人然性猜忌其行部至於藥餌皆手自肩餉

楊政

楊政字榮道節度使重助之曾孫進士及第累擢殿中丞以靖循賊功遷太常博士坐部將戰死降知太平州歲餘賊益肆仁宗遣御史按視還言政嘗戰山

宋

卷八

二十六

下人樂為用今欲殄賊非政不可乃授東萊院使荆湖南路兵馬鈐轄賊聞政至皆踰嶺南遁又詔往韶連等州招安之未幾賊復反政率衆出嶺外涉夏秋凡十五戰賊潰去丁父憂會儂智高陷邕州召除起居舍人知諫院廣南東西路體量安撫經制賊盜事坐敗軼連降黜既而復官改知制誥李珣自防禦使還觀察劉永年自團練使還防禦使改當草制封還詞頭因言祖宗故事珣等無寸尺功特以外戚故除之恐非祖宗意改出將家折節喜學問為士大夫所

每卒家無餘資特賜黃金二百兩其後端午賜講讀白書扇遺賜置其柩

賈黯

黯字直孺鄆州穰人擢進士第一歷遷左正言無自以年少遭遇果於言事首論歸琦富弼范仲淹可大用杜樞殺張彥方獄駁正忤執政意被黜黯言樞無罪皇祐初累遷左司諫狄青除樞密副使會靈觀災黯並有論奏擢知制誥錢延年除天章閣待制黯當命辭即詆延年不才不宜汚侍從封詞目還中書

宋

卷八

二十七

英宗即位遷中書舍人時帝初卽仇王廣淵周孟陽以藩邸之舊致召對黯言獨親近一二舊人示天下以不廣既以病求出以翰林侍讀學士知陳州未行卒年四十四

李京

李京字伯京趙州人進士中第累遷監察御史太史言日當食不食羣臣皆賀京上疏謂定襄地震十年不已為西北二邊窺中國之意孟夏雷未發聲為號今不信之意宰相賈昌朝不悅京嘗屬侍御史吳鼎

臣薦推直官李寔鼎臣希昌朝意告中丞高若訥若訥為昂臣上京簡謫京太常博士監鄂州稅未幾卒

吳及

吳及字幾道靜海人年十七以進士起家為侯官尉辟大理寺檢法官仁宗左右內臣凡四千餘人及上疏請罷官刑則聖嗣必廣帝異其言欲用為諫官以憂去嘉祐三年擢秘閣校理逾月改右正言明年遂權罷內臣進養子明年日食三朝及言日食者陰侵陽之戒因言孫沔并州苛暴不法燕飲無度沔繇此

宋

卷八

二十八

坐會諫官陳升之諫請裁節班行補授下兩制臺諫官集議主鐵冶者舊得補班行至是議罷之既定及與御史沈起輒增注興國軍磁胡鐵冶如舊制主磁胡冶者大姓程叔良也翰林學士胡宿等劾及與起為程氏經營占錮恩例及出為工部員外郎知廬州進戶部直昭文館知桂州卒及當官有守初為檢法官三司請重鑄鐵錢法至死及爭不可

范師道

范師道字貫之長洲人進士及第為撫州判官遷至

御史初買昌朝上議置五轉郡設轉運使提點刑獄

號為拱輔京師而論者謂宦官謀收是柄師道奏非便遂復舊制宰相劉沆護蔡溫成禮官議稱陵師道數以爭沆惡之出知常州遷兵部員外郎兼侍御史與諫官御史數奏樞密副使陳非之不當用斥之罷師道亦出知福州以疾遷戶部直龍圖閣知明州卒

范諷

范諷字補之以蔭補將作監主簿獻東封賦遷太常寺奉禮郎又獻所為文召試入等出知平陰縣登進

宋

卷八

二十九

士第通判鄆州時知州李迪貶衛州副使宰相丁謂戒使者促上道諷輒留迪數日為治裝祖行累遷太常博士以疾監舒州靈僊觀尚御藥張懷德至觀齋祠諷頗要結之懷德薦于章獻太后遂召還問所欲言對曰今權臣驕悍將不可制蓋指曹利用也利用貶拜右司諫出知青州時山東饑宰相王曾青人家積粟多諷取數千斛濟饑民權御史中丞錢惟演倡議獻懿二太后宜村真宗廟室諷彈奏之歷龍圖直學士權三司使時狄棊為直學士已久諷盛氣凌棊

宰相李迪右之遂特詔班斐上論者非之復改閣學士給事中知兖州既至郡而龐籍奏彈諷為姦利遂置獄李迪等坐親善諷皆斥殿中徙保信軍後復給事中卒初諷嘗建議朝廷當差擇能臣留以代大臣不稱職者大臣聞而惡之諷類曠達然押閫圖進不可名檢所與游者輒慕其所為號東州逸黨山東人頗大初作逸黨詩刺之而姜潛者嘗貽書疏其過云

滕宗諒

滕宗諒字子京河南人第進士歷知當塗邵武二縣

宋

卷八

三十一

遷殿中丞會禁中火詔劾所從起宗諒與秘書丞劉越皆疏諫仁宗為罷詔獄時章獻太后猶臨朝宗諒言國家以火德王火失其性由政失其本因請太后還政而越亦上疏太后崩擢嘗言還政者越已卒贈右司諫而除宗諒左正言坐言官禁事不實降知信州與范諷雅相善諷貶宗諒降監池州酒元昊反知涇州仲淹薦自代徙慶州御史梁堅劾奏宗諒前涇州濫費公錢仲淹時泰知政事力救之止降一官知號州御史中丞王拱辰論奏復徙岳州稍遷蘇州卒

李絢

李絢字公素邕州人少放蕩亡檢兄絢教之晝嚴其課業而出絢越自若比暮絢歸絢徐取書視之一過輒誦數千言絢奇之稍長能屬文充工歌詩嘗以事被繫既而逸去登進士第再授大理評事通判邠州元昊犯延州並邊皆恐邠城鄆不完絢方攝守即發民治城僚吏皆謂當言上待報絢不聽帝聞之喜因悉詔他州脩起居注歷知洪州時五溪蠻寇湖南擇轉運使帝曰有館職善飲酒者為誰今安在輔臣未

宋

卷八

三十一

論帝曰是歲城邠州者輔臣以絢對遂除湖南轉運使絢論蠻以禍福卒罷兵聽命權知開封府權判吏部流內銓坐絀誤釋盜御物者絀知蘇州未行卒

田京

田京字簡之亳州人第進士為提點河北刑獄事王則據恩州及京繩城趣南關南關民衆多得不陷京有功焉賊係京妻子京無所顧官至諫議大夫卒

宋列傳卷之九

韓琦

韓琦字稚圭國華子也弱冠舉進士第二方唱名太史奏日下五色雲見左右皆賀授將作監丞通判澶州入直集賢院監左藏庫時方貴高科多徑去為顯職琦滯筦庫處之自若後歷右司諫連疏宰執王隨陳堯佐韓億后中立罕建明仁宗從之四人同日罷又請停內降抑僥倖前後七十餘疏每以明得失正紀綱親忠直遠邪佞為急王曾為相謂之曰如君言

宋

卷九

可謂切而不迂矣擢知制誥值益利饑為體量安撫使活民百九十萬元昊及為陝西安撫使進樞密直學士副夏竦為經畧安撫招討使遣使督出兵琦亦欲先發以制賊而合府固爭元昊遂寇鎮戎琦畫攻守二策馳入奏乃詔鄴延涇原同出征既還營元昊來求盟琦曰無約而請和者謀也命諸將戒嚴賊果犯山外琦悉兵付大將任福令自懷遠城趨德勝砦出賊後如未可戰即據險置伏要其歸及行戒之至再又移檄申約苟違節度雖有功亦斬福竟為賊誘

沒于好水川竦使人收散兵得琦檄於福衣帶間言

罪不在琦琦自劾奪一官知秦州尋復之會四路置帥琦兼秦鳳經略招討安撫使慶曆二年與三帥皆換觀察使范仲淹龐籍王沿不肯拜琦受之不辭未幾還舊職屯涇州琦與仲淹在兵間久名重一時人稱為韓范元昊既臣召為樞密副使元昊介契丹為援還索無厭宰相晏殊等厭兵將一切從之琦陳其不便條所宜先者七事又陳救弊八事遂宣撫陝西討平羣盜歸陝西北四築琦與范仲淹富弼同時登

宋

卷九

二

用羣小不便仲淹弼繼罷琦為辨析不報尹洙與劉滄爭城洛水事琦右洙朝論不謂然乃請外嘉祐元年拜樞密使三年同平章事帝既連失三王久疾不御殿琦乘間進曰陛下春秋高何不早為宗廟社稷計帝曰後官將有就館者姑待之已又生女一日琦懷漢書孔光傳以進英宗嗣位暴得疾太后垂簾聽政帝疾甚舉措或改常度遇宦官尤少恩乃共為譖開兩官遂成隙琦即日出空頭敕一道坐政事堂召內侍任守忠責以罪即日押行安置斬州他日又與

歐陽脩奏事簾前太后泣語之故琦曰此病固爾子疾毋可不容之乎脩亦委曲進言太后意稍和後數日琦獨見上稱舜之孝帝大感悟及疾愈琦請乘輿因禱雨具素服以出人情乃安太后還政拜琦右僕射封魏國公神宗立拜司空兼侍中琦執政三世或病其專御史中丞王陶劾琦不赴文德殿押班為琦扈琦請去帝為黜陶數請益堅判相州改判未與軍經畧陝西琦初言緩州不當取已而夏人誘殺楊定琦復言不可棄樞密院以初議詰之琦具論所以卒

宋 卷九

三

存之熙寧初復請相州以歸河北地震河決徙判大名府王安石用事出常平使者散青苗錢亟言之辨論愈切竟不克從於是請解四路安撫使止領一路安石欲沮琦即從之六年還判相州府事時契丹來求代北地帝手詔訪琦琦奏言保甲戰車置將等事致契丹之疑而散青苗更免役置市易務以聚財歛怨非禦戎之策謂宜遣使報聘若果自敗盟則可一振威武恢復故疆疏上會安石再入相悉以所爭地與契丹東西七百里八年換節求與軍再任未拜命

忽大星隕治所次日卒年六十八贈尚書令謚忠獻琦嘗有盛名識量英偉臨事喜愠不見于色論者以重厚比周勃政事比姚崇其為學士臨邊年甫三十天下已稱為韓公嘉祐治平間再決大策當是時朝廷多故琦處危疑之際知無不為或諫曰公所為誠善萬一蹉跌豈惟身不自保恐家無處所琦歎曰人臣盡力事君死生以之至於成敗天也豈可豫憂其不濟遂輟不為哉在魏都久邊使每移牒必書名曰以韓公在此故也忠彥使遼遼主問知貌類父命工

宋 卷九

四

圖之其見重外國如此尤以獎拔人材為急儻公論所與雖意所不悅亦收用之故得人為多王安石處有名琦獨不然之及守相陞解神宗謀相安石琦曰安石為翰林學士則有餘處輔弼之地則不可于忠彥端彥絕彥粹彥嘉彥端彥右贊善大夫純彥至微猷閣直學士粹彥吏部侍郎終龍圖閣學士嘉彥尚神宗女終瀛海軍承宣使忠彥及曾孫肖肖有傳孫浩在忠義傳

范仲淹



范仲淹字希文蘇州人二歲而孤母更適朱氏從其姓名淹既長知家世感泣辭母依戚同文學晝夜不息冬月德甚以水沃面食不給以糜粥繼之登進士第爲廣德軍司理叅軍迎母歸養改集慶軍節度推官始選姓更其名以毋喪去知應天府晏殊召寘府學上書凡萬餘言後以殊薦爲秘閣校理每感激論事奮不顧身由是士大夫多矯厲尚風節天聖七年章獻太后將以冬至受朝仲淹言天子與百官同列而朝不可爲後世法且疏請太后還政太后崩召爲

宋

卷九

五

右諫諍言者多暴太后時事仲淹曰太后受遺先帝調護陛下十餘年宜掩小故以全后德帝爲詔中外毋輒論及初太后遺詔以楊太妃爲皇太后叅決軍國事仲淹言太后毋號自古無因保育代立者事遂止會鄴府廢率諫官御史伏閣爭不能得俄詔出知睦州徙蘇州州苦大水仲淹疏五河導太湖注之海召還判國子監遷吏部員外郎權知開封府時呂夷簡並政進用者多出其門仲淹上百官圖以進夷簡不悅他日論建都事仲淹以爲宜修洛陽帝問夷簡

對曰此迂闊之論也仲淹乃爲四論以獻大抵譏切時政且曰漢成帝信張禹不疑舅家臣恐今日亦有張禹夷簡怒訴曰仲淹離間君臣所引用皆朋黨仲淹對益切貶知饒州歐陽脩以諫官高若訥坐視不言移書責之三人皆坐貶歷徙越州元昊反夏竦爲陝西經畧使進仲淹龍圖閣直學士副之夷簡再入相帝諭仲淹釋前憾仲淹頓首謝曰臣鄉蓋論國家事於夷簡無憾也延州諸砦多失守仲淹自請行遷戶部郎中兼知延州于是羌漢民相踵歸業屬任福

宋

卷九

六

敗好水川元昊答書不遜仲淹對使焚之大臣以爲不當輒通書又不當輒焚其書宋庠請斬仲淹帝不聽降秩知耀州爲環慶路經畧安撫緣邊招討使諸羌嘗陰助元昊爲寇仲淹至部即奏行邊以詔書犒賞諸羌閱人馬爲立條約皆受命自是始爲漢用矣改邠州觀察使表言觀察使班待制下臣守邊數年羌人頗親愛臣呼臣爲龍圖老子今與王興朱觀爲伍第恐爲賊輕解不拜城大順築細腰胡盧諸砦爲懷敏敗於定川賊大掠至潘原仲淹率衆六千由邠

涇授之聞賊已出塞乃還帝聞大喜曰吾固知仲淹  
可用也慶曆二年元昊請和召拜樞密副使改叅知  
政事帝銳意太平數問當世事再賜手詔又開天章  
閣召二府條對仲淹惶恐退而上十事初仲淹以并  
呂夷簡放逐者數年值陝西用兵天子以仲淹士望  
所屬拔用之仲淹日夜謀慮與致太平然更張無漸  
規摹闊大及按察使出多所舉劾人心不悅於是謗  
毀行朋黨之論漫聞上矣會邊警因與樞密使富弼  
請行邊知邠州在中書所施為稍稍沮罷以疾請歸

宋

卷九

七

州徙荆南鄧人遽使者請留仲淹亦願留許之尋徙  
杭州徙青州病甚請頴州未至卒年六十四謚文正  
仲淹雅以天下為己任其言曰士當先天下之憂而  
憂後天下之樂而樂妻子衣食僅自克推其奉以食  
四方從學之士置義莊以贍族人四子純祐純仁純  
禮純粹仲淹嘗謂純仁得其忠純禮得其靜純粹得  
其畧云純祐字天成方十歲能文章仲淹守蘇州首  
建郡學聘胡瑗為師瑗學規良密生徒數百多不率  
教仲淹患之純祐尚未冠輒白入學齒諸生末盡行

其規諸生遂不敢犯仲淹將兵純祐與將卒錯處鉤  
深摘隱得其才否由是仲淹任人無失而屢有功純  
祐事父母孝未嘗違左右不應科第及仲淹以謫罷  
純祐不得已蔭守將作院主簿又為司竹監年四十  
九卒純禮字彞叟以蔭歷比部員外郎知遂州瀘南  
有邊事調度苛棘純禮一以靜待之歷尚書右丞侍  
御史陳次升乞除罷言官並自內批勿由三省進擬  
右相曾布乞降黜次升純禮曰次升何罪不過防柄  
臣各引所親且不附己者爾因從容諫曰邇者朝廷

宋

卷九

八

命令莫不是元豐而非元祐以臣觀之神宗立法之  
意固善吏推行或有失當宜仁聽斷一時小有潤色  
蓋大臣識見異同非必盡懷邪為私也會布憚之激  
駟馬都尉王詵曰上欲除君承旨范右丞不可詵誣  
以事罷卒年六十七純粹字德孺以蔭遷至直龍圖  
閣為京東轉運使與蘇軾同建募役之議復代兄純  
仁知慶州時與夏議分疆界純粹請棄所取地以弭  
邊患純粹又言諸路策應舊制也今宜修明戰守救  
援之法及夏侵涇原純粹粹遣將曲珍救之元祐中召

爲戶部侍郎又出知延州紹聖初用事者欲開邊費御史郭知章遂論純粹元祐棄地事降秩歷鄧州河南府滑州旋以元祐黨奪職久之復徵闕閣待制致仕卒年七十餘

富弼

富弼字彥國河南人少篤學有大度范仲淹奇之曰王佐才也以其文示王曾晏殊殊妻以女舉茂材異等授將作監丞會書河陽判官仲淹坐爭廢后貶弼論救不聽歷開封府推官知諫院時禁越職言事弼

宋

卷九

九

因論日食極言應天變莫若通下情遂除其禁奉使契丹慶曆二年知制誥糾察在京刑獄堂吏有僞僧牒者開封不敢治弼白執政請以吏付獄呂夷簡不悅會契丹屯兵境上遣其臣蕭英劉六符來求開南地朝廷擇報聘者皆以其情叵測莫敢行夷簡因是薦弼弼卽入對叩頭曰主憂臣辱臣不敢愛其死帝爲動色遂爲使報聘既至弼見契丹主問故契丹主曰南朝違約塞鴈門增塘水治城隍籍民兵將以何爲弼曰北朝忘章聖皇帝之大德乎澶淵之役苟從

諸將言北兵無得脫者且北朝與中朝通好則人主專其利若用兵則利歸臣下北朝欲用兵能保必勝乎就使獲勝所亡士馬羣臣當之與抑人主當之與契丹主大悟弼又曰塞鴈門者備元昊也塘水始於何承矩事在通好前城隍皆修舊民兵亦補闕契丹主曰所欲得者祖宗故地耳弼曰晉以盧龍賂契丹周世宗復取關南皆異代事若各求地豈北朝之利哉既退六符曰吾主耻受金幣堅欲十縣何如弼曰若必欲得地是志在敗盟假此爲詞耳明日契丹主

宋

卷九

十

召弼同獵引弼馬自近又言得地則歡好可久弼言北朝旣以得地爲榮南朝必以失地爲辱兄弟之國豈可使一榮一辱哉獵罷六符曰吾主聞公榮辱之言意甚感悟弼歸復命弼奏於普書內創增三事弼因請錄副以行弼自念所增三事皆與契丹前約萬一書詞異同則虜必疑乃密啟副封果如所料弼疾馳還京見上曰執政固爲此欲致臣于死奈國事何上急召夷簡等問之弼語益侵夷簡遂易書既至契丹主曰頃於普中加一獻字弼曰南朝爲兄豈有兄

獻于第乎曰改爲納字如何弼曰亦不可契丹主曰  
南朝既懼我矣於二字何有弼曰本朝兼愛南北故  
不憚更成何名爲懼或不待已至於用兵則當以曲  
直爲勝負非使臣之所知也契丹知不可奪乃曰吾  
當自遣人議之復使劉六符來弼歸奏曰二字臣以  
死拒之已氣折矣可勿許也朝廷竟用納字除樞密  
直學士遷翰林學士皆懇辭三年拜樞密副使饒愈  
力七月復拜樞密副使弼言契丹萬一敗盟臣死且  
有罪願坐薪嘗膽不忘脩政以誥納上前而罷論月

宋

卷九

十一

復申前命使宰相論之曰此朝廷特用非以使遠故  
也弼乃受帝銳意太平責成宰相數下詔督弼與范  
仲淹等又開天章閣給筆札使陳所欲言且命仲淹  
主西事弼主北事弼上當世之務十餘條安遠十三  
策欲易監司不才者使澄汰所部吏於是小人始不  
悅矣元昊遣使以書來稱男不稱臣弼言契丹臣元  
昊而我臣則契丹爲無敵於天下不可許乃卻其  
使卒臣之夏竦賊石介詆已而譽弼會介以書遺弼  
責以伊周之事因中弼以飛語弼懼求宣撫河北還

出知鄆州歲餘諛不驗加給事中移青州兼京東路  
安撫使河朔大水民流就食弼曲撫之立法簡便凡  
活五十餘萬人募爲兵者萬計帝遣使勞拜禮部待  
郎弼辭不受王則叛齊州禁兵欲應之或請弼告齊  
非弼所部恐事泄變生適中貴人張從訓銜命至青  
弼度其可用密付以事使馳至齊發吏卒取之無得  
脫者即自劾願擅罪帝益嘉之至和二年召拜同平  
章事與文彥博並命宣制之日士大夫相慶帝微視  
知之以語學士歐陽脩曰古之命相或得諸夢卜豈

宋

卷九

十二

若今日人情如此哉弼爲相守典故行故事而傳以  
公議當是時百官任職天下無事六年以母憂去任  
帝虛位五起之弼固辭既除喪英宗立召爲樞密使  
居二年以足疾求解判揚州封祁國公進封鄭縣寧  
元年徙判汝州詔入覲弼知帝果於有爲因對人主  
好惡不可令人窺測又曰願二十年口不言兵帝默  
然力辭赴郡明年同平章事時有爲帝言災異皆天  
數非關人事者弼聞而嘆曰是治亂之機不可以不  
速救即上書論之王安石用事雅不與弼合弼度不

能爭多稱疾求退帝將許之曰卿即去誰可代卿者  
弼薦文彥博神宗嘿然良久曰王安石何如弼亦嘿  
然判河南改亳州坐格青苗以僕射判汝州弼言新  
法臣所不曉不可以治郡願歸洛養疾遂致仕卒年  
八十謚文忠子紹庭字德先性靖重能守家法歷除  
提舉河北西路常平辭曰熙寧變法之初先臣以不  
行青苗被罪臣不敢爲此官知宿州卒年六十八子  
直柔別有傳

張昇

宋

卷九

十三

張昇字杲卿韓城人第進士爲楚丘主簿歷知雜御  
史昇質樸不善擇言至斥張貴妃爲一婦人謂楊懷  
敏得志將不減劉季述仁宗不悻以語陳升之升之  
曰此忠直之言不激切則聖意不可回矣帝乃解拜  
御史中丞劉沆在相位以御史范師道趙抃嘗攻其  
惡陰欲出之昇上章力爭帝謂曰卿孤立乃能如是  
嘉祐三年連遷參知政事樞密使與韓琦同決策英  
宗立請老帝懇留司馬光疏昇忠謹清直昇請不已  
始賜告致仕卒年八十六

曾公亮

曾公亮字明仲晉江人舉進士甲科知會稽縣歷端  
明殿學士知鄭州精吏事盜悉竄他境至夜戶不閉  
嘗有使客亡橐中物移書詰盜公亮報吾境不藏盜  
殆從者之偷耳索之果然知開封府擢給事中參知  
政事嘉祐六年同平章事公亮習知朝廷臺閣典憲  
首相韓琦每咨訪焉熙寧三年判永興軍以太保致  
仕卒年八十贈太師謚宣靖公亮莊重沉密平居謹  
繩墨然性吝嗇殖貨至鉅萬帝嘗以方張安世初薦

宋

卷九

十四

王安石及同輔政知帝方向之陰爲子孫計一切聽  
其所爲而外若不與之者嘗遣子孝寬參其謀至上  
前畧無所異於是帝益信任安石安石德之引擢孝  
寬至樞密蘇軾嘗從容責公亮不能放正對曰上與  
介甫如一人此乃天也從子孝廣孝蘊

吳克

吳克字冲卿建州人未冠舉進士與兄育京方皆高  
第調穀熟主簿入爲國子監直講吳王宮教授等章  
多與宗室狎克齒最少獨以嚴見擢相率設席受經

克作箴以獻仁宗命繕寫賜皇族英宗在藩邸書之  
坐右歷知陝州京西淮南河東轉運使英宗立數間  
充所在熙寧元年知制誥神宗諭以任用意曰先帝  
知卿久矣遂同知諫院王安石參知政事克子安特  
其婿也引嫌解諫職八年進樞密使克雖與安石連  
姻而心不善其所為數為帝言政事不便帝察其中  
立無與欲相之安石去遂代同平章事克欲有所變  
革乞召還司馬光呂公著韓維蘇頌乃薦孫覿李常  
程顥等數十人光以克可告語與之書曰今日救天

宋

卷九

十五

下之急苟不能青苗免役保甲市易息征伐之謀而  
欲成功猶惡湯之沸而益薪鼓棗也克不能用王珪  
與克並相忌克陰掣其肘而克素惡蔡確確治相州  
獄捕安特及親戚官屬考治欲鉤致克語帝獨明其  
亡他及確預政克數遭困毀素病痼積憂畏疾益優  
元豐三年三月罷為西太乙宮使踰月卒年六十

王珪

王珪字禹玉成都人舉進士甲科歷翰林學士嘉祐  
立皇子中書召珪作詔珪曰非面受旨不可明日請

對曰海內望此舉久矣果出自聖意乎仁宗曰朕意  
決矣珪再拜賀始退而草詔歐陽脩嘆曰真學士也  
英宗立追崇濮王珪與侍從禮官合議宜稱皇伯王  
夫人改封大國執政不以爲然神宗即位遷學士承  
旨熙寧三年拜參知政事九年同平章事元豐官制  
行拜尚書左僕射以蔡確爲右僕射先是神宗謂執  
政曰官制將行欲新舊人兩用之又曰御史大夫非  
司馬光不可珪確相顧失色確曰上久欲收靈武公  
能任責則相位可保也珪喜謝帝嘗欲召司馬光珪

宋

卷九

十六

薦俞允帥慶使上平西夏策已而光果不召永樂之  
敗死者十餘萬人實珪故之帝有疾珪自皇太后請  
立延安郡王爲太子是爲哲宗進珪岐國公未幾卒  
年六十七謚曰文珪爲文閣修瓌麗朝廷大典策多  
出其手然自執政至宰相凡十六年無所建明當時  
目爲三旨相公以其上殿進呈云取聖旨訖云領聖  
旨退云已得聖旨也紹聖中邢恕謗起珪遂得罪追  
貶季父罕從兄琪罕字師言以陰知宜興縣縣多湖  
田歲大水輕重失其平罕躬至田處列高下爲圖明

年訴牒至按圖示之某可免某不可免衆皆服范仲淹在澗奏下其式于諸道累遷廣東轉運使僕智高入寇惠州悉出公私戎器檄告屬城乃建旗伐鼓順流而下智高見已嚴備不敢犯罕徐開門而入遂解去徙知潭州擢戶部度支副使有狂婦入數訴事出言無章却之則勃罵罕委曲徐問久稍可晚乃本寡婦無子妾有子逐之而據家資屢訴不得直因憤志病狂罕爲治妾反其資病良愈郡人傳爲神明徙知明州卒年八十

宋

卷九

十七

包拯

包拯字希仁合肥人第進士除大理評事知建昌縣以父母老辭不就得監和州稅父母又不欲行拯卽解官歸養後數年親繼亡廬墓終喪徘徊不忍去久乃赴調知天長縣徙知端州遷殿中丞端產硯前守緣貢率取數十倍以遺權貴拯命製者才足貢數歲滿不持一硯歸拜監察御史裏行改監察御史與唐介等共論張堯佐除官涉私又嘗建言國家歲賂契丹非禦戎之策又請重門下封駁之制使契丹典客

謂曰雄州新開便門欲誘叛人刺疆事拯曰涿州亦嘗開門矣刺疆事何必開便門哉其人無以對入爲三司戶部副使解州鹽法率病民拯往經度請通商販除天章閣待制知諫院數論斥權倖大臣請罷一切內除曲恩又列上唐魏鄭公三疏願置之坐右以爲龜鑒又上言天子當明聽納辨朋黨惜人才不主先入之說凡七事仁宗嘉納除龍圖閣直學士河北都轉運使徙知瀛州權知開封府遷右司郎中拯令訟訴得徑至前陳曲直吏不敢欺執族築園榭池

宋

卷九

十八

沼悉毀去之人以拯啖比黃河清權御史中丞奏請正東宮張方平爲三司使坐買豪民產拯劾罷之而宋祁代方平拯又論之祁罷而拯權三司使歐陽脩言拯墮田奪之牛罰已重矣又貪其富不亦甚乎拯家居避命久之乃出遷給事中爲三司使數日拜樞密副使頃之遷禮部侍郎辭不受尋卒年六十四贈禮部尚書謚孝肅拯性峭直惡吏苛刻務敦厚雖甚嫉惡未嘗不權以忠厚也嘗曰後世子孫仕宦有犯職者不得放歸本家死不得葬大塋中不從吾志非



吾子孫也

吳奎

吳奎字長文濰州人於書無所不讀舉五經至大理丞監京東排岸慶曆宿衛之變奎上疏乞召對面論仁宗器之再遷殿中丞策賢良方正入等擢太常博士通判陳州人為右司諫唐介論文彥博指奎為黨出知密州權開封府拜樞密副使居父喪毀瘠廬於墓神宗初參知政事奎曰臣嘗與安石同領郡牧見其護前自用所為迂濶奎嘗進言帝王所職惟在刑

宋 卷九

十九

正邪御史中丞王陶以不押班事詆韓琦奎狀其過陶既出奎亦知青州司馬光諫乃召歸中書及琦罷相竟出知青州明年卒年五十八奎喜獎廉善少甚貧既通買田為義莊以闢族人沒之日家無餘貲諸子至無屋以居云

趙抃

趙抃字閱道西安人進士及第歷殿中侍御史彈劾不避權倖時目為鐵面御史其言務欲朝廷別白君子小人異充馬遵呂景初吳中復相繼被逐歐陽脩

賈黯求補郡抃先後論薦仁宗悟召還充等而脩黯

亦獲留知睦州移梓州路轉運使改益州蜀地遠民弱吏肆為不法州郡公相餽餉抃以身帥之蜀風為變召為右司諫內侍鄧保信引退兵董吉燒煉禁中抃引文成五利鄭注為比陳升之副樞密抃與唐介等極論之章三十餘上之去抃等亦罷出知虔州虔素難治抃御之嚴而不苛加龍圖閣直學士知成都以寬為治蜀民大悅神宗召知諫院帝曰聞卿匹馬入蜀以一琴一鶴自隨為政簡易亦稱是乎擢參

宋

卷九

二十

知政事王安石變法抃與同列屢爭之安石謂衆人曰公輩坐不讀書耳抃獨折之曰皋夔稷契何書可讀韓琦疏論青苗帝語執政令罷之時安石家居求去抃請俟安石出及出持愈堅抃大悔恨因懇求去知杭州改青州京東早蝗青獨多麥蝗退飛墮水成糲以戍卒為憂遂以大學士復知成都因乞便宜從事既至治益尚寬蜀郡晏然乞歸知越州歲大侵疫死者過半抃療病埋死而賑其饑者下令修城各得食其力復徙杭以太子少保致仕卒年七十七贈太



子少師謚清獻林長厚清脩人不見喜愠晝所為夜必衣冠焚香告天不可告則不敢為晚學道有得與子阮訣詞氣不亂安坐而沒韓琦嘗稱爲世人標表云

唐介

唐介字子方江陵人父拱卒漳州州人知其貧合錢以贖介時尚幼謝不取擢第爲武陵尉調平江令歷通判德州入爲監察御史裏行轉殿中侍御史張堯佐驟除宣徽節度景靈群牧四使介與包拯吳奎等

宋

卷九

二十一

力爭之又請中丞王舉正留百官在苑論奪其二使無何復除宣徽使知河陽介獨抗言之并劾宰相文彥博仁宗怒甚梁適叱介下殿修起居注蔡襄趨進救之貶春州別駕明日改置英州而罷彥博相與奎亦出梅堯臣李師中皆賦詩讚美直聲動天下士大夫稱真御史必曰唐子方數月起監柳州稅通判潭州知復州召爲殿中侍御史遣使賜告趣詣闕下入對帝勞之言事益無所顧徙江東轉運使御史吳中復言介不宜久居外文彥博再當國奏願如中復言

然但徙河東久之復知諫院御史中丞瑞絳劾宰相富弼介與王陶論絳中傷大臣絳罷介亦請外留權開封府旋以論罷陳升之亦出知洪州知瀛州英宗特召爲御史中丞明年以龍圖閣學士知太原府神宗立以三司使召遂拜參知政事帝欲用王安石會公亮因薦之介言其難大任帝曰文學不可任邪事不可任邪經術不可任邪對曰安石好學而泥古故論議迂濶若使爲政必多所變更數與安石爭論安石強辨而帝主其說介不勝憤疽發背卒年六十一

宋

卷九

二十一

諫質肅介爲人簡佻以敢言見憚居政府扼於安石少所建明當時謂中書有生老病苦死言安石生曾公亮老富弼病趙抃苦介死子淑問義問孫恕

胡宿

胡宿字武平晉陵人登第爲揚子尉縣大水宿率公私船活數千人以薦爲館閣校勘進集賢校理通判宣州知湖州築石塘百里民號曰胡公塘久之爲兩浙轉運使召脩起居注知制誥慶曆六年京東兩河地震登萊尤甚宿兼通五行之學上疏謂西北二邊

不動恐有內盜起於河朔明年王則果以貝州叛初唐介貶嶺南帝遣中使護以往宿言介不幸道死陛下受殺直臣名帝爲止拜樞密副使宿數請老以太子少師致仕未拜卒年七十二

劉敞

劉敞字原夫新喻人第進士通判蔡州直集賢院判尚書考功中貴人預定大樂敞諫儒學滿朝辨論有餘而使若趙談者參之臣恐爲表益笑也知制誥宦者石全彬領觀察使意不愜有愠言居三日爲真敞

卷九

二十

封還除書不草制奉使契丹順州山中有異獸如馬食虎豹契丹不能識問敞敞曰此所爲駁也爲說其狀且誦山海經併管子書曉之契丹益嘆服使還求知楊州拜翰林侍讀學士英宗初立兩官方有闕敞進讀史記至堯授舜以天下拱而言曰舜至側微堯禪以位天地享之百姓戴之非有他道惟孝友之德光於天下耳帝爲改容復求外以爲汝州判南京御史臺卒年五十第敞子奉世敞字貢父與敞同登科仕州縣者二十年始爲國子監直講熙寧中判尚書

考功嘗詔安石書非法安石怒斥通判泰州又知曹州曹爲盜區重法不能止邪曰民不畏死奈何以死懼之治尚寬平盜亦衰息哲宗初起知襄州召拜中書舍人竟以疾不起年六十七

蔡襄

蔡襄字君謨僊遊人第進士爲西京留守推官館閣校勘范仲淹以言事去國余靖論救之尹洙請與同貶歐陽脩移書責司諫高若訥由是三人者皆坐譴襄作四賢一不肖詩都人士爭傳誦契丹使購于襄

朱

卷九

二十四

書之肆以歸慶曆三年仁宗更用輔相親擢靖脩及王素爲諫官襄知諫院時有旱蝗日食地震之變襄謂災害之來由君臣上下皆有闕失語甚激切進直史館兼脩起居注襄益任職論事無所回撓以母老求知福州改福建路轉運使開古五塘溉民田奏減五代時丁口稅之半復脩起居注唐介擊宰相觸盛怒襄趨進請全貸既貶春州又上疏謂必死之請得改英州進改知制誥帝過之益厚賜其母冠帔以示寵又親書君謨兩字遺襄以樞密直學士再知福州

徙知泉州距州二十里萬安渡立石爲梁其長三百六十丈種礪於礎以爲固又植松七百里以庇道路召爲翰林學士乞爲杭州居毋憂卒年五十六襄工於書仁宗愛之命書元舅隴西王碑其温成后父碑辭曰待詔職也乾道中謚忠惠孫佃仲俱登第仲子有傳

余靖

余靖字安道曲江人第進士起家爲穎縣尉遷秘書丞建言班固漢書舛謬命與王洙并校司馬遷范曄

宋

卷九

三十五

二史范仲淹以言事貶靖言汲黯在廷以平津爲多詐張昭論將以魯肅爲粗疎陛下自親政以來屢逐言事者恐鉗天下口疏入落職監筠州酒稅歷遷校理同知禮院爲右正言進脩起居注靖論夏竦姦邪不可爲樞密擢知制誥元昊既歸款朝廷欲加封冊而契丹以兵臨西境來言爲中國討賊請毋和朝議難之會靖數言契丹挾詐不可輕許卽遣靖往報卒屈其議而還靖三使契丹亦習外國語嘗爲蕃語詩爲御史所劾出知吉州靖彙劾太常博士茹孝標匿

喪坐廢靖旣失勢孝標請闕言靖少遊廣州犯法受榜靖聞之不自得求侍養去改將作少監再遷知虔州丁父憂僕智高反就喪次起靖祕書監知潭州改桂州詔以廣南西路委靖經制旣而朝廷遣狄青孫沔將兵共討賊賊平遷尚書工部侍郎初青兵未至前戒部將勿戰靖迫鈴轄陳曙出鬪敗走青至按軍法斬曙及指使袁用等于坐靖懼然起拜及諸將班師獨留靖廣西擒智高毋子第三人生致闕下知廣州官至工部尚書靖歸卒年六十五贈刑部尚書諡曰樂靖嘗夢神人告以所終官而死秦亭故靖嘗長西行及卒則江寧府秦淮亭也

張存

張存字誠之翼州人第進士爲安肅軍判官天禧中詔銓司以身言書判取士才得二人存預其選改著作佐郎知朝城縣屢薦爲殿中侍御史仁宗初親政罷百官轉對存請復之歷引周昌朱雲辛慶忌辛毗事以開帝意以天章閣待制爲陝西都轉運使黃德和之誣劉平也存奏言身旣陷沒又爲護校所困遠

宋

卷九

三十六

臣自此無復死節矣朝廷采其說入知開封府復使河北王則反坐失察降知汀州歷吏部侍郎致仕卒年八十

何郊

何郊字聖從成都人第進士由太常博士為監察御史夏竦負罪不去郊等奏出知河南竦乞留京師郊復奏上竦遂行知雜御史關帝越次用之郊遍歷三院有直聲晚節頗回畏因地震言陰盛臣強以譏韓琦又乞召還王陶以迎合上意由是聲名損於御史

宋

卷九

二十七

時以母老求西歸知漢州還判銀臺司唐介出荆南救過門下郊封還之介復留諫院治平末再知梓州居三年老病猶乞進用神宗薄之致仕卒年六十九

吳中復

吳中復字仲庶永興人父仲舉仕李煜為池陽令嘗殺曹彬所招使者城陷被執曰世祿李氏國亡宜死彬義而不殺中復進士及第知峨眉縣代還不載一物通判潭州御史中丞孫抃薦為監察御史初不相識也或問之抃曰昔人耻為呈身御史今豈有識面

臺官邪遷殿中侍御史彈宰相梁適適罷中復亦通判慶州未至復還臺富弼主李仲昌開六深河內且劉恢密告所斷岡與國姓上名同賈昌朝陰助之欲以搖弼詔中復往治促行甚急中復馳至較其名乃

趙征村也亦無岡勢獄得止又彈宰相劉沆沆罷改右司諫歷成德軍成都府未與軍河北行青苗法拒不聽知荆南免卒年七十從孫擇仁字智夫以父任為雍丘主簿金水河隄壞諸縣皆選屬庀役得詣朝堂白事宰相范純仁獨異之知大鹿縣中貴人譚種

宋

卷九

二十八

叙犯法按致于理種羞志造譖徽宗詔戶部郎中朱喬年往鞠喬年伉吏也疾驅至不能得毫毛罪笑讓擇仁曰來為察君罪願乃得一奇士遂薦之召遷至集賢殿脩撰

趙尚寬

趙尚寬字濟之河南人安仁子也知平陽縣鄰邑有大四十數賊械夜逸尚寬悉獲之知忠州其德甚著嘉祐中以考課第一知唐州唐素沃壤經五代亂土曠民稀議者欲廢為邑尚寬曰土曠可益墾辟民稀

可益招徠乃按視圖記得漢召信臣陂渠故迹益發卒復疏三陂一渠溉田萬餘頃四方之民來者雲布仁宗下詔褒仍進秩賜金王安石蘇軾作新田新渠詩以美之徙同宿二州又徙梓州積官至司農卿卒

王德用

王德用字元輔趙州人父超太宗尹京時置麾下卽位累遷天平節度景德初上巡澶淵召赴行在移鎮建雄知青州卒德用初以超蔭補衙內都指揮使至道二年分五路兵擊李繼遷超帥兵出綏夏德用年

卷九

三十九

十七爲先鋒將萬人戰鐵門關超按兵不進德用請乘之得精兵五十轉戰三日敵勢却超撫其背曰王氏有子矣累遷殿前都虞候章獻太后臨朝有求內降補軍吏者及崩有司請衛士坐甲德用皆不奉詔仁宗閱太后閣中得德用奏奇之拜檢校太保趙元昊反德用請自將討之不許德用貌類藝祖御史中丞孔道輔繼言之遂罷爲武寧軍節度使契丹求復關南地以兵壓境帝慰勞曰河北方警藉卿鎮撫之又賜手詔慰勉拜保靜軍節度使拜同中書門下平

軍事判澶州德用素善射雖老不衰以太子太師致

任名聞四夷皆呼曰黑王相公德用雖致仕乾元節

上壽與班廷中契丹使語譯者曰黑王相公乃復起

耶帝聞之起判鄭州至和元年遂以爲樞密使命入

謁拜明年富弼相契丹使耶律防至德用與防射玉

津圍防曰天子以公典樞密而用富公爲相皆得人

矣帝聞之賜弓矢後封魯國公卒年七十九贈太尉

中書令謚武恭子咸融至左藏庫使眉州防禦使

狄青

卷九

三十九

狄青字漢臣西河人善騎射寶元初趙元昊初反青行常爲先鋒尹洙與青談兵善之薦於韓琦范仲淹仲淹授以左氏春秋曰將不知古今匹夫勇爾青折節讀書悉通秦漢以來將帥兵法以功累遷至馬軍副都指揮使青奮行伍十餘年而貴是時面涅猶存帝嘗勅青傳藥除字青指其面曰臣所以有今日由此涅耳不敢奉詔皇祐中廣蠻儂智高反嶺外騷動楊畧師久無功又命孫沔余靖爲安撫使討賊仁宗猶以爲憂青上表請行翌日入對願行遂置酒垂拱

殿以遣之特智高還據邕州青合孫沔余靖兵次廣  
州先是蔣偕張忠皆輕敵敗死廣西鈐轄陳曙遣令  
青斬以徇諸將股栗乃整軍騎一晝夜絕崑崙關出  
歸仁鋪大敗之智高夜縱火燒城遁去青歛屍築京  
觀于城北隅拜樞密使優諸子官秩青在樞密四年  
每出士卒輒指目以相矜誇又言者以青家狗生角  
且數有光坵嘉祐中京師大水青避水徙相國寺行  
止殿上人情頗疑乃罷青出判陳州明年疽發髀卒  
贈中書令謚武襄青慎密寡言計事必審中機會而

宋九

三十二

後發或告以當祖狄公青謝曰青出田家少爲兵安  
敢祖狄公哉子諒諫並爲閤門使諫亦數有戰功

郭達

郭達字仲通其先自邢徙洛康定中允遵死於敵乃  
錄達諫陝西范仲淹麾下方議取靈武達曰地遠而  
食不繼城大而兵不多未見其利未幾任福以全軍  
沒陳執中安撫京東奏爲駐泊將執中與賓佐論賞  
今名將推葛懷敏達曰懷敏易與爾他日必敗朝廷  
事懷敏旣覆師爲眞定兵馬監押神宗立徙鎮鄜延

种諤受鬼名山降取綏州夏人遂殺楊定朝論以邊  
釁方起欲棄綏達曰虜旣殺王官而又棄綏不守見  
弱已甚旣而又人欲以塞門安遠二砦來易朝廷許  
之達曰此正商於六百里之策也非先交二砦不可  
與加檢校太尉雄武軍留後韓絳主种諤計圖橫山  
與達議出兵達曰諤狂生必誤大事諤怒以爲沮撓  
奏召達還明年慶州亂出判未與徙秦州知洛州徙  
太原交趾李軋德階邕管召爲安南行營經略招討  
使大戰富良江斬僞王子洪真乾德窮蹙奉表歸命

宋九

三十三

時兵夫三十萬人冒暑涉瘴死者過半至是與賊隔  
一水不得進乃班師坐貶哲宗立歷左武衛上將軍  
卒年六十七

宋列傳卷之十

文彥博字文舉大汾州人其先本敬氏以避晉高祖及

宋翼復歸政焉及進士第歷殿中侍御史以直史館

為河東轉運副使元昊來寇圍城十日知有備解去

知秦州改益州未幾召拜樞密副使叅知政事貝州

王則反明鑄討之久不克彥博請行命為宣撫使旬

日賊潰檻則送京師拜同平章事薦張瓌韓維王安

石等御史唐介劾其在獨日以奇錦結官掖因之登

用介既貶彥博亦罷知許州至和二年復與富弼同

拜相士大夫皆以得人為慶明年正月帝方受朝疾

暴作扶入禁中彥博呼內侍史志聰問狀令自今疾

勢增損必以告賈昌朝素惡富弼陰結內侍二人言

國家不當穿河北方致上體不安蓋欲傾弼也彥博

詰二人之姦御史吳中復乞召還唐介彥博因言介

頊為御史言臣事多中臣病請如中復奏久之判河

南府封潞國公英宗即位自喪起成德軍節度使三

上表乞終制初仁宗不從彥博與富弼等乞立儲嗣

服闋入覲英宗曰卿於朕有恩尋除侍中徙鎮淮南

判永興軍入為樞密使創南西川節度使熙寧中慶

州兵亂彥博言於神宗曰朝廷行事務合人心宜兼

采衆論以靜重為先安石知為已發奮然排之在樞

府九年又以極論市易司為安石所惡力引去判河

陽元豐二年拜太尉復判河南適入朝神宗問及至

和中定策事對曰先帝天命所在臣等何功久之請

老以太師致仕居洛陽元祐初司馬光薦彥博宿德

元老宜起以自輔乃命平章軍國重事六日一朝

月兩赴經筵居五年復致仕紹聖初章惇秉政言者

論彥博朋附司馬光詆毀先烈降太子少保卒年九

十二崇寧預黨籍後出籍追謚忠烈彥博事四朝在

將相五十年名聞四夷元祐間契丹使耶律永昌刺

青來聘蘇軾館客與使入覲望見彥博於殿門外却

立改容曰此潞公也邪問其年曰何壯也軾曰使者

見其容未聞其語其綜理庶務雖精練少年有不如

其貫穿古今雖專門名家有不逮使者拱手曰天下

異人也既歸洛西巷首頽有名馬請於邊吏願以觀



彥博詔許之洛人邵雍程顥兄弟皆以道自重彥博  
賓接之如布衣交與富弼司馬光等十三人用白居易  
易九老故事謂之洛陽耆英會好事者莫不慕之八  
子皆歷要官第六子及甫與邢恕相善歷權工部侍郎  
蔡渭邢恕持及甫私書造梁燾劉摯之謗逮詣詔  
獄及甫有憾於元祐從而實之

### 歐陽修

歐陽修字永叔廬陵人四歲而孤母鄭守節親誨之  
學家貧至以荻畫地學書宋興且百年文章體裁猶

宋制

宋十

三

仍五季餘習修纂唐韓愈所為文追與之並舉進士  
試南宮第一擢甲科調西京推官從尹洙游為古文  
與梅堯臣為歌詩遂以文章名冠天下入朝為館閣  
校勘始書責司諫高若訥不論救范仲淹若訥上其  
書貶夷陵令慶曆三年由集賢校理知諫院初尹洙  
余靖皆以直仲淹與修同見逐目之曰黨人自是朋  
黨之論起修乃為朋黨論以進修論事切直人視之  
如讎帝獨獎其敢言而賜五品服顧侍臣曰如歐陽  
修者何處得來是時杜衍等相繼以黨議罷去修慨

然上疏曰杜衍韓琦范仲淹富弼天下皆知其有可  
用之賢而不聞其有可罷之罪於是邪黨益忌修因  
其孤甥張氏獄傳致以罪左遷知滁州居二年徙初  
州頴州復學士留守南京母憂服除召判流內銓時  
在外十二年矣帝見其髮白問勞甚至小人畏修復  
用有詐為修奏乞澄汰內侍為姦利者其群皆怨怒  
譖之出知同州帝納吳充言而止遷翰林學士俾修  
唐書奉使契丹其主聞其名加尊禮焉知嘉祐二年

### 宋制

宋十

四

貢舉時上子尚為險怪奇澁之文號太學體修痛排  
抑之既由樞密副使拜叅知政事與韓琦同心輔政  
遂協定大議英宗以疾未親政皇太后垂簾左右交  
構幾成嫌隙修與琦力解之帝將追崇濮王修引喪  
服記以為為人後者為其父母服降三年為期而不  
沒父母之名以見服可降而名不可沒也若本生之  
親改稱皇伯歷考前世皆無典故進封大國則又禮  
無加爵之道故中書之議不與衆同於是御史呂誨  
等詆修主此議爭論不已皆被逐惟將之奇之說合  
修為為御史衆目為姦邪之奇患之思所以自解之



奇卽劾修及守青州又論青苗爲安石所詆故求罷  
愈切熙寧四年以太子少師致仕明年卒年六十六  
贈太子太師謚文忠修始在滁州號醉翁晚號六一  
居士修天資剛勁見義勇爲雖機穽在前觸發之不  
顧放逐流離至於再三志氣自若也學者求見所與  
言未嘗及文章惟談吏事謂文章止於潤身政事可  
以及物凡歷數郡寬簡不擾毋嘗謂曰汝父爲吏常  
夜然燭治獄書求其生而不得則廢書而嘆修聞而  
服之終身子發字伯和少好學師事胡瑗得古樂鍾

宋制傳

卷十

五

律之說不治科舉文詞賜進士出身累遷殿中丞卒  
年四十六中子棐字叔弼亦博學能文用蔭爲秘書  
省正字登進士乙科調陳州判官知襄州曾布執政  
其婦兄魏泰倚聲勢求居襄規占公私田園莫敢誰  
何至是指州門東偏官邸廢址爲天荒請之棐竟持  
不與泰怒譖於布徙知潞州旋罷去元符末還朝歷  
吏部右司二郎中以直秘閣知蔡州未幾坐黨籍廢  
張方平字安道南京人舉茂才異等爲校書郎知崑

張方平

山縣又中賢良方正選遷著作佐郎通判時州趙元  
昊且叛爲煨書來規得譴絕以激使其參方平請爲  
不可勝以待之時謂其論姑息決計用兵方平上平  
戎十策不果行元昊陷澧州方平言夏竦爲統帥喪  
敗竦以是判河中當召試館職仁宗曰兩策制科何  
試也命直集賢院俄知諫院西師久未解元昊亦困  
獎方平請因郊赦引咎失信開其自新之路帝用其  
策元昊竟降元昊旣臣與契丹有隙來請絕其使方  
平曰得新附小寇失人和之強敵非計也英宗立遷

宋制傳

卷十

六

禮部尚書請知鄆州還爲學士承旨帝不豫召至福  
寧殿帝馮几言不可辨方平進筆請乃書云明日降  
詔立皇太子方平抗聲曰必穎王也嫡長而賢請書  
其名乃退草制神宗卽位拜參知政事司馬光疏其  
不當用不聽光解中丞魯公亮議用王安石方平以  
爲不可請知陳州陞辭極論安石新法之害數請老  
以太子少師致仕卒年八十五謚文定方平慷慨有  
氣節守蜀日得眉山蘇洵與其二子軾轍器異之嘗  
薦軾爲諫官軾下制獄又抗章爲請守宋都日富弼

自毫移汝過見之曰人固難知也方平曰謂王安石  
乎亦豈難知者方平頃知皇祐貢舉或稱其文學粹  
以考校既入院凡院中事皆欲紛更方平惡其人檄  
使出自是未嘗與語也

王拱辰

王拱辰字君貺咸平人元名拱壽年十九舉進士第  
一仁宗賜以今名歷翰林學士契丹使劉六符來求  
關南十縣平太宗伐無為無名舉朝莫知所答拱辰  
曰王師征河東契丹既通使而寇石嶺關以援賊太

宋列傳

卷十

七

宗怒遂而軍伐之豈謂無名帝喜謂輔臣曰非拱辰  
深練故實殆難答也權知開封府拜御史中丞蘇舜  
欽於進奏院召妓宴客王益柔醉作傲歌拱辰諷其  
僚魚周詢劉元瑜舉劾兩人被竄廢同席者俱逐時  
杜衍范仲淹為政多所更張拱辰之黨不便舜欽益  
柔皆仲淹所薦而舜欽衍壻也故因是傾之由此為  
公議所薄除宣徽北院使趙抃劾之積官至吏部尚  
書神宗登極安石執政籍民為保甲拱辰抗言其害  
主者指為沮法拱辰曰此老臣所以報國也哲宗立

徙節彰德加檢校太師卒年七十四

馮京

馮京字當世江夏人鄉舉禮部廷試皆第一時未娶  
外戚張堯佐欲娶以女力辭後試知制誥避婦父富  
弼當國嫌知開封府數月不請相府韓琦語弼以為  
儆弼使往見京曰公為宰相從官不妄造請所以為  
公重非傲也神宗立為御史中丞極論王安石更張  
失當權樞密副使進參知政事數與安石論辨會鄭  
俠上章薦京可相呂惠卿因譖與俠通罷知亳州移

宋列傳

卷十

八

涇州惠卿告安石罪發其私書有曰勿令齊年知蓋  
京與安石同年生帝以安石為欺復召京哲宗立拜  
保寧軍節度使知大名府拜太子少師致仕卒年七  
十四

呂誨

呂誨字獻可宰相端之孫登進士拜殿中侍御史勅  
使宋庠結援徇私詔罷庠而用陳升之為副使  
誨又諍之升之既去誨亦出知江州時嘉祐六年也  
請登建皇嗣召權知御史同知諫院英宗不豫誨請

皇太后日命大臣一員與淮陽王視進藥餌都知任  
守忠用事久帝之立非守忠意數間謀東朝播爲惡  
言內外洵懼誨上兩官盡開陳大義多人所難言者  
帝疾小愈遂論守忠罪并其黨史昭錫竄之濮議稱  
皇伯與中書異誨七上章不聽遂劾宰相韓琦不忠  
五罪又與御史范純仁呂大防劾歐陽修首開邪議  
乃下遷誨工部員外郎知新州神宗立歷擢復知諫  
院拜御史中丞王安石執政時多謂得人誨獨不以  
爲然著作佐郎章辟光上言岐王顥宜遷居外邸皇  
宋制傳 卷十 九  
太后怒帝令治其離間罪安石護之呂誨請下辟光  
吏不從遂上疏劾安石出知鄧州誨之將有言也司  
馬光勸止之誨曰安石好執偏見輕信姦回喜人佞  
已聽其言則美施於用則疎署諸宰輔天下必受其  
禍誨既斥安石益橫光由是服誨先見明年改知河  
南旋以疾提舉崇福宮表求致仕既革司馬光往省  
之張目強視曰天下事尚可爲君實勉之卒年五十  
八季子由誠字子明以蔭歷通判成都府靖康初宰  
相唐恪薦召與恪議不合力求退差知襲慶府一日

金兵四集由誠嚴立賞罰厲以忠義敵急攻矢石如  
雨人無叛志判官趙令佐同心誓守城陷被執敵欲  
生降之由誠不屈乃殺其子仍於前山誠不顧與令  
佐同遇害子僕并家屬四十口皆被執無生還者贈  
通奉大夫  
曾鞏 曾鞏字子固南豐人登嘉祐二年進士第歷集賢校  
理爲實錄檢討官出通判越州知福州福無職田歲  
幾園蔬自入常三四十萬鞏謂太守不宜與民爭利  
宋 卷十 十  
罷之後至者亦不復取也徙明臺滄三州通闕神宗  
召見勞問甚寵留判三班院會官制行拜中書舍人  
朱子稱南豐文集擬制內有數篇雖雜之三代詰命  
中亦無愧又史氏曰曾鞏文章本有六經斟酌司馬  
遷韓愈爲歐陽修所重居母憂卒年六十五鞏性孝  
友父亡未繼母益至撫四弟九妹少與王安石游及  
安石得志遂與之異神宗嘗問安石何如人對曰安  
石文學行義不減楊雄以吝故不及帝曰安石輕富  
貴何吝也曰勇於有爲吝於改過耳呂公著嘗告神

宗以鞏行義不如政事政事不如文章故不大用云  
弟肇字子開第進士歷同知太常禮院兄布以論市  
易被責亦奪肇主判再遷右司郎中為神宗實錄檢  
討元祐初擢中書舍人蔡確貶新州肇先與彭汝礪  
約極論會除給事中汝礪獨封還制書言者謂肇賣  
友略不自辨以實文閣待制知潁州入為吏部侍郎  
出知徐州徙江寧府出知瀘州與兄布易地時方治  
實錄譏訕罪降為滁州徽宗立復召為中書舍人日  
食四月朔當降詔求言肇具述帝旨詔下投匭者如  
宋 十一

王素  
王素字仲儀太尉旦季子也賜進士出身至屯田員  
外郎孔道輔薦為侍御史道輔貶出知鄂州仁宗擢  
知諫院素方壯年遇事感發適皇子生將進百僚官  
頒諸軍賞素爭宜留爵秩以賞戰功儲金緡以佐邊  
費議遂已王德用進三女子素論之知開封府出知  
定州成都府託為致務合人情蜀人紀其目號口王  
公異斷熙寧初選以學士知太原府汾河大溢素亟  
命具舟楫築堤捍之一夕水驟至人賴以安人知通  
宋 十二

織章惇惡之欲因事去肇帝不聽兄布在相位引故  
事避禁職拜龍圖閣學士提舉中太一宮崇寧初落  
職連貶澧州團練副使安置汀州四年歸潤卒年六  
十一兄布與韓忠彥並相肇既居外移書告之曰兄  
方得君當引用善人却正道以杜惇下復起之前而  
數月以來所謂端人君子繼跡去朝所進以為輔佐  
侍從臺諫往往皆前日士異時惇下縱未至一蔡京  
足以兼二人可不深慮布不能從未幾京得政布與  
肇俱不免子純左諫議大夫孫恬

彭思永  
彭思永字季長廬陵人第進士歷侍御史皇祐初明  
堂將進百官秩時張堯佐已貴觀執政王守忠已寵

求旄節命未出思永抗疏仁宗怒中丞郭勸諫官吳奎爲之請轉司封員外郎解董職累遷御史中丞濮王稱親之議言者爭之皆斥去思永更上疏極論貳親之嫌英宗欲施行中書持議甚力卒不果神宗卽位御史蔣之奇糾歐陽修陰事挽思永自助思永以爲帷薄之私非外人所知出黃州改太平州以戶部侍郎致仕卒年七十一子衛亦孝謹以父老棄官

鄭懈

鄭懈字義夫安陸人舉進士第一歷官知制誥英宗

宋

卷十

十三

立辯言昭陵制度不宜效乾興有傷儉德神宗召拜翰林學士朝廷議納橫山懈曰兵禍必起於此已而种諤取綏州懈言專用變詐之士務爲掩襲如歐國暴君所尚豈帝王大畧哉又請因諒祚告哀遣使立其嗣子識者趨之權發遣開封府斷謀殺獄不用按問新法爲王安石所惡以待讀學士出知杭州卒年五十一

陳襄

陳襄字述古侯官人少孤能自立出游鄉校與陳烈

周希孟鄭穆爲友相與倡道海濱謂之四先生襄第進士調浦城簿攝令事民有失物者捕偷兒至數輩相撻拄藜語之曰某願鍾能辨盜犯者捫之輒有聲乃率同列詣鍾所祭禱陰塗以墨而以帷蔽之一人手無所汗遂服罪歷知諫院改侍御史知雜事論青苗法乞貶斥王安石呂惠卿以謝天下又乞罷韓絳政府且言韓維不當爲中丞召試知制誥以言不行辭補外安石欲以爲陝西轉運使帝特留脩起居注出知陳州判尚書都省卒年六十四

宋

卷十

十四

鄭俠

鄭俠字介夫福清人初隨父官江寧閉戶苦學遂受知王安石進士高第調光州司法叅軍疑獄譏議安石悉依奏俠感爲知己思欲盡忠秩滿徑入都時通試法安石以語俠俠以未習辭問所開對曰青苗諸法與邊鄙用兵在俠心不能無區區也安石不荅久之監安上門俠又列民商苦免役未幾詔小夫禪販者免征重商十損其七他皆無所行是時自熙寧六年七月不雨至於七年三月東北派民負瓦揭木賣

以償官累累不絕使繪所見爲圖以奏神宗及覆視  
圖長吁數四袖以入寢不能寐翌日命罷青苗等法  
凡十八事越三日大雨輔臣入賀帝示以俠所進圖  
狀安石上章求去群姦切齒遂以俠付御史治其擅  
發馬通罪呂惠卿鄧綰相與環泣帝前於是新法一  
切如故安石去惠卿執政俠又上疏論之惠卿素爲  
謗訕編管汀州又嗾御史張璠并劾馮京爲黨與者  
宗立始得歸蘇軾孫覺表言之以爲泉州教授元符  
七年再寬於英徽宗立赦還故官又爲蔡京所奪官  
和元年卒年七十九

楊繪

楊繪字元素綿竹人進士上第歷知興元府神宗立  
召修起居注知制誥知諫院曾公亮請以其子判登  
聞鼓院用所厚魯鞏爲史官繪爭曰公亮持國名器  
親如已物帝爲寢其命時安石用事賢士多謝去繪  
言老成之人不可不惜當今舊臣多引疾求去危鎮  
年六十有三呂海五十有八歐陽修六十有五而致  
仕富弼六十有八而引疾司馬光王陶皆五十求散

地陛下可不思其故乎又言方今以經術取士獨不  
用春秋宜令學者以三傳解經免役法行繪陳十害  
再知杭州卒年六十二

龔鼎臣

龔鼎臣字輔之須城人父誘襄武陵令鼎臣勿孤自  
立第進士爲平陰主簿歷泰寧軍節度掌書記石介  
死讒者謂北走契丹仁宗詔充州劾狀郡守杜衍會  
問椽屬莫對鼎臣獨曰願以闔門證其死衍探懷出  
奏彙示之曰吾旣保介矣君年少見義如是舉爲秘  
書省著作佐郎知萊蕪縣大臣薦試館職坐與石介  
善不召歷知安丘縣以賢良方正召試秘閣轉太常

博士賜五品服知渠州渠故僻陋鼎臣請建廟學遷  
邑子爲生立課肄法始有登科者累擢侍御史英宗  
登位上疏勸皇太后早還政神宗卽位判吏部流內  
銓王安石侍講欲賜坐事下禮官鼎臣言不可安石  
不悅求補外知兗州知青州致仕年七十七卒

魯有開

魯有開字元翰用從父宗道蔭入官歷知確山縣嘗

弼守蔡薦之以為有古循吏風知金州有蠱獄當死者數十人有開曰安得若是衆耶訊之則誣知南康軍代還熙寧行新法王安石問江南如何曰法新行未見其患當在異日也以所對乖異出通判杭州知衛州徙冀州增河隄或謂郡無水患何以役為對曰隄備不虞古之善計也卒成之明年河決水果至不能冒隄而止官至中大夫卒

蕭注

蕭注字巖夫新喻人磊落有大志尤喜言兵第進士

卷十

十七

攝番禺令儂智高圍廣州數月方舟數百攻城南勢危甚注自圍中出募壯士得二千人乘大船集上流因颶風起縱火焚賊舟破其衆即日開城門納援兵積芻粟民乃無恐自是每戰輒捷連拜閣門使既言交趾不取異日必為中國憂李師中劾其沮威嗜利貶泰州團練副使歷知寧州復閣門使時有言交人控於占城衆不滿萬可取也遂以知桂州入覲神宗問攻取之策對曰昔者臣有是言今交人生聚教訓十五年矣謂兵不滿萬妄也既至桂有獻征南策者

輒不聽帝因以沈起代之罷歸道卒注有膽氣嗜殺而能相人自陝西還帝問韓絳何如對曰廟筭深遠臣不能窺然知絳當位極將相問王安石曰安石牛目虎顧視物如射意行直前敢當天下大事然不如絳得和氣為多惟氣和能養萬物耳其他無不驗者

陶弼

陶弼字商翁永州人少倣儻放宕見丁謂謂妻以宗女因從學兵法能持論縱橫慶曆中楊敞討湖南循弼上謂敞授之兵使徃襲大破之以功得陽朔主簿

朱

卷十

十八

儂智高犯南海改為安撫使辟參軍謀調陽朔令歷遷崇儀使知邕州邕地卑下夏雨彌月弼亟望垠江三門諭民即高避害俄而水火至弼身先版重召僚吏賦役為土囊千餘置道上水果從竇入隨塞之水不及女墻者三板旬有五日乃退公私一無所失弼久於邕徙鼎州章惇經理五溪蠻事薦為辰州積官至西上閣門使留知順州交人終弼在不敢犯卒

林廣

林廣萊州人以內殿崇班從環慶蔡挺麾下李諒祚

寇大順城廣射中之攻白豹金湯皆先登累功遷禮賓使韓存寶討瀘蠻乞弟逗撓不進詔廣代之師行有二途從納溪抵江門近而險從寧遠抵樂共壩遠而平蠻盛兵阻江門而官軍趨樂共出其不意蠻狼狽遁去拜衛州防禦使馬軍都虞候還部至閩鄉疽發斷頸卒年四十八廣輕財好施學通左氏春秋其名聞於西夏然在瀘以敕書招蠻既降而殺之斯道家所忌云

種世衡

卷十

十九

種世衡字仲平放兄子也少尚氣節昆弟欲析贊悉推與之以放蔭補官累遷太子中舍嘗通判鳳州土將王蒙正恃后嫺橫恣以干請不聽誣以事流寶州徙汝州弟世材上一官以贖為孟州司馬久之李宏為辨誣宋綬狄棐繼言之除衛尉寺丞歷僉書同州鄜州判官西邊用兵守備不足世衡建言延安東北二百里有故寬州請因廢壘興之以當寇衝朝廷從之命董其役夏人不能爭然處險無泉議不可守墾地百五十尺始至石世衡命屠石一畚酬百錢卒得

泉城成賜名青澗城遷內殿崇班知城事開營田募商賈城遂富實慰勞酋長屬羗皆樂為用知環州蕃部有牛家族奴訛者素屈疆未嘗出謁郡守聞世衡至遷郊迎世衡明日冒雪至其帳往勞部落奴訛率其族羅拜聽命羗酋慕恩部落最強世衡能得其死力諸部有貳者使討之無不克其後餘帳皆自歸莫敢貳葛懷敏敗率羗兵數千人援涇原無敢後者縣是數年敵不敢近環境遷東染院使環慶路兵馬鈐轄范仲淹檄令與蔣偕築細腰城世衡時卧病強起

宋

卷十

二十

蒞役城成而卒子古諤診皆有將材號曰三種幼子誼孫朴師道師中誼字壽翁神宗問古家世命誼以官累轉西京使元祐初與姚兪合兵出討俘兪章遷至保州團練使卒師道字彛叔少從張載學以蔭補三班奉職試法易文階為熙州推官提舉奉鳳常平議役法忤蔡京指屏廢十年後擢知懷德軍知渭州詔帥七路兵征城底城八日克之徽宗得捷書喜進秩從童貫為都統制拜保靜軍節度使貫謀伐燕使師道畫護諸將師道諫貫不聽遂使來請曰女真之



叛本朝亦南朝所甚惡也師道復諫又不聽密劾其助賊王黼怒責致仕而用劉延慶代之延慶敗績盧濬帝思其言起知環州復致仕金人南下輒召之師道方居南山豹林谷聞命即東過姚平仲有步騎七千與之俱比至洛陽聞幹離不已屯京城下途徑逼敵營金人懼徙砦增壘自衛時師道春秋高天下稱爲老种欽宗聞其至喜甚問曰卿意如何對曰女真不知兵豈有孤軍深入入境而能善其歸乎帝曰業已講好矣對曰臣以軍旅之事事陛下餘非臣所敢

宋

卷十

二十一

知也拜檢校少傅同知樞密院京畿兩河宣撫使諸道兵悉隸焉以平仲爲都統制師道請緩給金幣使彼情歸扼而殲諸河執政不可种氏姚氏皆爲山西巨室平仲父古方以熙河兵入援平仲慮功名獨歸种氏乃以士不得速戰爲言達於上李綱主其議令城下兵聽平仲節度帝遣使趣師道戰師道欲俟其弟秦鳳經畧使師中至奏言過春分乃可擊時相距纔八日帝以爲緩竟用平仲斫營以及於敗既敗李邦彥議割三鎮師道爭之不得李綱罷太學諸生都

人伏闕願見种李全師退乃罷爲中太一宮使既而師中戰死姚古敗朝廷震悚召師道還卒年六十七師中字端攝雁房州觀察使奉寧軍承宣使金人內侵詔提兵入援未至敵退乃以二萬人守滑遣副姚古爲河北制置使古援太原師中援中山河間時大臣立議矛盾黏罕至太原悉破諸縣詔師中由井陘道出師與古犄角時黏罕避暑雲中留兵分就畜牧覘者以爲將遁告諸朝知樞密院許翰信之數遣使督師中出戰且責以逗撓師中嘆曰吾結髮從軍今

宋

卷十

二十一

老矣恐受此爲罪乎抵蕪陽之石坑爲敵所襲師中關死師中老成持重爲時名將諸軍自是氣奪贈少師謚莊愍當師之趨榆次也制置司參謀黃友誨白師中地勢非利論不合仰天嘆曰事去矣迨曉敵兵果四集力不能支友亦死之友温州人登進士第積官直徽猷閣

宋列傳卷之十一

王安石

王安石字介甫臨川人父益都官員外郎安石少好讀書一過目終身不忘屬文動筆如飛見者皆服其精妙友生曾鞏揚以示歐陽修修為延以登進士上第會書淮南判官舊制秋滿許獻文求試館職安石獨否再調知郵縣起堤堰決陂塘為水陸之利貸穀與民出息以償俾新陳相易邑人便之通判舒州文彥博為相薦其恬退尋召試館職不就修薦為諫官

宋 卷十一

以祖母年高辭修以其須祿養言於朝用為群牧判官請知常州移提點江東刑獄入為度支判官時嘉祐五年也安石果於自用慨然有矯世變俗之志乃上萬言書後當國其所注措大抵皆祖此書俄直集賢院先是屢辭館閣之命士大夫謂其無意於世恨不識其面朝廷每欲畀以美官惟患其不就也明年同修起居注疏辭至八九乃受遂知制誥糾察在京刑獄自是不復辭官矣以母憂去終英宗世召不起安石本楚士未知名於中朝以韓呂二族為巨室欲

藉以取重乃深與韓絳絳弟維及呂公著交三人更稱揚之名始盛神宗在穎邸維為記室每講說見稱

輒曰此維之友安石之說也及為太子庶子又薦自代帝由是想見其人甫即位命知江寧府數月召為翰林學士兼侍講熙寧元年造朝帝問為治所先對曰擇術為先帝問施設何先安石曰變風俗立法度最方今所急於是設制置三司條例司命與樞密陳升之同領之乃令其黨呂惠卿任其事而農田水利青苗均輸保甲免役市易保馬方田諸役相繼並興

宋 卷十一

張為新法遠提舉官四十餘輩頒行天下由是賦歛愈重天下騷然御史中丞呂誨論其過失十事帝為出誨安石薦呂公著代之韓琦諫既至帝感悟欲從之安石求去司馬光答詔有士夫沸騰黎民騷動之語安石抗章自辨帝為異辭謝令呂惠卿諭旨韓絳又勸帝留之安石與光素厚光三詒書勸之安石不求去公著雖為所引亦以議不合出穎州御史劉述劉琦錢顛孫昌齡王子韶程顥張戢陳襄陳薦謝景

溫楊繪劉摯諫官范純仁李常孫覺胡宗愈皆不得其言相繼去李定以附新法鑿用為御史知制誥宋敏求李大臨蘇頌御史林旦薛昌朝范育並坐定羅逐翰林學士范鎮三既言青苗奪職致仕三年拜同中書門下平章事初蘇轍以阻青苗黜茲復欲罪其兄軾遂解館職明年開封民避保甲有截指斷腕者知府韓維言之帝用維維為中丞安石恨其言指為善附流俗因維請而止歐陽修乞致仕馮京請固留修乃聽之富弼以格青苗解使相安石謂罰輕不足

宋

卷十一

三

以阻姦至比之共繇文彥博言市易與下爭利致華嶽山崩安石聞其奏出彥博守魏靈臺郎尤瑛言天久陰星失度宜退安石即黜隸英州七年春天下久旱饑民流離帝對朝嗟嘆欲盡罷法度之不善者安石曰水旱常數堯湯所不免監安上門鄭俠獻派民圖曰旱山安石竄嶺南前後坐新法廢黜者不能悉數慈聖宣仁二太后流涕謂帝曰安石亂天下帝亦疑之遂罷為觀文殿大學士知江陵府自禮部侍郎超九轉為吏部尚書始呂惠卿遭喪去安石未知所

托得曾布信任之亞於惠卿及惠卿服闋安石朝夕派引至是白為叅知政事又乞召韓絳代已二人守其成模不少失時號絳為傳法沙門惠卿為護法善神而惠卿實欲自得政忘安石後來因鄭俠獄陷其弟安國又起李士寧獄傾安石絳覺其意密白帝請召之八年二月復拜相安石承命即倍道來三經義成加尚書左僕射子雱為龍圖閣直學士惠卿勸帝免雱辭由是嫌隙愈著惠卿為蔡承禧所擊居家俟命雱復風鄧綰論惠卿華亭為姦利置獄鞠之惠卿

宋

卷十一

四

出守陳十月雱出求言安石率同列疏言天道遠帝曰聞民間殊苦新法安石不悅退而屬疾卅帝慰勉起之華亭獄久不成雱以屬門下客呂嘉問練亨甫共議取鄧綰所列表雜他書下制獄安石不知也惠卿以狀聞且訟安石矯令罔上又發安石私書曰無使上知者帝以示安石安石謝無有歸問雱之雱憤恚疽發背死安石暴縮過遂與亨甫皆得罪其再相也屢謝病求去及雱死尤悲傷不堪請益力帝益厭之罷為鎮南軍節度使封舒國公改封荆哲宗立

加司空未幾卒年六十八初安石訓釋詩書周禮類  
之號曰新義晚居金陵又作字說黜春秋不列於學  
官至戲目爲斷爛朝報安石未貴時名震京師性不  
好華腴自奉至儉或衣垢不滌而垢不洗世多稱其  
賢而吳奎張方平李師中唐介鮮于侁蘇洵獨深惡  
之洵作辨姦論謂王衍盧杞合爲一人其主開邊晚  
河之議及割河東地界遼人還僖祖於祧廟定殺傷  
戒等律在廷咸不能奪理宗以安石謂天變不足畏  
人言不足恤祖宗不足法爲萬世罪人云

宋

卷十一

五

王安禮

王安禮字和甫安石弟也早登科從河東唐介辟熙  
寧中郎延路城囉兀宣撫使韓絳檄河東所發四萬  
民負餉者以佐役後帥呂公弼將從之安禮爭曰民  
兵不習武事不爲寇所乘則凍餓而死公弼遂遣歸  
而他路遇敵者全軍皆覆公弼執安禮手曰四萬之  
衆豈偶然哉果有陰德相與共之公弼薦於朝得召  
對欲驟用之安石當國辭以爲著作佐郎崇文院校  
書他日得見命之坐有司言八品官無賜坐者特命

之遷直集賢院出知潤州湖州召爲開封府判官嘗  
借尹奏事既退獨留訪以天下事帝甚鄉納直舍人  
院同修起居注蘇軾下御史獄勢危甚無敢收者安  
禮從容言之軾遂得輕比進知制誥華出求言安禮  
上疏帝嘉嘆諭之元豐四年拜中大夫尚書右丞轉  
左丞是時王師伐夏不得志李憲又欲再舉安禮言  
臣懼無以副聖志也後欲除憲節度使安禮又以爲  
不可徐禧計議邊事安禮曰億志大材踈必誤國後  
果然知太原府苦風痺卒年六十二

宋

卷十一

六

王安國

王安國字平甫安禮弟也數舉進士舉茂材異等以  
母喪不試廬於墓三年熙寧初以韓絳薦召試賜及  
第除西京國子教授官滿至京師上以安石故賜對  
言漢文之德化王猛之峻刑又問卿兄秉政外論謂  
何曰恨知人不明聚欽太急爾帝默然不悅由是別  
無恩命止授崇文院校書屢以新法力諫安石又質  
責曾布誤其兄深惡呂惠卿之姦先是安國在西京  
頗溺聲色安石貽書曰宜放鄭聲安國復書曰亦願

兄違倅人惠卿銜之及安石罷相惠卿遂因鄭俠事  
陷安國坐奪官卒年四十七

呂惠卿

呂惠卿字吉甫晉江人第進士為真州推官秩滿入  
都見王安石論經義意多合遂定交熙寧初安石為  
政惠卿方編校集賢書籍安石言於帝曰惠卿之賢  
豈特今人雖前世儒者未易比也及設制置三司條  
例司以為檢詳文字事無大小必謀之凡所建請章  
奏皆其筆帝曰惠卿進對明辨亦似美才司馬光曰

宋

卷十一

七

惠卿誠文學辨慧然用心不正江充李訓若無才何  
以能動人主安石薦惠卿為叅知政事弟升卿無學  
術引為侍講又用弟和卿計制五等丁產簿鄭俠既  
惠卿朋姦遷敵惠卿怒又惡馮京異已而安石弟安  
國惡惠卿姦誦面辱之於是乘勢併陷三人皆獲罪  
安石以安國之故始有隙惠卿既叛安石凡可以害  
王氏者無不為韓絳為相不能制請復用安石安石  
至猶共事御史蔡承禧等論之出知陳州哲宗即位  
右司諫蘇轍條奏其姦中丞劉摯數其五罪以為大

惡責建寧軍節度使建州安置蘇軾當制條載其罪  
崇寧五年起為觀文殿學士復為醴泉觀使致仕卒  
初安石退處金陵往往寫福建子三字蓋深悔為惠  
卿所誤也雖章惇曾布蔡京當國咸畏惡其人以是  
轉徙外服訖於死云

王吉甫

王吉甫字邦憲同州人舉明經試斷刑入等為大理  
評事累遷刑部員外郎南郊起慢城役卒急於畢事  
董役者責之曰此殆顛白露屋耳卒訴之吏當非所

宋

卷十一

八

宜言論死吉甫求對神宗怒曰得非為白露屋事來  
耶吉甫從容敷陳帝為霽怒其人得釋蘇軾南遷所  
過郡守有延館之者走馬使上聞詔鞠之吉甫議當  
笞宰相章惇不悅吉甫曰法如是其持論寬平類此  
知同邢漢三州以中大夫卒年七十

沈括

沈括字存中錢塘人以父任為沐陽主簿登進士第  
編校昭文書籍為館閣校勘南郊新式實依括所上  
書省萬計神宗稱善遷太子中允提舉司天監日官

皆市井庸販法象圖器漫不知括始置渾儀景表五  
壺浮漏招術朴造新曆募天下上太史占書雜用土  
人分方技科爲五後皆施用同修起居注時大籍民  
車人未論縣官意相延爲憂又市易司患蜀楨不禁  
欲盡實私井而籍解池楨給之言者論二事如織者  
不省括付帝側顧曰卿知籍車乎括曰古人所謂兵  
車者輜車也今民間輜車重六日不能三十里世謂  
之太平車但可施於無事之日爾帝曰人言無及此  
者遂問蜀楨事對曰臣恐得不足償費帝領之明日

宋 卷十一

九

二事俱寢遼蕭禧來理河東黃鬼地曰必得請而後  
反帝遣括往聘括詣樞密院閱故牘得近歲議疆地  
書指古長城爲境今所爭蓋三十里表論之拜翰林  
學士權三司使丞相吳克問免役何如括曰徵戶本  
無力役而使出錢則爲可念若悉弛之則善矣克表  
行之蔡確論括首鼠刺陰害司農法知宣州改惡  
州以副种諤西討拔銀脊功加龍圖閣學士徐億城  
求樂敗沒括以先赦級德不能援求樂坐請均州團  
練副使元祐初卒年六十五

李大臨

李大臨字才元成都人登進士第歷秘閣校理仁宗  
嘗遣使賜館閣官御書至大臨家人臨貧無阜隸方  
自秣馬使者還奏帝曰真廉士也神宗擢至知制誥  
言青苗法有害無益忤王安石會李定除御史宋敏  
求蘇頌大臨相繼封還詞頭出知汝州辰溪貢丹砂  
道葉縣其二篋化爲雙雉關山谷耕者獲之人疑爲  
盜械送於府大臨識其異訊得實釋耕者徙知梓州  
年七十致仕并敏求頌稱爲熙寧三舍人云

宋

卷十一

十

程師孟

程師孟字公闢吳人進士甲科歷度支判官知洪州  
入判三司都磨勘司接伴契丹使蕭惟輔曰白溝之  
地當兩屬不宜以北人漁界河爲罪師孟曰兩朝當  
守誓約君舍文書騰口說遽欲生事耶惟輔愧謝判  
都水監賀契丹生辰至涿州契丹命席迎者至南向  
涿州官西向宋使介東向師孟曰是卑我也不就列  
師孟辭氣益厲叱偵者易之於是更與迎者東西向  
知越州青州致仕卒年七十八

張問

張問字昌言襄陽人登進士第歷通判大名府辭改地任魏歲久冒入於民有司按舊籍括之至毀室廬發丘墓問至則曰是豈朝廷意耶具上以聞仁宗喜立罷之熙寧末知滄州歲饑為神宗言民苟免常平助役之苦反以得流亡為幸語切直驚人元祐初為秘書監給事中累官正議大夫卒年七十向處已廉累嘗仕鄜州幕府與种世衡善父喪世衡遺汝州田十頃辭弗受使歸未至而世衡卒其子古用父治命

宋

卷二

十一

亦不納田蕪穢者三十年後汝守請以給學朝廷命反諸种氏共知滄州也王安禮方薦引帝以其好異論不用

苗時中

苗時中字子居宿州人以蔭主寧陵簿邑有古河久隄請開導以溉田人謂之苗公河歷梓州轉運副使韓存寶討蠻乞弟逗留不行時中以為非計存寶不聽卒坐誅林廣代存寶乞弟既降復逸時中曰天子以十萬衆相付豈以一死為勇耶廣梧亟止追者會

得詔班師至戶部侍郎

楚建中

楚建中字正叔洛陽人第進士歷主管郎延經畧機宜文字夏人來正土疆往蒞其事衆暴至兩騎傳矢引滿向之建中披腹使射曰吾不憚死騎即去衆服其量元昊歸款建中白府築安定黑水八堡以抗東道神宗用其西鄙以建中嘗為邊臣所薦召欲用之言不合出知滄州元祐初文彥博薦為戶部侍郎不拜卒年八十一

宋

卷二

十二

滕元發

滕元發初名甫字元發後改字達道東陽人九歲能賦詩舉進士廷試第三歷鹽鐵戶部判官神宗立召問治亂之道對曰治亂之道如黑白東西所以變色易位者朋黨汨之也帝曰卿知君子小人之黨乎曰君子無黨王陶論宰相韓琦不押班為跋扈帝以問元發對曰宰相固有罪然以為跋扈則欺天誣人矣拜御史中丞京師郡國地震元發疏陳致災之由大臣不悅出知秦州帝留不遣河北地大震命元發為

安撫使民賴以安以翰林侍讀學士出知鄆州徙定  
州初入郡言新法之害知湖州哲宗立徙蘇揚一州  
復知揚州未至卒年七十一

李師中

李師中字誠之楚丘人年十五上封事言時政又詣  
宰相辯父緯降職無罪由是知名第進士郎延龐籍  
辟知洛川縣籍為樞密薦其才召對轉太子中允既  
又提點廣西刑獄儂智高子宗旦保火峒衆無所屬  
前將規討以幸賞遂回守師中檄諭禍福降之西人

宋

卷十一

十三

入寇命知秦州神宗賜以班超傳師中亦以持重抱  
大體自處常以取勝王韶築渭涇上下兩城屯兵以  
脅武勝軍撫納洮河諸部下師中議言非便詔師中  
罷帥事部又請置市易募人耕綠邊曠土師中奏阻  
其謀王安石方主部坐以罪削職知舒州徙洪登齊  
復待制知瀛州師中言時政得失又自稱薦曰天生  
微臣蓋為聖世有臣如此陛下其舍諸呂惠卿歇其  
語以為罔上貶和州團練副使安置還右司郎中卒  
年六十六師中始仕州縣邸狀報包拯叅知政事或

云朝廷自此多事師中曰包公何能為今王安石者  
眼多白甚似王敦他日亂天下必斯人也杜衍范仲  
淹富弼皆薦其有王佐才然好為大言以故屢黜而  
氣不少衰云

陸詵

陸詵字介夫餘杭人進士起家歷集賢校理通判秦  
州范祥城古渭詵主餽餉具言勞師生事既而諸羌  
果怒爭塞下大擾經二歲乃定累進集賢殿修撰知  
桂州自儂緝定後交人浸弱詵閱簡工丁補置將吏

宋

卷十一

十四

軍聲益張遂乃效順召為天章閣待制知諫院道除  
知延州諒祥寇慶州以敗還聲言益發人騎且出設  
辭復攻圍大順城詵謂由積習致然不稍加折簡則  
國威不立乃留止請時服使者及歲賜而移宥州問  
故帝喜曰固知詵能辦此諒祥聞之大沮銀州監軍  
嵬名山與其國隙扣青澗城主種諤求內附諤以狀  
聞遂欲因取河南地詵戒諤無妄動詔諤與轉運使  
薛向議撫納乃共畫三策令幕府張穆之入奏而穆  
之陰受向指詵言必可成既諤抵罪向穆之皆坐貶



以詭知真定知成都青苗法出詭言蜀峽刀耕火種  
民常不足脫歲儉不能償逋適陷之死地願罷四路  
使者詔獨置成都府一路年五十九卒子師閔

趙尚

趙尚字公才邛州人第進士累遷直龍圖閣知延州  
夏人屢欲款塞每以虛聲搖邊詔問方畧尚審計形  
勢為破敵之策以獻元祐初榮乙埋數擾邊尚俘斬  
其衆遂入貢乙埋終不悛使問以善意問乙埋何苦  
與漢為仇能改之吾善遇汝遣之戰袍錦絲自是乙

宋

卷十一

十五

且不殺賊寇乃縱開國中疑而殺之拜端明殿學士  
朝與許還護蘆米脂浮屠安疆四砦以高頌分畫之  
編夏既得四砦猶未有恭順意未幾復犯涇原會  
卒年六十五紹聖四年以尚與元祐棄地議入黨

游師雄

游師雄字景叔武功人學於張載第進士元祐初為  
宗正寺主簿執政將棄四砦訪於師雄對曰此先帝  
所立以控制夏人者也若何棄之不聽吐蕃寇邊其  
酋鬼章青宜結乘間脅屬鬼構夏人為亂謀分據

河乃釋師雄與邊臣措置既至謀知夏人聚兵天都

山前鋒也通遠境吐蕃黨攻河州師雄欲先發以制  
之請於帥劉舜卿遂分兵為二姚兕將而左種誼將  
而右兕破六通宗城又攻講朱城斷黃河飛梁青蕩  
十萬衆不得度詎破洮州擒鬼章捷聞百僚表賀遣  
使告永裕陵言者以為邀功生事止遷一官歷集賢  
校理為陝西轉運使召詰問者宗勞之曰洮州之役  
可謂雋功但恨賞太薄耳拜衛尉少卿帝數訪邊防  
利病師雄具禦敵之要凡六十事名曰紹聖安邊策

宋

卷十二

十六

上之歷知邠州河中府秦州陝州進直龍圖閣自復  
洮州之後諸國悉入貢卒年六十

穆衍

穆衍字昌叔河中人第進士調華池令後知淳化衍  
從韓絳宜撫陝西遇慶卒潰亂衍念母在耀亟請歸  
比至慶卒嘗成華池知行名不敢近衍考課為一路  
最元祐初大臣議棄然蘭衍與孫路論疆事以為蘭  
棄則然危然棄則關中震唐自失河湟西邊一有不  
順則普及京鄴今二百餘年非先帝英武孰能克復

若一旦委之悔將無及議遂止熙河分畫未決詔衍  
視之還請界二壘之間城李誥以控要害明年遂城  
李誥名曰定遠累遷直龍圖閣知慶州徙延安又徙  
秦州未行卒年六十三後追錄不棄蘭州議官一子

李光庭

李光庭字公揆偃師人父景第進士歷知壽州歲荒  
發原勸富者出穀活數萬人城西居民三千戶建請  
築外郭環之遷光祿卿熙寧初河北水災地震景病  
革自占遺表願省躬弭咎無一語求恩光庭用陰入

朱

卷十一

十七

官復登第調萬年主簿數攝邑人稱明鏡歷四縣令  
皆有惠政神宗以薦召見問再舉安南之師對曰願  
陛下勿以人類畜之何益於廣土闢地也又問今中  
外有所聞乎對曰臣下奉行新法或非聖意帝以爲  
踈闊簽書河陽判官哲宗立司馬光薦爲左正言首  
乞罷青苗等法論蔡確章惇又論蘇軾館職發策仁  
宗神考以諭刻立論傳堯俞王巖叟相繼論列宣仁  
后曰詳覽文意非諷祖宗也遂止歷知亳州數月召  
還復爲給事中會封還劉摯免相制帝先入中丞鄭

雍朋黨言落職守毫歲餘徙潞州卒年五十八光庭  
從孫復治經又學於胡瑗瑗告以爲學之本在忠信  
服之終身二程亦及門或曰光庭論軾以願故也

余良肱

余良肱字康臣分寧人第進士調荆南司理參軍屬  
縣捕得殺人者既誣服良肱驗屍與刀疑之曰豈有  
刃盈尺而傷不及寸乎未幾更獲真殺人者爲三司  
使判官却肉自腐幣知宣州治爲江東最請老子祠  
卒年八十一七十下葬最知名卞字洪範爽字荀龍

朱

卷十一

十八

皆以任子恩試校書郎卞歷知沅州五溪蠻叛斷梁  
陽下適使湖北帥唐義問卽授卞節制諸將陰選死  
士三千人夜銜枚繞出賊背伐山開道漏未盡入渠  
陽黎明整衆出賊大駭與戰大破之鼓行度險賊七  
遇七敗斬首數千級衆遂降尋有詔廢渠陽軍爲砦  
盡拔居人護出之紹聖初治棄渠陽罪免歸爽應元  
豐詔上便宜言過割切元祐末復極言請太后還政  
章惇憾不附已以謗訕竄之崇寧中與卞俱入黨籍

宋列傳卷之十二

司馬光

司馬光字君實陝州夏縣人父池終天章閣待制以文學行義事真宗仁宗稱一世名臣光生七歲凜然如成人群兒戲於庭一兒登甕沒水中光持石破甕兒得活聞講左氏春秋大愛之退為家人講即了其大義年十五書無所不通寶元初登進士甲科年甫冠性不喜華靡聞喜宴獨不戴花同列曰君賜也乃簪其一麗籍為鄆州徙并州皆辟光通判州事躋

宋

卷十二

十一

沒升堂拜其妻如母撫其子如昆弟時人兩賢之隆太常博士遷開封府推官賜五品服交趾貢異獸謂之麟光言其偽不可知使其真非自然而至不足為瑞遷起居舍人同知諫院蘇軾直言策入第四等而考官以為不當收公言軾於同科四人中言最切真有愛君憂國之心不可不收初至和三年仁宗始不豫國嗣未立人不敢言諫官范鎮首發其議光時為并州通判聞而繼之疏三上再遣書勸鎮以死爭之至是復奏乞檢會臣昔所上三狀決意速行疏再上

帝感悟於是遂立英宗為皇子知諫院以三劄子上

知嘉祐八年貢舉仁宗崩英宗以哀毀致疾慈聖光獻太后同聽政光首上疏又上疏英宗言漢宣帝為昭帝後終不追尊衛太子史皇孫光武起布衣得天下自以為元帝後亦不追尊其父祖時光所得仁宗遺賜珠金直百餘萬率同列三上章言國有大憂中外窘乏不可專用乾典故事若遺賜不可辭則宜許侍從以上進金錢佐山陵費不許光乃以所得珠為諫院公使金錢以遺其舅氏義不藏於家任守忠反

宋

卷十二

二

履交構兩宮以光言遠竄天下快之時詔兩制集議漢王典禮光議上與大臣意殊御史呂誨傳堯俞范純仁呂大防趙鼎瞻等皆爭之相繼降黜治平四年知貢舉神宗即位首擢為翰林學士光力辭不許已而代王陶為御史中丞張方平叅知政事光論其不協物望帝不從復以光為翰林學士英宗山陵光為儀仗使賜金五十兩銀合三百兩三上章辭從之邊吏上言西戎步將嵬名山以橫山之象取諱祚以降詔邊臣招納其衆光上疏極論以為陛下獨不見侯

景之事乎上不聽遣將种諤發兵迎之取綏州曹六  
十萬兩西方用兵蓋自此始矣兼翰林侍讀學士上  
問光可為諫官者光薦呂誨王安石行新法光上疏  
逆諫其利害迺英進讀至蕭何曹參事光曰不愛何  
法得守成之道後數日呂惠卿進講因言變法光面  
折惠卿惠卿不能對韓琦上疏論青苗之害上感悟  
欲罷其法安石稱疾求去會拜光樞密副使光上章  
力辭至六七日安石起視事青苗法卒不罷光亦卒  
不受命則以書喻安石曰必有賣公自售者意謂呂

惠卿光對寡客輒指言之曰覆王氏者必惠卿也光  
求補外上猶欲用光光不可以端明殿學士出知永  
興軍朝辭進對猶乞免本路青苗助役詔移知許州  
不赴熙寧七年上以天下旱蝗詔求直言光請詔泣  
下欲默不忍乃復陳六事一青苗二免役三市易四  
邊事五保甲六市利此尤病民也宜先罷凡居洛十  
五年天下以為真宰相田夫野老皆號為司馬相公  
婦人孺子亦知其為君實也神宗崩光赴闕臨衛士  
見光入皆以手加額曰此司馬相公也民遮道呼曰

公無歸洛留相天子活百姓所在數千人聚觀之光  
辭謝遂徑歸洛太皇太后聞之遣使勞光問所當先  
者詔除光知陳州且過闕入見至則拜門下侍郎時  
議者猶謂三年無改於父道光慨然爭之曰先帝之  
法其善者雖百世不可變也若安石惠卿等所建為  
天下害非先帝本意者改之當如救焚拯溺猶恐不  
及况太皇太后以母改子非子改父衆議乃定或謂  
光熙豐舊臣多檢巧他日有以父子義間上則禍作  
矣光正色曰天若祥宋必無此事元祐元年正月光

始得疾詔光與尚書左丞呂公著朝會與執政異班  
再拜而已不舞蹈光疾益甚嘆曰四患未除吾死不  
瞑目矣乃力疾上疏論免役五害乞直降敕罷之率  
用熙寧以前法有所未便州縣監司節級以聞為一  
路一州一縣法詔即日行之又論西戎大畧以和戎  
為便用兵為非又以文學德行吏事武畧等為十科  
求天下遺才命文臣升朝以上歲舉經明行修一人  
以為進士高選皆從之拜左僕射疾稍間將起視事  
詔免朝觀許以肩輿三日一入都堂或門下尚書省

光不敢當曰不見君不可以視事詔光肩輿至內東門子康扶入對小殿且曰母拜光惶恐入對延和殿再拜遂罷青苗錢專行常平糶糴法以歲上中下熟為三等時二聖恭儉慈孝視民如傷虛已以聽光光知無不為以身任天下之責數月復病以九月丙辰朔薨於西府享年六十八太皇太后聞之慟上亦感涕不已贈太師溫國公謚文正光忠信孝友恭儉正直出於天性陝洛間皆化其德有不善曰君實得無知之乎博學無所不通晚節尤好禮為冠婚喪祭法

宋 卷十一 五

適古今之宜不喜釋老不事生產買第洛中僅庇風雨有田三頃喪其夫人質田以葬病革諄諄如夢中語然皆朝廷天下大事也既沒其家得遺奏八紙上之皆手札論當時要務娶張氏禮部尚書存之女子三人童唐皆早亡康為秘書省校書郎孫二人植栢替承奉郎紹聖初周秩論其誣謗先帝章惇蔡卞請發冢斲棺詔奪贈謚卞所立碑悖言不已連追貶崖州司戶叅軍蔡京擅改撰姦黨碑令郡國皆刻石長安石工安民辭曰司馬相公者海內稱其正直今謂

姦邪不忍刻也府官欲加罪泣曰乞免鑄安民二字於石

呂公著

呂公著字晦叔父夷簡恩補奉禮郎登進士第召試館職不就通判潁州郡守歐陽修與為講學之友判吏部南曹仁宗薨其柩退英宗親政加龍圖閣直學士呂誨等坐論濮王去公著爭之不聽遂乞補外知蔡州神宗立召為翰林學士知通進銀臺司司馬光以論事罷中丞還經幄公著封還其命詔以告直付

宋 卷十一 六

閣門公著又言制命不由門下則封駁之職因臣而廢矣願理臣之罪以正紀綱為御史中丞時王安石方行青苗法公著極言其失人心帝使呂惠卿為御史公著曰惠卿姦邪不可用由是安石滋怒誣以罪出知潁州元豐元年為端明殿學士知審官院帝從容與論治道遂及釋老公著曰堯舜知此道乎帝曰堯舜豈不知公著曰堯舜雖知此而惟以知人安民為難所以為堯舜也哲宗立以侍讀還朝太皇太后遣使迎問所欲言元祐元年拜尚書右僕射兼

侍郎與司馬光同心輔政光卒公著獨當國科舉裁  
主司不得以老莊書命題舉子不得以申韓佛書為  
學經義悉用古今諸儒說毋得專取王氏後賢良方  
正科三年拜司空同平章軍國事宋興宰相以三公  
平章重事者四人而公著父子居其二卒年七十二  
贈中國公謚正獻公著自少講學即以治心養性為  
本平居無疾言遜色辟利紛華泊然無所好始與王  
安石善安石兄事之安石嘗曰晦叔為相吾輩可以  
言仕矣後以新法異同故其交不終子希哲希純希

宋

卷十一

七

哲字原明少從焦千之孫復石介胡瑗學以蔭入官  
父友王安石勸其勿事科舉遂絕意進取安石欲用  
為講官希哲辭曰辱公相知久倘從仕將不免異同  
安石乃止終父喪始為兵部員外郎范祖禹言於哲  
宗曰希哲經術操行宜備勸講其父常稱為不欺臣  
以婦兄不敢稱薦今方將引去竊謂無嫌擢崇政殿  
說書會紹聖黨論起以秘閣校理知懷州徽宗初召  
用希哲力請外以直秘閣知曹州旋遭崇寧黨禍奪  
職卒子好問希純字子進登第歷宗正太常秘書丞

宣仁太后崩希純慮姦人乘間進說搆主聽即上疏  
未幾拜中書舍人同修國史內侍梁從政劉惟簡除  
內省押班希純以親政之始首錄二人無以示天下  
持不行由是闈寺側目章惇既相出為寶文閣待制  
知亳州諫官張商英攻之力又以外親嫌連徙睦州  
歸州公著追貶希純亦連責徽宗聞其名數稱之曾  
布忌希純因其請覲未及見亟以遺遞趣遣之俄改  
潁州入崇寧黨籍年六十卒

范鎮

宋

卷十一

八

范鎮字景仁華陽人舉進士禮部第一故事殿廷唱  
第過三人則首禮部選者必越次抗聲自陳率得實  
上刻吳育歐陽修號稱耿介亦從衆鎮獨不然自是  
舊風遂革謂新安主簿歷起居舍人知諫院仁宗天  
性寬仁言者競為激訐鎮務引大體畧細故陳執中  
為相鎮論其無學術非宰相器帝在位三十五年未  
有繼嗣嘉祐初暴得疾中外寒心其政先言者鎮獨  
奮曰天下事尚有大於此者乎即拜疏章累上不報  
又疏言大臣畏避之意見上而陳者凡三言益懇切

鎮泣帝亦泣曰朕知卿忠卿言是也章十九上待命  
百餘日鬚髮爲白朝廷知不能奪乃改他職遂知制  
誥然鎮每歲猶申前議因裕享獻賦以諷未幾韓琦  
遂定策立英宗遷翰林學士時議追尊濮王典禮鎮  
判太常議觸執政明年出知陳州神宗卽位復爲翰  
林學士兼侍讀知通進銀臺司舉蘇軾諫官御史謝  
景溫奏罷之舉孔文仲制科以論新法罷歸故官鎮  
皆力爭不報卽上疏曰臣言不行無顏復立於朝請  
謝事臣言青苗不見聽一宜去薦蘇軾孔文仲不見  
用二宜去李定避待服遂不認母壞人倫逆天理而  
欲以爲御史御史臺爲之罷陳薦舍人院爲之罷宋  
敏求呂大臨蘇頌諫院爲之罷胡宗愈王韶上書肆  
意欺罔以興造邊事事敗則置不問反爲之罪帥臣  
李師中及御史一言蘇軾則下七路摘其過孔文  
仲則遣之歸任以此二人况彼二人事理孰是孰非  
孰得孰失其能逃聖鑒乎其後指安石用喜怒爲賞  
罰詭入安石大怒自草制極詆之以戶部侍郎致仕  
哲宗立韓維言鎮在仁宗時首啓建儲具上其疏拜

端明殿學士提舉中太一官兼侍讀且欲以爲門下  
侍郎鎮不欲起從孫祖禹亦勸止之遂固辭致仕累  
封蜀郡公鎮於樂尤注意自謂得古法神宗時詔鎮  
與劉几定大樂而几不用鎮法至是樂成賜詔嘉獎  
楊傑復非之竟不用鎮時年八十一卒謚忠文鎮與  
司馬光相善議論如出一口獨大樂之議往復論難  
數萬言少時賦長嘯却胡騎曉使遼其人曰此長嘯  
公也鎮兄錯之子百祿字子功第進士又舉才識兼  
茂料熙寧中鄧綰舉爲御史辭不就召知諫院坐治  
李士寧獄忤王安石貶監宿州酒累遷中書舍人元  
祐初爲吏部侍郎都水王孝先議回河故道呂大防  
意向之命百祿行視百祿以東流高仰而河勢順下  
不可回卽馳奏所以然之狀乃止俄兼侍讀進翰林  
學士爲帝言分別邪正之目拜中書侍郎右僕射罷  
爲資政殿學士知河中徙河陽河南卒年六十五子  
祖述歷主管西京御史臺靖康多難避地至汝州汝  
守趙子樞邀與共守旁郡盡陷汝獨全累官朝議大  
夫卒從弟祖禹字淳甫一字夢得其生也毋夢異人

入寢室曰漢將軍鄧禹因名焉進士甲科從司馬光編修資治通鑑在洛十五年不事進取書成光薦為祕書省正字拜右諫議大夫首上疏論正心修身之要蔡確既得罪祖禹言自乾興以來不復逐大臣蔡京鎮蜀祖禹言京小有才非端良之士為吏部侍郎聞禁中覓乳媪祖禹以帝年十四非近女色之時上疏勸進德愛身又乞宣仁后保護上躬言甚切至太后崩祖禹慮小人乘間害政乃上疏謂先后有大功於宗社然群小怨恨亦不為少必將以改先帝之政

宋

卷十一

十一

逐先帝之臣為言者不可不察也初蘇軾約俱上章論列草已具及見祖禹疏遂附名同奏曰經世之文也因請對言庶寧諸人不可復用用之則國家自此陵遲時紹述之論已興有相章惇意祖禹力言惇不可用不從遂請外連敗徙賓化卒年五十八祖禹平居恂恂口不言人遇至遇事別白是非在通英獻納尤多蘇軾稱為講官第一子冲在儒林傳

呂大防

呂大防字微仲其先汲郡人祖通太常博士父寶比

部郎中通葬藍田遂家焉大防進士及第調馮翊簿丞壽令縣無井達汲於澗疏泉為渠民賴之號呂公泉歷官權監鐵判官英宗立自太常博士與范純仁並命為監察御史秉行疏言紀綱賞罰未服四方之望者五京師大小陳八事章累上出知休寧縣神宗立歷知制誥知秦州元豐初徙永興彗星求言陳三說九宜哲宗立為翰林學士元祐元年拜尚書右丞超拜尚書左僕射兼門下侍郎哲宗年益壯大防以勸學為急振乾興以來四十一事足為勸戒者分上

宋

卷十一

十一

下篇標曰仁宗聖學大防朴懇悉直不植朋黨與范純仁並位同心戮力以相王室凡八年始終如一懇乞避位宣仁后崩為山陵使復命知潁昌府尋改未興軍使便其鄉社紹述說行連敗安置循州至虔州信豐而病語其子景山曰吾不復南矣吾死汝歸且氏尚有遺種遂卒年七十一大防自少持重與大忠及第大臨同居相切磋論道考禮冠昏喪祭一本於古關中言禮學者推呂氏常為鄉約薄俗為敦焉大忠字進伯第進士僉書定國軍判官庶寧中王安石



議遣使立綠邊封溝大忠與范育被命俱辭行大忠  
陳五不可令與劉忱使契丹議代北地知石州契丹  
復使蕭禧來求代北地神宗召執政與大忠忱議知  
不可奪議卒不決罷其後竟以分水嶺爲界焉元豐  
中爲河北轉運判官上生財養民十二事元祐初歷  
知秦州馬洎以進士舉首入幕府自稱狀元大忠曰  
狀元云者及第未除官之稱旣爲判官則不可又教  
以臨政治民之要洎自以爲得師謝良佐教授州學  
大忠每過之聽講論語必正襟欽容曰聖人言行在  
焉吾不敢不肅紹聖二年知渭州付以秦渭之事大  
忠奏對欲以計徐取橫山不求近功章惇曾布主之  
議不合旋降待制致仕卒大臨字與叔學於程頤通  
六經尤邃於禮富弼致政於家爲佛氏之學大臨與  
之書此山谷避世之士獨善其身者之所好豈世之  
所以望於公者哉弼謝之元祐中爲大學博士遷秘  
書省正字范祖禹薦其好學修身如古人可備勸學  
未及用而卒

呂大鈞

呂大鈞字和叔父黃六子五登科大鈞第三子也中  
乙科調秦州右司理參軍會伐西夏鄜延轉運司檄  
爲從事旣出塞轉運使李稷餽餉不繼欲還安定取  
糧使大鈞請於種諤諤曰吾受命將兵安知糧道萬  
一不繼召稷來與一劔耳大鈞性剛直卽曰朝廷出  
師去塞未遠遂斬轉運使無君父乎諤乃許稷還時  
微大鈞盛氣請諤稷且不免未幾卒年五十二大鈞  
從張載學喜講明井田兵制載每嘆其勇爲不可及

蘇洵

蘇洵字明允眉山人年二十七始發憤爲學舉進士  
及茂才異等皆不中悉焚常所爲文閉戶益讀書下  
筆頃刻數千言至和嘉祐間與二子軾轍來京師翰  
林學士歐陽修上其所著文二十二篇宰相韓琦奏  
於朝召試舍人院辭疾不至以爲霸州文安縣主簿  
與陳州項城令姚闢同修禮書書成方奏未報卒年  
五十八賜其家縑銀二百軾辭求贈官贈光祿寺丞  
軾字子瞻幼穎悟有識比冠博通經史好賈誼陸贄  
莊子書嘉祐二年試禮部歐陽修策第二以春秋對

義居第一殿試中乙科後以書見修修語梅聖俞曰  
吾嘗避此人出一頭地五年調福昌主簿復對制策  
入三等自宋以來制策入三等惟吳育與軾耳除太  
理評事命書鳳翔府判官治平二年入判登聞鼓院  
英宗自蒲邸聞其名欲以唐故事召入翰林知制誥  
宰相韓琦曰軾遠大器也他日自當爲天下用要在  
朝廷培養之今驟用之適足以累之也且請召試及  
試二論復入三等得直史館軾聞琦語曰公可謂愛  
人以德矣旣而安石欲變科舉興學校詔兩制三館  
宋 卷十一 十五  
議軾曰得入之道在於知人知人之法在於責實使  
君相有知人之明朝廷有責實之政則胥史皂隸未  
嘗無人而況於學校貢舉乎雖因今之法臣以爲有  
餘議上神宗卽日召對軾曰陛下天縱文武不患不  
勵不患不勤不患不忠但患求治太急聽言太廣進  
人太銳願鎮以安靜待物之來然後應之帝悚然曰  
朕當熟思之安石不悅命權開封府推官將困之以  
事軾決斷精敏聲聞益遠時安石創新法軾上書論  
之安石怒使御史謝景溫論奏其過窮治無所得軾

遂請外通判杭州徙知密州又徙徐州河決曹村泛  
溢匯城下漲不時洩城將敗軾詣武衛營呼卒長爲  
盡力徙知湖州御史李定舒亶何正言摺謝表語并  
媒孽託諷詩以爲訕謗逮赴臺獄獄寘之死帝獨憐  
之以黃州團練副使安置軾築室於東坡自號東坡  
居士移汝州軾未至汝上書自言饑寒有田在常願  
居之朝奏夕報可道過金陵見王安石曰大兵大獄  
漢唐滅亡之兆今西方連年用兵東南數起大獄公  
獨無一言以救乎安石曰二事皆患卿啓之安石在  
宋 卷十一 十六  
外安敢言安石又曰人須知行一不義殺一不辜得  
天下弗爲乃可軾戲曰今之君子爭滅半年磨勘雖  
殺人亦爲之哲宗立連擢起居舍人元祐元年遷中  
書舍人朝廷以范純仁言復散青苗錢司馬光請申  
嚴抑配之禁軾繳奏光是軾議請對遂止軾又言於  
光不宜驟罷免役法行差役法尋除翰林學士軾嘗  
宿禁中召對便殿命坐賜茶撤御前金蓮燭送歸院  
四年軾度不爲當軸者所容遂請外拜龍圖閣學士  
知杭州未行諫官論前相蔡確罪大臣議遷之嶺南

軾密疏朝廷不宜深罪為仁政累宣仁后心善其言  
而不能既至杭大旱饑疫並作軾請減本路上供  
米又減價糶常平米多作餽粥藥劑活者甚衆杭本  
近海地泉鹹苦居民稀少唐刺史李泌始引西湖水  
作六井白居易又浚西湖水入漕河溉田千頃民以  
殷富湖水多葑宋廢不治葑積為田漕河失利六井  
亦幾廢軾見茅山一河專受江湖鹽橋一河專受湖  
水遂浚二河以通漕復造堰牒以為蓄洩之限以餘  
力復完六井又取葑田積湖中南北徑三十里為長  
堤以通行者堤成植芙蓉楊柳其上望之如畫圖杭  
人名為蘇公堤軾再蒞杭有德於民家有畫像飲食  
必祝作生祠云六年召為吏部尚書未至以弟轍除  
右丞改翰林承旨數月復以議請外乃以龍圖閣學  
士知穎州七年徙揚州未閱歲召為兵部尚書兼侍  
讀遷禮部尚書兼端明殿翰林侍讀兩學士宣仁后  
崩哲宗親政軾乞補外以兩學士知定州定州軍政  
壞弛會春大閱軾命舉舊典帥常服出帳中將吏戎  
服執事無敢慢者定人言自韓琦後不見此禮至今

宋

卷十一

十七

宋

卷十一

十八

六初宣仁時侍御史賈易監察御史董敦逸黃慶  
先後論軾及弟轍所作文詞譏斥先朝三人者皆坐  
黜及紹聖初御史後以為言論軾知英州未至貶寧  
遠軍節度副使惠州安置居三年又貶瓊州別駕居  
昌化昌化故儋耳也非人所居藥餌皆無有初儋官  
屋有司猶謂不可遂買地築室僮人運甍畚土助之  
獨與幼子過處著書為樂徽宗立連徙永州更三大  
赦還提舉王局親復朝奉郎軾自元祐以來未嘗以  
歲課乞遷故官止於此未幾卒於常州年六十六軾  
與轍為文章俱師其父冠冠父子兄弟至京師一日  
而聲名赫然動於四方軾嘗自謂作文如行雲流水  
初無定質但常行於所當行止於所不可不止雖嬉  
笑怒罵之辭皆可書而誦之一時文人如黃庭堅晁  
補之秦觀張耒陳師道舉世未之識軾待之如朋儕  
未嘗以師負自予也高宗以其文真左右讀之忘倦  
謚文忠三子邁迨過俱善文邁駕部員外郎迨承務  
郎邁字叔黨軾知杭州過年十九以詩賦解兩浙路  
及軾為兵部尚書任右承務郎過性至孝軾帥定武

謫英州惠州遷儋耳漸徙廉末獨過侍軾卒於常州  
過葬之汝州邾城小峨眉山遂家邾昌營湖陰水竹  
數畝名曰小斜川自號斜川居士卒年五十初監太  
原府稅次知郟城縣晚權通判中山府有斜川集時  
稱爲小坡轍字子由年十九與兄軾同登進士科又  
向策制舉仁宗春秋高轍慮倦勤因極言得失而於  
禁廷之事尤切考官胡宿以爲不遜請黜之仁宗曰  
以直言召人而以直言棄之天下其謂我何授商州  
軍事推官徙大名神宗立二年轍適除喪上書言事  
宋 卷二十一 十九  
得召對時王安石與陳升之領三司條例命轍爲之  
屬呂惠卿附安石轍輿論多相牾安石出青苗書使  
轍熟議轍議行常平舊法又以書抵安石力陳不可  
觸其怒徙他職後坐兄軾以詩得罪謫監筠州鹽酒  
稅五年不得調移知績溪縣哲宗卽位召入元祐元  
年爲右司諫蔡確韓縝章惇轍皆論去之而呂惠卿  
亦被論從寬典司馬光欲復差役轍言行之徐緩乃  
得審詳光又欲改安石新義試士格轍言進士來年  
秋試日月無幾徐議元祐五年以後格式未晚光皆

不能從初神宗以夏國內亂用兵攻討乃於熙河增  
蘭州於延安增安疆米脂等五砦二年夏人遣使相  
繼來朝廷知其有請蘭州五砦意大臣議棄守未決  
轍言一失此機必爲後悔於是朝廷許之夏人遂服  
遷起居郎中書舍人朝廷議回河故道轍爲公著言  
河決而北自先帝不能回代軾爲翰林學士尋權吏  
部尚書使契川還爲御史中丞時元豐舊黨多起邪  
說以搖撼在位呂大防劾摯患之欲稍引用以平嵐  
怨謂之調停宣仁后疑不決轍面斥其非復上疏論  
宋 卷二十一 二十  
之六年拜尚書右丞進門下侍郎時三省除李清臣  
吏部尚書給事中范祖禹封還詔書三省復除蒲宗  
孟兵部尚書轍奏前除清臣給諫紛然爭之未定今  
又用宗孟此與去年用鄧温伯無異恐朝廷自是不  
安靜矣議遂止紹聖初哲宗起李清臣爲中書舍人  
鄧潤甫爲尚書左丞二人久在外不得志稍復言罷  
豐寧以激怒哲宗會廷試進士清臣撰策題卽爲邪  
說轍諫謂事有失當何世無之及漢昭變武帝法度  
事哲宗以爲引漢武方先朝不悅落職知汝州再責

知袁州未至降秩試少府監分司南京筠州居住三年又責化州別駕雷州安置移循州徽宗即位徙永州岳州已而復太中大夫奉祠蔡京當國又降秩罷祠居許州再復太中大夫致仕築室於許號頴濱遺老自作傳萬餘言不復與人相見終日嘿坐如是者幾十年卒年七十四淳熙中謚文定轍性沉靜簡澹爲文汪洋澹泊似其爲人既入黨籍詔毀三蘇文三子遲迺遜

宋

卷十三

宋列傳卷之十三

劉摯

劉摯字莘老東平人十歲而孤鞠於外氏就學東平因家焉嘉祐中擢甲科歷冀州南宮令與信都令李冲清河令黃莘皆以治行聞人稱爲河朔三令爲監察御史稟行即奏論亳州獄數事及入見神宗面賜褒諭因問知從學王安石耶安石極稱卿器識對曰臣東北人少孤獨學不識安石也退而上疏論安石喜於取爲安石欲竄之嶺外神宗不聽但謫監衡州

宋

卷十三

摯倉者宗即位擢至侍御史請進讀至仁宗不避庚戌臨奠張士遜侍讀曰國朝故事多避國音國朝角音木也故畏庚辛哲宗問果當避否摯進曰陰陽拘忌聖人不取如正月祈穀必用上辛此豈可改也漢章帝以反支日受章奏唐太宗以辰日哭張公謹仁宗不避庚戌日皆陛下所宜取法哲宗然之又疏蔡確罪大略有十論章惇凶悍輕佻無大臣體又請雜用經義詩賦取士復賢良方正科罷常平免役引朱光庭王巖叟爲言官元祐元年擢遷門下侍郎又

論宦者李憲王中正宋用臣石得一四人專權生事  
張灼中外四人俱被黜六年拜尚書右僕射與呂大  
防同位國家大事多決於大防惟進退士大夫實執  
其柄然持心少恕勇於去惡竟為朋讒奇中絕聖穆  
來之邵周秩論摯變法棄地罪斬州居住將行誦  
子曰上用章惇吾且得罪死無所恨正慮意在報復  
法令益峻奈天下何四年膺邢恕之謗新州安置惟  
一子從數月以疾卒年六十八子跋能為文章遭黨  
事為官拓落家居避禍以壽終

宋 卷三

蘇頌

蘇頌字子容南安人父神英丹陽因家焉第進士歷  
知江寧縣調南京留守推官留守歐陽修委以政曰  
子容處事精審修不復省矣皇祐五年召試館閣校  
勘富弼與韓琦為相同表其廉退以知潁州通判趨  
至忠本遣徵降者頌待之以禮至忠感泣曰平生誰  
服者惟公與韓魏公耳知制誥知審刑院時知金州  
張仲宣坐在法贓罪至死法官援樹杖春黥龍海島  
頌對神宗曰古者刑不上大夫仲宣官五品雖其人

無兩務所重者汗厚衣冠耳乃免杖黥流海外遂為  
定法大臣薦秀州判官李定推除監察御史裏行宋  
敏求知制誥封還詞頭復下頌當制頌奏恩察法制  
未敢具草次至李大臨亦封還於是並落知制誥知  
婺州方泝桐廬江水暴迅舟橫欲覆母在舟中幾溺  
矣頌哀號赴水救之舟忽自正甫及岸舟乃覆元祐  
初遷至吏部尚書兼侍讀至弭兵息民必援引古今  
以動人主之意既又請別製渾儀因命頌提舉頌既  
遷於律曆以吏部令史韓公廉曉筆術有巧思奏用

宋 卷三

三

之授以古法七年拜右僕射兼中書門下侍郎辭位  
紹聖四年拜太子少師致仕方頌執政時見哲宗年  
幼諸臣太紛紜常曰君長誰任其咎每大臣奏事但  
取決宣仁后哲宗有言或無對者頌奏宣仁后必再  
稟哲宗有宣諭必告諸臣以聽聖語及貶元祐故臣  
御史周秩劾頌哲宗曰頌知君臣之意無輕議此老  
卒年八十三

范純仁

范純仁字堯夫以父任為太常寺太祝登進士第調

知武進縣以遠親不赴易長葛又辭時胡瑗孫復石介李觀皆在仲淹門純仁從之游父沒始出仕以著作佐郎知襄城縣論民植桑有罪情輕者視所植多寡除其罰民號著作林為侍御史會議漢王典禮純仁言宜如王珪等議繼與御史呂誨等更論奏不聽尋詔罷追尊起純仁就職神宗以陝西城郭兵食為問純仁勸帝且無留意邊功同知諫院奏言王安石變祖宗法度措克財利民心不寧因論尚書恣豈在明不見是圖之語作尚書解以進又論宜速還言者

宋

卷三十一

四

而退安石荅中外之望不聽遂求罷諫職改判國子監去意愈確執政遣人諭留已擬知制誥純仁曰此言何為至於我哉言不用萬鍾非所顧也哲宗立召為右諫議大夫宣仁后垂簾司馬光為政將盡改應豐法度純仁謂先去其泰甚者可也元祐三年拜尚書右僕射兼中書侍郎純仁在位務以博大開上意忠篤革士風吳處厚上蔡確車蓋亭詩以為誘誚確貶新州大防奏確黨人甚盛不可不問純仁面諫朋黨難辨恐誤及善人司諫吳安詩正言劉安世交章

擊純仁黨確純仁亦力求罷明年以觀文殿學士知穎昌府歷拜方僕射羣小力排宣仁后垂簾時事李清臣殿試策問為紹述之說蘇轍奏辨引漢昭變法事哲宗震怒純仁從容言之轍平日與純仁多異至是乃服謝曰公佛地位中人也帝既召相章惇純仁堅請去出徙陳州呂大防等竄嶺表純仁上疏為申理惇不悅詆為同罪永州安置時疾失明聞命怡然就道或謂近名純仁曰若避好名之嫌則無為善之路矣聞諸子悲惇純仁必恣止之江行赴貶所舟覆

宋

卷三十一

五

我純仁出衣盡濕顧諸子曰此豈章惇為之哉韓維責均州其子訴維執政日與司馬光不合得免行純仁之子欲以役法與光異議為請純仁曰吾用君實薦以至宰相昔同朝論事則可汝輩以為今日之言則不可有愧心而生者不若無愧心而死其子乃止居三年徽宗即位即日授光祿卿促入覲純仁乞歸許養疾疾革口占遺表以宣仁后誣謗未明為恨驛場未解嚴為憂凡八事卒年七十五謚忠宣常曰吾平生所學得之忠恕二字一生用不盡子正平正思



王存

王存字正仲丹陽人年十二辭親從師於江西五年始歸登進士第由簿令歷館閣校勘存故與王安石厚安石執政論事多不合累上書陳時政因及大臣無所附麗皆時人難言者元豐初累擢右正言元祐初連遷尚書左右丞蔡確以詩怨訕存與范純仁欲薄其罪確再貶新州存亦為確罷知茶州召為吏部尚書時朋黨之論發熾存為哲宗言慶曆中或指韓琦富弼范仲淹歐陽修為黨類仁宗聖明不為所惑由是復與任事者戾除知大名府致仕卒年七十九

孫固

孫固字和父管城人登進士第始仕州縣為宰相韓琦所知歷官顯王官侍讀即位擢天章閣待制種諤取綏州固上言兵凶器也動不可妄出知澶州還領銀臺封駁神宗問王安石可相否對曰宰相自有其度安石狷狹少容必欲求賢相呂公著司馬光韓維其人也及安石當國更法度固數議事不合出知真定府元豐初同知樞密院事諫者告夏人幽其主帝

欲西討數言舉兵易解禍難必不得已請聲其罪薄伐之帝笑曰此真鄙生之說耳其後師果無功哲宗立拜門下侍郎卒年七十五

趙瞻

趙瞻字大觀永城人父剛太子賓客徙鳳翔之盤座瞻登進士第初歷州縣有惠政治平初自都官員外郎除侍御史上疏曰英斷獨化人主至權也英宗稱善時議追崇濮王瞻引漢師丹董宏事力爭會使契丹及還聞呂誨等以諫濮議罷乞與同貶通判汾州

宋

神宗

七

神宗即位累遷開封府判官神宗問卿知青苗法便乎對不便初王安石欲瞻助已使其黨解以知雜御史瞻不應由是出為陝西轉運副使哲宗立擢至樞密直學士同知院事初元豐中河決小吳至是都水王令圖請還河故道瞻固爭之卒罷役瞻又奏廢渠陽軍紆荆河之力乞詔諭西夏使歸未幾遣民夏人聽命卒年七十二

傅堯俞

傅堯俞字欽之濟源人十歲能為文未冠登第歷知



蘇息縣累遷太常博士嘉祐末為監察御史仁宗春  
秋高堯俞請建儲以慰天下英宗即位轉殿中侍御  
史遷起居舍人內侍任守忠譏間兩宮堯俞諫遂守  
忠大臣議濮王稱皇考堯俞與侍御史呂誨抗論凡  
十餘疏堯俞與趙瞻使契州北還呂誨等皆以諫  
漢議罷堯俞請同貶遂出知和州神宗即位王安石  
素與之善堯俞曰新法世以為不便再歲六移官困  
於道路知不為時所容請祠哲宗立自知明州召入  
連擢御史中丞御史張舜民以言事罷堯俞請留不

宋

宋

宋

聽知陳州宋幾復舊職前宰相蔡確坐諱誅謫貶新  
州寧執侍從以下罷者七八人御史府為之一空堯  
俞言宜置餘黨元祐四年拜中書侍郎六年卒年六  
十八太皇太后語輔臣曰傳侍郎清直一節終始不  
變金玉君子也方倚以為相遽至是乎從孫察

梁燾

梁燾字况之須城人以父稱任為太廟齋郎舉進士  
應集賢校理元豐時上書論青苗請外知宣州哲宗  
立遷太常少卿右諫議大夫文彥博議遣劉奉世使

夏國御史張舜民論其不當遣被勦力爭之知悉  
州明年以左諫議大夫召前宰相蔡確作詩怨謗  
與劉安世交攻之乃竄確新州鄧潤甫除吏部尚書  
燾為御史中丞論潤甫柔佞不良不聽蔡京帥蜀燾  
言京輕險貪慢又與同列議夏國地界不合遂丐去  
紹聖元年知鄆州則黨論起哲宗曰梁燾開陳排擊  
蓋出公議竟以司馬光黨化州安置卒年六十四

王巖叟

王巖叟字彥霖清平人仁宗初置明經科巖叟十八

宋

宋

宋

鄉舉省試廷對皆第一調樂城澤州推官甫兩月  
開第懷集官歸養熙寧中韓琦留守北京辟為屬韓  
絳代琦復欲留用巖叟謝曰巖叟魏公之客不願出  
他鄉士君子稱之後知定州安喜縣有法吏罷居鄉  
里導人為訟巖叟捕撻於市衆皆竦然守呂公著嘆  
為古良吏有詔近臣舉御史舉者意屬巖叟而未及  
巖叟謂可一往見巖叟笑曰是所謂呈身御史也卒  
不見哲宗即位劉摯薦為監察御史入臺之明日即  
上書論社稷安危之計在從諫用賢不可以小利失

民心李定不持所生母服嚴叟論其不孝宰相蔡確以定策自居嚴叟言確貪天章悖不忠之罪蓋與確等於是二人相繼斥遷左司諫遷侍御史坐張舜民事改起居舍人不拜以起居舍人召常侍通英講進讀寶訓至節費嚴叟曰須每事以節儉爲意進權吏部侍郎質孤勝如二堡自元祐講和在蘭州界內夏力爭之延帥欲以二堡與夏蘇轍主其議嚴叟曰形勢之地豈可輕棄乃止或欲以七嶠經毀之地皆以與夏嚴叟力言不可定遠遂城皆嚴叟之力拜中書

宋

卷五

十一

舍人後爲樞密都承旨言於哲宗曰陛下今日聖學當深辨邪正或聞有以君子小人參用之說告陛下者此乃深誤陛下也哲宗選后既定嚴叟曰聖人言正家而天下定當慎之於始宰相劉摯右丞蘇轍以人言求避位嚴叟曰元祐之初排斥姦邪緝熙聖治摯與轍之功居多後摯竟爲御史鄭雍所擊嚴叟連上疏論救摯去位御史遂指爲黨罷卒年五十一

孫永

孫永字曼叔長社人祖冲蔭將作監主簿登進士第

自熙令擢爲諸王府侍讀神宗爲皇太子進舍人卽位累擢龍圖閣直學士知秦州王韶建取熙河策未以生事折之知和州召還神宗問青苗助役便否對曰法誠善然羸民出息輸歲代徭不能無重歛之患議復肉刑未奏曰漢文帝所不忍陛下忍之乎知開封府時行市易抵當法神宗詔未及韓維究實御史張琥劾永棄同卽異罷予祠哲宗召拜工部尚書提舉中太一官未拜卒年六十八

陸佃

宋

卷五

十一

陸佃字農師山陰人居貧苦學映月讀書熙寧三年應舉入京適王安石當國以常受經造焉安石首問新政佃曰頗擾民又訪外議佃曰頗以爲拒諫安石笑曰邪說營營顧無足聽佃曰是乃所以致人言也明自安石召謂之曰吾與呂惠卿議云私家取債亦須一雞半豚已遣李承之使淮南質寃矣旣而承之還說言便似說不行安石以佃不附已專付之經術不復咨以政每有所議神宗輒曰自王鄭以來言禮未有如佃者累擢中書舍人安石卒佃率諸生供佛

哭而祭之脩撰神宗實錄徒禮部數與史官范祖禹  
黃庭堅爭辨大要爲安石晦隱庭堅曰如公言蓋徒  
使也佃曰盡用君意豈非謗者乎知江寧府甫至祭  
安石墓紹聖初治實錄罪坐落職知秦州徽宗卽位  
召爲禮部侍郎上疏曰夫善績前人者不必因所爲  
否者廢之善者揚焉元祐紛更知廢之而不知揚  
之之罪也紹聖稱頌是知揚之而不知廢之之過也  
命脩哲宗實錄拜尚書右丞諫官陳瓘上書曾布怒  
佃曰若不能容是成其名也佃執政與曾布比而將  
論多近起每欲參用元祐人才轉左丞御史論自餘  
純劉安世復熾大驟請加鑄印且欲更懲元祐餘黨  
佃爲徽宗言不宜窮治罷爲中大夫知亳州數月卒  
年六十一

蔡確

蔡確字持正晉江人父徙陳確有智數不謹細行第  
進士調邠州司理參軍以賄聞轉運使薛何行部獄  
按治之見其儀觀秀偉召與語反以爲奇更加延譽  
韓絳宣撫陝西見確所製樂語亦以爲材薦於開封

宋

卷五十一

十一

卷五十一

十三

尹鞞維維終翁也維又薦之安石安石用鄧綰薦爲  
監察御史秉行時開封府鞞霸州民訟事連判官陳  
安民安民令其甥文及甫求援於宰相吳克之子安  
特確言事關大臣非開封府可了遂移御史臺中丞  
鄧潤甫御史上官均按之亦與開封府獄同事多不  
讐王珪奏遣確請臺參治確遂鍛鍊成獄潤甫均不  
能制密奏確慘掠罪囚確何知之詐使吏爲使者慮  
問囚若穢冤輒加苦辱及帝連遣諫官內侍審直囚  
皆怖畏言不寬矣由是潤甫均罷而確得中丞猶頌  
司農凡常平免役法皆成其手大學生虞蕃訟其學  
官確深探其獄連引朝士自翰林學士許將以下皆  
逮捕械繫令獄卒與同寢處飲食旋澗共爲一室設  
大盆於前凡羹飯餅餠舉投其中以杓混擾分劑之  
如犬豕久繫不問幸而得問則一一皆承遂劾參知  
政事元絳有所屬請出絳知亳州而確代其位確自  
知制誥爲御史中丞參知政事皆以起獄奪人位而  
居之士大夫交口咄罵而確自以爲得計吳克數爲  
帝言新法不便確曰曹參與蕭何有隙至代爲相一

遵何約束克屢屈法途不變元豐五年拜尚書右僕射兼中書侍郎確既相屢興羅織之獄確名爲次相實頗大政珪拱手而已哲宗立韓縝入相中書用其兩姪爲列卿確風御史中丞劾縝元祐元年罷確知陳州又奪職徙鄧州初神宗疾革王珪議建儲事確與同列皆在側知狀及確出守鄧陰與章惇邢恕等合謀謂珪當日懷異意願已擁護故不得逞欲以上誣高太后下陷珪等結帝之歡以固寵專權類故諫議大夫張璠范祖禹司諫吳安詩王巖叟正言劄安

宋

卷十三

十四

世等連上章乞正確罪乃復責確英州別駕新州安置確遂卒於貶所

邢恕

邢恕陽武人從程顥學因出入司馬光呂公著之門神宗不豫恕與蔡確密謀語宣仁后之姪公繪曰家有白挑著花道書言可療上疾遂與歸視之至則執其手曰蔡丞相令布腹心上疾不可諱延安冲幼雅曹皆賢王也公繪驚曰此何言哉君欲禍吾家耶遂出恕計不行反宣言太后屬意雖王與王珪爲表

宋

卷十三

十五

裏恕因導確約珪入問疾陽鉤致珪語使知開封府蔡京伏劔士於外須珪小持異則執而誅之既而珪言上自有子定議立延安矣恕益無所施哲宗立遷起居舍人又爲公繪具奏乞尊崇朱太妃爲高氏異日計后詰之曰汝素不識字誰爲之者公繪不得隨以恕對具上其藁恕遂出知隨州恕久斥外蓄憤怨間道謂確於鄧州恕遂與確謀日者所造定策事及司馬康赴闕恕招康道河陽因勸康作書稱確康與恕同年登科恕又出其父光門下信之恕本意謂康司馬光之子也既云爾則確定策事可信無疑會吳處厚梁燾等奏確與恕咸指康書爲証故確遂遣竄恕亦坐責監永州酒稅章惇蔡卞得政復引恕自劾召爲御史中丞恕既處風憲遂証宣仁后有廢立謀又教蔡懋上文及甫私牘歷詆梁燾劄華云陰圖不軌加司馬光呂公著以凶悖名惇使蔡京置獄於同文館組織萬端將悉陷諸人於族有高士京者嘗與恕同官恕一日置酒問曰公知元祐間獨不與先公推恩否士京曰不知又問有兄弟無士京曰有兄弟

充已死恕曰此乃傳王珪語言之人也當是時王珪  
爲相欲立徐王遣公兄士充傳道語言禁中知否士  
京曰不知恕因誘士京以官爵曰公不可言不知當  
爲公作此事因令所親信爲士京作奏上之珪由是  
得罪而恕得數登對後揣帝薄惇屢言惇短故爲惇  
所隔出知汝州徽宗初蔡京當國經營湟鄯起恕爲  
鄜延經略安撫使旋改涇原恕乞築蕭關采車戰法  
爲戰攻計又欲使熙河造舡直抵興靈以空夏國巢  
穴其謀皆廷誣不可用帝亦燭其妄而京力主之已

宋

卷三

十六

而夏人寇鎮戎欲趨渭州警奏至京懼恕乃奪職卒  
年七十恕本從程門得游諸公卿間而反覆行險爲  
司馬光容卽隔司馬光附章惇卽背章惇至與三蔡  
爲心腹上謗母后下誣忠良非宜仁后聖慈深信帝  
心中外咸戴則禍及宗社矣

章惇

章惇浦城人惇豪雋進士登名耻出姪衡下委數而  
去再舉甲科調商洛令熙寧初王安石秉政悅其才  
用爲編修三司條例官呂惠卿去位鄧綰論惇同惡

出知湖州元豐五年召拜門下侍郎哲宗卽位知樞  
密院事乃駁司馬光所更役法累數千言光議既行  
惇憤恚爭辨簾前宣仁后怒劾擊蘇轍朱熹庭王巖  
叟交章擊之黜知汝州七八年間數爲言者彈治哲  
宗親政用楊畏疏欲復熙寧元豐之政首起惇爲尚  
書左僕射於是專以紹述爲國是凡元祐所革一切  
復之引蔡卞林希等居要地協謀朋姦報復仇怨其  
至詆宣仁后謂元祐之勅是姦擅國又請發司馬光  
目公着蒙斷其棺又請編類元祐諸臣章疏窮治劉

宋

卷三

十七

安世范祖禹諫禁中顧乳媪事又起同文館獄欲殺  
劉摯及梁燾王巖叟等初惇卞恐元祐舊臣一旦復  
起日夜與邢恕等謀結內侍郝隨爲助媒孽宣仁嘗  
欲危帝之事旣貶王珪又誣司馬光呂大防等結宣  
仁閣內侍陳行謀廢立又以内侍張士良嘗與行同  
主后閣使蔡京安惇雜治之以實其說京等列鬪鏤  
刀鋸於前謂士良等曰言有卽還舊職無則就刑士  
良仰天大哭曰太皇太后不可誣天地神祇不可欺  
乞就戮京等鍛鍊無所得乃奏行既隔兩官斥隨龍

內侍劉瑗等於外以剪除人主腹心羽翼為大逆不道處死而自作詔書請廢宣仁為庶人太后方寢聞之遽起泣謂帝曰吾日侍崇慶天日在上此語曷從出且帝必如此亦何有於我太妃等亦泣帝感悟取悼卞奏就燭焚之郝隨規知之密語悼卞明日悼卞再具狀堅請施行帝怒曰卿等不欲朕入英宗廟乎祇其奏於地事得寢悼又議遣呂升卿董必察訪嶺南將盡殺流人哲宗問許將對曰本朝所以遠過漢唐者以未嘗殺戮大臣也哲宗然之謂悼卞曰朕遵

宋

卷三十一

十一

祖宗遺制未嘗殺戮大臣其釋勿治然重得罪者千餘人或至三四謫徙天下寃之悼又以皇后孟氏宣仁后所立迎合郝隨勸哲宗起掖庭秘獄捕逮宦者官妾撈捕備至肢體毀折至有斷舌者獄成命御史董敦逸覆錄罪人過庭下氣息僅屬無一人能出聲者敦逸秉筆疑未下郝隨等脅之敦逸畏禍乃以奏牘上詔廢后出居瑤華宮號華陽教主帝久亦悔之曰章悼誤我哲宗崩皇太后議所立悼厲聲曰以禮律言之毋弟簡王當立皇太后曰老身無子諸王皆

是神宗庶子悼後曰以長則申王當立皇太后曰申王病不可立悼尚欲言知樞密院事曾布叱之曰章悼聽太后處分皇太后決策立端王是為徽宗悼罷知越州再貶雷州司戶參軍徙睦州卒悼敏識加人數等窮凶稔惡然不肯以官爵私所親四子連登科獨季子援嘗為校書郎餘皆隨牒東銓任州縣訖無顯者妻張氏賢悼之入相也張病且死屬之曰君作相幸勿報怨既祥悼語陳瓘曰悼亡不堪奈何瓘曰與其悲傷無益曷若念其臨絕之言悼無以對

宋

卷三十一

十九

曾布

曾布字子宣學於兄鞏同登第歷開封令以韓維王安石薦上書大率皆安石指也神宗召見凡三日五受敕告與呂惠卿共創青苗助役保甲農田之法使專任安石以威脅衆使母敢言韓琦疏論新法之弊布遂為安石條析而駁之熙寧七年大旱詔求直言布論判官呂嘉問培克非市易本意下兩制議呂惠卿以為沮新法安石怒布遂去位惠卿參大政紹聖初復自翰林連擢知樞密院事初章悼為相布草制

極稱美冀引共政悼忌之止薦居樞府故稍不相能  
布力贊紹述悼遂與大獄悼以士心不附詭情飾過  
薦引名士彭汝礪陳瓘張庭堅等乞復司馬光呂公  
著贈謚勿毀墓什碑布以為無益之事又奏人主操  
柄不可倒持意傾悼也哲宗崩徽宗未立悼有異議  
布叱悼使從皇太后命既即位悼以異議得罪罷拜  
韓忠彥左僕射布右僕射忠彥遂罷布獨當國漸進  
紹述之說復改元崇寧召蔡京為左丞京與布異會  
布擬陳佑甫為戶部侍郎京奏宰相私其親佑甫子  
布婿也布爭辨徽宗於是不悅罷知温州落職連責  
大觀初卒於潤州

蔡京

蔡京字元長仙遊人登熙寧進士第知開封府司馬  
光秉政復差役法為期五日京如約諫官范祖禹論  
京不可用徙江淮荆浙發運使紹聖初入權戶部尚  
書時章惇復役法京請取熙寧成法行之命窮治文  
及甫獄京捕內侍張士良令述陳行事狀論誅并劉  
摯梁燾劾之衍死摯與燾亦貶死王巖叟再貶貶范

祖禹劉安世再遠竄元符三年徽宗立諫官陳瓘  
京御史陳次升等交論其惡奪職居杭州童貫以供  
奉官訪書畫奇巧留杭京日與貫游附語言論奏至  
帝所由是帝屬意京又因太學博士范致虛結左街  
道錄徐知常以達禁中已而官安宦官合詞譽京起  
知定州崇寧元年徙大名府韓忠彥與曾布交惡謀  
引京自助復用為學士承旨徽宗有意修熙豐政事  
鄧洵武黨京撰愛莫助之圖以獻京陰託紹述之柄  
箝制天子南開黔中靖州辰溪徭叛命舒亶守荆南

蔡京

以勦絕群盜為詞西收湟川鄯廓取牂牁夜郎地擢  
童貫領節度使其後楊戩並從熙譚積成梁師成皆  
踵之累轉司空封嘉國公時元祐群臣貶竄死徙畧  
盡京猶未愜命等其罪狀首以司馬光目曰姦黨起  
石又藉范柔中以下為邪等在兩籍者凡三百九人  
悉錮其子孫五年正月彗星見京免使其黨陰援於  
上大觀元年復拜左僕射太廟齋郎方軫上書論京  
請誅之詔宣示京京請下軫獄流嶺南三年以臺諫  
交論致仕太學生陳朝老疏京惡十四事明年彗出



奎妻御史張克公論京毛注復論之政和二年召還  
京京更官名遂正公相位摠治三省京自崇寧以來  
倡豐亨豫大之說以蕩上心召童貫等五人風以侈  
麗而延福景龍良嶽之役起矣帝屢微行幸其第命  
坐傳觴用家人禮廝養居大官媵妻封夫人公論益  
不與宣和二年命致仕六年因朱勳復起仍領三省  
京目昏眊不能事事悉決於季子條凡京判皆出條  
手恣爲姦利宰相白時中等惟奉行文書而已既不  
能堪兄攸亦自發其事上怒欲竄條京力求免特勅

宋

朱十一

十一

停侍養未幾祿條侍讀毀賜出身勅京亦令致仕欽  
宗立邊遽日急京盡室南下以避敵天下罪京爲大  
賊之首以侍御史係說言連貶衡州安置又徙韶儋  
二州行至潭州死年八十京性內謫舞智御人在人  
主前顯徂伺爲固位計林摠余深與京結爲死黨京  
姦謀詭計二人助之爲多燕山之役京以詩送攸陽  
寓不可之意爲自解地八子儵先死攸儵伏誅條流  
白州死儵以帝婚免窟餘子孫皆分徙遠惡郡

張商英

張商英字天覺蜀州人長身偉然豪視一世章惇  
制夔夷和侮郡縣商英知南川著道上服長揖就坐  
惇肆意人言商英隨機折之落落出其上惇大喜延  
爲上客歸薦諸王安石擢至監察御史坐論樞密檢  
詳官劉奉世語侵樞臣文彦博等上印求去詔責商  
英監荆南稅更十年乃得歸商英以好王滂之所  
嘗薦舒亶可用至是亶知諫院商英以好王滂之所  
業示之亶繳奏以爲事涉干請責監亦岸益稅哲宗  
初爲開封府推官屢請執政求進朝廷稍更新法商

宋

朱十一

十一

英上書言三年無改於父之道且移書蘇軾求入臺  
其庾詞有老僧欲住寺呵佛罵祖之語哲宗親政召  
爲右正言左司諫商英積憾元祐大臣極力攻之乞  
追奪光公著贈謚什碑毀家章惇安燾交惡商英助  
惇傾盡哲宗不直商英尋責歸江寧酒遷至中書舍  
人謝表歷詆元祐諸賢蔡京拜相商英雅與善復與  
京議政不合數詆京御史取商英所作元祐嘉禾頌  
及司馬光祭文序其友覆罷知亳州大觀四年京再  
逐遂拜尚書右僕射京入中丞怨疾見商英



能立同異更稱爲賢徽宗因人望相之時久旱彗星中天是夕彗不見明日雨徽宗喜大書商霖二字賜之何執中鄭居中日夜醞織其短御史中丞張克公誅擊之衢州安置繼復還故職卒兄唐英

錢適

錢適字德循婺州人進士甲科徽宗時兩爲殿中侍御史劾罷右相曾布進中丞乞治元符末大臣嘗請復孟后廢劉后者韓忠彥曾布李清臣黃履及議者曾肇豐稷陳瑾龔夫皆坐貶復與殿中侍御史石豫

左

卷十三

二十四

左履官元祐皇后得罪先朝當國大臣因一布衣何大正狂言復還廢后位號乃至踈遜小臣請闕上書天下公議從可知矣適所言小臣上書者昌州推官馮澥也澥因得鴻臚主簿蔡京謀取青唐通助成其議方臘陷婺適逃奔蘭溪爲賊所殺

吳執中

吳執中字子權松溪人登第官州縣同門婿呂惠卿方貴盛不肯附歷右司郎中大觀中擢至御史中丞疏論外戚鄭居中不當在政地帝還其章論所以用

居中意初蔡京忌張康國故引執中言路執中先劾劉炳兄弟宋喬年父子皆京客帝嘗語執政嘉其不阿康國曰是乃爲逐臣地耳已而章果至帝怒黜知滁州復拜中丞京以星變逐執中謂大臣當全體職於是得不重貶遷禮部尚書張商英罷御史張克公言執中與商英皆由郭天信以進奪職卒於家

王祖道

王祖道字若愚福州人第進士又舉制科會罷調韓城尉歷官中外蔡京開邊祖道乘時微富貴誘王江

左

卷十三

二十五

會使納土夸大其辭遂築懷遠軍連擢召爲兵部尚書未行循黎渠師不勝忿發起侵剽闔新萬安軍及觀州殺官吏京其之猶除端明殿學士知復州卒張商英爲相治其誕罔追貶京再輔政復還之然所創州縣不旋踵皆罷是後龍恭孫張壯趙適程鄰鍾傳皆以拓地受上賞大抵皆規模祖道云

宋列傳卷之十四

孫覺

孫覺字莘老高郵人甫冠從胡瑗學登進士第調合  
肥主簿歲早督蝗覺言方艱食若以米易之是為除  
害而享利也守悅推其說於諸縣嘉祐中進館校勘  
神宗擢至右正言熙寧二年詔修諫院同修起居注  
知審官院王安石早與覺善數引用之將援以為助  
青苗法行覺條奏其害安石覽之怒始有逐覺意因  
請遣覺行視畿縣散常平錢復疏辭且言陳留不散

宋

宋中

一歲以此見民實不願望賜罷罷坐出知廣德軍入  
為太常少卿哲宗即位論宰相蔡確韓縝進不以德  
以疾請歸卒年六十三弟覽覽字傳師擢第歷司農  
生簿舒亶判寺且兼院欲引覽自助拒不荅亶用帳  
籍違事劾之累遷戶部侍郎與蔡京論役法不合知  
太原城葭蘆策勲加樞密院直學士覽雖立邊功議  
論多觸執政降寶文閣待制卒年五十九

劉安世

劉安世字器之魏人父航第進士歷知虞城犀浦虞

城多盜犀浦民馴航寬猛不同兩縣皆治為河南監  
牧使使西夏還上禦戎書為河北西路轉運使熙寧  
大旱求言航論新政不便者五又上書言人主不可  
輕失天下心不報乃請祠起知涇利二州終太僕卿  
安世自少持論已有議航使監牧時文彥博在樞密  
府有所聞輒呼安世告之安世從容言王介甫求去  
外議謂公且代其任彥博曰介甫壞天下至此後之  
人何可為安世拱手曰不然公當去所害與所利反  
掌間耳他日見航獎其堅正登第不就選從學司馬

宋

宋中

光啓盡心行己之要光教以誠且自不妄語始哲宗  
立光入相薦為秘書省正字光曰光居閒足下問訊  
不絕光位政府足下獨無書此所以相薦也呂公著  
又薦擢右正言章惇以強市民田罰金安世言惇與  
蔡確黃履邢恕素相交結天下指為四凶會吳處厚  
遷權安州詩安世謂確指斥乘輿與梁燾等極論之  
民間謔傳官中求乳婢安世疏諫甚切鄧溫伯為翰  
林承旨安世言其出入王呂黨不報遂請外予祠數  
月召為寶文閣待制樞密都承旨呂惠卿復光祿卿

安世爭之不聽出知成德軍章惇用事三貶新州別駕安置英州同文館獄起蔡京乞誅滅安世等家竟徙梅州惇與蔡京必欲真之死因使者入海島誅陳行諷脅安世自裁又擢一土豪為轉運判官使殺之判官疾馳將至梅梅守遣客勸安世自為計安世不為動對客飲酒談笑徐書數紙付其僕顧客曰死不難矣客密從僕所視皆經紀同貶當死者之家事甚悉判官未至二十里嘔血而斃蔡京既相連七謫宜和六年復待制明年卒年七十八孝宗賜諡忠定安

宋

卷十四

三

世繼狀應碩音吐如鍾初除諫官入白母曰言官須

明目張膽以身任責脫有所觸忤禍讒立至若以老母辭當免母曰當捐身報國得罪流放無問遠近吾當從汝所之安世乃受命母亦竟如其言云梁師成用寧求得小吏吳然嘗趨走前後者使持書來啖以大用曰吾欲為元祐全人見司馬光於地下卜居宋都杜門屏跡人不得見其面然田夫野叟市井細民以為若過南京不見劉待制如過泗州不見大聖蘇軾論元祐人才曰若器之真鐵漢也死後二年金人

發其塚貌如生相驚語曰異人也為之蓋棺乃去

鄭穆

鄭穆字開中侯官人性醇謹好學門人千數與陳襄陳烈周希孟友號四先生舉進士四冠鄉書遂登第歷集賢校理求外補通判汾州熙寧中召為岐王侍講嘉王出閣改諸王侍講府僚闕員御史陳襄請擇人神宗曰鄭穆德行乃宜左右王者凡居館閣三十年而在王邸一紀非公事不及執政之門元豐三年出知越州告老與祠元祐初召拜國子監祭酒請老

宋

卷十四

中

卒年七十五

李常

李常字公擇建昌人擢第歷宣州觀察推官發運使揚佐將薦改秩常推其友劉琦佐曰世無此風久矣并薦之王安石與之善知諫院疏言均輸青苗派毒天下安石見之遣所親密諭意常不為止通判滑州督宗立進戶部尚書常轉對上七事諫官劉安世力攻蔡確常疏論以詩罪確非所以厚風俗安世并劾常知鄧州卒年六十四

孔文仲

孔文仲字經父新喻人舉進士南省擢第一歷台州推官熙寧初翰林學士范鎮薦制舉對策萬言力論理財訓兵之法忤王安石意神宗御批罷歸故官後為國子直講學者方用王氏經義進取文仲不習其書因改官出通判保德軍哲宗累擢左諫議大夫會日食疏陳五事改中書舍人卒年五十一弟武仲平仲並以文聲起江西時號三孔武仲字常父進士甲科遷禮部侍郎以質文閣待制知洪州徙宣州坐元

宋

卷十四

五

積善本居池州卒年五十七平仲字義父登進士第又應制科用呂公著薦為秘書丞紹聖中言者詆其元祐時當路譏毀先烈知衡州安置英州徽宗立召戶部金部郎中黨論再起罷去利卒

黃廉

黃廉字夷仲洪州人第進士歷州縣改薦之王安石白神宗召訪對帝即命廉體置振濟東道除司農丞遷人求代北地廉言分水畫境失中關險格射狼心王中正發西兵潰歸嫁罪於轉側廉坐貶元祐初

遷起居集賢殿脩撰上官均論其往附蔡確獄改以西都轉運使卒年五十九

鮮于侁

鮮于侁字子駿閬州人第進士為江陵右司理參軍慶曆中天下早詔求言侁條當世之失有四其語則切唐介與同鄉里稱其名於上官交章論薦侁盛言左叅軍李景陽枝江令高汝善之美乞移與之介益以為賢歷通判綿州趙抃使蜀薦於朝未及用從何鄭辟僉書永興軍判官神宗詔求直言侁陳十六事

宋

卷十四

五

詔近臣舉所知范鎮以侁薦遷除利州路轉運判官初王安石有重名士大夫期以為相侁惡其治激要君語人曰是人若用必壞亂天下至是乃上書論時政其意專指安石安石怒毀短之神宗曰侁有文學可用初助役法行詔諸路各定所役緡錢利州轉運使李瑜定四十萬侁爭之曰利州民貧地瘠半此可矣瑜竟不從各以其事聞神宗是侁議論司農願以為式因黜瑜而升侁副使仍兼提舉常平凡居部九年治所去閩中凋厥旁午待之無所私各得其歡心

蘇軾稱先上不害法中不廢親下不傷民以為三難  
元豐二年召對命知揚州軾自湖州赴獄親朋皆絕  
道楊先往見臺使不許通或謂先宜亟焚軾所往來  
書文以避先曰欺君有友吾不忍惟以忠義分譴則  
所願也為舉吏所累罷主管西京御史臺哲宗立復  
以先使京東議神宗廟配享有用王安石吳充者先  
曰宰相之賢誰出富弼老乃用弼拜諫議大夫首言  
君子小人消長之理甚備又言王安石用事諸人詆  
訾新政廢制科且復六科之舊以疾求去除集賢殿

宋 卷十四  
七  
脩撰知陳州卒年六十九

彭汝礪

彭汝礪字器資鄱陽人舉進士第一歷彰州軍事推  
官王安石見其詩擢至太子中允既而惡之中丞鄧  
綰將舉為御史召之不往既上章自劾失舉神宗怒  
遂絀用汝礪為監察御史裏行首陳十事又論呂嘉  
問市易聚歛當罷俞允諠中人王中正至出妻拜之  
不當檢正中書五房事及中正與李憲主西師汝礪  
言不當以兵付中人因及漢唐禍亂之事元祐初再

遷中書舍人吳處厚得蔡確詩以為怨謗汝礪曰此  
羅織之漸也落職知徐州初汝礪在臺時論呂嘉問  
聚歛事與確異趣徙外十年後治嘉問他獄以不阿  
執政坐奪二官至是入為確得舉人以此益賢之歷  
拜吏部侍郎哲宗躬聽汝礪獨無建白或問之曰  
在前日則無敢言於今則人人能言之矣言者謂常  
附會劾擊連降年五十四卒弟汝霖汝芳

呂陶

呂陶字元鈞成都人年十三能文為蜀守蔣堂所獎

宋 卷十四  
八  
登進士第歷知壽陽縣府帥唐介辟僉書判官暇日

促滕暉語告以立朝事君大節曰君廟廟人也以介  
薦應熙寧制科陶教王安石更法之過元祐初權殿  
中侍御史獻邪正之辨曰蔡確韓縝張璪章惇在先  
朝與小人表裏安燾李清臣又依阿其間陶與同列  
論張舜民事不合傳堯俞王巖叟攻之遷左諫議繼  
出為梓州遷中書舍人奉使契丹乞脩邊備哲宗喜  
遣給事中知陳州徽宗立知梓州致仕卒年七十七

張舜民

張舜民字芸叟邠州人登進士第為襄樂令王安石  
倡新法舜民上書言人主不可與小民爭利元豐中  
環慶帥高遵裕辟掌機宜文字王師無功舜民在邊  
武賦詩紀其事坐謫赦還司馬光薦為監察御史上  
疏言西夏疆臣爭權不宜加以爵命當與師問罪徽  
宗立擢右諫議大夫居職七日上六十言坐元祐黨  
商州安置卒舜民慷慨喜論事使遼見其太孫禧好  
音樂美姝名茶古畫以為他日必有如唐張義潮挈  
十三州來歸者後如其言

李周

李周字純之馮翊人登進士第歷通判施州州介群  
僚不習服牛之利為辟田數千畝選謫戍知田者市  
牛使耕軍食賴以足神宗以近臣孫固薦召對謂曰  
知卿不游權臣識今執政乎對曰不識也翌日語固  
固李周樸忠之士也判西京國子監哲宗立召為職  
方郎中改集賢殿脩撰卒年八十

顧臨

顧臨字子敦會稽人通經學長於訓詁皇祐中舉說

書科為國子監直講神宗以臨喜論兵詔編武經要  
略且召問兵對曰兵以仁義為本因條十事以獻出  
權湖南轉運判官提舉常平議事戾執政意罷歸敗  
同判武學元祐二年擢給事中朝廷方事回河拜臨  
天章閣待制河北轉運使於是翰林學士蘇軾等言  
臨資性方正學有根本宜留左右以補闕遺諫議大  
夫梁燾亦言之皆不報臨至部請因河勢回使東流  
復以給事召還以附會黨人斥饒州卒年七十二

王觀

王觀字明叟泰州人第進士歷官司農丞神宗時司  
農為要官進用者多由此選觀拜一日即求外轉終  
高其節留詳三司會計終出穎昌辟僉書判官坐公  
累免哲宗立擢右正言進司諫極論蔡確章惇韓絳  
張璪朋邪害正又劾竄呂惠卿論青苗之害乞盡罷  
新令復常平舊法朱光庭訂蘇軾策問呂陶辨其不  
然遂起洛蜀二黨之說觀言學士命辭失措其事尚  
小使士大夫有朋黨之名大忌也坐論尚書右丞胡  
宗愈出知潤州入拜刑戶二部侍郎與豐稷偕使遼

為選人禮重徽宗即位累遷御史中丞改翰林學士  
目食下詔親當制忤宰相乃力請外卒年六十八

喬執中

喬執中字希聖高郵人入太學補五經講書五年不  
滿告王安石為群牧判官見而器之命子弟與之游  
擢進士調須城主簿安石為政引執中編脩熙寧條  
例選提舉湖南常平章惇討五溪檄執中取大田離  
子二嗣元祐中累擢中書舍人論邢恕蔡確之黨紹  
聖初上官坊樞執中為呂大防所用以資文閣待制

卷十四

十一

知鄆州執中屢典刑獄雪活以百數明年慶神人昇  
以騎都尉詰旦為客言之少焉談笑而逝年六十三

孫諤

孫諤字元忠睢陽人父文用以信厚稱鄉里死謚慈  
靜居士諤少挺特不群登進士調哲信主簿選為國  
子直講隋唐蕃獄免元祐初起歷左正言紹聖治元  
祐黨諤言漢唐朋黨之禍章惇惡其拂已出知廣德  
軍徽宗立復右司諫首論大臣邪正政事可廢置因  
革者帝稱其鏗直遷左司諫俄以疾卒

馬默

馬默字處厚成武人家貧徒步請徂徠從石介學登  
進士第調臨濮尉為張方平所知薦為監察御史累  
行遇事輒言時議尊崇漢王莖諫呂誨等悉補外默  
請還之不報神宗即位論歐陽脩事通判懷州除知  
登州沙門島囚聚官給糧者三百人每溢數則役諸  
海默為奏請更定配島法徙知曹州召為三司鹽鐵  
判官以默與富弼善且論新法不便出知濟充二州  
遷提舉三司為神宗言用兵應對如流神宗喜將用

卷十四

十二

之大臣落不悅改廣西轉運使安化蠻歲饑內寇默  
上平蠻方略以疾求歸知徐州召為司農少卿司馬  
光為相欲盡脩祖宗法問默以復鄉差衙前法如何  
默曰不可如常平自漢為良法豈宜盡廢去其害民  
者可也復知徐州改河北都轉運使初元豐閩河決  
小吳因不復塞縱之北流元祐議臣以為東流便水  
默與同時監司上議以北流為便時不能用其後河  
竟決而北云告老尋利卒年八十

鄒浩

鄭浩字志完晉陵人第進士調穎昌府教授元祐中  
上疏論事蘇頌為相用為太常博士來之邵論罷之  
後哲宗親擢右正言賢妃劉氏立浩言郭后向與美  
人爭寵仁祖既廢后并斥美人所以示公也望陛下  
追停冊禮帝持其章躊躇四顧明日章停詆其狂妄  
乃削官羈管新州徽宗立亟召還復為右正言遷左  
司諫上疏謂公議不可不恤獨斷不可不謹初浩還  
朝帝首及諫立后事獎嘆再三詢諫草安在對曰焚  
之矣退告陳瑾曰禍其在此乎蔡京用事素忌浩

宋

卷十

十三

乃使其黨為偽疏竄昭州初浩除諫官恐貽親憂欲  
固辭母張氏曰兒能報國無愧於公論吾顧何憂卒  
年五十二浩所與游田畫王回曾誕皆良士也

田畫

田畫字承君陽翟人以從父况任知西河縣有善政  
與鄒浩以氣節相激勵元符中浩為諫官畫監京城  
門病歸許鄆狀報立后畫謂人曰志完不言可以絕  
交矣浩得罪畫迎諸塗浩出涕畫正色責曰使志完  
隱默官京師遇寒疾不汗五日死矣豈獨嶺海之外

能死人哉願君毋以此舉自滿所當為者未止此也  
徽宗立入為大宗正丞曾布數羅致之不為屈欲與  
提舉常平官亦辭請知淮陽人祀以為土神云

曾回

曾回字景深仙游人第進士歷中正寺簿元符中葉  
祖洽薦為睦親宅講書與鄒浩友善皇后劉氏立浩  
將論之密告回回力贊之且曰移孝為忠亦太夫人  
素志也浩南遷人莫敢顧回飲交游錢與治裝且慰  
其毋祖洽亦坐黜徽宗立召還擢監察御史數日本

宋

卷十

十四

年五十三

曾誕

曾誕公亮從孫也孟后之廢誕三與浩書勸力請復  
后浩不報及浩以言南遷誕者王山主人對客問以  
誕之盖做韓愈諫臣論云誕仕亦不顯

陳瑾

陳瑾字瑩中沙縣人中甲科歷越州判官攝判明州  
章惇入相瑾從衆道謂惇闕其名邀與同載詢當世  
之務瑾曰天子待公為政將何先惇曰司馬光姦邪



所當先辯瑾曰果然將失天下之望為今之計唯消  
朋黨持中道庶可以救弊意雖忤然亦驚異頗有  
兼收之語至都用為太學博士會蔡卞與惇合志正  
論遂絀紹述之說起瑾奏天子之孝與士大夫不同  
執政憾之出通州滄州知衛州徽宗卽位召為右正  
言遷左司諫瑾論議務存大體惟極論蔡卞章惇那  
恕安惇罪御史龔夬擊蔡京將被謫瑾遂草疏論京  
罷監揚州糧料院改知無為軍明年還為著作郎兼  
權給事中宰相曾布使客告以將卽直瑾語子正彙

宋 卷十四 十五

曰是以官爵相解也將投書決去就布使數人邀相  
見甫就席遞出書布大怒徐起白曰適所論者國事  
是非有公議公未可失待士禮布嬰然改容出知泰  
州崇寧中除名竄袁州廉州移郴州稍復宣德郎杭  
守蔡薺京黨也因正彙告京以動搖東宮執送京師  
瑾併逮開封制獄正彙坐流海上瑾安置通州瑾在  
明州嘗者尊堯集謂紹聖史官專據王安石日錄改  
脩神宗史變亂是非不可傳信張商英為相取其書  
既上而商英罷及瑾自通州徙台州宰相何執中善

京令瑾所過州出兵甲護送至台每十日一徒且與  
薺謀命凶人石慄知州事執至庭大陳獄具將殺之  
死瑾揣知其意大呼曰今日之事豈被制首耶憾失  
措始告之曰朝廷令取尊堯集爾瑾曰然則何用許  
使君知尊堯所以立名乎蓋以神考為堯主上為舜  
助舜尊堯何得為罪時相學術淺短為人所愚君所  
得幾何乃亦不畏公議干犯名分乎慄慄使退執  
中猶以憾為怯罷之在台五年得自便卒年六十五  
增康初贈諫議大夫召官正彙高宗賜諡忠肅

宋 卷十四 十六

任伯雨 任伯雨字德翁眉山山人父孜字遵聖名與蘇洵埒仕  
至光祿寺丞其弟汲字師中亦知名嘗知瀘州當時  
稱大任小任伯雨登進士第由縣簿雍丘縣歷擢右  
正言徽宗初伯雨首擊章惇章八上貶惇雷州繼論  
蔡卞六罪建中靖國改元當國者欲和調元祐紹聖  
之人故以中為名伯雨言自古未有君子小人雜然  
並進可以致治者唐德宗坐此致播遷之禍建中乃  
其絕號不可不戒居半歲所上一百八疏大臣畏其

多言俾權給事中密諭少默即爲真伯用抗論愈力且將劾曾布布覺之徙度支員外郎尋知虢州黨事作削籍編管通州爲蔡卞所隔與陳瑾龔夫張庭堅等十三人皆南遷而獨伯用徙昌化姦人猶未甘心用匿名書復逮其仲子申先赴獄妻適死於淮報訃俱至伯用處之如平常申先鍛煉無所傳致乃得釋居海上三年歸卒年七十三長子象先登四科又中詞學兼茂才舉有司啓封兄爲黨人子不奏名調秦州戶曹掾聞父謫棄官歸養終身不復仕申先以布

宋

卷十

十七

友特起至中書舍人

陳禾

陳禾字秀實鄞縣人第進士徽宗時初歷殿中侍御史蔡京遣酷吏李孝壽窮治章縱獄禾奏免孝壽京子儵及何執中壻蔡芝皆疏其罪罷之遷左正言俄除給事中時童貫黃經臣與御史中丞盧航表裏爲姦首抗疏劾貫經臣奏未終上拂衣起禾引上衣衣裾落上曰正言碎朕衣矣禾言陛下不惜碎衣臣豈惜碎首以報陛下翌日貫等愆禾不祥語盧航奏禾

狂妄謫監信州酒起知廣德軍歷知秀州王黼得政禾不欲出黼門力辭改汝州辭益堅白寧餓死禾兄秉時爲壽春府教授禾侍兄官居適童貫領兵道府下調不得入覲之不受貫歸謝於上上曰此人素如此汝不能容耶久之知舒州命下卒

豐稷

豐稷字相之明州鄞人第進士爲穀城令以廉明稱從安燾使高麗大風檣折舟幾覆稷神色自若知封丘縣擢監察御史治章惇請託事無所移撓歷殿中

宋

卷十

十八

侍御史上疏哲宗願以洪範爲元龜祖訓爲寶鑑擢右司諫多糾正出知河南府章惇欲困以道路連歲亟徙六州徽宗立以左諫議大夫召道除御史中丞入對與蔡京遇京越班揖曰天子自外服召公中執法今日必有高論稷正色荅曰行自知之是日論京姦狀曾布得助嬖驥將拜相稷約其僚共論之蔡京得政安置台州徙建州復朝請即卒年七十五

陳次升

陳次升字當時仙遊人入太學時學官以王安石子

說訓諸生次升日丞相豈泰學邪美商快能行仁政而謂李斯解事非泰學而何坐屏斥既而第進士知安丘縣以薦爲監察御史哲宗立使察訪江湖提點淮南河東則獄紹聖中復爲御史轉殿中初章惇素下以次升在元祐間外遷意其不能無怨望下又與同鄉里故延寘憲府欲使出力助排衆賢而一無所附且上章論惇下柏黨爲姦又論下客周種貪鄙鄺居中檢佞由是惇下交惡之乘間白爲河北轉運使帝曰漕臣易得耳次升敢言不當去更進左司諫宜

宋

卷十

十九

仁有追廢之議次升密言先太后保佑聖躬始終無間願勿聽小人銷骨之謗呂升卿察訪廣南次升言陛下無殺派人之意而遣升卿出使升卿資性慘刻喜求人過乃止不遣次升累章劾章惇皆留中蔡卞誣其毀先烈擬謫監全州酒稅帝以爲遠改南安軍徽宗立召爲侍御史極論惇下曾布蔡京之惡繼除名政和中用赦恩復舊職卒年七十六

陳師錫

陳師錫字伯修建陽人游太學有偶聲神宗知其材

廷試擢第三調昭慶軍掌書記郡守蘇軾器之倚以爲政軾得罪捕請墓獄親朋多畏避師錫獨出錢之又安輯其家知臨安縣爲監察御史元祐初蘇軾三上章薦入爲秘書省校書郎徽宗立召拜殿中侍御史疏言元豐之末中外洶洶宣仁聖后再安天下委國而治者司馬光呂公著爾章惇誣其包藏禍心至於追貶頌早撼宸畧以慰中外之望蔡京爲翰林學士師錫言京與弟卞同惡邪洵武內行汙惡向宗回宗良亦陰爲京助出知穎廬滑三州坐黨論連削官

宋

卷十

二十

安置郴州卒年六十九

張庭堅

張庭堅字才叔廣安軍人進士高第歷官樞密院編修文字坐折簡別郭浩免徽宗召擢至右正言帝方銳意圖治進延忠鯁庭堅與鄒浩龔夬江公望常安民任伯雨皆在諫列一時翕然稱得人庭堅在職逾月數上封事是時議者往往指元祐舊臣庭堅爲帝言司馬光呂公著之賢又薦蘇軾蘇轍可用頗忤旨曾布因少其論帝命徙爲郎俄出爲京東轉運判官

改知汝州李清臣從而擠之改通判陳州初蔡京守蜀庭堅在幕府與相好及京還朝欲引以為已用庭堅拒之京大恨後遂列黨籍卒年五十七

龔夫

龔夫字彥和瀛州人進士第三僉書河陽判官從曾布於瀛紹聖初擢監察御史以親老求通判相州知洺州徽宗立召拜殿中侍御史始上殿即抗疏請辨忠邪以致太平時章惇蔡卞用事夫極論其惡請正俾典刑而下明示謹黜又論蔡京治文及甫獄本以

宋

卷十四

二十一

儼報私仇上誣宣仁歸咎先帝引用方天若類其傾險以為腹心又上疏乞正元祐后冊位號及元符后不當並立崇寧初元祐后再廢言者論夫首尾建言詔削籍編管房州逢赦令得歸卒年五十五第大壯少有重名清介自立從兄官河陽曾布欲見之不可得乃往謁夫邀之出從容竟日題壁間有得見兩龔之語夫為御史大壯勸使早去夫以為畏友

江公望

江公望字民表睦州人第進士建中靖國元年由太

常博士拜左司諫上疏曰神考與元祐之臣非有躬鉤斬祛之隙先帝信仇人而黜之陛下若立元祐為名必有元豐紹聖為之對而黨復立矣內苑稍畜珍禽奇獸公望力諫他日入對帝曰已縱遣之矣唯白鵲畜之久終不肯去先是帝以柱杖逐鵲鵲不去乃刻公望姓名於杖頭以識其諫蔡京為政編管南安軍赦還卒

陳祐

陳祐字純益仙井人第進士徽宗初自右正言遷右司諫言蔡卞在紹聖掌書命草呂天防劾鞏祿敵梁燕等制督務求合章惇之意陛下頃用臣言視其職自大名移楊州而希謝表其言皆出先朝歸過於君若再降知智州又論章惇蔡京蔡卞郝隨鄧洵武仲皆通判滁州下乞貶伯雨等祐在數中編管澧州卒

常安民

常安民字希古邛州人年十四入太學王安石稱其文欲見之安民堅不肯往第進士授應天府軍器判官遷成都府教授與安惇為同僚惇潛借請府帥

毀素所辱善者安民退謂惇曰若人不厚於君乎惇曰吾心實惡之姑面交耳安民曰君所為匿怨而友其人乃李林甫也惇笑曰直道還君富貴輸我安民應之曰處厚富貴天下事可知我當歸山林第恐累陰德爾惇銜之秩滿寓京師妻孫氏與蔡確之妻兄弟也確時為相安民惡其人絕不相聞調知長洲縣元祐初以薦擢大理鴻臚丞是時元豐用事之臣雖去朝廷然其黨分布中外起私說以搆特政安民竊憂之貽書呂公著曰陳蕃竇武協心同力天下想望

宋

卷十

二十三

太平然卒死曹節之手遂成黨錮之禍張東之五王中興唐室以謂慶流萬世及武三思得志至於竄移淪沒凡此皆前世已然之禍也歷開封府推官紹聖初召封為哲宗言今日之患莫大於士不知耻願獎進廉潔有守之士以厲風俗拜監察御史論章惇顯國植黨又論蔡京姦足以惑眾辨足以飾非巧足以移奪人主之視聽力足以顛倒天下之是非內結中官外連朝士又言今大臣為紹述之說皆借此名以報復私怨張商英在元祐時上呂公著詩求進近乞

毀司馬光及公著神監碑周秩為博士親定光謚為文正近為乞斲棺鞭尸大饗明堂劉賢妃從侍齋宮安民語頗切直帝微怒曾布與章惇不相能布始以安民數憾章惇意其附已屢稱之於朝其後安民併論布於是布與惇比而排之取所貽呂公著書白於帝他日帝謂安民曰卿上宰相書比朕漢靈帝何也董敦逸再為御史欲劾蘇軾兄弟安民謂二蘇負文章重望敦逸奏之惇徑擬監滁州酒稅至滁日親細務郡守魯肇約為山林之游曰謫官例不治事安民

宋

卷十

二十三

謝曰食焉而息其事不可滿三歲通判温州徽宗立朝論欲起為諫官曾布沮之提點永興軍路刑獄蔡京為相安惇亦在樞密陷安民黨籍卒年七十其後安惇之子坐法誅亦符陰德之謂云子同自有傳

傳楫

傳楫字元通仙遊人少自刻厲從孫覺陳襄學第進士歷官太學博士丞福清時受知郡守曾鞏弟布方執政由是薦為太常博士徽宗以端王就資善堂學進侍講翊善鄒浩得罪貶楫以謹行免官徽宗即位

歷中書舍人曾布自以汲引恩冀爲之用構畧無所  
傾下帝以舊學故多所延訪構每以遵祖宗法度安  
靜自然爲言在朝歲餘見事寔異竊嘆曰禍其始此  
乎遂上疏乞去以龍圖待制知博州卒

李昭玘

李昭玘字成季濟南人少與晁補之齊名登進士第  
提點永興京西東路刑獄坐元符黨奪官徽宗立召  
遷太常少卿韓忠彥欲用爲起居舍人曾布持之布  
使山陵命始下爲陳次升所論出知滄州崇寧初罷

孫翬

孫翬字叔靜錢塘人用父任登仕徽宗時由福建轉  
運判官召爲屯田員外翬微時與蔡京善常曰蔡子  
貴人也然才不勝德恐貽天下憂至是京還朝遇諸  
人致已意昭玘唯求秘閣法帖而已使陝西時延安  
小將車吉者被誣爲盜昭玘察知無他吉後立戰功  
至皇城使相遇京師以名馬爲獻笑却之晚知欽州  
辭不行靖康初復以起居舍人召而已卒

孫翬字叔靜錢塘人用父任登仕徽宗時由福建轉  
運判官召爲屯田員外翬微時與蔡京善常曰蔡子  
貴人也然才不勝德恐貽天下憂至是京還朝遇諸

塗京謂曰我若用於天子願助我馨曰公誠能謹守  
祖宗之法以正論輔人主示節儉以先百吏而絕口  
不言兵天下幸甚京嘿然既相出提點江東刑獄未  
幾入爲少府少監戶部郎中縣官用度無藝馨與尚  
書曾孝廣侍郎許幾共疏論之孝廣幾坐是罷而徒  
馨開封邑人子爲草祭之語指切蔡京馨以聞京怒  
誣以他謗予祠起知單州致仕卒年八十六

徐勣

徐勣字元功南陵人第進士調吳江尉選桂州教授  
王師討交趾轉運使勣勸從軍舒亶聞其名若以勣  
史薦勣惡亶爲人辭不荅求知建平縣入爲諸王官  
教授歷諸王府記室叅軍歷遷中書舍人詔與蔡京  
同校五朝寶訓勣不肯與京聯職固辭奏京之惡遷  
給事中上疏陳六事又言神宗正史更五閏未能成  
書蓋由范祖禹等專主司馬光家藏記事蔡京兄弟  
純用王安石日錄各爲之說故論議紛然帝初政銳  
欲損革新法曾布始以爲然已乃密陳紹述之說帝  
以問勣勣曰聖意得非欲兩存乎若不考其實姑務

兩存臣未見其可也又因論棄隍州請自今勿妄興  
邊事以貽後悔勅與何執中偕事帝於王邸蔡京每  
曲意事二人勅不少降節儀而遭憂京入輔執中亦  
預政擿勅行章惇詞以爲詆入黨籍大觀二年知太  
平州入覲極論茶鹽法爲民病蔡京自錢塘召還過  
勅微言撼之曰元功遭遇在伯通右伯通旣相矣勅  
笑曰人各有志除顯謨閣學士致仕卒年七十九

陳軒

陳軒字元輿建陽人進士第二元祐中累遷中書舍

人高麗入貢軒館客其使求市歷代史策府元龜抄  
鄭術曲譜皆爲上聞禮部尚書蘇軾勅其失體徽宗  
立爲兵部侍郎兼侍讀言比更定役法欲以寬民力  
而有司生事急切苟營贏羨散青苗以抑兼并拯困  
難不當以散多予賞侍經闈每以治貴清淨法文景  
之恭儉爲勸知成都不行改杭州福州卒年八十四

賈逵

賈逵棗城人隸拱聖爲卒至西染院副使從狄青征  
儂智高青誓衆不待令而舉者斬時左將孫節戰死

逵爲右將軍先鋒將私念所部兵數困易跡兵法先  
據高者勝卽日引軍趨山旣定賊至逵麾衆馳伏劍  
大呼斷賊爲二賊首尾不相救遂潰逵請罪青拊  
其背勞謝之邕州城空青使入括公私遺墜固辭是  
時將校多以搜城故匿竊金寶獨逵無所犯積遷至  
觀察留後元豐初拜殿前都指揮使卒年六十九

和斌

和斌字勝之郵城人選隸散直德順軍指揮使狄青  
南征使部騎兵倍道繞出賊後敗之仁宗拊勞權廣

宋

卷之八

八

西鈴轄政秦鳳廣西乞留秦州亦請之徙涇原召封  
盛言取交州有害無益神宗嘆曰卿質直如此兩路  
爭卿不誣矣安南人寇復徙廣西累遷皇城使昭州  
刺史撫水蠻羅世念犯宜州斌大敗世念知宜州遷  
面上閣門使知邕州以老請卒年八十七子詵以蔭至  
右武大夫威州刺史知雄州上制勝強遠弓式能破  
堅於三百步外邊人號爲鳳凰弓童貫攻燕召計事  
悅之坐規候不實劄州安置詵始與取燕之謀見事  
勢寢異又以爲不宜故平燕肆赦不得預後復官卒

張守約

張守約字希泰濮州人以蔭歷定州路駐泊都監徙秦鳳神宗開拓熙河召問曰王韶能辦事否對曰以天威臨之當無不濟但董氐忠勤效順恐不宜侵逼鬼章圍岷州守約提敢死士鳴鼓張幟高山上賊驚顧而遁知岷州從征靈武以機事言於高遵裕不聽果敗頌康州刺史夏人十萬屯南牟畏其名引去知涇州召為龍神衛四廂都指揮使道卒年七十五守約典七州皆有惠愛神宗嘗訪武臣可任者以燕達

宋

卷十

二十九

劉昌祚姚麟上崇極劉舜卿等對其後皆為名將云

王文郁

王文郁字周卿麟州人由供奉官歷麟府駐泊都監以功遷通事舍人神宗召見問曰向者招納香崖群議不一對曰竝邊生羌善馳突識鄉導儻能撫柔之所謂以外夷攻外夷也帝乃決意招納及知蘭州謀知夏人將大人清野以俟大破之收其尸為京觀徙知河州築安而城金城關累遷至冀州觀察使卒

李浩

李浩字直夫西河人務學通兵法以父定蔭積官供備庫副使著安邊策謁王安石安石言之神宗召對又從章惇於南江引兵城懿州進討黔江蠻復城黔江知蘭州坐西關失守及報上不實再貶秩旋以戰吃囉瓦井連立功復之哲宗即位再知蘭州卒

劉舜卿

劉舜卿字希元開封人父坊監鎮戎兵馬慶曆中與子堯卿戰死於好水舜卿年十歲錄為供奉官歷昌州駐泊都監論降澧水蠻八百人神宗經略西邊近

宋

卷十

三十一

臣薦其能及月狀遷至西上閣門使元祐初知熙州夏人聚兵天才連西羌鬼章青宜結先城洮州將大舉舜卿使姚兕部洮而崩武勝兵合河州熟羌構譟琛城又焚河橋絕西援種誼部洮東由哥龍谷宵濟拜金川黎明至臨洮城下一鼓克之俘鬼章斬敵數千計召還宿衛未上道卒贈奉國軍節度使

姚兕

姚兕字武之五原人以父寶戰沒定川錄右班殿直為環慶巡檢與夏人戰一矢斃其酋衆潰乘之遂破



蘭浪敵大舉寇遼國諸砦有悍酋臨陣甚武兇前射中其目斬首還明日來攻益惡兇又敗之敵退攻大順城兇復往救轉聞三日斬級數千卒全二城神宗召入覲試騎射賜槍袍帶卒於廊延摠管兇喜顏真卿翰墨曰吾慕其人耳第麟關中號二娘子雄古麟字君瑞初從兇兵間中矢透骨以強弩出其驥元豐西討以涇原副總管從劉昌祚出塞高遵裕敗還隆秩哲宗時王贍取青唐麟謂朝廷討伐方息肩奈何復生此大患已而贍果敗徽宗立進司徒卒雄字毅

關卷十四

三十一

夫少勇鷲有謀年十八卽佐父征伐紹聖中涓帥章棗城平夏雄部熙河兵策援明年虜攻平夏勢銳甚城幾不守雄與弟古合兵卻之王贍略地青唐羗人攻遼部詔雄與苗履援之徙河州神杵戰沒王贍軍陷敵中雄自部至遼四戰皆捷拔岷之建中靖國初議遼遼州詔訪雄利害雄以爲可棄遂賜趙懷德徙雄知熙州進華州觀察使蔡京治棄地罪再竄雄金州高永年死起雄推經畧熙河致仕卒

苗授

苗授字授之潞州人父京農曆中以死守麟州拒元昊投由國子生以蔭至供備庫副使王韶取洮鎮授爲先鋒破香子城論功第一授持議不苟合師征靈武韶援高遵裕卽條進退利害甚切歷遷武泰軍節度使卒年六十七子服士束髮從戎歷熙延渭秦四路鈐轄

郝質

郝質字景純汾州人少從軍挽疆爲第一充殿前行門爲大名路鈐轄討貝州賊平遷六宅使歷安德軍節度使神宗立易節度武軍爲都指揮使卒質篤於信義在并州與朝士董熙善約爲婿熙死家貧無依質已爲節度使竟以女歸董氏

劉昌祚

劉昌祚字子京真定人以父賀戰沒定州錄右班殿直遷至涇原副都摠管神宗命將西征詔與摠管兼麟率兵五萬受環慶高遵裕節制令兩路合軍以出旣入境而慶兵不至昌祚出胡盧川次磨臍隘夏累十萬扼險不可前昌祚挾酋先登敵小却師乘之

斬首千七百級進次鳴沙川取其窖粟遂薄靈州遵  
裕軍潰而還坐貶永興軍幹轄明年知延州時未寧  
方陷士氣不振得祥先脩馬政令軍中校技擊優者  
給馬夏人寇塞門安遠若拒破之殺其統軍葉忻麻  
碎理二人蓋始謀攻永樂者圖其形以獻哲宗立以  
節度使卒年六十八

燕達

燕達字逢辰開封人以才武隸禁籍郭逵招討安南  
為行營馬步軍副都總管神宗論之曰卿名位已重

宋

卷十七

三十三

不必親矢石也達頓首謝曰臣得感威靈滅賊雖死  
何憚初度嶺聞前鋒遇敵苦戰卷甲趨之士皆自奮  
師次富良江蠻賊聞船於南岸擊之大敗乃請降元  
豐中累進武康軍節度使卒

曲珍

曲珍字君玉隴干人世為著姓以材武長雄邊關珍  
從劉溫潤城古洲與羌戰先登陣陣為綏德城監押  
提孤軍拒寇斬其大酋加開門祗候郭遠趙尚南征  
珍功最著將從行謁武皇帝湯平川斬二千級徐禧

城永樂珍以兵從板築謀言夏人聚兵甚急珍請禧  
還米脂而自居守夏兵且濟珍欲乘未集擊之禧不  
許數日城陷珍絕而免神宗察無罪慰諭之元祐初  
為環慶副總管夏人寇涇原號四十萬珍搆虛馳三  
百里破之曲律山進忠州防禦使卒

張整

張整字成伯亳州人由供奉官為利文州都巡檢使  
邊夷歲鈔省地整募死士俟其來掩擊幾盡調荆湖  
將願拓溪蠻地築九城又破蠻於大田為廣西鈔

宋

卷十七

三十四

坐殺降徭貳官哲宗嘗召對擢都指揮使卒

王恩

王恩字澤之開封人以善射入羽林為河州巡檢遷  
涇原將嘗整軍出萬惠嶺士饑欲食恩倍道兼行裹  
洵洵已而遇敵數萬引兵先入壁井窺皆具諸將始  
服羌扣壁願見恩單騎徑出遙與語一夕羌引去哲  
宗召見語左右曰先帝時宿衛人皆傑異如此出為  
涇原副都總管城西安築臨羌天都十餘壘徽宗立  
以衛州防禦使徙熙河改知渭州括隱地數萬頃分

弓箭士耕屯以省餽餉迨巨獻車戰議帝以訪恩恩  
曰古有之然今非所習以檢校司徒致仕卒年六十  
二

趙隆

趙隆字子漸成紀人應募從王韶取熙河又從李憲  
破西市師討鬼章崇寧中鈐轄熙河預復鄯廓夏人  
寇湟原詔熙河深入師至鐵山陷先登徽宗召勞之  
童貫與論燕雲事隆極言不可知西寧州卒

劉仲武

宋

卷十五

三十五

劉仲武字子文秦州人熙寧中試射殿廷異等補官  
累為邊將副高永年西征仲武欲持重固壘永年易  
賊輕戰遂大敗仲武引咎自劾坐流嶺南命未下與  
夏人戰傷足朝廷閱而貸之以為西寧都護童貫招  
誘羗王子戚征僕哥收積石軍邀仲武計事仲武曰  
王師入羗必降僕哥果約降而索一子為質仲武即  
遣子錫往貫持其功亦不自言徽宗召勞之子九人  
悉命以官仲武累官瀘川軍節度使以老奉祠再起  
為熙州卒年七十三子錫有傳

張蘊

張蘊字積之開封將家子也從軍為小校隸劉昌祚  
西討以戰功賜金帶從征安南次富良江饗宴先濟  
衆隨之蠶遞走使巫被髮登崖為厭勝蘊射之應手  
而斃知綏德懷寧順寧軍等六城儲粟至三十萬斛  
將兵取宥州大破夏人又與宥州監軍戰敗之累遷  
副總管顯肅皇后母自鄭氏再適蘊徽宗屢欲以恩  
進其官輒力辭卒年七十三

宋列傳卷之十五

韓忠彥字伯琦子也隆為將作監第進士歷給

事中制行章傳為門下侍郎奏給事中東省為官

封駁宜先票而後上忠彥奏事當封駁則與沈政異

何稟議之有左僕射王珪為南郊大祀使事之當下

者自從其所畫旨忠彥以官制駁之元祐中累擢知

樞密院事紹聖中以觀文殿學士知真定府移定州

忠彥初以用兵西方非是願棄所取以息民力至是

坐降知大名府徽宗立召拜門下侍郎陳四事曰廣

仁恩開言路去疑似戒用兵踰月兼中書侍郎時獨

遺叙復流人忠直知名之士稍收用號小元祐云為

右相曾布黨所排出知大名府蔡京為相懷州居住

後致仕卒年七十二

崔鷗

崔鷗字德符陽翟人登進上第歷筠州推官徽宗初

為忠而天下皆曰姦倖狙詐凶險天下士大夫呼曰

倖賊京師語曰大倖小倖殃及子孫謂倖與御史中

丞安倖也除相州教授後蔡京籍上書人以鷗為邪

等免官欽宗立授右正言上疏口數十年來王公卿

相皆自蔡京出要使一門生死則一門生用一故吏

逐則一故吏來更持政柄無一人立異無一人害已

者此京之本謀也諫議大夫馮澥近上章曰士無異

論太學之盛也濟尚敢為此姦言乎王安石除異已

之人者三經之說以取士天下靡然雷同陵夷至于

大亂此無異論之效也仁宗英宗選敦朴敢言之士

以遺子孫安石目為流俗一切逐去司馬光復起而

用之元祐之治天下安於泰山及章倖蔡京倡為紹

述之論以欺人主紹述一道德而天下一於誦佞紹

述同風俗而天下同于欺罔紹述理財而公私竭紹

述造士而人材衰紹述開邊而塞塵犯闕矣以龍圖

閣直學士奉祠命下卒無子婿衛昂

張根

張根字知常德興人甫冠第進士歷遂昌令召詣闕

大觀中入對言陛下毀石刻除黨籍與天下更始而有司以大臣讐怨廢綱自如卽命爲轉運副使徒兩浙辭不行乃具疏付驛遞奏權倖側目尋以花石綱拘占漕舟官買一竹至費五十緡而多入諸臣之家因力陳其弊益忤權倖責監信州酒安置柳州尋以討淮賊功得自便終于家年六十子濤自有傳弟樸

任諒

任諒字子諒眉山人徙汝陽九歲而孤力學自奮年十四冠鄉書登高第歷河南戶曹以兵書謁樞密曾

宋

卷十五

三

布布使人邀詣闕既見覺不能合徑去布爲相猶欲用之諒子書規以李德裕事布始怒蔣之奇章案在樞府薦爲編修官布持其奏不下爲懷州教授徽宗見其所作新學碑曰文士也累官徽猷閣待制蔡京破東南轉般漕運法爲直達綱應募者率游手亡賴盜用乾沒漫不可核人莫敢言諒入對首論之童貫更錢法必欲鐵錢與銅錢等諒言爲六路害寢其策知京兆府宣和七年提舉上清寶錄宮脩國史初朝廷將有事於燕諒曰中國其有憂乎乃作書貽宰相

至是又言郭藥師必反帝不聽大臣以爲病在于嗣是冬金人舉兵犯燕山藥師叛降皆如諒言迺復起爲京兆未幾卒年五十八

周常

周常字仲修建州人登進士第以所著禮檀弓義見王安石呂惠卿二人稱之補國子直講元符初遷起居舍人郭浩得罪常于講席論救貶監郴州酒稅宗立召爲國子祭酒從容言元祐法度互有得失人才各有所長不可偏棄進中書舍人蔡京用事不能容

宋

卷十五

四

知湖州尋又奪職卒年六十七

上官均

上官均字彥衡邵武人神宗熙寧親策進士擢第二爲北京留守推官國子直講元豐中蔡確薦爲監察御史裏行時相州富人子殺人讞獄爲審刑大理所疑京師流言法官竇莘受賂蔡確引猜險吏數十人窮治莘等慘酷無敢明其寃均上疏言乞以獄事詔臣參治坐是謫光澤縣莘等卒無罪哲宗卽位擢監察御史蔡確弟碩盜貨官錢萬計獄既上均請正確

罪以厲百官張璪李清臣執政與正人異趣相繼擊去之歷殿中侍御史紹聖初召拜左正言時呂大防蘓轍已罷政均論防轍六罪竝再黜大防之禍由此起宰相章惇出吏部尚書彭汝礪知成都府召朱服為中書舍人均言汝礪不可出服不可用惇怒遷均工部員外郎徽宗立累遷給事中宰相欲盡循熙豐法度為紹述以風均均曰法度惟是之從無彼此之辨由是不協奉祠致仕卒

沈疇

宋

卷十五

五

沈疇字德侔德清人第進士崇寧中擢監察御史疇詣匭上十事言花石擾民土木弊國進殿中侍御史蔡京與蘓州錢獄欲陷章經兄弟遣開封尹李孝壽御史張茂直鞠之帝獨意其非辜遣疇及御史蕭服往代京啖以顯什疇至即決釋無佐證者七百人京大怒貶監信州酒稅卒子濬為左右正言

張汝明

張汝明字舜文廬陵人少入太學有聲國子司業黃隱妻以女登進士第滯州縣二十年大觀中擢監察

御史嘗攝殿中侍御史即日疏劾政府市恩招權以蔡京為首京憚之徙司門員外郎出通判寧化軍晚知岳州卒年五十四

毛注

毛注字聖可西安人第進士歷官殿中侍御史蔡京免相留京師注疏京擅持威福結葉夢得為腹心徽宗逐夢得而遷注侍御史逐極論京受孟昶妖姦之書與逆人張懷素游處引凶朋林摠置政府用所親宋喬年尹京遷左諫議大夫張商英為相言者攻之

宋

卷十五

六

力注亦言其無大臣體然訖以交通商英罷奉祠卒

石公弼

石公弼字國佐新昌人第進士調衛州司法叅軍章惇方求太學官或薦公弼使往見謝不往後歷宗正寺主簿遷侍御史論蘓杭造作局擾民之害請稍罷進奉蔡京始與公弼有連故因得進用至是意寢異京忌焉徙太常少卿大觀二年拜御史中丞公弼遂劾蔡京張商英入相欲引為執政不果京再相台州安置卒年五十五

洪彥昇

洪彥昇字仲達樂平人第進上歷監察御史遷殿中侍御史疏論蔡京再居元宰朋姦誤國右僕射張商英與給事中劉嗣明爭曲直事下御史彥昇並蔽罪商英知潭州未行卒

宇文昌齡

宇文昌齡字伯脩成都人進士甲科歷太常少卿詔議郊祀合祭昌齡力辨合祭之非後竟用其議徽宗立擢至戶部侍郎陝西餽芻糧於邊舊制令內郡轉給爲民病昌齡建言歲省糴價五百萬知青杭越三州卒于常字權可徽宗時提舉成都路茶馬是時馬政大壞盡革其弊馬遂溢額加直秘閣卒

許幾

許幾字先之貴溪人第進士歷顯謨閣待制知鄆州梁山濼多盜皆漁者窟穴幾籍十人爲保使晨出夕歸否則以告輒窮治無脫者幾善理財入戶部至尚書坐事再貶卒

鄭傑

鄭傑字彥能彭城人第進士累遷直龍圖閣陝西都

轉運使知寧州諸軍多殺老弱持首要償僅下令非疆壯而能生致者賞半之有內附羗追寇得老人不忍殺禽之乃其父也相持哭一軍感動召拜戶部侍郎知徐州卒年六十七

蒲自

蒲自字君錫閬州人母任知書里中號任五經自第進士歷提舉湖北京西常平崇寧均田轉運使將度費定稅自曰詔旨所以嘉惠元元非增賦也提舉潼川路刑獄有議榷酤於瀘叙間云歲可得錢二十萬自言先朝念此地夷漢雜居故弛其榷禁以惠安邊人乃止累官中大夫卒

陶節夫

陶節夫字子禮鄱陽人晉大司馬侃之後第進士崇寧中知延安府以招降羗有功加集賢殿修撰築石堡砦四城方議城銀州謀告夏人已東節夫料必西趨涇原乃遣裨將耿端彥疾驅至銀州五日城成夏人果從涇原至則城備已固遂遁去進樞密直學士

節夫久在延安蔡京張康國從中助之陳取典靈之策歷青秦二州知永興軍卒

鄭居中

鄭居中字達夫開封人第進士崇寧中遷中書舍人直學士院居中為貴妃從兄弟由是連進推會妃父紳客視安中者上書涉謗訕居中坐罷知和州大觀初同知樞密院蔡京以星變免趙挺之相與劉達謀盡改京所為政未幾帝悔更張之恭居中往來紳所知之即入見言陛下建學校典禮樂何所逆天而致

卷十五

七

威譴乎退語禮部侍郎劉正夫繼請對語同京再得政兩人之助為多居中原責報京不效乃與張康國比而間京妃正位中宮以嫌罷為觀文殿學士政和中再知樞密院累官特進時京總治三省益變亂法度居中每為帝言帝亦惡京專朝廷遣使與金約夾攻遼復燕雲蔡京童貫王之居中力陳不可燕山平進太保自陳無功不拜暴卒時又有安堯臣者亦嘗上書論燕雲事謂臣恐異時唇亡齒寒邊境有可乘之舉徽宗然之俾族子也

侯蒙

侯蒙字元功高密人進士及第由尉令擢至殿中侍御史崇寧星變求言蒙疏十事西將高永年死於羗帝怒親書五路將帥劉仲武等十八人姓名敕蒙往秦州逮治拜御史中丞蒙奏言羗殺吾一都護而使十八將繇之而死是自艾支體也帝釋不問進中書侍郎一日帝從容問蔡京何如人對曰使京能正心術雖古賢相何以加帝首領且使密伺京所為京聞而銜之中以事罷知亳州宋江寇京東蒙上書言江

卷十五

十

以三十六人橫行齊魏官軍數萬無敢抗者其才必過人今清溪盜起不若赦江使討方臘以自贖帝曰蒙居外不忘君忠臣也命知東平府未赴卒年六十八

徐處仁

徐處仁字擇之應天人進士甲科歷知金鄉縣以薦者召見徽宗問京東歲事以旱蝗對問盜賊曰有之上謂不欺除宗正寺丞太常博士時初置算學議所祖或以孔子贊易知數處仁言仲尼之道非專門比



黃帝迎日推策數之始也知青州徙知永興軍童貫使陝西欲平物價處仁議不合改知河陽落職召為醴泉觀使徽宗訪天下事論振兵裕民法蔡京不悅知楊州未幾以疾奉祠歸方臘為亂處仁亟見留守薛昂盡戰守事聞起為應天尹河北盜起徙大名以剛廉稱徽宗詔詢所以備全者處仁上備邊御戎十策欽宗即位金人犯京師處仁合鏡兵勤王詔以李綱為行營使即遣書綱言備禦方畧金人請和歸奏宜伏兵滹滑擊其半濟召為中書侍郎欽宗問割三

宋

卷十五

十一

鎮對不當棄吳敏以議合薦處仁可相拜兼門下侍郎處仁變前議與吳敏李綱異唐恪耿南仲聶山欲排去二人而代之位諷言者論之與敏俱罷高宗即位起為大名尹北道都總管卒處仁為首相無建明南都受圍時處仁在圍城中都人指為姦細殺其長子庚幼子度吏部侍郎

王安中

王安中字履道陽曲人進士及第仕州縣至御史中丞有徐種者以增廣鼓鑄之說媚于蔡京京王其言

安中獨論種時徽宗方鄉神仙蔡京引方士王仔者以妖術見安中請嚴臣庶往還之禁并言京欺君僭上蠱國害民數事上悚然納之已而再踞京罪金人來歸燕謀帥臣安中請行王黼贊於上授慶遠軍節度使遼降將郭藥師同知府事安中不能制時山後諸州俱陷惟平州為張覺所據金人入燕以覺為臨海軍節度使後叛金金人攻之覺敗奔燕金人來索急安中不得已縊殺之函其首送金郭藥師自是解體靖康初言者論其締合王黼童貫及不議蔡郭藥師叛命罷奉祠象州安置尋放自便卒

宋

卷十五

十一

唐恪

唐恪字欽叟錢塘人以蔭登第累官起居舍人中貴人稱詔有所市恪不答憤而歸中以他事降秩知梓州宣和初遷尚書為王黼所陷罷知滁州靖康初拜同知樞密院事金人邀割三鎮恪集廷臣議以為當與者十九恪從之使者既行諸道勤王兵大集輒諭止皆反旆而去泊金兵薄城下始悔之密請以太子居守而西幸洛欽宗將從其議而聞封尹何臬引種

軼所論謂周之失計未有如東遷之甚者帝以足煩地曰今當以死守社稷擢棗門下侍郎恪從帝巡城為都人遮擊策馬得脫御史胡舜陟劾恪罷棗代為相帝留金營金人議立張邦昌取百官推戴狀恪既書名仰藥而死

曹輔

曹輔字載德南劔州人第進士中詞學兼茂科歷秘書省正字自政和後帝多微行乘小轎子民間猶未知及蔡京謝表有輕車小輦七賜臨幸自是邸報聞

卷十五

三

四方而臣僚阿順莫敢言輔上疏令赴都堂審問太宰余深曰輔小官何敢論大事輔對曰大官不言故小官言之少宰王黼陽顧左丞張邦昌右丞李邦彥曰有是事乎皆應以不知輔曰曾此不知焉用彼相編管柳州凡六年欽宗立召為監察御史奏言宰相因循苟且誤國大計乞正其罪而罷黜之復面奏帝手詔褒諭王雲使金議加十六字徽號躡極陳屈已崇奉為失計且引魯仲連却帝秦之說奏疏願以和為名以戰為實因論朝廷宜急而緩者五事以獻金

人圖汴都何桌以宰相領守禦輔副之桌忌輔奏遣報謝虜軍輔留虜營七日而歸桌贊帝再詣金營輔曰虜意不可測桌屬聲詆輔輔復率馮濟說之桌堅不從卒如所料輔從二帝留軍中張邦昌請歸輔輔歸乞奉祠不從謁康王于濟州後至南京陳五事嘉納之康王即位仍舊職數日卒

李朴

李朴字先之興國人登進士第歷西京國子監教授程頤罷許之移處州教授以嘗言隆祐太后不當廢

卷十五

十四

處瑋華宮有詔推鞠忌者欲擠之死使人危言動之朴忝然無懼色坐勒停會赦注汀州司戶徽宗即位翰林承旨范純禮自言待罪四十六日不聞玉音謂朴曰某事豈便于國乎某事豈便于民乎朴曰承旨知而不言無父風也純禮泣下右司諫陳瓘薦朴召對首言熙豐以來政體屢變蔡京惡朴骨直復以為處州教授又嫉言者論朴欽宗即位半歲間五遷疾不能至高宗即位除秘書監赴召未至卒年六十五朴自為小官天下高其名蔡京俾所厚道意許以禁

從朴拒之中書侍郎馮熙載欲邂逅見朴朴笑曰不能見蔡京焉能邂逅馮熙載耶

李熙靖

李熙靖字子安晉陵人唐德裕九世孫也祖均父公弼皆進士第公弼崇寧初通判潞州以議三舍法不便使者劾其沮格詔令坐削黜以死熙靖擢第又中詞學兼茂歷右司員外郎以忤王黼貶秩滿罷乃拜中書舍人蔡攸又惡之出知拱州靖康初同譚世勣事龍德宮既相張邦昌憂憤廢食索筆書王維百官

卷十五

五

何日再朝天之句卒年五十三

譚世勣

譚世勣字彥成長沙人第進士教授柳州又中詞學兼茂科除秘書省正字以不附蔡京六年不遷京罷相方至吏部員外郎京起罷奉祠久之復擢至中書舍人又取嫉當路以閣職知婺州未行復留徽宗禪位同至管龍德宮世勣言守邊為上策守河則京畿自固中策也巡幸江淮會東南兵以捍敵下策也張邦昌借國稱疾臥不起以憂卒年五十四方金人立

張邦昌也有司趣百官入賀太學博士孫逢堅臥不起祠部員外郎俞汝礪捫其膝曰不能為賊臣屈遂掛冠去逢義不受汗憂憤而卒

梅執禮

梅執禮字和勝浦江人第進士歷武學博士或薦於宰相宰相以未嘗識面為嫌執禮聞之卒不往謁累遷禮部侍郎素與王黼善黼嘗置酒其第誇示園池妓妾之盛執禮曰方臘流毒殄瘁未息是豈宰相宴樂時乎退又戒以詩黼愧而銜之會孟饗原廟以顯

卷十五

六

譚閣待制知新州又奪職欽宗立除吏部尚書金人圍京都執禮勸帝親征請太上帝后皇后太子皆出避用事者沮之泊失守金人質天子遜金帛執禮與陳知質程振安扶皆至根索四人哀民力已困酋怒呼四人責之先取其副胡愛陟胡唐老姚舜明王侯各杖之百執禮等猶為之請俄遣還將及門呼下馬搃殺之而梟其首時靖康二年二月也年四十九

程振

程振字伯起樂平人少有軼材入太學徽宗幸學以

諸生右職除官為辟雍錄升博士方臘起振謂王黼宜乘此時建華天下弊事黼不憚太子薦之甚力遂擢給事中黼白振資淺且雅長書命請以為中書舍人侍郎馮熙載出知亳州黼怨熙載欲振詆以醜語振不從黼使言者劾為黨罷奉祠居三年復還故官欽宗即位進吏部侍郎與梅執禮等同遇害年五十七宣和崇道家之說振侍坐東宮從容言孔子以鷓鴣之詩為知道老子亦云為之于未有治之於未亂他日太子為徽宗道之徽宗竊而宦寺楊戩輩方大

宋

卷十五

七

興宮室懼不得肆因讒家令揚馮以為將輔太子幸非常徽宗震怒誅馮而太子之言亦廢

### 歐陽珣

歐陽珣字全美廬陵人徽宗時第進士歷將作監丞靖康元年金虜勢張甚朝議割河北絳磁深三鎮地講和珣率其友九人上書極言祖宗之地尺寸不可與與人及事急會羣臣議何樂而下三十六人無異詞珣復抗論願力戰戰敗而失地他日我師取之直今舉以與之他日我師取之曲時宰怒欲殺珣迺白

遣珣使虜軍割深州珣即取告身文書昇同年生戴特立日持此歸報吾家吾不生還矣遂行至深州城下慟哭謂城上人曰朝廷為姦臣所誤至此吾已辦一死來矣汝等宜勉為忠義金人怒執送燕遂死之

### 傅察

傅察字公晦兗州人年十八登進士第宰相蔡京遣子愷往見將妻以女拒弗答調青州司法叅軍歷遷吏部員外郎宣和七年十月遣接伴金使抵韓城鎮金人擁之東北去行百里許遇所謂二太子幹離不者領兵至諱道使拜察曰當以賓禮見何拜為幹離不怒殺之時年三十七

宋

卷十五

七

### 李若水

李若水字清卿曲周人元名若水上舍登第歷太學博士靖康初欽宗選使金者議以賦入贖三鎮若水預焉召對賜今名遷著作佐郎見粘罕于雲中繼歸兵已南下明年金人再邀帝出郊帝殊有難色若水以為無他慮扈從以行金人計中變帝易服若水抱持而哭詆金人為狗輩金人曳出擊之或勉之若

水嘆曰天無二日若水寧有二主哉其僕亦來慰解曰公父母春秋高若水叱之曰吾不復顧家矣粘罕指宋朝失信若水曰若以失信爲過公其尤也歷數其五事罵不絕口監軍者過破其唇喫血罵愈切至以刀裂頸斷舌而死年三十五高宗卽位謚忠愍有自北方逃歸者云金人相與言遼國之亡死義者十數南朝惟李侍郎一人臨死無怖色歌詩曰矯首問天今天辛無言忠臣效死今死亦何愆

劉韜

宋

卷十五

九

劉韜字仲偃崇安人第進士累官守真定金人已謀南牧朝廷方從之求雲中地韜謀得實急以聞且陰治城守是冬金兵抵城下知有備乃退自金兵之來諸郡皆塞門民坐困韜獨縱樵牧如平日以時啓關欽宗善之拜資政殿學士京城不守始遣使金營金人命僕射韓正館之正曰國相知君今用君矣韜曰倫生以事二姓有死不爲也沐浴更衣酌卮酒而終年六十韜初在西州爲童賈所知故首尾預其軍事及以忠死論者不復短其前失云子子羽子聲孫拱

吳華

吳華字義夫華陽人廷祚七世孫也少好學喜談兵再試禮部不中從涇原軍以乘義郎幹辦經畧司公事金人南牧帥兵解遼州圍使粘罕軍庭揖不拜詔持節諭陝西行至朱僊圍金人犯京師復還與張叔夜同入城陳事宜皆不聽上皇后妃太子出郊華白孫傳乞留之不得乃與傳謀先誅范瓊瓊黨給華入帳卽執之脅以從逆華罵之極口引頸受刀其麾下百人皆死時河南府少尹阮駿率所隸兵擁護神御

宋

卷十五

十

殿罵不絕口被害駿興化軍人紹聖進士

何臬

何臬字文鎮仙井人政和五年進士第一歷中書舍人兼侍講已而留爲御史中丞論王黼十五罪黼抗章請去而猶豫未決臬繼上七章黼及其黨胡松年胡益等皆罷臬亦出知秦州欽宗立進中書侍郎會宰相王卞割三鎮臬論辨不已帝頗悟臬請建四道總管使統兵入援而唐恪耿南仲薛昌相與謀止之康王在河北信使不通臬建議立爲元帥密草詔藁上

之金兵陷都城命梟使其營桌與若水勸帝再幸遂  
留不返既陷朔廷仰天大慟不食死年三十九

孫傳

孫傳字伯野州人登進士第中詞學兼茂科靖康元  
年為兵部尚書上章乞復祖宗法度欽宗問之傳曰  
祖宗法惠民熙豐法惠國崇觀法惠姦欽宗詰金營  
以傳輔太子留守金人來索太上帝后諸王妃主傳  
留太子不遣密謀匿之以給金人越五日無肯承共  
事者遂以留守事付王時雍而從太子死朔廷

宋

卷十五

五

陳過庭

陳過庭字賓玉山陰人登進士第初名楊廷徽宗改  
焉歷御史中丞兼侍讀睦寇竊發過庭言致寇者蔡  
京養寇者王黼又朱勔父子罪惡盈積由是大與權  
貴迕既外除旋責海州團練副使黃州安置欽宗立  
擢至尚書時議遣大臣割地與金朕南仲聶昌辭過  
庭曰主憂臣辱願效死帝固遣二人及城陷過庭亦  
行因留金軍不得還卒于燕山年六十

張叔夜

張叔夜字禧仲耆之孫也以蔭歷官開封少尹獻文

召試制誥賜進士出身遷右司員外郎從弟克公彈

蔡東京遷怒叔夜貶監西安草場久之知海州宋江

起河朔轉略十郡官軍莫敢嬰其鋒叔夜募死士得

千人設伏敗之禽其副將江乃降靖康改元金人南

下四道置帥叔夜領南道都總管金兵再至欽宗手

札趣入衛即自將中軍子伯奮將前軍仲熊將後軍

合三萬人至都入對言賊鋒方銳願暫詣襄陽以圖

幸雍帝領之連四日與金人大戰斬其貴將二人帝

宋

卷十五

五

遣使齎蠟書以褒寵叔夜之事檄告諸道然迄無赴

者城陷叔夜被劍猶父子力戰車駕再出郊叔夜因

起屠叩馬而諫帝曰朕為生靈之故不得不親往叔

夜號慟再拜眾皆哭帝迴首字之曰禧仲努力金人

議立異姓叔夜謂孫傳曰今日之事有死而已移書

二帥請立太子以從民望二帥怒追赴軍中至則抗

請如初遂從以比道中不食次白溝馭者曰過界河

矣曼然起仰天大呼不復語卒年六十三

陳東

陳東字少陽丹陽人以貢入太學欽宗即位率其徒  
伏闕上書論今日之事蔡京壞亂于前梁師成陰謀  
于後李彥結怨于西北朱勔結怨于東南王黼童貫  
又結怨于遼金初開邊隙宜誅六賊傳首四方以謝  
天下明年春貫等挾徽宗東行東獨上書請追貫還  
正典刑又請誅六賊時師成尚留禁中東發其前後  
姦謀乃論死李邦彥議與金和李綱及种師道王戰  
邦彥因小失利罷綱而割王瓌東復率諸生伏宣德  
門上書請復綱舊職付种師道以闕外之事軍民從  
者數萬傳旨慰諭衆莫肯去方昇登聞鼓搥壞之喧  
呼震地有中人出衆鬻而磔之於是亟詔綱入復領  
行營金人既解去學官觀望時宰議屏伏閔之士先  
自東始京尹王時雍欲盡致諸生于獄朝廷用楊時  
爲祭酒復東職遣聶山詣學撫諭然後定胡敏欲弭  
謗議奏補東官賜筴除太學錄東又請誅蔡氏且力  
辭官以歸歸復豫薦高宗即位五日相李綱又五  
日召東至未得對會綱去乃上書乞留綱而罷黃潛  
善注伯彥不報請親征以還二聖會布衣歐陽澈亦

上書言事潛善遂以語激怒高宗言不亟誅將復鼓  
衆伏闕府尹孟庾召東東具冠帶出別同邸乃與澈  
同斬于市四明李猷贖其尸瘞之時年四十有三越  
三年高宗感悟並追贈優錄其後及駕過鎮江遣守  
臣祭東墓

### 歐陽澈

歐陽澈字德明崇仁人靖康初應制條敵政陳安邊  
禦敵十策高宗卽位南京伏闕上封事極詆用事大  
臣遂見殺時年三十七許翰在政府聞之遂力求罷

爲東敵著哀詞

### 徐徽言

徐徽言字彥猷西安人少爲諸生大觀二年賜武舉  
絕倫及第以功累遷武經郎知晉寧軍兼嵐石路治  
邊安撫使金人忌徽言欲速授晉寧以除患建炎二  
年冬自蒲津涉河圖之先是徽言移府州約折可求  
夾攻金人可求降金將奘宿挾至城下以招徽言徽  
言故與可求爲姻迺登陴以大義數之因出兵縱擊  
遂斬奘宿字董之子金人攻之不已徽言置妻子室

中積薪自焚因拔刀自擬左右持之急金兵至挾脅  
言以去妻宿飲以酒持盃擲妻宿曰我尚飲汝酒乎  
謾罵不已遂射殺之枯字聞其死怒妻宿曰爾麤狼  
何專殺義人以逞爾私治其罪

楊邦乂

楊邦乂字希稷吉水人以舍選登進士第歷婺源尉  
知溧陽縣會叛卒周德據府城殺官吏邦乂立縣囚  
趙明於庭欲誅之因論之曰爾皆里中之豪誠能集  
汝徒以爲邑人誅賊飲之卮酒使自去翌日討平之

朱十五

朱十五

建炎中金人至江上杜克率麾下降金人濟江逼建  
康守陳邦光及督餉戶部尚書李稅具降狀逆十里  
亭金帥完顏宗弼既入城稅邦光官屬迎拜惟邦乂  
不屈膝以血書衣裾曰寧作趙氏鬼不爲他邦臣翌  
日宗弼等與稅邦光宴堂上立邦乂于庭邦乂叱稅  
邦光有劉團練者以紙書死活二字邦乂奪筆書死  
字大罵宗弼遂殺之剖取其心年四十四

李誠之

李誠之字茂欽東陽人受學呂祖謙鄉舉第一入大

李冠合亦第一慶元初釋褐爲饒州教授歷官知縣  
州嘉定十四年二月金人犯淮南募死士拒戰累敗  
之會黃州失守誠之敵厲將士勉以忠義城陷率兵  
巷戰殺傷相當于士免戰死誠之引劔將自頸呼其  
妻曰城已破汝等宜速死無辱妻許及婦若孫皆赴  
水死從誠之死者通州秦鉅

朱十五

朱十五



宋列傳卷之十六

李綱

李綱字伯紀祁武人自其祖始居無錫父夔終龍圖閣待制綱登政和二年進士第歷官監察御史以言事忤權貴改比部員外郎遷起居郎宣和元年京師大水綱疏言陰氣太盛當以盜賊外患為憂朝廷惡其言謫監沙縣稅務七年為太常少卿時金人渝盟邊報狎至朝廷議遊敵之計詔起師勤王命皇太子為開封牧令侍從陳所見綱上禦戎五策具語所善

宋

卷十六

一

給事中吳敏勸帝禪位皇太子欽宗立綱上封事李鄴使金議割地綱奏不可除兵部侍郎靖康元年以吳敏為行營副使綱為參謀官金將幹離不兵渡河徽宗東幸宰執議請上暫避敵鋒綱議當堅守請自治兵乃以綱為尚書右丞宰執猶守避敵之議有旨以綱為東京留守綱為上方陳所以不可去之義綱治守戰之具不數日而軍中人知有備又聞上已內禪乃退求遣大臣至軍中議和綱請行上遣李梈綱謂金所需金幣割三鎮煩親王三事皆不可許俟大

宋

卷十六

二

兵四集方與之盟宰執議不合綱不能奪求去上慰諭之綱退則指書已行以皇弟康王少保張邦昌為質時四方勤王之師漸有至者綱奏其食盡力疲然後以一檢取指書復三鎮縱其北歸半渡而擊之姚平仲急于要功先期舉事綱率諸將且出封丘門與金人戰却之平仲竟以襲敵營不克懼誅亡去金使來宰相李邦彥語之曰用兵乃李綱姚平仲非朝廷意遂罷綱以蔡懋代之大學生陳東等請闕上書明綱無罪召綱知樞密院事綱奏請如澶淵故事遣兵護送且戒諸將可擊則擊之乃以兵十萬分道竝進將士受命踴躍而行已追及金人於邢趙間遽得還師之命無不扼拳比綱力爭復追而將士解體矣北兵已去太上還宮上下恬然置邊事不問綱獨以爲憂與樞密許翰議調防秋之兵吳敏乞置詳議司檢詳法制以革弊政詔以綱為提舉官取南仲沮止之上以綱為河東北宣撫使綱辭不許臺諫言綱不可去朝廷上斥其爲綱游說手書裴度傳以賜時方議和詔止綱進兵未幾徐處仁吳敏罷而相唐恪

許翰罷同知樞密院而進聶山陳過庭李山等吳敏復謫置涪州綱聞之嘆曰事無可為者矣未幾以專主戰議喪師費財落職予祠金兵再至上悟和議之非除綱資政殿大學士康王卽位拜尚書右僕射兼中書侍郎中丞顏岐奏曰張邦昌為金人所喜宜增重其禮李綱為金人所惡宜及其未至罷之章五上曰如朕之立恐亦非金人所喜帝為罷顏岐與祠而諫議大夫范宗尹亦以論綱黜為知州綱猶力辭上溫言勉受命因效姚崇要說獻十事因泣拜曰臣

卷十

三

不可與邦昌同刻當以笏擊之陛下必欲用邦昌第罷臣乃詔邦昌謫潭州吳弁莫儻而下遷謫有差綱又言靖康之禍能仗節死義者在內惟李若水在外惟霍安國願加贈恤上從其請綱請于河北置招撫司河東置經制司擇有材略者為之上問誰可任者綱薦張所傳亮所嘗為監察御史在靖康圍城中以蠟書募河北兵士民得書喜曰朝廷棄我猶得一張察院能援而用之應募者凡十七萬人亮者先以邊功得官嘗治兵河朔都城受圍亮率勤王兵三萬人

屢立戰功故綱薦之又進三疏曰募兵曰買馬曰募民出財以助兵費諫議大夫宋齊愈聞而笑之謂虜部員外郎張浚曰李丞相三議無一可行者齊愈將極論之浚曰公受禍自此始矣綱奏臣嘗言卓駕巡幸之所關中為上襄陽次之建康為下未幾有詔欲幸東南避敵綱極論詔墨未乾遽失大信于天下上乃許幸南陽黃潛善汪伯彥實陰主東南之議綱言招撫經制臣所建明張所傳亮臣所薦用今潛善伯彥沮所及亮所以沮臣初金人議立異姓宋齊愈自

宋

卷十

四

敵所來吏部尚書王時雍入問之齊愈書張邦昌三字時方論僭逆附偽罪遂逮齊愈戮東市張浚為御史劾綱以私意殺侍從且論買馬招軍之非綱罷奉祠建炎三年帝治行宮于臨安紹興二年盜擾鼎豐潭三州除綱湖廣宣撫使兼知潭州綱至盜乎上言荆南一帶皆當屯宿重兵倚為形勢使四川之號令可通襄漢之聲援可接議未及行呂頤浩言綱縱暴諫官徐俯劉棻劾綱罷奉祠四年冬金人及偽齊來攻綱具防禦三策金人退師詔問羣臣攻戰守備措

置綏懷之方綱上疏奏上為賜詔褒諭除江西安撫  
制置大使兼知洪州張浚以鄜墮事引咎去相言者  
引漢武誅王恢為比綱奏張浚區區狗國之心有可  
矜者願少寬假以責來效車駕在建康將幸平江時  
綱已罷聞而上疏及聞王倫使還復上疏曰王倫與  
金使偕來以詔諭江南為名不著國號而曰江南不  
云通問而曰詔諭此何禮也九年除知潭州具奏力  
辭十年正月辛酉年五十八孝宗謚忠定綱負天下之  
望每宋使至燕山必問李綱趙鼎安否朱熹嘗稱為

宋 卷十  
木  
一世之偉人云

趙鼎

趙鼎字元鎮開喜人幼孤力學登崇寧五年進士第  
對策斥章惇誤國累官開封士曹金人陷太原朝廷  
議割三鎮鼎曰祖宗之地不可與人已而京師失守  
二帝北行金人議立張邦昌鼎與胡寅張浚逃太學  
中不書議狀高宗即位除權戶部員外郎張浚在樞  
密薦之除司勳郎官上幸建康詔條具防秋事宜鼎  
言宜擇精兵以備儀衛其餘兵將分布江淮使敵莫

測巡幸之定所上嘉納之久雨詔求開政鼎言當罷  
王安石配享除繁京之黨遷殿中侍御史劉光世部  
將王德擅殺韓世忠之將而世忠亦率部曲奔建康  
守府解鼎言德總兵專殺漸不可長遂付鼎鞠之鼎  
又請下詔切責世忠而指取其將吏付有司治罪地  
兵至江上上幸會稽召臺諫議去留鼎陳戰守避三  
策拜御史中丞言經營中原當自關中始經營關中  
當自蜀始欲幸蜀當自荆襄始吳越介在一隅非進  
取中原之地疏呂頤浩過失凡千言上罷頤浩會幸

宋 卷十  
木  
金宗除節度使鼎言金宗非軍功忤旨出奉祠召拜

參知政事時紹興四年也宰相朱勝非兼知樞密院  
鼎所條奏勝非多沮抑之邊報沓至拜尚書右僕射  
同平章事時劉豫于麟與金人合大入舉朝震恐鼎  
論戰禦之計諸將各異議獨張俊以為當進計鼎是  
其言張浚久廢鼎言浚可大任乃召除知樞密院命  
浚往江上視師上語浚曰趙鼎真宰相親書忠正德  
文四字賜鼎又賜御書尚書一帙曰書所載君臣相  
戒飭之言欲卿共由斯道張浚在江上嘗遣其屬呂

社入奏事所言誇大鼎每抑之後後因論事語意微  
侵鼎上言臣初與浚如兄弟因呂祉離間浚嘗奏乞  
幸建康而鼎與折彥質請回蹕臨安登浚還乞乘勝  
攻河南且罷劉光世軍政鼎言擒豫則易耳然得河  
南能保金人不內侵乎光世累世為將無故罷之恐  
人心不安浚滋不悅鼎以觀文殿大學士知紹興府  
七年鄺瓊以全軍降偽齊浚引各去位召鼎入對拜  
尚書左僕射同平章事鼎嘗關和議與秦檜不合及  
鼎爭豫國封事拂上意檜乘間擠鼎出知紹興府檜  
事執政使鼎不為禮檜益憾之始浚薦檜可與共  
大事鼎再相亦以為言然檜機穽深險外和中異  
浚初求去有旨召鼎鼎至越旬祠檜惡其逼已徙知  
泉州又諷謝祖信御史中丞王次翁論鼎鼎自泉州  
歸復上書言時政檜忌其復用諷次翁又論論居與  
化軍論者猶不已潮州安置中丞詹大方誣其受賄  
屬潮守放編置人移吉陽軍鼎謝表曰白首何歸悵  
餘生之無幾丹心未泯誓九死以不移檜見之曰此  
老倔強猶昔在吉陽三年潛居深處門人故吏皆不

宋

卷十

七

敢通問惟廣西帥張宗元時饋醪米檜知之命本軍  
月具存亡申報鼎遣人語子汾曰檜必欲殺我我死  
汝曹無患不爾禍及一家矣先得疾自書墓中石記  
鄉里及除拜歲月至是書銘旌云身騎箕尾歸天上  
氣作山河壯本朝屬其子乞歸葬不食死孝宗諡忠  
簡其孫十有二人中與賢相以鼎為稱首云

張浚  
張浚字德遠緜竹人父咸舉進士賢良兩科浚入太  
學第進士靖康初為太常簿張邦昌僭立逃入太學  
中聞高宗即位馳赴南京歷吏部侍郎建炎三年春  
金人南侵車駕幸錢唐留朱勝非于吳門桿禦以浚  
同節制軍馬邑而牀非召浚獨留會苗傅劉正彥作  
亂浚勸與謀于張俊起兵齎臘書約呂頤浩劉光世  
以兵來會而命俊分兵扼吳江上流其黨皆伏誅浚  
謂中興當自關陝始慮金人或先入陝取蜀則東南  
不可保遂慷慨請行詔以浚為川陝宣撫處置使范  
瑗入朝特做浚奏誅之分其軍隸神武然後行金人  
取郾延燒將婁宿李堇引大兵渡渭攻永興已而窺

宋

卷十

八

江淮浚卽治軍入衛至房州知金人北歸復還關陝  
檄五路帥悉所部兵來會以復永興命劉錫統之初  
浚問計于諸將曲端吳玠郭浩皆謂虜鋒方銳宜分  
守要害以待其弊浚不以爲然金人聞出師急調兀  
朮等由京西入援至富平諸將議戰吳玠謂地勢非  
利敵驟至軍大潰浚退保興州貶劉錫斬環慶帥趙  
哲浚命吳玠收秦鳳兵扼險于和尚原大散關以斷  
敵來路關師古等收熙河兵于岷州大潭孫渥賈世  
方等收涇原鳳翔兵于階成鳳三州以固蜀口紹興

卷十

九

元年吳玠兩敗金人特拜浚檢校少保定國軍節度  
使浚以劉子羽爲上賓任趙開爲都轉運使擢吳玠  
爲大將曲端素有威望然嘗與王庶吳玠有隙浚初  
欲起用端後卒下端獄論死會有言浚殺趙哲曲端  
無辜而任子羽開玠非是朝廷疑之三年遣王似副  
浚浚求解兵柄奉祠浚既去國慮金人窺東南乃上  
疏極言未幾劉豫之子麟果引金人入攻高宗思浚  
前言策免朱勝非趙鼎請幸平江乃召浚入見除知  
樞密院事浚既受命卽廿赴江上視師兀朮聞之夕

遁五年同平章事浚與鼎同心輔治時巨寇楊么據  
洞庭屢攻不克浚請行至潭賊衆二十餘萬相繼未  
降湖寇盡平浚遂奏遣岳飛屯荆襄以圖中原浚乃  
自鄂岳轉淮東大會諸將議防秋之宜高宗召對便  
殿進中興備覽浚奏劉光世在淮西軍無紀律遂罷  
光世時岳飛被命赴都督府與浚議事飛言王德用  
瓊呂祉揚存中皆不可領光世淮西軍浚不聽瓊果  
叛執祉歸劉豫浚悔不用飛言引咎求去初浚嘗薦  
秦檜共政及是上問可代者且曰秦檜何如浚曰近

卷十

十

與其事方知其開檜由是憾浚遂予祠浚去國幾二  
十載檜怙寵固位謂浚爲國賊必欲殺之以張炳知  
潭州汪召錫使湖南使副浚張常先使江西治張宗  
元獄林連及浚捕趙鼎子汾下大理令自誣與浚謀  
逆會檜死乃免二十五年復觀文殿大學士判洪州  
浚時以母喪將歸葬念天下事二十年爲檜所壞會  
星變求直言浚謂金人數年間勢決求彙用兵而大  
臣沈該萬侯高湯思退等謂敵于我無彙笑浚爲狂  
臺諫湯鵬舉凌哲論浚落職奉祠三十一年春有旨

自便浚至潭上疏請早定戰守之策未幾金亮兵大入浚州潭州改命州建康三十二年車駕幸建康浚迎拜道左浚起廢復用風采隱然軍民皆倚爲重孝宗卽位召浚入見賜坐進封魏國公史浩參知政事浚所規畫浩必沮之會王宰殿前司李顯忠建康都統邵宏淵亦獻策金帥紘石烈志寧率兵至顯忠與戰連日小不利忽謀報敵兵大至顯忠夜引歸至符離諸軍大潰浚降授特進江淮宣撫使是役也廷臣皆議浚失策御書賜浚曰前日舉事之初朕與卿任之今日亦須與卿終之復召浚子枋奏事尋詔復浚都督之號金師僕散忠義貽書三省樞密院索四郡及歲幣檜黨湯思退爲右相急於求和遂遣盧仲賢持書報金復以王之埴爲通問使龍大淵副之浚爭不能得未幾召浚入見復力陳和議之失孝宗爲止指書留之拜浚同平章事議進幸建康詔之望等還思退聞之大駭陽爲乞祠狀而陰與其黨謀爲陷浚計浚亦請解督府詔從其請浚留平江凡八章乞致仕改醴泉觀使朝廷遂決棄地求和之議浚旣去猶

卷十六

主

上疏諭尹穡姦邪必誤國事行次餘干得疾手書付二子曰吾爲相不能恢復中原雪祖宗之耻死不當葬先人墓左葬衡山下足矣年八十計聞孝宗震悼贈太師謚忠獻浚終身不王和議每議定都大計以爲東南形勢莫如建康錢塘僻在一隅易於安肆不足以及號召北方子枋自有傳枋弟杓杓子忠恕杓字定叟所至以治辦稱南渡以來論尹京者以杓爲首忠恕字行父以祖任監樓店務入府幕帟侂冑奪民間許嫁女夫家以告忠恕白尹歸其父母累遷司農丞知寧國府夏旱常平使者欲均濟勿勸糶忠恕所見寔異以言去奉祠起知鄂州歷戶部郎官入對言邊事其慮至遠理宗卽位忠恕移書史彌遠請取法孝宗行三年喪寶慶初詔求直言忠恕陳八事其五曰陛下于濟王之恩自謂彌縫曲盡矣然自始至今率誤于含糊始魏了翁嘗勉忠恕無贖家聲及是曩曰忠獻有後矣真德秀聞之更納交焉忠恕又因輪對引伯父枋告孝宗之語曰當求曉事之臣不求辦事之臣欲求仗節死義之臣必求犯顏敢諫之臣力

卷十六

主

請外以直秘閣知贛州言者指為用比落職

李光

李光字泰發上虞人登崇寧五年進士第歷官司封  
首論士大夫諛佞成風又言怨嗟之氣結為妖沴王  
黼惡之欽宗擢右司諫上皇東幸儉人聞兩官光請  
集議奉迎典禮又奏朱勔李彥蔡京王黼竭天下之  
財遷侍御史時言者猶主王安石之學光言蔡京兄  
弟祖述其說五十年間毒流四海羣出寅良間耿南  
仲輩皆謂應在外夷不足憂光奏孔子作春秋不書  
齊弑君蓋欲使人君恐懼脩省未聞以災異歸之外  
夷也疏奏監汀州酒稅高宗卽位建炎三年車駕自  
臨安移躡建康除知宣州潰將邵青自真州擁舟數  
百艘剽當塗蕪湖兩邑間光招諭之遺米二千斛青  
喜謂使者曰我官軍也所過皆以盜賊見過獨李公  
不疑我於是秋毫無犯歷擢吏部侍郎光奏疏極論  
朋黨之害晉元帝區區草創劉琨祖逖與逆胡拒戰  
石季龍重兵已至歷陽命王導都督未聞專主避敵  
如今日也上欲移躡臨安被旨節制臨安府大將韓

世清本苗傅餘黨授光淮西招撫使光假道至郡世

清入謁縛送闕下伏誅秦檜既罷呂頤浩朱勝非並  
相光議論素與不合言者指光為檜黨秦檜初定和  
議將揭榜檜言光有人望若同押榜浮議自息遂用  
之同郡楊埜上光書責以附時相光極言戎狄狼子  
野心不可恃備不可徹檜惡之光旬去中丞萬侯  
高論光怨望責授藤州安置移瓊州仲子孟堅坐陸  
升之誣以私撰國史獄成呂愿中又告光與胡銓詩  
賦倡和譏訕朝政移昌化軍年踰八十以郊恩任便  
居住至江州卒幼子孟傳有傳

詩翰

許翰字崧老襄邑人登進士第宣和中為給事中為  
書抵時相願罷雲中之師高麗入貢調民開運河民  
聞騷然中書舍人孫傳論高麗於國無功不宜興大  
役傳坐罷翰謂傳不當黜時相怒落職奉祠欽宗卽  
位復以給事中召尋改御史中丞上疏言邊事因陳  
決勝之策張邦昌為太宰翰上疏力爭之种師道罷  
翰言師道名將不可使解兵柄坐言落職奉祠高宗



卽位李綱薦召權門下侍郎黃潛善等請罷宗澤翰  
極論以爲不可綱能翰力求去高宗未許會潛善奏  
誅陳東翰曰吾與東皆爭李綱者求去益力落職卒

翟汝文

翟汝文字公選丹陽人登進士第歷除秘書郎三館  
士建議東封汝文曰治道貴清淨今不啓上述三代  
禮樂而師秦漢侈心非所願也徽宗不悅責監宿州  
稅欽宗召爲翰林學士楊應誠請使高麗圖迎二帝  
汝文奏其欺罔除叅知政事忤秦檜面劾汝文專擅

王庶

右司諫方孟卿助檜論之罷去卒

王庶字子尚慶陽人舉進士第歷陝西運判欽宗欲  
幸襄鄧以庶副席益爲京西安撫使高宗立知延安  
府累立戰功先是河東經制使王燮既遁歸留守宗  
澤承制以庶權陝西制置使庶傳檄諸路會期討賊  
涇原統制曲端雅不欲屬庶端謀欲誅庶不果庶自  
劾罷後張浚自富平敗歸並召之庶地近先至力陳  
撫秦保蜀之策勸浚收熙河秦鳳兵扼關隴爲後圖

浚不納版授庶叅議官庶因謂端有反心浚始有殺  
端意有譏于浚者落職奉祠紹興六年除湖北安撫  
使知鄂州趨闕上因燕見庶言陛下欲紹復大業非  
都荆不可曹操所以畏關羽者也上大異之拜樞密  
副使命措置江淮邊防庶力詆和議知潭州御史中  
丞勾龍如淵論罷之又以御史胡汝明言責道州安  
置卒子之奇乾道中知樞密院事

鄭穀

鄭穀字致剛建州人舉進士歷御史臺主簿張邦昌  
傳號穀挺身見高宗于元帥府卽位擢至諫議大夫

苗傅劉正彥等逆亂穀庭立面折二凶退見呂頤浩

議與復朱勝非言穀面折事拜御史中丞穀遣所親  
謝嚮變姓名微服爲賈人徒步如平江告張浚等起  
兵穀又奏人君位號豈容降改上復辟進僉書卒

張守

張守字子固晉陵人登進士第中詞學兼茂科歷擢  
監察御史丁內艱去建炎初召還改官上在維揚粘  
罕將自東平至泗淮以窺行在宰相汪伯彥黃潛善



以為李成餘黨不足畏上召百官議葉夢得請上南  
巡阻江為守張浚亦奏敵執方張宜且南渡守獨  
疏先是守嘗論呂頤浩不當獨任張浚不可西去與  
上意異乞補外以趙鼎言遷翰林學士除叅知政事  
守嘗薦汪伯彥沈與求劾其短奉祠未幾知紹興府  
改知福州累請去郡召還力丐祠知紹興府復除叅  
知政事張浚罷劉光世兵柄而欲以呂祉往淮西撫  
諭諸軍守以為不可不聽遂有躑躅之變浚謫永州  
守亦引咎請去八年正月上自建康將還臨安守言

朱十一本

上

建康自六朝為帝王都可為別都以圖恢復趙鼎持  
不可守力求去知婺州徙知紹興府會朝廷遣三使  
者括諸路財賦所至以鞭撻立威守求入覲為上言  
之詔追還三使秦檜當國不悅守亦不自安復奉祠  
建康謀帥上曰建康重地惟張守可至鎮數月卒守  
嘗薦檜於時宰張浚及檜為樞密使同朝一日守在  
省閣執浚手曰守前者誤公矣孫抑戶部侍郎

李邴

李邴字漢老任城人登進士第累官試中書舍人北

方用兵酬功第賞日數十百邴辭命無留難遷至翰  
林學士嘗預禁中曲晏徽宗命賦詩未幾坐言者罷  
奉祠欽宗除徽猷閣待制知越州再奉祠高宗即位  
復原官踰歲召為兵部侍郎苗傅劉正彥迫上遜位  
邴草詔請得御札而後敢作時御史中丞鄭毅又抗  
疏言於是邴毅同僉書樞密院事邴與張守分草百  
官章奏三奏三答及太后手詔與復辟赦文一日而  
具拜尚書右丞改叅知政事呂頤浩論不合罷邴間  
居十有七年卒于泉州年六十二

朱十一本

本

沈與求

沈與求字必先德清人登進士第累遷殿中侍御史  
論范宗尹年少為相恐誤國事高宗不悅以直龍圖  
閣知台州宗尹罷召還論朱勝非赴鎮太緩致馬進  
陷九江勝非罷去遷御史中丞兩浙轉運副使徐康  
國自温州進發宣和間所製間金銷金屏障伴物與  
求奏康國以微物累盛德乞斥而焚之仍顯黜康國  
從之紹興四年出知鎮江府召叅知政事金人將入  
寇上諭輔臣曰朕當親總六軍與求贊之上書車攻

詩以賜五年兼權知樞密院事六年張浚出視師不告同列與求嘆曰大事不與問何以居位遂丐祠罷出知明州卒

韓肖胄

韓肖胄字似夫相州人曾祖琦祖忠彥再世為相父治肖胄以蔭歷開封府司錄徽宗問其家世賜同上舍出身除衛尉少卿使遼時治守相州請祠肖胄使還因乞補外侍疾詔除秘閣知相州代其父任建炎三年知江州入為祠部郎應詔陳五事擢工部侍郎

卷十六

七

時召侍從議戰守計肖胄條奏十餘言高宗稱善紹興三年拜端明殿學士克通問使以胡松年副之肖胄慨然受之肖胄至金知其家世甚重之往返纔半年自帝即位使者凡六七年未嘗報聘至是遣人偕來肖胄先北使入對與朱勝非議不合力求去以舊職知温州奉祠五年起知常州召丸行在除僉書樞密院事和議以定復命肖胄為報謝使其還給轎車及頓遞宴設肖胄始除資政殿學士知紹興府尋奉祠以其弟膺胄寓居于越幾十年事母以孝聞弟

不至不食所得恩澤皆先給宗族卒年七十六議凡穆琦守相作畫錦堂治作榮歸堂肖胄又作榮事堂三世守鄉郡人以爲榮

胡松年

胡松年字茂老懷仁人政和二年上舍釋褐補雍州教授累遷中書舍人時方有事燕雲松年累草拂時相意予祠高宗時密奏中原利害召赴行在出知平江府未入境貪吏解印歛跡奏防江利害除給事中奏恢復中原必自山東始山東歸附必自登萊密始

卷十六

手

王倫使金還金人欲再遣重臣討議以松年試工部尚書副肖胄以行時使命久不通人皆疑懼松年毅然而往還拜吏部尚書謀報劉豫欲憑籍金人侵我疆鄙詔松年往江上與諸將會議進討因規賊情帝決意親征遂次平江命松年權叅知政事俄以疾奉祠卜居陽羨卒年六十

呂好問

呂好問字舜徒侍讀希哲子也以蔭補官崇寧治黨事好問以元祐子弟坐廢欽宗擢至御史中丞建白

荆王安石王爵正神宗配製褒表江公望張庭堅任伯雨龔夬等除青苗之令滿元符上書獲譴者章前後數十上金兵既退好問言金人得志益輕中國當速講求禦敵之備及邊警急大臣不知所出遣使講解好問言彼名和而實攻請亟集滄滑邢相之戍以遏奔衝而列勤王之師于畿邑以衛京城都城失守帝再幸金營好問實從帝既留遣好問還尉撫都城已而金人立張邦昌以好問為事務官始金人謀以五千騎取康王好問以書白王宜遠避且言大王若不自立恐有不當立而立者既又語邦昌遣人推戴則功無在相公右者高宗即位除尚書右丞侍御史王寅論好問背汗偽命高宗曰好問心跡非他人比好問自慙力求去且言邦昌僭號之時臣若閉門潛身實不為難徒以世被國恩所以受賢者之責冒圖齋書陛下疏入除知宣州奉祠避地卒于桂州子本中孫祖謙祖儉皆有傳

劉珪

劉珪字希范長與人登崇寧進士第初游太學以書

遺中書舍人鄒浩曰公始為博士論取士之失免所居官在諫省訴宮掖之非遠遷嶺表豈逆計禍福遂後日報哉固欲蹈古人行也今信任踰曩昔而拱嘿不言天下之士竊有疑焉浩愧謝宣和中權監察御史坐言事知舒州留為主客員外郎靖康初除中書舍人李綱出知揚州珪言峻琦好水之敗解絳西州之敗皆不免黜責綱勇于報國銳于川兵聽用不審數有敗劾宜降黜以示懲戒綱改官祠吏部侍郎馮澥言珪持兩端為綱遊說珪遂與祠建炎初以舊職召遷給事中論內降營繕二事曰除授不歸中書工後領之內侍此人言所以籍籍也孟忠厚那煥除從官珪封還言舊制外戚未有為兩禁官者隆祐太后奉神主如江西詔珪從行至洪州金人攻吉州分兵追太后舟至太和縣衛兵皆潰珪奉太后退保虔州言者論不已連責紹興初許自便卒于梧州

呂頤浩

呂頤浩字元直齊州人登進士第累官徽猷閣待制河北都轉運使伐燕之後頤浩以轉輸隨軍既得燕

山爲燕山府路轉運使願浩奏門邊極遠其執難守又奏燕山河北危急五事徽宗怒褫職尋復焉高崇卽位除知揚州車駕南幸進至戶部尚書劇賊張衆數萬屯金山願浩單騎與韓世忠造其壘論降之金人逼揚州駕幸錢塘拜同僉書樞密院事兼知江寧府明受之變願浩約張浚及諸將合兵討賊上言與衰撥亂事屬艱難請亟復明辟以圖恢復遂以兵發江寧前傳劉正彥之黨託旨請願浩單騎入朝願浩奏所統將士忠義所激可合不可離傳等懼乃請

宋

卷十六

五

高宗復辟朱勝非罷相以願浩同平章事願浩在位尤專恣趙鼎論其過章十數上願浩求去尋除江東安撫制置大使兼知池州李成馬進敗淮南民未復業詔以願浩兼宣撫領壽春府滁廬和州無爲軍張琪自徽犯饒州願浩大破之拜左僕射同平章事紹興二年上自越州還臨安願浩開府鎮江詔還朝願浩既還欲傾楨力引朱勝非爲助楨免相願浩獨秉政屢請興師復中原李綱宣撫湖南願浩言綱縱暴無善狀李光在江東與願浩書官綱有大節願浩稱

光結黨言者因論光罷之時方審量濼賞願浩時有縱舍右司郎官王岡持不可曰公秉國鈞不平謂何侍御史辛炳殿中常同論其罪奉祠帝在建康除願浩少保知臨安府進封成國公八月上將還臨安除少傅兼知建康府行宮留守願浩引疾求去未幾卒謚忠穆願浩有膽略善鞍馬弓劍自江東再相胡安國以書勸願浩法韓忠獻以至公無我爲先報復恩讎爲戒願浩不能用

秦檜

宋

卷十六

五

秦檜字會之江寧人登政和五年第補密州教授繼中詞學兼茂科歷太學博士靖康元年金兵攻汴京遣使求三鎮檜上兵機四事不報連遷左司諫金二節堅欲得地集百官議檜等三十六人持不可未幾除御史中丞汴京失守二帝留金營金命立異姓意在張邦昌監察御史馬伸言于衆曰吾曹職爲爭臣豈容坐視時檜爲臺長即進狀金人怒取檜詣軍前二帝北遷檜從至燕山又徙韓州上皇聞康王卽位作書貽粘罕與約和議俾檜潤色之以厚賂達粘罕

會金主吳乞買以檜賜其弟捷懶為任用捷懶攻山陽檜挈家自軍中取連水軍水砦航海歸行在建炎四年十月也檜入見拜禮部尚書賜金帛檜自言殺金人監已者奔舟而來朝士多疑之惟宰相范宗尹副樞李回與善力薦其忠未對前日帝命先見宰執檜首言如欲天下無事南自南北自北及首奏所草與捷懶求和書始朝廷雖數遣使但且守且和而專與解讎議和實自檜始蓋檜在金庭唱此議故捷懶縱之歸也紹興元年除叅知政事領范宗尹罷之

檜

卷十一

十一

檜揚言曰我有二策可變動天下或問何以不言檜曰今無相不可行也八月拜右僕射同中書宰相分任內外於是帝以檜專理庶務呂頤浩自江上還謀逐檜給事中胡安國每言檜賢于張浚諸人遂目安國為黨魁而為黃龜年所劾落檜職二年金使來求還還北俘與檜前議合議者益知檜共謀以右相張浚薦赴講筵七年正月授樞密始張浚與趙鼎相得甚浚先達力引鼎嘗共論人材浚劇談檜善鼎曰此人得志吾無所措足矣浚以勳瓊事求去帝求可代

者與浚論及檜浚曰近與其事方知其關於是趙鼎復相檜因此憾浚檜在樞府惟聽鼎鼎深信之卒為所傾鼎與浚晚遇于闕言及此始知皆為檜所賣八年三月拜右僕射同平章事吳敦復有憂色曰姦人相矣五月金遣使議和與王倫偕至檜三留身奏事乞決和議初帝擇宗室育宮中者曰瑗曰瑛瑗先建節封建國公及是帝出御札除瑛節度使封吳國公樞密副使王庶呼曰並后匹嫡此不可行鼎約檜同奏面納御筆及見帝檜並無一語尚既去檜獨專國

檜

卷十一

十一

決意議和胡銓上疏願斬檜與王倫以謝天下貶韶州凡排和議者相繼被謫擢勾龍如淵為中丞有異議者輒擊去張浚在永州馳奏力言以石晉劉豫為戒徐俯連南夫岳飛皆因賀表寓諷他如秘書省正字汪應辰等咸言金人叵測迪功郎張行成獻詢堯嘗皆豫備之策檜悉加黜責十年金人果敗盟分四道入侵諸郡相繼陷沒帝始大怪御史中丞王次翁奏曰前日國是初無主議事有小變則更用他和願陛下以為至戒帝深然之次翁所奏蓋指為檜地故

檜位復安時岳飛克郾城幾獲兀朮張浚等所向皆  
 奏捷而檜力王班師盡收諸將兵權以給事中范同  
 策也遂定和議兀朮遣檜書令殺岳飛遂下飛詔獄  
 十二年加大師趙鼎王庶胡登既皆遺竄至是遇赦  
 衆不檢舉張俊本助和議居位歲餘無去意檜諷江  
 邈論罷之初枯罕行軍至淮上檜嘗爲草檄爲其左  
 右室燃所見洪皓歸致室燃語檜意士大夫莫有知  
 者因憾皓令李文會論罷之胡舜陟以非笑朝政下  
 獄死張九成以鼓唱浮言貶明年貶黃龜年以前嘗  
 論檜也檜乞禁野史又命子熺領國史二十年正月  
 殿司小校施全挾刃伺檜趨朝刺之不中礮于市二  
 十四年熺子敷文開待制頃試進士舉省殿試皆第  
 一檜從子焯焯姻黨曹冠周夤沈與傑等並上第考  
 官則魏師遜湯思退鄭仲熊沈虛中董德元帝讀焯  
 策皆檜熺語降第三未幾煥修撰實錄院宰相子孫  
 同領史職前所無也二十五年檜黨侍御史徐嘉奏  
 趙鼎子汾與趙令衿有密謀下大理獄使汾自誣與  
 張浚李光胡寅及令衿謀大逆凡當時賢士五十二

人皆與焉獄成而檜病不能書熺奏請代居相位者  
 帝曰此事卿不當與帝遂命學士草檄父子致仕制  
 卒贈申王謚忠獻檜陰險如崖奔深阻不可測兩據  
 相位蓋十九年劫制君父包藏禍心倡和議誤國一  
 時忠臣良將誅鋤略盡凡論人章疏皆捨手自操筆  
 以授言者識之者曰此老秦筆也自其爲相以來易  
 執政二十八人皆世無一舉其俊易制者如孫近韓  
 肖胃樓炤王次翁范同万侯高程克俊李文會楊愿  
 李若谷何若段拂汪勃詹大方余堯弼丞俊章夏宋  
 續史才魏師遜施鉅鄭仲熊之徒率拔之冗散多自  
 言官聽檜彈擊輒以政府報之然甫入卽罷去惟王  
 次翁閱四年以金初敗盟次翁有力於檜也檜晚尤  
 恣橫郡國事唯申省無一上聞者檜死帝方言之且  
 曰今日始免防檜逆謀矣開禧用其遺奪王爵改謚  
 謚其後史彌遠奏復之寶祐二年理宗復命太常  
 禮正謂輔臣曰謚謬很可也

宋列傳卷之十七

宗澤

宗澤字汝霖義烏人登元祐進士第歷官登州通判朝廷遣使由登州結女真盟海上謀夾攻遼澤語所親曰天下自是多事矣退居東陽結廬山谷間靖康元年中丞陳過庭等列薦假宗正少卿使金議和議者謂澤剛方不屈恐害和議上不遣命知磁州磁經敵騎蹂躪之餘人民逃徙柝廩枵然澤至繕城壁浚隍池治器械募義勇始為固守不移之計除河北義兵都總管康王再使金行至磁澤迎謁曰肅王一去不返今敵為詭辭以至大王願勿行王遂回相州有鬴以澤為副元帥從王起兵入援澤言宜急會兵李園渡斷敵歸路不聽迺自將兵趨渡道遇比兵遣秦光弼張德夾擊大破之曹輔齋蠟月欽宗手詔至自京師言和議可成澤曰金人狡譎是欲緩我師爾澤以孤軍進連敗金人金人逼二帝比行澤聞即提軍欲徑渡河據歸路邀還二帝而勤王之師卒無一至者又聞張邦昌僭位欲先行誅討會得大元帥府書

約移師近都按甲觀變澤復書於王改知青州時年六十九矣李綱薦知開封府王善者河東巨寇也擁衆欲據京城澤單騎至善營泣謂之曰朝廷當危難之時使有如公一二輩豈復有敵患乎今日乃汝立功之秋不可失也善感嘆曰敢不効力遂解甲降時楊進號沒角牛王再與李貴王大郎等各擁衆數萬往來侵掠為患澤遣人諭以禍福悉招降之上疏請上還京俄有詔荆襄江淮悉備巡幸澤上疏言士大夫之懷忠義者莫不願陛下亟歸京師以慰人心除京城留守兼開封尹時金遣人以使偽楚為名至開封府澤曰此名為使而實覘我也拘其人乞斬之有詔所拘金使延至別館澤曰臣愚不敢奉詔以彰國弱岳飛犯法將刑澤一見奇之曰此將才也會金人攻汜水澤以五百騎授飛使立功贖罪飛大敗金人而還遂升飛為統制澤上疏曰京師天下腹心也兩河雖未收寧特一手臂之不信爾今遽欲去之非惟一臂之弗瘳且并與腹心而棄之矣又上條五事其一言黃潛善汪伯彥贊南幸之非澤前後建議輒為

潛善等所抑每見澤奏疏皆笑以爲狂金將粘罕據  
西京與澤相持澤遣部將李景良間中立郭俊民領  
兵趨鄭遇敵大戰中立死之後民降景良遁去澤捕  
得景良斬以徇旣而俊民與金將史姓者及燕人何  
仲祖等持書來招澤澤數俊民曰汝夫利志尚爲忠  
義鬼今反爲金人持書相誘何面目見我乎斬之謂  
史曰我受此土有死而已汝爲人將不能以死敵我  
乃欲以兒女子語誘我乎亦斬之謂仲祖曾從貸之  
王策者本遼酋爲金將往來河上澤擒之解其縛坐  
堂上爲言契丹本宋兄弟之國今女真辱吾王又滅  
而國義當協謀雪耻策感泣願效死因問敵虛實得  
其詳遂決大舉之計疏諫南幸澤威聲日著北方聞  
其名常畏憚之對南人言必曰宗爺爺澤前後請上  
還京二十餘奏每爲潛善等所抑潛善等又疑澤爲  
變以郭仲甸爲副留守伺察之澤憂憤疽發於背嘆  
曰出師未捷身先死長使英雄淚滿襟翌日風雨晝  
晦無一語及家事但呼過河者三卒建炎二年七月  
也年七十子穎居戎幕素得士心澤卒數日將士去

者十五都人請以穎繼父任會朝廷已命杜克留守  
穎以穎爲判官克反澤所爲頗失人心穎屢爭之不  
從乃請持服歸自是豪傑不爲用羣聚城下者復起  
而爲盜而中原不守矣

岳飛

岳飛字鵬舉湯陰人世力農父和能節食以濟饑者  
有耕侵其地割與之貰其財不責償飛好左氏春秋  
孫吳兵法未冠挽弓三百斤弩入石學射于周同盡  
其術能左右射同走朔望設祭于家人義之宣和中  
應募累功遷秉義郎隸留守宗澤戰開德曹州皆有  
功澤慮其好野戰非萬全計授以戰鬪飛曰陣而後  
戰兵法之常運用之妙存乎一心耳高宗卽位飛上  
書請乘敵穴未固親率六軍北渡則將士作氣中原  
可復以越艱奪官歸詣河北招討使張所所待以國  
士問曰汝能敵幾何飛曰用兵在定謀勇不足恃因  
說以收復河北所大喜命從王彥渡河至新鄉金兵  
盛彥不敢進獨飛引所部屢戰又戰太行山擒金將  
拓跋耶烏居數日復遇敵飛單騎持丈八鐵鎗刺殺



黑風大王敵敗走飛知與彥有隙復歸宗澤及卞尤  
代澤飛累功授真州刺史杜克將還建康飛諫不聽  
遂與俱歸師次鐵路步過賊張用至六合遇奉成與  
戰皆敗之時命克守建康金人與成合寇烏江克閉  
門不出飛泣諫請視師克竟不出金人遂由馬家渡  
渡江克遣飛等往迎戰王燮先遁諸將皆潰獨飛力  
戰兀朮趨杭州要擊至黃州累戰皆捷金所籍兵相  
謂曰此岳爺爺軍爭來降附建炎四年兀朮攻常州  
飛移屯宜興遣王貴等追破胡盜郭吉又遣辦士盡  
降其衆兀朮次龍灣飛馳至新城太破之兀朮奔淮  
西遂復建康紹興元年張俊請飛同討李成奏飛功  
第一二年賊曹成擁衆十餘萬據道賀二州命飛招  
成成不從飛連破其衆三年虔吉道連兵寇掠溇梅  
廣惠南安建昌汀邵諸郡帝乃命飛平之飛入見帝  
手書精忠岳飛字製旗以賜四年除兼荆南鄂岳爲  
制置使奏襄陽等六郡爲恢復中原基本兀朮劉豫  
合兵圍廬州帝手札命飛解圍金兵一戰而潰五年  
授飛鎮寧崇信軍節度未幾加檢校少保六年張浚

至江上會諸大帥獨稱飛與世忠可倚大事命飛屯  
襄陽與窺中原曰此君素志也七年入見帝從容問  
曰卿得良馬否飛曰臣有二馬日啖芻豆數斗飲泉  
一斛然非精潔即不受介而馳初不甚疾比行百里  
始奮迅自午至酉猶可二百里襍鞍甲而不息不汗  
若無事然此其受大而不苟取力裕而不求逞致遠  
之材也不幸相繼以死今所乘者日不過數升而秣  
不擇粟飲不擇泉攬轡未安踣躍疾驅甫百里力竭  
汗喘殆欲斃然此其易盈好逞易窮蓄鈍之材也帝  
稱善拜太尉飛數見帝論恢復之略命節制光州飛  
方圖大舉會秦檜王和飛以議鄴瓊事忤飛即日  
上章乞終喪步歸廬母墓浚怒奏以張宗元監其軍  
帝累詔趣飛還職飛力辭凡六日趨朝待罪帝慰遣  
之八年還軍鄂州金遣使將歸河南地飛言和好不  
可恃相臣謀國不減恐遺後世譏檢銜之九年以復  
河南大赦飛表謝有唾手燕雲復讎報國之語授開  
府儀同三司飛力辭謂今日之事可訓兵飭士謹備  
不虞而不可論功行賞取笑敵人十年金人攻拱亳

劉錡告急命飛馳援飛遣張憲姚政赴之帝賜札曰  
設施之方一以委卿族不遠度所遣諸將相繼奏捷  
大軍在頽昌諸將分道出戰飛自以輕騎駐郿城兵  
勢甚銳兀朮以諸帥易與獨飛不可當飛累戰皆捷  
中原大震飛進軍朱仙鎮距汴京四十五里與兀朮  
對壘而陣遣驍將以背鬼騎五百奮擊大破之兀朮  
遁還方指日渡河而檜欲盡河以北棄之諷臺臣請  
班師飛奏時不再來機難輕失檜知飛志銳不可回  
乃先請張俊楊沂中等歸而後言飛孤軍不可久留  
乞令班師一日奉十二金字牌飛既歸所得州縣旋  
復失之飛力請解兵柄不許自廬入覲帝問之飛拜  
謝而已十一年諜報金分道渡淮帝起飛應援凡十  
七札飛方苦寒噉力疾而行又恐帝急於退敵乃奏  
臣如搆虛勢必得利若以爲敵方在迤未暇遠圖欲  
乞親至斬黃以議攻却帝得奏大喜師至廬州金兵  
望風而遁飛還兵于舒以俟命時和議既決檜患飛  
異已乃密奏召三大將論功行賞韓世忠張俊已至  
飛獨後檜又用叅政王次翁計俟之六七日既至授

樞密副使位叅知政事飛在諸將中年最少以列校  
拔起累立顯功世忠俊不能平飛屈已下之金人攻  
淮西俊分地也俊始不敢行師卒無功飛聞命卽行  
遂解廬州圍帝授飛兩鎮節益耻楊么平飛獻俊  
世忠樓船各一兵械畢備世忠大悅俊反忌之兀朮  
遺檜書必殺飛始可和檜亦以飛不死終梗和議已  
必及禍故力謀殺之以諫議大夫萬俟卨與飛有怨  
諷高劾之又諷中丞何鑄侍御史羅汝楫交章彈論  
論張俊令劫王賈誘賈誣告張憲謀還飛兵檜遣使  
捕其父子證張憲事使者至飛笑曰皇天后土可表  
此心初命何鑄劾之飛裂裳以背示鑄有盡忠報國  
四字深入膚理鑄明其無辜改命萬俟卨命評事元  
龜年取行軍時日雜定傳會其獄歲暮獄不成檜妻  
贊其決檜手書小紙付獄卽殺飛死時年三十九子  
雲素市籍家貧徙家嶺南幕屬于鵬等從坐者六人  
飛被收時其女痛父寃負銀瓶死井中大理寺丞李  
若樸何彥猷大理卿薛仁輔並言飛無罪尚俱劾去  
宗正卿士傑請百口保飛以竄死汾州進士智決建

州布衣劉允升各上書訟寃智決編管袁州允升下獄死飛獄之將上韓世忠詣檜詰之檜曰岳飛與張憲書雖不明其事體莫須有世忠曰莫須有二字何以服天下洪皓在金蠟書馳奏以爲金人畏服惟飛以父呼之諸酋聞其死酌酒相賀飛至孝母李水漿不入口三日家無姬侍吳玠遺名妹結驩飛曰主上宵旰豈大將安樂時以豪飲帝戒之曰卿異時到河朔乃可飲遂絕不飲帝初爲飛營第飛辭曰敵未滅何以家爲或問天下何時太平飛曰文臣不受錢武

卷十七

七

臣不惜死天下平矣卒有取民麻一縷以束芻者立斬以徇卒夜宿民開門願納無敢入者軍號凍死不折屋餓死不鹵掠卒有疾躬爲調藥凡有頒犒均給軍吏善以少擊衆猝遇敵不爲之動敵爲之語曰撼山易撼岳家軍難張俊嘗問用兵之術曰仁智信勇嚴關一不可帝手書曹操諸葛亮羊祜三事賜之飛跋其後指操爲姦賊尤檜所忌紹興末太學程宏圖訟飛寃詔飛家自便其後建廟於鄂號忠烈謚武穆理宗改謚忠武五子雲雷霖震霆雲養子年十二從

張憲多得其力軍中呼曰贏官人飛征伐未嘗不與數立奇功飛軀隱之張俊廉得其質奏乞推異數特旨遷三資飛累表不受顏昌大戰無慮十數出入行陣體被百餘槍甲裳爲赤提舉醴泉觀年二十三雷閣門祗候霖數文閣待制霖子珂以淮西十五御札辨驗彙次凡出師應援之先後皆可考嘉定間爲額天辨証集五卷天定錄二卷上之康朝散大夫寔脩武郎

張所

卷十七

七

十一

張所貴州人登進士第靖康初爲監察御史高宗卽遣所按視陵寢還疏言河北河東天下根本昨者倏用姦臣之謀始割三鎮繼割兩河其民怨入骨髓至今無不扼掌且論還京師有五利又條上兩河和賽止欲以其事付所會所言黃潛善姦邪不可用江州安置後李綱入相薦所克河北招撫使河北轉運副使張益謙附潛善意奏所置司北京非是命下樞密院汪伯彥猶用其奏請貴招撫司李綱與伯彥爭于上前伯彥語塞所方招來豪傑以王彥爲都統制

岳飛為準備將而李綱已罷所落職嶺南安置卒

劉子羽

劉子羽字彥脩崇安人父幹宜和未歷衛尉丞幹守  
真定子羽辟從會金人入寇父子相攜死守金人不  
能拔而去除直秘閣幹死難免喪累除樞密院檢詳  
文字建炎中大將范瓊擁強兵江西召之弗來來又  
不肯釋兵知樞密院事張浚與子羽密謀誅之一日  
命張浚以千兵渡江若備他盜者使皆甲而來因召  
浚瓊及劉光世赴都堂議事為設飲食食已諸公相

東

卷十七

十一

顧未發子羽坐廡下恐瓊覺取黃紙趨前舉以麾瓊

下曰行勅將軍可詣大理置對瓊愕不知所為子羽  
顧左右擁至與中衛以俊兵送獄光世出撫其眾浚  
宜撫川陝辟子羽參議軍事至秦州立幕府節度五  
路諸將規以五年而後出師明年除徽猷閣待制子  
羽即自請奉命北出子羽命吳玠玠和尙原紹興元  
年金人復聚兵來攻再為玠所敗浚移治開州子羽  
請獨留河池調護諸將以通內外聲援浚許之二年  
浚承制拜子羽利州路經略使通陝輸粟二鎮遂安

除寶文閣直學士是冬金人犯金州三年王彥失守

退保石泉子羽亟移兵守饒風嶺馳告玠玠馳至張  
浚欲移漳關子羽遺浚書言已在此金人必不南浚  
乃止撤離曷由斜谷北去浚乃勦師卒全蜀子羽之  
力居多與元四年坐富平之役與浚俱罷尋為言者  
所論責授單州團練使玠始為裨將未知名子羽獨  
奇之薦於浚至是玠訟于羽之功請納節贖其罪詔  
聽子羽自便十一年張浚薦復原官秦檜諷諫官論  
罷之復與祠卒弟子翬子琪

東

卷十七

十一

韓世忠

韓世忠字良臣延安人風骨偉岸目瞬如電早年驚  
勇絕人能騎生馬駒家貧無產業嗜酒尚氣不可繩  
檢年十八以勇敢應募隸赤籍崇寧四年西夏騷動  
那訓兵捍禦世忠在遣中斬關殺將累破其眾再轉  
進勇副尉宣和二年方臘反世忠以偏將從王淵討  
之賊敗而遁世忠窮追至睦州擒殺殆盡積功至武  
節郎欽宗即位詔諸路勤王兵領所部入衛會金人  
退河北總管司辟選軍鋒統制累功遷嘉州防禦使

康王如濟州世忠領所部勸進金人縱兵逼城世忠據西王臺力戰翌日酋帥率衆數萬至時世忠戲下僅千人單騎突入斬其酋長康王卽皇帝建炎二年帝如揚州粘罕聞世忠拒淮陽乃分兵萬人趨揚州自以大軍迎戰世忠不敵夜引歸敵麟之軍潰於沐陽閭門宣贊舍人張遇死之在陽城收合散亡得數千人聞帝如錢塘卽諱海道赴行在苗傅劉正彥反與張浚張俊誅之授檢校少保兀朮將入侵帝召諸將問移蹕之地世忠曰國家已失河北山東若又棄江淮更有何地兀朮自廣德破臨安帝如浙東世忠以前軍駐清龍鎮中軍駐江灣後軍駐海口俟敵歸邀擊之是役也兀朮兵號十萬世忠僅八千餘人兀朮累敗幾不得遁去紹興元年討聞寇范汝爲汝爲窟身自焚獨取附賊者誅之乘勝討平廣西賊曹成四年金人與劉豫合兵分道入侵帝手札命世忠飭守備圖進取世忠受詔感泣遂擒榷李也等二百餘人復親追至淮金人驚潰相蹈藉溺死其衆論者以此舉爲中興武功第一六年授武寧安化軍節度

使置司楚州世忠披草萊立軍府山陽遂爲重鎮劉豫兵數入寇輒爲世忠所敗兀朮與劉猗皆至世忠求援於張俊俊以世忠有見吞意不從世忠勒陣向敵遣人語之曰錦衣驄馬立陣前者韓相公也或危之世忠曰不如是不足以致敵敵果至殺其導戰二人遂引去會秦檜王和議命世忠還屯鎮江世忠言金人說許恐以計緩我師乞留此軍蔽遮江淮又力陳和議之非後金果渝盟金使詣誓之來以詔諭爲名世忠聞之凡四上疏言不可許願舉兵決戰兵勢最重處臣請當之又言金人欲以劉豫相待舉國士大夫盡爲陪臣十年金人敗盟兀朮率撤曷李成等破三京分道深入八月世忠圍淮陽金人來救世忠迎擊敗之又遣解元等金人於潭城劉寶擊於千秋湖皆捷十一年兀朮駐順昌之敗復謀再入詔大合兵于淮西以待既而金敗於柘皋世忠在楚州十餘年兵僅三萬而金人不敢犯秦檜收三大將權拜世忠樞密使世忠爲檜所抑遂抗疏言檜誤國論諷言者論之罷爲醴泉觀使奉朝請進封福國公自此杜

門謝客絕口不言兵時跨驢攜酒從一二奚童縱遊  
西湖卒年六十三孝宗封斬王謚忠武世忠常戒家  
人曰吾名世忠汝曹諱而不言是忘忠也晚喜釋老  
自號清涼居士子彥直彥質彥古彥直字子溫六歲  
從世忠入見高宗命作大字卽跪書皇帝萬歲帝喜  
拊其背曰他日令範也親解孝宗卅角之繻傳其首  
紹興十八年登進士第調大社令秦掄素銜世忠槍  
死拜光祿寺丞當遣使於金在廷相顧莫肯先帝親  
擇以往慨然就道既至幾罹禍者數守節不屈金卒  
禮遣之帝嘉嘆遷吏部侍郎尋知隰州海寇出沒勢  
甚張彥直授將領土豪等方畧生擒賊首乞追取部  
曲曾誣陷岳飛者以慰忠魂轉光祿大夫致仕卒

劉錡

劉錡字信叔順德軍人節度使仲武第九子也美儀  
狀聲如洪鐘善射嘗從仲武征討高宗錄仲武後授  
閣門宣贊舍人差知岷州爲隴右都護與夏人戰屢  
勝夏人兒啼輒怖之曰劉都護來紹興十年金人歸  
三京克東京副留守節制五月錡大敗兀朮于順昌

卷十七

七

金人攻廬和二州錡渡江抵廬州與張俊楊沂中會  
而敵已大入錡據東園之險以遏其衝引兵出清溪  
兩戰皆勝敵望見曰此順昌旗幟也卽退走錡以順  
昌之捷驟貴諸將多嫉之俊與沂中爲腹心而與錡  
有隙故拓皋之賞獨錡軍不與三十一年金主亮調  
軍六十萬自將南來金人攻揚州錡大敗之錡病求  
解兵柄留其姪副都監汜以千五百人塞瓜州渡令  
李橫以八千人固守詔錡專防江錡還鎮江十一月  
金人以重兵逼瓜州汜先退橫以孤軍不能當亦却  
錡初親友王方是之橫汜僅以身免錡憤懣疾益甚  
而都督府參贊軍事虞允文自采石來督戰敗金人  
於文過鎮江謁錡問疾錡執其手曰病何必問朝廷  
養兵三十年一技不施而大功乃出一儒生我輩愧  
死矣召詣闕提舉萬壽觀明年二月卒

吳玠

吳玠字晉卿隴干人少沉毅有志節知兵善騎朱冠  
以良家子隸涇原軍宜撫使張浚巡關陝參議軍事  
劉子羽解玠兄弟才勇以爲秦鳳副總管轉忠州防

禦使張浚合五路兵欲與金人決戰玠言宜各守要  
隘浚不聽五路皆陷玠收散卒保散關東和尚原積  
粟繕兵列柵為堽守計紹興元年大敗金別將於北  
山擊退金將沒立於箭箬關兀木會諸道兵十萬攻  
和尚原玠大敗之兀木中流矢僅以身免張浚承制  
以玠為鎮西軍節度使弟璘為涇原路馬步軍副總  
管玠在河池金人用叛將李彥驤駐秦州晚仙人關  
以殺玠復令游騎出黑河以殺關師古撒馬爾自南  
於直趨上津三山玠自河池入援大敗金人守饒風  
積糧擊敗之于武林關進玠檢校少保克利州路制  
置使四年敵復入攻仙人關玠璘大敗之金人請和  
帝以玠功高授特進開府儀同三司遷四川宣撫使  
遣內侍賜親札至則病甚於仙人關卒年四十七贈  
少師子五人長拱亦握兵云弟璘字唐卿從玠攻興  
積功開門宜贊舍人紹興元年箭箬關之戰璘功居  
首起遷統制和尚原軍馬四年兀木撒馬爾以大兵  
十萬至關下璘血戰連日金兵大敗二酋自是不敢  
窺蜀者數年玠卒授璘龍神衛四廂都指揮使時朝

廷持和意戰欲廢仙人關十年金人啟盟詔璘節制  
陝西諸路軍馬撒馬爾渡河入長安起鳳翔璘使李  
師顏以驍騎擊走十一年璘用姚仲計及疊陣法敗  
金將胡盡於剡家灣明年竟割和尚原與敵撤戍割  
地皆秦檜主之也時和議方堅而璘治軍經武常如  
敵至三十年金王亮叛盟拜四川宣撫使金兵扼大  
散關及黃牛堡璘遣將敗之璘自將至城下八日而  
亮奔入城市不改肆父老擁馬迎拜不絕璘尋還河  
東李憲受璘賜璘札命兼陝西河東路宣撫招討使  
紹興二年冬金人侵岷州璘提兵至祁山金人聞之  
遣師遣使來告曰兩國已講和矣會詔至俱解去乾  
道元年入謁拜太傅封新安郡王改判興元府至漢  
中脩復褒城古堰浚田數千頃三年卒年六十六璘  
剛勇善大節所著兵法三篇知兵者取焉子挺字仲  
烈以門功補官從璘為中郎將累遷利州東路前軍  
統制繼攻兩路紹興三十一年金人渝盟璘繕三路  
兵禦之徒願自効軍前璘以為中軍統制王師既復  
秦川金將合喜李僅介叛將張忠彥以兵來爭挺破



其治平若孝宗卽位拜武昌承宣使時年二十五會  
朝廷至和議詔西師解嚴父子悉族軍淳熙元年改  
興州都統拜定江軍節度使十年冬特加檢校少保  
成州西和歲大侵挺力爲振恤光宗詔問備邊急務  
卽建增儲之策由是糧糗不乏以疾致仕詔加太尉  
卒年五十子五人次職以叛誅

卷十七

九

宋列傳卷之十八

張俊

張俊字伯英成紀人善騎射負才氣起于諸盜政和  
七年從討南蠻轉都指揮使宜和初從攻夏人金人  
攻太原俊從種師中往援屯榆次累功轉榮州刺史  
建炎元年汴京破二帝北遷俊懇辭勸進帝如臨安  
苗傅劉正彥及俊時屯兵吳江縣卽引所部八千人  
至平江張浚語俊以起兵問罪俊泣拜且曰此須倚  
卽濟以機術母驚動乘輿呂頤浩至俊見之亦泣曰  
今日惟以一處報國劉光世以所部至俊釋舊憾鞫  
世忠來自海上俊借一軍與之俱戰于臨平傳等兵  
敗開城以出世忠俊光世入城見于內殿帝嘉勞久  
之拜鎮西軍節度使尋爲浙東制置使金人分兵滌  
入帝如明州俊赴州引兵至兀术攻臨安帝御樓船  
如溫州留俊于明州以拒敵四年正月忽西風起金  
人乘之復攻明州俊遣兵掩擊殺傷大當金人奔北  
紹興元年帝至會稽時金人殘亂之餘孔彥舟據武  
陵張用據襄漢李成尤悍疆據江淮湖湘十餘州連



兵數萬有席卷東南意范宗尹請遣將致討俊慨然請行遂改江淮路招討使已而秀州羣盜聞俊兵至皆遁去劉麟兵十萬犯濠壽詔併以淮西屬俊揚存中亦聽節制與俊合兵拒敵遇劉猷左右軍擊走之猷僅以身免拜少保九年冬金復淪盟再破河南圍順昌府命俊策應劉錡俊督軍渡江金人引退十年鄺瓊在亳州都統制王德下符離乘勝趨亳與俊合俊引軍入城金人棄城遁拜樞密使俊知朝廷欲罷兵首請納所統兵贊和義與秦檜意合言無不從薦士大夫監司郡守者甚衆雖劉子羽自謫籍起家亦俊力也加太傅益國公十一年廢中侍御史江選論之檜以俊助和議德之故盡罷諸將以兵權付俊歲餘俊無去意故檜使選攻之尋進封清河郡王以其姪子蓋爲節度使俊握兵最早世稱張韓劉岳然俊與錡有隙獨以楊沂中爲腹心故有濠梁之敗岳飛究獄韓世忠救之俊獨助檜成其事年六十九卒

劉光世

劉光世守平叔保安軍人延慶次子以蔭歷威武奉

寧軍承宣使克鄜延路馬步軍副總管靖康元年擢侍衛馬軍都虞候遷奉國軍節度使命討李成光世以王德爲先鋒與成遇於上蔡驛口橋敗之成收散卒再戰光世以儒服臨軍成遙見白袍青蓋併力圍之德潰圍拔光世以出下令得成者以其官爵與之士爭奮再戰皆捷成遁執其謀王嗣子思加檢校少傅苗傅劉正彥爲亂素憎光世遷光世爲太尉淮南制置使張浚任平江馳書諭以勤王光世不從呂頤浩遣使至鎮江說之乃引兵會于丹陽至行在遷太尉逆將范瓊被執張浚使光世撫定其衆隆祐太后在南昌議者謂金人自斬黃渡江陸行二百里可至命光世移屯江州爲屏蔽光世既至日置酒高會金人自黃州渡江凡三日無知之者比金人至遂遁馮楸遺書光世言賊深入敵兵家之忌伏兵掩之可使匹馬不還光世不能用鄺瓊固始縣光世遣人招降之金兵留淮東光世頗畏其鋒楚州被圍已百日帝手札趣援者五竟不行但遣王德麟將輕兵以出時奏殺獲而已紹興元年金人渡淮命光世置司

楊州迄不行給事中程瑀言光世兵未渡江金人或渡淮江浙必震光世方遣人按行宜與湖汝之間以備退保詔以章示之光世遷延如故時光世張俊韓世忠權相敵且持私隙帝遣侍御史魏玘至軍中諭以滅怨報國光世始移軍太平州以援世忠金兵退光世入覲遷少保劉豫挾金人分道入侵命光世屯廬州驕情不戰九年用講和恩封雍國公十年金人圍順昌拜太保為三京招撫處置使援劉錡光世請李顯忠為前軍都統又請王德自隸德不願受其節

卷十八

四

制顯忠行至宿泗軍多潰進至和州秦檜王罷兵召還光世入見為萬壽觀使改封楊國公卒年五十四

王淵

王淵字幾道環州人善騎射應募累功遷拱衛大夫寧州觀察使靖康元年為真定府總管就遷都統制吳湛據道州叛淵討平之金人攻汴京從宣撫使范訥勤王為先鋒尋以所部歸康王府明年張邦昌僭立康王如濟州命淵以三千人入衛宗廟淵至以朝服見邦昌納謝曰叅家宰相公邦昌如易紫袍延之

政事堂淵慟哭宣教康王即皇帝位淵與楊惟忠韓世忠以河北兵劉光世以陝西兵張俊苗傅等以帥府及降羣盜兵皆在不相統一始置御營司以淵為都統制扈從累月不釋甲時羣盜蜂起以淵為制置使提兵四出所向皆捷建炎三年金人攻揚州帝倉卒渡江劉光世見帝泣告淵專管江上海船每言緩急決不談事今臣所部數萬二千餘騎皆不能濟淵念其言斬江北都巡檢皇甫佐以自解中書侍郎朱勝非馳見淵督之乃始經畫已無所及自是淵失節將心帝欲如鎮江以援江北羣臣亦固請淵獨言鎮江止可捍一面不如錢塘有重江之險議遂決命淵守姑蘇尋自平江赴行在先是統制官苗傅以淵驟用頗厭望劉正彥亦以招巨寇賞薄怨淵而內侍康履頗用事及淵入樞府傅正彥以其由宦官所薦忿不平俟淵入朝伏兵殺之併殺康履淵時年五十三

卷十八

五

曲端

曲端字正甫鎮戍人父漢任左班殿直戰死端三歲授三班借職警敏知書善屬文長于兵畧歷權涇原

路第三將夏人入寇帥司謂統制李庠捍禦端在遣  
中庠駐兵栢林堡為夏人所薄兵大潰端力戰敗之  
建炎二年婁宿入長安鳳翔關隴大震游騎入涇原  
端遣副將吳玠據清溪嶺與戰大破之六月以王庶  
節制陝西授端克節制司都統制端雅不欲屬庶頗  
不協延安已陷庶無所歸以軍付王玠自將百騎與  
官屬馳赴襄樂勞軍庶猶以節制望端欲倚以自副  
端彌不平端聲色俱厲問庶延安失守狀曰節制固  
知愛身不知愛天子城乎庶曰吾數令不從誰其愛

卷十八

七

身者端怒曰在耀州屢陳軍事不一見聽何也庶留  
端軍終夕不自安端欲即軍中殺庶奪其兵夜走寧  
州見陝西撫諭使謝亮請誅庶亮曰人臣擅誅于外  
是跋扈也庶乃得去朝廷聞端欲斬王庶疑有叛意  
會張浚宣撫川陝浚自收覽英傑以端在陝西屢與  
敵角欲用端四年春金人攻環慶端遣吳玠等拒于  
彭原店端自將屯宜祿玠先勝既而金軍復振玠小  
却端退屯涇州金乘勝焚卻而去玠怨端不為援端  
小前軍已敗不得不據險以防衝突乃劫玠遺節

制是秋兀朮窺江淮浚議出師以撓其勢端曰金人  
新造之勢難與爭鋒端既與浚異浚積前疑竟以彭  
原事罷端兵柄與嗣是年浚為富平之役欲慰人望  
復用端玠與端有憾言曲端再起必不利于張公王  
庶又從而諫之浚亦畏端難制端嘗作詩題柱曰不  
向關中興事業却來江上泛漁舟庶告浚謂其指斥  
乘輿於是送端恭州獄武臣康隨者嘗忤端鞭其背  
隨恨入骨浚以隨提點刑獄端聞之曰吾其死矣呼  
天者數聲端有馬名鐵象目馳數百里至是連呼鐵

卷十八

七

象可惜者又數聲乃赴遠既至隨令獄吏繫維之糊  
其口脅之以火端乾渴求飲于之酒九竅流血而死  
年四十一陝西士大夫莫不惜之

楊存中

楊存中本名沂中字正甫紹興間賜名存中代州人  
祖宗閱永興路軍總管與唐重同守永興金人陷城  
迎戰死之父震先死難存中學孫吳法善騎射宣和  
末應募擊賊積功至忠翊郎後隸張俊部曲高宗問  
將于俊俊以存中對召見賜袍帶劇賊李昱據任城

久不克存中以散騎擊殺數百人建炎中破賊徐鼎  
于嘉興苗劉之變從張俊赴難金人攻明州又從俊  
與田師中趙密殊死戰破之紹興元年從俊討李成  
敗之明年又討平妖賊繆羅于嚴州先是張浚視師  
謀渡淮以圖劉豫倚韓世忠為用世忠圖淮陽從後  
乞張俊將趙密為助俊拒之趙鼎語浚曰世忠所欲  
者趙密爾存中武勇不減于密蓋令存中助之於是  
浚請存中于朝既被命以八隊萬人趨督府助世忠  
其冬與劉猷戰于藕塘大破之十一年兀朮耻願  
之敗復謀來侵存中與金人戰于柘皋敗之金人陷  
濠諸軍散亂南奔追殺甚衆存中乃自宣化渡江歸  
行在二十八年拜少師三十一年罷時金王亮有南  
侵意存中上十策步帥趙密謀奪存中權因指為喜  
功生事存中聞之上章乞免密竟代之未幾邊警月  
急復詔存中為御營宿衛使劉汜戰敗瓜州命存中  
往京口為守江計虞允文自朱石來會存中協力拒  
敵敵不能濟已復奉祠隆興元年王師潰符離復起  
存中為御營使二年金人再入關議割蜀和尚原并

之存中入對曰和尚原隴右之藩要也願毋棄城  
以虜請盟班師加昭慶軍節度使奉祠時典屯田存  
中獻私田在楚州者三萬九千畝卒年六十五廂  
劉流落蜀瀧存中日夜禱祠訪問關數千里卒以  
以歸營居室于鳳山十年而就極山川之勝後獻於  
朝廷更卜築焉子俊工部侍郎俊至僉樞昭慶軍節  
度使  
王彥  
王彥字子才上黨人喜騎略詣京師隸弓馬子弟所  
徽宗試補下班祗應為清河尉從神師道兩入夏國  
有功建炎初金人攻汴京彥慨然棄家赴闕求自試  
討賊河北招撫使張所異其才擢都統制使率裨將  
岳飛等十一將部七千人渡河與金人戰大敗之金  
人購彥急彥慮變夜褰屢遷部曲覺之咸刺面作赤  
心報國誓殺金賊字以示無他彥益感勵撫士卒與  
同甘苦未幾兩河響應遣使議和彥見黃潛善汪  
伯彥力陳北伐言辭憤激忤其意張浚承制以彥節  
制商鞅陝華州軍馬三年正月兀朮入侵撤離曷自

上津疾馳不一日至向陽統制郭進死之彥退保石泉縣金人攻饒風關彥與吳玠禦之不能却關破彥收餘兵奔遠州母喪詔起復因事為言者所論知邵州入辭帝慰遣之卒于官年五十

張憲

張憲岳飛愛將也飛破曹成憲與徐慶王貴招降其黨有未政者率眾走沅州為成報讎首被白布號白巾賊憲一鼓擒之兀木頰兵臨頰楊再興戰死憲至破其眾兀木夜遁憲將徐慶李山繼破之會秦檜至

宋

卷十八

十一

和命飛班師憲亦還檜與張俊謀殺飛密以優賞誘飛部曲告飛事李無應者聞飛嘗欲斬王貴又杖之遂以屬貴貴不可俊乃劫以私事貴懼從之時又有王俊者善告許號鴟兒俊謀以張憲王貴王俊皆飛將使自相攻發因及飛父子俊自為狀使憲自誣謂得雲書命憲營還兵計憲被掠無全膚竟不伏俊手自具獄告檜檜為侯尚誣飛使孫莘致書憲貴令虛申警報以動朝廷雲與憲書規還飛軍妄稱書已焚但以眾證具獄憲坐死籍家貴後贈寧遠軍承宣

使錄其家

牛臯

牛臯字伯遠魯山人初為射士金人入侵臯聚眾與戰屢勝會岳飛制置江西河北將由襄漢窺中原命臯隸飛軍李成合兵入寇陷諸郡臯率兵復隨州執其守將王嵩礫之從平楊么歷轉寧國軍承宣使荆湖南路馬步軍副總管紹興十七年己巳都統制出師中大會諸將臯遇毒亟歸語所親曰臯年六十一官至侍從幸不啻足所恨南北通和不以馬革裹屍願死庸下耳明日卒或言秦檜令師中致毒云

王德

王德字子華通遠軍熟羊若人以武勇應募隸熙帥姚古會金人入侵古軍懷澤間遣德諜之斬一酋而還補進武校尉古曰能復往乎德從十六騎徑入隆德府治執偽守姚太師械獻于朝欽宗問狀姚曰臣就縛時止見一夜又耳時遂呼德為王夜又建炎元年以勤王師倍道趨闕改隸劉光世平濟南寇李昱池陽寇張遇又討李成敗之金人攻揚州西軍多潰

德趨宣化時和州為叛將張昱等所圍求援于德斬昱俘其兵騎數萬會苗傅劉正彥走閩中詔德追擊隸韓世忠德欲自致功名而世忠必欲德為之使遣親將陳彥章邀德於信州彥章拔佩刀擊德德殺彥章尸諸市德至浦城斬苗瑀擒馬柔吉送行在世忠訟其擅殺下臺獄當死帝特原之編管柳州時光世以便宜復德前軍統制遣平信州妖賊王念經一鼓擒之詔還舊秩紹興元年與秀州水賊邵青戰崇明歷環慶副總管六年冬劉豫遣劉麟倪分道入寇德

宋

卷十八

三

大敗復兵于藕塘會光世能宜撫詔德盡護其眾以鄆瓊副之瓊與德故等夷耻屈其下率眾叛從劉豫十一年金人入侵游騎及江俊議分軍守南岸德曰淮者江之蔽也俊乃許德即渡采石俊督軍繼之已而夜拔和州晨迎俊入敵退保昭關又擊走之追至柘臯渡江決戰首犯敵鋒一矢斃其酋歷浙東福建總管荆南副統制二十五年卒贈少傅

郭浩

郭浩字克道以父成任三班奉職徽宗時為邊將累

敗夏人遷至中州刺史欽宗即位進安州團練使以种師道薦召對奏言金人暴露日久思歸乞給糧兵間道馳滑臺待其半度可擊也不能用建炎元年知原州二年金人取長安涇州守臣夏大節棄城遁郡人亦降浩適夜半至郡所將財二百人得金人不殺使之還曰為語汝將曰我郭浩也盡來決戰金人遂引去時張浚經畧陝西有言敵可討者諸師耻於不武莫敢出言浩獨謂敵鋒方銳浚不聽師出果敗浚以浩舊官移治鳳翔府寶雞縣又退保和尚原金人

宋

卷十八

三

甚原下浩與吳玠璘方得禦蜀以安全紹興元年金人攻和尚原浩與吳玠玠往援斬獲萬計十一年金將胡盞習不祝內侵宜撫使胡世將召浩及吳玠楊政會仙人原授以攻取之策浩遣裨將設伏破之十四年召見拜檢校少保還鎮乃建帥府未幾卒年五十九孝宗詔立廟金州俾倪僕皆其孫也累世為將及於禍賈家聲云

楊政

楊政字直夫原州人崇寧中夏人舉國大入父忠戰

履政應募為弓箭手建炎紹興間累從吳玠擊敗金人遷至龍神衛四廂都指揮使和議成始得迎母及兄弟歸會金渝盟政建迎敵之策金二將內侵政引兵敗萬戶通檢于寶雞縣和議成召還鎮卒年六十

李寶

李寶河北人嘗陷金拔身從海道來歸金主亮渝盟造舟潞河將蘇海道襲浙西謀聞高宗授寶浙西路馬步軍副總管駐劄平江令與守臣督海舟捍禦穴江陰先遣其子公佐潛伺敵動靜公佐即與將官邊

宋

卷十八

五

士寧偕往公佐已挾魏勝得海州寶喜曰吾兒不負乃翁矣勝出城迎寶獎其忠義敵舟已出海口泊唐島相距僅一山寶叱壯士躍登其舟短兵擊刺盡殪之俘大漢軍士三千餘人斬其帥完顏鄭家奴等六人上喜曰朕獨用李寶果立功為天下倡矣亮聞膠西之敗大怒召諸酋約以三日渡江於是內變殺亮寶戰具精利宰臣陳康伯取其長槍克敵弓弩俾所司為式製之卒贈檢校少保

李顯忠

李顯忠後德軍青洞人舊名世輔南歸賜名顯忠初其母當產數日不能免有僧過門曰所孕乃奇男子當以劍矢寘母傍即生已而果生顯忠人咸異之年十七投效用隨父永琦出入行陣有敵人夜宿陶穴顯忠窺穴中得十七人皆殺之克隊將由是始知名轉武翼郎克副將金人陷延安授顯忠父子官元帥撤里易來同州顯忠以計執之馳出城廷騎益多乃與撤里易折箭為誓不得殺同州人不得害我骨肉顯忠携老幼長驅而北至鄜城縣息遣人告永琦永琦即擊軍出撤至馮翊谷自為金人所及家屬二百且皆遇害顯忠僅以二十六人奔夏國具言父母妻子之亡願得二十萬人生擒撤里易取陝西五路歸于夏時有酋豪號面夜叉者久為夏國患乃令顯忠圖之請三千騎晝夜疾馳奄至其帳擒之以歸夏主大悅即出二十萬騎以文臣王樞武臣曠詭為陝西招撫使顯忠為延安招撫使時紹興九年二月十四日也顯忠引兵至延安樞管趨惟清大呼曰卿是路本復歸宋矣已有赦書顯忠知勢不可乃出刀研曠

宋

卷十八

五



說不及擒王樞縛之行至鄆州已有馬步軍四百餘  
撒里曷在耀州聞顯忠來一夕遁去赴行在高宗撫  
勞再三賜名加賞又賜田鎮江以從行崔阜輩克將  
佐兀術犯河南命顯忠為招撫司前軍都統制兀術  
兵屢敗焚廬江而走太后至臨安顯忠入覲顯忠熟  
西邊山川險易陰上恢復策忤秦檜意金使言顯忠  
私遣人過界遂降官奉祠二十九年代王權與虞允  
文大敗金王亮于采石孝宗即位張浚開都督府金  
帥李撒率步騎十萬自南京來顯忠大敗于城南諸

宋

卷十八

七

魏勝

魏勝字彥威宿遷人多智勇善騎射應募為弓箭手  
紹興三十一年金人將南侵籍諸路民為兵勝躍曰  
此其時也聚義士三百北渡淮取漣水軍宣布朝廷  
德意不殺一人漣水民翕然以聽遂取海州勝權知  
州事遣人諭胸山懷仁沐陽東海諸縣皆定分忠義  
士為一沂民壁蒼山者數十萬人圍之告急於

宋

卷十八

七

勝勝提兵往救無敢當者勝度其必復攻海州因閉  
出若趨城中金人果解蒼山圍自新橋抵城下勝出  
戰皆捷勝起義久朝廷尚未知沿海制置使李寶遣  
其子公佐由海道覬敵至州始遣忠義將朱震褚道  
詣行在白勝姓名于執政其後累敗金兵以功授閭  
門祇候勝善用大刀能左右射旗揭曰山東魏勝張  
浚在建康招勝詢以軍務仍知海州隆興元年賈和  
仲克山東河北路招撫使忘勝讒勝於都督罷其職  
既而督府知和仲所誣罷之復勝舊職勝嘗自創如  
意戰車數百輛砲車數十輛詔下其式於諸軍二年  
以議和撤海州戍命勝知楚州時和議尚未決金兵  
乘其懈以舟載砲甲輿糧自清河出欲侵邊勝覓知  
之率忠勇士拒于清河口金兵詐稱欲運糧往泗州  
由清河口入淮勝知其謀率諸軍拒于淮陽又遣人  
告急于都統制劉寶寶堅謂方講和迄不發一兵勝  
矢盡救不至死之年四十五賜廟褒忠官其二子削  
實兩鎮節鉞籍其家貶瓊州死

解元



解元字善長保安軍德清岩人猿臂善騎射起行伍  
爲清澗都虞候建炎中隸大將韓世忠敗金兵刺其  
酋追苗傅劉正彥擒之金人攻浙西元躍入敵舟以  
短兵擊殺數千人繼從討閩盜范汝爲及湖外劉忠  
諸盜累轉相州觀察使紹興四年金人與僞齊合兵  
入侵世忠自鎮江趨揚州命元屯承州遣百人伏要  
路百人伏嶽廟自以四百人伏隅又決河岸過其歸  
路金人果走城下伏發金人進退無路乃走嶽廟元  
追之獲百四十八人止遺二人金人稍懈俄伏發擒  
黑頭虎追北數十里赴水死者甚衆六年從世忠出  
下邳以數百騎破敵尋授保信軍節度卒年五十四

姚興

姚興相州人靖康中以州枝用劫殺金人有功歷遷  
克荆湖南路兵馬副都監紹興三十一年金人渝盟  
興隸都統王權麾下金兵渡淮權遣拒之而退保和  
州與金人遇于尉子橋麾兵力戰手殺數百人權奔  
仙宗山嚴兵自衛興告急數不應初李二者嘗有私  
恩於權因得出入軍中往來兩界貿易間竊權旗幟

遺金人至是金人立權旗幟以誤興與往奔之父于  
於符離贈武節大夫

宋列傳卷之十九

王居正

王居正字剛中揚州人入太學時習新經字說者王司輒置高選居正語人曰窮達自有時心之是非可改耶流落十餘年司業黃齊得其文曰王佐才也及同知貢舉欲擢為首以風多士他考官持之置次選調饒州安仁丞荆州教授皆不赴范宗尹薦于朝人對稱旨高宗論宗尹曰如王居正人才歲月間得一亦幸矣除太常博士遷禮部員外郎詔以時務訪

宋

卷十九

一

羣臣居正獻疏數千言居正素與秦檜善檜為執政與居正論天下事甚銳既相所言皆不酬居正疾其詭見帝言曰秦檜嘗語臣中國人唯當着衣噉飯共圖中與臣心服其言又自謂使檜為相數月必聳動天下今為相設施止是願陛下以臣所聞問檜檜銜之出居正知婺州侍御史謝祖信劾能起知溫州請祠檜終忌之諷中丞何鑄劾其為趙鼎汲引欺世盜名奪職檜死復故職卒年六十五

程瑀

程瑀字伯高饒州人少有聲太學試第一累官兵郎

員外郎欽宗議割三鎮命瑀往河東秦檜往河中瑀

奏臣願奉使不願割地不報至中山諸將已得密諭

城守不下瑀與金使王洵俱至燕山還除左正言瑀

言徐處仁庸俗吳敏昏懦唐恪傾險請盡黜免別選

英賢其圖大計帝嘉納之瑀嘗論蔡京罪帝因言吳

敏庇京又疑李光黨京謂瑀曰須卿作文字來瑀辭

改也田郎官謫監臨漳州鹽稅高宗即位累遷給事

中兼侍講建脩政局帝言呂頤浩在外總諸將秦檜

宋

卷十九

二

在朝廷庶幾內外相應然檜誠實但太執耳瑀曰如

求機警能順旨者極不難得但不誠實則終不可倚

除兵部尚書檜既主和瑀議論不專以和為是檜忌

之改罷圖閣學士知信州奉祠卒年六十六

洪楛

洪楛字成季一字逸叟丹陽人登進士甲科歷侍御

史時王黼蔡京更用事楛無所附與殿中侍御史許

景並罷知桂陽軍政為中書舍人高宗如越執政

核蹕饒信間楛上疏力爭謂備方不足以固守禦

金人攻淮詔問攻守之策擬言時相姑議戰以示武實不能戰也紹興四年以言者罷奉祠始擬兄子駕部郎官與祖與擬上封事侵在位者於是俱罷起知温州與祠卒年七十五

李彌遜

李彌遜字似之吳縣人弱冠以上舍登第累官起居郎以封事貶知蘆山縣改奉嵩山祠廢斥隱居者八載宣和末知冀州金人犯河朔彌遜捐金帛致勇士邀擊其遊騎斬首甚衆靖康初召爲衛尉少卿出知

宋

卷十九

三

瑞州建康府牙校周德叛嬰城自守勢猖獗彌遜以江東運判領郡事招降之紹興七年遷起居郎彌遜自政和末以封事貶垂二十年及復居是職直前論事諛切如初會趙鼎罷相秦檜專國胡銓范如圭曾開皆論和議之非相繼貶逐彌遜請對言金使請和欲行君臣之禮有大不可再上疏言愈切直檜大怒彌遜引疾檜追仇向者盡言之臣喉言者論彌遜與趙鼎王庶曾開四人同沮和議落職既卒朝廷思其忠節詔復敷文閣待制弟彌大字似矩崇寧進士第

累遷起居郎試中書舍人同脩國史童貫宣撫未與

走馬承受白鏐持貫不報師期朝廷止從薄責彌大

繳奏以爲邊報不知非朝廷福鏐坐除名彌大亦出

知光州移知郢州金人大舉入侵李綱定城守之策

命彌大爲參議與綱不合罷帝如杭州命權紹興府

試戶部尚書呂頤浩視師以彌大爲參謀官彌大奏

言已爲天子從官非宰相可辟軒旨出知平江府中

丞沈與求劾彌大奪職歸起知靜江府未幾罷去

秩卒

宋

卷十九

四

家愿

家愿字處厚眉山人父勤國與蘇軾兄弟爲同門友王安石久廢春秋學勤國憤之著春秋新義愿弱冠以廣文館進士登第時紹聖元年李清臣策問詆元祐之政愿對與之異楊畏叟考列下第元符末徽宗嗣位以正陽日食求言愿陳十事崇寧初詔籍元祐元符上書人姓名愿以選人籍入邪下等請監華州西嶽廟禁錮不調凡十年大觀四年黨禁解始改秩調知雙流縣通判文州守鄭行純憑內侍勢自恣罷

蕃夷互市啓邊隙愿爭之不從文章互奏俱報罷而愿以曾入黨籍謫英州酒稅高宗南渡權知開州會張浚謀大舉愿謂浚厲兵足毅以俟機會浚不悅以便宜移彭州有論邊防者名曰罪言乞骸骨歸率淳祐間曾孫大酉侍講經筵因從容及之上親書西社同門及元符上書人十大字以賜同郡楊恂丹陵人字信仲登進士第知廣都縣與愿同時上書入黨籍

仇念

仇念字泰然益都人第進士授邠州司法調高密丞

宋

卷十九

五

魏州司錄既行老稚擁歸縣屏刺寇起萊密間相戒毋犯高密境歷沿海制置使坐事削官奉祠復以淮西宣撫知廬州劉豫于麟合金兵大入宣撫司統制張琦者欲先脅念出擁甲士數千突入迫念上馬念徐謂曰若輩無守土責吾當以死殉國琦等遽散念募廬壽兵得數百益鄉兵二千出奇直抵壽春城下敵三戰皆北卻走渡淮念復壽春麟復以步騎數千至合肥謀言兀木爲之殿人心怖駭會京西制置使遣牛皋統兵適至念以忠義撼之皋馳出接戰寇潰

去明年宣撫司始遣大將王德來德謂其伍曰事平方至何面目見仇公耶金人無故歸侵疆計叵測念力陳非策泰槍方主和諫念居全州起知河南府金人果陷所歸郡邑如念言乃復官以言罷奉祠卒

張翥

張翥字柔直福州人第進士爲小官蔡京延以訓子第一日謂諸生曰汝曹曾學走乎諸生駭而問之翥曰天下被而翁破壞至此且夕賊來先至而家汝曹惟有善走庶可逃處爾諸子亟告京曰先生心恙京

宋

卷十九

六

憂然曰此非汝所知也見翥欲容問計翥曰宜亟引耆德老成置諸左右羅天下忠義之士分布內外爲第一義耳因以楊時薦翥後守南劍州遷福州轉運判官未行會范汝爲陷建州遣葉徹擁衆寇南劍時統制官任士安駐軍城西不有力量奮率州兵厚犒之分爲數隊更迭交戰徹中流矢死翥曰賊必再至未幾徹二子果引衆聲復父讎於是士安與州兵夾而敗之後知處州平餘寇進至祕閣脩撰卒

向子誼

向子諲字伯恭敏中玄孫以欽聖憲肅皇后恩補官  
三遷知開封咸平縣豪民席勢犯法獄具上尹盛章  
方以獄空覲賞却不受子諲以聞詔許自論決章大  
怒以他事劾勒停宜和初復官歷直秘閣京畿轉遷  
副使建炎初金人犯亳州時康王次濟州子諲獻金  
帛及木可錢穀之在濟州者以助軍費張邦昌僭位  
遣人持救書往廬州問其家安否子諲極所司拘之  
邦昌又使其甥劉廷齋持書來子諲不啓封焚之械  
達于獄遣子澹請康王率諸將渡河出其不意以救

朱十九

七

二帝遣將王儀親勸王兵至城下子諲為李綱所善  
黃潛善罷之未幾知襲慶府道梗不能赴初邦昌為  
平章軍國事子諲乞致仕避之坐言者降三官起復  
知潭州紹興初移鄂州劇盜曹成據攸縣子諲使招  
之成忿子諲扼已擁衆而南執以歸會都統制馬廣  
遣人持兵敏檄諭成成許受招始釋子諲詔與祠胡  
安國以書抵秦檜言子諲忠節宜復收用進秘閣脩  
撰劉豫入寇劉光世軍合肥以江東乏餉告亟退師  
子諲至合肥具見糧以聞光世由是得罪金使議和

將入子諲不肯拜金詔忤秦檜致仕卒年六十八

章誼

章誼字宜叟浦城人登進士第歷杭州通判苗劄之  
變高宗御樓人心恟恟帝問羣臣曰今日之事何如  
浙西安撫司主管機宜文字時希孟輒曰乞問三軍  
誼越班斥之曰問三軍何義若將鼓亂邪希孟却在  
屏息事定章希孟還誼殿中侍御史張浚宣撫陝西  
誼奏自趙哲退敗率任已重處斷大專嘗除副貳使  
自助虜南侵獻戰守四策紹興四年金遣使求還劉

朱十九

八

豫之俘及西北人在東南者又欲盡江以益劉豫時  
議難之欲遣大臣報使忝政席益以母老辭薦誼為  
代加誼龍圖閣學士以行給事中孫近副之誼至雲  
中與粘罕兀室論事不少屈金人諭亟還誼曰萬里  
銜命兼迎兩宮必俟得請金人仍令蕭慶授書併以  
風聞事責誼誼詰其所自金人以實告乃還至南京  
劉豫留之以計得歸帝嘉勞擢刑部尚書帝還臨安  
以誼兼行宮留守未幾與詞代還卒年六十一

孫道夫

孫道夫字太冲眉州人年十八貢辟雍時禁元祐學坐收種氏文除籍再貢入優等張浚薦于高宗召對道夫奏願任賢材圖興復以雲國耻上在越浚遣奏事賜出身除秘書正字歷擢權禮部侍郎兼侍講奏敵有窺江淮意上曰朝廷待之甚厚彼以何名爲兵端道夫曰彼身弑其父兄而奪其位與兵豈問有名宰相沈該不以爲慮道夫每進對輒言武事該疑其引用張浚忌之遂請外知縣州致仕卒年六十六

虛知原

虛知原字行之德清人以父任至梓州路轉運副使王黼當國費出無藝知原因疏言之黼怒罷去高宗卽位復龍圖閣知温州帝東幸知原緣海道轉粟及金箱十萬至台州歷知臨安府諫官唐輝論其乖謬以舊職奉祠卒弟法原字立之積官吏部尚書坐王黼累貶秩紹興元年張浚承制自宮祠起川陝宣撫副使金人攻關輔叛將史斌陷興州法原初堅壁不戰既而河東經制使王夔以乏食班師法原開關納之與夔同破斌復興州會兀朮攻關爲吳玠所敗法

原素與玠不睦玠因奏功訟法原之過憂患卒

陳規

陳規字元則安丘人中明法科靖康末爲安陸令會盜祝進攻德安府守棄城遁父老請規攝守事規率兵討却之高宗卽位除直龍圖閣知德安府李好義以詐圖城規逆爲備敗之又與楊進相峙十八日進技窮求和規出城與交臂語進感之折箭爲誓而去除德安府復州漢陽軍鎮撫使柰橫圖城造天橋填濠會濠橋陷規焚天橋以火牛助之須臾皆盡橫校

若去知順昌府會劉錡領兵赴京留守過郡境規出迎坐未定傳金人遊騎已薄城棄金龍虎大王者提重兵踵至規與錡巡城督戰兀朮下令并兵十餘萬攻城時方劇暑規謂其無多出軍第更隊易器以逸制勞兀朮敗遁詔褒諭之移淮西安撫卒年七十規嘗爲女求從婢得一婦甚閒雅怪而詢之乃雲夢張貢士女也卽輟女奩嫁之

李璆

李璆字西美汴人登進士第歷國子博士出知房州

宣和三年廷議將取燕蓟疏諫不省燕既平資監英州清溪鎮赦還為郎尋試中書舍人建言忤大臣意罷紹興中累遷徽猷閣直學士四川安撫制置使成都舊城多毀圮瑒至首命脩築俄水大至民賴以安三江有堰可以下灌眉田百萬頃久廢弗脩瑒率部刺史合力修復歲饑民徙發倉振活無慮百萬家

陳家

陳家字德應餘姚人入太學登政和上舍第歷數縣令皆以愷悌稱呂頤浩欲拔為御史約先一見謝不

往趨鼎李光交薦其才紹興二年除監察御史論事不合除江西運判移知台州母喪邦人巷哭相率走

行在所請起橐詔賜橐錢三十萬橐力辭上謂近臣曰陳橐有古循吏風終喪累遷權刑部侍郎時秦檜

至和議橐疏謂金人多詐不可信檜憾之金果淪盟

知頴昌府改處州又改廣州留鎮三年民夷悅服檜中以事降秩屢告老改婺州致仕卒年六十六

王倫

王倫字正道文正公且弟勗之玄孫也家貧無行為

任俠往來京洛間數犯法幸免汴京失守欽宗御宣

德門都人喧呼不已倫乘執經造御前曰臣能彈壓

之欽宗解所佩夏國寶劔以賜倫曰臣未有官豈能

彈壓遂自薦其才欽宗取片紙書曰王倫可除兵部

侍郎倫下樓扶惡少數人傳旨撫定都人乃息宰相

柯臬以倫小人無功除命太峻奏補脩職郎斥不用

建炎元年假刑部侍郎克金國通問使閤門舍人朱

弁副之見金左副元帥宗維議事金留不遣有商人

陳忠密告倫二帝在黃龍府倫遂與弁及洪皓以金

遺忠往黃龍府清通意由是兩官始知高宗已即位

矣久之黏罕使烏陵思謀即驛見倫語及遼時事已

而黏罕至詰倫曰欲議和決非江南情實侍郎自

為此言耶倫曰使事有指不然來何為哉是後使者

宇文虛中魏行可洪皓皆繼張劬相繼至金皆拘之

紹興二年黏罕忽自至館中與倫議和縱之歸報是

秋倫至入對言金人情偽甚悉帝優獎之除右文殿

修撰主管萬壽觀時方用兵討劉豫和議中格二年

韓肖胄使金還金遣李永壽王詡繼至二人倨傲以

倫克伴使倫與道雲中舊故稍為禮送拜詔訖事倫  
請祠宰相趙鼎請召倫赴都堂稟議倫陳進取之策  
不合復請祠七年春徽宗及寧德后訃至復以倫假  
直學士克迎奉梓宮使以朝請那高公繪副之入解  
帝使倫謂金左副元帥昌曰河南地上國既不有與  
其付劉豫曷若見歸是年冬豫廢倫及高公繪還左  
副元帥昌送倫等曰好報江南目今道塗無壅和議  
可以平達倫入對言金人許還梓宮及太后又許歸  
河南地且言廢豫之謀由已發之帝大喜賜予符異

卷十九

七

八年秋以端明殿學士再使金知開門事監公佐剛  
之申問諱日期還梓宮倫入辭引至都堂授使指二  
十事既至金國王亶為設宴三日遣僉書宣徽院  
事蕭哲左司郎中張通古為江南詔諭使偕倫來朝  
御史中丞勾龍如淵詣都堂與秦檜議召倫責曰公  
為使通兩國好凡事當於彼中反復論定安有同使  
至而後議者倫見通古以一二策動之受書以歸金  
許歸梓宮太后及河南地初兀木還密言于金主曰  
河南地本撻懶宗磐王謀割之與宋二人必陰結彼

國今使已至汴勿令踰境兀木遂命中山府拘倫殺  
宗磐及撻懶十年金渝盟兀木等復取河南倫居河  
間六載至十四年金欲以倫為平滌三路都轉運使  
倫曰奉命而來非降也金益脅以威遣使來趣倫拒  
益力金杖其使俾殺之倫冠帶南鄉再拜慟哭曰  
先臣文正公以直道相兩朝天下所知臣今將命被  
留欲汗以偽職臣敢愛一死以辱命乃就死年六十  
一子述與從兄遵間入金境至河間得倫骨以歸官  
給葬事孝宗錄其孫三人光宗賜諡節愍孫樹知各

卷十九

七

朱弁

朱弁字少章婺源人少穎悟既冠入太學晁說之見  
其詩奇之與歸新鄭妻以兄女靖康之亂家碎于賊  
弁南歸建炎初議遣使問安兩宮弁奮身自獻補修  
武郎借吉州團練使為通問副使至雲中見黏罕邀  
說甚切紹興二年金人遣宇文虛中言和議可成當  
遣一人詣元帥府受書還虛中欲弁與正使王倫探  
策決去留弁曰吾來固自分必死豈應今日覲俘先  
歸王倫將歸弁請曰古之死者有節以為信今無節



有印願留印使弁得抱以死死不應矣金人迫弁仕劉豫弁曰吾有死耳土倫還言于朝帝為官其子厚賜其家後倫復歸又以弁奉送徽宗大行之文為獻帝感泣官其親屬五人賜田五頃帝謂丞相張浚曰歸日當以禁林處之十三年和議成弁得歸入見便殿賜金帛甚厚泰檜沮之僅轉奉議郎明年卒

洪皓

洪皓字光弼番陽人登進士第王勳未劾皆欲婚之力辭宣和中為秀州司錄歲涉發廩捐直別以青白幟溲民手為識無紛競者又邀留浙東綱米以濟人感之切骨號洪佛子後秀軍叛過皓門相戒不敢犯建炎中張浚薦皓使金即喪次起之為通問使龔壽副之時淮南盜賊踵起李成甫就招即以知泗州轄廩之乃命皓兼淮南京東等路撫諭使俾成以所部衛皓至南京北過淮而成方與耿堅擅兵圍楚州皓先以書抵成復密諭堅以大義堅遂強成歛兵皓遂還上疏言成以朝廷餽餉不繼宜優進官秩畀之以京口綱運帝即遣使撫成給米五萬不願浩惡其直

卷十九

七

七

卷十九

七

連坐以稽留貶秩皓遂請由他界以行至太原留幾一年及至雲中黏罕迫二使仕劉豫皓曰恨力不能礪逆豫忍事之邪不願偷生鼠狗開黏罕怒流逾冷山禱至汴受豫官雲中至冷山行六十日地苦寒四月草生八月已雪穴居百家陳王悟室聚落也悟室敬皓使教其八子或一年不給食盛夏衣麤布嘗夫雪薪盡以馬矢然火煨麵食之武獻取蜀策悟室持問皓力折之悟室銳欲南侵欲殺皓皓不為懼留燕甫一月兀朮殺悟室紹興十年因謀者趙德書機事數萬言藏故絮中歸達于帝十一年又求得太后書遣李徽持歸帝大喜初皓至燕宇文虛中已受金官因薦皓欲以為翰林直學士力辭之皓有逃歸意乃請于參政韓昉乞于真定或大名以自養昉怒未幾金主以生子大赦許使人還鄉與張勛朱升三人在遣中已而復迫留留騎及淮而皓已登舟矣既至入見力求郡養母皓退見秦檜語連日不止曰張相公金人所憚乃不得用錢塘暫居而景靈宮太廟皆極上木之華豈非示無中原意乎檜不釋謂皓于逆

曰尊公信有忠節得上眷但官職如讀書速則易終而無味須如黃鍾大呂乃可翌日侍御史李文會劾皓不省母出知饒州罷奉祠九年卒年六十八死後一日槍亦死久之復徽猷閣學士謚忠宣子迺遵迺迺爲相遵守其嚴皓留沙漠母亡遵孺慕攀號既葬兄弟卽僧舍肄詞業夜枕不解衣以蔭補承務郎紹興中同兄迺試博學宏詞科中魁選賜進士出身擢秘書省正字宰相秦檜子燧爲官長警欬爲人輕重遵不之附二年弗遷皓出守遵亦乞外通判常棣三州以湯思退薦復爲正字父喪終石對陳父克曰槍不分忠逆高宗悉爲道謗語所起遂拜起居舍人汪澈論湯思退能相遵行制無貶詞澈以爲言遂句去奉祠金人由海道窺一浙朝廷以浙西副總管李寶禦之寶駐兵平江守臣朱翼素與寶異朝議以遵嘗薦寶乃命遵知平江及寶以舟師擣膠西凡資糧罷械舟楫皆遵供億孝宗卽位拜翰林學士承旨兼侍讀湯思退爲左相而次相張浚罷御史周瑛策遵且起遷上章攻劾上亟徙寶他官遵連章乞免訖與

御史俱去以端明學士奉祠乾道六年起知太平州前守周瑛以嘗論遵不俟合符馳去遵追餞十里勞若如平時徒知建康府以行營卒醉妄言累磔于市三軍無敢譁有言入旗亭挺刃推墮者械付獄驛上奏未下統帥懼得譴請自治之孝宗怒能統帥遵亦坐貶兩杖浮熙初提舉洞霄宮卒年五十五遵字景廬博學敏籍雖押官虞初釋老傍行靡不涉貫中博學宏詞科歷勅令所刪定官皓忤秦檜投間槍憾未已御史汪勃論遵知其父不靖之謀紹興三十二年金主廢遣左監軍高忠建來告登位且議和遵爲接伴使知閫門張掄副之既而忠建有責臣禮及取新復州郡之議遵以聞且奏言疆土實利不可與禮際虛名不足惜禮部侍郎黃中問之亟奏曰各定實隨不可謂虛兵部侍郎陳俊卿亦謂先正名分時議遣使報金聘邁慨然請行至燕金閫門見國書呼曰不如式抑令人於表中改陪臣二字金人語極不遜欲留不果邁還孝宗已卽位矣言者以辱命論罷起拜中書舍人除知建寧府發軍素無律邁以計

楚摠四十有八人置之理事閣上語輔臣曰不謂書  
生能臨事達權累遷翰林學士告老未幾卒年八十  
所簡欽宗紀本之孫觀附耿南仲惡李綱所紀多失  
實未烹舉王允之論言佞臣不可使執筆蓋指說也

崔縱

崔縱字元矩臨川人登第歷承議郎幹辦審計司高  
宗將遣使通問二帝廷臣以前使者相繼受繫莫肯  
往縱毅然請行至金首責以大義請還二帝金人怒  
徙之窮荒誘以官爵縱志恨成疾竟握節以死

卷十九

九

宋列傳卷之二十

馬伸字子平入紹聖四年進士歷京法曹求  
學於蔡頤頤曰時論方異恐貽子累曰使伸得聞道  
死何足死未必死乎頤嘆其有志進之自是公暇雖  
風雨必曰一造幸受中庸以歸靖康初孫傳以卓行  
薦召權監察御史及金人陷汴京立張邦昌衆唯唯  
伸獨曰吾職諫爭忍坐視乎乃與御史吳給約秦檜  
共為嚴狀乞存趙氏復嗣君位伸具書請邦昌速迎  
奉元帥康王同院無肯連名者伸獨持以往而秦檜  
司視書不稱臣却不受伸投袂叱之曰吾今日不愛  
一死正為此耳即繳申尚書省以示邦昌康王既即  
位擢伸殿中侍御史撫諭荆湖廣南伸自湖廣將入  
奏黃潛善汪伯彥不法凡十有七事草疏已具朝廷  
方召孫觀謝克家乃先奏觀克家趨操不正宜加遠  
竄不報伸乃進跪望速罷潛善伯彥疏入留中明日  
改衛尉少卿伸以論事不行辭不拜詔責濮州監酒  
稅伸怡然樸被而行死道中明年潛善伯彥以誤國

竄乃召伸爲衛尉少卿未知其死也伸門人何兌昭  
武人爲辰州通判親郵報秦檜自陳存趙之功它人  
莫預兌徑取所輯伸事狀達尚書省檜大怒下兌荆  
南詔獄坐削官竄真陽檜死始放還復其官

### 王庭秀

王庭秀字頴彥慈谿人與黃庭堅楊時遊登政和二  
年上舍第歷御史臺檢法官高宗立臺臣言僞楚時  
庶官中如虞謨王庭秀者非疾而歸願褒擢之拜監  
察御史未幾出知瑞州召爲吏部郎與宰相議多不

合引疾去

### 辛炳

辛炳字如晦侯官縣人登進士第累官監察御史殿  
中侍御史先是蔡京廢發運司轉般倉爲直達網炳  
極疏其弊責監南劔州新豐場高宗立歷侍御史連  
疏三省乖失數十事宰執呂頤浩居家待罪炳劾罷  
之知樞密事張浚召赴行在炳論其敗事誤國浚坐  
落職除御史中丞時方遣使議和炳力言金人無信  
宜講求守禦攻戰之策以疾請外知漳州未赴卒

### 衛膚敏

衛膚敏字商彥華亭人以上舍生登進士第歷秘書  
省校書郎命假給事中賀金主生辰膚敏奏曰彼生  
辰後天寧節五日萬一金使不來爲朝廷羞請至燕  
山候進止徽宗可其奏既至燕金使果不至遂以幣  
置境上而還後復使金道聞金且大入至燕報愈急  
衆懼不敢進膚敏叱曰吾將君命以行其可止乎既  
至金知其兵已舉殊不爲屈金人不說及還中道醫  
留且半年至涿州新城與幹離不遇遣人約相見膚  
敏長揖而入金人出播書示之却不視回遠使久不  
爾朝廷事此書真僞不可知因論用兵事又以語折  
之幾復爲所留靖康初始還進三官遷吏部員外郎  
會高麗遣使來賀命假太常少卿往接之既至明州  
會京師多難乃便宜稱詔厚賜使者遣還建炎初復  
命自劾稱制之罪高宗嘉實遷衛尉少卿后父邢綏  
除殺賊聞待制太后兄子孟忠厚顯謨閣直學士膚  
敏言非祖宗法煥尋換武職忠厚自若俄遷膚敏中  
書舍人不拜居家逾月及忠厚改承宣使詔后族勿

除從官肅教始拜命在省論事為黃潛善汪伯彥所惡因事斥之遷禮部侍郎卒年四十九

鄧肅

鄧肅字志宏沙縣人少能文李綱奇之為忘年交入太學時守令以花石綱擾民肅作詩十一章用事者見之屏出學欽宗嗣位召對補承務郎授鴻臚寺簿金人犯關肅被命詣敵營留五十日而還張邦昌借位肅義不屈奔赴南京擢右正言朝臣受僞命者衆肅請分三等定罪取南仲得祠祿歸其子延禧為郡守肅劾南仲父子誤國乞正典刑南仲嘗薦肅上嘉其直會李綱罷肅奏陛下嘗顧臣曰李綱真以身殉國者今日罷之而責詞甚嚴此臣所以有疑也執政怒送肅吏部罷歸後避寇福唐卒

陳公輔

陳公輔字國佐臨海人政和三年上舍及第調平江府教授朱勔方嬖倖當官者奴事之公輔絕不與交累遷秘書郎靖康初擢右司諫論蔡京父子悖姦誤國乃詔諭京又奏朱勔罪惡乞勿許其子姓隨上皇

入京時有指公輔為李綱之黨與應求程瑀李光俱得罪斥監合州稅高宗即位累擢吏部員外郎既言今日之禍實由公卿大夫無氣節忠義為之維持豈非王安石學術壞之邪復授左司諫遷尚書禮部侍郎後以徽猷閣待制奉祠卒年六十六公輔輪事則切疾惡如讎惟不右程頤之學

常同

常同字子正安民之子也登政和進士第歷太常博士高宗南渡辟浙江機幕建炎中詔錄常安民江公鑒之後遂召同以為大宗丞紹興初乞郡得郴州三年召還首論朋黨相攻五十餘年章惇唱于紹聖之初蔡京和於崇寧之後時韓世忠屯鎮江劉光世屯建康以私忿欲交兵同既論其罪請分是非正國典上以章示兩軍呂頤浩再相同論其十事頤浩罷論張浚喪師失地浚遂貶同與辛炳在臺同好惡上皆重之偽齊宿遷令張澤以二千人自投來歸泗州守徐宗誠納之朝論令却澤等而械宗誠赴行在同奏敵雖議和而兩界人往來未嘗有禁偽齊尚能置歸

受館立賞以招口民今乃却澤人心自此離矣詔處  
未歸者於淮南釋宗誠罪四年除起居郎中書舍人  
史館脩撰先是同嘗上疏論神哲二史悉山一昨執  
人之論至是命同脩撰七年秋迎擢御史中丞車駕  
自建康回臨安同奏旋蹕之初去淮益遠宜遣重臣  
出按兩淮乃遣樞密使王庚視師同又言江浙困於  
月椿錢上為減數千緡乞郡知湖州復召請祠卒

張致遠

張致遠字子猷沙縣人登進士第歷兩浙轉運判官

宋

卷二十一

六

改廣東招撫劇盜曾衷等悉請降紹興四年連擢殿  
中侍御史時金人與劉豫分盜入寇宰相趙鼎勸親  
征致遠入對獨贊其決遷侍御史五年為戶部侍郎  
除給事中尋以母老丐外致仕卒年五十八

陳淵

陳淵字知默確諸孫也紹興五年以薦充樞密院編  
脩官李綱辟為制置司機宜文字七年詔舉直言極  
諫之士淵得召對改官賜進士出身明年遷右正言  
入對論比年以來頒賚賜予之費太濫淵面對因論

程頤王安石學術同異開安石無一不差鄭億年復  
資政殿學士淵言億年嘗從賊乞寢職名不報億年  
秦檜親黨也由是檜恚之何鑄論罷奉祠卒

魏疇

魏疇字邦達歷陽人唐丞相知古後也宣和上舍及  
第紹興元年為考功郎會星變疇因轉對力言大臣  
黜陟不公高宗識其忠擢監察御史遷侍御史時朱  
勝非獨相疇論其無所建明帝將親征劉豫疇請扈  
從因令督江上諸軍時劉光世韓世忠張俊三大將

宋

卷二十一

七

莫有協心疇首至光世軍前之遠勸其貽書二帥示  
以無他二帥復書交歡遷秘書少監未幾請郕知楚  
州尋召還八年金使入境命疇充館伴使秦檜召疇  
至都問所以不主和之意疇具陳敵情難保改命吳  
表臣父喪終改奉祠丁內艱以卒

潘良貴

潘良貴字子賤金華人以上舍釋褐為辟雍博士提  
舉淮南常平靖康初召還賜對欽宗問孰可秉鈞軸  
者良貴極言何鼎唐格等四人不可用黜監信州酒

門排岸高宗即位召為左司諫請巡幸維揚養兵威  
以圖恢復黃潛善汪伯彥惡其言改除工部良賈以  
不得其言求去與祠歷考功郎遷左司宰相呂頤浩  
從容謂良賈曰旦夕相引入兩省即日乞補外起為  
中書舍人會戶部侍郎向子諲入見語言煩絮良賈  
故善子諲是日攝起居立殿上徑至榻前厲聲曰子  
諲以無益之談久煩聖聽高宗顧良賈曰是朕問之  
又論子諲且款語子諲復語久不止良賈叱之退者  
再高宗色變開門併彈之良賈求去以集英殿修書

卷之二十一

九

舉劉守光得第坐嘗與通書降二官卒年五十七

廖剛

廖剛字用中順昌人少從陳雍楊時學登進士第歷  
權監察御史時蔡京當國剛論奏無所避以親老請  
鄒由知興化軍欽宗即位以右正言召紹興元年登  
起旁郡官吏悉逃去順昌民以剛為命剛遣長子通  
諭賊亦散去累遷拜御史中丞鄭億年與秦檜有連  
得笑官剛顯疏其惡檜銜之金人叛盟剛乞起舊相  
德望者處以廷藩檜聞之曰是欲寘我何地耶奉祠

復致仕卒子四人選通選選仕皆乘鹿節號萬石廖

氏

黃龜年

黃龜年字德邵永福人登進士第累官遷殿中侍御  
史會邊報王倫來歸龜年劾槍主和誤國併劾槍黨  
王暎王珣王守道皆罷之槍乃與祠龜年又奏槍厚  
貌深情矯言偽行上不畏陛下中不畏大臣下不畏  
天下之議章凡三上遂獲槍職侍御史常同劾龜年  
罷歸司陳唐大方希槍意繼論之落職卒年六十三  
龜年後時永福傳李朝旌奇之許妻以女旣登第而  
朝旌死家貧甚或勸別娶龜年曰死而負之何以自  
立任子恩先奏其弟之子人皆義之

汪若海

汪若海字東叟歙人為太學生靖康初以知兵應詔  
擢高等康王起兵相州若海請立王為大元帥鎮撫  
河北以拊金人宰相何鼎執異議不果用京城失守  
康王即位歷轉承事郎監登聞檢院朝廷以張浚宣  
撫川陝議未決若海曰天下者常山蛇勢也秦蜀為

首東南爲尾中原爲脊今以東南爲首安能起天下之脊哉繼論軍食廷執政通判沅州以讒奪籍謫英州道出臨川時節制江夏軍馬李允文擁衆數十萬跋扈朝廷命招討使張俊屯江西參謀官湯東野與若海故道逢若海謂曰非君莫能開其自新若海馳往諭之復說以三策允文感悟卽舉軍東下若海復爲書招其徒張用曹成李宏馬友用以其衆二十萬降成尚有他志若海移書責之成怒將殺若海若海夜宿王林軍帳以計得林軍印奪其衆五千人翌日

宋 卷二十一

成遣若海遂以其衆歸張浚時朝廷方出師若海以爲爲國家者當化盜賊爲我用不可失英雄爲國患因獻平寇策悉用之累遷直秘閣知江州丁父憂卒

馮康國

馮康國字元通本名幡遂寧府人爲太學生負氣節建炎中苗劉作亂張浚外倡帥諸將合兵致討念傳等居中使辯士往說之時幡客浚所慷慨請行俄勤王兵大集傳等始懼幡知其可動乃說宰相朱勝非與傳正彥議皆許諾詔補幡奉議郎守兵部員外賜

五品服更名康國高宗反正以張浚宣撫川陝浚辟主管機宜文字浚至蜀遣入奏事詔進兩官紹興三年浚召還與俱赴行在浚旣黜御史常同因論康國罷之浚入相爲都官員外郎浚去位乞補外卒

王衣

王衣字子裳歷城人以門蔭仕中明法科歷大理寺正林靈素得幸將毀釋氏以逞其私襄州僧杜德寶毀體然香有司觀望靈素急捕以聞衣閱之曰律自傷者杖靈素求內批寘流之停衣官尋與祠累遷大理

宋 卷二十一

理少卿韓世忠執苗傳劉正彥獻俘檻車幾百兩先付大理獄將盡尸諸市以衣奏詔傳正彥妻子外皆釋之未詔鞠范瓊獄詞服賜死釋其親屬將佐勅令歸離犯死罪四十七條書成帝嘉其詳明紹興元年權刑部侍郎明年除集英殿脩撰奉祠卒

曹勛

曹勛字公顯陽翟人父組爲閤門宣贊舍人以占對開敏得幸徽宗勛用恩補承信郎特命赴進士廷試賜甲科爲武吏如故靖康初從徽宗北遷過河十餘



日謂勛曰不知中原之民推戴康王否翌日出御衣書領中曰可使即真來求父母拜持帝賢妃邢夫人信命勛間行詣王勛自燕山遁歸建炎元年至南京以御衣所書進入高宗泣以示輔臣勛建議募死士航海入金國東京奉徽宗由海道歸執政難之出勛于外凡九年不遷紹興中歷遷忠州防禦使蕭毅等來命勛為接伴使充金國報謝副使及見金王正使何鑄伏地不能言勛反復開諭乃許梓宮及太后時金王亮已定侵淮計勛副王倫為稱謝使還言恭願

無他人譏其妄卒

李稹

李稹字元直臨淮人兩學于鄉晁無咎奇之妻以女高宗開元帥府羣盜四起餉道阨絕轉運向子謹以稹借補廸功郎使督四百艘招募忠義二萬人自淮入徐趨濟凡十餘戰卒以計達時高宗駐師鉅野聞東南一布衣統衆而至士氣十倍首加勞問稹占對詳敏高宗大悅親賜之食授承直郎留之幕府稹三上表勸進三降手札獎諭稹感激知遇言無不盡為

汪伯彥黃潛善所忌高宗即位歷鄂州通判平馬友孔彥舟二盜張浚上其功秦檜當國勾祠奉親寓醴陵十九年杜門不仕檜死除戶部郎中入見帝曰朕故人也方有意大用以母老辭便養除知桂陽軍母憂歸葬哀毀廬墓有白鷺朱草之祥服闋歷遷乾道中至江南東路轉運使上書言防江十策孝宗嘉納以大府卿召有疾致仕始終以和議為恨年七十六卒

韓公裔

韓公裔字子辰開封人初以三館史官充康王府內知客從王出使金軍為磁人所沮王將南奔與謀間道潛師夜起避明至相磁人無知者自是親愛愈篤王卽帝位累遷貴州防禦使以事忤黃潛善會修玉牒秦檜以公裔帥府舊人奏令修撰官就質其事俄除保康軍承宣使檜疑其捨已而求于帝銜之諫議大夫汪勃希檜意劾與副檜死升華容軍節度使卒年七十五

宋列傳卷之二十一

陳康伯

陳康伯字長卿弋陽人宣和三年中上舍內科歷官  
提舉江東常平茶鹽紹興中累遷戶部司勳郎中康  
伯與秦檜太學有舊檜當國康伯在省郎泊然無求  
凡五年始遷軍器監借吏部尚書使金至汴將脯不  
供餉閉戶臥館人夜叩戶謝不敏亦不對後金使至  
詔康伯館伴端陽賜扇帕與論拜受禮言者以生事  
論罷知泉州秩滿奉祠十年檜死起知漢州召對

除吏部侍郎至參知政事未幾同平章事上常謂其  
靜重明敏一語不妄發真宰相也明年拜左僕射金  
遣使賀天申節出嬖言求淮漢地指取將相大臣先  
是葉義問賀允中使還言金必敗盟康伯使早為之  
備建四策一日忽降手詔如敵未退散百官康伯焚  
之而後奏曰百官散主勢孤矣上意既堅請下詔親  
征以葉義問督江淮軍虞允文參謀軍事尋敗敵於  
采石金王亮為其臣下所斃而還於是報書始用敵  
國禮高宗倦勤康伯密贊大議草立太子詔以進孝

宗即位命兼樞密使進封信國公禮遇殊渥呼丞相  
而不名旬外祠進封魯國公乾道元年卒年六十九  
贈太師謚文恭

陳俊卿

陳俊卿字應求興化人登紹興進士第授泉州觀察  
推官服勤職業同僚宴集恒謝不往秩滿秦檜察其  
不附已抑之檜死累遷殿中侍御史湯退思專政俊  
卿言冬無日無雲而雷宰相上不當天心下不厭人  
望詔罷思退上疏為張浚辨讒未報因請對力言之

上始悟數日以浚守建康除權兵部侍郎金王亮渡  
淮俊卿受詔整浙西水軍李寶因之遂有膠西之捷  
亮死詔俊卿治淮東堡砦屯田金王亮新立申舊好  
廷臣多附和議俊卿奏宜以正名為先孝宗受禪俊  
卿言為國之要有三川人賞功罰罪所以行之者至  
公而已遷中書舍人時孝宗志在興復方以閩外事  
屬張浚以俊卿忠義沈靖有謀命為江淮宣撫判官  
兼權建康府事會主和方堅詔吳玠班師俊卿亦召  
還諫臣尹穡附思退議罷浚亦督俊卿奏疏上命浚

都督且召為相卒為思退穉所擠遣視師江淮俊辭  
累章請罪請祠及思退被竄太學諸生伏闕乞召俊  
卿乾道元年入對上勞撫之因極論朋黨之弊除吏  
部侍郎同脩國史論人才當以氣節為主錢端禮起  
戚里為參政窺相位俊卿進讀寶訓題及外戚因言  
本朝家法外戚不預政四年同平章事俊卿以川人  
為已任所除史皆一時選虞允文宣撫四川俊卿薦  
其才可相上即召允文為樞密使至則以為右相俊  
卿為左相上意鄉允文而俊卿亦數求去請辭歸第  
樂星數懼怡然不介意淳熙二年再命知福州累章  
告歸石對命坐賜茶因從容言曾覲王抃招權納賄  
朝辭又奏曰去國十年見都城殺賤人安惟士大夫  
風俗大變上曰何也俊卿曰向士大夫奔覲并之門  
十纔一二尚畏人知今則公然趨附已七八不復顧  
忌矣人材進退由私門大非朝廷美事進少保累章  
告老以少師魏國公致仕卒年七十四贈太保諡正  
獻俊卿雅善汪應辰李燾尤敬朱熹屢常論薦其卒  
也熹感知已不遠千里往哭之又為撰行狀子守定

密並知名

虞允文

虞允文字彬甫隆州人父拱常登進士第允文以父  
任入官亦登進士歷知渠州秦檜當國蜀士多屏棄  
檜死高宗欲收用之允文以薦召對除秘書丞累遷  
禮部郎官金王亮修汴已有南侵意又隱書工圖籍  
安湖山以歸亮賦詩有立馬吳山第一峯之句允文  
上疏請召大臣豫思備禦時紹興三十年正月也十  
月允文使金見連糧造舟者多辭歸亮曰我將看花  
洛陽明年允文還奏所見及亮語申言淮海之備  
中書舍人直學士院九月金遣浮梁于淮水上十月  
金王將兵自渦口渡淮先是劉錡措置淮西地至是  
王權首棄廬州錡亦回揚州中外震恐上欲航海陳  
康伯力贊親征是月戊午樞臣葉義問督江淮軍允  
文參謀軍事權又自和州遁歸錡回鎮江盡失兩淮  
矣十一月壬申金王太率軍臨采石而別以兵爭瓜  
州朝命成閔代錡李顯忠代權義問被旨命允文往  
無湖趣顯忠交權軍且犒師采石丙子允文至采石

權已去顯忠未來敵騎充斥我師三五星散解鞍束  
甲坐道傍皆權敗兵也允文立招諸將勉以忠義  
援兵至始遁又命勁弓尾擊追射大敗之多俘獲  
輜尸凡四千餘敵兵不死于江者亮怒悉敵殺之允  
文以捷聞檇將士謂之曰敵今敗明復來夜半鄧分  
諸將分海舟縱上流遣兵截楊林口丁丑敵果至圍  
夾擊之焚其舟三百始遁去再以捷聞時楊存中處  
閩邵宏淵諸軍復合庚寅敵至瓜州乙未敵為其下  
屬殺丙申敵入退屯三十里遣使議和己亥奏聞  
人對上讀謂陳俊卿曰允文忠公出天性朕之裴度  
也詔免屢從往兩淮措置允文至鎮江奏收兩淮三  
東不報明年克川陝宜撫諭使陸辭言金亮既誅新  
呈初立彼國方亂天相恢復也上以為然允文至蜀  
與大將吳玠議經畧中原孝宗受禪叅知政事史浩  
讓欲盡棄陝西臺諫袁季任古附和其說允文前後  
凡十疏隆興元年入對言今日有八可職上問及棄  
地允文以笏畫地陳其利害上曰此史浩誤朕時期  
廷遣虞仲賢議和湯思退又欲棄唐鄧海泗允文累

疏力爭思退怒知平江府思退竟決和議割唐鄧二  
年金兵復至思退既上悔不用允文言陳俊卿亦薦  
允文堪大用乾道元年拜叅知政事兼知樞密院事  
坐論罷奉祠歸三年召除知樞密院事兼叅知政事  
吳玠卒議擇代上諭允文曰無以易卿以為四川宣  
撫使太上賜御書聖主得賢臣願上為之製跋陸辭  
復以所御雙履及甲冑賜焉五年拜右僕射同中書  
門下平章事兼樞密使多薦知名士及為相籍人才  
為三等號材館錄六年俊卿以奏留龔茂良忤上意  
上震怒俊卿待命浙江亭兩日不報允文請對極論  
體貌之道疊拜榻前遂命削福州自莊太子遷儲位  
未定允文上疏且懇未幾詔恭王惇立為皇太子時  
改僕射為丞相八年二月允文特進左丞相兼樞密  
使梁克家為右丞相四月御史蕭之敏劾允文允文  
進章待罪上過德壽宮太上曰采石之功之敏在何  
許母聽其去上為出之敏且書扇製詩留之允文力  
求外授武安軍節度使封雍國公淳熙元年卒贈太  
傅謚忠肅孫剛簡放知名嘉定中召不至終列路罪

點刑獄

梁克家

梁克家字叔子晉江人紹興末年進士第一授平江  
 僉判為秘書省正字累遷中書舍人乾道三年郊祀  
 雷震復條六事遷給事中每勸上開言路叅知政事  
 在政府與虞允文可否相濟允文主恢復克家密諫  
 數不合力言去允文既罷相克家獨秉政近戚權倖  
 不少假借而外濟以和張悅入樞府議金使朝見授  
 書儀說欲移文對境以正其體克家議不合遂求去  
 知建康府陛辭上以治効為問克家勸上無求奇功  
 既而三省密院卒移牒泗州敵不從遣泛使來舉朝  
 震駭後二年湯邦彥坐使事貶天下益服克家謀國  
 之忠九年拜右丞相明年卒年六十

葉頤

葉頤字子昂仙遊人登紹興進士第歷知上虞縣賀  
 正中薦頤靜退遂召見知處州湯思退之兄家奴犯  
 禁一劄以法思退不悅常州通緝錢四十萬守坐免  
 後頤代之金犯逸高宗親師建康道毘陵頤賜對舟

次因言故相張浚久請無恙是天留以相陛下也頤

初至郡無旬月備未一年餘緡錢二十萬累遷叅知  
 政事御史林安宅請兩淮行鐵錢頤力言不可安宅  
 上章攻頤予祠安宅貶筠州召進尚書左僕射兼樞  
 密使薦汪應辰王十朋陳付良周操陳之茂內華林  
 光朝等可備執政侍從臺諫奉祠卒年六十

張九成

張九成字子韶錢塘人嘗從楊時學紹興二年策進  
 壬九成對曰禍亂之作天所以開聖人也願陛下以  
 爾大為心攝第一授鎮東軍僉判作提刑張宗臣疑  
 板歸使學者日衆趙鼎薦之再遷力辭乃與祠未幾  
 召權刑部侍郎金人議和九成謂趙鼎曰金實厭兵  
 而張虛聲以撼中國因言十事鼎既罷秦檜誘曰且  
 成檜此事九成曰九成胡為異議待不可輕易以苟  
 安耳檜曰立朝須優游委曲九成曰未有枉已而能  
 直人上問以和議九成曰敵情多詐不可不察因在  
 經筵言西漢災異事檜甚惡之謫守邵州中丞何德  
 論其矯偽欺俗傾附趙鼎落職終父喪秦檜取旨止

曰自古朋黨畏人主知之此人獨無所畏可與宮觀  
先是徑山僧宗泉善談禪理九成時往來其間掄令  
司諫詹大方論其與宗泉談論朝政論居南安軍凡  
十四年每執書就明倚立庭中歲久雙趺隱然廣帥  
致麓金九成悉歸之贈死起知溫州戶部遣吏督軍  
糧九成移書痛陳其弊戶部持之即旬刷歸數月卒  
范如圭

范如圭字伯達建陽人少從舅氏胡安國受春秋登  
進士第歷遷校書郎兼史館校勘秦檜建和議金使

條

卷五十一

七

來無所于館將虛秘書省處之如圭亟見宰相趙鼎  
曰秘府謨訓所藏可使離敵居之乎鼎竦然為改館  
既而金使至倅傲議多不可從中外憤鬱如圭以書  
實檜曲學佞師忘讎辱國之罪且曰公不喪心病狂  
柰何為此必遺臭萬世矣草奏與史館六人上之謁  
告去竟與祠杜門十餘年起通判邵州移荆南府掄  
范高宗召對提點刑獄以病請祠時宗藩並建儲位  
未定如圭撥至和嘉祐間名臣奏章三十六篇合為  
一書蒙封以獻復起知泉州能領祠年五十九卒

### 晏敦復

晏敦復字景初殊之曾孫少學于程頤第進士歷吏  
部郎官以守法忤呂頤浩出知貴溪縣累遷權吏部  
侍郎除給事中居兩月論駁凡二十四事紹興八年  
金遣使來要以難行之體秦檜方力贊屈已之說外  
議羣起而未敢行勾龍如淵說檜擇人為臺官使擊  
去異論于是如淵適廷臣莫將皆掾要地敦復與尚  
書張燾疏言如淵廷臣皆庸人但知觀望將則姦人  
也陛下奈何與此輩斷國論乎既又與燾等入對爭  
之始檜再相朝士相賀敦復與李彌遜獨有憂色曰  
姦人相矣權吏部尚書知衢州奉祠卒年七十一

### 曾幾

曾幾字吉甫河南人幼有識度入太學有聲以兄弼  
恤恩授將仕郎試吏部優等賜上舍出身擢國子正  
歷校書郎林靈素得幸徽宗朝士爭趨之幾與李綱  
傅菴卿皆稱疾不往視兄禮部侍郎聞與秦檜歷爭  
和議去位幾亦能檜死起知台州賀允中薦召封以  
疾辭除直秘閣歸故治未幾復召對蒙口士氣入下

振乞開言路權禮部侍郎兄林開皆具職人以爲榮  
引年請祠後升至敷文閣待制金犯案定議親征有  
欲遣使往敵求緩師者幾蹶正當嘗膽枕戈可與之  
和耶帝壯之孝宗受禪將召屢請老致仕卒年八十  
二子逢至司農卿逮終敷文閣待制而逢最以學稱  
開字天游登崇寧進士第歷起居舍人多所論駁忤  
時相意屢召屢罷建炎中自宮祠遷禮部侍郎兼直  
學士院時秦檜專主和議開當草國書論之不聽遂  
請罷改侍讀又引古直折檜大怒曰侍郎知故事檜  
獨不知耶會胡銓上封事痛抵檜極稱開由是罷去  
居開十餘年黃達如請籍和議同異爲士大夫升黜  
卽罷達如監察御史首劾開職後復私開脩撰卒  
年七十一檜死始復實文閣待制開從游酢學其制  
南京劉安世一見如舊定交

黃中

黃中字通老邵武人以蔭補官高宗第進士親擢第  
二授保寧軍節度推官二十餘年秦檜死乃召爲校  
書郎歷司封員外郎使金還累遷權禮部侍郎中之

初還也言金治汴宮必徙居見迫宜早爲計上髮然  
宰相謂中曰沈介歸殊不聞此何耶不數月金主亮  
已擁衆渡淮兼給事中內侍遷官不應法諫官劉度  
坐論龍大淵能中皆不書牘羣小相與媒孽罷去居  
六年孝宗召對問勞甚渥以爲兵部尚書兼侍讀  
陳十要道上丞稱善中力求去致仕卒年八十五

張燾

張燾字子公根之子也宣和八年進士第三人爲  
雅錄秘書省正字靖康元年李綱爲親征行營使  
燾入幕綱既親知坐累者十七人燾亦貶建炎初遷

遷入幕綱既親知坐累者十七人燾亦貶建炎初遷  
通判湖州苗劉之變改元明受賊矯詔俟撫諭江  
浙燾不受高宗復辟詔求言燾上書言措置江防非  
計紹興二年呂頤浩薦除司勳員外郎遷起居舍人  
呂祉之撫諭淮西也燾謂張浚曰祉書生不更軍旅  
何可輕付浚不從遂致郿瓊之變七年張浚特賜進  
士出身浚浚兄也燾執奏上以命起居郎樓炤炤又  
封還奉祠明年以兵部侍郎召上曰卿去止緣張浚  
燾曰臣苟有所見不敢不言臣若不言豈惟負陛下

亦負張浚尋權吏部尚書時金使至境詔欲留已就  
和令侍從臺諫條上盡言若屈膝于金而臣事之而  
覲和議之必成非臣所敢知也既而監察御史施廷  
臣力贊和議擢侍御史司農寺丞莫特忽賜第擢起  
居郎朝論大駭蓋幸侍郎晏啟復疏請斥逐曾患之  
蓋自知得罪託疾在告檜使樓船論意欲以為直院  
議成范如圭請遣使朝入陵遂命判大宗正士褒與  
循行成都謀帥上諭檜曰張蓋可弟恐道遠憚行檜

宋

卷五十一

十一

以諭蓋蓋曰君命也焉敢辭以賀文閣學士知成都  
府兼本路安撫使付以便宜在蜀四年乞祠歸凡十  
有三年檜死舊人在者皆起蓋乃遷建康府兼行宮  
留守蓋屢乞骸致仕復知建康府時金人窺江建業  
民驚徙過半間蓋至人情稍安尋詔沿江帥臣條上  
恢復事宜蓋首陳十事孝宗受禪除同知樞密院遷  
叅知政事以老病不拜致仕卒年七十五謚忠定

張闡

張闡字大猷永嘉人幼力學善屬文未冠由選貢京

師登進士第歷鄂台二州教授紹興十年給事中林  
待聘薦召試館職除秘書省正字遷校書郎十三年  
遷秘書郎兼國史院檢討官秦檜每薦臺諫必先諭  
以已意常謂闡曰秘書久次欲以臺中相處何如闡  
謝曰丞相見知得老死秘書幸矣檜嘿然罷奉祠孝  
宗即位權工部侍郎兼侍講入謝言諸將以敗為捷  
冒爵秩州廂禁軍因覃霽鼓索希厚賞不可不正其  
罪時應詔數十人惟闡與司業王十朋陳時正斥權  
粹無所回隱除工部尚書與祠歸卒年七十四朱熹

宋

卷五十一

十一

常言言金人世雖不可和者胡左史銓張尚書闡

胡銓

胡銓字邦衡廬陵人建炎二年策士銓對萬餘言高  
宗將以冠多士有忌其直者移第五授撫州軍事判  
官紹興中除樞密院編脩官秦檜決策主和金使以  
詔諭江南為名銓上疏劾王倫并檜之罪除名編管  
昭州改監廣州鹽倉諫官羅汝楫劾管新州守臣  
張棟誣與容唱酬怨謗謫吉陽軍凡九年檜死量移  
衡州銓書初上也宜與進士吳師古優傳之金人慕



其書千金其謫廣州也朝士陳剛中以啓事爲賀其  
謫新州也同郡王廷珪贈之詩有癡兒不了官中事  
男子要爲天下奇之句師古廷珪坐流遠州剛中謫  
知安遠縣死焉三十一年得自便孝宗卽位累遷秘  
書少監起居郎論左右史失職者四又言周世宗斬  
敗將何徽等七十人軍威大震近宿州之敗士死者  
滿野而敗軍之將以所得金賂權貴以自解又謂金  
人知陛下誠意恢復故以甘言疑我願絕口勿言和  
字既而詔以和戎遣使大詢于庭王和者半可否半

卷二十一

主

主

卷二十一

主

主

言不可和者銓一人而已乃獨上一議久之與詞苑  
道初爲工部侍郎致仕卒謚忠簡有澹菴集孫禰樂  
贊至尚書同邑有胡夢旻字季昭寶慶初爲大理寺  
評事應詔上書訟濟王寃史彌遠怒寃象郡以死人  
稱小澹菴同時拱州許忻亦上疏極論和議請撫州  
趙達  
趙達字莊叔資州人紹興中類省奏各廷對論父子  
君臣之情甚切擢第一時秦檜意有所屬而達對獨  
當帝意檜不悅卽罷知舉王儼授僉書劔東南川帝

問趙達安在久之帝又問除校書郎欲擠之會檜死  
遷著作佐郎兼權禮部員外郎帝謂曰卿始終皆朕  
自擢秦檜日薦士未常一語及以此知卿不附權貴  
真天子門生也除中書舍人登第六年而當外制南  
渡後未有也達前薦杜莘老唐文若孫道夫皆蜀名  
士至是又以馮方劉儀鳳李后知次雲應詔宰執以  
前帝曰蜀人道遠不因論薦無由得知前此蜀中宦  
遊者多隔絕不得一王朝廷甚可惜也自檜顯權深  
抑蜀士故帝語及之以疾卒年四十一帝稱小東坡

呂本中

呂本中字居仁恩授承務郎公著追貶本中亦黜後  
歷樞密院編脩官紹興六年自直秘閣召起行在七  
年上幸建康本中奏曰當今之計必先爲恢復事業  
引疾乞祠八年遷中書舍人初本中與秦檜同爲郎  
相得甚驩檜旣相思有引用本中封還除目趙鼎素  
主元祐之學謂本中公著後故深相知檜風御史蕭  
振勛罷卒學者稱爲東萊先生謚文清

宋列傳卷之二十二

張綱

張綱字彥正丹陽人入太學以上舍及第歷校書郎入對請法祖考躬行之教以化天下徽宗稱善論事與蔡京不相合黜主管玉局觀高宗累遷起居中書舍人宗室令應特轉太中大夫綱與舍人王居正執不行遂寢除給事中侍御史魏狂劾綱與祠秦檜用事久綱臥家二十不絕不與通問檜死叅知政事告老知婺州等致仕孝宗登極存問卒年八十四綱嘗書座右曰以直行己以正立朝以靜退高天下

辛次膺

辛次膺字起季萊州人甫冠登進士第歷官駕部郎中見高宗于建康首言救世之弊上稱善權右正言王倫使北請和次膺言宜和海上海上之約靖康城下之盟口血未乾兵隨其後今日之事當識其詐時秦檜在政府次膺劾其妻家王仲疑王暎不法章留中求去除直秘閣湖南提刑先是湖南賊龍淵李朝擁眾數萬據茶陵檜匿不奏既抵長沙賊勢方張始悟檜

欲陷之即單車擒賊驍將戮之金好成赦書至衡陽

次膺極陳其詐書奏不報金陷三京次膺罷奉祠檜死起知婺州俄被召因奏國本未立上改容曰誰可次膺曰知子莫若父上稱善檜給事中坐駁戶部侍郎蔣璨為中丞楊鵬舉所論與祠起知泉州孝宗即位召拜御史中丞成閔之貪饕湯思退之朋附葉義問之姦罔皆以次論劾拜叅知政事以疾力祈免奉祠陛辭奏今日之事恐非湯思退能辦思退固不足道竊恐誤國家事卒年七十九

劉琪

劉琪字共父從季父子輩學以陰補承務郎登進士乙科監紹興府都稅務請祠歸杜門力學後歷禮部郎官秦檜欲追謚其父召禮官會議琪不至檜風言者逐之檜死召為大宗正丞湖南旱盜李金起朝廷憂之以琪知潭州琪移書制使沈介請以便宜出師賊誅李金降拜同知樞密院事兼叅知政事時上欲召曾觀以琪言而止殿前指揮使王琪被旨按視兩淮城壁還密薦和州教授劉甄夫上諭執政召之琪

曰此人名位微何自知之上以其告與陳俊卿遂  
奏罷其時爭之尤力殿中皆驚以故罷奉外祠陳  
俊卿奏留乃改知隆興府以繼母憂去起復其據理  
懇辭服闋再除知澧州過闕入見極論時事淳熙二  
年移知建康府屬請致仕孝宗遣中使以醫來疾  
革草遺奏言恭願任文廷習用事之戒卒年五十七

王剛中

王剛中字時平人進士第二人得滁州推官陳  
左宜議即故事當召試泰槍怒其不前已授洪州教  
授槍死召見累遷中書舍人會西蜀謀帥遂以剛中  
知成都府會敵騎度大散關人情洶洶剛中跨一馬  
夜馳二百里起吳璘于帳中責之曰大將與國義同  
休戚臨敵安得高枕而臥璘大驚又以蠟書抵張正  
彥濟師西師大集金兵敗走剛中倍道馳還謂其屬  
李燾曰將帥之功古何有焉成都萬歲池廣袤十里  
溉三鄉田歲久淤澁剛中集三鄉夫共疏之累土為  
防上植榆柳葺諸葛武侯祠張文定公廟夷黃巢墓  
孝宗受禪召赴闕請祠歸次番陽營圃植竹號竹塢

金犯淮有旨起入見陳戰守策同知樞密院事曰我  
守者實事和者虛名屬疾卒年六十三

蕭燧

蕭燧字照降臨江軍人進士高第授平江觀察推官  
時泰槍當國其親黨密告燧秋試必王文清臺燧詰  
其故曰丞相有子就舉欲以屬公燧怒曰初仕敢欺  
心耶槍懷之既而被檄秀州至則員盜就院易一員  
往漕關泰槍果中前列秩滿當為學官避槍請辭江  
府察推而歸孝宗初除王宮大小學教授輪對論官  
嘗釋人不當為人擇官擢右諫議大夫叅政趙雄死  
燧帥李景學恣其貪虐臺臣謝廓然不敢論燧奏罷  
景學雄營救復任燧再論并及雉力求去補外嚴州  
除敷文閣待制知婺州婺與嚴隣人熟知條教不勞  
而治後召遷至叅知政事與剛卒年七十七子達登  
進士第官太常

范成大

范成大字致能登進士第累遷吏部郎官言者論其  
趨躐能奉祠起知處州陞對兩力之所及者三曰日

力曰國力曰天力今盡以虛文耗之孝宗嘉納處多  
山田成大訪通濟堰故迹復之民食其利除吏部員  
外郎遷起居郎克金所請國信使初廷國書詞氣慷慨  
金君臣方傾聽成大忽奏曰兩朝既為叔姪而受  
書禮未稱臣有疏播紛出之金玉大駭金庭紛然太  
子欲殺成大越王止之竟得全節而歸除中書舍人  
初御書崔寔政論賜輔臣成大奏謂聖意在飭綱紀  
振積敝而近日大理議刑遂加一等此非以嚴致平  
乃酷也上稱為知言張說除金書樞密成大當制

卷三十一

五

國頭不下又上疏言之除四川置制使蜀知各士  
松壽年六十餘樊漢廣甫五十九皆掛冠不仕表其  
節召對連擢叅知政事逾月為言者所論奉祠起知  
明州再奉祠卒

龔茂良

龔茂良字實之興化軍人登進士第歷秘書省正字  
累遷吏部郎官張浚視師江淮茂良言景德之勝本  
於能斷靖康之禍在於致疑除監察御史水災應詔  
疏曰水至陰其占為女寵為孽使為小人專制蓋指

內侍梁珂曾觀龍大淵也遷右正言又極論大淵觀  
請嗣不允二人既逐起知信州召對崇政殿左丞相  
陳俊卿欲留之右相虞允文不樂會俊卿亦罷除江  
西運判兼知隆興府上念江西連歲大旱以一路荒  
政付之茂良發廩振贍疫厲大作命醫治療全活數  
百萬拜叅知政事淳熙四年召史浩卿不須疑時曾觀  
眷衰求去上曰朕因經筵召史浩卿不須疑時曾觀  
欲以文資祿其孫茂良以格法繼進觀因茂良入堂  
道問得直省官賈光祖等當道不遵衍司此之曰

卷三十一

六

政能幾時茂良奏臣固不足道所惜者朝廷大體上  
諭觀往謝茂良見觀執益積力求去上諭曰俟議  
復卿嘗再來與郡令內殿奏事乃手麻恢復六事上  
曰卿五年不說恢復何故今日及此殿中侍御史謝  
廓然觀黨也劾茂良落職安置英州父子卒辰所

魏杞

魏杞字南夫壽春人祖蔭入官登進士第歷宗正少  
卿湯思退建和議命杞使金孝宗面諭今遣使一正  
名二退師三減幣四不發歸附人杞條上十七事行

次盱眙金所遣大將僕散忠義紇石烈志寧等方捷兵闖淮遣權泗州趙房長問所以來意求觀國書祀曰書御封也乃以禮物行至燕見金主哀具言天子神聖人人有敵愾意館伴張恭愈以國書稱大宋負去大字祀拒之卒正敵國禮損歲幣五萬不發歸正人北還上慰籍甚渥一歲間遷至右僕射兼樞密使上銳意恢復祀為相左右其論會郊祀冬雷用漢制策免卒

杜莘老

杜莘老字起莘眉州人唐工部甫之後第進士以親老不赴廷對授梁山軍教授以薦至管禮兵部架閣文字彗星見高宗求言莘老陳時弊十事歷殿中侍御史陳俊卿既解言職力未去上以莘老言復留金遣使致煖書傳欽宗函問請淮漢地指索大臣上方決策親征莘老上疏力贊幸醫王繼先怙寵于法聞邊警輒重寶歸吳興為避敵計莘老疏共十罪竄之內侍張去為取御馬院西兵二百斃其頭莘老彈治上疑其未審不樂莘老奏不已竟罷御馬院致仕而

莘老亦以直顯謨閣知遂寧府給事中金安節中書舍人劉珙封還制書改司農少卿尋請外仍與遂寧始莘老自蜀造朝不以家行高宗面對褒諭曰聞卿由蜀即蒲團紙帳如僧然難及也孝宗父禪莘老進三議曰定國是修內政養根本卒年五十八

王十朋

王十朋字龜齡樂清人有文行授徒梅溪蘇太學試大廷秦檜既死高宗親政十朋以權對上親擢第一特授紹興府僉判召除秘書郎金將淪盟十朋輪對言樂敵莫急於用人蓋指張浚劉錡也又言今權歸陛下政復出多門是一檜死百檜生也檜久塞言路至是十朋與馮方胡憲查籛李浩相繼論事太學生為五賢詩請祠歸孝宗立起知嚴州累遷國子司業時左右史之職久廢十朋同起居郎胡銓奏史職四事從之除侍御史上謂銓曰卿與十朋皆朕親擢十朋見上英銳每見必陳恢復之計因論史浩八罪符離失律張浚上表自劾主和者乘此唱異議十朋上疏言臣素不職浚聞其措不與敵俱生心實慕之

前因輪對言金必敗盟乞用浚浚既待罪臣其可尚  
居風憲之職乞賜寬宥臣聞近日欲遣龍大淵撫諭  
淮南信否上曰無之又言聞欲與楊存中充御營使  
王嚙然出知饒州饒竝湖盜出沒其間聞十朋至一  
又遣去丞相洪适請故學基益其圃十朋曰先聖所  
居十朋何敢予人移知夔州饒民走都司乞留不得  
至斷其橋乃從間道去衆葺斷橋以王公名之移知  
湖州戶部青虛適十四萬命吏持券往辨不聽即請  
嗣去起知泉州饒久旱入境雨湖積霖入境霽東宮

朱子

九

進士致仕命下卒年六十子聞詩聞禮皆力學自立  
聞詩知光州提點江東閩禮知常州江東轉運判官

吳芾

吳芾字明可仙居人登進士第遷秘書正字與秦檜  
舊故檜專政芾退然如未嘗識檜風言者論罷通判  
處紫越三郡以薦累遷殿中侍御史兩淮戰不利羣  
臣爭陳退避計芾言進爲上策退爲無策旣而金主  
亮斃上疏勸親征高宗至建康芾請遂駐驛以係中

原之望出知婺州孝宗立陞解陳裴均對憲宗爲治  
先正其心改知紹興府知臨安府執政議以芾使金  
且議以龍大淵爲副芾曰是可以言行事者邪語闕  
得罷不行陳俊卿與芾俱以剛直見忌相繼引去中  
書舍人闕安中爲孝宗言二臣之去非國之福起知  
太平州又知隆興府前後守六郡致仕卒年八十

陳良翰

朱子

陳良翰字邦彥臨海人也登進士第知瑞安縣俗荒  
強梗吏治尚嚴良翰獨撫以寬遷至監察御史孝宗  
除右正言金人再移書求唐鄧淮泗湯思退王達小  
使盧仲賢李棡良翰言仲賢輕儆無耻杖自北來難  
信復遣王之望龍大淵良翰言前遣使已辱命大臣  
不悔前失不謂秦檜復見今日正言尹檣附思退以  
據督府良翰爲左右司諫疏論思退姦邪宜早罷張  
浚精忠老謀不宜以小人言搖之檣明日亦請對遂  
罷良翰言職兩淮旣撤備金大入上始深悔太學生  
數百人伏闕乞召用良翰胡銓王十朋而斬思退等  
召爲兵部侍郎除右諫議大夫未幾奉祠召爲太子

詹事一日上手書唐太宗與魏徵論仁儀功利之說  
俾極陳今日所未至者良翰晚入弊上嘉嘆詔兼侍  
讀以疾告老奉祠卒年六十五

李衡

李衡字彥平江都人登進士第授吳江主簿有部使  
者怙勢侵尅衡不忍以蔽朴迎合拂衣歸後知深陽  
縣專以誠意化民召為監察御史出知溫婆台三州  
引年致仕上思其樸忠屢召除侍御史差同知貢舉  
會外戚張說以節度使掌兵柄衡力疏其事改除起

卷二十一

七

居郎章五上請老仍以秘撰致仕時給事中莫儉不  
書救翰林周必大不草制右正言王希呂亦與衡相  
繼論奏同時國士為四賢詩紀之卒年七十九

張大經

張大經字彥文建昌人紹興中登進士第宰龍泉場  
對便殿出知儀真孝宗除監察御史首陳士風格克  
偷情誕漫浮虛四弊論近習穉侯薦士上曰此亦無  
害昔楊得意為狗盜亦嘗薦司馬相如大經奏恐無  
耻者望風希旨傷毀士俗又論宦者董璉暴橫知建

寧府移鎮紹興辭不拜予祠致仕壽逾八十卒

王大寶

王大寶字元龜其先絲溫陵徙湖州政和貢辟雍建  
炎廷試第二授南雄州教授移病歸數年差監登聞  
鼓院奉台州祠復數年趙鼎謫于潮大寶日從講論  
語知連州張浚亦論居命子枋與講學孝宗即位權  
右諫議大夫張浚起為都督大寶力贊其議未幾湯  
思退議罷督府請講和大寶極論之金復犯邊詔思  
還都督軍馬辭不行上震怒竄思退乾道初詔為

卷二十一

七

部尚書致仕尋卒年七十七

汪應辰

汪應辰字聖錫玉山人十歲能詩鄉舉進士俱第一  
年甫十八高宗異之特書中庸篇以賜初名洋為啟  
應辰即欲除館職宰相趙鼎言且命歷外任乃授鎮  
東軍僉判鼎為帥幕府事悉諮焉歲小旱命應辰禱  
名山即應人曰此相公雨鼎曰此狀元雨也召為秘  
書省正字時秦檜力主和議應辰上疏排和議檜大  
不悅出通判建州遂請祠寓居常山之永年院益以

修身講學為事自是凡三王管崇道觀張九成請邵州交游皆絕應辰時通問及喪父言者猶攻之應辰不遠千里往弔通判袁州趙鼎喪過應辰為文祭之吏付之火道出衢州守章傑希檢意指應辰為死黨符移訊鞫徧搜行索求祭文不可得胡寅遺棺書謂此事不足竟事乃寢通判靜江府瑜樹不得代乃泐徽歸省其母繼差通判廣州時檢所深怨者趙鼎張浚既鼎死而浚獨存江西通判張常先箋注前帥張宗元與浚詩言於朝連錄者數十家將誣以不軌獄

宋

卷三十一

五

既具棺死應辰幸而免明年召吏部郎官母老乞外尋以憂去廬於墓側服闋權戶部侍郎兼侍講孝宗將建太子名與廬江王晉楚王同詔改為擘應辰以為與唐昭宗同遂改今名暨內禪擬於傳位日降赦應辰言唐太宗受禪于高祖明年正月始改元從其說又議改元重熙應辰謂契丹常以紀年遂改隆興議太上尊號李燾陳康伯密議以光堯壽聖為稱或謂太上視天下如棄敝屣豈復顧此應辰王之尤力高宗因上過宮云汪應辰素不樂吾應辰連乞補外

魏知福州知成都府宣撫使吳玠死應辰攝宣撫之職召還陛對以畏天愛民為言除吏部尚書尋兼翰林學士侍讀論愛民六事德壽宮方甃后池以水銀伴金鳧魚於上上過之高宗指示曰水銀正乏此買之汪尚書上怒曰汪應辰力言朕置房廊與民爭利乃自取水銀耶應辰知之力求去知平江府韓玉被旨揀馬過郡簡其禮玉歸請之連貶秩請祠淳熙三年卒子達繼登進士第仕至吏部尚書

陳良祐

陳

卷三十一

五

陳良祐字天與金華人登紹興進士第乾道中歷左司諫孝宗銳意圖治以唐太宗自比良祐請省覽太宗政要至吏部尚書時議遣使請地良祐奏遣使求侵地乃啓蒙之端陛下度可以虛聲下之乎忤旨貶瑞州居住起知徽州除敷文閣待制知建寧府卒

李浩

李浩字德遠臨川人紹興十二年登進士第時秦熈挾宰相子以魁多士同年皆見之或拉浩行教然不往歷太常主簿兼光祿寺丞自秦熈用事塞言路及



上總攬乾綱此習尚存至是浩與王十朋數人始相繼言事浩不安於朝請祠歸孝宗卽位以太常丞召浩雅為湯思退所厚御史尹檣欲引以其擠張浚因薦浩及對乃明示不同之意二人皆不樂乞外得台州除直秘閣豪民鄭憲以貨給事權貴人蒙蒙為姦事覺械繫之死獄中權貴人家教其家訟寃且誣浩以買妾事權參政劉琪越次奏浩為豪民所誣上顧曰守臣不畏疆禦豈易得耶明年除司農少卿忤宰相力求外知靜江府越二年召還入對論俗不美者

李燾

李燾

李燾

八權吏部侍郎時政府有怙寵竊權者黨與非一浩中立不倚相與謀嗾諫議大夫姚憲論能與祠屬獎路關帥以秘閣脩撰寵其行踰年請祠卒年六十一

李燾

李燾字仁甫眉州人唐宗室曹王之後父中登第知仙井監燾甫冠憤金繻未報著反正議紹興八年登進士第仕州縣有聲以餘暇力學燾耻讀王氏書獨博極載籍慨然以史自任本朝典故尤悉力研覈做司馬資治通鑑例斷自建隆迄於靖康為編年一書

名曰長編乾道三年召對首舉藝祖治身治家治官治吏典故以為恢復之法四年上續通鑑長編自建隆至治平凡一百八卷五年除秘書少監兼權起居舍人尋兼實錄院檢討官宰相不樂遂請去帥潼川兼知瀘州淳熙改元被召適城中火上章自劾提刑何熙志奏焚數不實且言長編記魏王食肥彘語涉誣謗上曰憲臣按奏火數失實職也何預國史乞祠除江西轉運副使臨遣燾奏日食地震皆陰盛主敵國小人不可不慮且申無變古無欲速兩言又上快

李燾

李燾

李燾

歲引太祖能朝悔乘快決事以諫上嘉納權禮部侍郎七月壬戌雷震太廟燾奏畏天變當應以實上諭大臣燾愛朕四年真拜侍郎子屋既中制科為秘書省正字尋遷著作郎父子同主史事次子塾應制科以閣試不中程黜屋偶考上舍試卷發策問制科為御史所劾語連及燾屋罷燾亦出知常州府累表乞開與祠屋塾繼止上欲以史事紓燾憂起知遂寧府十年長編全書成凡九百七十八卷薦尤萊劉清之等十人為史官十一年乞致仕卒年七十子壁壘至

執政皆有文名人比之三蘇

周執羔

周執羔字表卿弋陽人徽宗擢進士第二太學博士高宗南渡調宜黃縣丞時四境倣擾潰卒相挺為變令大恐不知所為執羔論以禍福皆歛手聽命乃誅其黨執首謀者斬以徇邑人德之歷太常丞累遷禮部吏部侍郎同知貢舉舊例進士試禮部下歷十八年得免舉又四試禮部下始特奏名推恩秦檜既以科第私其子弟士論譴譁為減三年以悅衆執羔官

金安節

金安節字彥亨休寧人縣太學登進士第累遷殿中侍御史秦檜兄梓知台州安節劾其附麗梁師成檜虎歷大理卿宗正少卿金使施宜生賀正安節節侍與祠卒年七十七

王信

王信字誠之麗水人登進士第授建康府學教授檄父

遷禮部侍郎明年再克送使至楚州副使耶建翼奪

巡檢王松馬不得鞭笞之安節遣人責其朝延恐生

事安節請嚴內降數事上嘗對大臣稱其誠實隆興

改元龍大淵曾觀並除知閩門事安節封還錄黃又

與給事中周必大奏論之命遂寢潛邸舊人李阿擢

編脩官安節又奏罷之力請謝事以敷文閣學士致

任卒年七十七

蔡洸

蔡洸字子平襄之後徙居雷川父仲左中大夫洸以

蔭補將仕郎中法科除大理評事遷寺丞歷戶部郎

知集江府時久旱郡民築陂澗水灌溉漕司檄郡決

之父老泣訴洸曰吾不忍獲罪百姓也仰之已而大

雨清運終歲亦太熟移戶部孝宗謂侍臣曰朕以版

曹得人為喜知寧國府即奉祠歸卒年五十七

王信

王信字誠之麗水人登進士第授建康府學教授檄父

檄除進所著唐太宗論贊及負薪論孝宗覽而嘉之

史 143-574

授太學博士權考功郎官銓曹為清拔軍器少監兼  
官如故以父母憂去既起知永州入奏事留計至左  
司員外郎假禮部尚書使金肄射都亭連中信得米  
幣書法金人寶之歸言金人必衰之兆有囚在我嘗  
備之策有二上首肯之知湖州知紹興府浙東安撫  
使山陰境有狹獠湖四環皆田歲苦潦信創啓斗門  
導停滯注之海築十埧化匯浸為上腴民繪像以祠  
更名曰王公湖知鄂州改池州疾劇請老致仕

陳居仁

陳居仁字安行興化軍人家明州以父膏蔭入仕舉  
進士秦檜與膏有故居仁終不自通歷諸玉宮大小  
學教授虞允文欲引為用不就貽書謂有定力乃可  
立事使主軍器監簿宗正脩玉牒轉對奏陛下銳意  
恢復繼乃通和和戰守三者迄今未定孰為規模耶  
允文曰此正前日定力之論也知鄂州移建寧府有  
囚告羅殺入者會赦免居仁曰此亂民也遂誅之鎮  
江大旱又移守鎮江知福州奉祠卒子卓有傳

張運

張運字南仲貴溪人唐宰相文瓘之後入太學登進  
士第賜同上舍出身仕州縣多佳政權度支郎中遷  
戶部侍郎丞相陳康伯議遣李寶自四明控制海道  
衆論紛紜運贊決以為上策金人果敗走孝宗即位  
奉祠乾道七年鄱大饑運首發粟三千石振之自是  
民爭出粟以濟運既致政不許卒

李紫

李紫字清微宗慶人第進士為隆州判官攝綿州處  
後振活十萬人淳熙三年廷臣上言四川歲糴軍糧  
名爲和糴實科糴也詔置制使范大成同紫相度以  
兩紫書利民十一事上之上意方智用而紫亦欲奏  
獨蓋酒和買之弊會有疾卒

陳敏

陳敏字元功石城人精騎射歷團門樞候召赴闕高  
宗見其狀貌魁岸除敵軍統制孝宗即位張浚宣  
撫江淮朝廷遣李顯忠北伐浚欲敏偕行敏以盛夏  
與師非時沒不聽金人議和詔敏退守滁陽敏請於  
朝謂滁非受敵之所改成高郵與金人戰連敗之與

出守高陞乃詔與楚州守臣左祐同毀楚州祐卒遂  
移守楚州北使過者觀其雄堞堅新號銀鑄城以歸  
正人二百家逃歸降秩復官至光州觀察使卒

卷二十二

五

宋列傳卷之二十三

周必大

周必大字子克一字洪道廬陵人父利建太學博士  
必大第進士授徽州戶曹中博學宏辭科除大學錄  
召試館職高宗讀其策曰掌制手也授秘書省正字  
孝宗踐祚除起居郎又兼中書舍人應詔上十事皆  
切時弊權給事中繼駁不避權倖曾覲龍大淵得幸  
遷知閣門事必大與企安節不習黃遂請祠去久之  
除秘書少監兼學士院領史職鄭聞草必大制上收  
其末引漢宣帝事必大因奏曰陛下取漢宣帝之  
言親制贊書明示好惡臣觀西漢所謂社稷臣乃鄭  
朴之周勃少文之汲黯不學之霍光同脩國史實錄  
院同脩撰一日與王之奇陳良翰同召對上手詔舉  
唐太宗魏徵問對以在位久功未有成命必大等極  
陳當否退而條上張說再除食書樞密院給事中莫  
濟封還錄黃必大奏貨賦預政公私兩失臣不敢具  
草上批濟必大于官觀累遷吏部侍郎時久雨奏請  
減後宮給使寬浙郡積逋命省部議優恤內直宜引

論金星近前星武士擊毬太子亦與臣甚危之上俾  
詔太子必大曰太子人子也陛下命以驅馳臣安敢  
勸以違命陛下勿命之可也或言其再入也實曾觀  
所薦而必大不知除叅知政事有介椒房之援求為  
郎者上俾論給舍繼駁必大曰臺諫給舍與三省相  
維持豈可論意不從失禮從則壞法命下之日臣等  
自當執奏拜樞密使淳熙十四年拜右丞相首奏今  
內外晏然殆將二紀此正可懼之時當思經遠之計  
十五年明堂加恩封濟國公忽宜諭比年病倦欲優  
俸太子明年正月拜左相許國公留正拜右丞相二  
月二日行內禪禮何澹為司業久不遷留正奏遷之  
澹憾必大而德正至是為諫長遂首劾詔以觀文殿  
大學士任潭州坐所舉官以賂敗降榮陽郡公復益  
國公改判隆興許除醴泉觀使慶元元年三上表引  
年遂以少傅致仕施康年劾必大唱偽使自慶元以  
後韓侂胄之黨立偽學之名以禁錮君子而必大與  
趙汝愚留正指為首罪年七十九卒謚文忠

留正

留正字仲至泉州人第進士授南恩州江府宰相  
虞允文奇之薦于上得對正言國家有文而畧武備  
至敵人長驅而不能支今當改轍使文武並用孝宗  
嘉嘆知循州陛辭言士大夫名節不立國家緩急無  
所倚仗除給事中多繼駁言用人莫先論相出知紹  
興府侍御史范仲芑劾前帥賊六十萬正明其非辜  
御史怒并劾正降職與祠起歷四川置制使正在蜀  
以簡素化民歸裝僅書數籠連除叅知政事同知樞  
密院事孝宗密諭內禪意拜右丞相上謂太子曰留  
正純誠可託光宗受禪美特立隨龍恩擢知閤門事  
正列其招權預政狀乞逐斥上意猶未決會副參閣  
特立謂正曰上以丞相在位久欲還左相葉翥張杓  
當擇一人執政未知孰先正奏之上大怒詔特立奉  
祠孝宗問之曰真宰相也紹熙元年進左丞相正謹  
法度借名罷豪髮不可干以私引趙汝愚與共政用  
黃裳為嘉王胡善世號得人正言嘉王未立請早正  
儲位以定天下本李端友以椒房親手詔除郎正繼  
還上不納復執奏美特立除浙東副管尋召赴行在

正引憲宗召吐突承雅事乞罷相上批前命已行朕無反汗卿宜自處正待罪六和塔太后將上尊號冊寶以正為禮儀使禮成拜少傅封魯公正力辭五年正月孝宗疾革正數請車駕過宮一日上拂衣起正引裾泣諫隨至福寧殿門正退上跪言極漲切六月戊戌孝宗崩光宗以疾未能執喪正率同列屢奏乞早正嘉王儲位尋有手詔朕歷事歲久念欲退閒正得之始懼請對復不報即出國門上表請老既而越汝愚以內禪請于憲聖正謂建儲詔未下遽及此他

卷七十五

四

目必難處以肩輿逃去寧宗即位遣使召正還侍御史張叔椿請議正棄國之罰乃徙叔椿吏部侍郎而正復相進少傅屢辭不拜時韓侂胄謀與政數詣都堂正使省吏諭之曰此非知問日往來之地侂胄怒而退積數事失上意侂胄從而間之又以張叔椿言落職劉德秀為諫議大夫論正四大罪罷職自是彈劾無虛歲以張金言貴授光祿卿邠州居住給事中謝源明封還錄黃嘉泰元年進封魏國公數年卒年七十八贈太師理宗賜謚忠宣或問范仲黼留趙二

公處變不同如何仲黼曰趙同姓之卿也留則異姓之卿也反復之而不聽則去問者以為各言

胡晉臣

胡晉臣字子遠蜀州人登進士第為成都通判置制使范大成以公輔薦諸朝孝宗召對遷著作佐郎官輪對論三事又極論廷侍上覽奏色動晉臣口陳甚悉已而手詔下中書問廷侍姓名執政詰其故晉臣曰近習招權丞相豈不知之即條其大者以聞上感悟以親老求外知漢州歷侍御史侍郎林栗劾奏未

嘉

卷七十五

五

嘉徽設晉臣上疏留熹而排栗光宗嗣位連擢參知政事與丞相留正同心輔政卒于位

羅點

羅點字春伯崇仁人淳熙登進士第累遷大常少卿光宗立被命使金告登寶位會金有國喪追點易金帶點曰登位吉事也必以吉服從事金人不能奪移熙三年日長至車駕將朝賀重華宮不果點言三綱五常所係甚大他日又奏竊問嘉王生朝稱壽禁中寧不動心上念及壽皇不豫又隨宰執班進諫壽皇

前請上奔喪許而不出寧宗兩位拜端明殿學士卒年四十五點性孝友端介有守或謂天下事非才不辦點曰當先論其心心苟不正才雖過人果何取哉宰相趙汝愚嘗泣謂寧宗曰黃裳羅點相繼淪亡二臣之不幸天下之不幸也點同時有王黼陳瓘皆負剛直而見忌于衆

尤袤

尤袤字延之無錫人入太學以詞賦冠多士尋冠南宮紹興十八年登進士第嘗爲泰輿令舊有外城

宋三

六

殘于寇瀕毀甚袤即脩葺金人渝盟陷揚州獨泰輿以有城得全注江陰學官需次七年爲讀書計從臣以靖退薦召除將作監簿大宗正閣丞人爭求之陳後卿曰當予不求者授秘書丞歷太子侍讀初張魏自開門入西府從臣因執奏而去者數十人袤率三館上書諫與郡得台州有毀袤者高宗疑之使人密察民情謂其政不絕口乃錄其東湖四詩歸奏上嘆實累遷樞密院正兼左諭德輪對申言民貧兵怨者甚切高宗崩前一日除太常少卿洪邁獨請號世祖

表率體官奏謂不可援漢光武爲此孝宗卒從初議

命兼直學士院孝宗內禪議已定諭袤曰且夕創冊

甚多故虞卿以是職光宗卽位開講筵袤奏天下萬

事失之于初則後不可救言者以爲周必大黨遂與

祠紹熙元年起除給事中既就職甫四日中貴四人

希賞袤繳奏者三兼侍讀上封事曰陳源奉祠人情

固已驚愕至姜特立之召尤爲駭聞請告卒年七十

袤少從喻樛汪應辰遊樛學于楊時時程頤高弟也

方乾道淳熙間程氏學稍振忌之者目爲道學將攻

之袤在掖垣首言夫道學者竟衆所以帝爲湯所以

王周公孔孟所以散教近立此名以誣皆士君子此

豈盛世所宜有孝宗曰道學豈不美之名正恐假託

爲奸使真偽相亂爾死數年佞宵擅國禁錮道學賢

士大夫皆受其禍識者以爲知言孫楙禮部尚書

顏師魯

顏師魯字幾聖龍溪人紹興中登進士第歷除江東

提舉尋改使浙西更役法以便民墾課爲旁路最入

爲監察御史有自外府得內殿宣引且將補御史闕

員師魯亟奏宋璟召自廣州道中不與楊思勗交一  
談李邕耻為吐突承瓘所薦堅辭不拜士大夫未論  
其才立身之節當以邕璟為法臣雖不肖差與為伍  
命乃寢除禮部侍郎尋高宗喪制多師曾裁定詔克  
遺留禮信使初顯仁遺留使至金必命替花聽樂師  
曾辭替花執射金終不能奪遷吏部尚書兼侍讀請  
老知泉州再起知泉州紹興四年卒于家年七十五

袁樞

袁樞字機仲建安人禮部辭賦第一調溫州判官教

袁樞

袁

授興化軍乾道七年除太學錄張說自閣門以節餞  
俞樞密樞論之即求外補出為嚴州教授樞常喜謂  
司馬光資治通鑑乃區別其事而貫通之號通鑑紀  
事本末叅知政事龔茂良奏上孝宗讀而嘉嘆召對  
遷太府丞兼脩國史傳章惇家以其同里宛轉請文  
節其傳樞曰寧負鄉人不可負天下後世公議累遷  
大理少卿通州民高氏以產業事下大理殿中侍御  
史冷世光納厚賂曲庇之樞直其事以聞上怒立罷  
世光以朝臣劫御史自樞始既而貶兩秩自是五奉

祠卒年七十五

舒璘

舒璘字元質一字元賓奉化人補入太學張栻官中  
都璘往從之又從陸九淵遊未幾呂祖謙于婺璘徒  
步往謁之以書告其家曰弊床疏席總是佳趣櫛風  
沐雨反為美境乾道八年第進士歷徽州教授以薦  
知平陽縣郡政頗苛及璘以民病告守為改容秩滿  
通判宜州卒璘與沈煥為友而樂于教人常曰師道  
尊嚴璘不如叔晦若啓後進則璘不敢多遜袁燮謂  
璘為實不欺楊簡謂璘孝友忠實樓鑰謂璘之于人  
如熙然之陽春

舒

舒

舒

謝諤

謝諤字昌國新喻人紹興末登進士第歷州縣有治  
聲聲累遷監察御史諤里居時創義役法編為一書  
至是上之詔行諸路遷侍御史再遷右諫議大夫兼  
侍講孝宗嘗問曰聞卿與郭雍游雍有問學豈曾見  
程頤乎諤奏雍父忠孝嘗事頤雍蓋得其傳于父光  
宗登極獻十箴權工部尚書請祠歸卒年七十四



沈煥

沈煥字叔晦定海人試入太學始與陸九齡為友從而學焉乾道五年第進士歷太學錄會充殿試考官帝偉其儀觀遣內侍問姓名衆滋忌之或勸其姑營職道未可行也煥曰道與職有二乎適私試發策引孟子立乎人之本朝而道不行耻也言路以為訕已請黜之在職才八旬調高郵軍教授而去後歷通判舒州卒煥人品高明常曰晝觀諸妻子夜卜諸夢寢兩者無愧始可以言學

王阮

王阮字南卿父彥傳靖康勤王有功阮每自稱將種辭辯奮發常謁袁守張栻栻謂曰當今道在武夷盍往求之阮見朱熹與語大悅登進士第時孝宗初立阮對策曰臨安利于休息建康利于進取上皇遵養時晦已三十年今議者徒習吳越之僻固而不知秣陵之通達知舉范成大嘆曰是人傑也諱都昌主簿以廉聞移永州教授獻書闕下請吳楚牧馬而積馬于蜀茶馬可以省往來網驛之費紹熙中知濠州日

講守備防北邊事宜終阮在濠金人不敢南侵改知撫州韓侂胄聞阮名特命入奏將誘以美官夜遣密客詣阮阮不答私謂所親曰吾肯效劉歆柳宗元為萬世笑哉陸對畢拂衣出門侂胄大怒予祠

王質

王質字景文其先鄆州人後徙興國遊太學與王阮齊名阮每云聽景文論古如讀廊道元水經各川支川貫穿周匝質著論五十卷言歷代君臣治亂謂之朴論登進士召試館職不就歷太學正時孝宗屢易相國論未定質上疏曰陛下亦常深察和戰守之事乎李牧在厲門法主于和會三者為一惡者謂好異論罷去會虞允文宣撫川陝辟偕行一日令草檄逸文曰景文天才也歷樞密院編修官孝宗擇諫官允文當國以質鯁亮有文學可右正言時中貴人多畏憚質陰沮之出奉祠卒

丘宗

丘宗字宗卿江陰軍人第進士歷國子博士孝宗以薦賜對時方遣范成大使金所請陵寢密言泛使亟

遺無益大計徒以驕敵上不察曰御家墳墓為人所  
據亦死理索否密對曰臣但能訴之不能請之上怒  
密退待罪上察其忠不誣也累遷樞密院檢詳文字  
被命接伴金使先是王抃為樞密密不少下之皆密  
不禮金使予祠起知鄂州歷兩浙轉運副使光宗卽  
位連擢知成都府密素以吳氏世掌兵為慮吳曦叛  
識者服密先見寧宗卽位赴召中丞謝深甫論罷之  
居數年復職知慶元府既入奏韓侂胄招以見出奏  
疏幾二十言蓋北伐議也知密平日主復仇莫可與  
共功名密曰兵凶戰危首事之禍其誰任之江淮宣  
撫金人犯淮南或勸密棄廬和州為守江計密曰棄  
淮則與敵共長江之險矣密得金人講和之情白於  
廟堂請遣使遺書續前議又謂彼既指侂胄為元帥  
若移書宜暨免係銜侂胄大怒罷密以張巖代之既  
以臺論奉祠落職侂胄誅拜曰知樞密院事卒

婁機

婁機字彥發嘉興人乾道二年進士歷太常博士秘  
書郎時皇太子始就外傳以機兼資善堂小學教授

累擢監察御史韓侂胄議開邊機極口沮之侍御史  
鄭友龍初不知兵騰書投合妄薦大將機語友龍曰  
今日孰可為大將權中書舍人詔遣宣諭荆襄機身  
言曰慰安人情則可必欲開邊啓釁有死而已不能  
從也泗州提問愈增憂危友龍曰不逐此人則異議  
無所回遂以言去侂胄誅叅知政事裨贊其多告老  
知福州辭予祠歸卒機撫其弟模棟皆為善士

樓鑰

樓鑰字大防鄞縣人登第歷太府宗正寺丞出為  
知光宗洞微殿撰起居郎兼中書舍人鑰為  
避禁中或私請上曰樓舍人朕亦憚之不知且已  
兼直學士院草光宗禪詔遷給事中朱熹忤韓便置  
除職與郡論奏留不報彭龜年以攻侂胄與郡論  
林大中奏留龜年竟去鑰奉外祠尋知婺州移寧國  
海仍奪職古老侂胄誅起為翰林學士時鑰年過七  
十精敏絕人趙汝愚子崇憲奏雪父冤鑰乞正趙  
孫之罪重奏建之誅或冀願正續稽古錄以白誣  
進參知政事位兩府者五年累擢求去與郡辭進

政殿大學士提舉萬壽觀卒年七十七

林大中

林大中字和叔永康人入太學登進士第知金谿縣  
郡督輪賦急大中請寬其期不聽杖劫歸已而至太  
寺簿光宗受禪除殿中侍御史陳賈以靜江守臣入  
奏大中極論其庸回亡識賈表裏王淮叙為道學之  
目陰廢正人紹熙二年守侍御史兼侍講馬大同為  
戶部大中劾其用法峻又論大理少卿宋之瑞乃與  
大同之瑞俱與郡寧宗即位召還遷給事中韓侂胄  
來謁大中接之無他語陰請內交笑而却之會吏部  
侍郎彭龜年抗論侂胄侂胄與內祠龜年與郡大中  
同樓翰繼奏請留龜年經筵呂祖俊以攻侂胄請大  
中掾之汪義端以論趙汝愚去侂胄引為右史大中  
駁之知慶元府句祠罷侂胄誅召僉書樞密院事嘉  
定改元兼太子賓客嘗議講和事是年卒年七十七

宇文紹節

宇文紹節字挺臣祖僉書樞密虛中父顯謨閣待制  
師授皆以使女真死無子孝宗命族子紹節為之後

既補官復第進士歷實謨閣待制知廬州韓侂胄友  
議用兵紹節專為固圍計淮西轉運判官鄧友龍  
於侂胄以書讓之以李爽代紹節召還遷至僉書樞  
密院事朝廷于蜀事多所咨訪卒

劉穎

劉穎字公實西安人第進士累遷起居郎丐祠起與  
郡再起嘉定初召赴行在知婺州致仕卒年七十八  
孝宗朝穎奏今日之失在輕聽人言光宗時論人至  
難克而易流者四曰逸豫無節賜予無度備臣易變  
近傳易昵寧宗時學禁初起黨論日興穎奏元祐  
觀之事可鑒也其在從班日韓侂胄舊與周旋無聞  
方居中用事穎謝絕之常言士以不辱身為重云

吳柔勝

吳柔勝字勝之宣州人登進士調都昌簿御史湯頤  
劾為趙汝愚黨間居十餘年嘉定初遷國子正柔勝  
始以朱熹四書與諸生誦習知隨州收土豪孟宗政  
扈再興帳下後皆為名將奉祠卒二子淵清各有傳

宋列傳卷之二十四

彭龜年

彭龜年字子壽臨江軍人幼孤事母孝性穎異好讀程氏易從朱熹張栻質疑學益明登進士第歷太學博士殿中侍御史劉光祖坐論吳玠徙官龜年疏乞復其位貽書宰相累遷秘書郎兼嘉王府直講光宗不朝重華宮龜年以書譙趙汝愚紹熙五年壽皇疾革龜年三疏請對不獲命屬上視朝龜年不離班位伏地叩額久不已血漬髮髻同知樞密院余端禮曰

叩額龍舞曲致忠悃臣子至此為得已邪孝宗崩寧

宗受禪與胡善黃裳同奏往朝南內請定過宮之禮遷中書舍人遣充金國弔祭接送伴使初朱熹與龜年約共論韓侂胄會龜年護客熹以上疏見絀龜年聞之附奏云始臣約熹同論此事今熹既罷臣宜併斥不報迫歸見侂胄用事權勢重於宰相於是條數其奸開禧二年以待制寶謨閣致仕卒子欽

黃裳

黃裳字文叔隆慶人登乾道進士第調巴州通江尉

以薦召對論蜀兵民大計遷國子博士光宗登極進對謂中典規模與守成不同進秘書郎曰臣不及朱熹除給事中汪義端詆趙汝愚裳奏汝愚如青天白日奴隸知其清明義端所見曾奴隸之不如先是光宗以憂疑成疾不過重華宮裳疏請五日一朝壽皇不豫中外憂危裳抗聲諫上起入宮裳挽衣隨之至宮門揮涕而出乃連章請外寧宗即位裳病不能朝改禮部尚書力疾入謝奏言陛下近日所為頗異前日除授之際大臣多有不知臣憂甚而病劇時韓侂

胄已潛弄威柄宰相趙汝愚未之覺故裳先事言之卒年四十九裳嘗與鄉人陳平父兄弟講學平父張拭門人也

曾三聘

曾三聘字無述新淦人乾道二年進士累遷軍器監主簿光宗不朝重華宮三聘以書抵丞相留正遷秘書郎孝宗崩帝疾不能執喪三聘謂今日事勢莫若建儲或戒之曰前日臺諫謂汝奪其職今復有疏耶三聘曰此何時而可避煩言也寧宗立兼考功郎後

史 143-584

知鄆州會韓侂胄為相指為故相趙汝愚腹心坐追  
兩官久之復元官卒嘉熙間詔贈三官

劉光祖

劉光祖字德脩簡州人登進士第歷右正言知果州  
以趙汝愚薦召入光宗即位累遷殿中侍御史光祖  
入謝因論本朝士大夫學術議論最為近古至於慶  
曆嘉祐盛矣不幸而壞於熙豐之邪說幸而元祐君  
子起而救之紹聖元符之際羣凶得志崇觀而下尚  
復何言求去不已改號州時孝宗不豫上久不過宮

宋 卷之十四

三

光祖致書留正趙汝愚曰宜與群賢併心一力若上  
未過宮宰執不可歸安私第林陳二閣自以獲罪重  
華日夜交譟其間宜用韓魏公逐任守忠故事孝宗  
崩又貽書汝愚勉以安國以定社稷之事寧宗即位  
除侍御史改司農少卿入對獻謹始五箴遷起居郎  
采嘉詔與祠光祖再疏請留不聽劉德秀劾光祖出  
為湖南運判光祖居涪州學記謂學之大者明聖人  
之道以脩其身而世方以道為偽諫官張奎指為謗  
訕奪職謫居房州侂胄誅知潼州府卒

徐誼

徐誼字子宜一字宏父溫州人第進士累官太常丞  
孝宗躬攬政權執政惟奉旨而行誼諫曰若異則人  
主日聖人臣日愚陛下誰與共功名乎守右司郎中  
遷左司光宗久不朝重華官誼入諫退告宰相宜進  
皇子嘉王參決留正不克用孝宗崩上不能喪及將  
禪正憂懼仆於殿庭而去誼以書譏趙汝愚寧宗即  
位韓侂胄持功狀望誼告汝愚宜飽其欲而遠之不  
聽侂胄益怨恨以御史劉德秀胡紘既責惠州團練

宋

宋 卷之十四

四

副使南安軍安置復官與祠起守汀州卒

徐邦憲

徐邦憲字文子義烏人紹熙四年試禮部第一登進  
士第三遷為秘書郎初韓侂胄謀舉兵伐金邦憲言  
抵壘非計旬外知處州罷祠侂胄誅知臨安府句祠  
知江州致仕卒于官

李祥

李祥字元德無錫人登進士第為錢塘縣主簿累遷  
國子祭酒丞相趙汝愚去國祥上疏爭之言者劾罷

之于是大學諸生楊宏中周翰朝等六人上書留之俱得罪致仕卒

章穎

章穎字茂猷臨江軍人以兼經中鄉薦孝宗立詔求言穎為萬言書附驛以聞禮部奏名第一上稱其文似陸贄調通州教授召對除左司諫時右相葛郊獨當國穎論郊不足以任大事寧宗即位御經韓問曰諫官有言及趙汝愚有卿等謂何穎奏言國勢未安可容易進退大臣不報奏請待罪與郡御史劾穎阿

宋

卷三十四

五

黨罷太學生周端朝等六人伏闕辨汝愚誣且謂章穎言發於忠皆被罪自是黨論遂起韓侂胄誅累遷禮部尚書丐去與祠卒年七十八

孫逢吉

孫逢吉字從之龍泉人登進士第歷官秘書郎兼嘉王府直講紹熙二年春雷雪之沴交作應詔疏入事權右正言凡七十日章二十上會彭龜年補郡逢吉入疏曰道德崇重陛下所敬禮者無若朱熹志節端亮陛下所委信者無若彭龜年熹既以論侂胄去龜

年復以論侂胄時報優人王喜除閣職逢吉言即於上前效朱侍講進趨以儒為戲者豈可令汗閣職抗踈爭之王喜之命實未出遂以誣詆出知太平州丐祠許之卒弟逢年逢辰皆有文行時稱孫氏三龍

黃度

黃度字文叔新昌人隆興元年進士歷國子監簿紹熙四年守監察御史光宗以疾不過重華宮度連疏切諫劾內侍陳源楊舜卿林億年三人之罪大於李輔國韓侂胄驟竊政柄度具疏將論其奸為所覺御

宋

卷三十四

六

筆遽除知平江府度言侂胄假御筆逐諫臣非為國之利也固辭侂胄誅累遷進至寶謨閣直學士度以人物為已任推挽不休每曰無以報國惟有此耳十上引年之請不許歸越提舉萬壽宮卒度志在經世而以學為本婿周南問禧三年召試館職對策詆權要終身不進官

何異

何異字同叔崇仁人第進士累遷右正言時光宗怒于定省異疏諫不報慶元五年太廟芝草生韓侂胄

率百官觀焉異謂色白慮生兵妖佞胄不悅又以劄  
光祖於異交密言者遂劾罷之嘉定元年召為刑部  
侍郎明年權工部致仕卒年八十一

詹體仁

詹體仁字元善浦城人父隄與吳宏劉子暈游蘭  
州信豐尉金人淪盟隄見張浚論滅金秘計浚辟為  
屬體仁登進士第歷太常丞光宗即位累遷太常少  
卿上久不過重華宮陛對首陳父子至恩之說孝宗  
崩率同列抗疏請詣重華宮視臨祥祭孝宗將復土

卷之四

言承阜陵地勢卑下非所以安安神靈與宰相異議  
知福州言者竟以前論山陵事罷之起知靜江府卒  
年六十四體仁少從朱熹學郡人真德秀早從其游  
嘗問居官蒞民之法體仁曰盡心平心而已

游仲鴻

游仲鴻字子正南充人登進士第歷知中江縣紹熙  
四年赴召趙汝愚在樞密訪以蜀中病汝愚欲親  
出經畧仲鴻曰獨下閩呂中公謂經畧西事當在朝  
廷乎光宗以疾久不朝重華宮仲鴻遺汝愚書陳宗

社大計有伊周霍光語汝愚駭立焚之孝宗崩仲鴻  
泣謂汝愚曰今雖有率百官哭殿庭以請親臨宰相  
留正以病去仲鴻遂簡汝愚曰禪日不決禍必起矣  
後三日嘉王即位于重華宮韓侂胄方居中用事汝

愚以淮東西提舉積弊奏遣仲鴻覈實仲鴻曰丞相  
之勢已孤不憂此而顧憂彼耶侍講朱熹以論事去  
仲鴻疏曰宰相留正之去去之不以禮諫官黃度之  
去去之不以正近臣朱熹之去去之不以道監察御  
史胡統希侂胄意誣汝愚久蓄邪心又謂朝士中有

卷之四

推其宗派以為膏出楚王元佐正統所在者指仲鴻  
也慶元元年汝愚罷仲鴻遷軍器監主簿力旬外遷  
利路轉運判官坐數忤宣撫副使吳玘職被誅除仲  
鴻利路提點刑獄尋乞休于祠卒年七十八

呂祖儉

呂祖儉字子約祖謙之弟也受業祖謙監明州倉籍  
上會祖謙卒部法半年不上者為違年祖儉必欲終  
葬喪朝廷從之詔違年以一年為限自祖儉始寧宗  
即位除太府丞時韓侂胄竄用事正言李泳論右相

趙汝愚罷之祖儉奏汝愚未至如言者所云會祭酒  
李祥博士楊簡皆上書訟汝愚沐皆劾罷之祖儉上  
疏論救安置韶州改送吉州遇赦量移高安二年卒  
祖儉在謫所讀書窮理實業以自給每出必草屨徒  
步爲踰嶺之備嘗言因世變有所推折失其素履者  
固不足言因世變而意氣有所加者亦私心也從弟  
祖泰字泰然夷簡五世孫寓宜興祖儉貶移瑞州祖  
泰徒步往省之及祖儉沒貶所周必大降少保致仕  
祖泰憤之乃請登聞鼓院上書請誅韓侂胄蒸師且  
而罷逐陳自強之徒獨周必大可用詔拘管連州右  
諫議大夫程松懼曰人知我素與遊其謂爾聞乎乃  
奏言祖泰有當誅之罪殿中侍御史陳謙亦以爲言  
乃杖之百配欽州既至府庭尹曰汝病風喪心邪祖  
泰曰今之附韓氏得美官者乃病風喪心耳侂胄殊  
朝廷詔雪其寃遂授廸功郎監南嶽廟

楊宏中

楊宏中字充甫福州人弱冠補國子生寧宗時韓侂  
胄竊弄國柄引李沐爲右正言論罷趙汝愚竟竄之

國子祭酒李祥博士楊簡連疏救爭俱被斥宏中曰  
師臣能辨大臣之免而諸生不能留師儒之去於誰  
安乎衆莫應獨徐杞林仲麟張道蔣傳周端朝五人  
願預其議遂上書乞京李沐以謝天下還祥簡以收  
士心侂胄大怒將竄之嶺南中書舍人鄧驛上書救  
之不聽右丞相余端禮拜於榻前至數十旬免遠徙  
乃各送五百里外紉管太平州天下號爲六君子開  
禧元年宏中登進士第侂胄誅特遷一秩卒年五十  
三端朝字子靜嘉定三年試禮部第一終刑部侍郎  
道學用叟以父任補官有二子同登進士第仲麟字  
景仲傳字象夫久居學校忠鯁有聞咸以不偶死純  
字葵父侯官人舉于鄉入太學純請歸海禁錮十餘  
年始得釋登嘉定元年進士第累遷國子主簿知邵  
武軍尋召赴行在言功利不若道德刑罰不若恩厚  
屢起居郎致仕卒

湯壽

湯壽字君保瀏陽人淳熙十四年進士歷國子博士  
時朱熹于祠壽疏留不報至大理少卿進直徽猷閣



卒璿與韓侂胄陳自強不合故屢嗾言者中傷

徐應龍

徐應龍字允叔登進士第調衡州法曹呂祖儉忤韓侂胄請死高安應龍經紀其喪累遷至刑部尚書兼侍讀應龍在講筵多指陳時政一日讀吳起為卒吮疽事應龍奏令軍將得以哺還專事括克未免多怨寧宗驚曰偵帥之風今猶未除耶宰相史彌遠聞而惡之奉祠卒三子皆登朝榮叟至府政

莊夏

莊夏字子禮泉州人第進士慶元六年大旱求言夏知興國縣上封事召為太學博士尋權直學士院兼太子侍讀時流民來歸夏言荆襄兩淮多不耕之田計口授地貸以居廬牛具兵民可合屯田可成此萬世一時也與祠歸卒

黃疇若

黃疇若字伯庸豐城人淳熙五年第進士歷知廬陵縣召赴都堂審察差監行在都進奏院開禧初都城火應詔言當今急務有三一日賦歛征求之無藝二

日都鄙軍民之無法三日守令牧養之無狀歷拜監

察御史首章乞天子擇宰相宰相擇監司時與金人約和金人約函致韓侂胄首疇若章交等奏乞帛首然函送有失國體知成都府青彌兩羗乞降會董璽合部族入寇疇若亟調兵且設方畧捕之皆遁去累遷至禮部尚書乞歸知福州力辭乃與祠

沈作賓

沈作賓字賓王歸安人以父任登仕中刑法科歷大理評事改秩通判紹興府秩滿知台州五十日闕盡

卷二十四

三

除前政之弊邢人胥悅而前守嫉其勝已媒孽之罷去除太府丞遷刑部郎慶元初除直龍圖閣帥浙東知紹興府韓侂胄方用事族有居越者私贖公行作賓逮捕實于獄而竄其奴權戶部尚書知隆興府在郡樽節錢二十餘萬緡僚屬請獻諸朝作賓謂平生未嘗獻羨以半歸帥司犒師半隸本府致仕卒

黃黼

黃黼字元章餘杭人少游太學第進士歷太常博士輪對言乞於時望近臣中擇才畧謀慮可委方面出

將入相何所不可上嘉獎曰如卿言可爲盡用人之道歷兩浙路轉運判官浙東瀕海之田以旱澇告乞損僧牒緡錢振濟全活甚衆累遷侍御史奉祠卒

宋德之

宋德之字正仲其先京兆人慶元二年進士第一歷武學博士與諸生論八陣之象本乎八卦皆動物也出知閬州擢本路提點刑獄制帥安丙奏德之傲視君命降一官朝論有疑丙意丞相史彌遠首以問德之對曰蜀無安丙朝廷無蜀矣仲時相意遂罷丙嘗

宋

卷五十四

七

謂人曰丙不知正仲正仲知丙丙負正仲正仲不負丙請昏于德之不許起知眉州監特奏名試得疾卒德之大父栢性剛介一朝棄官去莫知所終從父廉語德之曰吾昔在臨安府有人言蜀有宋宣教者過浙江而去吾適越求之則入四明矣德之渡浙江尋訪至雪竇有蜀僧言聞諸耆老云山後爛平山有三居士焉其一宋宣教也德之至爛平見丹竈置祠其上而歸

劉倫

劉倫字晦伯建陽人與弟籍仲學于朱熹呂祖謙第

進士歷知閬縣以憂去鶴學禁與倫從熹武夷山講道讀書築雲莊山房爲終老之計差知德慶府入奏言前者北伐之役執事者不度事勢貽陛下憂今雖從和議願益恐懼脩省召入奏事首論公道明則人心自一朝廷自尊雖危可安累遷國子司業言于丞相史彌遠請以熹所著論語中庸大學孟子之說備勸講奏乞罷鶴學之詔又請以熹白鹿洞規頒示太學兼工部刑部侍郎夏早應詔上封事權工部尚書

宋

卷五十四

七

辛棄疾

辛棄疾字幼安歷城人少師蔡伯堅與覺懷英同學號辛党始筮仕懷英遇坎因留事金棄疾得離遂決意南歸金主亮死中原豪傑並起耿京聚兵山東稱天平節度使棄疾爲掌書記勸京決策南向僧義端者喜談兵聚衆千餘說下之使隸京紹興末京令棄疾率表歸宋高宗授承務郎會張安國邵進已殺京降金棄疾乃約統制王世隆及忠義人馬全福等徑

趙金幣安圖方與金將酣飲即衆中縛之以歸獻俘  
行在因論南北形勢及三國晉漢人才持論勁直不  
爲迎合歷知潭州兼湖南安撫盜連起湖湘乘疾悉  
討平之復奏乞依廣東推鋒荆南神助福建左翼劍  
別一軍以湖南飛虎爲名止撥屬三牙密院專聽  
帥臣節制乘疾善幹旋事皆立辦以言者落職光宗  
立之二年起福建提點刑獄召見寧宗初落職其後  
寧宗召見言鹽法差知鎮江府知江陵府令赴行在  
奏事進樞密都承旨未受命卒乘疾謂人生在勤當  
以力田爲先故以稼各軒未幾歿僞學禁方嚴門生  
故舊至無送葬皆棄疾爲文往哭之謝枋得過其墓  
旁僧舍有疾聲大呼于堂上若鳴其不平自昏暮至  
三鼓不絕聲枋得乘燭作文且祭之文成而聲始息

方信孺

方信孺字孚若興化軍人以父松卿蔭補官韓侂胄  
自蕭山丞召赴都命以使金信孺曰門蒙自我金人  
設問首謀當何以答侂胄矍然至濠州金帥紇石烈  
子仁止于獄中露刃環守之絕其薪水要以五事信

孺曰及俘歸幣可也縛送首謀于古無之稱藩割地  
則非臣子所忍言至汴見金左丞相都元帥完顏宗  
浩陳兵見之云五事不從兵南下矣信孺對不少  
紆固執不許宗浩計窮遂密與定約復命再差充通  
謝國信所參謀官奉國書檄草及計通謝百萬緡抵  
汴宗浩變前說怒信孺不曲折建白遽以檄書來有  
誅戮禁錮語信孺不爲動會蜀兵取散關金人益疑  
信孺還言敵所欲者五事劉兩淮一增歲幣二犒軍  
三索歸正等人四其五不敢言侂胄再三問至厲聲  
詰之信孺徐曰欲得太師頭耳侂胄大怒奪三秩歸  
江軍居住時開禧三年九月也已而王柎定和議還  
自信孺功尋知福州再奉制幸

李孟傳

李孟傳字文授以父光遺表恩歷官太府丞孝功郎  
因對言國家長育人才猶天地之于植物滋液濇  
待其既成而後足以供大厦之用今士大夫皆有苟  
進之心韓侂胄與孟傳故嘗致意孟傳謝曰行年六  
十去意已決侂胄慙而退請外知江州入對首論用

八官先氣節倪胃誅就遷提點刑獄移江東又辭丞  
相史彌遠其親故也角中選再奉祠致仕年八十四

倪思

倪思字正甫歸安人登進士第中博學宏詞科累遷  
著作郎兼翰林權直光宗即位久不遇重華宮思  
十上會上召嘉王思言壽皇欲見陛下亦猶陛下之  
于嘉王也李皇后侵預政思進講姜氏會齊侯於濼  
漢呂氏唐武帝幾至亂亡不但春莊也寧宗即位歷  
數郡皆言者論去久之召還試禮部侍郎韓侂胄

書

七

以書致殷勤思報曰但恐方拙不能徇時勢耳入見  
嘗自呂祖儉謫徙而朝士不敢輸忠自呂祖泰編窳  
而布衣不敢極說又言士大夫寡廉鮮恥刑拜勢要  
之門甚者匍匐門賓稱門生不足稱恩至稱爲恩  
父者諛文豐賂在所不論也倪胃聞之大怒司諫毛  
憲劾予祠侂胄極復召除權兵部尚書兼侍讀求對  
言大權方歸所當防微一有干預端倪必且仍蹈履  
轍蓋謂史彌遠也知鎮江府移福州彌遠拜右相陳  
晦草制用昆命元龜語思嘆曰董賢爲大司馬書文

有允執厥中一言蕭咸以爲堯禪舜之文今制詞所  
引此舜禹揖遜也天下有如蕭咸者讀之得不大駭  
乎乃上省牘請貼改麻制詔下分折彌遠遂除晦殿  
中侍御史劾思濼臣備論麻制錯織予祠卒

袁燮

袁燮字和叔鄞縣人請東都黨錮傳慨然以名節自  
期入太學登進士調江陰尉寧宗即位爲太學正時  
朱熹諸儒相次去國丞相趙汝愚罷燮亦以論去久  
之歷司封郎官因對言陛下追思彭龜年臨朝太息

書

大

今正人場士不乏願常存此心除禮部侍郎時史彌  
遠主和燮爭益力臺劾奉祠卒燮初入太學陸九齡  
爲學錄同里沈煥楊簡舒璘並在學後見九齡弟九  
淵發明本心之指師事焉

趙方

趙方字彥直衡山人父棠嘗見張浚於督府浚奇之  
命于杖與棠交方遂從杖學第淳熙進士歷知青陽  
縣告守史彌遠曰能科不擾是能科中撫字刑罰無  
差是刑罰中教化人以爲名言寧宗時知襄陽府蘇

知金人謀犯境乃下防夏之令方夜半呼其子范葵曰朝廷和戰之說未定遂抗疏王親親往襄陽金圍棗陽急遣孟宗政扈再興等往援自是無日不戰諸將表裏合謀又連破之以功封長沙縣男其後累敗金人至顯謨閣王學士病革曰未死一日當立一日綱紀卒方起儒生帥邊十年以戰為守知名士如陳駭游九功輩皆拔為大吏若扈再興孟宗政皆起自土豪能致其死力云

吳獵

卷三十四

七

吳獵字德夫醴陵人登進士第初主溇州平南簿張斌經畧廣西檄攝靜江府教授劉焯代斌斌以獵薦辟本司準備差遣盜李接起陷諸州獵請明賞討焯乃錄鬱林功誅南流縣尉盜悉就禽尉宰相王淮甥也獵坐降久之知無錫縣用薦召試守正字光宗不覲重華宮獵上疏辭甚切偽學禁與獵言侍講朱熹遽以御札昇祠中外惶駭劫罷久之黨禁弛起歷知江陵府時韓侂胄開邊江陵又告饑獵前後備禦振恤皆有法金人再犯竟陵襄陽德安俱急吳職俄反

于蜀警報至獵請魏了翁攝參議官訪以西事募死士入竟陵命其將王宗廉死守關大軍分道夾擊金人遂去又督董道等援德安董世雄孟宗政等解襄陽圍西事方敗獵為討叛計請于朝以王大才彭輅任西事仍分兵抗險要曹槩以待王師及曠誅知成都府嘉定六年召還卒

項安世

卷三十四

辛

項安世字平父括蒼人後家江陵第進士召試除秘書正字光宗以疾不過重華宮安世疏諫不報寧宗即位時宋熹召至闕未幾予祠安世率館職上書留之不報俄為言者劫去安世吳獵並坐廢開禧用兵獵起帥荆渚起復安世知鄂州俄淮漢師潰薛叔似以祛儒為韓侂胄所惡安世不俟命徑遣兵解圍第請將殺獲功以聞有宣撫募官上度者獵客也獵與安世素相友及安世招軍各項家軍多不逞好虜掠獵斬其為首者安世憾之至是斬度于大別寺獵以聞安世坐免用臺章奪職罷嘉定元年卒

李大性

李大性字伯和端州人其先積中爲御史入元祐黨  
籍始家豫章大性以父任入官擢大理司直紹熙中  
陳傅良言事去國彭龜年黃度楊方相繼去大性抗  
疏言不信仁賢則國空虛孝宗崩光宗疾未能執喪  
遽言金使祭奠當引見不知是時猶可以不出乎累  
遷戶部尚書開禧將用兵大性條陳利害忤韓侂胄  
意出知平江後知江陵當用兵後錢燧饑饉繼以疾  
疫首議振貸甚賴之知平江府引疾卒年七十  
七李氏自積中三世官于朝父子兄弟相師友而大  
性與弟大異大東竝齊侍從爲名臣云

劉甲

劉甲字師文華之後家龍游登進士第累官知廬州  
程松爲四川宣撫使吳曦副之以甲知興化府時曦  
獻四州於金金立爲蜀王甲在漢嘉未至璜也松謀  
遁甲固留不可遂以便宜檄甲兼沿邊制置曦以書  
致甲甲授大義拒之因臥疾曦又遣其弟敗邀之相  
見甲叱而去之乃援顏真卿河北故事欲自按歸朝  
先募二兵持帛書貽恭知政事李壁告變賊借王位

甲遂去官朝廷久乃徵聞曦反狀韓侂胄猶不之信  
甲表至摩油帛書進寧宗覽之稱忠臣者再安丙等  
誅曦復還漢中上待罪詔趣還任楊巨源既死軍  
情叵測除甲宣撫使未幾金自鶴箭關劄金崖進屯  
八里山甲分兵進守諸關能背誅拜寶謨閣學士自  
楊輔召歸西邊諸事朝論多于甲取決後知興元府  
卒于官年七十

李好義

李好義下邳人祖師中忠州團練使父定一興州中  
軍統制好義善騎射喜誦孟軻書及左氏春秋初以  
準備將討文州蕃部有功建炎曦帥蜀爲興州正將  
開禧三年正月聞曦叛亟歸與其兄對哭謀誅之會  
曦遣李賁追殺宣撫程松賁語其徒曰朝廷重臣豈  
可殺耶好義知賁赤心告之謀賁遂約李彪張淵陳  
立劉虎張海等好義又密結親衛軍黃術趙亮吳政  
等及女弟夫楊君玉好義初謀立長史安丙以主事  
既而李坤辰言丙亦與楊巨源有謀好義因約巨源  
以報丙丙大喜遂與好義約好義入世美堂覲曦

空職聞外聞命皇起露頂徒跣開竅戶欲近見責復止以手捍內戶肯爾爭戶戶紐折職走責追及手執其髻舉刃中職頓膝素勇有力撲責仆地不能起好義急呼王換釜其尸者二職負痛手縱責起遂斫其首引衆擁職首出宮亟馳告丙好義請乘時取關外四州丙從之好義兵次獨頭嶺進士王榮仲兄弟率民兵合擊金人好義以中軍統制知西和州卒好義誅職時幼子植留家迄事人爭冒功欲汪植名好義指心曰惟此物不可欺職既誅好義集丙家王喜後

宋

宋

宋

臣欲亦好義丙力救解然日以殺好義為心及好義守西和喜遣其黨劉昌國聽節制好義與酬酢歡飲遂旦好義心腹暴病洞瀉而昌國遁矣既而昌國白日見好義持刃刺之列喜職大將也誅職日遣其徒入偽宮虜掠殆盡又取職姬妾數人其後欲戕好義為職復讎朝廷慮喜為變授節度使移荆鄂都統制而死

孟宗政

孟宗政字德夫隨州人金人犯襄鄂宗政率義士據

險逆擊奪其輜重得贖承節郎京西鈐轄駐劄襄陽嘉定中金人犯襄陽宗政與扈再興陳祥分軍設伏蹀血以戰敵敗走金帥完顏訛可復擁兵傅城宗政力戰會王大臣領銳卒一千冒圍轉鬪士氣大振賈勇入金營自脯至三更敵橫屍偏地威振境外金人呼為孟爺爺病疽卒子珙有傳

張威

張威字德遠成州人開禧用兵威與金人戰輒捷以功補將領與職既誅遣將收復諸州西和之役威率

宋

宋

宋

親先登敗金人戰于板橋遂取之升統制由是威名大振先是利州路安撫使丁甫聞金人深入亟遣書招威救蜀又檄忠義總管李好古北上捍禦好古與統領張彪遇以彪棄進竹關故斬之彪威弟也威聞彪死按兵不進甫聞之謂僚佐曰金人所憚惟威今可無好古不可無威遂因好古入見數其擅殺彪罪斬之遣書速威且使進士田遂往說之威感激夜半調發鼓行而前連破金兵興元叛兵張福莫何作亂號紅巾隊安丙檄威會福等十七人戮之簡自教賊

遂平西夏來約夾攻金人丙憲王仕信會于鞏又命  
威與利帥程信興陳立等分道並進議初起時威  
謂金人尚疆夏人反覆未可輕動丙不聽卒遣威室  
城下無功而還丙怒奏罷其兵柄是歲卒於利州

宋列傳卷之二十五

趙汝~~子~~直漢王元佐七世孫居饒之餘于父善  
應字~~子~~遂會終江西兵馬都監性純孝親病刺血和  
藥以~~進~~居喪嘔血骨立故人之孤女貧無所歸聘爲  
子婦適見病者必收恤之歲饑且久率其家人輟食  
之半以餬饑者夏不去草冬不破壤懼百蟲之游且  
蟄者失其所也丞相陳俊卿題其墓碣曰宋篤行趙  
公彥遠之墓汝愚早有大志每曰丈夫得汗青一幅  
終始不負此生擢進士第一~~會~~寧國軍節度判官  
召試館職除秘書省正字孝宗方銳意恢復始見卽  
陳自治之策孝宗稱善遷校書郎知閤門張說擢僉  
書樞密院事汝愚不往見率同列請祠不報會祖母  
訃至卽日歸因自劾上不加罪紹熙二年召爲吏部  
尚書上常以五日一朝孝宗于重華宮至是往往以  
疾免汝愚往復規諫兩宮之情通四年汝愚知貢舉  
與監祭御史汪義端有違言上乃出義端稱郡五年  
春孝宗不豫率同列入請上前重華宮侍疾光宗益



疑孝宗崩上以疾不出宰臣以下待對和寧門不報  
乃入奏云皇子嘉王仁孝夙成宜早正儲位以安人  
心又不報越數日再請御批付丞相云歷事歲久念  
欲退閒留正見之懼密爲去計汝愚自度不得辭其  
責乃與工部尚書趙彥逾殿帥郭杲知閣門事韓侂  
胄知內侍省關禮左遷郎官葉適左司郎中徐誼定  
計請下憲聖太后乃命皇子卽位汝愚卽喪次召還  
留正長百僚命朱熹侍讀經筵悉收召士君子之在  
外者孝宗將損汝愚議擢官非永制欲改卜山陵與  
留正議不合侂胄因而問之出正判建康命汝愚爲  
右丞相汝愚本倚正共事怒侂胄不以告及來謁故  
不見侂胄慚忿僉書樞密羅點曰公誤矣汝愚亦悟  
復見之侂胄終不懌自以有定策功且居中用事朱  
熹白汝愚當以厚賞酬勞勿使預政而汝愚謂其易  
制不爲慮侂胄日夜謀引其黨爲臺諫以損汝愚趙  
彥逾除四川制置意亦不懌與侂胄合謀黃裳羅點  
卒侂胄又擢其黨京鐙代點汝愚始孤陳傅良吳玘  
劉光祖各先後斥去侂胄欲逐汝愚而難其名或教

之曰彼宗姓誣以謀危社稷則一網無遺侂胄然之  
擢其黨李沐爲正言奏汝愚將不利於社稷汝愚出  
浙江亭待罪遂罷相又以中丞何澹既落汝愚觀文  
殿及宮觀監察御史胡紘上言汝愚唱引僞徒謀爲  
不軌乘龍授詐假夢爲符責寧遠軍節度副使永州  
安置初汝愚常夢孝宗授以湯龍背負白龍升天後  
寧宗以素服登大寶蓋其驗也汪義端嘗制用漢誅  
劉屈氂唐戮李林甫事示欲殺之意趙師召  
亦上書乞斬汝愚至衡州病作爲守臣錢釜所窘暴  
卒時慶元二年正月壬午也侂胄誅謫忠定于九人  
長崇憲孫必愿曾孫良淳並以忠孝世其家崇憲字  
履常淳熙中以取應對策第一復以進士對策擢甲  
科歷江西轉運司幹辦公事寧宗念汝愚功下制并  
崇憲籍田令陳疏力辭累遷著作佐郎請外知江州  
郡民歲苦和糴崇憲疏蠲之且轉糴秀郡以備歲餘  
脩陂塘以廣溉灌凡數千所以兵部郎中召知靜江  
府靜江之屬邑十地肥磽畧等而陽朔修仁荔浦之  
賦獨倍張杖奏減人備以爲病崇憲請再加蠲減三

縣民立祠刻石必愿字立夫以汝愚遺表補官第進士知崇安縣秩滿民共立祠刻石嘉熙元年胎書政府諭邊防事宜火災應詔上封事又論濟王及國本事還司農少卿歷戶部侍郎兼給事中三以疾乞祠不許權戶部尚書疏迺丞相史嵩之乞免官淳祐五年以華文閣學士知福州福建安撫使三辭不許必愿平易以近民申明左翼軍節制事宜居官四年累乞歸及命召又三辭皆不許本浪淳字景程用修登仕所至以辦治稱知吉安州時元兵屢陷州縣知州

宋

卷五十五

四

李庚遁良淳至日與僚吏管守禦之備朝議舉以徐道隆爲提刑以輔良淳加直祕閣范文虎等遣使持書招降良淳與道隆怒焚書斬其使命家人出避閣自經死元兵隨追及道隆於道赴水死長子載孫亦赴水死道隆字伯謙武義人

趙令衿燕懿王玄孫中大觀二年合選靖康初爲軍絕少監言事忤旨奪官紹興中以都官員外郎召張浚罷令衿請對留浚遷知泉州歸寓三衢嘗會賓客觀泰榭家廟記口誦君子之澤五世而斬之句通守

汪召錫榆兄塔也諷教官莫汲訴其謗詢朝政微上槍病不能省乃免槍死復爵卒

趙令歲令衿兄也初名令禪建炎初爲鄂州通守領兵戍武昌黃州遭寇掠令歲渡江存撫孟太后在南昌金人欲邀之徑犯州令歲已還在道疾起夜半入城翌日城陷被執大罵不屈而死同死者都監王遠判官吳源巡檢劉卓又有趙伯振者燕懿王七世孫也弟進士靖康末爲鄭州司錄就遷通判州事建炎二年金人犯鄭州守臣董彥素城走趙八日城陷伯

宋

卷五十五

五

振率兵巷戰遂遇害

趙叔近魏悼王五世孫建炎元年爲秀州守後爲張浚所害諸從有叔向者方汴京破時潛出之京西金人退引泉也青城入至都堂叱王粹雍等速歸政置救駕義兵部將于渙上變告叔向謀爲亂詔劉光世捕誅之又有叔皎者爲德州兵馬都監建炎二年金人圍城叔皎力戰遇害

趙訓之字誨道魏悼王六世孫也第進士知永豐縣建炎初孟太后避地處州獲衛統制杜彥等叛犯承

豐訓之與尉陳自仁俱被害訓之諸從有辜之者封  
安定郡王叔東子也建炎中為成忠郎金人圍潭州  
城陷韋之巷戰大罵而死

趙士晤字公美漢安懿王曾孫也為右監門從上皇  
北遷次洛州與諸宗室議欲遁據城謀未就而金  
人圍合皆散走士晤乘驢西亡夜半盜驢去徒步疾  
趨遂明抵武安酒家因至磁州集義兵以解洛圍還  
權知洛州仍兼防禦使金人再犯洛衆不能守歸趙  
行在再遷知宗正事卒年四十六子不流歷臨安知

宋王五

大

與師治有聲濮王之後又有士跋者為右監門靖康  
之難士跋間道遁去居邢州結土豪將舉事謀泄金  
人執而殺之又有士瞻者從上皇北遷乘間變姓名  
落髮衣僧衣以行抵會稽以覃恩轉奉朝請卒

趙士傑字景瞻系出太宗生五歲補台班殿直累遷  
江東路幹轄李成叛據江淮六七郡遣其黨馮進圖  
九江守臣姚舜明與士傑及副幹轄劉紹先禦之進  
攻城益急城破仰藥而卒年五十二賊怒并殺其子  
三人同時士醫者任秀州兵馬都監兀木至乘城拒

戰城陷死之士真者權知信陽軍寇劉滿至拒戰處  
之士道者以武翼大夫守官江州馬進作亂遇害並  
贈官錄其子

趙士褒字立之郇康孝王仲御第四子康土即位陰  
光山軍節度使黃潛善等用事士褒論其誤國出知  
南外宗正事會苗劉之變士褒易服入杭以蠟書遺  
張浚趨其勤王尊權王奉濮王祠事岳飛被誣士褒  
力辯以百日保飛無他槍諷言者論其交通奪官卒  
年七十長子不凡封股納蠟書告張浚以功轉兩官

宋王五

七

勇文資從趙哲收復建州殺葉漢賜爵二級太宗之  
後又有士崎亦知名

趙子直字正之燕懿王六世孫也父令錄寶文閣待  
制子直以蔭歷河南少尹與蔡京不合落職三京新  
復除京畿都轉運使以疾辭卒

趙子恭字伯山系世燕懿王弟進士宜和開知淮寧  
府張邦昌僭位以書白康王遂與知穎昌府何去非  
等傳檄中外已而聞金人退又請進兵南京命充大  
元帥府參議官發青貢邦昌康王即位上章論王時

雍徐秉哲吳升莫儔范瓊胡思王紹王及之顏博文  
余大均等遐遷上皇都人指為國賊初司天監苗昌  
裔謂大祖後當再有天下子孫靖康末起兵檄文頗  
涉不遜統制辛道宗有隙上之帝震怒謫居南雄州  
後赦復集英殿脩撰而子終已卒

趙子砥系世燕懿王父令珣歷官贈開府儀同三司  
子砥至鴻臚丞靖康北遷求得上皇宸翰懷以歸建  
炎二年六月至行在帝命輔臣召問于都堂子砥言  
金人講和以用兵我國欲兵以待和往者莫丹主和

卷五十五

八

麗女真竟滅莽丹今復圖其轍復故官命知台州李  
澤從又有子櫟者元祐中第進士為汝州太守金人  
再渝盟破制湖諸州獨子櫟能保境土李綱言于朝  
又有子豈者少警敏知秀州奉祠歸寓于衙  
趙子滿字清卿秦康惠王六世孫也父孝靖公令與  
子滿孤貧能力學第進士累官華文閣待制知臨安  
府金主亮渝盟欲助軍錢十五萬緡孝宗擢敷文閣  
直學士知明州沿海制置使王十朋王大寶抗疏會  
之帝曰朕委以防海行召還矣海道平命知福州移

泉州所至有善政卒于官年六十六子滿諸孫有師  
櫟者以罪拘管西外宗正司福建提刑王夢龍以習  
勇可用屬製軍罷會寇遁尤溪令師櫟統卒數百往  
戍既行大書于旗曰不與賊俱生賊兵至師櫟自為  
先鋒戰沒

趙不羣字介然太宗六世孫累遷兩浙路轉運副使  
卒諸從有不試者建炎元年知相州明年金人大入  
州久被圍不試知事不可為遂登城與金人約勿殺  
許之既啓門乃納其家井中然後以身赴井又有不

卷五十五

九

樂者為江東轉運判官秦檜忌四川宣撫使鄭剛中  
以不棄能制之除宣撫司總領官  
趙不惠字仁仲系由太宗父士圖從上皇北遷不惠  
補保儀郎紹興末第進士歷永州通判除知開州郡  
有鹽井以羨餘代民輸改成都路運轉判官黎州青  
羌奴結兒反朝廷命攝制司不惠檄諸蕃部生護吐  
蕃一人賞十緡殺一人二緡于是邛部川首領崖被  
合諸部落大破吐蕃于漢源廷臣薦其賢陞知慶軍  
承宣使卒年六十七

趙善俊字俊臣太宗七世孫父不哀開路兵馬幹轄善俊初補承節郎紹興六年第進士歷太府寺丞尋攝帥知廬州會江浙饑民廉至善俊括境內官田均給之歷知鎮江府卒年六十四善俊風儀秀整喜功名孝宗時日中有黑子地屢震每以飭邊備為戒趙善舉字靜之不倚之子乾道五年試禮部第一初調昌國簿攝邑事勸編戶哀金買田以助昏葬後潼川路提刑轉運判官宗子萬蜀者少業儒即郡庠立學校教之既訖乞祠歸處一室以圖書自娛卒年四十七又有善悉者武翼郎不尤之子第進士累官兩浙轉運副使

卷五十五

十一

趙彥楮字文長訓之之孫也第進士累官監登聞檢院韓侂胄方柄用出知汀州侂胄死詔檢詳士大夫與兵議者將併逐之彥楮每見帝必言才難選湖廣總領舊士卒物故大將不落其籍彥楮置別籍稽核之持之二年掛虛籍者贏三萬額減錢百萬籍知平江府至寶謨閣待制諸從有彥俊者字安卿累遷湖南運判尋知紹興府復鹿鳴禮置興賢莊會旱饑舉緡錢四十萬助荒政終江西轉運使又有彥逾者字德光第進士至工部尚書樞密趙汝愚議立嘉王欲倚殿帥郭杲為用杲常被誣彥逾為白於帝杲德之至是彥逾馳告杲許諾遂領兵為衛寧宗即位汝愚謂彥逾我輩宗臣不當言功會留正免相汝愚登右揆彥逾竟外除知明州嘉定間乞祠歸尋卒彥逾莫汝愚引已共政頗舛望乃躡當時名臣上之目為汝愚黨其兩入蜀皆有聲然奏復利州安撫領以武勝遂致吳曦之變云又有彥响者字敏若居彭州登四川類試第吳曦叛以蘇稽偽守夔彥响結義士殺之遂顯名興元三年會鄭觀乘四州紹定四年桂如淵

卷五十五

十一

代損起彥响於副使更李直黃伯固皆彥响副之端  
平初升正使三年元兵大入至三泉彥响大敗賧衝  
州其子洗夫用事亦竄嶺南史嵩之留之江陵卒  
趙汝騰字茂實系山太宗居福州登寶慶進士自籍  
田令試館職歷遷權中書舍人入奏言前後姦諛之  
臣傷善害賢又言陛下有用君子之名無用君子之  
實拜翰林學士辭歸故里累召知紹興府召爲端明  
殿學士復以內祠卒

趙汝談字展常系出太宗以恩補將仕郎登進士第

卷二十五

七

歷添差江西安撫司幹辦公事常佐丞相趙汝愚定  
大策將處以詞掖力辭汝愚去國其弟汝讓上疏乞  
留汝愚斬佞宵聞者吐舌兄弟懼黨禍斥去後自太  
社令試館職端平初以禮部郎官召金兵新破三關  
增秩汝談獨覺額登對首覽言邊面無可倚仗乞起  
越拘舉簡拔後傑如吳用周瑜魯肅晉任祖遜陶侃  
故事其論措法尤中時弊以老所免卒汝讓字蹈中  
折節讀書與兄汝談齊名以黨汝愚坐廢十年後登  
進士第歷司農丞與史彌遠不合請外有汝述者字

明可同出太宗曾祖士說從二帝北遷臨河罵敵而  
死汝述淳熙十一年第進士累遷刑部尚書知平江  
府卒汝述上封事論議懇惻然爲時相所親躡躡過  
顯人亦以此少之

趙師辨字從善燕懿王入世孫父伯驥少以文藝侍  
高宗於康邸積官至和州防禦使師辨第進士附韓  
侂胄得尹京侂胄死乃罷免與詞卒

趙希言字若訥惠王令應元孫也淳熙中第進士歷  
知臨安仁和縣又克權密院檢詳爲宰屬極衆凡六

卷二十五

七

年奉祠卒年六十子與權亦登第再中刑法科官至  
開府

趙希惲字伯和系出燕懿王淳熙中第進士汝愚帥  
福建希惲爲吏屬常言治人如脩身治政如理家汝  
愚嘉而薦之當國歷遷已而乞祠卒年五十八

趙希館字君賢名希喆慶元二年第進士賜今名請  
汀州司戶累遷吉州刺史提舉佑神觀輪對論今日  
值多事之際未有辦事之人以誠懇爲清聖以刻薄  
爲舉職以無所可否爲識體進安德軍節度使卒

趙希洎居宜春歷官至戶部尚書咸淳中忤丞相賈似道出領廣東轉運使德祐元年與從子必向避地贛州亂定歸里時袁守孫嵩孫希洎內嬖也危之降元不能屈文天祥兵敗據州而死

趙與權字悅道燕懿王八世孫嘉定進士歷直寶章閣嘉熙初遷戶部侍郎兼權兵部尚書論邊事至為深切知臨安府浙西安撫使江隄竣事獄空力丐罷

出關遣使趙還會虞儀民相攜溺死仍付臨安府事與權泣奉詔廿兩隨至以待贖召升大學士史稿之

宋 卷二十五

高

將復相人言不已帝以問與權言寓之老婦費財私贖食富過立名譽不宜復用時嵩之猶子環卿謂言其過忽斃而杜範劉漢弼徐元杰三賢暴死人皆疑嵩之致毒與權請優恤月賜內帑與權辭不取帝書安貧樂道植節秉忠字以賜拜少傅卒謚清敏與權手注六經及仁皇訓典詳釋欽之久而金幣衡寶錢民家云諸從有與嵩者字德淵居湖州嘉定十三年第進士歷官最後為淮浙發運使致仕卒趙孟錦少不羈遊淮以軍功為將佐德祐元年元兵

攻真州孟與知州苗再成率兵大戰于老鵝背元兵見其兵少逐之登舟失足墮水身倚重甲溺焉司時孟聖者居合州第進士為金華尉臨安既降元孟皇懷太皇太后自書請端宗權宗正寺簿監軍復明州戰敗見獲不屈磔死又有孟松者與從子也臨安既降元孟松謀舉兵與復事泄為叛臣范文虎所執驅山斬之

趙時賞字宗白居太平州第進士累官知旌德縣德祐初捍元軍有功從二王入閩端宗即位權知邵武

宋 卷二十五

主

軍言者以棄城論罷之文天祥開都督府于南劍奏辟江西招討副使空坑兵敗走吳溪被執不屈處之

韓侂胄

韓侂胄字師夫琦曾孫也父誠娶高宗憲聖慈烈皇后六弟侂胄以父任歷汝州防禦使知開門事孝宗崩光宗以疾不能執喪趙汝愚議定策立皇子嘉王侂胄與汝愚等白憲聖乃可其議嘉王即位是為寧宗侂胄欲推定策恩始歟望時時乘間竊弄威福朱熹嘗論奏其姦侂胄怒使優人喊寇寬袖象大槓戲

于上前烹遂去以抑賞故怨汝愚日深雲川劉潑者  
曩與侂胄同知閣門事頗以知書自負方議內禪時  
潑弗與聞內懷不平至是與侂胄謀傾汝愚以內批  
除所知劉德秀揚大法劉三傑為臺諫又謀於京鏗  
汝愚罷相又設偽學之目以網括汝愚及熹門下士  
用何澹胡絳為言官汝愚請永州慮他日復用密諭  
衛守錢蓋圖之汝愚抵衛暴卒時臺諫迎合侂胄意  
以攻偽學為言然惇清議不欲顯斥熹以陳賈魯攻  
熹召除賈兵部侍郎未至丞除沈繼祖臺察羅祖述

本

卷二十五

七

熹十罪落職罷祠三年劉三傑入對言前日偽黨今  
變而為逆黨侂胄即日除為右正言而坐偽黨得罪  
者六十人王沈姚愈以論偽學得遷官施康年陳謹  
鄧友龍林采皆以攻偽學久居言路而張釜張巖程  
松率由此乘政四年侂胄進太保封平原郡王布衣  
呂祖泰上書請誅侂胄決杖流欽州鐘處侂胄亦稍  
厭前事張孝伯以為不弛黨禁後恐不免報復之禍  
侂胄以為然迨復汝愚朱熹職各留正周必大亦復  
秩還政徐誼等皆先後復官黨禁寢解熹泰三年拜

太師時侂胄以勢利益士大夫之心薛叔似辛棄疾  
皆起廢顯用或勸侂胄立蓋世功名以自固者於是  
恢復之議興以吳曦為州都統議者言曦王西師必  
叛侂胄不省也聞禧收元部中外諸將密為行軍之  
計武學生華岳扣闕乞斬侂胄蘇師旦周筠以謝天  
下諫議大夫李大異亦論止開邊岳下大理劾罪編  
置大異斥去陳自強及鄧友龍相繼援故事乞命侂  
胄兼領平章遂除平章軍國事侂胄昵蘇師旦為腹  
心甚者假作御筆升黜將帥于是左司諫易敷大理

本

卷二十五

七

少卿陳景俊太學博士錢延正皆起恢復之計侂胄  
既喪師始覺為師且所誤謫之部州已而金人渡淮  
攻廬和真揚敗安豐濠又攻襄陽至棗陽乃以丘密  
僉書樞密院事督視江淮軍馬論丘密募人持書幣  
赴敵營謂用兵乃蘇師旦鄧友龍皇甫斌所為非朝  
廷意侂胄連遣方信儒使北請和以林拱辰為通謝  
使金人欲縛送首議用兵之臣侂胄大怒和議遂輟  
復銳意用兵中外憂懼禮部侍郎史彌遠謀誅侂胄  
揚皇后素怨之亦從中力請乃得密旨彌遠以告參



知政事錢象祖李壁尋令夏震呵止于途擁至玉津園帝乃下詔恭其罪極殺之陳自強等連貶金人求侂胄首乃斷棺取其首併師且首亟遺之侂胄用事十四年威行宮省藉其家多乘輿服御之飾侂胄娶憲聖吳皇后姪女無子取普童子為後名彭淵籍流沙門島云

史彌遠

史彌遠字同叔浩之子也淳熙中以蔭至宣義郎第進士為大理司直慶元二年改諸王宮大小學教授

宋

卷二十五

大

翰對乞旌廉潔之士開禧二年兼資善堂直講韓侂胄建開邊之議以堅寵固位已而邊兵大勦詔在位者言事彌遠上疏力陳危迫之勢侂胄誅召彌遠對延和殿兼太子詹事遣使請金求和金人以大散隔牙二關濠州來歸彌遠既便宜調當聘使既通之後常如干戈未定之日嘉定元年拜右丞相以母憂歸起復彌遠雪趙汝愚之冤乞褒贈賜諡蓋正誣史一時偽學黨人朱熹彭龜年楊萬里呂祖俊雖已歿或褒贈易名或錄用其後召還正人故老于外寧宗

擁立理宗紹定六年拜太師卒追封衛王諡忠獻彌遠相寧宗十有七年迨廢濟王立理宗又獨相九年濟王不得其死彌遠用李知孝梁成大等為鷹犬比時君子貶竄斥逐不遺餘力理宗德其立已寵任終其身猶優其子孫云

賈似道

賈似道字師憲台州人少落魄游博以父涉蔭補嘉興司倉會其姊入宮有寵于理宗為貴妃遂詔赴廷對擢大常丞軍器監益恃寵不檢理宗嘗夜憑高望

宋

卷二十五

九

西湖中燈火異常時語左右曰此必似道也明日詢之果然自端平初孟珙帥師會元兵滅金約以陳蔡為界師未還用趙范謀發兵據殺函絕河津取中原地為元兵所敗遂起兵端開慶初元兵攻鄂州又分兵踪廣西破湖南傳檄數宋背盟理宗大懼乃以趙葵軍信州禦廣兵以似道軍漢陽援鄂即軍中拜右丞相兼樞密使鄂城告急死傷者萬三千人似道私遣宋京如元軍請輸歲幣稱臣元將忽必烈不許會元有內難似道私遣京復請許之鄂圍遂解留張傑

閻旺以偏師候湖南兵明年爲景定元年傑作浮梁  
新生磯與湖南兵同濟而北似道用劉整計攻斷浮  
梁殺殿兵百七十人上表以肅清閩帝以其有再造  
功召入朝授少師久而元遣使郝經等持書申好息  
兵且徵歲幣似道方令館客廖容中草撰福華續稱  
頌鄂功通國皆不知所謂和也似道密令淮東制置  
司拘之真州不令入見似道逾年加太傅似道既乘  
政頗乘功脩怨結臺諫何夢然孫附鳳桂錫孫多所  
彈擊初似道在漢陽丞相吳潛養之黃州而分曹世

宋

卷三十五

五

雄等兵屬江閩似道街潛中以事連貶循州以死高  
遠在閩中殊易似道每見其督戰卽戲之曰魏中者  
何能爲哉似道屢譏于帝欲誅遠曹世雄向士壁在  
軍中事不關白並以侵冒邊費貶遠州似道假會計  
以污穢諸閩如趙葵史巖之皆不免劉整亦因是懼  
禍以瀘州降于元似道權傾中外置公田以能和羅  
民困之破家者甚衆知平江包恢督買田至以肉刑  
從事復以楮賤作銀關銀關行物價益踴楮益賤五  
年彗出柳臺諫帝布皆上書言公田不便民間愁怨

所致似道奏辨甚力建寧府教授謝枋得摘似道政  
事爲策問成與國軍太學生蕭規葉李等上書言似  
道專政悉鯨配之後又行推排法江南尺寸地皆有  
稅而民力弊矣理宗崩度宗又其所立每朝必各拜  
稱爲師臣而不名朝臣皆稱爲周公咸淳元年穆陵  
甫畢事卽棄官去使呂文德報北兵攻下沱急朝中  
大駭度宗與太后手詔起之然下沱之報實無兵也  
賜第葛嶺政無大小悉決于堂吏翁應龍及廖堂中  
宰執充位署紙尾而已李帝文天祥陳文龍陸秀

宋

卷三十五

五

淵張仲徽輩小忤意輒斥趙潛輩爭獻寶玉陳奕至  
以兄事其玉工陳振民以求進時襄陽圍已急似道  
惟坐葛嶺起樓榭取官人媼尼有美色者爲妾日事  
淫樂時輿故博徒縱博人無敢窺其第者八年明堂  
禮成祀景靈宮天大雨似道期帝雨止升輅胡貴嬪  
之父顯祖爲帶御罷械請如開禧故事却幣乘逍遙  
輦還宮帝曰平章云云顯祖給曰平章已允乘逍遙  
輦矣帝遂歸似道大怒曰臣爲大禮使陛下舉動不  
得預聞乞罷政卽日出嘉會門帝留之不得乃罷顯

祖涕泣出貴嬪為尼始還似道既專恣日甚畏人議已務以權術駕馭不愛官爵牢籠一時名士又加太學養錢寬科場恩例以小利啗之由是言路斷絕成福肆行自臨襄陽以來似道每請山督而陰事臺諫既留呂文煥以急告似道復申請之監察御史陳堅等謂師臣宜居中以運天下乃就中書置機速房調邊事文煥以襄陽降于元論月似道始以開慶宗崩元兵破鄂太學諸生亦羣言非師臣親出不可似道不得已始開都督府臨安然憚劉整不行明年正月

宋三五

三五

整死似道欣然曰吾得天助也乃上表出師至蕪湖俾宋京如元軍請輸歲幣稱臣如開慶約不從夏貴自合肥以師來會中出編書示似道曰宋曆三百二十年似道俛首而已時孫虎臣戰失利夏貴還守淮西似道與虎臣以單舸奔揚州明日敗兵蔽江而下似道招之皆不至有為惡語慢罵之者陳宜中請誅似道七月王楙入見太后曰本朝權臣稔禍未有如似道之烈者始徙之婺州婺人聞似道將至率象為露布以逐之監察御史孫嶠叟等又言之徙建寧

侍御史陳文龍等又言之始謫高州團練使循州安置籍其家福王與芮素恨似道遂有能殺似道者送之貶所有縣尉鄭虎臣欣然請行虎臣每名斥似道輟轎蓋暴行秋月中昇轎夫唱杭州歌謔之似道至古寺中壁有吳潛南行所題字虎臣呼似道曰吳丞相何以至此似道慙不能對八月至漳州木綿巷虎臣屢諷之自殺似道曰太皇許我不死虎臣曰吾為天下殺似道雖死何憾杖殺之

宋

宋三五

三五

宋列傳卷二十六

真德秀

真德秀字景元後更景希浦城人四歲受書過目成誦登慶元進士第授南劍州判官復中博學宏詞科入闕帥幕召為太學正嘉定初遷博士累遷起居舍人請脩聖田之政謂臣自揚之楚自楚之盱眙沃野無際既湖相連民皆堅悍強忍此天賜吾國以屏障大江使強兵足食為進取資也時史彌遠方以爵祿糜天下士德秀慨然謂劉焞曰吾徒息引去使廟堂知世亦有不肯為從官之人遂力請出為秘閣修撰江東轉運副使江東旱蝗廣德太平為甚留守憲司大講荒政進秩知泉州海賊作亂官軍敗歟親受方略禽之知隆興府母喪除知潭州惠政畢舉理宗即位召為中書舍人擢禮部侍郎直學士院入見奏三綱五常扶持宇宙之棟幹莫安生民之柱石晉廢三綱而劉石之變興唐廢三綱而安祿山之難作陛下不幸處人倫之變流聞四方所損非淺雪川之變非濟王本心上曰朝廷待濟王亦至矣德秀曰觀舜所

宋

卷二十六

一

宋

卷二十六

二

以處象則陛下不及舜明其上初御經筵德秀上進曰惟學可以明此心惟敬可以存此心惟親近君子可以維持此心給事中王堅盛章始駁德秀所主濟王贈典繼而殿中侍御史莫澤幼之諫議大夫朱端常又幼之監察御史梁成大又幼之既歸脩讀書記紹定四年改職與祠五年進徽猷閣知泉州迎者塞路彌遠歿上親政以遺篋閣待制知福州召為戶部尚書入見以大學衍義進復陳祈天永命之說端平二年已得疾拜叅知政事三乞祠祿疾亟冠帶起坐迄謝世猶神爽不亂遺表聞上震悼德秀立朝不滿十年奉疏無慮數十萬言皆切當世要務自侂冑立偽學之名德秀晚出獨慨然以斯文自任黨禁既開而正學遂明端文忠

魏了翁

魏了翁字華父浦江人年歲歲日誦千餘言登進士第歷改學博士開禧元年召試學士院韓侂冑謀開邊了翁上言益亦急於內脩補外乃知嘉定府又明年侂冑誅朝廷收召諸賢了翁預焉會史彌遠入相

專國事了翁祭其所為力辭召命丁生父憂解官心  
喪築室白鶴山下以所聞於輔廣李椿者問門授徒  
由是蜀人盡知義理之學差知漢州又知眉州嘉定  
四年擢潼川路提點刑獄公事兼提舉常平等事遷  
轉運判官上疏乞與周惇頤張載程頤程顥錫爵定  
謚歷知潼川府十五年被召入對疏五事進兵部郎  
中俄改司封郎中兼國史院編脩官轉對論江淮襄  
蜀當分爲四重鎮爲聯絡守禦之計次論蜀邊墾田  
及實錄闕文等事皆下其章中書累遷秘書監尋爲

宋

卷三十一

三

起居舍人寧宗崩理宗自宗室入卽位時事忽異了  
翁憂成疾三疏求開不得請遷起居郎明年改元寶  
慶雷發非時上有朕心終夕不安之語了翁入對卽  
論人主之心義理所安是之謂天非此心之外別有  
所謂天地神明也又論講學不明風俗浮淺立朝無  
犯顏敢諫之忠臨難無仗節死義之勇屬濟王黜削  
以死了翁每見上誦厚倫紀以弭人言右正言李知  
孝幼胡夢昱竄嶺表了翁出闕儀別遂指了翁倡爲  
異論將擊之諫議大夫朱端常遂劾了翁靖州居在

紹定四年復職奉祠尋知遂寧府辭不拜彌遠卒上  
親庶政進華文閣待制遂應詔上章論十弊上因民  
望與真德秀並召以爲權禮部尚書兼直學士院入  
對首乞明君子小人之辨以端明殿學士同僉書樞  
密院事督視京湖軍馬會江淮督府曾從龍以憂畏  
卒併以江淮付了翁召爲僉書樞密院事赴闕奏事  
時以疾辭尋改資政殿學士湖南安撫知潭州復力  
辭詔予祠未幾改知紹興府浙東安撫使嘉熙元年  
改知福州福建安撫使累乞骸骨不允疾革口授遺

宋

卷三十一

四

表聞上震悼謚文靖

喬行簡

喬行簡字壽朋東陽人學于呂祖謙登進士第歷兼  
侍講理宗卽位貽書丞相史彌遠請法孝宗行三年  
喪應詔上疏求賢求言拜叅知政事兼知樞密院事  
端平元年金土湖議收復三京行簡在告上疏曰臣  
不憂出師之無功而憂事力之不可繼不聽師果敗  
續三年拜右丞相言三京撓敗之餘事與前異但當  
益脩戰守之備襄陽失守請急收復或又陳進取之

計行簡奏今內外事勢可憂而不可恃嘉熙中拜平章軍國重事告老卒於家年八十六

李宗勉

李宗勉字強父富陽人第進士紹定初累遷監察御史時方謀出師汴洛宗勉言今朝廷安恬以守禦猶不可而欲進取可乎已而洛師潰進兼殿中侍御史詔侍從兩省臺諫條陳邊事宗勉率合臺奏蜀之四路已失其二成都隔絕莫知存亡襄漢昨失九郡今鄂破荆門又破江陵孤城何以能立進工部侍郎加

宋

卷二十六

五

兼給事中復上疏言陛下不聞減退宮女而嬪嬙已溢於昔時不聞褒錄功臣而節鉞先加於外戚史館之間將府力主和議宗勉言所至在和則凡有機會可乘不無退縮之意及拜左丞相兼樞密使守法度抑僥倖時稱公清之相云致仕卒

董槐

董槐字庭直濠州人少喜言兵陰誦孫武曹操之書自方諸葛亮周瑜父永怒而嘻曰不力學又自喜大言乃益自推折學于永嘉葉師雍門精於書法熈之

門人復往從廣嘉定二年登進士第歷左司郎官廣

西運判兼提點刑獄至邕州上守禦七策又與交趾約五事實祐二年進叅知政事四川制置使余晦以戰敗奪官詔別襄制置使李曾伯往視師辭槐曰事如此尚可坐而視乎上疏請行不許帝日鄉用槐槐每奏帝輒稱善三年拜右丞相兼樞密使槐自以為人至所振拔苟可以利安國家無不為然務先大體任人先取故舊之在疏遠者在官者率滿歲而遷嫉之者滋甚帝年沒高操柄獨斷羣臣無當意者丁大

宋

卷二十六

六

全善為使帝贖賈之遣客私自結於槐槐曰吾聞人臣無私交大全度槐弗善已銜其槐入見極言大全後不可近日陛下謂大全忠臣以為姦不可與俱陛下美既出即上書乞骸骨不報四年策免時大全亦論劾槐書未下自發背兵迫遣之于是大學諸生陳宜中等上書爭之後封許國公卒諡文清

程元鳳

程元鳳字申甫徽州人第進士淳祐初歷著作郎給對指陳時事當國者以為屬已旬外知饒州進江淮

荆浙福建廣南都大提點坑冶仍兼知饒州治司歲  
有冬夏帳銀悉以補遺稅芝生治所據監察御史丞  
相鄭清之為臺官潘凱吳燧所論元鳳疏清之罪十  
二年以祖諱辭詔權以右補闕繫銜上疏劄切至謂  
草士大夫之風俗當草士大夫之心術余晦以從父  
天錫恃恩妄作三學生伏闕上書司業蔡抗又力言  
之元鳳數其罪劾之寶祐中累遷叅知政事尋拜右  
丞相會丁大全謀奪相位元鳳力辭咸淳三年拜少  
傅以言罷致仕卒

宋

卷二十六

七

吳潛

吳潛字毅夫淵之弟也舉進士第一歷尚書金部員  
外郎紹定四年都城大火潛疏致災之由又貽書丞  
相史彌遠遷淮西總領又告執政論用兵河南取之  
若易守之實難厥後入洛師潰夫亡不貴如潛言知  
建康府江東安撫留守上疏論保蜀之方護襄之策  
防江之筭備海之宜進取有甚難者三事端平初詔  
求直言潛陳九事連時相罷奉祀累遷僉書樞密院  
事淳祐十一年入為叅知政事拜右丞相兼樞密使

明年以水災乞解機政提舉洞霄宮四年授沿海制  
置大使荆慶元府以久任旬祠特進左丞相潛奏今  
鄂渚被兵湖南擾動推原禍根良由近年叅臣檢士  
設為虛議迷國誤軍屬將立度宗為皇太子潛密奏  
云臣無彌遠之材忠王無陛下之福帝怒落職循州  
安置潛預知死日語人曰吾將逝矣撰遺表作詩頌  
端坐而逝景定三年五月也

葉夢鼎

葉夢鼎字鎮之寧海人本陳特聘之子七歲後於母

宋

卷二十六

八

族以太學上舍試入優等兩優釋褐出身授信州軍  
事推官淳祐二年雷變上封事明年輪對兼兵部郎  
官轉對言國計邊事國體三事又言外有窺邊之大  
敵內有伺隙之巨姦十一年知吉州節制悍將置社  
於義倉平反李義山受賊之克知贛州丁大全柄國  
欲挽夢鼎登朝卒辭謝之賈似道公田法夢鼎以為  
屬民故行之浙右而止理宗崩進叅知政事咸淳三  
年再召進右丞相利州轉運使王侂嘗以言去官非  
其罪也夢鼎明其無罪似道以恩不已出罷省部吏

數人榜其姓名於朝夢鼎怒曰：斷不為俛自強即  
求去五年引杜衍致仕單車宵遁故事累辭九年授  
少傅右丞相扁舟歸使者以禍福告夢鼎語之曰  
廉耻事大死生事小似道大怒臺臣奏從歸田之請  
恭帝初即位咨訪故老夢鼎上封事益王即位召為  
少師航海遂行道梗不能進南向慟哭而還二年卒

馬廷鸞

馬廷鸞字翔仲樂平人登淳祐七年進士第歷官太  
學錄召試館職時外戚謝堂屬文翁內侍盧克升董

宋

卷二十六

九

宋臣用事初丁大全令浮梁雅慕廷鸞欲鈎致之廷  
鸞不為動試策稍及大全及嘗輪對大全私謂王持  
犀往囑焉廷鸞素厚持犀且同館不虞其謀也嘗露  
大意持犀給曰君猶未改秩姑託疾為後圖乎廷鸞  
曰此微臣千一之遭其何敢不力持犀乃告大全及  
候對殿門格不得見翌日以監察御史朱熹劾罷宋  
臣遣八廟上宗奏彙稟雖焚聞者浸廣忌者愈深開  
慶元年吳潛入相召為校書郎景定元年兼沂靖王  
府教授進中書舍人多所撻駁遷禮部侍郎度宗登

極累遷右丞相兼樞密使咸淳八年九疏乞罷政廷  
鸞見文法密切功賞備進將校不出死力故升辟稍  
越拘學賞似道頗疑異已黜堂吏以泄憤及辭相位  
帝慰留廷鸞言臣死亡無日恐不得再見君父然國  
事方殷疆圉孔棘天下安危人主不知國家利害羣  
臣不知軍前勝負列闕不知陛下與元老大臣惟懷  
承圖臣死且腹自端宗即位召不至居家十七年而

卒

陳貴誼

宋

卷二十六

十

陳貴誼字正甫福清人慶元五年進士後又中博學  
宏詞科歷太學博士時議吏楮幣法貴誼轉對言楮  
券之令使姦惡獲進遷將作監丞兼魏惠憲王府小  
學教授轉對謂言路雖開觸犯忌諱者指為好名切  
劾時政者指為玩令滿遠益不樂授禮部郎官屬金  
人大授淮蜀貴誼又指陳時弊遠諷言者論罷王  
管崇禧觀理宗即位累遷至叅知政事出師汴洛時  
貴誼已疾猶上疏力爭五上章乞致仕卒

崔與之



崔與之字正子廣州人遊太學第進士廣之士蘇太  
學取科第自與之始歷遷廣西提點別獄召為金部  
員外郎金南遷於汴特授直寶謨閣主管淮東安撫  
司公事宗宣引入內親遣之既至浚城濠創五砦  
金人不敢深入山東李全以眾來歸與之移書宰相  
謂自昔召外兵以軍事者必有後憂宰相欲圖邊功  
都統劉璋承密劉取泗州兵渡淮而後牒報璋全軍  
覆沒與之憂憤馳書告宰相以備敵知成都府本路  
安撫時安丙揮蜀軍兵久每忌蜀帥之自東南來者

宋 卷二十六 十一

至是獨推誠相與丙卒詔盡護西蜀之師金人自是  
不敢窺興元以疾乞歸理宗數召皆力辭俄授廣東  
經畧賊戰敗請降桀黠不悛者戮之其餘分隸諸州  
屏參知政事拜右丞相皆力辭乃訪以政事及人才  
當言與之力疾奏天生人才自足以供一代之用惟  
辨其君子小人而已力辭致仕卒時年八十二

王居安

王居安字資道黃巖人始名居敬字簡卿避黼廟嫌  
易之第進士歷官太學博士已而遷校書郎居安援

故事乞召試忤執政御史迎意劾與祠踰年召為  
脩官韓侂胄之謀居安贊其決翌日擢右司諫首  
論陳自強自一縣丞超遷徑至宰相奸險附麗黷亂  
國經乞追責遠寬又劾吳賤甥郭倪郭僕寬翁表天  
下快之遷起居郎兼崇政殿說書為諫官才十有八  
日言臣為陛下耳目官諫紙未乾乃以迂權要從他  
職不待其言則去寧宗為改容中丞雷孝友論其越  
職奪一官去太學生舉幡乞留踰年復官知太平州  
歷知隆興府盜起柳里風峭羅世傳為之倡執要

宋 卷二十六 十一

居安客為方畧遣兵合圍之世傳自經死斬其首以  
徇羣盜次第平理宗即位移知福州鹽寇起寧化居  
安以書諭汀守曰土瘠民貧業于鹽可盡禁耶部使  
署遣左翼軍將郤起提兵往軍潰命居安專任招捕  
募軍校劉華丘銳授以計查賊知帥有撫納意即引  
退而攝守偶癩飲出不意為已功賊知其謀敗降約  
而建劔諸郡並江西嘯聚蜂起矣居安議不合嘆曰  
吾可復求焦頭爛額功邪即拜疏歸卒

劉宰

劉宰字平國金壇人紹熙初第進士再調真州司法  
詔仕者非爲學不讀周惇願程頤等書才得考試宰  
喟然曰平生所學者何首可斷此狀不可得授泰興  
令免喪至京韓侂胄方謀用兵宰啓鄧友龍薛叔似  
極言輕挑兵端爲國深害尋告歸理宗立以爲籍田  
令屢辭遷太常丞郡守以朝命趣行不得已勉就道  
至吳門拜疏徑歸一時譽望收召畧盡所不能致者  
宰與崔與之耳又以直敷文閣知寧國府皆不拜宰

洪咨夔

卷二十六

三

洪咨夔字舜俞於潛人第進士復應博學宏詞科崔  
與之帥淮東辟置幕府帥成都奏授籍田令通判成  
都府及爲制置使首檄咨夔自近辭不受尋知龍州  
毀鄧艾祠更祠諸葛亮遷金部員外郎會詔求直言  
其父見其疏曰吾能吃茄子飯汝無憂史彌遠讀至  
濟王之死非陛下本心大恚擲于地彌遠走以禮部  
員外郎召入見論君子小人之分翌日與王遂並拜  
監察御史上疏中書之敵端首乞罷樞密使薛極以  
屬六臣之節章三上卒出之其他得罪請議者相繼

劫去京湖以元顏守緒骨來獻時相後大其事咨夔  
曰第當以金示告九廟會王定入臺察力詆薛重珍  
咨夔乃按定次視善良乞罷之越三日左遷定而罷  
咨夔中書舍人咨夔乞擇宗室子養之併爲濟王立  
後擢給事中史嵩之入相進刑部尚書求去愈力加  
端明殿學士卒

袁甫

袁甫字廣微熒之子嘉定七年進士第一歷校書郎  
出通判湖州知徽州父憂服除知衢州連值水旱發

卷二十六

南

廉賑恤理宗親政遷秘書少監入見奏剛之一字最  
切于陛下時相鄭清之以國用不足屢畝使輸券甫  
奏其害時朝廷以邊事爲憂史嵩之帥江西力主和  
議甫奏嵩之正和其父彌忠每戒其輕易今朝廷甘  
心用父子異心之臣不報乞歸廼出知江州王遂抗  
疏力爭帝曰本以授其兄袁甫報行誤耳翌日乃與  
甫江州而殿中侍御史徐清叟復論甫贖六十萬湯  
中等又爭之清叟亦悔未幾改知婺州不拜嘉熙元  
年遷中書舍人入見奏議和恐誤事時清叟與甫並

召而清史未至甫奏今人物耿然有如清史宜在朝廷邊遠日至條十事權兵部尚書卒

王遂

王遂字去非一字叔叔部之玄孫後為金壇人登進士第歷官幹辦諸司審計司紀定三年福建寇擾知邵武軍兼參議官遂過江山浦城道中遇邵武避地之人印道金為歸資從者如市累遷監察御史疏奏朝廷謂史嵩之小黠為大智遷右正言尋拜殿中侍御史疏言二十年來凶德叅會未有如李知孝梁成

東

卷二十六

五

大莫澤肆無忌憚者又言君德必純乎剛知隆興府召赴闕授權工部尚書遂與同里劉宰素同志遂守平江宰贈之言

張處

張處字子安慈溪人慶元二年進士歷國子博士時以早求言即上疏曰上天之心即我祖宗之心數年以來蓋有為祖宗所不敢為者兩遷秘書郎著作佐郎權部官轉對言邊事有二病議論病雜體統病分端平初召為國子司業兼侍講以禮記月令進讀至

獄訟必端平之語因敷暢厥旨權工部侍郎兼國子祭酒命下卒

徐僑

徐僑字宗甫義烏人淳熙十四年第進士上僊王簿登朱熹之門歷江東提點刑獄以迂史彌遠劾罷端平初與諸賢俱被召遷秘書少監太常少卿起入覲帝數慰諭之願見其衣履垢敝慨然謂曰卿可謂清貧僑對曰臣不貧陛下乃貧耳帝曰朕何為貧僑曰陛下國本未建疆宇日蹙權幸用事將帥非材盜賊

東

卷二十七

五

並起帑藏空虛群臣養交而天子孤立賜金帛甚厚僑同辭不受侍講開陳友愛大義用是復皇子英賢請從祀周敦頤程頤程頤張載朱熹以趙汝愚有食皆如其請遂承相意力丐休致奉祠卒

吳昌裔

吳昌裔字季永中江人蚤孤與兄沫痛自植立得養願張載朱熹書輒研釋不倦第進士開漢陽守舊養得熹之學往從之歷通判眉州著苦言十篇處僑甚悉端平初為軍監簿連改太常少卿首陳六事凡

君臣之綱兄弟之倫舉世以為大戒而不敢言者皆痛陳之至于邊臣玩令賊罰無章尤拳拳焉拜監察御史冬滄雷春大雨雪昌裔若齋宮秉燭草疏凡上躬缺夫宮庭嬖私廟堂除授皆以為言又歷言三邊之事且援靖康之弊痛哭言之出為大理少卿參政李鳴復讒之以權工部侍郎出參贊泗州宣撫司軍中人曰此李綱救太原也昌裔曰君命也不可不亟行出關中道病甚帝聞之授秘閣脩撰知嘉興府累辭自宮祠起知婺州卒

宋

卷二十一

七

### 趙葵

趙葵字南仲方之子與兄范俱有志事功方罷之聘鄭清之全子才為師又遣從南康李燾為有用之學葵每聞警報輿諸將皆出遇敵則深入死戰諸將惟恐失子咸盡死力屢以此獲捷嘉定十年金人犯襄陽圍棗陽方陣攻葵往戰敗走之十三年方遣葵及都統扈再興范金人至高嶺奮擊殲之翌日進次鄆州金人阻泚河以拒葵麾軍進楊儀諸將繼至與戰又大破之累功補承務郎知棗陽軍方卒起復直秘

閣通判廬州進大理司直淮西安撫參議官寶慶元年范知揚州乞調葵以強勇雄邊軍五千屯寶應備賊坐言者奉祠三年起將作監丞紹定初出知滁州初李全之獻俘也朝廷授以節鉞葵策其必叛及是全將入浙西告羅葵上書丞相史彌遠蔡母疾謁告省侍不得刲服雜樂奇之母卒葵求解官不允卒哭復視事全造舟益急葵復致書彌遠曰李全決非忠

孝子又言於朝詞甚激切彌遠意未決參知政事

力贊之乃加葵直寶章閣

宋

七

加范刻日約葵募帥步騎王德惠武胡顯等將

葵兼參議官全攻揚州東門葵親出戰賊將張

呼城門請葵出及出全在隔壕立弩弓抽矢向葵

而去自是數戰皆捷四年正月遂殺全端平元年金

亡朝議收復三京葵上疏請出戰乃授葵權兵部尚

書知應天府南京留守兼淮東制置使時以趙范知

開封府東京留守全子才知河南府西京留守子才

既入汴葵亦取泗州趙汴會之遂遣將范用吉及楊

誼等攻洛陽降其城忽元兵南下發水腫衆多溺死

師大潰葵與子才棄汴歸范上表劾之淳祐二年賜  
進士出身同知樞密院事數月能知潭州三年擢學  
乞終服不允四年授同知樞密院事九年授右丞相  
兼樞密使致仕舟次小孤山卒年八十一是夕五洲  
星隕如箕初葵與兄范師淮時全子才劉子澄在幕  
子才嘗入朝稟議而入洛之帥實由二人造詞極獲  
以誑廟堂與帥府也范字武仲少從父軍中嘉定中  
與弟葵屢敗金兵知揚州淮東安撫副使時彭義斌  
使統領張士顯見范請合謀討李全范告於制置使

宋

卷之六

九

趙善湘不報丞相史彌遠報范書令諭四總管各率  
安靖之福戒范無出位專兵范乃為書謝廟堂且決  
之曰諺曰護家之狗盜賊所惡彌遠得書為之動心  
寶慶三年知池州繼兼江東提舉常平彌遠訪將才  
於葵葵以范對朝廷乃召范稟議復令知池州紹定  
元年知鎮江府三年丁母憂求解官不許又與葵並  
入復為書告廟堂請罷調停之議范又遺善湘書曰  
今日與宗社同休戚者在內惟丞相在外惟制使與  
范及弟葵耳賊若得志四家必無存理遂與全進兵

部侍郎金亡范與葵議收復三京兼江淮制置使入  
浴師潰乃改京湖安撫制置使兼知襄陽府范倚王  
旻樊文彬李伯淵黃國弼數人為腹心朝夕冊御了  
無上下之序于是北軍王旻內叛李伯淵繼之言者  
劾降三官落職已而知靜江府卒於家

宋列傳卷之二十七

楊簡

楊簡字敬仲慈谿人第進士歷官知樂平縣初石二少年為民官簡真獄中論以禍福咸感悟願自贖由是世人以訟為耻紹熙五年召為國子博士會貶丞相趙汝愚祭酒李祥抗章辨之簡上書言汝愚之忠遭斥嘉定元年歷著作郎入對答問往復漏過八刻上目送久之求外補知溫州執家第宅障官河即日撤之城中雖踴名楊公河在郡廉儉民愛之如父母

汪綱

汪綱字仲舉黟縣人侍御史義和之子淳熙十四年中銓試知蘭溪縣決摘如神歷知高郵軍范仲淹猶程以障歸由歲久皆壞綱增脩之知婺州改提點鹽課東刑獄禱雨龍瑞宮有物蛇蛭朱色盤旋壇上者三日雷雨大至歲以大熟知紹興府諸縣瀕海而前十六鄉瀕湖以綱言湖田始復郡備緡錢三萬事脩築而海田始固紹定元年召赴行在樞戶部侍郎

致仕卒越人間之有相率哭於寺觀者

蔣重珍

蔣重珍字良貴無錫人嘉定末舉進士第一歷金州奉國軍理宗召入對論苞直盛行民罹其害遷秘書省正字校書郎添差通判鎮江府辭會行都大應詔其畧曰臣欲陛下親攬大柄盡破私恩他日星變求言復申前說進為君難六箴召為秘書郎端平初入對上五事兼崇政殿說書戒家事勿以白務積精神以審上意聞洛師大劫謀復舉重珍言取敗而欲勝之則志不平而成忿氣不平而風怒生言之令豈可默悉怒用哉恭國史院編脩官除集賢殿脩撰知安

吉州致仕卒

傅伯成

傅伯成字景初麻察伯成少從朱熹學登進士第歷官知澧江縣有惠政慶元初擢至太府寺丞屢論事不合出知漳州遷工部侍郎時權臣方開邊語尚稱相成言天下之勢譬如乘舟歲月既久辨漏窳多有安且夕猶懼覆敗乃欲微俾圖古人之所難臣則未

之知也相府災同列相率往唁或以為偶然者伯  
正色謂官師相規時也以為偶然乎丞相色動出  
湖廣總領胡議欲納金人之叛降者伯成言不宜  
棄信橋御史中丞邵友龍遂劾罷之嘉定中歷拜左  
諫議大夫抗疏十有三事皆軍國大義或致史彌遠  
意令有所彈劾將引共政伯成謝曰吾豈傾人以爲  
利哉致仕予祠寶慶初與楊簡同召以老病辭聞大  
理評事胡夢昱坐論事貶蹙然語所親曰向呂祖儉  
之謫吾為小臣猶當抗論今蒙國恩叨竊至此而不

年八十四

唐璘

唐璘字伯玉古田人遊太學嘉定十年第進士時臺  
臣李安行奏次對官不許論邊事璘對策極詆之歷  
官知晉陵縣端平中權監察御史疏奏天變而至於  
怒民怨而幾於離理宗為改容又請號召土豪經理  
荆襄亟擇帥臣安集淮西帝嘉納問邊事甚悉再疏  
鄭清之妄庸誤國于士昌招權納賄鄭性之儒而彘

私黨庇奸庸李鳴復甘心諂鄭損得薦入朝又結  
寅午得登政府會杜範亦論鳴復不行而範去璘  
方旬外知嘉興府時邊事急知廣州廣東經畧安  
使明年上章乞致仕帝思見之亟命入奏權太常  
卿尋丁內艱璘居喪哀毀不食久之疾革卒

黃師雍

黃師雍字子敬福州人少從黃幹學入太學寶慶二  
年第進士為楚州官屬秩滿耻出史彌遠門不往見  
調婺州教授李宗勉趙必昂趙汝談皆薦之宗勉

老行簡不悅行簡罷宗勉與史嵩之入相召師雍

卷二十七

御史梅杞擊師雍差知興化軍旋奪之及應起為  
察御史師雍尋亦遷監察御史首疏嵩之之黨金淵  
黨之再疏趙綸頃容孫史肯之皆斥去嵩之之終  
也正言李昉殿中侍御史章瑛列疏請寬斥師雍  
亦上疏論列未幾昉英勃臨安尹趙與鷲及執政

亦劾執致帝怒二人鄭宋乘間劾之師雍獨擊萊聞乃與驚腹心也宋復薦周坦葉大有入臺日排擊善類江萬里吳潛皆不免而陳垓爲監察御史與宋坦等合爲一師雍獨立師雍與丞相鄭清之故同舍弟劾劉用行魏觀皆清之親故清之不樂坦喜曰吾得所以去之矣遣其婦日造清之妻請曰彼去用行觀乃去丞相之漸也帝將以師雍爲侍御史清之曰如此則臣不可留遷起居舍人兼侍講卽日去清之卒起遷禮部侍郎命下卒

卷五十七

五

### 程公許

程公許字季與一字希顏叙州人嘉定中第進士知崇寧縣有惠政差通判簡州改隆州未上會金人犯關中制置使桂如淵遁三川震動朝廷擢李璣代之辟公許通判施州行戶房公事當兵將奔潰之後公許盡力佐之端平初授大理司直遷太常博士嘉慶元年夏行都大火殿中侍御史蔣峴爲都說禁錮言者公許應詔曰陛下宜以大舜無彘怒宿爲爲心而參酌於漢文帝待厲王竟爲峴劾去李璣危入朝

以著作佐郎召淳祐元年遷祕書少監輪對言蜀事

十條拜太常少卿力請外爲右正言漢斗南論罷退

處二年召赴行在屬史嵩之以父憂去位經營起復

公許密來韓祥喉殿中侍御史王贊奏寢召命擢中

書舍人右史徐元杰暴亡趙與篤奏乞置獄天府公

許繼奏與篤乃嵩之死黨乞改送大理寺鄭清之以

少保奉兩侍講幄中批復其子士昌官職與內祠公

許繼奏士昌罪重自繳士昌之命清之日夜于經筵

短公許尚坦妻與清之妻善因拜坦殿中侍御史

卷五十七

六

首蹶劾公許諫議大夫鄭宋又劾之清之再相公許

居湖州者四年差知婺州未上帝欲召爲文字官清

之奏已令守婺帝曰朕欲其來乃授權刑部尚書

辭弗獲入對疏時弊七事薦知名士二十九人時罷

京學類申散遣生徒公許奏非所以作成士氣尊崇

教化也清之益不樂授莫殿中侍御史陳垓以劾公

許吳潛奏留之徐清叟上疏論垓太學生劉黻等百

餘人布衣方和卿伏闕上書繼之而公許已死矣

龍圖學士致仕



危積

危積字逢吉臨川人舊名科第進士孝宗爲更之歷諸王宮教授嘉定九年新學成改充博士累升著作郎積始進對論和戰守利害而請專意於守柴中行去國積賦詩送之迂史彌遠出知湖州尋以通徐僞書論罷與祠久之知漳州漳俗不葬往往棲寄僧刹積命營高燥地爲義塚二久之提舉崇禧觀與鄉里耆艾七人爲真率會卒年七十四弟和字祥仲亦登第歷知德興有惠政

呂午

呂午字伯可歙縣人第進士歷當塗縣丞陳貴誼守太平屬午安集淮南流民江東提舉徐僞辟爲幕府既而僞迂史彌遠以言罷午後知餘杭縣亦以言罷旋差知龍陽縣遷至太府寺簿拜監察御史理宗親擢也鄭清之喪師午疏論邊關肉立當協心釋嫌遷宗正少卿出知泉州奉祠已而兼崇政殿說書史薦之雅不欲午在經筵以午嘗劾王玘姻家史洽遂以瓚爲右正言午即治裝去上手詔趣留議論愈不合

開居一紀卒年七十七子抗

史彌莘

史彌莘字南叔彌遠從弟也入太學升上舍時彌遠柄國淹抑十載嘉定十年始登進士第端平初入監都進奏院轉對嘉熙元年都城火應詔上書謂脩省未至者五且及濟邸免出提點江東刑獄饒信南康三郡大侵謂賑荒在得人召爲司封郎中以兄子嵩之入相引嫌曰祠卒年八十五子長肯之終刑部郎官能之有之胃之俱進士肯之子蒙卿亦進士

陳塤

陳塤字和仲鄞人試江東轉運司第一試禮部復舉一嘉定十年登進士第調黃州教授喪父幾瘠考古禮行之忽嘆曰俗學不足學乃師墓塤簡理宗詔求曾塤上封事召爲太學錄遷太學博士王宗正寺遷都城火塤步往玉牒所盡藏玉屨于石室李全在越州有異志塤以書告彌遠不納未幾買貴妃入內塤又言乞去君側之蠱媚以正王德彌遠召塤問之曰害卿殆好名邪塤曰好名孟子所不取也夫求士於

三代之上惟恐其好名求士于三代之下惟恐其不好名耳力句去添差通判嘉興府彌遠卒召為樞密院編脩官入對首言天下安危在宰相遷浙西提舉刑獄安吉州俞瑛與丞相李宗勉連姻持執贖貨瑛親按臨之弓手戴福以獲潘丙功為副尉宗勉倚之為腹心盜橫貪害以至福聞風而去貽書宗勉曰福治福所以報丞相也知溫州未上以言罷忽臥疾死其子抽架上書占之得呂祖謙文集其墓誌曰祖謙生于丁巳歲没于辛丑歲墳曰異哉我生于慶元丁

巳今歲在辛丑吾老矣子蒙爭十八上書請官助國

事吳于良奇之妻以女為太府寺主簿入對極言東似道為相時國政闕失為淮東總領似道誣以貪贓殿建昌軍簿錄其家惟青氈耳德祐初禮部侍郎事廷乞放便以刑部侍郎召不赴卒

劉漢弼

劉漢弼字正甫上虞人嘉定九年第進士歷官侍講史兼侍講以戶部侍郎致仕弼學明義利之辨理學以其純實不欺親擢言職有論給事中錢相巧于題

合睥睨政地直學士院吳愈不稱其職罷去之又勅中書舍人濮斗南左正言葉賁疏留中不出弼由是去國既復以左司諫召首贊帝分別邪正以息衆疾及為侍御史密奏曰自古未有一日無宰相之朝須聽史嵩之終喪亟選賢臣早定相位帝乃命范鍾柱範並相又論馬光祖奪情總賦淮東乃嵩之預為引例之地感未疾未幾卒太學生蔡德潤等百七十人伏闕上書以為暴卒而程公許著漢弼墓銘亦與徐元杰並言

徐元杰字仁伯上饒人陳文蔚講書鉛山實來廬門

徐元杰

徐元杰字仁伯上饒人陳文蔚講書鉛山實來廬門在師之後師事真德秀紹定五年進士及第嘉熙二年為校書郎淳祐元年差知南劍州拜將作監時天久不雨轉對極論脩省之實丞相之起復元杰輪對官陛下為四海綱常之主非可使聞於隣國經筵復申前議未幾下降御筆黜四不才臺諫起復之命遂罷兼給事中五年六月朔以暴疾謁告特拜工部侍郎隨乞納祿詔轉一官致仕夜四鼓卒元杰未死日

折簡察院劉應起將以翌日奏事是夕俄熱大作誌  
胡不能造朝夜煩愈甚指爪忽裂以死太學諸生伏  
闕懇其中毒謂昔小人有傾君子者不過使之自恣  
于蠻烟瘴雨之鄉今蠻烟瘴雨不在嶺海而在朝廷  
詔付臨安府逮醫者孫志寧及常所給使鞠治謚忠  
愍

王萬

王萬字處一家世婺州父遊淮間萬因生長濠州登  
嘉定十六年進士第調和州教授端平初歷國學錄  
明年添差通判鎮江府時金初滅鄭清之謀乘虛取  
河洛萬謂當急為自治之規已而元兵壓境三邊震  
動理宗下罪已詔吳泳起草又以咨萬萬謂兵固失  
矣言之甚恐亦不可今邊民生意如髮宜以振厲奮  
發與感人心為條具沿邊事宜嘉熙元年差知台州  
乞祠去四年擢監察御史首論史宅之故相之子曩  
者弄權不當復玷從班史嵩之自江上董師入相萬  
又首論之差知寧國府辭召赴行在奏事出為福建  
提點刑獄致仕卒嵩之罷相衆方交論其非上思萬

先見親賜御札贖給其家

徐鹿卿

徐鹿卿字德夫豐城人嘉定十六年進士調南安軍  
學教授辟福建安撫司幹辦公事都城火鹿卿應詔  
上封事言積陰之極其啟為火指言惑嬖寵弱燕私  
用小人三事改知尤溪縣真德秀守泉辟宰南安最  
聞令赴都堂審察國子監王簿入對陳六事會右史  
方大宗編脩劉克莊正字王邁以言事黜鹿卿贈以  
詩言者併劾之太學諸生作四賢詩知建昌軍後新  
東提點刑獄加直秘閣兼提舉常平鹿卿言罷浮鹽  
鹽界賺地先撤相家所築就捕者自言我相府人鹿  
卿曰行法必自貴近始卒論如法丞相史彌遠之某  
通判温州利韓世忠家寶玩籍之鹿卿奏削其官初  
鹿卿檄衢州推官馮惟說決發獄大家不快其為會  
鄉人居言路乃屬劾惟說州索印紙惟說笑曰是猶  
可以仕乎自題詩印紙而去衢州鄭逢辰以舉舉鹿  
卿以委使不當相繼自劾且共和其詩御史兼二人  
劾罷之後累擢皆辭淳祐二年以右司諫召辭丞相

杜範遺書乃出擢太常少卿歷兼權吏部侍郎時議使執政分治兵財鹿卿執議不可力弔祠召權兵部侍郎固辭上令丞相以書招之權給事中上眷遇深篤而忌者寔多有異偽疏託鹿卿以傳播歷抵宰相至百執事鹿卿初不知也遂力辨上前因乞去致仕卒

胡頴

胡頴字叔獻湘潭人幼警敏趙范兄弟其諸舅也以類已每加賞鑒中童子科復從兄顯學弓馬母曰發

家

卷二十七

七

家世儒業遂感勸苦學尤精春秋紹定三年趙范討李全檄頴入幕全敗遣獻俘于朝以賞補官五年益進士第歷官知平江府為廣東經畧安撫使湖州僧寺有巨蛇驚動人吏潮皆信奉之頴檄僧歸蛇至大如柱而黑色載以閣檻頴令之曰爾有神靈當三日見變流過三日則汝無神矣既及期蠢然猶象蛇耳遂殺之尋遷京湖總領財賦咸淳間卒頴在浙西莖王府有二人行劫頴悉斬之他日輪對理宗曰聞卿好殺頴測意在浙獄答曰臣不敢屈太祖法以負莖

下頴拳力絕人趙方在襄陽每出師必命頴及子葵領精銳分道赴戰以功至檢校太尉

孟珙

孟珙字璞玉棗陽人嘉定十年金人犯襄陽駐團山父宗政時為趙方將以兵禦之珙料必闕樊城獻策宗政由羅家渡濟河宗政然之越翌日諸軍臨渡布陣金人果至半渡伏發礮其半宗政被檄援棗陽陣父子相失珙望敵騎中有素袍白馬者曰吾父也急麾騎軍突陣遂脫宗政理宗即位特授忠勇節度使

家

卷二十七

七

會神助左右軍統制初宗政招唐鄧蔡壯士二萬人號忠順命江海總之衆不安制置司以珙代海珙分其軍為三衆乃帖然紹定中歷京西兵馬鈐轄秦陽軍駐劄仍總三軍六年元將那顏侂蓋追金王完顏守緒逼蔡檄珙戍鄂討金唐鄧行省武仙仙時與武天錫及鄧守移刺瑗相犄角為金盡力壯士張子良斬天錫首以獻瑗遣其部曲馬天章奉書請降七月已酉仙愛將劉儀領壯士二百降珙問仙虛實是夜壯士楊清等擣王子山岩設帳軍酣寢王建入帳

中斬金將首囊佩之平明視之金小元帥也丙辰出師馬蹙遣樊文彬攻其前門琪料武仙將上岵山絕頂窺伺令文彬詰旦奪岵山駐軍其下前設伏後逸歸路已而仙眾果登山及半文彬麾旗伏兵四起仙眾失措枕藉崖谷復戰于銀葫蘆山軍又敗仙與五六騎奔追之隱不見降其眾七萬人元遣宣撫王玘約共攻蔡制置使謀於琪琪請以二萬人行因命玘盡護諸將金兵萬人自東門出戰琪遽其歸路掩入汝河擒其偏裨八十人得蔡降人言城中饑琪帥

卷二十七

五

競登大戰琪與倂蓋分守精骨還軍襄陽趙權等稟議授帶御器械二年授管侍衛馬軍司公事駐劄黃州朝辭帝問和議對曰臣介冑之士當言戰不當言和江陵危急詔沿江淮西遣援眾謂無逾琪者乃先遣張順渡江琪以全師繼之破砦二十有四還民二萬嘉熙元年知江陵府未幾授鄂州諸軍都統制元大將忒沒斛入漢陽口溫不花入淮甸斬守張可大舒州李士達委郡去光守董堯臣以州降合三虜人馬糧械攻黃守王鑑江帥萬文勝戰不利琪入城

軍民喜曰吾父來矣率全其城二年授樞密副都承旨三年兼知鄂州前後遣將盡復諸州郡初詔琪復京襄琪謂必得鄂然後可以通僞饒得荆門然後可以出奇兵山嶺指授方畧發兵深入所至以捷聞琪兄璟時為湖北安撫副使調一軍迎拒元軍于歸州弟璋選精兵駐澧州防施黔路遂復夔州拜寧武軍節度使知夔州招集沿途經戰之士號寧武軍令璋領之黎守開師古言大理國請道黎雅入貢琪報大理自通邕廣不宜取道川蜀卻之琪大興屯田上屯

卷二十七

末

田始奉淳祐勅淮東受兵樞密伴瑋應援遣李德裕精兵四千赴之元兵至三川琪下令分兵禦之倉猝宣諭四川道過琪琪以重慶積粟少餉屯田米才萬石遣晉德帥師六千援蜀子之經為策應司都統制四年兼知江陵府琪至江陵登城嘆曰江陵所持三海迺修內隘十有一別作十隘于外有距城數十里者琪身鎮江陵而兄璟帥武昌故事無兄弟同處一路者乞歸田不允初琪招鎮北軍駐襄陽李虎王曼軍亂鎮北亦潰乃厚招之降者不絕行省范用吉密

通降款以所受告爲質琪白于朝不從琪曰三十年收拾中原人今志不克伸矣病革乞休授檢校少師寧武軍節度使致仕卒于江陵琪通佛學自號無慮居士

余玠

余玠字義夫新州人家貧落魄無行喜功名好大言少爲白鹿洞諸生嘗攜客入茶肆歐賣茶翁脫身走襄淮時趙葵爲淮東制置使以長短句上謁葵壯之留幕中累功至大理少卿淮東制置副使進對言

宋

卷二十七

志

願陛下觀文武爲一勿令偏有所重偏必至於激文武交激非國之福理宗曰卿人物議論皆不常可獨當一面尋授兵部侍郎四川安撫兼四川總領夔路轉運使自寶慶至淳祐十六年間東西川民不聊生玠大更政政違還守宰禁招賢之館供張一如帥所居下令曰集衆思廣忠益諸葛孔明所以用蜀也玠州丹氏兄弟璉璞有文武才隱居蠻中前後聞帥辟召堅不起聞玠賢詣府上謁刺入卽出見與分廷蔬禮賓館之奉冉安之若素居數月璉璞進計請徙合

州城玠奏授官徙城之事悉以任之率築青居大壘釣魚雲頂天生凡十餘城皆因山爲壘基布星分爲諸郡治所屯兵聚糧爲必守計且誅漢將以肅軍令又開屯田於成都蜀乃富實十年冬玠率諸將巡邊直擣興元與元兵大戰于嘉定初利州都統王夔夔殲悍羌王夜久恃功驕恣玠久欲誅夔謀於親將成玠意遂決夜召夔計事潛以旗籠領其衆夔至斷之玠乃薦夔爲文州刺史戎帥欲舉統制姚世安爲代玠繫夔軍中舉代之舉趙都統夔某往代玠

宋

卷二十七

大

屬丞相謝方叔家子姪自承康遠地雲頂世安厚之求方叔爲援方叔因倡言玠失利戒之心於是世安與玠抗玠鬱鬱不樂寶祐初聞召命愈不自安一夕暴卒或謂仰藥死有子曰如孫取當如孫仲謀之義遂論改師忠歷大理丞爲賈似道所殺

宋列傳卷之二十八

趙景緯

趙景緯字德父於潛人有志程朱之學葉味道謂之曰度正吾黨中第一人遂往見首誨以求放心為本登進士第授江陰軍教授母喪除以祿不逮養不復出作讀易庵懸甯山召為史館檢閱累辭不許差知台州至郡取陳述古論俗文書示諸邑進兼澄靖惠王府教授造朝以易進講曰傷厲祗懼乃天心之所存孽出于柳應詔上封書兼史職轉對言辨義利之限知嘉興府辭仍乞奉祠不許咸淳元年至郡首以護根本正風俗為先務權工部侍郎暫兼權中書舍人三辭不許以禮記進講開陳敬恕之義知建寧府辭乃還家召為中書舍人三辭不許予祠卒

李伯玉

李伯玉字純甫餘干人端平二年進士第二初名誠以犯理宗諱改馬歷官校書郎奏言臺評迎合上意論罷尤煜楊棟盧鉞三人忠表不辨乞同罷帝不允監察御史陳垓連劾罷之復奉祠度宗即位兼侍講

賈似道嘗集百官議事忽厲聲曰諸君非似道拔擢安得至此衆默然莫敢應伯玉答曰伯玉殿試第二平章不拔擢亦可至此帝以伯玉舊學進之臥內相對泣下欲用以參大政似道益忌之尋病卒

楊文仲

楊文仲字時發彭山人淳祐七年以胄試第一入太學九年又以公試第一升內舍特言路頗壅因季冬雷震首帥同舍叩閣極言時事有曰天本不怒人激之使怒實祐初登進士第從父棟守婺州罷歸文仲

密問伊洛之學遷國子博士旬外添差通判台州故事守貳尚華後正月望取燈民間吏以白文仲曰為吾然一燈足矣添差通判楊州召為宗學博士遷太常丞尋兼崇政殿說書帝以疾連不視朝文仲奏聲色之事若識得破元無可好盛夏建宗陽宮壞徙民居文仲疏諫丞相賈似道怒曰楊文仲多言出知衡州恭帝即位授工部侍郎尋兼給事中時丞相王掄陳宜中不協文仲上疏言事危且急矣二相苟以不協之故今日不戰明日不征後悔何及尋兼國子祭

涵元兵渡江朝士多棄去侍從班惟文仲一人詔旌在列不去二階文仲疾益甚旬祠卒而宋亡矣

歐陽守道

歐陽守道字公權一字廷父吉州人少孤無師自力於學淳祐元年第進士授雲都主簿調贛州司戶守江萬里作白鷺州書院首致守道為諸生講說湖南轉運副使吳子良聘為嶽麓書院副山長宗人新及子必恭先寓居長沙開守道至往訪之初猶未識也晤語相契守道即請于子良禮新為嶽麓書院新卒

宋

宋

三

劉轍

劉轍字聲伯樂清人淳祐十年試入太學時丁大全劾奏丞相董槐迫逐去國將奪其位轍率同舍生伏闕上書與南安軍安置及大全貶請轍還太學未幾侍御史陳垓誣劾程公許右正言蔡榮誣劾黃之純俱罷去轍又率諸生上書又諫游幸以材署昭慶宮

節度掌書記由學官試館職咸淳中拜監察御史論內降恩澤改正字父喪除累遷至試吏部尚書兼中書舍人以母憂去明年江上師潰丞相陳宜中起復轍為端明殿學士不起及宜中謀擁二王由溫州入海以兵逆轍共政將遜相位于是轍託宗祀于母弟遂起至羅洋卒其配林氏舉家蹈海未幾海上事亦

瓦解矣

向士壁

向士壁字君玉常州人紹定五年進士歷通判平江

宋

宋

四

層層罷屢起至直龍圖閣元兵犯蜀合州告急制置司檄赴援數立奇功知潭州升河南制置副使元將元良哈得兵自交趾北還前鋒至城下士壁極力守禦聞後隊且至遣王輔佐率百人往覘之以易正大監其軍遇于南岳市一戰有功潭州圍遂解賈似道入相疾其功諷監察御史陳寅侍御史孫附鳳一再劾罷之送漳州居住又稽守城時所用金穀幕屬方元善者極力逢迎似道意士壁坐是死復拘其妻妾徵之其後元善改知吉水縣俄歸得狂疾常呼士壁



時輔佑亦遠謫及文天祥起兵召輔佑則死矣

汪立信

汪立信澈從孫也居六安淳祐元年立信獻策招安慶劇賊借補承信郎六年登進士第歷通判建康府荆湖制置趙葵充本司參議官鄂州圍解似道惡聞外之臣與已分功乃行打算法于諸路馬光祖代葵且素與葵隙遂迎合似道意立信時猶在募力爭之時論謂立信長者而鄜同時方元善之陷向士壁為險薄也累遷知江陵府移書似道謂今天下之勢

去八九

去八九

去八九似道得書怒抵之地詎曰賄賊狂言敢爾以立信目微賂云尋中以危法廢斥之咸淳十年光兵大入似道督諸軍出次江上以為沿江制置使信既受詔以妻子託愛將金明即日上道與似道通蕪湖似道拊立信背哭曰不用公言以至於此立信曰平章平章賄賊今日更說一句不得今江南無一寸乾淨地某去尋一片趙家地上死第要死得公明爾既至則建康守兵悉潰而四面皆北軍立信知事不可成欲控引淮漢以為後圖已而聞似道師潰

湖江漢守臣皆望風降通立信嘆曰吾今日死于空土也扼吭而卒子麟內書寫機宜文字在建康不肯從衆降崎嶇走閩以死

孫子秀

孫子秀字元實餘姚人紹定五年進士謫吳縣主簿邑有妖人稱水仙太保子秀火其廬沈其人於太湖曰實汝水仙之名矣妖遂絕歷知金壇縣訪國初茅山書院故址新之通判慶元府衢州寇作水月城郡朝廷擇守屬子秀行子秀立保伍選用土豪遊常山

去八九

去八九

去八九似道得書怒抵之地詎曰賄賊狂言敢爾以立信目微賂云尋中以危法廢斥之咸淳十年光兵大入似道督諸軍出次江上以為沿江制置使信既受詔以妻子託愛將金明即日上道與似道通蕪湖似道拊立信背哭曰不用公言以至於此立信曰平章平章賄賊今日更說一句不得今江南無一寸乾淨地某去尋一片趙家地上死第要死得公明爾既至則建康守兵悉潰而四面皆北軍立信知事不可成欲控引淮漢以為後圖已而聞似道師潰

陳仲微

陳仲微字致廣高安人其先居江州旌表義門嘉泰二年第進士調莆田尉襄山浮屠與郡學爭水利久

不火仲微按法曲在浮屠知贛州迂丞相賈似道監  
察御史舒有聞言罷久之起知惠州遷太府寺丞給  
對言祿餼可以鈞天下之中才而不可啖天下之豪  
傑似道怒又諷言者奪其官久之叙復咸淳末元兵  
陷樊城呂文煥以襄陽降國勢危甚仲微上封事乃  
出仲微江東提點刑獄瑞宗卽位海上拜吏部尚書  
庄山兵敗走安南越四年卒年七十二後其子文孫  
與安南王族人益稷降元鄉導南征安南王憤伐仲  
微墓并其棺

曹友聞

曹友聞字允叔栗亭人彬十二世孫也少有大志與  
仲弟友諒不遠千里尋師取友登寶慶進士授綿竹  
尉累立戰功積官眉州防禦使弟萬差如同慶府友  
聞引兵扼仙人關謀開元兵合西夏女真回回吐蕃  
激海軍五十餘萬大至友聞語萬衆寡不敵惟當乘  
高據險出奇匿伏以待之制置使趙彥呐不以爲然  
一日持小紅牌來速者七友聞親帥精兵三千人劉  
虎帥敢死士五百人萬聞之五鼓山隘口與友聞會

內外兩軍皆殊死戰元兵益增四面圍繞友聞嘆曰  
此殆天乎吾有死而已於是殺所乘馬以示必死血  
戰愈厲與弟萬俱死軍盡沒元兵遂長驅入蜀先是  
紹定中有陳寅者知西和州元兵入蜀增至數十萬  
圍州城援不至城遂陷寅顧其妻杜氏曰若速自縊  
許杜厲聲曰安有生同若祿死不共王事者卽登  
堡自飲藥二子及婦俱死母傍寅歛而焚之迺朝服  
望闕焚香號泣再拜伏劍而死賓客二十八人俱死  
時推官賈子坤潼川人城陷子坤朝服與其家十二

劉銳

劉銳知文州端平三年元兵來攻銳與通判趙汝癯  
相誓死守幼子同哥才六歲俱死焉銳與二子登友  
王墓自刎死汝癯宣城人詔立廟賜諡是年元兵犯  
金州通判蹇彞拒戰不屈而死子永叔舉家死焉  
軍蹇維之其弟也亦迎敵力戰而死彞潼川人與維  
之俱第進士又有漢州人何克通判來州攝州事元

兵至被殺妻陳罵敵不絕口衆以石擊殺之

陳隆之

陳隆之爲四川制置使淳祐元年十一月成都被圍  
彌旬弗下部將田世顯乘夜開門元兵突入隆之舉  
家數百口皆死初紹興中有王忠植者本太行義士  
爲河東經畧安撫使金人圍慶陽急宣撫副使胡世  
將檄忠植以所部赴陝西會合行次延安叛將趙惟  
清執忠植械詣撤離喝殺之德祐中趙淮者爲淮東  
轉運使元兵至戰敗與其妾俱被執被殺

陳

卷五十八

九

王翊

王翊字公輔鄂縣人寶慶元年進士吳曦嘗招之入  
幕及曦以蜀叛抗節不拜爲陳大義曦怒囚翊欲盡  
之曦誅而免嘉熙元年制置使丁輔辟爲參議官及  
元兵至輔敗死翊與司理王燦運司幹官李日宣募  
兵拒守兵入公署翊以朝服赴井死轉運副使蒲東  
卯亦死之元兵屠漢州權州事劉當可判官邵復錄  
事參軍羅由司戶參軍趙崇啓知雒縣羅君文皆不  
屈而死復乃雍六世孫也元兵入眉州知丹陵縣馮

仲燁死之取簡州簡守李大全死之印守趙晨親率

兵出戰力盡而死至重慶進士胡天啓負母而逃兵  
欲殺其母啓妻張哀號願以身代不聽卒殺之天啓  
與其妻呼天大罵於是夫婦同死至利州守將南永  
忠降統制呂達戰死隆慶教授鄭炳孫不從永忠降  
先縱殺妻女隨朝服自縊寶祐六年元兵拔吉平監  
守將楊禮周德榮死之拔長寧守將王佐父子俱死  
至閬州推官趙廣死之至遂州轉運使施擇善死之  
至順慶帥守段元鑑城守麾下劉淵殺之以降

陳

卷五十八

十

陳元桂

陳元桂撫州人第進士累官知臨江軍開慶初元兵  
至元桂登城力疾督戰城陷罵敵以死有唐震者字  
景實會稽人歷浙西提刑官嘗忤賈似道免官咸淳  
十年起知饒州元兵至震發州民守城元兵使人入  
饒取降款通判萬道同風震降震死之明年二月元  
兵大至都大提舉鄧益遁去震入府中玉芝堂有頃  
兵人不屈死之兄椿與家人俱死震客馮驥何新之  
驥後守獨松關新之守闕之新壘皆戰死

張順

張順氏兵部將也襄陽久受圍咸淳八年五月朝廷出重賞募死士得三千求將得順與張貴命為都統俗呼順曰張貴曰竹園張俱智勇素諸將所服者貴先登順殿之乘風破浪徑犯重圍至磨洪灘以上元軍布滿江面無隙可入乘銳轉戰百二十里及收軍失張順浮屍遶流而上視之順也勃勃如生呂文煥力留張貴其守襄貴持其驍勇欲還鄧貴戰已困見執竟不屈死之明年文煥降元荆湖都統范天順

宋

卷三十八

十一

同貴入城者即所守處殺死時有牛富者霍丘人為侍衛馬軍司統制守樊城數射書襄城中遺呂文煥相與固守為唇齒兩城凡六年不降富力居多樊城破富率死士卷戰力不支赴火死裨將王福亦赴火死邊居誼隨人官制置帳前都統守新城元兵破之執守將數人呂文煥既降居誼不從城將陷走還第伏劍而死又有司馬麥求者舉進士湖江陵沙市監元兵至麥求望闕再拜自縊死時姚訔如常州以陳炤知兵辟為通判元伯顏麾兵破城南門嘗死之炤

率兵巷戰日中兵至死焉嘗參知政事希得子也又有兵馬都監王安節者節度使堅之子也同姚訔守常州陷揮雙刀率死士巷戰勞傷被執不降乃殺之

劉師勇

劉師勇者廬州人常州被圍加和州防禦使助姚訔以守伯顏遣張彥招降師勇貴以大義繼遣范文虎來射走之潛師復取呂城城陷師勇戰且行歸從二少帝至海上憂憤縱酒卒

密佈

宋

卷三十八

十一

密佈廬州人咸淳十年為江西都統十一月元兵至隆興劉榮兵敗乃嬰城自守黃萬石時移治撫州將遁懼佑不從乃調佑兵援榮且戒以勿戰未至隆興榮已降元師張榮實呂帥提兵逼撫州佑率眾逆之元兵圍之數重被執嘗罵萬石為賣國小人遂死有朱立者淮人三世為將從陳奕守黃州奕降元立潰圍出江西制置使黃萬石置為帳前都統制元兵畧江西立迎戰被執時萬石降元立竟死之

馬暨

馬暨宿昌人一家父叔兄弟皆以忠勇爲名將恭帝入燕暨因留靜江總戎諸軍護經畧司印守城元將平章阿里海牙攻廣西使人招降暨發弩射之暨與參議官劉子薦及蜀戍將黃文政協力守城城破暨率死士巷戰乃能得執殺之文政被執大詬不屈死不絕聲子薦亦死之知靜江鄧得遇亦投江死邕守馬成旺及其子部稅應麟以城降元獨暨部將婁鈐轄猶以二百五十人守城令所部人各擁火一炮然之外兵多驚死者火想入視之灰燼無遺矣

宋

卷二十八

三

張珩

張珩字君玉隴西人年十八從軍德祐元年知重慶府元合兵圍重慶二年十二月趙定應迎珩入重慶安撫王世昌自縊死趙安以書說珩降不聽安乃與嶮下韓忠顯降珩率兵巷戰曹琦自經死珩至安西趙老庵亦經死琦蜀進士也有趙立者字德脩亦蜀人第進士以上書忤賈似道被謫至重慶則咎萬壽已降還至涪沉水死時制幕趙西泰亦自殺

宋列傳卷之二十九

江萬里

江萬里字子遠都昌人父燁始業儒大父璘鄉稱善人其降史知縣者夸其能杖譁健士璘俛首不答歸語燁曰史故寒士今居官以杖士人自喜史氏且不昌汝其戒之是夕燁妻陳夢一貴人入其家曰以汝家有善言故來已而有娠生萬里少神雋有鋒穎遷舉於鄉入太學有文聲理宗在潛邸書其姓名几屏間以舍選出身歷尚書右郎兼侍講史嵩之罷相遷

宋

卷二十九

遷右正言燁中侍御史未及稟屬弟萬頃奉母歸南康旋聞母病萬里不俟報馳歸至初門得計而議者謂萬里母死秘不發喪坐間十有二年後陸德輿常辨其非幸於帝前賈似道督兵辟爲參謀官度宗即位連遷叅知政事似道以去要君帝呼爲師相至涕泣拜留之萬里以身被帝云自古無此君臣禮陛下不可拜似道不可復言去似道積慙怒謀逐之萬里四旬祠不俟報出關後數年自知太平州召拜叅知政事咸淳九年萬里年七十有六矣明年元兵渡江

萬里隱草野為遊騎所執先是萬里聞襄樊失守繫池後圖扁其亭曰止水人莫喻其意警報至執門人陳偉罷手曰大勢不可支萬里竟赴止水死左右及子鎬相繼投沼中積屍如疊鎬蓋蜀人王肅子為後者也城破時郴州守趙崇樞寓城中亦死焉

文天祥

文天祥字宋瑞又字履善吉水人美背如玉顧盼煒然弱冠理宗親拔進士第一開慶初元兵伐宋嘗質董宋臣說上遷都人莫敢議其非者天祥時人為事

宋

卷二十九

二

海軍節度判官上書乞斬宋臣累以臺論罷除軍罷監兼權直學士院忤賈似道又諷臺臣張志立劾罷之天祥既數斥援錢若水例致仕年三十七咸淳九年為湖南提刑因見故相江萬里語及國事愀然十年知贛州德祐初江上報急詔諭天下勤王天祥捧詔涕泣遂起兵諸豪傑皆應有眾萬人事聞以江西提刑安撫使詔入衛天祥性豪華平生自奉甚厚聲伎滿前至是痛自貶損盡家貲為軍器提兵至臨安除知平江府時以丞相陳宜中未還朝不遣十月

宜中至始遣之是月天祥入平江元兵破常州入獨

松關宜中詔天祥乘平江守餘杭明年正月除知臨

安府未幾宋降元宜中與張世傑皆去仍除天祥樞

密使尋除右丞相兼樞密使如元軍請和與元丞相

伯顏抗論伯顏怒拘之偕宰執吳堅賈餘慶謝堂家

鉉翁劉岳至鎮江天祥與其客杜清等十二人夜亡

入真州苗再成出迎陳興復計時揚有脫歸兵言密

遣二丞相入真州說降矣李庭芝在揚遂疑天祥使

再成亟殺之再成不忍給天祥出乃東入海道遇兵

東

卷二十九

三

復遷堵中得免端宗未立天祥上表勸進以觀文殿

學士侍讀召至福州拜右丞相尋以宜中等議不合

七月乃以同都督出江西遂行收兵入汀州元將李

恒兵猝至天祥引兵走追至空坑軍士皆潰天祥妻

妾子女皆見執孫東彭震龍張汴鞏信俱遇害繆朝

宗自縊死吳文炳林棟劉洙皆被執及蕭敬夫蕭燕

夫皆不免天祥收殘兵奔循州又明年三月進屯麗

江浦六月入船澳端宗崩衛王繼立天祥上表自劾

乞入朝不肯天祥惟一子與其母皆死十一月進屯

潮陽趨南嶺鄒鳳劉子俊又自江西起兵來元帥張弘範兵濟潮陽天祥方飯五坡嶺弘範兵突至被執天祥吞腦子不死鄒鳳自頸死劉子俊陳龍復蕭明哲蕭資皆死杜許被執以憂死林琦張唐熊桂吳希輿陳子全兵敗被獲俱死惟趙孟深何時陳子敬遁唐杖之後東林之後許範之從子也天祥見弘範不拜弘範以客禮見之與俱入崖山使為書招張世傑不可索之固乃書零丁洋詩與之人生自古誰無死留取丹心照汗青弘範笑而置之至燕天祥不食八日不死即復食丞相博羅欲殺之元主及諸臣皆不可元主求才方急遣南官王績翁諭旨天祥曰國亡吾分一死矣倘緣寬假得以黃冠歸故鄉續翁欲合南官留夢炎謝昌元等十人請釋天祥為道士夢炎曰天祥出復號召江南置吾十人何地事遂已天祥留燕二年坐臥一小樓足不履地元主知不可屈讎釋之有以天祥起兵江西事為言者乃即刑天祥從容謂吏卒曰吾事畢矣南向拜而死俄有詔止之無及矣數日妻歐陽氏收其屍面如生年四十七衣襟

卷十九

四

中有贊曰孔曰成仁孟曰取義惟其義盡所以仁至讀聖賢書所學何事而今而後庶幾無愧

李庭芝

李庭芝字祥甫其先汴人十二世同居後徙隨之應山縣又徙隨王旻為守庭芝年十八告諸父曰王公貪而不恤隨必亂請徙家德安以避諸父勉彊從之未決旬旻果為部曲挾之以叛嘉熙末江防甚急庭芝得鄉舉不行以策干荆帥孟珙請自效時四川有警珙即以難建始縣簿師初始去舉進士中第

卷十九

五

幕中至管機宜文字珙卒秉官為珙行三年長麻澤五年元兵圍襄陽急夏貴范文虎之兵連敗乃命庭芝督師援襄陽范文虎日攜美妾走馬擊毬為樂庭芝屬欲進兵曰吾取旨未至明年六月始一出師未至鹿門中道遁去庭芝罷居京口未幾元兵圍揚州起庭芝制置兩淮十年築清河口詔以為清河軍士二月元兵破鄂庭芝遣兵勤王德祐元年春賈似道兵潰于蕪湖庭芝率所部郡縣城守加參知政事元將阿朮攻揚久不拔乃築長圍困之明年元伯顏兵

道臨安宋奉表降謝太后諭庭芝降者再庭芝發誓射使者時姜才亦在揚猶日出苦戰端宗立石爲少保右丞相庭芝以朱浚守揚與姜才將兵七千東入海至泰州阿木將兵追圍之朱浚既以城降驛庭芝將士妻子至泰州城下裨將孫貴胡惟孝等開門降庭芝聞變赴蓮池不得死執至揚州被殺宋應龍者爲泰州諮議官守孫良臣弟舜臣來說降良臣召應龍與計應龍請殺舜臣及泰州降應龍夫婦自經死提刑司認議積一正置司高郵督戰被創沒水是知

卷二十一

七

興化縣胡構辰城破亦死鎮江錄事恭軍陶居仁城陷被執曰願以死報朝廷遂見殺

姜才

姜才濠州人爲通判副都統號驍將賈似道出師才以兵屬孫虎臣爲先鋒諸將潰才亦收兵入揚州元兵日迫謝太后詔諭降才發弩射却之恭帝北遷至瓜州才與庭芝泣涕擗將士出奪恭帝避去才進戰至浦子市夜猶不退端宗立以保康軍承宣使召才時庭芝亦赴召才與俱東至泰州將入海阿木以兵

追圍之阿木怒錫之揚州才臨刑夏貴出其旁才切齒曰若見我寧不愧死邪有洪福者貴家僮也貴旣北降招福不聽使其從子往福斬之福大罵數貴不忠請以南向死以明不背國

陸秀夫

卷二十一

七

陸秀夫字君實楚州人其父徙家鎮江景定元年登進士第李庭芝鎮淮南辟幕中咸淳十年庭芝制置淮東擢參議官德祐元年邊事急諸僚屬多亡者惟秀夫數人不去二年正月以禮部侍郎被軍前請和不就而返與趙劉義追從二少帝於溫州召陳宜中張世傑等皆至遂相與立端宗于福州每時節朝會秀夫儼然正笏立如治朝屬井澳風帝以驚疾崩群臣皆欲散去秀夫曰天若未欲絕宋此豈不可爲國耶又相與立弟昺嗣帝位時宜中往占城屢召不至乃以秀夫爲左丞相與世傑共秉政祥興二年崖山兵敗秀夫走帝舟而世傑劉義各斷維去秀夫度不可脫杖劒驅妻子入海奏曰陛下當爲國死太皇太后辱已甚今不可再辱負帝赴海死年四十四



張世傑

張世傑范陽人金真祐開江北盜起定與豪俠張彖聚族黨結隊伍慕義之士多從之世傑與焉金王以彖為中都留守行元帥事彖使世傑戍杞世傑見金事日非元益強盛勸彖歸正彖怒斥之將得罪世傑來歸為呂文德小校累功至黃州武定諸軍都統制又以功轉十官度宗末呂文煥以襄陽降元命世傑將五千人守鄂元兵不得前德祐元年世傑提所部兵入衛道復饒州乃入朝已而元兵至獨松關以世

卷二十九

傑為保康軍節度使知平江元軍迫臨安世傑請移三宮入海而與天祥合兵背城一戰丞相陳宜中方遣人請和不可未幾和議亦沮元軍駐阜亭山世傑提兵趨定海與眾共立端宗帝崩奉帝屍嗣位拜樞密副使世傑以嗣州不可居徙崖山封越國公祥興二年正月張弘範等兵至崖山世傑率劉義方與大戰弘範者彖之子也弘範以世傑故父部曲常至海外呼世傑世傑曰吾知降生且富貴但當為主死爾收兵崖山復欲奉楊太后求趙氏後立之太后聞

帝計亦赴海死世傑葬之海濱五月四日世傑舟抵平章港颶風作世傑解香祝天曰若天不欲吾復存趙氏則大風覆吾舟遂覆死焉

陳文龍

陳文龍字君賁興化人俊卿之後咸淳五年廷對第一初名于龍度宗為易焉文龍雅為丞相賈似道禮重拜監察御史先是臺中相承凡有建白皆呈彙似道始行文龍獨不呈彙襄陽久被困似道日恣淫樂不少加意文龍上疏極言其失范文虎德師無功似

卷二十九

九

道虎之以知安慶又除趙鼎知建康黃萬石知歸安文龍皆極論之似道大怒出知撫州旋又使臺臣中可劾罷之未幾元軍東下累遷叅知政事未幾議降文龍乃跪乞歸養既出國門而悔復上疏求還不報乃歸五月益王即帝位於福復以文龍叅知政事潭州叛以為閩廣宣撫使討之興化石手軍叛復命文龍為知軍平之已而叛將王世強導元軍入廣建寧泉福皆降知福州王剛中遣使徇興化文龍斬之而縱其副以還使持書責世強剛中元兵來攻使其將

林華偵伺境上華即降元兵至城下通判曹澄孫開  
降執文龍與其家人至軍中欲降之文龍指其腹曰  
此皆節義文章也可相逼耶乃械繫送杭州文龍去  
與化即不食至杭餓死其母繫福州尼寺中病甚亦  
死元兵既歸文龍之姪瓚復舉兵殺林華據興化未  
幾復破瓚死之

徐宗仁

徐宗仁字求心永豐人淳祐十年進士歷國子監主  
簿開慶元年伏閣上書曰今通國之所謂伏節者不

宋

卷二十九

十一

過丁大全袁玘沈翥吳玠翁張鎮應齋石正則王立  
愛高鑄之徒而首惡則董宋臣也知寧國府監察御  
史鄭聞論罷德祐元年起權禮部尚書從端宗于海  
上崖山兵敗赴水死同赴水死者樞密使高桂吏部  
侍郎趙樵兵部侍郎茅湘俱死翰林學士劉鼎孫沈  
海不死被執榜掠無完膚一夕得脫率蹈海時潮南  
制置使張烈良及提刑劉應龍起兵應崖山為阿里  
海崖所敗烈良等舉宗及餘兵奔思州烏羅洞元兵  
襲之俱死有袁天與者不知何許人第進士丁父憂

未仕崖山宋亡人勸其退伏草莽為自全計天與不  
聽結義兵誓復州邑兵敗罵敵以死初與謝昌元趙  
孟頫約同死國無何並食元祿獨天與踐其言一門  
自盡只遺一子

李芾

李芾字叔章其先廣平人中徙汴高祖升起進士  
康中金人破汴升前捍其父並遇害曾祖椿徙衡州  
遂為衡人芾以蔭補官辟祁陽尉遂攝令縣大治知  
數州政教兼舉咸淳元年知臨安府作賈似道使

宋

卷二十九

十一

臣黃鵬石劾罷之元軍取鄂州始起為湖南提刑宋  
襄似遣兵潰蕪湖乃復芾官知潭州兼湖南安撫使  
時湖北郡皆已降元德祐元年七月至潭乃結溪峒  
蠻為聲援諸將劉孝忠等皆得其死力元右丞阿里  
海牙分軍戍常德遇諸蠻而以大兵入潭芾遣其將  
陰興帥兵禦之於湘陰與戰死九月元軍圍城芾與  
諸將分地而守殊死戰有來招降者殺之以徇十二  
月城圍益急除夕元兵登城芾坐熊湘閣召帳下沈  
忠遺之金曰吾家人亦不可辱於俘女盡殺之而後

殺我忠泣而諾取酒飲其家盡醉乃徧刃之帝亦引頸受刃忠還家殺其妻子乃自刎同時守城湖南安撫司叅議楊寔赴水死妻妾奔救之不及遂皆死幕屬茶陵顏應焱安仁陳億孫皆死帝初至潭遣其子裕孫出曰留汝以奉祀也其孫輔叔時亦親迎於溫皆得不死端宗悉詔入闕宮之

尹殺

尹殺字耕叟長沙人宋詩詞賦取士季年惟闕浙賦擅四方殺與同郡那天崇董景舒歐陽逢泰諸人

卷之十九

十一

賦體義典雅士爭學之由是湘賦與闕浙類類中季登進士第謂常德推官知崇陽縣晚入李庭芝制幕用薦權知衡州需次于家元兵圍潭帥臣李希禮以爲參謀援兵不至召弟岳秀使出以存尹氏祀岳秀泣而許之已乃積薪局戶縱火自焚

趙卯發

趙卯發字漢卿昌化人卯一作昴以上舍登第咸寧十年權通判池州元兵渡江池守王起宗棄官去卯發攝州事爲守禦計明年正月元兵且至都統張林

屢訊之降卯發謂其妻雍氏曰城將破吾守臣不當去汝先出走雍氏曰君爲忠臣我獨不爲忠臣婦乎與雍盛服同殺從容堂卯發始爲此堂及兵至指其扁曰從容就義難此殆其兆也

高應松

高應松開慶元年進士歷翰林權直元兵自湧金門入舉朝奔竄從官留者九人應松其一也累遷僉書樞密院事從恭帝入燕絕粒不語越七日卒時有徐應鑣字巨翁江山人爲太學生與其子琦松女元

卷之二十

十一

一僕未寐報諸僕寮壁入橫滅火不能死與其子女快快出倉卒莫知所之翌日得其屍祠前井中

林逢龍

林逢龍字慶雲平陽人弟廷龍字雷發俱爲太學生當理宗末元兵入侵逢龍上書陳戰守計不報咸淳中廷龍叩閤言事忤似道意歸鄉里德祐初元兵入温州逢龍廷龍俱被執同日遇害

李成六

李成大字實夫建昌人迪之從子第進士知金壇縣  
德祐初元兵至與寄居官舍山縣尉胡傳心陽春主  
簿潘大同弟濠梁主簿大本進士潘文孫潘應奎率  
義局兵巷戰不勝大同等俱死吏民挾成大降乃潛  
與胡用存謀復金壇事泄繫獄榜掠不屈殺其二子  
終不屈吳楚村者亦建昌人起義兵欲復建昌事敗  
父子俱死尹玉者宜都人爲贛州三砦巡檢秩滿城  
居亦起兵應文天祥被執林空齋者永福人舉進士  
爲縣令屏官家居端宗立張世傑圖泉州乃率鄉人

東 卷二十九

資必大劉全祖卽其家開忠義局起義身復永福縣  
元兵至屠永福必大全祖等走他邑空齋見執不屈  
死又有劉士昭者太和人嘗爲鑛工太和陷以帛自  
縊死其黨有王上敏吉州人慷慨不屈而死又有贊  
介者分寧人元兵至皆願謂家僮陳力曰爾盡力勿  
走力曰王在死生同之介死力亦死妻劉被掠子用  
中逃得不死及壯求母四方踰十年得於京師以歸  
謝枋得字君直弋陽人爲八豪英每觀書五行俱下

一過目終身不忘性剛好直言寶祐中舉進士對策  
極攻丞相董槐與宦官董宋臣中乙科除撫州司戶  
參軍卽棄去吳潛宣撫江南辟差幹辦公事會彗星  
出東方枋得考試建康摘似道政事爲問坐訕謗追  
兩官謫居興國咸淳三年赦歸德祐元年以江東提  
刑江西招討使知信州二年正月呂師夔與武萬戶  
分定江東地枋得以兵逆之敗奔信州師夔下安仁  
進攻信州不守枋得乃變姓名入建寧唐石山已而  
去黃卜建陽市中遂居閩中元至元二十三年集賢

東 卷二十九

學士程文海薦宋臣二十二人以枋得爲首辭不起  
劉夢炎以枋得薦枋得遺書夢炎曰今吾年六十餘  
矣所欠一死爾部少師從恭帝北遷旣而南歸與枋  
得道時事曰大元本無意江南張晏然上書乞欽兵  
從和卽可之兵交二年無一介行李之事乃率數百  
年宗杜而降因相與痛哭福建行省叅政魏天祐見  
時方求才欲薦枋得爲功枋得見天祐傲岸不爲禮  
與之言坐而不對天祐怒強之而北枋得卽日食菜  
粟旣至夢炎使醫持藥雜米飲而進之枋得棄於地

終不食而死伯父徽明以特奏恩為當陽尉攝縣事與元兵戰死之三子抱父屍亦死節

家鉉翁

家鉉翁眉州人以廕補官累官知常州拜端明殿學士僉書樞密院事元兵次近郊丞相吳堅賈餘慶邀告天下守令以城降鉉翁獨不署文天祥女弟坐兄故繫矣官鉉翁傾橐中裝贖出之以歸其兄壁鉉翁學邃于春秋自號則堂元帝改館河間乃以春秋教授子弟數為諸生談宋故事及宋興亡之故或盡述

宋

夫

大息成宗即位放還賜號處士數年以壽終

宋道學傳卷之三十

周敦頤

周敦頤字茂叔道州營道人元名敦實避英宗舊諱改焉以舅鄭向任為分寧主簿有獄久不決一訊立辨部使者薦調南安軍司理參軍有囚法不當死轉運使王逵欲深治之逵酷悍敦頤獨與之辨不聽乃委手版歸將棄官去曰殺人以媚人吾不為也逵悟囚得免移柳之桂陽令郡守李初平賢之語之曰吾欲讀書何如敦頤曰公老無及矣請為公言之二年

宋

卷三十

一

果有得徒知南昌歷合州判官部使者趙抃感其所口臨之甚威處之超然通判虔州抃守虔熟視其所為乃大悟執其手曰吾幾失君矣熙寧初知郴州用抃及呂公著薦為廣東轉運判官提點刑獄以洗冤澤物為已任以疾求知南康軍因家廬山蓮花峯下前有溪合於潞江取管道所居濂溪以名之抃再鎮蜀將奏用之未及而卒年五十七黃庭堅稱其胸懷灑落如光風霽月著太極圖又著通書發明太極之蘊揅南安時程昞通判軍事視其氣貌非常人與語

知其知道因與為友使二子顯顯受業焉每令尋孔  
顏樂處所樂何事顯之言曰自再見周茂叔後吟風  
弄月以歸有吾與鮒也之意侯師聖學於顯未悟訪  
敦願對榻夜談越三日乃還願驚異之曰非從周茂  
叔來邪嘉定十三年賜益元公子憲寶文閣待制

程類

程類字伯壽世居中山後徙河南高祖羽三司使父  
珣仁宗錄舊臣後以為黃陂尉歷知漢州熙寧法行  
珣獨抗議未便卒年八十五前後五得任子以均諸

卷三十

父之子孫顯第進士調鄆上元主簿茅山有池產龍  
如蜥蜴而五色祥符中嘗取二龍入都半塗失其一  
中使云飛空而逃民俗嚴奉不懈顯捕而脯之為晉  
城令富人張氏父死且有老史踵門曰我汝父也子  
驚疑莫測相與詣縣叟出懷中書所記為驗曰某年  
月日抱兒與張三翁家顯問張是時纔四十安得有  
翁稱史駭謝民以事至縣者必告以孝弟忠信改者  
作佐郎尋以御史中丞呂公著薦授太子中允權監  
察御史襄行神宗素知顯名數召見從容咨訪一日

論事久報正午始趨出庭中人曰御史不知上未食  
乎獨以誠意感動上大要以正心室欲求賢育才為  
先有曰人主當防未萌之欲王安石更法令言者攻  
甚力顯被旨赴都堂議事安石方怒言者厲色待之  
顯徐曰天下事非一家私議願平氣以聽安石為之  
婉屈自安石用事顯每為帝言君道以至誠仁愛為  
本未嘗及功利安石本與之善既不合猶敬其忠信  
不深怒神宗亦重其去屢請不許顯閤門待罪乃除  
提點京西刑獄改命書鎮寧軍判官司馬光在長安

卷三十

上詔求退釋顯公直時內侍程昉為外都水丞情勢  
蔑視州郡欲盡取諸埽兵治二股河顯以法拒之類  
求監局以便養得洛河竹木務歷年不叙伐閭特遷  
太常丞帝欲命脩三經義執政沮之以知扶溝縣境  
有廣濟蔡河瀕河惡于無生理顯脅取行舟財貨顯  
捕得一人盡得其黨內侍王中正按閱保甲權相震  
灼隣邑競後供帳悅之主吏來請顯曰吾邑貧獨有  
令故青帳可用耳不數月以薦除判武學李定劾其  
新法之初首為異論罷歸舊任歲餘坐獄囚逸責監

汝州鹽稅哲宗立召為宗正丞未赴而卒年五十四  
願資性過人克養有道和粹之氣溢於面背慨秦漢  
以來斯文久湮欲振而起之其言曰道之不明異端  
害之也又所著定性書實開聖學之秘潞公採衆論  
題其墓曰明道先生願嘗為條例司官屬願撰行狀  
諱之朱熹謂願乃大賢以上作用云同敦頤賜諡曰  
純公願字正叔山陰允願受學教願年十八上書闕  
下欲天子黜世俗之論以王道為心游太學胡瑗試  
諸生願子所好何學讀願論謂學以志聖人之道大  
驚即延見處以學職嘗應進士舉值延誦報罷遂不  
復試哲宗初司馬光呂公著既願力學好古詔為西  
京國子教授辭尋以秘書省校書郎召入見擢崇政  
殿說書脫言大率一日之中接見士大夫之時多觀  
寺人宮女之時少則氣質變化自然而成願每進講  
色甚莊嚴以諷諫聞帝宮中盥避嫌願奏願推此心  
以及四海神宗喪未除冬至百官表賀願乞改賀為  
慰既除有司請開宴願言除喪設宴是喜之也穩執  
每疾願不近人情至以俚語相侮願門人賈易朱光

庭不能平上疏攻執胡宗愈願臨因願讓更張國子  
條制及請經筵坐講不合連章劾願不宜用孔文仲  
又極論逐出管勾西京國子監紹聖追貶元祐諸臣  
目為姦黨願坐貶涪州李清臣尹洛即日追遣徽宗  
立移峽州俄叙復又奪于崇寧卒于家年七十五願  
之學張載稱其兄弟得孔孟不傳之學為諸儒倡願  
晚年著易春秋傳世稱伊川先生同頤賜諡曰正公  
張載字子厚大梁人祖復集賢學士父迪殿中丞知  
澤州卒于官遂家郟載少喜談兵欲結客取洮西之  
地年二十一以書謁范仲淹警之曰儒者自有名教  
可樂何事于兵因勸讀中庸載讀其書猶以為未足  
又訪諸釋老知無所得反而求之六經嘗坐虎皮講  
易京師聽從者甚衆二程至與論易撤坐輟講第進  
士為祁州司法參軍遷雲巖令政事以敦本善俗為  
先熙寧二年以御史中丞呂公著薦召問治道對曰  
為政不法三代終苟道也授崇文院校書發疾屏居  
南山每告諸生以知禮成性變化氣質之道學必如



聖人而後已詔知太常禮院與有司議禮不合復以疾歸中道疾甚沐浴更衣而寢且而卒年五十八世稱爲橫渠先生者書曰正蒙又作西銘同諸賢得賜謚曰明公弟戡字天祺第進士熙寧初爲監察御史裏行累章論王安石亂法劾曾公亮陳升之趙抃休違韓絳左右徇從與爲死黨李定以邪語竊臺諫呂惠卿刻薄辯給出知公安縣徙監司竹監至舉家不食苟卒于官年四十七

邵雍

邵雍字堯夫河南人始爲學卽堅苦刻厲嘆曰昔人尚友千古吾獨未及四方於是踰河汾涉淮漢周流齊魯宋鄭之墟久之幡然來歸曰道在是矣北海李之才攝其城令聞雍好學受河圖洛書必羲八卦六十四卦圖象多所自得嘉祐詔求遺逸授將作監丞簿復舉逸士補穎川團練推官皆固辭乃受命竟擢疾不之官雍歲時耕稼僅給衣食名其居曰安樂窩每旦焚香燕坐脯時酌酒三四甌微熏卽止不及酌也與至嘯哦詩風雨常不出則乘小車一人挽之

惟意所適司馬光兄事雍熙寧行新法吏卒迫不可

爲或執劫去雍曰此賢者所當盡力之時新法固嚴

能寬一分則民受一分賜矣投劫何益卒年六十七

贈秘書省著作郎元祐中謚康節程顥初侍其父

雍退而嘆曰堯夫內聖外王之學也雍知感絕人遇

事能前知程顥嘗曰其心虛明白能知之著晉曰皇

極經世觀物內外篇漁樵問對詩曰伊川擊壤集于

伯溫字子文雍與司馬光韓維呂公著程頤兄弟爲

友元祐中以薦特授大名府助教調潞州長子縣尉

蔡確之罷相也那恕亦被黜移知河陽間道謁確於

那辭造定策事恕出司馬光之門又與于康同登科

第及是康父喪除詣問恕約康會河陽伯溫止康曰

公休除喪未見君不宜枉道先見朋友康曰已諾之

伯溫曰恕傾巧或以事要公休若從必爲異日之悔

既而恕果勸康作書稱確有定策功以爲他日全身

保家計康竟如其請梁燾以諫議召恕亦要至河陽

日夜論確功不休且以康書爲證燾不悅會吳處厚

與確詩諉朝政燾與劉安世共請誅確且論恕罪亦



命康分析康始悔不用伯溫言康卒子植幼宣仁后  
憫之呂大防曰康素謂伯溫可託請以為西京教授  
教之伯溫既至則誨植曰溫公之孫大諫之子賢愚  
在天下可畏也植力學不懈卒有立章惇嘗事康節  
及為相欲用伯溫伯溫不往會法當赴吏部銓程頤  
謂曰吾危子之行也伯溫曰豈不欲見先公於地下  
耶至則先就部擬官而後見宰相惇薦之於朝伯  
溫願補郡縣吏惇不悅遂得監丞與軍鑄錢監秩滿  
惇猶在相位伯溫義不至京師從外臺辟環慶路帥  
兼  
卷三十  
八  
幕實避祥也徽宗即位以日食求言上書累數千言  
大要欲復祖宗制度辨宣仁誣謗解元祐黨錮出監  
華州西嶽廟歷主管永興軍耀州三白渠公事童貫  
為宣撫使士大夫求速化者爭出其門伯溫聞貫來  
出他州避之提舉太平觀紹興四年卒年七十八初  
雍有言世行亂蜀安可避居及宣和末伯溫載家使  
蜀故免于難伯溫嘗論元祐紹聖之政曰公卿大夫  
當知國體以恭確姦邪授之死地何足惜然既為宰  
相當以宰相待之范忠宣有文正餘風知國體者故

欲薄確之罪劉摯梁燾王巖叟劉安世忠直有餘然  
疾惡已甚以貽後日縉紳之禍不能無過也

劉絢

劉絢字質夫其先常山人後徙河南祖舜卿虞部郎  
中父師且朝散大夫絢以祖蔭為壽安主簿移長于  
令督公逋如期而集迄去不答一人歲大旱府遣吏  
視傷所獨稅財二三絢力爭之不得還其榜請易之  
富弼嘆曰劉絢古縣令也又為太學博士卒年四十  
三絢自結髮從程頤學篤信而固守之

宋

卷三十

九

李頴

李頴字希甫洛陽人第進士元祐中為秘書省校書  
郎卒頴與劉絢才氣志尚頗相同程頤追悼之曰自  
予兄弟倡明道學能使學者視倣而信從者頴與絢  
有力焉

謝良佐

謝良佐字顯道上蔡人與游酢呂大臨楊時在程門  
號四先生良佐第進士建中靖國初官京師召對忤  
旨去監西京竹木場坐口無繫詔獄廢為民良佐記

問該贍程顥談及前史所引不爽一字顥以玩物喪志警之程願與之別一年問其所進曰但去得一於字爾願稱之曰是子力學切問而近思者也呂大鈞亦同門與大歸並附大防傳

游酢

游酢字定夫建陽人與兄醇並以文行名程顥與扶溝學酢應其請受業焉元豐六年第進士請蕭山尉以薦為太學錄選博士乞外以便養得知河陽范純仁判河南待以國士及入相復以為太學博士

宋

卷三十

十

仁罷酢亦請外徽宗立擢監察御史歷知懷慶軍知舒濠三州卒年七十一

張釋

張釋字思叔河南人受業于程願願賞其穎悟未及仕而卒願言晚得二士謂釋與尹焞也

蘓軻

蘓軻字秀明武功人始學張載而事二程卒業歸太忠薦為太常博士坐元符上書入邪籍謫管饒州

尹焞

尹焞字彥明一字德充洛人祖源在文苑傳父林虞部員外郎焞少師事程顥紹聖中嘗應舉發策有誅元祐諸臣議不對而出告願曰焞不復應進士舉矣願曰子有母在焞歸告其母陳母曰吾知汝以善養不知汝以祿養靖康初神師道薦召至京師 欲留賜號和靖處士次年金人陷洛闕門遇害焞死復甦門人昇置山谷中而免劉豫命偽帥趙斌以禮聘焞不從則以兵恐之焞自商州奔蜀止於涪涪願讀易

宋

卷三十

十

始就道左司諫陳公輔疏攻程氏學焞至元江上奏曰焞實師願垂二十年八年除秘書省監本幾力辭求去上語叅知政事劉大中曰焞未論所學淵源班刻得老成人亦是朝廷氣象仍兼說書時金人來議和焞上疏又移書秦檜言若和議一成天下有被髮左衽之憂同辭新命且奏言當去者五致仕卒年七十二焞質直弘毅實體力行願嘗以譽許之且曰我死而不失其正者尹氏子也

楊時

楊時字中立南劍將樂人熙寧九年第進士調官不  
赴以師禮見程顥於潁昌其歸也顥目送之曰吾道  
南矣顥死又見程頤於洛時年已四十事頤愈恭一  
日頤偶瞑坐時與游酢侍立不去頤既覺則門外雪  
深一尺矣關西張載嘗著西銘時疑其近於兼愛與  
頤辨論往復間理一分殊之說始豁然無疑杜門不  
仕者十年久之歷知瀏陽餘杭蕭山三縣皆有惠政  
張舜民在諫垣薦之得荆州教授士不遠千里從之  
游號曰龜山先生時天下多故有言于蔡京者以爲

宋

卷三十一

五

事至此必取宜引舊德有使高麗者國王問龜山安  
在使回以問召爲秘書郎歷除右諫議大夫兼侍讀  
敵兵勦退議者欲割三鎮以講和時極言其不可欬  
宗詔出師而議者多持兩端時抗疏時太原圍閉數  
月而姚古擁兵逗留時上疏乞誅古不報李綱之罷  
太學生伏闕上書乞留綱與种師道軍民集者數十  
萬朝廷欲防禁之吳敏乞用時以靖太學遂以時兼  
國子祭酒既王安石降從祀之列高宗即位除工部  
侍郎致仕年八十三卒諡文靖時浮沉州縣四十七

年晚居諫省僅九十日朱熹張栻得程氏之學其源  
皆出于時子廸力學通經亦嘗師程頤云

### 羅從彥

羅從彥字仲素以累舉恩爲博羅主簿同郡楊時  
得程氏學時爲蕭山令徒步往學焉見時三日驚汗  
浹背曰不至是幾虛過一生嘗與時講易至乾九爻  
云伊川說甚善卽齋田走洛見頤問之適歸卒業起  
意仕進嘗采祖宗故事爲遵堯錄嘗與學者論治曰  
程宗法度不可廢德澤不可恃又曰士之立朝要以

宋

卷三十一

五

正直忠厚爲本朱熹謂龜山倡道東南潛思力行往  
重詣極如仲素一人而已紹興中卒學者稱之曰豫  
章先生

### 李侗

李侗字愿中劔浦人年二十四聞郡人羅從彥得河  
洛之學從之累年從彥好靜坐侗退入室中亦靜坐  
從彥令靜中看喜怒哀樂未發前氣象而求所謂中  
者既而退居山中謝絕世故事親孝謹仲兄性剛多  
忤同事之得其懽心嘗以黃庭堅之稱周茂叔如光

風霽月為善形容有道者氣象侗既閑居若無意當世而傷時論事感激動人嘗曰今日三綱不振義利不分人主當于此留意朱松遺子熹從學卒得其傳卒年七十一子友直信甫皆第進士信甫仕至廣東江東提刑嘗為監察御史以特立不容于朝云

陸九淵

陸九淵字子靜生三四歲問其父天地何所窮際遂深思至忘寢食及總角舉止異凡兒謂人曰伊川之言奚為與孔子孟子之言不類近見其間多有不是處初讀論語即疑有子之言支離他日讀古書至宇宙二字解者曰四方上下曰宇往古來今曰宙忽大省曰宇宙內事乃已分內事已分內事乃宇宙內事又嘗曰東海有聖人出焉此心同也此理同也至西海南海北海有聖人出亦莫不然千百世之上者有聖人出焉此心同也此理同也至於千百世之下有聖人出此心此理亦無不同也登乾道進士第歷國子正除勅令所副定官九淵少聞靖康間事慨然有復讎之志因輪對遂陳五論一論讎社未復未幾除

宋

卷三十一

五

宋

卷三十一

五

將作監丞為給事中王信所駁詔主管台州崇道觀還鄉學者輻湊滌象山先生嘗謂學者曰汝耳自聽目自明事父自能孝事兄自能弟本無欠闕不必他求在乎自立而已又曰此道與溺于利欲之人言猶易與溺於意見之人言却難戒勸九淵著書曰六經註我我註六經又曰學苟知道六經皆我註脚光宗即位差知荆門軍民有誣激人倫者使自毀其狀以厚風俗以為郡居江漢之間為四集之路廼請于朝而減之丞相周必大稱九淵荆門之政以為躬行之效云一日九淵語所親曰先教授兄有志天下竟不得施以沒又謂家人曰吾將死矣又告僚屬曰某將告終會騰雲明日雪乃沐浴更衣端坐後二日日中而卒年五十四謚文安初九淵嘗與朱熹鵝湖論辨所學多不合及熹守南康九淵訪之熹與至白鹿洞九淵為講君子小人喻義利一章聽者至有泣下熹以為切中學者隱微深痼之病至于無極而太極之辨則貽書往來論難不置焉門人楊簡袁燾舒璘沈煥能傳其學子持之所著有易提綱諸經雜說

朱熹

朱熹字元晦一字仲晦婺源人父松字喬年第進士  
歷司勳吏部郎秦檜決策與金虜議和松率同列上  
章極言其不可檜怒諷御史論松出知饒州未上卒  
熹幼穎悟甫能言父指天示之曰天也熹問曰天之  
上何物松異之嘗從群兒戲沙上獨端坐以指畫沙  
視之八卦也年十八貢于鄉紹興十八年第進士至  
同安簿選邑秀民克弟子員禁女婦之為僧道者罷  
歸節祠監潭州南嶽廟明年輔臣薦召以疾辭孝宗

卷三十一

七

即位求言熹上封事隆興元年復召對淳熙二年除  
秘書郎力辭乃主管武夷山中祐觀五年史浩再相  
除知南康軍值歲不雨講求荒政多所全活訪白鹿  
洞書院遺址奏復其舊明年上疏言天下之務莫大  
于恤民而恤民之本在人君正心術以立紀綱陳俊  
卿以舊相守金陵過闕入見薦熹甚力除提舉江西  
常平茶鹽公事旋錄救荒之勞除直秘閣辭會浙東  
大饑宰相王淮奏改提舉浙東常平茶鹽公事即日  
單車就道入對首陳災異之由與併德任人之說知

台州唐仲友與王淮同里為姻家吏部尚書鄭丙侍  
御史張大經交薦之遷江西提刑未行熹行部至台  
松仲友者紛然按得其實章三上淮匿不以聞熹論  
愈力前後六上淮不得已奪仲友江西新命以授熹  
辭不拜遂歸且乞奉祠時鄭丙疏詆程氏學且以沮  
熹淮又擢陳賈為監察御史而賈對首論道學者假  
名以濟偽詔以熹主管台州崇道觀連奉雲臺鴻慶  
之祠者五年周必大相除提點江西刑獄公事淮罷  
相遽入奏有要之於路以為正心誠意之論上所厭

卷三十一

七

聞熹曰吾平生所學惟此四字豈可隱默以欺吾君  
乎時內侍甘昇尚在熹力以為言上曰昇乃德壽所  
薦為其有才耳熹曰小人無才安能動人王翌日除  
兵部郎官以足疾丐祠本部侍郎林栗劾熹葉適上  
疏與栗辨光宗即位再辭職各仍舊直寶文閣居數  
月除江東轉運副使以疾辭改知漳州寧宗即位趙  
汝愚首薦熹及陳傅良除煥章閣待制待講寧宗之  
立韓侂胄用事熹憂其害政上疏斥言左右竊柄之  
失在講筵復申言之御批云憫卿耆艾恐難立請已

除卿臣親初趙汝愚既相中外引領望治熹獨以佞  
冒為慮致以手書啓汝愚勿使得預朝政汝愚謂其  
易制不以為意及是汝愚亦以誣逐而朝廷大權悉  
歸倚首矣熹始以磨議自劾不許以疾再乞休致詔  
依舊務閣併撰沈繼祖為監察御史誣熹十罪詔廢  
職罷祠門人蔡元定亦送道州編管熹以年近七十  
乞致仕從之卒年七十一熹登第五十年仕於外者  
僅九考立朝纔四十日家故貧少依父友劉子羽窮  
處之崇安後徙建陽之考亭先嘗走歸賜書遺表  
三十一

張栻字敬夫浚子也穎悟夙成長師胡宏一見即以  
程及熹從祀孔子廟熹季子在吏部侍郎曾孫浚兵  
部侍郎福安府尹王剛中以城降元浚自殺

孔門論仁親切之旨告之以古聖賢自期作希顏錄  
以陰補官孝宗即位浚起請籍開府治戎叅佐皆極  
一時之選皆自以為不及也間以軍事入奏因進言  
曰陛下上念宗社之隲耻下憫中原之塗炭孝宗異  
其言遂定君臣之契浚去位湯思退用事遂罷兵講  
和浚已沒栻營葬甫畢即拜疏言吾與金人有不共  
戴天之讎久之劉琪薦于上除知撫州未上改嚴州  
明年召為吏部侍郎兼權起居郎侍郎立官因出所奏  
疏讀之曰必勝之形當在于早正素定之時而不在  
本

子兩庫夾樓之日上為嘆息褒諭以為前未聞此論  
也知閣門事張說除食書樞密院事栻夜草疏諫且  
詣朝堂質責宰相虞允文曰宦官執政自京黼治近  
習執政自相公始栻奏再上命遂中寢然字相實陰  
附說明年出栻知袁州申說前命中外證譁說竟以  
謫死家居累年孝宗念之除知靜江府經畧安撫廣  
南西路部內荒殘多盜栻究利病六十餘條奏革之  
諸蠻感悅歲得善馬治行聞進秩改知江陵府安撫  
本路一日去食吏十四人詔以右文殿併撰提舉武

夷冲祐觀病且死手跪親君子遠小人信任防一已之偏好惡公天下之理杖有公輔之望卒年四十八賦嘗言學莫先於義利之辨有所為而為皆利也朱子謂與性善養氣之論同功云學者稱南軒先生蓋宣公

### 蔡元定

蔡元定字季通建陽人父發博覽羣書號牧堂老人以程氏語錄邵氏經世張氏正蒙授元定曰此孔孟正脉也元定登西山絕頂忍饑啖齋讀書聞朱熹名

卷五十一

字

往師之熹如其學大驚曰此吾老友也後臣尤袤楊萬里聯疏薦召對以疾辭時韓侂胄禁偽學臺諫承風肆意黜邪猶未敢誦言攻朱熹至沈繼祖劉三傑連疏熹併及元定遂謫道州州縣捕急元定聞命不辭家即就道熹與從遊數百人餞蕭寺中坐客有泣下者熹視元定不異平時因喟然曰友朋相愛之情季通不挫之志可謂兩得矣貽書訓諸子曰獨行不愧影獨寢不愧衾勿以吾得罪故遂懈一日謂沉曰可謝客吾欲安靜以還造化舊物閱三日卒侂胄既

誅贈建功郎益文節學者尊之曰西山先生子淵沉並躬耕不仕淵有周易訓解沉字仲默少從熹游熹書傳未及為元定洪範數未及論者皆以屬沉沉沈潛反復數十年然後成書隱居九峰當世名卿物色將薦用之不肩就

### 黃幹

黃幹字直卿閩縣人父瑀在高宗時為監祭御史以篤行直道著聞瑀沒幹往見清江劉清之清之奇之因命受業朱熹熹後遂以其子妻幹寧宗即位熹命

卷五十一

字

幹奉喪補將仕郎熹編禮書獨以喪祭二編屬幹病革以深衣及所著書授幹手書與訣幹持心喪三年畢調監嘉興府後門酒庫歷通判安豐軍淮西帥司檄鞫和州獄獄故以疑未決幹一夜夢井中有人果於廢井得尸尋知漢陽軍乞祠主管武夷冲祐觀尋起知安慶府至則金人破光山乃請于朝劄郡城以備戰守不俟報而興役幹日以五鼓坐于堂使若官入聽命以一日成算校之受命畢乃治府事後二年金人破黃州沙窩關淮東西皆震獨安慶按堵如故



召赴行在所奏事除大理丞不拜為御史李楠所劾  
初翰入荆湖幕府奔走諸闕與江淮豪傑遊及守安  
慶且兼制幕長淮軍民之心翕然相向在位者益忌  
且慮翰入見必直言邊事以悟上意至是羣起擠之  
翰遂歸里弟子日盛巴蜀江湖之士皆來俄命知潮  
州辭不行差王管亳州明道宮踰月遂乞致仕卒

李喬

李喬字敬子建昌人紹熙元年第進士授岳州教授  
未上往建陽從朱熹學熹告以曾子弘毅之語喬退

卷三十

五

以弘名其齋既至岳州教士以古文六藝不因時好  
熹沒學禁嚴喬率同列往會葬不火休九江守薦召  
都堂審察辭郡守請為日鹿書院堂長差江西運司  
幹辦公事洞寇作亂喬請自往駐兵萬安馳辨士論  
賊逆順禍福寇皆帖服改通判潭州真德秀為長沙  
帥一府之事咸諮喬不數月辭歸時史彌遠當國廢  
皇子竑喬以三綱所關自是薦辟不復出矣迺以直  
秘閣奉祠卒年七十喬嘗曰凡人不必要仕宦有位  
為職事方為功業但隨力到處有以及物即功業矣

又嘗曰仕宦至卿相不可失寒素體入仕凡四十二  
年而歷官不週七考學者宗之與黃幹並稱孫鑣登  
進士第

張洽

張洽字元德臨江人父緩第進士洽少從朱熹學博  
經羣書嘗取管子思之思之又重思之思之不通鬼  
神將通之之語以為窮理之要熹嘉其篤志時行社  
倉法洽貸縣常平米二百石建倉里中六年而歸其  
本鄉人利之嘉定元年中第授松滋尉嗣右經界不

卷三十

五

正洽請行推排法令以委洽吏姦無所匿改袁州司  
理參軍有盜黠甚辭不能拆會有兄弟訟財者洽論  
之曰冒法以求勝孰與各守分以全手足之愛乎訟  
者感悟盜聞之自伏通判池州歲大旱禱弗應洽言  
于提點常平袁甫辨寬獄白守寬催科三日果大雨  
瑞平初用薦召都堂審察不赴除秘書郎尋遷著作  
郎帝將以說書待洽洽固辭除直秘閣主管建康崇  
游觀嘉熙元年以疾乞致仕數月卒年七十七洽以  
主一名齋子樞裡賜同進士出身



陳淳

陳淳字安卿龍溪人少習舉子業林宗臣授以近思錄淳遂盡棄其業及朱熹來守其鄉淳請受教熹數語人以南來吾道喜得陳淳淳性至孝弟妹未有室家者皆婚嫁之葬宗族之喪無歸者嘉定九年待試中都歸遇嚴陵郡守鄭之悌率僚屬延講郡庠淳歎張陸學問無源全用禪家宗旨明年以特奏恩授迪功郎泉州安溪主簿未上而卒年六十五其所著有歸孟大學中庸口義等書

卷三十

詩

李方子

李方子字公晦昭武人性端謹純篤見朱熹以果名齋入太學廷對擢第三調泉州觀察推官守真德秀以師友禮之除國子錄無何將選入宮僚而方子不少敗或告彌遠曰此真德秀黨也使臺臣幼能之其亡也天子聞之與一子恩澤

黃灝

黃灝字商伯都昌人入太學登進士第教授隆興府知德化縣以興學校崇政化為本薦除登聞鼓院光

宗即位歷太府寺丞出知常州提舉本路常平時李璣盈野有旨停開夏稅遂奏乞併開秋苗不俟報行之言者罪其專創兩秩起知信州移廣西提點刑獄告老不赴卒朱熹守南康灝執弟子禮熹沒黨禁方屬灝單車往赴徘徊不忍去云

朱

卷三十

表

宋儒林列傳卷之三十一

職崇義

聶崇義，澤州人。少舉三禮，漢景官至國子監禮記博士。周顯德中，累遷國子司業，兼太常博士。世宗詔定郊廟祭主，又詔翰林學士竇儼統領之。崇義取三禮圖，稱加考正。宋建隆三年四月，表上儼為序。太祖覽而深嘉之，詔太子詹事尹拙集儒學三五人參議。

五月，賜崇義紫袍犀帶銀器，繪帛以獎之。拙多所獻，正崇義援引經釋之，悉以下戶部尚書。儼、崇義、大

學士三禮圖遂行於世。

孫真

孫真，字宗古，博平人。九經及第，為首舉。主簿上書願

試，真就遷大理評事，為國子監直講。太宗臨幸，召真

講尚書，賜五品服。真宗以為諸王侍讀，累遷龍圖閣

待制。大中祥符初，得天書，召問真對曰：「臣愚所聞天

何言哉，豈有書也。」是歲天書復降，帝以親受符命，越

歲封禪。四年，又將祀汾陰。是時大旱，京師近郡穀踊

貴，真上疏諫。帝遣內侍皇甫繼明就問，又上疏執謂

上天為可罔，下民為可愚。後世為可欺。平六年，又上

疏願陛下早有覺寤，無為不及之悔。久之，以父老請

歸田里，不許。以知密州居二年，遷左諫議大夫。罷待

制，還糾察在京刑獄。復出知河陽，入求削官。就養，遷

給事中。徙兗州。天禧中，朱能獻乾祐天書，復上疏未

幾，能果敗。仁宗即位，乃召為翰林侍講學士。嘗畫無

逸圖上之，帝施於講讀閣。三請致仕，不允。知兗州，乞

歸。以太子少傅致仕。計聞帝悼甚，贈左僕射。

何涉

何涉，字濟川，南兗人。登進士第。范仲淹辟彰武軍節

度使，推官用。龐籍奏遷著作佐郎，管勾郎延等路經

周堯卿

周堯卿，字子倫，道州人。天聖二年，第進士。積官太常

博士。范仲淹薦，經行可為師。表未及用，卒。年五十一。

堯卿幼喪父，憂戚如成人。及母喪，倚廬三年。既葬，慈

烏百數，銜土集隴上。其子昆弟尤篤，友愛居官，祿

必以周宗族朋友聲而後已

李之才

李之才字挺之青社人天聖八年同進士出身為人質朴師河南穆脩脩之易受之種放放受之陳搏之才初為主簿權共城令時邵雍居母憂于蘇門山百源之上之才扣門來謁勞苦之雍再拜受業之才器

大難乎識者久不得調再調孟州司法參軍時范雍

守孟亦莫之知也雍初自洛建節守延安送者皆出

境之才獨別近郊或病之謝曰故事也及雍薨

之才沿檄見之尹洙以書薦之

石延年致之得改大理寺丞為緱氏令未行會延年

與吳遵路調兵河東辟為澤州僉署判官澤人劉義

叟從受曆法世稱義叟曆有楊雄張衡所未喻者實

之才授之在澤轉殿中丞去未幾卒邵雍表其墓

孫復

孫復字明復平陽人舉進士不第退居泰山學春秋

著尊王發微十二篇石介有名山東自介而下皆以

先生事復年四十不娶李廸知其賢以其弟之子妻

之復初猶豫石介與諸弟子請曰公卿不下士久矣

宜因以成丞相之賢名復乃聽介既為學官語人曰

孫先生非隱者也於是范仲淹富弼皆言復有經術

宜在朝廷除國子監直講召為通英閣祇候說書楊

安國言其講說多異先儒罷之稍遷殿中丞卒年六

十六特官其一子

石介

石介字守道兗州人進士及第歷鄆州南京推官遇

事奮然敢為以論救書罷為鎮南掌書記丁父母憂

耕徂徠山下葬五世七十喪以易教授於家魯人號

徂徠先生入為國子監直講杜衍韓琦薦權太子中

允直集賢院會呂夷簡罷相夏竦既除樞密使復奪

之以行代章得象晏殊賈昌朝范仲淹富弼及琦同

時執政歐陽修余靖王素蔡襄並為諫官介喜作慶

曆聖德詩其言大姦蓋斥竦也詩且出孫復曰子禍

始於此矣介不自安求出通判濮州未赴卒年四十

一會孔直溫謀反搜其家得介書夏竦銜介且欲中

傷衍等因言介詐死北走契丹請發棺以驗衍時在

交州以語官屬掌書記龔鼎臣願以闔族保介必死  
提點刑獄呂居簡亦曰介死必有親族門生會葬苟  
召問無異亦足應詔於是衆數百保介乃免斲棺子  
弟羈管他州久之得還介家故貧妻子幾凍餒富弼  
韓琦共分奉買田以贍養之

胡瑗

胡瑗字翼之泰州人以經術教授吳中年四十餘景  
祐初范仲淹薦召與阮逸同較鐘律授試秘書省校  
書郎仲淹經畧陝西辟教授湖州瑗教人以身先之

宋

卷五十一

五

雖盛暑必公服坐堂上嚴師弟子之禮慶曆中興太  
學下湖州取其法著爲令召爲諸王宮教授辭疾不  
行皇祐中更鑄太常鐘磬驛召瑗逸與近臣太常官  
議于祕閣遂興作樂事嘉祐初擢太子中允天章閣  
侍講仍治太學既而疾作以太常博士致仕卒年六  
十七瑗居太學其徒益衆程頤常稱之曰安定之門  
人往往知稽古愛民於爲政也何有

劉義叟

劉義叟字仲叟晉城人歐陽脩薦試大理評事權趙

州軍事判官及脩唐史今專脩律曆天文五行志以  
憂去詔令家居編脩書成擢崇文院檢討未入謝疽  
發背卒義叟長於星曆術數預知死期自擇地先塋  
旁占庚穴以語其妻如其言葬之著十三代史志

李觀

李觀字泰伯建昌人舉茂才異等不中親老以教授  
自資從學者常數十百人皇祐初范仲淹薦爲試太  
學助教上明堂定制圖嘉祐中用國子監奏召爲海  
門主簿太學說書卒熙寧中門人鄧潤甫請官其子

宋

卷五十一

六

李觀詔爲郊社齋郎

王當

王當字子思眉山人舉進士不中元祐中蘇轍以賢  
良方正薦廷對慨慷不避權貴策入四等調龍遊縣  
尉蔡京知成都舉爲學官不就卒年七十二

胡安國

胡安國字康侯崇安人入太學登進士第哲宗親權  
第三爲太學博士提舉湖南學事有詔舉遺逸安國  
以永州布衣王繪鄧境應詔零陵簿稱二人黨人范

純仁容而流人鄒浩所請託蔡京素惡安國除名未  
幾復官父沒遂稱疾不仕宣和末以薦除屯田郎辭  
靖康元年除太常少卿朝旨屢趣行至京師以疾在  
告一日方午欽宗亟召見安國奏曰明君以務學爲  
急聖學以正心爲要每臣僚登對欽宗即問識胡安  
國否除中書舍人耿南仲諷臺諫論其稽命不恭宜  
從黜削疏奏不下安國乃就職李綱罷中書舍人劉  
珪行詞謂綱勇於報國數至敗躬坐貶安國封還詞  
頭何巢從而擠之詔與郡縣以安國素苦足疾而

宋

卷三十一

七

門地卑濕乃除安國知通州高宗即位以給事中召  
黃潛善諷給事中康執權論其託疾罷之三年樞密  
張浚薦安國可大用再除給事中賜其子起居郎寅  
手札令以上意催促既次池州引疾還紹興元年除  
中書舍人兼侍講遣使趣召安國先以時政論獻論  
入復除給事中尋除兼侍讀專講春秋會除故相朱  
勝非同都督江淮荆浙諸軍事安國奏勝非與黃潛  
善汪伯彥同在政府絀繫附會尋致渡江專用張邦  
昌結好金國淪滅三綱時呂頤浩再相欲傾右相秦

檜謀於席蓋曰目爲黨可也今黨魁胡安國在瑣闥  
當先去之乃降旨落職奉祠是夕彗出東南秦檜三  
上章乞留之不報侍御史江躋上疏極言勝非不可  
用安國不當責右司諫吳表臣亦言安國無故罪去  
恐非所以示天下不報願浩即黜給事中程瑀起居  
舍人張燾及躋等二十餘人五年除徽猷閣待制知  
永州辭詔從其請與祠令纂修所著春秋傳書成高  
宗謂潑得聖人之旨除內祠兼侍讀未行諫官陳公  
輔疏詆假託程頤之學者安國奏曰本朝自嘉祐以

宋

卷三十一

八

衆西都有邵雍程顥及其弟頤關中有張載皆以道  
德名世復子祠進實文閣直學士卒年六十五謚文  
定安國初問人材於游酢以秦檜爲言且比之荀文  
若故安國力稱檜賢檜亦力引安國及檜再相誤國  
安國不及見也謝良佐曰胡康侯如大冬嚴雪百草  
萎死而松柏挺然獨秀者也子寅宏寧從子憲寅字  
明仲安國弟之子寅將生母以多男不欲舉安國妻  
夢大魚躍盆水中急取而子之少桀黠難制父閉之  
空閣閣有雜木實盡刻爲人形安國曰當有以移其

心別着書數千卷於其上年餘寅悉成誦不遺一卷  
游辟雍中進士甲科靖康初以薦除秘書省校書郎  
楊時爲祭酒寅從之學歷司門員外郎金人陷京師  
議立異姓寅與張浚趙鼎迺太學中不書議狀建炎  
中連擢起居郎金人南侵時高宗在金陵詔議移蹕  
之所寅上書其略曰君子小人勢不兩立宰相呂頤  
浩惡其切直除直龍圖閣奉祠尋命知未州四年召  
遷中書舍人時議遣使入雲中寅上疏言女真驚動  
陵寢殘毀宗廟劫質二聖乃吾國之大難也既而右

宋

卷三十一

九

僕射張浚自江上還奏遣使爲兵家機權竟反前旨  
寅復奏疏遂乞便郡就養徽宗皇帝寧德皇后計至  
朝廷用故事以日易月寅上疏言禮雖不復則服不  
除願降詔旨服喪三年衣墨臨戎以化天下尋除禮  
部侍郎俄乞致仕遂歸衡州檜旣忘寅坐與李光書  
譏訕朝政新州安置檜死詔自便尋復其官卒年五  
十九宏字仁仲幼事楊時侯仲良而卒傳其父之學  
優游衡山下餘二十年張拭師事之紹興間上書陞  
下即位以來中正邪佞更進更退然陳東以直諫死

于前馬伸以正論死于後未聞誅一姦邪黜一諛佞  
何摧中正之易而去姦邪之難宏初以蔭補右承務  
郎不調檜死宏被召竟以疾卒于家寧字和仲以  
蔭補官試館職除敕令所刪定遷祠部郎官寧以  
父兄故召用及寅與檜忤乃出寧奉祠卒安國作春  
秋傳修纂檢討盡出寧手寧又著春秋通旨以羽翼  
其書云憲字原仲居建之崇安從從父安國學與  
中以鄉貢入太學會伊洛學有禁憲獨陰與劉勉之  
齋習其說旣而學易於熊定從游者日衆號籍溪先

宋

卷三十一

十

先生累召辭乃賜進士出身授左迪功郎添差建州  
教授憲猶不屈大守魏卮開營甚力憲不得已就職  
訓諸生以爲己之學郡人程元以篤行稱龔何以廉  
節著皆迎致俾參學政學者自是大化因七年不徙  
官以母年高不樂居官舍求監南嶽廟以歸久之起  
爲福建路安撫使司屬官與帥張宗元不合復請祠  
去秦檜方用事憲家居不出檜死召爲秘書正字旣  
至疏言金人勢必敗盟元臣宿將惟張浚劉錡在願  
亟起之初憲與劉勉之俱隱後又與劉子輩朱松交

松茂屬子嘉並受學熹自謂從二君子遊而事籍溪先生爲久方憲以館職召也適秦檜諱言之後憲與王十朋馮方查籛李浩相繼論事太學生爲五賢詩以歌之人始信其不苟出而惜歷久于位云卒年七十七

譙定

譙定字天授涪陵人學易于郭夔氏郭夔氏者世家南平始祖在漢爲嚴君平之師定一日至汴開程頤講道于洛索其學而學焉靖康初呂好問薦之欽宗

召爲崇政殿說書以論弗合辭不就高宗即位定猶在汴右丞許翰又薦之詔宗澤津遣詣行在上將用之會金兵至失定所在復臨蜀愛青城大面之勝棲遯其中蜀人指其地曰譙嚴稱之曰譙夫子定易學得之程頤授之胡憲劉勉之而馮時行張行成則得定之餘意者也定後不知所終樵夫牧童往往有見之者世傳其爲仙云初願兄弟游成都是治篋羅桶者挾冊就視則易也篋者曰若嘗學此乎因指未濟男之窮以發問二程遜而問之曰三陽皆失位後閻

人表滋入洛問易於願頤曰易學在蜀蓋往求之滋入蜀見賈善善翁于眉叩問與語大有所得時行行成蜀人郭夔氏及履夏醫翁皆蜀隱君子也

喻樗

喻樗字子才其先南昌人後徙嚴建炎末樗第進士趙鼎去樞筦居常山樗往謁鼎奇之鼎都督川陝荆襄辟樗爲屬紹興初高宗親征樗見鼎曰公自度此舉果出萬全乎或姑試一擲也當思歸路毋以賊遺君父憂鼎曰策安出樗曰張德遠有重墜居閩分冀

若使其爲江淮荆浙福建等路宜撫使俾以諸道兵赴闕宣撫來路即朝廷歸路也鼎於是入秦遂起浚知樞密院事浚至執鼎手曰此行舉措皆合人心鼎笑曰子才之功也樗于是往來鼎浚間多所裨益頃之以鼎薦授祕書省正字兼史館校勘初金旣退師馮浚相得驩甚人知其將並相樗獨言二人宜且同在樞府他日趙退則張繼之則氣脈長先是樗與張九成皆言和議之非便秦檜既主和言者希言効樗與九成諂訕樗出知舒州懷寧縣通判衡州已而致



仕檜死復起歷提舉浙東常平以治績聞淳熙中卒

洪興祖

洪興祖字慶善丹陽人登政和上舍第後為太常博士上疏乞收人心紹興四年蘇湖地震興祖時為駕部郎官應詔上疏其言朝廷紀綱之失為時宰所惡主管太平觀起知廣德軍視水原為陂塘六百餘所民無旱憂歷擢知饒州先夢持六刀覺曰三刀為益今倍之其饒乎嘗作程瑀論語解序言者希秦檜肯勅其怨望遂編管昭州卒年六十六

鄭樵

鄭樵

鄭樵字漁仲莆田人好著書自負不下劉向楊雄居夾漈山謝絕人事久之乃游名山趙鼎張浚而下皆器之以侍講王綸賀允中薦得召對因言班固以來歷代為史之非給札歸抄所著通志書成入為樞密院編修官未幾又坐言者寢其事卒年五十九學者稱夾漈先生樵同郡林震字時隱擢進士第博學深象數與樵為金石交林光朝嘗師事之紹興中為敕令所刪定官力詆秦檜和議即掛冠去當世高之

林之奇

林之奇字少穎侯官人從呂本中學紹興中第進士歷官校書郎會朝廷欲令學者參用王安石三經義之說之奇上言王氏三經率為新法地晉人以王何清談之罪深干桀紂王氏實負王何之責或傳金人欲南侵之奇作書抵當路以為吾欲與之和宜無憚於戰以痺疾乞外遂以祠祿家居卒年六十五

林光朝

林光朝字謙之莆田人南渡後以伊洛之學倡東南者自光朝始然未嘗著書年五十進士及第累官國子司業是時張說再除僉書樞密院事光朝不往賀遂出為廣西提點刑獄移廣東茶寇自荆湘剽江西薄嶺南光朝督二將遮擊連敗之賊稍遁孝宗聞之喜曰林光朝儒生乃知兵耶淳熙四年除中書舍人是時吏部郎謝廓然由曾覲薦賜出身除殿中侍御史命從中出光朝愕曰是輕臺諫蓋科目也因引疾奉祠卒年六十五

楊萬里



楊萬里字挺秀吉水人登紹興進士第再調零陵丞張浚謫求勉以正心誠意之學乃名讀書之室曰誠齋後知奉新縣召爲國子博士侍講張栻以論張說出守袁州萬里抗疏留栻又遺虞允文書以和同之說規之歷將作少監出知漳州改常州尋提舉廣東常平茶鹽沈師犯南粵帥師往平之孝宗稱之曰仁若之勇遂有大用意就除提點刑獄免召爲尚書左郎官淳熙十二年五月以地震應詔上書東官講官缺帝親擢萬里爲侍讀王准爲相一日問曰宰相先務者何事曰人才又問孰爲才即疏朱熹袁樞以下六十人以獻高宗崩孝宗欲行三年喪創議事堂命皇太子參決庶務萬里上疏力諫且上太子書言天無二日民無二王光宗立召爲秘書監會未進孝宗聖政光宗猶銜之出爲江東轉運副使朝議欲行鐵錢於江南萬里疏其不便不奉詔忤宰相意改知贛州不赴乞祠寧宗立召還辭乃進秩予祠嘉泰二年進寶謨閣學士卒年八十三謚文節初韓侂胄嘗築南園屬記許以掖道曰官可弃記不可作也遂杜

門隱居聞侂胄開邊誤國不食而死

劉子暈

劉子暈字彥冲幹之仲子以父任補官終死靖康之難子暈痛憤廬墓三年服除通判興化軍馬寇就犯闕境子暈畫計備禦賊不敢犯子暈始執喪致羸疾至是辭歸武夷山不出者凡十七年事繼母呂氏及兄子羽盡孝友而督教姪珙卒有立與胡憲劉勉之交以講學爲事朱松且死託子熹於子暈及熹請益告以易不遠復三言卒年四十七學者稱屏山先生

宋

卷三十一

十五

呂祖謙

呂祖謙字伯恭好問之孫自其祖始居婺州祖謙學本家庭有中原文獻之傳長從林之奇汪應辰胡憲游與張栻朱熹友初蔭補後舉進士復中博學宏詞稱歷太學博士兼史職輪對勉孝宗以聖學且言恢復規模嘗讀陸九淵文喜之而未識其人考試禮部得一卷曰此必江西小陸之文也揭示果九淵脩徽宗實錄書成進秩常而對言曰願陛下虛心以求天下之士執要以總萬事之機遷著作郎以疾請祠歸

先是書肆有書曰聖宋文海周必大言去取差繆孝宗以命祖謙遂斷自中興以前類爲百五十卷上之賜名皇朝文鑑詔除直秘閣尋主管中祔觀明年除著作郎卒年四十五祖謙學以開洛爲宗少下急一日誦孔子躬自厚而薄責於人忽覺平時忿憶渙然冰釋朱熹嘗言學如伯恭方是能變化氣質

陸九齡

陸九齡字子壽金溪人唐宰相希聲八世孫也父賀有學行爲鄉里所宗九齡自幼穎悟稍長補郡弟子

宋

卷三十一

十七

員秦檜當國士無敢道程氏學者九齡獨尊其說久之聞新博士學黃老不事禮法慨然嘆曰此非吾所願學也遂歸家從父兄講學入太學司業汪應辰舉爲學錄乾道五年進士第調桂陽軍教授改興國軍未上會湖南茶寇剽廬陵聲搖旁郡舊有義壯以佛寇郡從衆請以九齡主之門人多不悅九齡曰文事武備一也調度屯禦皆有法及至興國俗儉尚而鮮知學九齡益嚴規矩服除調全州教授未上得疾一日晨興坐牀上與客語猶以天下學術人才爲念

至夕整襟正卧而卒年四十九九齡與弟九淵相爲師友和而不同學者號二陸弟九韶字子美其學淵粹隱居山中著有俊山文集

劉勉之

劉勉之字致中崇安人以鄉舉請太學譙定至京師勉之聞其從程頤遊遠易學遂師事之歸見劉安世楊時皆請業焉及至家與胡憲劉子翬日以講論切磋爲事紹興間特召請勉之知不與秦檜合即謝病歸社門十餘年號曰白水先生婦家富無子謀盡

宋

卷三十一

十八

友宋松卒屬以後事且戒其子熹受學卒年五十九

郭雍

郭雍字子和河南人父忠孝字立之受易中庸於程頤號兼山先生以蔭補官第進士不忿去親側多往子河南筦庫問宣和中爲河南東路提舉忤宰相王黼免靖康初爲軍器少監入對斥和議改永興軍路提點刑獄措置保甲金人犯永興經略使唐重分城而守城陷與重俱死之雍傳其父學通世務隱居

州號白雲先生孝宗以守帥薦召不起賜號冲晦處士後更封願正先生仍遺官就問雍所欲言備錄繳進於是雍年八十有二矣淳熙初學者哀集程顥程頤張載游酢楊時及忠孝雍凡七家為大易粹言

魏揆之

魏揆之字子實初字元履建陽人師胡憲與朱熹游兩以鄉舉試禮部不第嘗客衡守章傑所趙鼎謫死其子汾將喪過衢傑雅憾問又希秦檜意遣尉翁蒙之掩取則故舊簡牘蒙之先遣人告汾焚之逮至一

卷三十一

十九

無所得傑怒治蒙之拘汾且以告檜揆之以書責傑長揖徑歸築室讀書榜以良齋人稱曰良齋先生乾道中以遺逸召力辭宰相陳俊卿閩人雅知揆之招甚力乃以布衣入見極陳當時之務賜同進士出身守太學錄請廢安石父子從祀追爵程顥程頤列祀典不報罷為台州教授行古社倉民賴以濟諸鄉社倉自揆之始或訾其近名則感然曰使夫人避此嫌為善之路絕矣病革毋視之不巾不見召朱熹至委以後事卒年五十八

范冲

范冲字元張祖禹子也登紹聖進士第歷兩淮轉運副使紹興重修神哲實錄直史館初祖禹元祐中嘗修神宗實錄盡書王安石之過以明神宗之聖其後安石婿蔡下惡之祖禹坐謫死嶺表至是復以命冲上曰兩朝大典皆為姦臣所壞故以屬卿會皇子建國公瑗出就傳首命冲而朱震兼贊讀冲震皆一時名德老成尋奉祠卒年七十五冲性好義樂善司馬老家屬皆依冲所請以光之族曾孫宗召主光祠又

卷三十一

二十

朱震

朱震

朱震字子發荆門人登政和進士第仕州縣以薦稱胡安國薦於高宗召為司勳員外郎稱疾不至會趙鼎為參知政事上諮以當世人才鼎曰臣所知朱震士之冠冕上乃召之擢祠部員外郎建國公出就傳以震為贊讀遷中書舍人兼翊善紹興七年震謝病丐祠旋知禮部貢舉會疾卒震經學深醇有源上易解云陳搏以先天圖傳种放放傳穆修穆修傳李

之才才傳邵雍放以河圖洛書傳李溉溉傳許堅  
堅傳范諤昌諤昌傳劉牧穆修以太極圖傳周惇頤  
惇頤傳程顥程頤是時張載講學于二程邵雍之間  
故雍著皇極經世書牧陳天地五十有五之數惇頤  
作通書程頤著易傳載造太和參兩篇臣今以易傳  
為宗和會雍載之論

薛季宣

薛季宣字士龍永嘉人徽言之子也年十七起從荆  
南帥辟書寫機宜文字獲事袁溉溉嘗從程頤學盡  
宋 卷三十一 二十一  
以其學授之樞密使王炎薦于朝召為大理寺主簿  
時江湖大旱沈民北渡江宰相虞允文白遣季宣行  
淮西還言于孝宗曰齊威之霸不在阿即墨之誅賞  
而在毀譽者之刑臣觀近政奈何毀譽之人自若乎  
又言近或以好名棄士大夫好名者特為臣子學問  
之累人主為社稷計唯恐士不好名帝稱善除大理  
正出知湖州改知常州未上卒年四十

劉清之

劉清之字子澄臨江人登紹興二十七年進士第歷

調萬安縣丞帥龔茂良以救荒實跡聞於朝得知宜  
黃縣茂良入參知政事與丞相周必大薦于孝宗召  
對通判鄂州差權發遣常州改衡州先是郡師厨傳  
以事常平刑獄二使者月一會集互致折餽清之歎  
曰此何時也吾惟求無負於吾民足矣部使者惡其  
不能媚已諷臺臣論于祠歸光宗即位起知袁州而  
疾作卒

程迥

程迥字可久寧陵人後徙餘姚登隆興元年進士第  
歷知上饒縣已而奉祠寓番陽之蕭寺迥嘗授經學  
於崑山王葆嘉禾聞人懋德嚴陵喻鏐朱熹以書告  
迥于絢曰敬惟先德傳聞至行著書滿家足以傳世  
絢以致仕恩調陵尉攝邑事能理冤獄孫仲熊亦有  
名

廖德明

廖德明字子晦南劍人受業於朱熹登乾道進士第  
知蕭田縣會有顯者欲取邑地廣其居德明不可累  
官知澤州有聲選廣東提點刑獄彈劾不避權輿時

盜陷桂陽迫韶德明遣將馳擊親持小麾督戰大敗之徙知廣州遷吏部左遷郎官奉祠卒

陳傳良

陳傳良字君與瑞安人時永嘉鄭伯熊薛季宣皆以學行聞傳良皆師事之及入太學與張拭呂祖謙友善登進士第甲科歷太學錄出通判福州為勢家所中罷歸後五年起知桂陽軍光宗立歷浙西提點刑獄除吏部員外郎去朝四十年至是鬚髮無黑者都人聚觀嗟嘆號老陳郎中傳良為學自三代秦漢以下靡不研究而于太祖開創本原尤為潛心紹熙三年除起居舍人明年兼權中書舍人初光宗得心疾自是視章疏不時傳良奏曰一國之勢猶身也墜底則致疾帝悟會疾亦稍平過重華宮而明年重明節復以疾不往百官力諫不聽方召內侍陳源為內侍省押班傳良草詞且疏請過宮帝將從之百官班立以俟帝出至御屏皇后挽帝回傳良遂趨引上裾后叱之傳良哭于庭寧宗即位召為中書舍人會詔朱熹與外祠傳良不書行乃與熹州郡御史中丞謝澗

甫論傳良言不顧行出奉祠嘉泰二年起知泉州辭終於定年六十七

葉適

葉適字正則永嘉人淳熙五年進士第一人歷太學博士因輪對奏曰兵以多而至於弱財以多而至於乏不信官而信吏不任人而任法不用賢能而用資格除太常博士兼實錄院檢討官會朱熹為林栗所劾適上疏爭不報光宗嗣位出知蘄州入為尚書左遷郎官是時帝以疾不朝重華宮及孝宗不豫神臣至聖泣攀裾以請帝竟不往適實宰相留正曰上有疾明甚父子相見當俟疾瘳公不播告使臣下轉讓君父可乎求幾孝宗崩光宗不能執喪軍士籍籍相語變且不測適又告正曰上疾不能執喪將何辭以謝天下嘉王長若預建參決則疑謗釋矣宰執用其言向入奏立嘉王為皇太子遂立嘉王侂胄恃功以遷秩不滿怨望適以告汝愚曰侂胄所望不過節鉞宜與之汝愚不從適嘆曰禍自此始矣遂力求補外知泉州召入對言於寧宗曰治國以和為體慶事以

平爲極初韓侂胄用事海內知名士貶竄殆盡故適  
奏及之且薦樓鑰丘岳黃度三人悉與郡時有勸侂  
胄立蓋世功以固位者侂胄然之將啓兵端適因奏  
必先審知強弱之勢弱可變而爲強累遷寶謨閣待  
制知建康府及金兵大入適謂劫若南人所長乃募  
市井悍少併帳下願行者二百人使采石將徐緯統  
以往金自滁州遁去進寶文閣待制兼江淮制置使  
又度沿江地創三大堡因言堡塢之成有四利侂胄  
諒中丞雷孝友劾適附侂胄用兵遂奪職自後奉祠  
卷三十一  
著凡十三年卒年七十四

蔡幼學

蔡幼學字行之瑞安人年十八試禮部第一時陳傅  
良有文名太學幼學從之游祭酒芮燁及呂祖謙連  
薦拔輒出傳良右孝宗聞之因策士將真首列時外  
戚張說用事宰相虞允文梁克家皆陰附之幼學對  
策指虞允文梁克家又曰陛下使媿子預兵柄其人  
無一才可取蓋指張說也帝覽之不懌虞允文尤惡  
之遂得下第教授廣德軍歷遷校書郎時光宗以疾

不朝重華宮幼學上封事不報寧宗即位詔求直言  
幼學又奏陛下欲盡爲君之道莫先于講學韓侂胄  
方用事幼學遂力求外補特除提舉福建常平時朱  
熹居建陽幼學每事咨訪遂爲御史劉德秀劾罷奉  
祠者凡八年有勸侂胄以收召海內名士者乃召幼  
學侂胄既誅遷中書舍人除龍圖閣待制知泉州徙  
建康福州進福建路安撫使政主寬大召權兵部尚  
書卒年六十四

宋儒林列傳卷之三十二

陳亮

陳亮字同父永康人生而目光有芒為人才氣超邁喜談兵論議風生下筆數千言立就嘗攷古人用兵成敗之跡著酌古論隆興初與金人約和天下忻然幸得蘇息獨亮持不可婺州方以解頭薦因上中興五論奏入不報已而退修于家學者多歸之益力學著書者十年先是亮嘗觀錢唐謂然嘆曰城可濶爾蓋以地下於西湖也至是孝宗即位蓋十七年矣

亮更名同謙關上著其舉國臣惟中國天地之正氣也天命所鍾也人心所會也衣冠禮樂所萃也百代帝王之所相承也挈中國衣冠禮樂而寓之偏方維天命人心猶有所係然豈以是為可久而無事也今世之儒士自以為得正心誠意之學者皆風痺不知痛癢之人也舉一世安於君父之讎而方低頭拱手以談性命不知何者謂之性命乎今世之才臣自以為得富國疆兵之術者皆狂惑以肆叫呼之人也不以暇時講究立國之本末而方揚眉伸氣以論富疆

不知何者謂之富疆乎書奏孝宗赫然震動用神放故事召令上殿將擢用大臣交沮之乃有都堂審察之命宰相臨以上指所欲言皆落落不少貶又不合帝欲官之亮笑曰吾欲為社稷開數百年之基寧用以博一官乎亟渡江而歸日落魄醉酒醉中戲為大言一士欲中亮以其事首刑部侍郎何澹澹即繳卷事下大理答掠無完膚誣服為不軌事聞孝宗知為亮嘗陰遣左右麻知其事亮遂得免居無何亮家僮殺人于境遭殺者嘗辱亮父疑事由亮聞于官論亮情重下大理時丞相王淮知帝欲生亮而幸其罪惡點素高亮才捷之尤力復得不死亮自以柔條屢遭大獄歸家益厲志讀書所學益博其學自孟子後惟推王遙嘗曰研窮義理之精微辨析古今之同異原心於抄忽較禮于分寸以積累為工以涵養為正辟而益背則於諸儒誠有愧焉至于堂堂之陳正正之旗風雨雲雷交發而並至龍蛇虎豹變現而出後雅倒一世之智勇開拓萬古之心曾自謂差有一日之長亮意益增未幾呂祖謙云高宗崩亮感孝宗之



知至金陵視形勢復上疏時孝宗將內禪不報由是  
在庭交怒以爲狂惟光宗策進士亮以君道師道對  
曰臣竊嘆陛下之於壽皇莅政二十有八年之間寧  
有一政一事之不在聖懷時上不朝重華官群臣迭  
諫皆不聽喜亮策善處父子之間擢第一既知爲亮  
又喜曰朕擢果不謬孝宗在南內寧宗在東宮聞之  
皆喜授僉書建康府判官廳公事未上卒亮性存經  
濟重許可人雖爲布衣薦士恐弗及家僅中產騎人  
寒士衣食之久不衰卒後吏部侍郎葉適請于朝官  
宋

李道傳

李道傳字貫之舜臣之子也讀河南程氏書至忘寢  
食寧宗時登進士第歷遂州教授吳曦反曦黨以職  
意脅道傳道傳以義折之竟棄官歸曦平累遷秘書  
郎見帝首言憂危之言不聞于朝廷非治世之象求  
補外知真州除提舉江東路常平茶鹽公事初至即  
按劾劾貪縱典漕臣直德秀振饑窮攝宜州守行朱  
熹社倉法入對言無所諱除兵部郎官出知果州道

卒年四十八兄心傳字微之慶元元年爲於鄉既下  
第絕意不從應舉閉戶著書晚因崔與之許奕魏了  
翁之薦自薦置再敦遣至闕下爲史館校勘賜進士  
出身端平三年召赴闕爲工部侍郎未幾復以言去  
奉祠致仕卒年七十八無子以道傳之子爲後

楊恭之

楊恭之字叔正眉州人少刻志于學慶元初類試詞  
瀘州刷歷知嚴道縣攝通判嘉定宣撫使安丙薦之  
赴都堂審察以親老辭免喪知富順監去官以祿廩  
數千緡予鄉里以千緡爲義莊知晉州以安居安岳  
二縣愛獨尤憐力白丙盡蠲其賦知果州踏零錢病  
民以一年經費儲其廩爲諸邑對減理宗即位趣入  
對爲工部郎中紹定中入對言巴陵追降之命重於  
違群臣輕於絕友愛知重慶府奉祠卒

劉愚

劉愚字必明龍游人弱冠上舍釋褐第一調江陵府  
教授移安鄉縣令有惠政鄉人丞相余端禮與愚有  
舊且召堂審竟捨去著書自適年八十三卒妻徐氏



其貪事機杆愚管懷白金歸徐怒曰我以子為賢而若是愚出書以示束脩得也乃已子克有詩名

葉味道

葉味道初諱賀孫以字行更字知道温州人師事朱熹試禮部第一時禁偽學味道對策率本程願無所避黜之味道復從熹于武夷山中學禁開乃登第調鄂州教授理宗訪問熹之徒及所著書部使者以味道聞授太學博士兼崇政殿說書帝忽問鬼神之理疑伯有之事涉於誕味道對曰陰陽二氣之散聚雖天地不能易遷秘書著作佐郎而卒帝出內帑贖其喪升一官任其後故事未有也

何基

何基字子華金華人師事黃幹景定五年以薦被命添差婺州學教授兼麗澤書院山長力辭未竟理宗崩咸淳初授吏館校勘兼崇政殿說書屢辭改承務郎主管西岳廟終亦不受也卒年八十一

王柏

王柏字會之金華人大父崇政殿說書師愈父朝奉

郎瀚俱得伊洛之學柏少慕諸葛亮為人自號長嘯年踰三十始捐去俗學勇于求道與其友汪開之著論語通旨至居處恭執事敬惕然嘆曰長嘯非聖門持敬之道亟更以魯齋以何基嘗從黃幹得熹之傳即往從之蔡抗楊棟相繼守婺趙景緯守台聘為麗澤上蔡兩院師柏之言曰伏羲則河圖以畫八卦文王推八卦以合河圖又曰大學致知格物章未嘗亡還知止章于聽訟之上其卓識獨見多此類也其卒整衣冠端坐揮婦人勿近

徐夢莘

徐夢莘字商老臨江人第進士歷官主管廣西轉運司文字朝廷議易一廣鹽法遣廣西安撫司幹官胡廷直與東西漕臣集議于境夢莘從行議與廷直不合後廷直為轉運使夢莘知賓州猶以前議為梗法罷去夢莘平生多著述卒年八十三弟得之從子天麟俱舉進士得之字思叔終通直郎天麟字仲祥歷官權發遣廣西轉運判官所至有惠政

王應麟

王應麟字伯厚慶元府人淳祐元年第進士從王楚受學歷揚州教授初應麟登第言曰今之事舉子業者一切委棄制度典故漫不省非國家所望於通儒於是閉門發憤誓以博學宏詞科自見假館閣書讀之寶祐四年中是科應麟與弟應奉同日生開慶元年亦中是科添差浙西安撫司幹辦公事帝御集英殿策士召應麟覆考帝欲易第七卷真其首應麟讀之廼頃首為得士賀遂為首選及唱名乃文天祥也度宗即位累遷著作郎守軍器少監經筵人日雪帝

卷三十一

七

其父橋嘗守是郡父老皆曰此清白太守子也遷起居郎兼權吏部侍郎時朝臣無以邊事言者應麟指陳成敗逆順之說似道復謀逐之適以憂去及似道潰師江止授中書舍人兼直學士院即引疏陳十事兼給事中丞相留夢炎用徐夔為御史擢江西制置使黃萬石等應麟繳奏遂東歸後二十年卒

宋儒林列傳卷之三十三

和峴

和峴字晦仁浚儀人晉宰相魯國公凝之子以蔭歷太常丞宋初授太常博士乾德二年孝明孝惠二后神主祔別廟三年十二月朔百神峴皆獻議從之先是王朴竇儼洞曉音樂前代不協律呂者多所考正峴講求其理以均節之自是八音和暢上甚嘉之太宗即位遷主客郎中歷京東轉運使峴性苛刻鄙吝好殖財復輕侮人嘗以官船販易規利坐削籍配隸汝州起為太常丞復判太常寺兼禮儀院事未幾卒

宋

卷三十三

一

柳開

柳開字仲塗大名入父承翰監察御史五代文格淺弱開慕韓愈柳宗元為文因名省愈字紹元既而改名字以為能開聖道之塗也著書自號東郊野夫又號補亡先生尚氣自任不顧小節范杲好古學尤重開文世稱為柳范開寶六年第進士歷宋州錄事參軍太宗累遷殿中侍御史因事貶上蔡令時朝廷銳意北征開詣闕上書願效死戎行淳化初移知桂州

坐事黜為復州團練副使移滁州復舊官知環州三年移邠州至州葺城壘戰且諸將多沮議不協即求換郡徙忻州四年徙滄州道病殤今年五十四開元肩吾至御史肩吾三子湜灝沆並進士第

梁周翰

梁周翰字元褒管城人周第進士歷開封府戶曹參軍宋為秘書郎直史館五代以來文體卑弱周翰與高錫柳開范杲齊名及當時有高梁柳范之稱歷通判綿眉二州坐杖人至死奪二官開寶二年遷左

宋

卷三十三

十一

拾遺監綾錦院坐杖錦工過差為其所訴太祖甚怒將杖之周翰自言臣負天下才名不當如是太祖乃解止授左司農寺丞太平興國中知蘇州雍熙中歷起居舍人至道中遷工部郎中真宗在儲官知其

之時為左庶子因令取所為文周翰悉纂上以

善及即位首擢駕部郎中知制誥召入翰林

工部侍郎卒錄其子同

印

舉之其先京兆人徙家南陽父蘇光家衡山

熊若谷鄧洵美同學朱遵度好讀書人號之

世目昂為小萬卷北游江淮韓令坤署權知

子縣便宜綏輯逋亡者七千餘家令坤表授

宋初為衡州錄事參軍嘗讀陶潛閑情賦而

凶廣其辭累遷監察御史江南轉運副使太宗

不遷水部郎中真宗累遷翰林學士踰年拜章乞骸

骨乃拜工部侍郎致仕自稱退叟卒年八十三子正

彛正辭並登進士第正基虞部員外郎

郭忠恕

東

卷三十三

二

郭忠恕字恕先洛陽人七歲能屬文舉童子及第九

工篆籀弱冠漢湘陰公召之忠恕拂衣遽辭去周廣

順中為周易博士建隆初坐酒失貶再削籍配隸靈

武或踰月不食盛夏暴露日中體不沾汗窮冬鑿河

冰而浴其傍太宗召授國子監主簿館於太學令刊

定歷代字書忠恕性少檢敗度上憐其才每優容之

益使酒肆言謗譏時擅鬻官物取其直詔杖流登州

行至齊州臨邑謂部送吏曰我今逝矣因指地為穴

度可容其面俯窺焉而卒臺葬道側後累月故人取

其尸將改葬之其體甚輕空空然若蟬蛻焉

趙隣幾

趙隣幾字亞之須城人周第進士解褐秘書省校書郎從事太宗直史館改宗正丞郭贊宋白薦之而帝又嘉其所獻頌遷左補闕知制誥數月卒年五十九

和嶠

和嶠字顯仁疑第四子也太平興國八年登進士第釋褐霍丘主簿歷光祿寺丞先是疑嘗取古今史傳斷獄雪冤事者為疑獄集嶠因增益事類分為三卷

宋

卷三十三

四

與上之俄獻所著文賦召試中書擢為太子中允至道元年賜金紫與王且同判吏部銓是秋晨起將朝風眩暴作卒嶠弟崑始為三班奉職改授大理評事

羅處約

羅處約字思純華陽人父濟仕蜀為升朝官歸朝至太常丞處約嘗作黃老先六經論人多重之登第為臨渙主簿再遷大理評事知吳縣王禹偁知長洲縣日以詩什唱酬蘇杭間多傳誦後並召赴闕太宗自定題試之以禹偁為右拾遺處約著作郎皆直史館

淳化中卒兄賁官至員外郎蜀士又有嚴儲者太平興國中進士後直史館使河北陷於契丹

吳淑

吳淑字正儀丹陽人父仕淑以校書郎直內史歸朝久不調甚窮窘以近臣薦試學士院授大理評事累遷職方員外郎疏請用古車戰法上嘉其博學

徐鉉

徐鉉字鼎臣廣陵人十歲能文不妄交游與韓熙載齊名江東人謂之韓徐仕吳為校書郎任南唐李昇

宋

卷三十三

五

宋師圍金陵煜遣鉉求緩兵及隨煜入覲太祖責之聲甚厲鉉對曰臣為江南大臣國亡罪當死不當問其他太祖嘆曰忠臣也事我當如李氏命為太子率更令鉉歷左散騎常侍因事貶靜難行軍司馬鉉至京師見被毛褐者輒晒之邠州苦寒終不禦毛褐致冷疾卒年七十六弟錯字楚金李景以為秘書省正字累官內史舍人因鉉奉使入宋憂懼而卒

何中正

何中正字坦然華陽人孟昶時授崇文館校書郎復

進士及第歸朝補曹州錄事參軍太平興國二年  
獻八體書召授著作佐郎直史館又命與著作佐郎  
吳鉉大理寺丞楊文舉同撰定雍熙廣韻帝以大小  
篆八分三體書考經咸平三年上之真宗問所書幾  
許時曰臣寫此書十五年時乾州獻古銅鼎命與杜  
鎬詳驗援據甚悉卒年七十四子希古希仲並進士

曾致堯

曾致堯字正臣南豐人太平興國八年進士歷太常  
博士真宗即位累遷戶部員外郎因抗疏狂躁被黜  
復官累遷戶部郎中卒子易從易占皆登進士

路振

路振字子發祁陽人唐相巖四世孫巖斃死嶺外其  
子琛避地湘潭間因居焉振父洵美事焉希杲振淳  
化中舉進士歷官同修起居注嗜酒得疾卒錄其子

穆修

穆修字伯長鄆州人真宗東封詔舉齊魯經行之士  
修預選賜進士出身掌右史十餘歲立堦上退匿楹  
間慮上之見善鼓琴慨舍甚湫澁彈琴同酌累補頴

州文學參軍徙蔡州卒一時士大夫稱能文者必曰  
穆參軍蓋異楊億劉筠聲偶之體云

石延年

石延年字曼卿先幽州人晉以幽州迫契丹其祖舉  
族南走家宋城延年跌宕任氣節為文勁健真宗錄  
二舉進士以為三班奉職延年耻不就張知白素奇  
之不得已就命歷太子中允同判登聞鼓院嘗上言  
天下不識戰三十餘年請為一邊之備不報及元昊  
反始思其言延年喜劇飲嘗與劉潛造王氏酒樓對

飲終日不交一言明日都下傳王氏酒樓有二仙來

飲已乃知劉石也年四十八卒官其一子當時有魏  
惟儼秘演者並工詞章負氣節隱於汴居延年友善  
歐陽脩稱為奇男子云

燕舜欽

燕舜欽字子美易簡之孫父耆有才名嘗為工部郎  
中直集賢院舜欽以父任補太廟齋郎調榮陽縣尉  
玉清昭應宮災舜欽年二十一詣登聞鼓院上疏援  
五行志及劉向所論魯成公三年新宮災襄公九年

春宋火二事為諫尋第進士改光祿寺主簿知長和縣遷大理評事監在京店宅務康定中河東地震拜欽詣極通疏二事一日正心二曰擇賢范仲淹薦其才召試為集賢校理監進奏院奏欽所論議既多侵權貴而婦父杜衍與仲淹富弼在政府多引用一時聞人欲更張庶事御史中丞王拱辰等不便其所為會進奏院祠神拜欽與右班殿直劉巖用鬻故紙公錢召妓樂問多會賓客拱辰廉得之諷其屬劾奏因欲搖動衍事下開封府劾治於是拜欽與巖俱坐

宋史卷一百一十五

自盜除名同時得罪者十餘人拱辰等自喜曰吾一舉網盡矣拜欽既放廢寓于吳中二年得湖州長史卒年四十一拜欽數上書論朝廷事在蕪州買水石作滄浪亭益讀書時發憤懣於歌詩兄舜元為人任氣節為歌詩亦豪捷善草書官至尚書度支員外郎

尹源

尹源字子漸與弟洙皆以文學知名初以祖蔭補官第進士歷通判涇州常作唐說及叙兵十篇上之趙元昊寇定川堡葛懷敏發涇原兵救之源時通判慶

州遺懷敏書宜駐兵瓦亭擇利而後動懷敏不聽以敗范仲淹韓琦薦其才召試學士院源素不喜賦請以論易賦主試者方以賦進不悅其言第其文下除知懷州卒

劉潛

劉潛字仲方定陶人起家進士為淄州軍事推官嘗知蓬萊縣代還過鄆州方與石曼卿飲朋母疾亟歸母死潛一慟遂絕妻亦撫潛大號而死同時以文學稱京東者歷城有李冠舉進士不第得同三禮出身

宋史卷一百一十五

顏太初

顏太初字醇之彭城人顏子四十七世天聖中文宣公孔聖祐卒無子除襲封且十年是時有醫許希以鍼愈仁宗疾拜賜已西向拜扁鵲帝為封扁鵲神應侯太初作許希詩指聖祐事以諷又致書叅知政事蔡齊賢為言於上遂以聖祐弟襲封山東人范諷石延年劉潛之徒喜豪放劇飲太初作東州逸賞詩太初第進士歷南京國子監說書卒

江休復

江休復字晦幾陳留人進士起家為桂陽監舉書判  
授華政大理寺丞與樛舜欽游坐預祠神會落職累  
遷尚書刑部郎中卒休復外簡曠而內行甚飭仁宗  
皇嗣未立休復著神告一篇假神告祖宗之意冀以  
感悟又嘗言昭憲太后子孫多流落民間宜甄錄之

章望之

章望之字表民浦城人由伯父得家蔭為秘書省校  
書郎監杭州茶庫逾年辭疾去求舉賢良方正得象

在相位以嫌扼之乃上書論時政凡萬餘言不報其  
兄拱之知晉江縣忤其守蔡襄怒誣以賊取望之脫  
泣力訴於朝歐陽修韓絳吳奎劉敞范鎮同薦其才  
除僉書建康軍節度判官不赴以光祿寺丞致仕卒

梅堯臣

梅堯臣字聖俞宣城人用從父翰林侍讀學士詢慶  
彌河南王簿堯臣工為詩以深遠古淡為意間出奇  
巧初未為人所知西京留守錢惟演獨堯賞之歐陽  
修與為詩友屢知襄城縣最後監永豐倉大臣屢

宜在館閣仁宗召試賜進士出身為國子監直講

遷尚書都官員外郎預脩唐書未成卒錄其子實元  
有人得西南夷布弓衣其織文乃堯臣詩也

楊傑

楊傑字次公無為人第進士元豐中常言大樂七失  
與范鎮異議哲宗即位議樂又用范鎮說傑復攻之  
鎮之樂律卒不用元祐中為禮部員外郎出澗州除  
兩浙提點刑獄卒年七十自號無為子

賀鑄

賀鑄字方回衛州人其父當世事尤長於慶曲常言  
吾輩猶軍使李商隱溫庭筠初娶宗女隸籍右選監  
太原工作時江淮間有米芾以魁岸奇請知名二  
人每相遇顧目抵掌論辨鋒起終日不能屈談者傳  
為口實元祐中換通直郎通判泗州又倅太平州鏡  
以尚氣使酒不得美官黃庭堅自黔中還得其江南  
海子之句以為似謝玄暉常自言知章之後且推本  
其初出王子慶忌以慶為姓居越所謂鏡湖者本慶  
初也遠漢安帝父清河王諱改為賀氏慶湖亦轉為



鏡故鑄自號慶湖遺老

黃庭堅

黃庭堅字魯直分寧人季常之甥也第進士歷知太和縣哲宗立召為校書郎紹聖初出知宣州改鄂州章惇蔡卞與其黨論實錄多誣貶涪州別駕黔州安置又移戎州徽宗即位以吏部員外郎召丐郡得知太平州至之九日罷主管玉隆觀庭堅在河北與趙挺之有隙挺之執政轉運判官陳舉承風旨上其荆南承天院記指為幸災復除名羈管宜州三年徙秀州未聞命卒年六十庭堅與張耒晁補之秦觀俱游蘇軾門天下稱為四學士蜀江四君子以庭堅配軾故稱蘇黃初游瀟皖山谷寺后牛洞樂其勝因自號山谷道人云

晁補之

晁補之字無咎鉅野人宗慤之曾孫也父端有工於詩補之年十七從父官杭州通判蘇軾稱其博辨舉進士試開封及禮部別院皆第一歷著作佐郎章惇當國出知齊州坐脩神宗實錄連貶監處信二州瀕

稅徽宗立復以著作召黨論起為諫官管師仁所論出知河中府脩河橋以便民民畫祠其像還家葺歸來園慕陶潛為人大觀末出黨籍起知蓬州改泗州卒年五十八

秦觀

秦觀字少游一字太虛高郵人少豪雋登第歷秘書省正字兼國史院編脩官紹聖初坐黨籍出通判杭州以御史劉拯論其增損實錄貶監處州酒稅又以賜告寫佛書為罪削秩徙郴州繼編管橫州又徙雷州徽宗立復宣德郎放還至藤州出游華光亭為客道夢中長短句索水欲飲水至笑視之而卒年五十三弟覲字少章觀字少儀皆能文

張耒

張耒字文潛淮陰人弱冠第進士歷起居舍人紹聖初請郡知潤州坐黨籍徙宜州謫監黃州酒稅徙復州徽宗立召為太常少卿甫數月復出知頰州汝州崇寧初復坐黨籍落職初未任頰州舊賦計為舉哀行服言者以為言遂貶房州別駕安置於黃五年得



自便居陳州作詩晚歲亦務平淡效白居易體而短  
府幼張籍晚監南嶽廟主管崇福宮卒年六十一

陳師道

陳師道字履常一字無已彭城人年十六以文謁曾  
肇一見奇之留受業熙寧中王氏經學盛行師道心  
非其說遂絕意進取鞏與五朝史事得自擇其屬朝  
廷以白衣難之元祐初蘇軾傳堯俞孫覺薦其文行  
起為徐州教授又用梁燾薦為太學博士言者謂在  
官嘗越境出見蘇軾改教授穎州又論其進非科第

宋

卷三十一

南

履歸調彭澤令不赴家素貧或經日不炊妻子媿見  
弗恤也久之召為秘書省正字卒年四十九師道初  
游京師踰年未嘗一至貴人門傳堯俞欲識之秦觀  
曰此人殆難致也知其貧懷金欲為餽比至聽其論  
議敬畏不敢出章停在樞府將薦於朝及得為相又  
致意終不往官穎時蘇軾知州事待之絕席欲參請  
門弟子間而師道賦詩有嚮來一辨香敬為曾南豐  
之語素惡友妍趙挺之適預郊祀禮寒甚衣無絲絮  
就假挺之家問所從得却去以疾死

劉恕

劉恕字道原筠州人父渙字凝之為穎上令棄去家  
於廬山之陽時年五十歐陽脩高其節作廬山高詩  
以美之恕少穎悟未冠舉進士時有詔能諳經義者  
別奏名應詔者才數十人恕擢為第一遂賜第引鉅  
鹿王簿和川令司馬光編次資治通鑑召為局僚王  
安石與之有舊欲引實三司條例恕以不習金穀為  
辭光出知永興軍恕亦以親老求監南康軍酒以就  
養許即官脩書官至秘書丞卒年四十七通鑑成追

宋

卷三十一

北

錄其勞官其子義仲次子和仲有超軼材番天

李公麟

李公麟字伯時舒城人也熙寧中登進士第博學精  
識喜書始學顧陸與僧繇道元及前世名手佳本至  
繼傳胸臆者甚富乃集眾善以為己用大抵公麟以  
立意為先布置綠飾為次其成染精緻俗工或可學  
焉至率略簡易處則終不近也故創意處如吳生蕭  
灑處如王維謂華嚴會人物可以對地獄變相龍眠  
山莊可以對輞川圖是也公麟初喜畫馬學韓幹略

有增損有秀法師讓之曰伯時爲士大夫而以蓄行  
已可耻又作馬忍爲之乎公麟志曰作馬無乃蕩人  
心墮惡道耶師曰公業已習此則日夕思其情狀求  
爲神駿繫念不忘一日眼究落地必入馬胎無疑非  
惡道而何公麟大驚不覺身去坐榻曰今當何以洗  
此過師曰但當畫大士像遂請大士像絕妙天下仕  
宦居京師過佳時則載酒出城拉同志二三人訪名  
園蔭林坐石臨水翛然終日當時富貴人欲得其筆  
跡者往往執禮願交而公麟斬固不答至名人勝士  
則雖昧平生相與追逐不厭乘輿下筆了無難色晚  
得痺疾呻吟之餘猶仰手畫被作落筆形勢家人戒  
之笑曰餘習未除不覺至此自號龍眠居士

王逢

王逢字會之當塗人其四世祖居巖仕唐爲驍衛長  
史遭亂棄官居青山楊行密據淮南使人以兵迫起  
之居巖散遣家人而以身歸行密授以湖州別駕不  
遣一日行密大會失居巖亟使人掩其家無一人在  
者其後有人於嵩山見空石室詢其旁或云有道人

王居巖嘗居此莫知所往逢博學能屬文尤長于講  
說授蕪州學者嘗數百人晚始登第歷太常博士通  
判徐州卒逢與胡瑗最善妻陳氏亦有賢行

唐庚

唐庚字子西丹陵人第進士爲宗子博士以張商英  
薦除提舉京畿常平歸蜀道卒年五十一子文若自  
有傳庚長兄瞻字望之後名伯虎字長儒治易春秋  
皆有家法元祐三年其父游瀘南伯虎兄弟居母喪  
於丹山伯虎夜半蹴庚曰吾夢收父書發之得亟來  
二字二日至瀘南父果病甚是日疾少間伯虎具舟  
侍父以歸居數日疾復作遂卒元符二年庚以貢舉  
事繫獄臨邛詔直伯虎臨邛并械之後卒于家

文同

文同字與可梓潼人漢文翁之後蜀人猶以石室名  
其家同自號笑笑先生善書篆隸行草飛白又善畫  
竹初不自貴重四方之人持繖素請者足相攝於門  
同厭之投筆於地罵曰吾將以爲職第進士遂太常  
博士集賢校理歷知湖州明年至陳州宛丘驛忽留

不行沐浴衣冠正坐而卒

黃伯思

黃伯思字長睿廬之孫饒州司錄應求之子以履任為假承務郎元符三年進士高等伯思好古文奇字遂以名家淳化中篆隸正行草章草飛白皆至妙絕頗好道家自號雲林子別字霄賓政和中卒年四十

李廌

李廌字方叔其先自鄆徙華廌謁蘇軾於黃州贊文求知軾謂其筆墨瀾翻有飛沙走石之勢鄉舉試禮

部

卷之三

大

部試典貢舉遺之賦詩以自責軾與范祖禹蘇將同薦諸朝未幾相繼去國不果軾亡廌哭之慟中年絕進取意謂願為人物淵藪始定居長社卒年五十一

李格非

李格非字文叔濟南人登進士第歷太學博士以文章父知于蘇軾紹聖立局編元祐章奏以為檢討不就屢執政意通判廣信軍召為校書郎以黨籍罷卒年六十一格非苦心工於詞章妻王氏拱辰孫女亦善文女清照詩文尤有稱嫁趙挺之子有劉侖者字

備明安福人登進士第中博學宏詞科歷太學博士元符中有事南郊進大禮賦哲宗覽之除秘書省正字徽宗改著作郎卒

米芾

米芾字元章吳人以母侍宣仁后薄却恩從仕歷官太常博士知無為軍召為畫學博士賜對便殿芾上其子友仁所作楚山清曉圖擢禮部員外郎出知淮陽軍卒芾為文奇險不以襲前人軌轍書法沈著飛翥得王獻之體畫亦各家尤善臨移瓦亂真不可辨

卷之三

卷之三

大

王安石嘗讀其詩句書于扇蘇軾亦喜譽之冠履致唐人風神蕭散音吐清暢所至人聚觀之而好潔成癖至不與人同巾屨所為謫異人傳為笑無為州治有巨石狀奇醜芾大喜曰此足以當吾拜具衣冠拜之呼為兄不能與世俯仰故數困友仁字元暉力學嗜古亦善書畫世號小米任至兵部侍郎敷文閣直學士芾壻吳激字彥高建州人書得芾法意工詩能文尤長於樂府使金以知名留不遣授翰林待制知深州卒有東山集十卷有馬定國者字子卿在平人

宣政末題詩酒家壁坐議訕得罪紹興初遊歷下以詩投僞齊劉豫豫官之至翰林學士定國嘗考后鼓字畫云是宇文弼時所造作萬言引據傳記人以爲定論

魏漢津

魏漢津本蜀黔卒也自言師事唐仙人李良號李八百者授以鼎鑪之法嘗過三山龍門聞水聲謂人曰其下必有玉卽脫衣沒水抱石而出果玉也崇寧初朝廷方協考鍾律得召見獻樂議漢津曉陰陽數術

多奇中嘗語所知曰不三十年天下亂矣未幾應

陳興義

陳興義字去非其先居京兆後爲洛人登上舍甲科歷太學博士高宗南遷遂避亂襄漢召爲兵部員外郎紹興中累官至叅知政事以疾請興祠卒年四十九嘗賦墨梅徽宗嘉賞之

葉夢得

葉夢得字少蘊吳縣人登進士第歷祠部郎官遷翰林學士極論士大夫朋黨之弊專於重內輕外且乞

身先衆人補郡自是或廢或起逮高宗駐蹕揚州遷翰林學士兼侍讀陳待敵之計有三日形曰勢日氣既而帝駐蹕杭州遷尚書左丞門下侍郎顏岐知杭州康允之皆嫉夢得又與宰相朱勝非議論不協會州民有上書訟夢得者上以夢得深曉財賦乃除提領戶部財用辭不拜紹興初起爲江東安撫大使初建康屯兵歲費無算夢得兼總四路漕計以給饋餉尋拜崇信軍節度使致仕卒湖州

程俱

程俱字致道開化人以外祖鄒鴻甫恩補官坐上書論事罷歸建炎中擢知秀州金兵南渡破崇德海鹽馳檄諭降俱率官屬棄城保華亭留兵馬都監守城朝廷命俱部金帛赴行在既至以病乞歸紹興初始置秘書省召爲少監奏修日曆俱據三館舊聞比次爲書名曰麟臺故事上之擢中書舍人徐俯爲諫議大夫俱繳還以爲俯所置尚淺近聞俯與中官倡和臣恐外人以此爲疑後二日言者論俱前棄秀州城罷興祠卒年六十七

熊克

熊克字子復建陽人御史大夫博之後紹興登進士知諸暨縣部使者尚燿薦之入為提轄文思院嘗以文獻曾親親持白于孝宗累遷學士院權直除起居郎兼直學士院以言者出知台州奉祠卒年七十三

趙蕃

趙蕃字昌父其先鄭州人大父賜宦萬玉山蕃以賜恩補官歷辰州司理系軍與郡守爭獄罷蕃受學劉清之清之守衡州求益安仁贖軍酒庫因以卒業至

宋

卷三十一

至

衡而清之罷蕃即巧祠從清之歸真德秀書之國史曰蕃於師友之際蓋如此肯負國乎理宗即位以大社令與劉宰同召不拜卒年八十七蕃年五十猶問學於朱熹既蓋備患末路之難命所居曰難齋蕃賦性樂易而剛介不可奪丞相周必大與蕃契屢加引薦竟不受守臣乞錄蕃後詔其子遂補上州文學景定三年益文節

宋隱逸列傳卷之三十四

戚同文

戚同文楚丘人幼孤事祖母以孝聞從楊慤投五經慤妻以女弟晉胤不求祿仕慤依將軍趙直疾亟以家事託同文即為葬三世數喪直復厚禮築室聚徒登第者六十人同文純質尚信義不積財與宗翼為友長子維仕隨州書記同文就養卒於漢年七十三維太祖朝累官職方郎中致仕卒年八十一

陳搏

宋

卷三十一

陳搏字圖南亳州真源人始四五歲戲鴻水岸側有青衣媼乳之自是聰悟日益及長讀經史百家言一見成誦無遺忘頗以詩名後唐長興中舉進士不第遂不求祿仕自言嘗遇孫君衍塵處士二人者高尚之人也語搏曰武當山九室巖可以隱居搏往棲焉因服氣辟穀歷三十餘年但日飲酒數盃移居華山雲臺觀又止少華石室每寢處多百餘日不起明宗聞之賜四美人搏却之不受乃作詩以謝周世宗好黃白術召留禁中命為諫議大夫固辭不受放還詔

州長史歲時存問太平興國中再來朝太宗待之甚厚因遣中使送至中書宋琪等從容問曰先生得玄默修養之道可以教人乎曰假令今日冲天亦何益於世今聖上仁聖之主也君臣協心同德勤行脩練無出於此琪等以其語自上益重之賜號希夷先生數月放還山端拱初忽謂弟子賈德升曰汝可於張超谷蔡石為室吾將憇焉石室成搏手書數百言為表如期而卒搏好讀易嘗自號扶搖子搏能逆知人意齋中有大瓢挂壁知道士賈休復欲之輒取以

宋

李琪

三

與華陰隱士李琪自言開元郎官已數百歲人罕有見者聞西逸人呂洞賓有術百餘歲尚童顏步履輕疾頃刻數百里世以為神仙皆數往來搏齋中宋祖既代周搏聞之曰天下自此定矣

种放

种放字明逸洛陽人沉默好學七歲能屬文父謂嘗令舉進士第放以業未成辭往來嵩華間慨然有山林意未幾父卒數兄皆干進獨放與母俱隱終南豹林谷之東明奉放得辟谷術性嗜酒種秫自釀曰空

山清寂聊以養和因號雲溪醉侯淳化三年轉還外惟幹言其才行詔召之其母恚曰常勸汝勿聚徒講學身既隱矣何用文為果為人知不得安處我將來汝誤入窮山矣故稱疾不起其母盡取筆硯焚之與放轉居窮僻人跡罕至太宗詔賜緡錢使養母不奉其志有司歲時存問咸平元年母卒盧於墓側翰林學士宋湜言其貧不克葬詔厚賚之四年以兵部尚書張齊賢薦為詔遣赴闕齋裝錢五萬放辭不起又召赴闕詢以民政邊事放曰明王之治愛民而已即日

宋

李琪

三

授左司諫數日復召見賜昭慶坊第一區自是屢召對六年春表謝者歸故山許之將行遷起居舍人景德元年春來朝二年擢右諫議大夫表乞嵩山養疾許之是冬復來朝三年以兄喪請告歸十月復至上遣內侍賁詔詢以經國大猷放上言豈伊許非敢預論述伏望寢此過聽遂其夙心上曰放能守分懇讓益可嘉也大中祥符九年命判集賢院從封太山拜給事中天禧二年四月求歸山宴餞於龍圖閣四年復來朝從祠汾陰拜工部侍郎放至闕下俄獲還山

山人有貽書勸以棄位居巖谷放不答放終身不廢  
祿賜既優晚飾頗飾與服於長安廣置良田歲利甚  
博亦有驅市者遂至爭訟門人族屬倚恣橫王闕  
宗守京兆放常乘醉假馮之嗣宗屢買放不法仍條  
上其事詔推究會赦恩而止四月求歸山又賜宴遣  
之放徙居嵩山天封觀側遣內侍就與唐觀基起第  
賜之然猶往來終南按視田畝每行必給驛乘在道  
或親詣驛吏規箝糧具之直時議浸薄之帝嘗曲宴  
令羣臣賦詩杜錫以素不屬辭謂北山移文讀之上  
管靜近臣因及為旅首事甚衆但外廷無知者由出  
所上時議十三篇八年十一月晨與忽取前後章  
條悉焚之服道士衣召諸生會飲酒數行而卒訃  
上親製文遣內侍致祭歸葬終南山贈工部尚書  
其姪世雍同學究出身初放嘗見陳搏曰子他日必  
白衣飄飄然各者古今之美麗造物者深忌之天地  
間無全名子名將起必有物敗之子其戒哉放之晚  
節果如圖南之言

萬適

萬適字縱之宛丘人自號適子精道德經淳化中  
韓丕任翰林學士上問曰卿早在嵩陽當時華流頗  
有遺逸否丕以適及楊璞田詰對上悉令召至闕詔  
書下而詰卒璞既至對於便殿不願仕進上賜束帛  
遣還適最後至特授慎縣主簿數日卒田詰歷城人  
好著述許家宋惟翰皆其弟子也

鄭璞

鄭璞字契玄鄭州人每乘牛往來自稱東里遺民嘗  
秋策入嵩山窮絕處構思為歌詩璞既被召還作

耕賦真宗遣出鄭州遣使賜茶帛卒年七十八

李漬

李漬洛陽人曾祖節仕梁歷後唐以太子少傅致仕  
祖延昭殿中丞父瑩善詞賦周廣順進士蒲帥張鐸  
辟為記室因家河中乾德初為殿中侍御史初瑩禱  
河祠而生漬故名漬字河神後改字長源王旦李宗  
諤與之世舊每勸其仕皆不答所乘馬常為宗人借  
懋於纒間人有見者以語漬漬即驚之其惡書如此  
真宗祀汾陰以廷臣薦命使召見辭足疾不起再遣

使使問常語諸子曰吾將與爾永訣爾輩當常在左  
右一日忽曰吾當逝矣亟取筆集付諸子促家人置  
酒頃之幸時天禧三年十二月三日也年六十三

魏野

魏野字仲先陝人嗜吟咏不求聞達居州之東郊手  
植竹樹清泉環遠野不喜巾情無貴賤皆紗帽白衣  
以見出則跨白驢過客野為詩精苦有唐人風格配  
汾陰成與李清並後為後遣內侍存問天禧三年十  
月無疾而卒年六十瀆即野之表兄也野卒後瀆六

宋史

六

日

邢敦

邢敦字君雅不知何許人家於雍丘常舉進士不第  
性介辭不妄交友里中號邢夫子真宗幸亳因詔授  
許州助教不受乾興元年無疾而卒年七十姻

林逋

林逋字君復錢塘人少孤力學家貧衣食不足晏如  
也初放遊江淮間久之歸杭結廬西湖之孤山二十  
年足不及城市真宗賜粟帛詔長吏歲時勞問薛軼

李及在杭州每造其廬常自為墓於其廬側臨終為  
詩有茂陵他日求遺藁猶喜曾無封禪書之句既卒  
仁宗賜諡和靖先生逋不娶無子教兄子宥登進士

高憚

高憚字文悅荆南高季興四世孫築室豹林谷從神  
於受業與同時張堯許勃號南山三友冠準薦之辭  
不起文彥博表其經術該通有高世之行詔賜第一  
區嘉祐中就除光祿寺丞復固辭夢道士持素書聘  
為白鹿洞主卒有韓退者稷山人亦師事神放母死

宋史

七

負土成墳徒跣終喪去隱嵩山吳遵路眉延年論其  
高節詔賜粟帛

徐復

徐復字復之建州人初舉進士不中退而學易自筮  
知無祿遂止進取意遊學淮浙間數年益通陰陽天  
文地理遁甲占射諸家之說日聽其鄉人林鴻範說  
詩范仲淹過潤州見復慶曆初與布衣郭京俱召見  
命為大理評事固以疾辭乃賜號冲晦處士補其子  
發試秘書省校書郎後居杭州數年卒京少任僕不



事家產平居好言范仲淹滕宗諒數薦之

孔叟

孔叟字寧極孔子四十六代孫隱居汝州龍山之淮陽城葬其父盧墓三年賜粟帛近臣薦授秘書省校書郎致仕居數年召為國子監直講辭不赴卒

何羣

何羣字通夫西乞人嗜古學喜激揚論議雖業進士非其好也石介為太學弟子推以為學長同舍目為白衣御史上書言三代取士尚行誼遂不復舉進士

王樵

王樵字肩望淄州人博通羣書尤善老易咸平中契丹渡河舉家被掠樵棄妻入契丹訪父母累年不獲還東遂與俗絕自號贅世翁惟以論兵擊勿為事歲年屢遊塞下畫策於何承矩取望求減遂復讎不用乃於城隅累磚自環謂之繭室病革入柩尸卒

張愈

張愈字少愚益州人遊學四方屢舉不第曾元初上

書言邊事以薦除試秘書校書郎願以授父顯而隱於家丁內艱鹽酪不入口再期植所持柳杖於墓間生枝葉後合抱六召不應常浮沅觀浙江升羅浮入九疑買石載鵝以歸杜門著書未就卒妻滿氏名芝賢而有文為之誄

陳烈

陳烈字季慈疾官人性介僻篤於孝友嘗以鄉薦試京師不利即罷舉仁宗屢詔不起嘉祐中以為本州教授歐陽脩又言之召為國子直講皆不拜已而罷

章翬

章翬字隱之成都人博通經史尤長易太玄蜀守累部使者薦之復教授本州在職不受廉俸鄉里問遠絲毫無所受家租有餘則推以濟貧乏卒年七十八

章翬

章翬字隱之成都人博通經史尤長易太玄蜀守累以逸民薦一賜粟帛再命州助教不就嘉祐中賜號冲退處士里人范百祿從扣太玄營為解述大旨曰

人之所好而不足者善也所醜而有餘者惡也卒年七十六子襪亦好古學

松江漁翁

松江漁翁者不知其姓名每棹小舟游長橋往來波上扣舷飲酒酣歌自得韶聖中閩人潘裕自京師調官回過吳江遇而異焉問舍所在曰吾姓各且不欲人知况居室耶飲畢長揖使裕反其所鼓柁而去

杜生

杜生者順昌人不知其名人呼其為杜五郎有屋兩間不出門者三十年黎陽尉孫軫往訪問所以不出門之因笑曰以告者過也指門前一桑曰憶十五年簡亦曾納涼其下但無用於時無求於人偶自不出爾問所以為生日與人擇日賣醫藥以給餬粥亦有時不繼後子能耕荷長者見憐與田三十畝自此食足擇日賣藥一切不為問常日何所為曰端坐兩間其子為人曰村童也然性質甚淳厚間一至縣買鹽酪可數行迹以待其歸未嘗旁游一步也

順昌山人

順昌山人靖康未有避亂於順昌山中者深入得茅舍主人風裁甚整即之語士君子也惟而問曰諸君何事累喪等至是邪因語之故主人曰亂何自而起眾爭為言至人嗟則久之曰我父為仁宗朝人也自嘉祐末卜居於此但知有熙寧紀年亦不知於今幾何年矣

南安翁

南安翁漳州人陳元忠嘗赴省試過南安會日暮投宿茅茨數椽竹樹茂密几案間文籍散亂陳叩之曰翁調子讀書乎曰種圃為生爾入城市乎曰不出十五年矣問藏書何用曰偶有之爾因雜以他語火瀉風雨暴作二子歸拾銀椀客不類農家子翁進豆羹草客遲明別去陳以事留城中翌日見翁倉邊行陳追詰何為到此曰大兒鬻粟失稅為關吏所拘翁與小兒偕詣庭下長子當杖翁懇白郡守曰若渠不勝杖則翌日乏食矣願以身代小兒曰大人豈可受杖來父耳旁語郡守疑之呼問其所以對曰大人原係滯賊正郎宣和間累與州郡守詢誰勅在否立遣使

隨兒發取米得之即延翁上坐謝而釋其子次日訪之室已虛矣

徐中行

徐中行臨海人遊京師司馬光聞神清氣和可與進道父死既足歲慕躬耕養母推其餘力葬內外親及州里貧無後者十餘喪晚年教授學者其友羅適持薪本路舉以自代又率部使者以道逸薦崇寧中郡守李諤又以入行焉一日去之黃巖客有詰以避舉要名者中行曰人而無行與禽獸等使吾得以入行應科日則彼不被舉者非人類與吾且欲避此名非要名也陳瓊謂與山陽徐積齊名時人行先生季子庭筠有志行黃巖尉鄭伯熊代去請益庭筠曰富貴易得名節難守年八十有五朱熹行部拜墓題詩庭筠兄庭規庭蘭有父風孫日升苦學有守

蘇雲卿

蘇雲卿廣漢人紹興間來豫章東湖結廬獨居若人稱曰蘆翁少與張浚為布衣交浚為相馳書函幣帛屬豫章帥及漕日余鄉人蘇雲卿管樂流亞幸親造其

廬必為我致之帥潛密物色獨有灌園蘇翁無雲卿也屏騎從更服為遊士入其圃翁連鋤不顧進揖之延入室土釜竹几地無纖塵案有西漢書一冊二卷恍若自失默計此為雲卿也遂叩其鄉里徐曰廣漢客曰張德遠廣漢人翁嘗識之曰然客問德遠何如曰賢人也弟長於知君子短於知小人德有餘而才不足因問德遠今何官二客因出書幣雲卿鼻間隱隱作聲若自答歎者二客力請共載醉不可期以詰朝上謁遣使迎伺則扃戶問然排入則書幣不啓家具如故而翁已遁矣

宋孝義列傳卷三十五

許祚

許祚江州人八世同居長幼幾入百口太宗旌其門  
間歲貸米千斛又有信州李琳十五世同居貝州田  
祚京兆惠從順十世同居廬州趙廣順安軍鄭彥圭  
信州俞雋八世同居陝州張文裕六世同居襄州張  
巨源劉芳潭州瞿景鴻溫州陳侶江陵褚彥達五世  
同居徐州彭程四世同居皆賜詔旌表門閭巨源習  
法律賜明法及第芳賜進士出身彥達補教練使

陳競

陳競德安人陳宜都王叔明之後有伯宜者避難泉  
州注司馬遷史記行於世後避廬因居德安常以著  
作佐郎召不起伯宜子崇為江州長史熹宗時詔旌  
其門南唐又為立義門從子江州司馬表表子試表  
禮節助十三世同居長幼七百口不蓄僕妾人無間  
言每食羣坐廣堂未成人者別為一席有犬百餘亦  
置一槽共食一犬不至泉犬不食米初平江南仍舊  
免其徭役助弟之子鴻鴻之弟競淳化詔本州歲貸

粟二千石後競死其從弟旭歲止受貸粟之半至道  
初遣內侍就賜御書還言旭家孝友儉讓近于淳古  
太宗常對近臣言之真宗以旭為江州助教旭卒弟  
蘊王家事仁宗又以蘊繼為助教蘊卒弟泰王之泰  
弟度太宗中書致仕從子延實可並第進士

郭琮

郭宗黃巖人幼孤事母極恭順娶妻有子移居母室  
母年百歲耳目不衰太宗詔旌表門閭又有越州應  
天寺僧者幼貧無以養母剃髮乞食以給晨夕母年  
一百五歲而終長沙人畢贊為引贊吏性至孝父母  
皆年八十餘轉運使表其事詔贊解職終養

李玘

李玘大名人力耕事父母母卒讓田與弟遂廬於葬  
所負土築墳又以二代及諸族稟葬者盡禮築之凡  
三年成六墳六十餘足未嘗入縣門鄉人目為李孝  
子天禧中詔賜粟帛

劉庭式

劉庭式字得之齊州人第進士蘇軾守家庭式為

通判初庭式未第時議娶鄉人女為納幣既登第女  
喪明女家貧甚不敢復言武勸納其幼女式卒娶之  
生數子庭式哀之逾年不復娶執問之庭式曰吾知  
哀吾妻而已庭式後監太平觀老於廬山絕粒不食  
日奕奕有紫光步上下峻坂如飛以高壽終

宋列女傳卷之三十六

朱娥

朱娥者上虞朱田女也母蚤亡養祖媪娥方十歲里  
中無賴朱顏與媪競持刀欲殺媪一家驚潰獨娥號  
呼突前身擁蔽媪媪顏衣媪以娥故得脫顏忿恚斷  
其喉以死事聞賜冢帛後會稽令以配祀曹娥焉

張氏

張氏江夏民婦也里中惡少謝師乞者懷刃過其家  
逼欲與亂張大怒曰庸奴我可死而不可生也至以

刀斷其喉獨能走擒師乞以告隣人既死詔封旌德

蘇若

崔氏

崔氏合肥包總妻總拯之子早亡惟一稚兒其稚兒  
亦卒母呂自荆來誘崔欲嫁之崔不從母見其指必  
死卒還包氏

趙氏

趙氏貝州人父常舉學先王則反聞女有殊色劫致  
之趙知其不脫乃給曰必欲妻我宜擇日以禮聘賊

信之使歸其家賊具聘帛登輿而去至州解簾視之  
已自縊輿中死矣

張晉卿丁氏

張晉卿妻丁氏靖康中為金兵所得罵不已擊死

項氏

項氏吉水人適孫氏為里胥所逮至中途欲侵凌之  
項引刀自刺而死

徐氏

徐氏和州人閨中女也適同郡張弼建炎三年金人

犯維揚官軍奔潰虜執徐欲汙之徐罵賊慙恚殺

之投江中

榮氏

榮氏蕤女弟也歸將作監王簿馬元穎建炎二年張  
遇寇儀真榮以其姑及二女出走賊至勇之不從賊  
殺其女勇之益急榮厲聲詬罵遂遇害

何氏

何氏吳人吳永年之妻也金兵道三吳永年與姊及  
何奉母而逃為賊所得遂投於河其姊繼之

董氏

董氏滕縣人許適劉氏建炎初盜李昱剽縣悅其色  
欲亂之女終不屈斷其首三年盜馬進掠臨淮王宜  
娶其妻曹氏避之曹曰我聞婦不出閨房遂遇賊不  
屈見殺四年盜祝友於滁州掠人丁國賓及其妻為  
所掠泣曰丁氏族流亡以盡乞存夫以積其祀遂釋  
夫而害之同時數卒楊就寇南劔州道出小村掠一  
民婦欲與亂婦毅然誓死不受汗遂遇害

譚氏

譚氏歸陽縣人曲江村士人吳琪妻也紹興五年盜  
起譚被執盜欲妻之譚罵遂遇害同時南雍李科妻  
謝氏保昌故村人因處盜中數日欲犯之謝唾其面  
曰寧萬段我不汝徇也盜怒刺之

師氏

師氏永豐人父驥宜和中為右正言十餘日凡七八  
疏論權倖及廉訪使者之害而去女適范世雍子孝  
純建炎初賊掠方城孝純先被害賊欲汙師氏師氏  
曰我中朝言官女豈可受賊辱遂害之

趙氏

王泰妻趙氏樂平人泰監上高酒稅金兵犯筠乘官  
逃遇金人縛繫夫婦於市門而入剽趙宛轉解縛并  
解家謂曰君速去俄金人出怒殺趙

陳氏

徐端友妻陳氏臨川人紹興九年盜起被驅入黃山  
寺逼之不從以刃加其頸罵不絕竟死之

詹氏

詹氏女蕪湖人紹興初年十七冠張遇號一窠候破

女

李氏

四

縣女僕曰父子無俱生理我計決矣俄賊至欲加刃  
父兄女趨前拜曰妾願執巾帚事將軍贖父兄命賊  
賊行數里過市東橋躍身入水死

李氏

李氏得妻李氏安仁人枋得起兵敗逃入閩武萬戶  
恐其扇變購捕之根及家人李攜二子匿貫溪山荆  
棘中採草木而食景炎二年冬信兵蹤迹至山中遂  
就俘明年徙囚建康或指李言曰明當沒入矣是夕  
自經獄死枋得母桂氏尤賢遂自枋得通播婦與孫

幽遠方無一怨語人問之曰義當然也

王貞婦

王貞婦夫家臨海人也德祐二年元伯顏兵徇台州  
婦舉家被執既而舅姑夫皆死王將見婦誓美後因  
之行至乘青氈領下海絕壑婦待守者少懈誓指  
血書字山石上南望慟哭自投崖下而死後其血  
漬石易名曰青風領

趙氏

趙氏婦趙氏永新人景炎二年元兵破其族趙氏

女

李氏

五

妻兒隨身自色板中為得卒所獲後其舅姑等  
并之趙婦遂與嬰兒同遇害

吳中李妻

吳中李妻進賢人少寡景定元年元兵亂攜孫女自  
流於縣之桑步曰義不辱吾夫

林老女

林老女永春人及笄未昏紹定三年冠犯邑入山  
之猝遇欲行之不從賊怒殺之越三日而如生

韓氏希孟

韓氏女字希孟巴陵人或曰琦之裔少明慧知讀書

開慶初元兵至岳陽女年十有八為卒所掠將挾以

獻王將女知必不免赴水地越三日得其屍練裙帶

中有詩曰寧當血刃死不當衽席完

卷三十七

宋史書禁畧卷之三十七

遼

契丹本東胡種其先為匈奴所破保鮮卑山與庫打

奚異種而同類及阿保機為王最雄勇北侵室韋女

真西取突厥故地擊奚滅之自稱皇帝國人謂之天

皇王以妻述律氏為皇后置百官改元神冊述律后

勇多權變阿保機常度殞擊党項留述律后守其帳

黃頭室韋乘虛合兵掠之述律后知之勒兵以待會

擊大破之時韓延徽使契丹契丹主怒其不拜留延

徽使為延徽幽州人素有智畧述律后言於契丹

主召與語悅之遂以為謀主延徽始教契丹建牙闕

府築城郭立市里以處漢人使各有配偶墾蕪荒田

自是漢人逃亡者少頃之延徽逃奔晉陽李克用欲

盡之幕府王緘疾之延徽不自安東歸省母遇真定

人王德明問所之延徽曰今河北皆為晉有當

復詣契丹耳德明日叛而復往得無取死乎延徽曰

彼自吾來如喪手目今往詣之手目復完安肯害我



既省母遂復入契丹契丹主見其至大喜及克用遣使至契丹延徽寓書於克用曰非不戀英主非不戀故鄉懼王緘之讒耳因以老母為託且曰延徽在此契丹必不南牧故終同光之世契丹不深入為寇延徽之力也阿保機卒述律后召諸將及酋長難制者之妻謂曰我今寡居汝不可不效我又集其夫泣問曰汝思先帝乎對曰受先帝恩豈得不思曰果思之宜往見之遂殺之而立中子德光為天皇王石敬瑭有異志欲結契丹為援契丹主遂滅唐因作冊書於敬瑭為大晉皇帝割幽冀瀛莫源檀順新魯備武雲應寰朔蔚十六州以與契丹仍許歲輸帛二十萬從契丹主又滅晉至殺胡林而卒國人割其履實鹽數斗載之北去故晉人謂之帝羆焉永康王兀欲立自稱天授皇帝已而燕王述輒殺兀欲而自立述律后又討殺述輒而代之故數年之間不暇南侵至郭威篡漢漢主知遠弟閑自立于太原號北漢至是國以契丹兵擊周周主榮自將勝北漢已而破南唐取淮北地既破南唐復幸滄州自滄州治水道入契丹

境至益津關契丹守將以城降至馬橋關契丹守將姚內斌以城降周主遂入瓦橋關契丹莫州刺史以城降於是關南悉平將議取幽州矣以周主不豫而止至宋太宗平太原乘勝取幽冀反為契丹將耶律休哥耶律沙耶律斜軫所敗而還先足宋欲遂取幽州李昉張齊賢力陳其未可皆不聽故敗雍熙三年宋復以曹彬田重進潘美等將兵伐契丹戰于岐溝關敗績楊業死之業善戰號楊無敵契丹素畏業至見旌旗輒引去至是太宗以業既死訪近臣可知代州者乃以張齊賢為之使與潘美同領緣邊兵馬時契丹主隆緒及蕭太后師衆南下宋瀛州部署劉延讓一軍皆沒契丹復漢代州城齊賢讓選廂軍二千由禦敵乃伏步卒二千於土磴岩掩擊大敗之是後契丹屢為邊患真宗咸平六年副都部署王繼忠與契丹戰于望都契丹執繼忠以去景德元年契丹至隆緒同其母蕭氏復大舉入宋願寇準請真宗幸澶州親征乃許成議歲幣真宗以契丹講和放河北諸強壯歸農罷諸路行營省河北戍兵之五緣邊三

之一詔緣邊母出境掠奪得契丹馬牛悉縱還之通互市葺城池招流亡廣儲蓄由是河北民得安業皆畢士安之謀也士安請按邊要選守將以馬知節知定州楊延昭知保州又以李允則知雄州孫全照知鎮州以契丹修好則有慶弔之使又置國信司專主其事慶曆二年元昊反契丹又欲乘釁取瓦橋關以南十縣及晉陽之地先遣宣徽劉六符來致書取故地問與師伐夏及沿邊疏濬水澤增益兵戍之故賴呂夷簡奏富弼為接待使及報聘增納歲幣乃復邊

宋

卷三十七

四

金

女真蓋古肅慎氏世居混同江之東長白山鴨綠水之源於夷狄中最敵且賤隋開皇時入貢其族分六部有黑水部即今女真其水拘之則色微黑故目之為混同江江甚深然纒澗百步唐開元中其酋來朝訖唐世貢不絕五代時遼阿保機吞北方三十六蕃此其一也阿保機慮其為患誘遷豪右數千家於遼陽分其勢使不得與本國相通謂之合蘇館者女真是也女真凡用兵以戈為前行號硬軍刀劍自副弓矢在後弓力不過七斗箭鏃至六七寸形如麈尾不可出非五十步不射十五百皆有長伍長擊柝十長執旗百長挾鼓千人將則旗幟金鼓悉備五長戰死四人皆斬十長死伍長皆斬百長死十長皆斬將自執旗其後烏古迺卒子劼里鉢嗣及劼里鉢疾篤呼梁益哥謂曰烏雅束柔善若辦集契丹事阿骨打能之劼里鉢有子十一人烏雅束其長阿骨打其次也及賴剌淑死弟盈哥嗣盈歌死兄子烏雅束嗣時遼主幸混同江釣魚女真酋長在千里內者故事皆朝會預宴遼主命諸酋次第起舞至阿骨打辭不能但

宋

卷三十七

五

端立直視遼主逼之再三終不肯受烏祖朮死阿骨  
打襲位遂使使往問之曰何故不肯受問骨打曰有  
喪不能弔而乃以為弔乎遂至忠其辭強遂發諸軍  
自為備阿骨打聞之謂其下曰遼人知我將舉兵集  
諸路軍備我必先發制之遂率諸部兵皆會于來  
流水得二千五百人傳挺而誓且戰且前將至遼界  
阿骨打之子幹本與數騎陷遼園中阿骨打救之免  
胄而戰我自傍射之阿骨打願見射者一矢而斃謂  
六下曰盡敵而止眾從之勇氣百倍遼軍大奔寧江  
宋 卷三十七  
初女真部民皆無徭役壯者悉為兵平居則獵  
政射獵有警則下令諸部徵之遼人常言女真兵滿  
萬則不可敵至是始滿萬焉阿骨打既屢勝遂其弟  
吳乞買勸稱帝不許粘沒喝等復以為言阿骨打乃  
即皇帝位國號大金改元收國九月金主攻黃龍府  
次混洞江無舟以渡金主使一人導前乘蒲白馬徑  
涉曰視吾鞭所指而行諸軍隨之水及馬腹既濟使  
舟人測其渡處深不得底由是遂克黃龍府十二月  
金人聞遼主將親征下詔有女真作過大軍剪除之

語金主乃斃面仰天慟哭曰始與汝等起兵蓋苦契  
丹殘忍欲自立國今天祚親至奈何非人人死戰莫  
能當也不若殺我一族汝等迎降轉禍為福諸軍皆  
曰事已至此惟命是從金主遂帥師迎敵曰彼眾我  
寡兵不可分視其中軍最堅遂至在焉敗其中軍可  
以得志使右翼先戰左翼合而攻之遼兵大潰初女  
真無步卒惟騎兵千餘刻大小木牌係人馬號五十  
人為一隊前二十人重甲持矛後三十人輕甲操弓  
矢每遇敵必二人躍馬而出以觀陳之虛實四面結  
隊而持擊百步之外弓矢齊發無不中者其分治也  
入應變周旋人自為戰所以恒勝七年遼主至應州  
新城東六十里為金將婁室等所獲遼遂亡金主亦  
殞宋徽宗宣和五年金太宗吳乞買攻宋汴京京城  
陷金幹離不脇徽宗及太后與親王皇孫駙馬公主  
妃嬪康王母肅賢妃康王夫人邢氏等三千人由滑  
州去粘沒喝以帝后太子妃嬪宗室及何舉孫傳張  
叔夜陳過庭司馬朴秦檜由鄭州去金主死兄孫亶  
立亶即位委政粘沒喝幹本兀朮以完顏亮平章事

天德三年亮紇亞自立徙都燕既又南侵謀還汴迺  
亮又爲其下所殺金主雅乃下令散南征之家以高  
忠建爲報諭宋國使告即位大定十七年高麗致貢  
有司奏高麗所進玉帶少似玉者金主曰小國無  
能辨識誤以爲玉耳大定二十九年金主雅卒孫璟  
立世宗在金最爲賢上以夫人烏林答氏守節而死  
終身不立后雅尚儉素尚書省奏大興府推官蘓德  
秀爲禮部主事世宗曰朕嘗語卿百官當使久於其  
職彼方任理官復改戶帶尋又除禮部人才豈能兼  
此又言凡事政有異跡者謂其斷事有執才也皆止  
清廉此乃本分以貪汙者多故顯其異耳及璟即位  
數年大爲比鄰阻隸等部所擾無歲不興師討伐府  
庫空匱國勢日弱璟卒衛王永濟立永濟世宗第七  
子也永濟嗣位有詔至蒙古傳言當拜蒙古王問曰  
新君爲誰使曰衛王也蒙古王南面唾曰我謂中原  
皇帝是天上人做此等庸懦亦爲之邪乘馬比去六  
年秋胡沙虎弒永濟而立昇王珣十六年金主珣卒  
于守緒立六年金主守緒走蔡州金遂亡

元史

馬維銘曰嗚呼夫中國者帝王之所自立也仁義  
道德冠裳文物之所自出也而蒙古以韃靼散部  
儼然襲而有之者百有餘年豈非天地之大厄也  
乎然而楚材之哭百姓希憲之讀孟子亦有名臣  
之風焉如秦不華李黼李齊之死節卽以躋之豫  
暖之則胡不可也

元史纂畧卷之一

明職方主事馬維銘纂

刑部郎中陸基忠校

元

世祖 在位三十五年 中統 至元 壽八十

蒙古之先有曰孛端義兒母生二子而寡居夜寢屢有光明照其腹又一乳生二子孛端義兒其季子也其後子孫蕃衍各自為部世奉貢於遼金而總隸於韃靼至也速該并吞諸部勢愈盛遂攻塔塔兒部獲

元史纂畧卷十一

其部長鐵木真還次於盤佗山而生子因以鐵木真名之宋紹興十七年也速該死鐵木真立遂攻西夏大掠而還至是大會諸部長於幹難河之源建九游日旗自號為成吉思可汗候擾雲中九原連歲不休遂破大磔水以進攻西京取之兀破金九十餘郡兩河山東數千里人民殺戮幾盡金帛子女牛馬羊畜皆席卷而去繼又滅夏避暑於六盤山踰月鐵木真死在位二十二年年六十六崩號太祖蒙古窩瀾台太宗立太宗與其弟拖雷率衆入陝西至封丘入鄭

州攻汴城金主守緒知事意取寶玉寘於幽蘭軒環

之以草命近侍曰死便火我遂自經死而金亡蒙古蒙哥擊西域欽察諸部降之欽察去中國三萬里其人皆青目赤髮宋淳祐十一年元憲宗蒙哥立命其弟忽必烈開府金蓮川總治漢南蒙古主怒宋囚使臣命諸王不哥守和林自將南伐由西蜀以入直抵

合州城下秋蒙古主死於合州忽必烈北還至開平即位還定都於燕召寶默許衡至開平命劉秉忠酌古今定內外官制後宋用賈似道不忠於宋擅拘留

元史纂畧卷十一

元使乃復起兵端元伐宋宋遂亡至元十七年遣使窮河源行授時曆國號大元世祖嘗從容問劉秉忠曰天下無不敗之家無不亡之國朕之天下後當誰得對曰西方之人也又問劉秉忠曰今之定都惟上都大都耳何處最佳劉秉忠曰上都國祚短民風淳大都國祚長民風澁遂定都燕之計命劉秉忠築元京城及開基得一巨穴內有紅頭蟲不知幾萬世祖以問劉曰此何祥也劉曰異時代國家者乃此物也成宗 在位十三年 元貞 大德 壽四十二

成宗諱鐵木耳世祖之孫太子真金第三子也成宗  
遼豫中官乃出仁宗及其母居懷州及崩又恐武宗  
立乃命召安西王入京師斷武宗歸路皇后垂簾聽  
政而安西王輔之時左丞相哈剌哈孫收督司符印  
封府庫稱疾守宿掖門內旨日數至皆不聽適武宗  
遣康里脫脫計事京師哈剌哈孫令急還報復遣使  
迎仁宗於懷州仁宗奉其母還大都諸臣步從安西  
之黨見仁宗既至謀以三月三日偽賀生辰舉事哈  
刺哈孫遣人啓仁宗當先事而發仁宗乃先二日舉

元史卷一百一

衛士入內稱懷寧王遣使召安西計事至即并諸王  
明里執之誅阿忽台八都伯顏等諸王牙忽都進曰  
今罪人斯得太子實世祖之孫宜早正大位仁宗曰  
惡人潛結官壺亂我家法故誅之懷寧王吾兄也宜  
正大位遂自監國與哈剌哈孫日夜居禁中以備變  
及武宗至上都即位乃廢成宗后出居東安州賜死  
武宗 在位四年 至大 壽三十一  
武宗諱海山順宗答剌麻八剌之長子也初封懷寧  
王屢立戰功立弟愛育黎拔力八達爲太子

仁宗 在位九年 皇慶 延祐 壽三十六  
仁宗諱愛育黎拔力八達武宗同母弟也仁宗嘗曰  
明心見性佛教爲深修身治國儒道爲切其孜孜爲  
治一遵世祖之成憲天性慈孝恭儉爲元盛德守文  
之主矣

英宗 在位三年 至治 壽二十一

英宗諱碩德八剌仁宗嫡子也宰臣鐵木迭兒奏比  
詔內外直言得失今上封事者或徑至御前帝曰言  
事者當直至御前也帝天性至孝仁宗不豫額天願

元史卷一百一

甲

以身代及嗣位用法無私果於誅殺姦黨異罪遂擢  
大慶至治三年御史大夫鐵失弑帝於行帳  
泰定帝 在位五年 泰定 致和  
泰定帝諱也孫鐵木兒顯宗甘麻剌之長子世祖長  
子裕宗之嫡孫也初封嗣晉王及英宗遇弑以支庶  
入繼致和元年如上都命僉樞密院事燕鐵木兒等  
居守祖於上都文宗不爲立廟謚世止稱爲泰定帝  
帝殂燕鐵木兒召百官集與聖宮兵皆露刃號於衆  
曰武皇有聖子二人孝友仁文天下歸心大統所

當迎立之、不從者死、時周王方遠在沙漠、俾未能至、慮生他變、乃迎弟懷王於江陵、且宣言已遣使北迎、以安衆心、懷王入京師、燕鐵木兒以爲擾攘之際、不正大位、不足以係天下之志、懷王以其兄周王在漠北、欲處位俟之、燕鐵木兒曰、人心向背之機、間不容髮、一或失之、噬臍無及、懷王曰、必不得已、當明吾志、播告中外、遂即帝位、改元天曆、詔天下曰、謹俟大兄之至、以遂朕固讓之心、於是文宗遣人相繼來迎、朔漠諸王皆勸周王南遷京師、遂發卽位於和寧之北

是爲明宗

明宗 在位半年 壽三十

明宗諱和世疎、武帝長子也、初封周王、出鎮雲南、泰定帝殂、大臣迎帝弟懷王圖帖木耳攝位、卽文宗也、文宗遣使迎帝、正號於和寧之北、立文宗爲太子、文宗遣右丞相燕鐵木兒奉皇帝寶來上、帝宴諸王於行殿、八月丙戌、帝次旺、忽察都圖帖睦爾入見、庚寅、帝暴殂

文宗 在位五年 天曆 至順

文宗諱圖帖睦爾、明宗弟也、初封懷王、出居建康、以致和元年九月襲位、迎明宗於沙漠、明宗立爲太子、明宗殂、帝復襲位於上都、駕還燕都、天曆丁丑、明太祖誕生於濛梁之鍾離鄉

寧宗 在位二月而殂

寧宗諱懿璘質班、明宗次子也、初封郟王、文宗殂、燕鐵木兒請皇后立皇子燕帖古思、后不從、以文宗遺命立之、時甫年七歲、百司庶務咸啓皇后、取進止

順帝 在位三十六年 元統 至元 至正

順帝諱烏魯帖木兒、明宗長子也、文宗時被讓出居廣西、寧宗殂、遂登大寶、以世祖在位長久、詔改元統

三年、仍爲至元、元年至元六年、詔以文宗假讓位之名、以寶璽來上、皇考躬遜之際、謀爲不軌、又謂朕非明宗之子、叔嬖舍長嫡立幼、其命徹去、圖帖睦爾在廟之主、削太皇太后之號、放燕帖古思於高麗、至正二年、開金口河、費用不貲、卒無成功、帝迎西番僧行運氣之術、教宮女作天魔之舞、七年、沿江兵起、二十六年

太祖兵徇山東郡縣皆下之明年徐達與常遇春會諸將率馬步舟師進克元都元主北奔應昌二年殂太祖以帝知順天命加號曰順帝而封其孫買的里八剌爲崇禮侯

元列傳卷之一

木華黎

木華黎，札剌兒氏，父孔溫窟哇，以戚里故。在太祖麾下從平復望吉，征乃蠻部，數立功。後乃蠻又叛，太祖與六騎走中道，乏食，擒水際橐駝殺之，燔以啖太祖。追騎至，及而太祖馬斃，五騎相顧駭愕。孔溫窟哇以所乘馬濟太祖，身當追騎，死之。太祖獲免，有子五人，木華黎其第三子也。生時有白氣出帳中，神巫異之，曰：「此非常兒也。」及長，多智畧，猿臂善射，挽弓二石強。與博爾朮、博爾忽亦老溫事太祖，俱以忠勇稱。號撥里班曲律，猶華言四傑也。一日太祖從三十餘騎行谿谷間，顧謂曰：「此中或遇寇，當奈何？」對曰：「請以身蔽之。」既而寇果自林間突出，矢下如雨。木華黎引弓射之，三發中三人，其首呼曰：「爾爲誰？」曰：「木華黎也。」歲丙寅，太祖卽皇帝位，首命木華黎、博爾朮爲左右萬戶。從，國內平定，汝等之力居多。金主璘殺戮宗親，荒淫日恣，帝曰：「朕出師有名矣。」遂伐金。木華黎曰：「彼衆我寡，弗致死力戰，未易破也。」率敢死士策馬橫



戈大呼陷陣帝麾諸軍並進大敗金兵詔封太師國  
王都行省承制行事賜誓券黃金印疾篤召其弟帶  
孫曰我為國家功成大業授甲執銳垂四十年東征  
西討無復遺恨第恨汴梁未下耳汝其勉之薨年伍  
十四子孛魯嗣

博爾木

博爾木阿兒刺氏志意沉雄善戰知兵事太祖潛邸  
君臣之契猶魚水也太祖卽位君臣之分益密皇子  
察哈歹出鎮西域有旨從博爾木受教博爾木教以  
先史卷十  
人主經涉險阻必獲善地所過無輕舍止太祖謂皇  
子曰朕之教汝亦不踰是未幾賜廣平路戶一萬七  
千三百有奇為分地以老病薨

博爾忽

博爾忽許兀慎氏事太祖為第一千戶歿於敵子脫  
歡襲職從憲宗四征不庭有拓地功

塔察兒

塔察兒博爾忽從孫也幼直宿衛金主遷蔡州塔察  
兒帥師圍蔡滅金卒子別里虎解嗣為火兒赤力戰

死次日宋都解至元七年賜金虎符襲萬戶有功

速不台

速不台蒙古兀良合人其先世獵於斡難河上遇敦  
必乃皇帝因相結納至太祖時已五世矣速不台驍  
勇善騎射帝曰速不台枕干血戰為我家宣勞賜以  
大珠銀器太祖卽位以禿滅于公主妻之後大會飲  
以馬乳及蒲萄酒言征怯憐時事曰當時所獲皆速  
不台功也卒年七十三贈上柱國

怯怯里

怯怯里幹耳那氏太宗七年南伐以千戶從賜金符  
有功易金虎符加顯武將軍子捏古解元貞元年為  
蒙古侍衛親軍百戶

塔不巳兒

塔不巳兒東呂紕氏太宗時以招討使將兵出征破  
信安河南以功授金虎符征行萬戶歲甲寅以疾卒  
子脫察刺襲職歲己未率兵渡江破十字寨命其子  
重喜從行重喜率先引弓射中敵兵重喜襲職有功  
卒子慶孫襲職皇慶二年卒子孛蘭奚襲

直脫兒

直脫兒蒙古氏父阿察兒事太祖為傅兒赤直脫兒從太宗征欽察康里回回等部有功以直脫兒為達魯花赤卒子哈蘭木襲佩虎符有功從子忽刺出襲職與宋軍戰焦山江中忽刺出身被數傷屢創力戰遷右丞進平章政事卒

李楨

李楨字幹臣其先西夏國族子也金末楨以經童中選既長人為質子以文學得近侍太宗嘉之從大將察罕下淮甸楨以功佩金符楨奏尋訪天下儒士令所在優贖之授襄陽軍馬萬戶卒於合州年五十九

楊惟中

楊惟中字彥誠弘州人金末以孤童子事太宗知讀書有膽畧太宗器之年二十奉使西域三十餘國還陝右四川宣撫使時諸軍帥橫侈病民郭千戶者尤甚殺人之夫而奪其妻惟中戮之以徇卒年五十五

史天倪

史天倪字和甫燕之永清人曾祖倫少好俠因築室

登土得金始饒祖成珪倘儻有父風父秉直讀書尚

義氣癸酉太師國王木華黎統兵南伐所向殘破秉直詣涿州軍門降木華黎欲用秉直秉直辭而薦其子乃以天倪為萬戶甲申夏大名總管彭義斌以宋兵犯河朔天倪逆戰於恩州義斌兵敗入保大名乙酉師還聞武仙之黨據西山腰水鐵壁二砦以叛天倪直搗其巢穴盡搗殺之仙怒謀作亂乃設宴邀天倪有知其謀者止天倪毋往天倪不從遂為仙所殺天倪之赴真定也秉直密戒之曰觀武仙之辭氣終

史天倪

五

不為我用宜備之天倪曰我以赤心待人人或相負天必不容願無慮秉直乃携其孫揖權還北京至是人服其先識天倪死時年三十九天祥父懷德尚書秉直之弟也歲癸酉太師國王木華黎從太祖伐金天祥隨秉直迎降於涿木華黎命懷德就領其黑軍隸帳下署天祥都鎮撫癸未春還軍河中賜金虎符授蒙古漢軍兵馬都元帥太宗用兵河南強之從行轉漕河上給餉諸軍戊午秋九月以疾卒年六十八

劉敏

劉敏字有功宣德青魯人茂壬申太祖師次山西敏時年十二從父母避地德興禪房兵至父母棄敏走大將憐而收養之一日帝宴諸將於行營敏隨之入帝見其貌偉異之召問所自俾留宿衛晉國諳閱三歲能通諸部語帝嘉之賜名王山于出入禁闈辛丑春授行尚書省定宗卽位詔敏與粵都刺同行省事退居年豐世祖南征過年豐敏入見諭之曰我太祖勵精圖治見而知者惟卿爾汝春秋高其彙次以爲後法未幾病歸於燕夏四月卒年五十九

先史集卷一

七

王楫

王楫字巨川鳳翔號縣人性倜儻弱冠舉進士不第乃入終南山讀書涉獵孫吳泰和中復下第請闕上書論當時急務金主俾給事縉山元帥府尋用元帥高琪薦特賜進士出身授副統軍守涿鹿隘太祖將兵南下楫屢戰三日兵敗見執將戮之神色不變帝義而釋之授都統佩以金符庚寅從征關中長驅入京兆進克鳳翔請於太宗曰此臣鄉邦也願入城訪求親族果得族人數十口以歸壬辰從攻汴京癸巳

奉命持國書使宋以兀魯刺副之至宋宋人甚禮重之卽遣使以金幣入貢楫前後凡五往以和議未決隱憂致疾卒於南宋人重則之仍遣使歸其柩葬於燕子六人

高宣

高宣遼陽人太宗元年詔宣爲元帥賜金符統兵從廢宗攻大名從破金兵三峯山降宣者二十餘戶子天錫事世祖潛邸爲必闈赤入宿衛甚見親幸中統二年授以其父官爲鷹坊都總管卒子諒裕宗初封

先史集卷一

七

燕王以爲符寶卽俄命襲其父官爲鷹坊都總管裕宗甚愛之卒于塔失不花成宗命世其祖父官英宗居東宮塔失不花撰集前代嘉言善行名曰承華事畧并曲風畫圖以進

王玉汝

王玉汝字君璋鄆人少習史事金末遷民南渡玉汝奉其親從間道還行臺嚴實入摠鞞署玉汝爲樞史稍遷補行臺令史中書令耶律楚材過東平奇之版授東平路奏差官以事至京師遊楚材門待之若家

八父子然戊戌以東平地分封諸勳貴王汝進言曰嚴實以三十萬戶歸朝廷崎嶇兵間今裂其土地折其人民非所以旌有功也由是得不分遷行臺知事累官至龍虎衛上將軍壬子以病謝事杜門日以經史自娛乙卯嚴實子忠濟使人謂王汝曰君聞久矣可暫起為吾分憂王汝堅辭以參議印強委之不得已起視事僅五六日而王汝卒

焦德裕

焦德裕字寬父其遠祖贊從宋丞相富弼鎮尾橋關

遂為雄州人父用仕金由東鹿令陞千戶守雄州北門太祖兵至州人開南門降用猶力戰遂生獲之帝以其忠壯釋不殺復舊官徇地山東未嘗妄殺一人卒年六十二德裕通左氏春秋少拳勇善射從其舅解昌軍中金將武仙殺真定守史天倪仙既敗走其黨趙貴王顯齊福等保仙故壘數侵掠太行太宗擇廷臣有才辯者往招之楊惟中以德裕薦遂使真定降齊福擒趙貴王顯凶走德裕追射殺之其地悉平平章阿合馬討丞相伯顏殺丁家洲降卒事素以德

裕為中書丞政欲假一言證成之辭不拜久之復食行省事卒年六十九子簡餘姚州知州累信州治中

石珪

石珪泰安新泰人宋徂徠先生守道之裔孫也金貞祐南渡兵戍四起珪率少壯負險自保與勝陽陳敵宗聚兵山東破張都統李霸王兵於龜蒙山宋將鄭元龍以兵迎敵珪敗之衆呼為太尉歲戊寅太祖使鴛鴦不罕與宋議和已卯珪令麾下直抵尋斯干城入覲太祖庚辰宋果渝盟珪棄其妻孔氏子金山杖

卷一百一十一

九

劔渡淮宋將追之曰太尉迴完汝妻不顧宋將沉珪妻子於淮遂與李温因李里海歸木華黎祭未太祖詔曰石珪棄妻子提兵順歸戰勝攻取加授金紫光祿大夫東平兵馬都總管山東諸路都元帥餘如故與金將鄭從宜連戰被擒曰吾身事大朝富縛爾以獻金主大怒蒸殺於市

鄭鼎

鄭鼎澤州陽城人幼孤能自立讀書曉大義不妄言笑既長勇力過人尤善騎射初為澤潞遼沁千戶憲

宗征大理國自六盤山經臨洮下西番諸城抵雪山山徑盤屈舍騎徒步背負憲宗以行至金沙河波濤洶湧帝臨水旁危石立馬觀之問諫曰此非聖躬所宜親扶下馬帝嘉之中統元年以功遷平陽太原兩路萬戶斬黃二州叛將兵討之戰於樊口舟覆溺死年七十有三

汪世顯

汪世顯字仲明鞏昌鹽川人系出旺古族仕金屢立戰功官至鎮遠軍節度使皇子闊端駐兵城下始率

元史卷一百一十一

象降即從南征斷嘉陵持大安與宋授軍遇斬首三千餘級賜虎符錦衣玉帶世顯先已遘疾至是加劇皇子遣醫絡繹往療竟不起卒年四十九

高智耀

高智耀河西人世仕夏國曾祖逸大都督府尹祖良惠右丞相智耀登本國進士第夏亡隱賀蘭山皇子闊端鎮西涼儒者皆隸役智耀諳蕃邸言儒者給復已久一旦與厮養同役非便請除之皇子從其言欲奏官之不就世祖即位召見力言儒術有補治道拜

安童

翰林學士擢西夏中興等路提刑按察使至上京卒安童木華黎四世孫霸突魯長子也中統初世祖追錄元勳召入長宿衛年方十三位在百寮上母弘吉刺氏昭慶皇后之姊通籍禁中世祖一日見之問及安童對曰安童幼公輔器也世祖曰何以知之對曰每退朝必與老成人語未嘗狎一年少是以知之至元五年廷臣密議立尚書省以阿合馬領之乃先奏以安童宜位三公事下諸儒議商挺倡言曰安童

元史卷一百一十一

十一

國之柱石若為三公是崇以虛名而實奪之權也甚不可衆曰然事遂罷帝諭安童及伯顏等曰近史天澤姚樞纂定新格朕已親覽皆可行之典汝等亦當一一留心參考豈無一二可增減者各令紀錄促議行之時天下待報死囚五十人安童奏其中十三人因鬪歐殺人餘無可疑於是詔以所奏十三人免死從軍二十四年復立尚書省安童切諫曰臣力不能回天乞不用蔡哥別相賢者猶或不至屠民誤國不聽三十年正月以疾薨於京師樂安里策年四十九

廉希憲

廉希憲字善用，布魯海牙人也。世祖為皇弟，希憲年十九，得入侍，一日方讀孟子，問召，急懷以進。世祖目曰：廉孟子。憲宗崩，討音至，希憲啓世祖，願速還京，正大位，以安天下。詔以希憲為中書，行秦蜀省事，與親王合州及汪惟良八春等合兵戰西涼，俘斬略盡，得渾都海阿藍卷兒二叛首以送，泉之京兆市。事聞，帝大嘉之，曰：希憲真男子也。進平章政事。時年三十矣。希憲在中書，至元元年丁母憂，率親族行古喪禮，勿飲，不入口者三日。有詔奪情起復，希憲雖不敢違旨，然出則素服從事，入必練經，及喪父，亦如之。奸臣阿合馬領左右部，專總財賦，會其黨相攻，繫帝命。中書推覆衆畏其權，莫敢問。希憲窮治其事，狀聞。七年，詔釋繫囚，西域人匿贊馬丁用事先朝，資累鉅萬，為怨家所告，繫大都獄。既釋之，帝曰：詔釋囚耳，豈有詔釋匿贊馬丁耶？即與左丞相耶律鑄同罷。一日，帝問侍臣：希憲居家何為？侍臣以讀書對。帝曰：讀書固朕所教，然讀之而不肯用，多讀何為？意責其罷政而不

元史卷一百一十一

十一

後求進也。阿合馬因讒之，曰：希憲日與妻子宴樂，爾

帝變色曰：希憲清貧，何從宴設？十一年，詔起希憲為北京行省平章政事，將行，肩輿入，辭賜坐。十二年，右丞阿里海牙下江陵，圖地形上於朝，請命重臣開大府鎮之。帝急召希憲，還使行省，荆南賜坐。時宋故官禮謁大府，必廣致珍玩，希憲拒之，且語之曰：汝等身仍故宮，或不次遷，當念聖恩，盡力報効。希憲疾久不愈，十四年，近臣董文忠言：江陵濕熱，如希憲病何？即召希憲還。江陵民號泣遮道留之，不得相與。畫像建祠，希憲還，妻棄蕭然，琴書自隨而已。希憲卒，年五十。子六人，孚、恪、恂、忱、恒、惇，皆大官。

伯顏

伯顏，蒙古八隣部人，曾祖述律哥圖，事太祖，為八鄰部左千戶，祖阿剌，襲父職，兼斷事官。平定，神有功，得食其地。父曉古台，世其官。從宗王旭烈兀開西域，伯顏長於西域，至元初，旭烈兀遣入奏，事世祖，見其貌偉，聽其言厲，曰：非諸侯王臣也。其留事朕，與謀國。恒出廷臣右。世祖益賢之，勅以中書右丞相安童女

弟妻之十一年大舉伐宋伯顏以宋主至上都世祖勞伯顏伯顏再拜謝曰奉陛下成策阿木効力臣何功之有十四年諸王昔里吉劫比平王拘安童脅宗王以叛命伯顏率師討破之伯顏之取宋而還也詔百官郊迎以勞之平章阿合馬先百官半舍道謁伯顏解所服王鈎條遺之且曰寶王固多吾實無所取勿以此為薄也阿合馬謂其輕已思中傷之乃誣以平宋時取其王桃盞按之無驗阿合馬既死有獻此盞者帝愕然曰幾陷我忠良別吉里迷失嘗誣伯顏

先史錄卷十

以死罪未幾以他罪誅勅伯顏臨視伯顏與之酒餼然不顧而返世祖問其故對曰彼自有罪以臣臨之人將不知天誅之公也成宗即位於上都之大安閣親王有違言伯顏提劍立殿陛陳祖宗寶訓宣揚顧命述所以立成宗之意辭色俱厲諸王股栗趨殿下拜慶年五十九追封淮安王謚忠武

徹里

徹里燕只吉台氏曾祖太赤為馬步軍都元帥從太祖定中原以功封徐邳二州因家於徐徹里幼孤母

蒲察氏教以讀書至元十八年世祖召見應對詳雅悅之俾常侍左右擢利用監徹里具陳桑哥姦貪誤國害民狀帝命釋其家得珍寶如內藏之半桑哥既誅諸枉繫者始得釋陞福建行省平章政事大德元年拜江南諸道行臺御史大夫改江浙行省入為中書平章政事以疾薨年四十七薨之日家資不滿三百緡人服其廉謚正憲子朵兒只江潮行省左丞

不忽木

不忽木一名特用字用臣世為康里部大人康里部

先史錄卷十

漢高車國也祖海藍伯嘗事克烈王可汗後可汗既死其家從數千騎望西北馳去太祖遣使招之答曰昔與帝同事王可汗今王可汗既亡不忍改所事遂去莫知所之子十人皆為太祖所虜燕真最幼年方六歲太祖以賜莊聖皇后后憐而育之遣侍世祖於藩邸長從征伐有功世祖即位燕真未及大用而卒官止衛率不忽木其仲子也資與英特進止詳雅世祖奇之世祖嘗欲觀國子所書字不忽木年十六獨書貞觀政要數十事以進帝知其寓規諫意嘉歎久

之。至元十五年出爲燕南河北道提刑按察副使。阿合馬以資財諂媚權貴，貸錢於官，約償牛馬，至則抑取部民所產以輸，事覺遣使按治，皆不伏。及不忽木往，始得其不法百餘事，會大同民饑，不忽木以便宜發倉廩賑之。阿合馬所善幸臣奏不忽木擅發軍儲，又鍛鍊阿合馬使自誣服，帝曰：「使行發粟以活吾民，乃其職也。何罪之有？」命移其獄至京師審視。阿合馬竟伏誅。桑哥奏立尚書省，誣殺參政楊居寬、郭祐，不忽木爭之不得。桑哥深忌之，嘗指不忽木謂其妻曰：「他日籍我家者，此人也。」因其退食，責以不坐曹理，務欲加之罪，遂以疾免。車駕還上都，其弟野禮審班侍坐輦中，帝曰：「汝兄必以某日來迎，不忽木果以是日至，帝見其癯甚，問其祿幾何？」左右對滿病假者，例不給，帝念其貧，命盡給之。拜翰林學士，桑木丁請復立尚書省，專領右三部，不忽木庭責之曰：「阿合馬、桑哥相繼誤國，身誅家沒，奈何？」又欲效之，平成宗即位，執政奏以爲陝西行省平章政事。太后謂帝曰：「不忽木朝廷正人，帝復留之，竟以與同列多異議，稱疾不出。」

元貞二年春，召至便殿，曰：「朕知卿疾之故，以卿不能從人，人亦不能從卿也。」欲以段貞代卿，如何？不忽木曰：「貞實勝於臣，乃拜昭文館大學士、平章軍國重事，辭曰：「是職也，國朝惟史天澤嘗爲之。」臣何功敢當制去重字。卒年四十六。不忽木素貧，躬自爨，妻織紵以養母。後因使還，則母已死，號慟嘔血，幾不起。

### 完澤

完澤，土別燕氏。祖土薛從太祖起朔方，父線真宿衛禁中。完澤以大臣子，選爲裕宗王府僚屬。裕宗爲皇太子，署省事。長至元二十八年，桑哥伏誅，完澤入相。革桑哥弊政，世祖崩，完澤受遺詔。元貞以來，朝廷恪守成憲，詔書屢下，散財發粟，不惜鉅萬，以頒賜百姓。當時以賢相稱之。薨年五十八，謚忠憲。

### 忙兀台

忙兀台，蒙古達達兒氏。祖塔思火兒赤，從太宗定中原，有功。忙兀台事世祖，爲博州路與魯總管。至元七年九月，以兵攻樊拔古城，繼敗宋君於安陽灘。十五年，師還福州，拜參知政事。二十七年，特命爲丞相，忙



兀台之在江浙專復自用又易置戍兵平章不憐吉  
台言其變更伯顏阿木成法帝每戒勅之既死莖臣  
劾即中張斯立罪狀而忙兀台迫死劉宣及其屯田  
無成事始聞於帝云子三人帖木兒不花孛蘭奚襲  
萬戶亦刺出中書叅知政事

與魯赤

與魯赤札刺台人曾祖豁火察驍果善騎射太祖出  
征每提精兵為前驅祖朔魯罕有膽力父忒木台從  
太宗征杭里部與魯赤性朴魯智勇過人罕事憲宗  
帶御器械特見親任戊午扈駕禮蜀攻釣魚山至元  
五年攻襄陽授金符蒙古軍萬戶二十三年春拜湖  
廣等處行中書省平章政事夏四月赴召上都命佐  
鎮南王征交趾帝慰諭之曰昔木華黎等戮力王室  
勞名迄今不朽卿能勉之豈不並美於前人乎大德  
元年春三月辛卯年六十六子拜住明威將軍脫桓不  
花驃騎衛上將軍

懷都

懷都幹魯納台氏祖父阿木魯與太祖同飲黑河水

其子不花襲職中統二年不花卒子幼兄子懷都繼  
領其職中統三年春李璫叛詔懷都從親王哈必赤  
討之至元三年充邳州監戰萬戶十四年授鎮國上  
將軍湖東宣慰使討台慶叛者戰於黃奮嶺又戰於  
溫州白塔屯寨轉戰至於漳泉興化平之卒子八忽  
台兒官至通奉大夫湖東道宣慰使不花子忽都答  
兒既長分襲蒙古軍千戶

拜降

拜降北庭人父忽都武勇過人由宿衛為南宿州鎮  
總分守并縣後從世祖南征忽都率特拜降生甫數  
月母徐氏鞠育教誨甚至丞相阿木南攻襄陽江陵  
諸郡以偏裨隸麾下大德元年遷浙東廉訪副使至  
大二年仁宗奉皇太后避暑五臺拜降供給道路無  
有闕遺恩賚尤渥初徐氏盛年守節曰有子如是吾  
死可瞑目矣拜降居喪盡禮未及起復延祐三年卒

探馬赤

探馬赤禿立不帶人從諸王沒赤征蜀至元九年從  
行省也速帶兒征建都獨以銳卒千五百人與建都

兵戰於梅子嶺大敗之十九年卒子拜延襲蒙古軍萬戶戍甘州

帖木兒不花

帖木兒不花答答里帶人父帖赤中統二年賜虎符授西川便宜都元帥帖木兒不花中統初入脩宿衛至元七年授虎符二十五年拜西川等處行尚書省平章政事其兄帖木脫幹粉以蒙古軍千戶從伐蜀有功行樞密院承制授萬戶

塔出

塔出蒙古札剌兒氏父札刺台歷事太祖憲宗塔出以勲臣子至元十七年授昭勇大將軍二十二年入覲帝慰勞久之且問曰太祖命爾父札刺台聖旨爾能記否塔出應對周旋不踰禮節帝嘉之賜以玉帶弓矢拜龍虎衛上將軍二十八年賜明珠虎符充蒙古軍萬戶卒於位子答蘭

葉仙鼎

葉仙鼎畏吾人父土堅海牙以才武從太祖太宗平金及西夏俱有功仙鼎幼事世祖於潛藩從征土藩

雲南常為前驅歷二十四年遷雲南行省平章政事尋改江西行省平章政事巨盜鍾明亮積年為害仙鼎討擒之至元三十一年成宗即位召還賜玉帶改陝西行省平章政事謝事歸隴右十年卒子完澤太子詹事進金紫光祿大夫中書平章政事

脫歡

脫歡刺兒台氏祖菊者父脫端為萬戶從皇子潤出忽都秃略汴宋睢宿等州至元十三年右丞相遣脫歡援高郵軍十四年春授懷遠大將軍十五年春從

親王幹魯忽台西征有功平閩盜改武昌路卒

月乃合

月乃合字正卿其先屬雍古部徙居臨洮之狄道金畧地盡室遷遼東魯祖帖木爾越哥仕金為馬步軍指揮使官名有馬因以馬為氏祖把掃馬野禮屬徙靜州之天山以財雄逸宣宗遷汴父昔里吉思辟尚書省死國事贈輔國上將軍乃合好學負氣父死時年方十七奮然投冠於地曰吾父死國難吾獨不能紿家難乎會國兵破汴侍母北行艱關鋒鏑中比見

憲宗辭容端謹帝嘉其貞之命贊卜只兒斷治官專以  
蕪故城爲治所乃合慨然以治道自任世祖將親征  
阿里不哥乃合出私財市馬二百以助軍帝厚贍其  
家曰當償汝也拜禮部尚書佩金虎符卒年四十八

愛薛

愛薛西域弗林人通西域諸部語工星曆醫藥初事  
定宗直言敢諫時世祖在藩邸器之中統四年命掌  
西域星曆醫藥二司事至元十三年丞相伯顏平江  
南還姦臣以飛語譏之薛叩頭諫得解仁宗時封奉

元史卷一百一

世

國公卒追封太師于五人

禿忽魯

禿忽魯字親臣康里亦納之孫亞禮達石第九子也  
世祖命與也先鐵木兒不忽木從許衡學帝一日問  
其所學忽魯與不忽木對曰三代治平之法也成宗  
卽位遷江浙右丞適歲旱方至而雨民心大悅未幾  
平章不忽木卒帝思之問近侍曰群臣孰有似不忽  
木者賀伯顏對曰忽魯其人也且先帝所知遂驛召  
還賜雕鞍弓矢遷樞密副使大德七年卒年四十八

哈刺哈孫

哈刺哈孫幹刺納兒氏曾祖啓昔禮始事王可汗脫  
幹璘王可汗與太祖約爲兄弟及太祖得衆陰忌之  
謀害太祖啓昔禮潛以其謀來告太祖乃與二十餘  
人一夕遁去諸部聞者多歸之還攻滅王可汗併其  
衆擢啓昔禮爲千戶賜號答刺罕從平河西西域諸  
國祖傳理察太宗時從太弟睿宗攻河南取汴蔡滅  
金賜順德以爲分邑父囊加台從憲宗伐蜀卒於軍  
哈刺哈孫威重不妄言笑善騎射工國書又雅重儒

元史卷一百一

世

憲至元九年世祖錄勲臣後命掌宿衛襲號答刺罕  
成宗崩時武宗撫軍北邊仁宗侍太后在懷慶諸奸  
臣謀漸北道請成后垂簾聽政立安西王阿難答哈  
刺哈孫密遣使北迎武宗南迎仁宗武宗至自此卽  
帝位拜太傅錄軍國重事仍總百揆賜宅一區以其  
子脫歡入侍薨年五十二帝聞驚悼曰喪我賢相子  
脫歡重厚有父風致和元年卒子賢發

拜住

拜住安童孫也五歲而孤太夫人教養之稍長宏遠

端亮有祖風至大二年襲為宿衛長英宗祭極拜中  
書平章政事帝嘗論左右曰汝輩慎之苟陷國法我  
雖曲赦住不汝恕也至治元年春正月帝欲結絲樓  
於禁中元夕張燈設宴時居先帝喪參議張養浩上  
疏住謂當進諫即袖其疏入奏帝悅而止右丞相鐵  
木迭兒貪濫謫險屢殺大臣鬻獄賣官廣立朋黨尤  
惡平章王毅右丞高昉因避京諸舍糧儲失隱欲奏  
誅之住密直於帝白論道經邢宰相事也以金穀細  
務責之可乎帝然之俱得不死鐵木迭兒復引參知  
政事張思明為左丞以助已思明為盡力忌住方正  
每與其黨密謀中害之左右得其情乘間以告請  
備之住曰我祖宗為國元勳世篤忠貞百有餘年今  
年少叨受寵命蓋以此耳人臣協和國之利也今以  
右相警我我求報之非特吾二人之不報亦國家之  
不幸吾知盡吾心上不負君父下不負士民而已鐵  
木迭兒過惡日彰住悉以奏聞帝悟奪其官仆其碑  
奸黨鐵失甚懼平王也孫帖木兒時鎮北邊鐵失潛  
遣人至平王所告以逆謀約事成推王為帝王命囚

之遣使赴上都告變求至車駕南還次南坡鐵失與  
赤斤鐵木兒等夜以所領阿速衛兵為外應殺住弒  
帝於行帳平王即位鐵失等伏誅住母怯烈氏年二  
十二寡居守節住之賢母教之也後封東平王夫人  
子篤麟鐵穆爾

脫烈海牙

脫烈海牙畏吾氏世居別失拔里之地曾祖闕華八  
撒木嘗太祖西征導其主亦都護迎降祖八刺木始  
徙真定仕至帥府鎮撫富而樂施父闕里赤性純正  
知讀書烈海牙幼嗜學性整暇雖居倉卒未嘗見其  
恣逸拜監察御史江西胡叅知殺其弟訟久不決烈  
海牙一訊竟決其辜進荆湖北道宣慰使適峽人饑  
食烈海牙先發廩賑之而後以聞朝議遣之至治三  
年遷淮東宣慰使十月以疾卒於廣陵年六十有七  
弟觀音奴廉明材幹亦仕至清顯云

元列傳卷之二

耶律楚材

耶律楚材字晉卿遼東丹王突欲八世孫父履以學  
行事金世宗特見親任終尚書右丞楚材生三歲而  
孤母楊氏教之學及長博極羣書太祖定燕聞其名  
召見之楚材身長八尺美鬚宏聲帝備之曰遼金世  
雙朕為汝雪之對曰臣父祖嘗委質事之既為之臣  
敢警君耶帝重其言處之左右遂呼吾圖撒合里而  
不名吾圖撒合里蓋國語長髯人也帝每征討必命

元史卷一百一十五

一

楚材上帝亦自灼羊脾以相符應指謂太宗曰此人  
天賜我家爾有一角獸形如鹿而馬尾其色綠楚材  
知其為角端太宗即位條便宜一十八事頒天下帝  
悉從之惟貢獻一事不允楚材曰蠹害之端必由於  
此帝曰凡卿所奏無不從者卿不能從朕一事耶太  
祖之世歲有事西域未暇經理中原官吏多聚飲自  
私貨至鉅萬而官無儲備近臣別迭等言漢人無補  
於國可悉空其人以為牧地楚材曰陛下將南伐軍  
需宜有所資誠均定中原地稅商稅鹽酒鐵冶山澤

之利歲可得銀五十萬兩帛八萬匹粟四十餘萬石

足以供給乃奏立燕京等十路徵收課稅使兀良哈

悉用士人如陳時可趙昉等皆寬厚長者極天下之

選叅佐皆用省部舊人辛卯秋帝至雲中即日拜中

書令汴梁將下大將速不台遣使言金人抗拒日久

宜屠之楚材馳入奏若盡殺之將無所獲帝然之詔

罪止完顏氏帝素嗜酒楚材屢諫不聽乃持酒槽鐵

口進曰趙蕤能腐物鐵尚如此况五臟乎帝悟自庚

寅定課稅格至甲午平河南歲有增羨至二百二十

元史卷一百一十五

二

萬兩楚材極力辨讓至聲色俱厲言與涕俱帝曰爾

欲得關耶又曰爾欲為百姓哭耶歲辛丑帝崩皇后

乃馬真氏稱制崇信姦回癸卯五月熒惑犯房楚材

奏曰當有驚擾然訖無事居無何朝廷用兵事起倉

卒后遂令授甲選腹心至欲西遷以避之楚材進曰

臣觀天道必無患也後數日乃定后雖憾之亦以先

朝舊款深敬憚焉甲辰夏五月堯於位年五十五至

順元年追封廣寧王諡文正子鉉鑣

史天澤

史天澤字潤甫，秉直，季子也。身長八尺，音如洪鍾，善騎射，勇力絕人。戊午秋，從憲宗伐宋，由西蜀以入。已未，夏駐合州，之釣魚山，軍中大疫，方議班師，宋將呂文德以艤艘千餘，沂嘉陵江而上，北軍迎戰不利。帝命天澤禦之，中統元年，世祖即位，首召天澤，問以治國安民之道，卽具疏以對。大畧謂：朝廷當先立省部，以正紀綱，設監司以督諸路，濡恩澤以安反側，退貪殘以任賢能，頒律秩以養廉，禁賄賂以防奸。二年，拜中書右丞相。天澤在憲宗時，奏臣先兄天倪有二子。

元史卷一百一十五

三

一子管民政，一子掌兵權。臣復入叨寄遇一門之內，屢三要職，分所當辭。臣可退休，帝曰：卿奕世忠勤，有勞於國，一門三職，何愧何媿？竟不許。天澤奏：兵民之權不可併於一門，行之請自臣家始。於是史氏子姪卽日解兵符者十七人。至元元年，加光祿大夫，右丞相如故。十一年，詔天澤與丞相伯顏總大軍，自襄陽水陸並進。天澤至鄧州，遇疾還襄陽，帝遣侍臣賜以葡萄酒，且諭之曰：卿自朕祖宗以來，躬擐甲冑，跋履山川，宣力多矣。又卿首事南伐，異日功成，皆卿力也。

勿以小疾阻行爲憂，可且北歸，善自調護，還至真定。

帝又遣其子杜輿尚醫馳視，賜以藥餌。夫澤因附奏曰：臣大限有終，死不足惜，但願天兵渡江，慎勿殺掠。語不及它，以十二年二月七日薨，年七十四。天澤平生未嘗自矜其能，及臨大節，論大事，毅然以天下之重自任。年四十始折節讀書，尤熟于資治通鑑，立論多出人意表。序相之日，門庭悄然，或勸以權自張，天澤舉唐常澳告周弊之語曰：願相公無權，爵祿刑賞天子之柄，何以權爲？因以謝之。言者慙服，出入將相。

元史卷一百一十五

四

五十年上不疑而下無怨，人以此於郭子儀、曹彬云。子格，湖廣行省平章事，樟真定，順天新軍萬戶，棟衛輝路轉運使，杜湖廣行省右丞，杞淮東道廉訪使，梓同知澧州，楷同知南陽府，彬中書左丞。

董文炳

董文炳字彥明，俊之長子也。父歿時年始十六，儼如成人。歲乙未，以父任爲葭城令。世祖在潛藩，癸丑秋，受命憲宗征南，詔文炳率義士四十六騎從行人馬道死殆盡。及至吐蕃，止兩人能從，兩人者挾文炳徒。

行躑躅道路取死馬勿續食日行不能三二十里然志益厲期必至軍會使者過遇文炳還言其狀時文炳弟文忠先從世祖軍世祖卽命文忠解尚履五馬載糗糧迎文炳伯顏以宋主入覲有詔留事一委文炳禁戢豪猾撫慰士女宋民不知易主時翰林學士李榮奉詔招宋士至臨安文炳謂之曰國可滅史不可滅宋十六主有天下三百餘年其太史所記其在史館宜悉收以備典禮乃得宋史及諸注記五千餘冊歸之國史院十五年八月天壽節禮成賜宴命坐上坐論宗室大臣曰董文炳功臣也理當坐是每尚食上食輒輟賜文炳是夜文炳疾復作勅賜御醫日來診視九月十一日疾篤洗沐而坐召文忠等曰吾以先人死王事恨不爲國死邊今至此命也願董氏世有男能騎馬者勉力報國則吾死瞑目矣言畢就枕卒子士元士選

張弘範

張弘範字仲疇柔第九子也善馬樂頗能爲歌詩年二十時兄順天路總管弘畧上計壽陽行都留弘範

攝府事吏民服其明決中統初授御用局總管三年改行軍總管十一年丞相伯顏伐宋弘範爲前鋒十二年次瓜州戰焦山弘範以一軍從旁橫衝之宋師遂敗十四年師還授江東道宣撫使十五年授蒙古漢軍都元帥宋師潰宋臣抱其主昇赴水死入朝賜宴內殿慰勞甚厚未幾瘴疾作卒年四十三諡獻武

劉秉忠

劉秉忠字仲晦初名侃因從釋氏名子聰其先瑯州人也世仕遼爲官族曾大父任金爲邢州節度副使

先史錄卷之六

因家焉故自大父澤而下遂爲邢人庚辰歲末華黎取邢州立都元帥府以其父濶爲都統事定改署州錄事歷鉅鹿內丘兩縣提領所至皆有惠愛秉忠生而風骨秀異志氣英爽不羈世祖在潛邸海雲禪師被召過雲中聞其博學多才藝邀與俱行旣見應對稱旨屢承顧問秉忠於書無所不讀尤邃於易及邵氏經世書至於天文地理律曆三式六壬遁甲之屬無不精通論天下事如指諸掌世祖大愛之海雲南還秉忠遂留藩邸至元元年拜光祿大夫位太保參

預中書省事詔以翰林侍讀學士嘗默之女妻之賜第奉先坊初帝命秉忠相地於恒州東深水北建城郭於龍岡三年而畢名曰開平繼升為上都而以燕為中都四年又命秉忠築中都城始建宗廟宮室八年奉建因號曰大元而以中都為大都十一年八月秉忠無疾端坐而卒年五十九無子以弟秉恕子蘭璋為後

張文謙

張文謙字仲謙邢州沙河人幼聰敏善記誦與太保

先史集卷二

七

劉秉忠同學世祖居潛邸受邢州分地秉忠薦文謙可用歲丁未召見應對稱旨命掌王府書記日見信任世祖以大明曆歲久寢差命許衡等造新曆乃授文謙昭文館大學士領太史院以總其事至元十九年拜樞密副使歲餘以疾薨於位年六十八諡忠宣長子晏仕至御史中丞

郝經

郝經字伯常其先沁州人徙澤州之陵川家世業儒祖天挺元裕嘗從之學金末父思溫辟地河南之魯

山河南亂居民匿窖中亂兵以火薰灼之民多死經母許亦死經以蜜和寒茹汁決母齒飲之即蘇時經九歲人皆異之金亡徙順天家貧賣則百薪米為養暮則讀書居五年為守帥張柔賈輔所知延為上客二家藏書皆萬卷經博覽無不通往來燕趙間元裕每語之以子貌類汝祖才器非常勉之憲宗二年世祖以皇弟開邸金蓮川召經諮以經國安民之道條上數十事大悅遂留王府乃以楊惟中為江淮荆湖南北等路宣撫使經為副將世祖即位以經為翰林

先史集卷二

八

侍讀學士佩金虎符老國信使宋告即位且定經願時經有重名平章王文統忌之既行文統陰屬李璫潛師侵宋欲假手害經經乃上表宋主願附魯運之義居七年從者怒閭死者數人經獨與六人處別館又九年丞相伯顏奉詔南伐帝遣禮部尚書中都海牙及經第行樞密院都事郝庸入宋問執行人之難宋懼遣總管段佑以禮送經歸秋七月卒年五十三二弟彝庸皆有名彝字仲常隱居以壽終庸字季常終潁州守子采麟亦賢仕至燕訪使



姚樞

姚樞字公茂，柳城人。後遷洛陽，少力學，內翰宋九嘉識其有王佐略。楊惟中乃與之借觀。太宗世祖在潛邸，遣趙璧召樞至，大喜，待以客禮，詢及治道，乃為書數千言，首陳三帝王之道。帝嘗論天下人材，及王文統，樞曰：此人學術不純，以游說干諸侯，他日必反。至是，文統果因李壇謀叛，伏誅。四年，拜中書左丞。十三年，拜翰林學士承旨。十七年卒，年七十八。諡曰文獻。子煒，仕為平章政事，從子煒官至翰林學士承旨。

以文章大家知名，諡曰文。

許衡

許衡字仲平，懷之河內人也。世為農，父通，避地河南。以泰和九年九月生衡於新鄭縣，幼有異質，往來河洛間，從柳城姚樞得伊洛程氏及新安朱氏書，益大有得。尋居蘇門，與樞及賈默相講習。世祖出王泰中，以樞為勸農使。至元二年，帝以安童為右丞相，欲衡輔之，復召至京師，命議事。中書省國家自得中原，用金大明曆，詔王恂定新歷，恂以為歷家知歷數，而不

知歷理，宜得衡領之。乃以集賢大學士兼領太史院。

事召至京，歷成奏上之，賜名曰授時歷。卒年七十三。皇慶二年，詔從祀孔子廟庭。延祐初，詔立書院京兆，以祀衡名魯齋書院。衡居魏時所署齋名也。子師可。

賈默

賈默字子聲，初名傑，字漢卿，廣平肥鄉人。幼知讀書，毅然有立志。金主遷蔡，默恐兵且至，又走德安，孝感令謝憲子以伊洛性理之書授之。適中書楊惟中奉旨招集儒道釋之士，默乃北歸。世祖在潛邸，遣召之。

以治道，默首以三綱五常為教，以顯儒翰林傳講。

學士默嘗與劉秉忠、姚樞、劉肅商，擬侍上前，默言君有過舉，臣當直言。都俞吁咈，古之所尚，默既老，不視。帝數遣中使以珍玩及諸器物往存問焉。十七年，加昭文館大學士，卒年八十五。子履，集賢大學士。

王磐

王磐字文炳，廣平永年人。世業農，歲得麥萬石，鄉人號萬石王家。父積金末，入財佐軍興，金人遷汴，乃舉家南渡河，居汝之魯山。磐年方冠，從麻九疇學于邸。

城客居貧甚日作糜一器畫為朝暮食年二十六擢  
正大四年經義進士第及河南被兵磐避難北歸中  
統元年即拜益都等路宣撫副使以疾免李壇素重  
磐以禮延致之及壇謀不軌脫身至濟南入京師因  
待臣以聞世祖召拜翰林直學士時方伐宋凡帷幄  
謀議有所未決即遣使問之磐所敷陳每稱上意磐  
以年老乞骸骨致仕磐無子命其婿著作郎李稱賓  
為東平判官以便奉磐資性剛方閒居不妄言笑每  
奏對必以正不肯阿意承順帝嘗以古直稱之雖權  
先史集卷二十一  
倖側目弗顧也年至九十二卒

李治

李治字仁卿真定藁城人登金進士第歲壬辰城潰  
治微服北渡世祖在潛邸聞其賢遣使召之問今之  
人材賢否對曰今儒生有如魏璠王鶚李獻卿蘭光  
庭趙復郝經王博文輩皆有用之材世祖即位復聘  
之欲處以清要治以老病懇求還山至元二年再  
學士召就職暮月復以老病辭去卒于家年八十八

李昶

李昶字士都東平須城人父世嫻從外家受孫明復  
春秋得其宗旨金貞祐初三赴廷試不第推恩授彭  
城簿志抑鬱不樂遂復求試一夕夢在李彥勝下及  
第則計借之士無之時昶年十六已能為程文乃更  
其名曰彥興定二年父子廷試昶果以春秋中第二  
甲第二人世弼第三甲第三人父子褒貶各異時人  
以比向歆而世弼遂不復仕昶穎悟過人讀書如夙  
習歲已未世祖伐宋次濮州聞昶名召見問治國用  
兵之要特授翰林侍講學士行東平路總管軍民同  
先史集卷二十一  
議官二十六年卒年八十有七

李謙

李謙字受益鄆之東阿人祖元以醫著名父唐佐性  
恬退不喜仕進謙幼有成人風與徐世隆孟祺閻復  
齊名而謙為首翰林學士王磐以謙名聞召為應奉  
翰林文字一時制誥多出其手至元十五年陞侍制  
世祖深加器重嘗賜坐便殿二十六年以足疾辭歸  
三十一年成宗即位驛召至上都仁宗為皇太子徵  
為太子少傅謙力辭仁宗即位召十六人謙居其首

乃力疾見于行在遷集賢殿大學士致仕卒年七十九學者宗之號野齋先生子侶官至大名路總管

孟祺

孟祺字德卿宿州符離人世以財推鄰里父仁業儒有節行壬辰其波寓濟州魚臺州帥石天祿禮之辟兼詳議府事祺幼敏悟善騎射早知問學庶希憲宋子貞皆器過之以聞于朝擢國史院編修官至元七年持節使高麗還稱旨十二年丞相伯顏將兵伐宋詔選宿望博學可贊畫大計者與俱行遂授祺承直

元史卷一百一十二

十三

關復

關復字子靖其先平陽和州人祖衍仕金歿王事父忠避兵山東之高唐遂家焉復始生有奇光照室性簡重美丰儀至元八年用王磐薦為翰林應奉以才選充會同館副使三十一年成宗即位以舊臣召入

朝大德元年仍遷翰林學士二年詔賜幣幣萬貫紙宗踐祚復首陳三事仁宗居東宮賜以重錦伴公卿祖道都門外及即位遣使召復復以病辭皇慶元年三月卒年七十七謚文惠

李德輝

李德輝字仲實通州潞縣人生五歲父且卒指德輝謂其家人曰吾為吏治獄不任苛刻人蒙吾力者奉天或報之是兒其大吾門乎世祖在潛濱用劉秉忠薦使侍裕宗講讀至元七年改安西王相特重慶猶

元史卷一百一十二

十四

城守不下十四年詔以為西川行禮密院副使仍兼丞相諸軍既發德輝留成都給軍食其後有以受鬼鬻馬千數請德輝於朝者帝曰是人朕所素知雖一羊不妄受寧有是耶卒年六十三

張德輝

張德輝字輝卿冀寧文城人少力學數舉於鄉金貞祐間兵興家業殆盡試掾御史臺會盜殺卜者有司縱跡之獲僧匿一婦人榜掠誣服獄具德輝疑其冤其後果得盜趙秉文楊德咸器其材金亡世祖在潛

邸召見又訪中國人材德輝舉魏瑞元裕李治等二十餘人歲戊申春釋奠致祚於世祖世祖曰孔子廟食之禮何如對曰孔子為萬代王者師有國者尊之則嚴其廟貌修其時祀其崇與否於聖人無所損益但以此見時君崇儒重道之意何如耳世祖即位為河東南北路宣撫使至元三年秋參議中書省事五年春擢侍御史辭不拜德輝天資剛正性不喜嬉笑與元裕李治游封龍山號為龍山三老云卒年八十

楊恭懿

元史卷一百一十五 楊恭懿字元甫奉元人力學強記日數千言雖從親

遊亂未嘗廢業至元七年與許衡俱被召恭懿不至衡拜中書左丞日於右相安童前稱譽恭懿之賢丞相以問十年詔遣使召之以疾不起十一年太子下教中書俾如漢惠聘四儒者以聘既入見世祖遣國王和童勞其遠來會北征遂歸田里十六年詔安西王相敦遣赴闕詔於太史院改厝授集賢學士兼太史院事十八年辭歸召皆不行三十一年卒年七十

王恂

王恂字敬甫中山唐縣人父良金末為中山府椽恂性穎悟生三歲家人示以書帙輒識風丁二字十三學九數輒造其極世祖召見于六盤山命輔導裕宗為太子伴讀中統二年擢太子贊善裕宗問以心之所守恂曰許衡嘗言人心如印板惟板本不差則雖摹十萬紙皆不差十六年授太史令十七年曆成賜名授時曆十八年居父喪哀毀未幾卒年四十七後帝思定曆之功以鈔五千貫賜其家子寬宥並從許衡游得星曆之傳於家學寬歷知蠡州府累秘書監

郭守敬

郭守敬字若思順德邢臺人生有異操不為嬉戲事大父榮通五經精於算數水利時劉秉忠張文謙張易王恂同學於州西紫金山榮使守敬從秉忠學中統三年文謙薦守敬習水利巧思絕人世祖召見面陳水利六事務乘忠以大明曆自遼金承用二百餘年寢以缺失議欲修正而卒十三年江左既平帝思用其言十六年改局為太史院以王恂為太史令守敬為同知太史院事十七年新曆告成十九年恂卒

時曆雖頒然其推步之式與夫立成之數尚皆未有定稿守敬於是比次奏進守敬陳水利十有一事帝覽奏喜曰當速行之三十年帝還自上都過積水澤見舳舻蔽水大悅名曰通惠河大德二年召守敬至上都議開鐵幡等渠七年詔內外官年七十並聽致仕獨守敬不請其請自是翰林太史司天官不致仕定著為令延祐三年卒年八十六

恭公直

恭公直益都樂安人世業農至元五年為益都勸農

元史卷一百一十七

十七

官世祖知其勇遣使召見從諸軍南伐公直又令第三子忙古台攻梅關破淮德山寨入廣東至南海皆下之授公直管軍上千戶召入加萬戶初帝詔以長子恭襲萬戶公直自陳父老乞以恭為樂安縣尹就養其父制可仍終身勿徙他職至是乃以忙古台襲萬戶二十三年公直從丞相伯顏擊海都王階沒

王憚

王憚字仲謀衛州汲縣人曾祖經祖字仕金官教武校尉父天鐸金正大初以律學中首選憚有材幹史

天澤將兵攻宋過衛一見接以賓禮中統元年左丞姚樞宣撫東平辟為詳議官至元五年達御史臺首拜監察御史十四年除翰林侍制二十六年授福建閩海道提刑按察使每謂為治之本在於得人二十八年召至京師二十九年春見帝於柳林行宮遂上萬言書極陳時政授翰林學士嘉議大夫成宗即位獻守成事鑑一十五篇大德五年再上章求退遂授其子公滿為衛州推官以便養仍官其孫倚秘書郎大德八年六月卒贈翰林學士承旨

元史卷一百一十八

十八

何榮祖

何榮祖字繼先其先太原人父璞金貞祐開試文法及優等補吏後授明威將軍守鉅鹿尹權軍器監主簿金亡徙家廣平榮祖狀貌魁偉額有赤文如雙樹背負隆起有相者謂曰子位極人臣且壽相也除雲南行省叅知政事以母老辭又拜御史中丞復出為山東東西道按察使榮哥敗於中書右丞先是榮祖奉旨定大德律令書成已久至是乃得請於上詔元老大臣聚聽之未及頒行適于秘書少監惠沒遂歸

廣平卒年七十九

姚天福

姚天福字君祥絳州人父居實避兵徙鳳門天福幼讀春秋通大義及長以材辟懷仁祿至元五年詔立御史臺以為架閣管勾尋拜監察御史每廷拆權臣帝嘉其直十六年江南既平授嘉議大夫淮西道按察使大德四年拜叅知政事大都路總管兼大興府尹畿甸大治後之尹京者以天福為稱首六年以疾卒年七十三子祖愛祕書監著作郎侃內藏庫副使

先史集卷二

十九

譚澄

譚澄字彥清德興懷來人父資榮金末為交城令國兵下河朔乃以縣來附賜金符有功年四十移病舉弟資用自代資用卒澄襲職四川僉省嚴忠範守成都為宋將咎萬壽所敗退保子城世祖命澄代之民心稍安會西南夷羅羅斯內附遂以澄為副都元帥同知宣慰使司事比至以疾卒年五十八子克脩歷湖北河南陝西三道提刑按察使

許維禎

許維禎字周卿遂州人至元十五年為淮安總管府判官屬縣鹽城及下溪場有二虎為害維禎默禱於神祠一虎去一虎死祠前境內旱蝗維禎禱而兩蝗亦息是年冬無雪父老言於維禎曰冬無雪民多疾奈何維禎曰吾嘗為爾禱已而雪深三尺朝廷聞其事方欲用之而卒年四十四子敷

許楫

許楫字公度太原忻州人幼從元裕學楫至京師丞相安童左丞許衡深器重之一日從省臣立殿世祖見其美髯魁偉問曰汝秀才耶楫頓首曰臣學秀才耳未敢自謂秀才也未幾立大司農司以楫為勸農副使二十三年授徽州總管桑哥立尚書會計天下錢糧叅知政事忻都戶部尚書王巨濟倚勢刻剝遣使徵徽州民鈔多輸二千定巨濟怒其少欲更益千定楫詣巨濟曰公欲百姓死耶辛年七十一子餘慶重慶崇慶餘失其名

田滋

田滋字榮甫開封人至元二年由汴梁路總管府知

事不為御史臺樣大德二年遷浙西廉訪使府縣其  
張政者被誣以贓獄成滋齋戒請城隍祠禱神明其  
誣張政得釋拜陝西行省叅知政事時陝西不雨三  
年道過西嶽禱果大雨未幾以疾卒

上天璋

上天璋字君璋洛陽人父世昌仕金為河南孔目官  
憲宗南征率衆款附授鎮撫天璋至元中為南京府  
史大德五年以樞密大臣聞伯薦授都事贊其府引  
見賜錦衣鞍轡弓刀尚書省立遷刑部郎中尚書省

光史

十一

臣得罪仁宗召未璋入見時與聖太后在座帝指曰  
此不貪賄上天璋也陞浙西道兼訪副使到任聞且  
以更因飢改授饒州路總管火延饒之東門天璋具  
衣冠向大拜執送德鳴山有虎為暴天璋移文山神  
立捕獲之未曆二年蜀兵起荆楚大震復拜山南廉  
訪使人謂公老必不行矣天璋曰國步艱難吾年八  
十恒懼弗獲死所取敢避難乎遂行會詔三品官宜  
時政得失因列上二十事凡萬餘言目之曰中興書  
治策皆中時病尉自引去既歸汴以餘祿施其族黨

家無餘備天璋處之晏如也至順二年卒

耶律伯堅

耶律伯堅字壽之桓州人氣豪俠喜與名士遊用薦  
舉入官為工部主事至元九年轉保定路清苑縣尹  
凡郡府賦役於縣有重於他縣者輒曰寧得罪於上  
不可得罪於下必請府力爭之在清苑四年民親戴  
之如父母比去立石頌其德焉擢為恩州同知

林興祖

林興祖字宗起福州羅源人至治二年登進士第授  
承仕郎同知貴巖州事至正八年特旨遷為道州路

光史

十二

總管行至城外撞賊已迫其後賊聞新總管至皆曰  
林總管廉而愛民不可犯也三年不入境憲司考課  
以道州為最年老致仕終於家

周自強

周自強字剛善臨江路新喻州人以文法推擇為吏  
奉定閩廣西洞徭反自強往見徭酋立為罷兵遷發  
州路義烏縣尹部使者數以廉能舉於朝遷授撫州  
路金溪縣尹政績愈著以江州路總管致仕

元列傳卷之三

劉因

劉因字夢吉保定容城人世為儒家秉善生述述因父也歲壬辰述始北歸刻意問學遂性理之說好長嘯中統初左三部尚書劉肅宜撫真定辟武邑令以疾辭歸年四十未有子嘆曰天果使我有子必令讀書因生之父述夢神人馬載一兒至其家曰善養之既覺而生乃名曰駟字夢驥後改今名及字因天資絕人三歲識書記千百言初為經學究訓詁既釋

元史卷之三

卷之三

一

二

吳澄

吳澄字幼清撫州崇仁人澄生前一夕鄉父老見異氣降其家隣媪復夢有物蜿蜒降其舍旁池中旦以告於人而澄生既長用力聖賢之學嘗舉進士不中至元十三年民初附盜賊所在蜂起樂安鄭松招澄居布水谷乃著孝經章句校定易書詩春秋儀禮及大小戴記侍御史程鉅夫奉詔求賢江南起澄至京師未幾以母老辭至大元年召為國子監丞初澄所居草屋數間程鉅夫題曰草廬故學者稱之為草廬

元史卷之三

卷之三

二

程鉅夫

程鉅夫名文海避武宗廟諱以字行其先自徽州徙鄆州京山後家建昌叔父飛卿仕宋通判建昌世祖時以城降鉅夫入為質子授宣武將軍管軍千戶他日召見問買似道何如人鉅夫條對甚悉至元十九年奏陳五事拜侍御史詔求賢江南初書詔令用榮古字及是特命以漢字書之帝素聞趙孟頫李盱鉅夫隨當行帝密諭必致此二人鉅夫又薦趙孟頫



余恁萬一鶚張伯淳胡夢魁曾端頰孔洙曾冲子凌  
時中包鑄等二十餘人帝皆擢置臺憲及文學之職  
二十六年時相桑哥專政法令苛急四方騷動鉅夫  
入朝上疏論桑哥皇慶二年詔鉅夫偕平章政事李  
孟叅知政事許師敬議行貢舉法鉅夫言建經學當  
主程頤朱熹傳註三月以病乞骸骨五年卒年七十  
泰定二年贈大司徒

趙孟頫

趙孟頫字子昂宋太祖子秦王德芳之後也幼聰敏

元史藝文志卷五

讀書過目輒成誦為文操筆立就年十四用父蔭補

官中吏部銓法調真州司戶參軍宋亡家居益自  
力於學至元三十三年行臺侍御史程鉅夫搜訪遺  
逸於江南得孟頫以之入見世祖使坐右丞葉李上  
或言孟頫宋宗室子不宜使近左右帝不聽帝問汝  
趙太祖孫耶太宗孫耶對曰臣太祖十一世孫帝曰  
太祖行事汝知之乎孟頫謝不知帝曰太祖行事多  
可取者朕皆知之孟頫自念久在上側必為人所忌  
力請補外仁宗素知其名延祐三年拜翰林學士承

旨初孟頫以鉅夫薦起家為郎及鉅夫為學士承旨  
求致仕去孟頫代之先往拜其門而後入院時人以  
為衣冠盛事六年得請南歸帝遣使賜衣幣趣之還  
朝以疾不果行至治元年英宗遣使即其家俾書孝  
經二年賜上尊及衣二襲是歲六月卒年六十九追  
封魏國公謚文敏孟頫所著有尚書註有琴原樂原  
得律呂不傳之妙前史官楊載稱孟頫之才頗為書  
畫所掩知其書畫者不知其文章知其文章者不知  
其經濟之學人以為知言云

元史藝文志卷五

曹元用

曹元用字子貞世居阿城後徙汶上祖義不仕父宗  
輔德清縣主簿元用資稟俊爽幼嗜書一經目輒成  
誦為翰林國史院編脩官轉中書省右司掾與清河  
元明善濟南張養浩同時號為三俊時宰執有欲罷  
科舉法者元用以為國家文治正在於此胡可罷也  
天曆二年代祀曲阜孔子廟還以司冠像及代祀記  
獻帝甚喜值太禧宗禋院副使缺中書奏以元用為  
之帝不允曰此人翰林中不可無者將大用之矣

會卒二子儵儵

齊履謙

齊履謙字伯恒父義善篆術履謙生六歲從父至京師從師聞聖賢之學自是以窮理為務非洙泗伊洛之書不讀至元十六年初立太史局改治新曆履謙補星曆生至大二年太常請脩社稷壇及浚太廟庭中井或以歲君所直欲止其役履謙曰國家以四海為家歲君豈專在是四年仁宗即位嘉尚儒術臺臣言履謙有學行可教國學子弟擢國子監丞未幾復以履謙會太史院事延祐元年詔擇善教者於是復以履謙為國子司業至治元年拜太史院使泰定二年九月以本官奉使宣撫江西福建黜罷官吏之貪汚者憲司誣以他事未幾誣履謙者皆坐事免履謙始得直復為太史院使天曆二年九月卒

姚燧

姚燧字端甫世系見燧伯父樞傳父格燧生三歲而孤育于伯父樞至元七年許衡以國子祭酒教貴冑奏召舊弟子十二人燧自太原驛至館下燧年三十

八始為秦王庶文學十三年以秦王命安輯庸蜀二十七年授大司農丞元貞元年以翰林學士召脩世祖實錄大德五年授江東廉訪使移病至大元年仁宗居藩邸開官師庶燧年已七十遣正字呂洙如漢徵四皓故事起燧為太子賓客未幾除承旨學士尋拜太子少傅四年得告南歸中書以承旨召明年復召燧以病俱不赴卒於家年七十六謚曰文

郝天挺

郝天挺字繼先出於魯別族自曾祖而上居安肅州父和上拔都魯太宗憲宗之世多著武功為河東行省五路軍民萬戶天挺英爽剛直有志畧受業于遺山元好問以勳臣子世祖召見嘉其容止有旨任以政事堅參知政事成宗崩仁宗以太后命首定大難及武宗還自朔方遂入正大統定策之際天挺與有力焉皇慶二年卒年六十七

張珪

張珪字公端弘範之子也少能挽強命中嘗從其父出林中有虎珪抽矢直前虎人立洞其喉一軍盡譟

至元十六年弘範平廣海宋禮部侍郎鄒光薦將赴水死弘範救而禮之命珪受學光薦嘗遺一紙書目曰相業師還道出江淮珪年十六攝管軍萬戶十七年真拜萬戶未幾弘範卒喪畢世祖召見親撫之奏曰臣年幼軍事重攝禎者從臣父祖久歷行陣幸以副臣帝嘆曰未若成自副常况不知出此厚賜而遣之武宗即位尚書省立中外洵海中丞又闕方議擇人仁宗時在東宮曰必欲得真中丞惟張珪可即日召拜中丞延祐二年拜中書平章政事謝病家居丁

先史錄卷之七

母憂至治二年英宗召見於易水之上丞相拜住問珪曰宰相之體何先珪曰莫先於格君心莫急於虧高路是年冬為集賢大學士泰定帝始開經筵令左丞相與珪領之珪進翰林學士吳澄等以備顧問封蔡國公四年十二月薨嘗自號曰清菴子六人

張養浩

張養浩字希孟濟南人幼有行義山東按察使焦遂聞之薦為東平學正遊京師獻書於平章不忽木大奇之辟為吏部令史仍薦為御史臺延祐初設進士

科遂以禮部侍郎知貢舉進士請諸皆不納但使人戒之曰諸君子但思報效奚勞謝為英宗即位命奉議中書省事會元夕帝欲於內庭張燈為鰲山即上疏於左丞相拜住住袖其疏入諫天曆二年開中大早饑民相食特拜陝西行臺中丞既開命即散其家之所有與鄉里貧乏者聞民間有殺子以奉母者為之大慟出私錢以濟之卒年六十二子彊弘彌先卒

敬儼

敬儼字威卿其先河東人後徙易水五世祖嗣徽仕

先史錄卷之八

金官至泰和政事會祖子淵幾廢余和繼同知鄆州事皆以進士起家父元長有學行官至太常博士儼其仲子也幼不為嬉戲事長嗜學善屬文御史中丞郭良弼薦為殿中知班武宗撫軍北邊成宗升殿宰臣有異謀者事定命儼預鞠問之悉得其情除山北廉訪副使入為右司郎中皇慶五年夏五月拜中書參知政事每入見帝以字呼之其禮遇如此泰定元年改江南諸道行御史臺中丞不赴年六十五即告老朝廷雖命其子自強為安慶總管府判官而未從

其請拜中書平章政事復以老病辭不從天曆改元朝議欲盡戮朝臣之上京者儼抗論謂是皆循常歲例從行殺之非罪衆賴之獲免居月餘傷足告歸家居十餘年痺不能行猶劬書不廢臨終戒子弟曰國恩未報而至不祿奈何汝曹當清白守恒業無急仕進正冠幘端坐而逝贈翰林學士承旨叔祖鉉與太原元好問同登金進士第國初爲中都提學著春秋備忘四十卷仁宗朝命刻其書

曹伯啓

光史集事卷七

九

曹伯啓字士開濟寧場山人弱冠從東平李謙遊爲於問學至元中歷仕爲蘭溪主簿拜集賢學士御史臺侍御史有詔同刊定大元通制天曆中起爲淮東廉訪使陝西行御史臺中丞使驛教遣伯啓喟然曰吾年且八十尚志知止之戒乎終不起一時被命者因相繼去位天下之士高之至順三年長子震亨卒於毘陵伯啓往弔之明年二月卒於毘陵年七十九

陳顥

陳顥字仲明其先居雁龍有名山者仕金爲謀克監

原缺第十葉

十有一

賀勝

賀勝仁傑子也字貞卿一字舉安小字伯顏以小字行嘗從許衡學通經傳大義年十六入宿衛凝重寡言世祖甚器重之大臣有密奏輒屏左右獨留勝許聽之出則乘輿入則侍帷帳非休沐不得至家至大三年進光祿大夫左丞相勝素惡鐵木迭兒貪暴居同巷不與往來帝亦素惡鐵木迭兒欲誅之鐵木迭兒走匿太后宮中太后爲言僅奪其印綬而罷之

光史集事卷七

十一

及英宗即位和諫閣中鐵木迭兒遂復出攝相位乃勸賜兒只及中書平章政事蕭拜住同日戮於市且復誣勝乘賜車迎詔不敬并殺之勝死之日百姓爭持紙錢哭於屍傍甚哀泰定詔雪其寃

元明善

元明善字復初大名清河人其先蓋拓跋魏之裔居清河者至明善四世矣明善資穎悟絕出讀書過目輒記仁宗居東官首擢爲太子文學及即位改翰林待制預脩成宗順宗實錄延祐二年始會試天下進

士明善首充考試官及廷試又為讀卷官所取士後  
多為名臣改禮部尚書至治二年卒於位泰定間贈  
河南行省左丞追封清河郡公謚曰文敏明善與虞  
集初相得甚驩至京師乃復不能相下吳全節與明  
善交尤密嘗求明善作文既成明善謂全節曰伯生  
見吾文必有譏彈吾所欲知成季為我治具招伯生  
來觀之若已入石則無及矣明日集至明善出其文  
問何如集曰公能從集言去百有餘字則可傳矣明  
善即泚筆屬集凡刪百二十字而文益精當明善大  
先東集卷一 卷五 十二

虞集

虞集字伯生宋丞相允文五世孫也曾祖剛簡為利  
州路提刑有治績嘗與臨邛魏了翁成都范仲樞李  
心傳輩講學蜀東門外得程朱氏微旨著易詩書論  
語說發明其義蜀人師尊之祖珏知連州亦以文學  
知名父汲黃岡尉宋亡僑居臨川崇仁與吳澄為友  
澄稱其文清而醇嘗至京師贖族人被俘者十餘口  
以歸由是家益貧晚稍起家教授於諸生中得李木

魯紳歐陽玄而稱許之以翰林編脩官致仕娶楊氏  
國子祭酒文仲女咸淳間文仲守衡以汲從未有子  
為禱於南岳集之將生文仲晨起衣冠坐而假寐夢  
一道士至前牙兵啓曰南岳真人來見既覺聞甥館  
得男心頗異之集三歲即知讀書歲乙亥汲挈家趨  
嶺外干戈中無書冊可携楊氏口授論語孟子左氏  
傳歐蘇文聞輒成誦比還長沙就外傳始得刻本則  
已盡讀諸經通其大義矣除翰林待制兼國史院編  
脩宜仁宗嘗對左右嘆曰儒者皆用矣惟虞伯生未  
先東集卷一 卷五 十三

願擢其會要駕不及用英宗即位拜住為相頗超用  
賢後時集以憂還江南拜住不知也乃言於上遣使  
求之於蜀於江西集方省墓吳中趙朝則拜住不及  
見矣拜翰林學士俄兼國子祭酒文宗除奎章閣侍  
讀學士中丞趙世安乘間為集請曰虞伯生久居京  
師甚貧又病目今幸假一外任便醫帝怒曰一虞伯  
生汝輩不容耶一日命集章制封乳母夫為管都王  
使貴近阿營變傳旨二人者素忌集謬言制封營  
國公集具藁俄丞相自榻前來索制詞甚急以藁進

丞相愕然問故集知爲所給即請易彙以進終不自  
言二人者愧之其雅量類如此龔伯璠以才俊爲馬  
祖常所喜祖常爲御史中丞伯璠遊其門祖常亟稱  
之欲集爲薦引集不可文宗崩集在告欲謀南還弗  
果幼君崩大臣將立妥歡帖木爾太子用至大故事  
召諸老臣赴上都議政集在召使人告之曰御史有  
言乃謝病歸臨川初文宗在上都將立其子阿剌忒  
納答刺爲皇太子而以妥歡帖穆爾太子乳母失言  
明宗在日素謂太子非其子黜之江南又召集使書

元史集

卷五

十

詔書香中外特省臺諸臣皆文宗素所信用御史亦  
不敢斥言其事意在諷集速去而已伯璠後以用事  
敗殺其身世乃服集知人元統二年遣使召還禁林  
疾作不能行至正八年五月己未以病卒年七十有  
七集孝友弟榮早卒教育其孤無異己子兄采以能  
庫翰賦京師虧數千緡盡力管貸代償之據庶弟嫁  
孤妹具有恩意早歲與弟榮同開書舍爲二室左室  
書陶淵明詩於壁題曰陶庵右室書邵堯夫詩題曰  
邵庵故世稱邵庵先生子四人安民以蔭歷官知吉

州路安福州遊其門見稱許者莆田陳旅旅亦有文  
行世國學諸生若蘇天爵王守誠輩終身不名他師  
皆當世稱名卿者其交遊尤厚者曰范梈梈字仲常  
延祐五年第進士授吉安未豐丞集接方外士必扣  
擊其說其爲人方正集亦嚴憚之然不幸年不及艾  
而卒范梈字字父一字德樸清江人家貧早孤母熊  
氏守志不他適長而教之梈天資異所誦讀輒記  
億天曆二年授湖南嶺北道廉訪司經歷以養親辭  
是歲母喪明年十月亦以疾卒年五十九所著詩文

元史集

卷五

十五

多傳於世梈持身廉正居官不可干以私蔬食飲水  
泊如也吳澄以道學自任少許可嘗曰若亨父可謂  
特立獨行之士矣爲文志其慕以東漢諸君子擬之

揭傒斯

揭傒斯字粵碩龍興富州人父來成宋鄉貢進士傒  
斯幼貧讀書尤刻苦晝夜不少懈父子自爲師友由  
是貫通百代早有文名大德間稍出游湘漢湖南帥  
趙淇雅號知人見之驚曰他日翰苑名流也程鑑夫  
屢舉先後爲湖南憲長咸鼎重之鉅夫因妻以從妹

延祐初摯列薦於朝特授翰林編脩官時平章李孟監脩國史讀其所撰功臣列傳嘆曰是方可名史筆文宗時幸閣中有所咨訪奏對稱亦恒以字呼之而不名元統初詔對便殿慰諭良久命賜以諸王所服表裏各一躬自辯識以授之遷翰林待制陞集賢學士至正三年年七十致政而去詔遣使追及於郭南復奉上尊論侯斯還撰明宗神御殿碑得寒疾七日卒

黃潛

先史纂要卷三

十六

黃潛字晉卿婺州義烏人母童氏夢大星墜於懷有娠歷二十四月始生潛生而俊異比成童授以書詩不一月成誦迨長以文名於四方延祐二年進士第授台州寧海丞入為應奉翰林文字同知制誥兼國史院編脩官轉國子博士出為江浙等處儒學提舉潛年始六十七不俟引年。座上納祿待親之請絕江徑歸俄以秘書少監致仕除翰林直學士知制誥使者追還京師復為前官久之始得謝南還優遊田里間凡七年卒于繡湖之私第年八十一同郡柳貫

吳萊嘗浦陽人貫字道傳器局凝定端若神嘗受性理之學於蘭溪金履祥仕至翰林待制與潛及臨川虞集豫章相侯斯齊名人號為儒林四傑年七十三卒萊字立夫集賢大學士直方之子也輩行稍後於貫潛天資絕人延祐七年以春秋舉上禮部不利潛晚年謂人曰萊之文嘖絕雄深類秦漢間人所作實非今世之士也萊以御史薦調長蘄書院山長未上卒年僅四十有四

先史纂要卷三

十七



元列傳卷之四

趙復

趙復字仁滿德安人也太宗乙未歲命太子淵出帥師伐宋德安以嘗逆戰其民數十萬皆俘戮無遺時楊惟中行中書省軍前姚樞奉詔即軍中求儒道釋醫卜士凡儒生掛俘籍者輒脫之以歸復在其中不欲比因與樞訣樞恐其自裁留帳中共宿既覺月色皓然唯寢衣在遽馳馬周號及水際見復欲投水樞曉以徒死無益復強從之先是南北載籍不相通復

光史集卷之四

張頴

張頴字達善其先蜀之道江人蜀亡僑寓江左金華王栢得朱熹三傳之學嘗講道於台之上蔡書院頴從而受業馬至元中行臺中丞吳曼慶聞其名延致江寧學官俾子弟受業中州士大夫欲淑子弟以朱子四書者皆遣從頴游頴無子有經說及文集行世

金履祥

金履祥字吉父婺之蘭溪人其先本劉氏後避吳越錢武肅王嫌名更為金氏履祥從曾祖景文當宋建炎紹興間以孝友著稱其父母疾齋禱於天而靈應隨至事聞於朝為改所居鄉曰純孝履祥幼而敏庶父兄稍授之書即能記誦比長益自策勵事同郡王栢從登何基之門時宋之國事已不可為履祥遂絕意進取然負其經濟之畧亦未忍遽忘斯世也履祥因進牽制矯虛之策宋莫能用何基王栢之喪履祥率其同門之士以義制服觀者始知師弟之繫於常倫也履祥居仁山之下學者因稱為仁山先生大德中卒

光史集卷之四

許謙

許謙字益之其先京兆人九世祖延壽宋刑部尚書八世祖仲容太子洗馬仲容之子曰沈曰洞洞由進士起家以文章政事知名於時沈之子寔事海陵胡璣能以師法終始者也由平江從妻之金華至謙五世為金華人父觥登淳祐七年進士第任未顯以歿



謙生數歲而孤長肆力於學受業金履祥之門延祐初謙居東陽金華山學者翕然從之廉訪使劉庭直副使趙宏備皆中州雅望於謙深加推服論薦於朝中外名臣列其行義者前後章數十上而邵復以遺逸應詔鄉闈大比請司其文衡皆莫能致至其晚節獨以正身任學之重遠近學者以其身之安否為斯道之隆替焉至元三年卒年六十八

陳櫟

陳櫟字壽翁徽州休寧人宋亡科舉廢櫟慨然發憤

元史卷一百一十四

三

致力於聖人之學廼祐初詔以科舉取士櫟不欲就試有司強之試鄉闈中選遂不復試禮部教授於家不出門戶者數十年元統二年卒年八十三

胡一桂

胡一桂字庭芳徽州婺源人父方平一桂之易學出於方平得朱熹氏源委之正宋景定甲子一桂年十八領鄉薦試禮部不第退而講學遠近師之號雙湖先生同郡胡炳文字仲虎亦以易名家餘于饒魯之學本出於朱熹而其說多與熹牴牾炳文深正其非

云

黃澤

黃澤字楚望其先長安人唐末舒藝知資州內江縣卒葬焉子孫遂為資州人宋初延節為大理評事澤十一世祖也五世祖拂與二兄播揆同年登進士第父儀可累舉不第隨兄驥子官九江蜀亂不能歸因家焉澤生有異質慨然以明經學道為志作思古吟十章至正六年卒年八十七其書存於世者十二三門人惟新安趙沄為高第得其春秋之學為多

元史卷一百一十四

四

蕭軒

蕭軒字惟斗其先北海人父仕秦中遂為奉元人軒性至孝自為兒時翹楚不凡博極群書侯均謂元有天下百年惟蕭惟斗為識字人世祖分藩在秦辟軒與楊恭懿輔擇侍秦邸軒以疾辭大德十一年拜太子右諭德扶病至京師入覲東宮書酒誥為獻以朝廷時尚酒故也卒年七十八賜諡貞敏輔擇者字從善亦奉元人天資超異信道不惑其教儒者雖中歲以後亦必使自小學等嘗始世祖嘗召之赴京疾不

果行侯均者字伯仁亦奉元人父母蚤亡獨與繼母居賣薪以給奉養積學四十年用薦者起爲太常博士後以上疏忤旨相意不待報可卽歸

同恕

同恕字寬甫其先太原人五世祖遷秦中遂爲奉元人祖昇父繼先博學能文恕安靜端凝羈艸如成人仁宗踐祚卽其家拜國子司業階儒林郎使三召不起延祐設科再主鄉試六年以奉議大夫太子左贊善召入見致和元年拜集賢侍讀學士以老疾辭自

元史卷一百一十四

五

京遷家居十三年縉紳望之若景星麟鳳至順二年卒年七十八

安熙

安熙字敬仲真定藁城人祖潛父松皆以學行淑其鄉人熙既承其家學及聞保定劉因之學心向慕焉熙方將造其門而因已歿乃從因門人烏叔備問其緒說熙遭時承平不屑仕進家居教授垂數十年

胡長孺

胡長孺字汲仲婺州永嘉人嘗唐之季其先自天台

來徙宋南渡後以進士科發身者十人曾祖真欽州

司法叅軍脫畧豪雋祖巖起嘉定甲戌進士知福州

閩縣事在江西幕府平贛州之難於指顧之頃全活

數十萬人父居仁淳祐丁未進士知台州軍州事文

辭政事亦絕出至長孺其學益大振拜福寧州倅之

命會宋亡逃棲永康山中至元二十五年詔下求賢

有司強起之至京師待詔集賢院既而召見內殿拜

集賢脩撰與宰相議不合改教授楊州至大元年轉

台州路寧海縣主簿丁未浙東大侵戊申復無麥民

相枕死宣慰同知脫歡察議行振荒之令飲富人錢

一百五十萬給之至縣以餘錢二十五萬屬長孺藏

去乃行旁州長孺察其有乾沒意悉散於民閱月再

至索其錢長孺抱成案進曰錢在是矣脫歡察怒曰

汝膽如山耶脫歡察雖怒不敢問縣有銅崖惡少年

租伺其間恒出鈔道爲過客患官不能禁長孺僞衣

商人服令蒼頭負貨以從陰戒驍卒十人躡其後長

孺至巖中人突出要之長孺方遜辭以謝驍卒俄集

皆成擒群嫗聚浮屠巷編佛書爲禳祀一嫗失其衣

長孺出鄉。媼訟之。長孺以牟麥實群媼合掌中。命統佛誦書如初。長孺閉口叩齒。作集神狀。且曰。吾使神監之矣。盜衣者行數周。麥當莠。一媼屢開掌視。長孺指縛之。還所竊衣。長孺白事帥府。歸吏言有姦事。屢問弗伏者。長孺曰。此易易耳。夜伏吏案下。黎明出姦者。訊之。辭愈堅。長孺佯謂令長曰。頗聞國家有詔。蓋迎之。叱隸卒縛姦者。東西櫺空縣。而出庭。無一人姦者。相謂曰。事至此。死亦無承。行將自解矣。語畢。案下吏。謹而出姦者。驚成叩頭服罪。永嘉民有弟質。殊步。

元史卷之四

七

搖於兄者。贖焉。兄妻愛之。給以亾於盜。屢訟不獲。直往告長孺。長孺曰。爾非吾民也。叱之去。未幾治盜。長孺嫉盜。誣兄受步。搖為贖。逮兄赴官。長孺曰。爾家信有是。何謂誣也。兄倉皇曰。固有之。乃弟所質者。延祐元年。轉兩浙都轉運鹽使司。以病辭。不復仕。隱杭之虎林山。以終。長孺初師青田。余學古。學古師王夢松。夢松亦青田人。傳德泉兼味道之學。味道則朱熹弟子也。長孺一日具酒食。與比鄰別。云將返故鄉。門人

長孺曰。精神與死生。初無相涉也。就寢。至夜半。其子駒排戶視之。則正衣冠坐逝矣。年七十五。其從兄之綱之純。皆以經術文學名。之綱字仍仲。嘗被虜。之純字穆仲。咸淳甲戌進士。人稱之為三胡云。

熊朋來

熊朋來。字與可。豫章人。宋咸淳甲戌登進士第。世祖初得江南。盡求宋之遺士。而用之。尤重進士。以故相留夢炎為尚書。召甲戌狀元王龍澤為江南行臺監。察御史。朋來龍澤榜下進士。而聲名不在龍澤下。然

元史卷之四

六

不肯表襮。荷進。隱處州里間。生徒受學者常百數十人。悉知徐璣。李世安。列薦朋來為閩海提舉。備學官。使者報聞。而朝廷以東南儒學之士。惟福建廬陵最盛。特起朋來。連為兩郡教授。卒年七十八。

戴表元

戴表元。一字帥初。一字曾伯。慶元奉化州人也。七歲學古詩文。多奇語。咸淳中入太學。以三舍法。陸內舍生。既而試禮部。第十人。登進士。大德八年表元年。已六十餘。執政者薦於朝。起家拜信州教授。再調教授。

發州以疾辭初四明王應麟天台舒岳祥並以文學師表一代代表元皆從而受業焉故其學博而肆其門人最知名者曰袁桶表元晚年翰林集賢以脩撰擢士二職論薦而老疾不可起年六十七卒當表元時有四明任士林者亦以文章知名云

牟應龍

牟應龍字伯成其先蜀人後徙居吳與祖子才仕宋謚清忠父燾為大理寺少卿應龍當以世賞補京官董讓諸從弟而擢咸淳進士第時賈似道當國自擬以高第應龍拒不見宋亡故相留慶炎事世祖為吏部尚書以書招之曰苟至翰林可得也應龍不答已而起家教授溧陽州晚以上元縣主簿致仕泰定元年卒年七十八

鄭滌孫

鄭滌孫字景歐廣州人宋景定間登進士第知温州樂清縣至元三十年有以滌孫名厲者世祖召見授集賢直學士乞致仕弟陶孫字景濂亦登進士第

西嶽祠先陶孫徵至闕奏對稱旨授翰林國史院編脩官會纂脩國史至宋德祐末年事陶孫曰臣嘗仕宋宋是年凶義不忍書隆福官以其兄弟前朝士乃製衣親賜人以為異遇焉

董朴

董朴字太初順德人自幼強記比冠師事樂舜咨劉道濟幡然有求道之志至元十六年用提刑按察使薦起家為陝西知法官皇慶初朴年已踰八十詔以翰林脩撰致仕延祐三年無疾而終年八十有五

楊載

楊載字仲弘其先居建之浦城後徙杭因為杭人年四十不仕戶部買國英數薦於朝以布衣召為翰林國史院編脩官延祐初仁宗以科目取士載首應詔遂登進士第為軍國路總管府推官以卒嘗語學者曰詩當取裁於漢魏而音節則以唐為宗自其詩出一洗宋季之陋上元有楊剛中有志行其為文奇奧簡澹動法古人元明善極嘆異之仕至翰林待詔而卒其甥李稹字晉仲同郡人亦以文鳴

劉說

劉說字桂翁吉安廬陵人江南行御史臺屢以教官館職遺逸薦皆不報說為文根抵六經躡蹠諸子至正十年卒年八十三同郡龍仁夫字觀復劉岳申字高仲其文學皆與說齊名

韓性

韓性字明善紹興人琦其八世祖也性綜羣籍其為文辭博達僞僞變化不測天曆中趙世延以性名上聞後十年門人李齊為南臺監察御史力舉其行義

先史集卷之十一

十一

而性已卒矣年七十有六當性時慶元有程端禮端學兄弟者端禮字敬叔仕為衢州路儒學教授卒年七十五端學字時叔通春秋登至治辛酉進士第遷太常博士命未下而卒後以子徐貴贈禮部尚書

吳師道

吳師道字正傳婺州蘭溪人自羈州知學因讀宋儒真德秀遺書乃幡然有志於為己之學至治元年進士第授高郵縣丞召為國子助教以奉議大夫禮部郎中致仕終於家同郡又有王餘慶字叔善仕為江

南行臺監察御史亦以儒學名重當時云

陸文圭

陸文圭字子方江陰人宋咸淳被文圭年十八以春秋中鄉選宋亡延祐設科有司強之就試凡一再中鄉舉文圭為文東南學者皆宗師之朝廷數遣使馳幣聘之以老疾不果行卒年八十五一日語門人曰吾州二十年後必有兵燹吾死當葬不食之地勿封樹使人不知吾墓庶無暴骨之患其後江陰之亂冢墓盡發文圭同里有陸益者字友直其先福州人博洽經史而工於文歸年五十六卒

先史集卷之十一

十二

周仁榮

周仁榮字本心台州臨海人父敬孫宋大學士初金華王栢以朱熹之學主台之上蔡書院敬孫與同郡楊珥陳天瑞車若水黃超然宋致中薛松年師事之榮性理之旨仁榮承其家學又師珥天瑞治易禮春秋而工為文章用薦者累美化書院山長奉定初召拜國子博士卒年六十有一其所教弟子多為名人而榮不華實為進士第一其弟仔肩字本道以春秋

登延祐五年進士第終奉議大夫惠州路總管府川  
官與其兄俱以文學名仁榮同郡有孟夢恂者字長  
文黃巖人與仁榮同師事楊廷陳天瑞夢恂講解經  
旨體認精切至正十三年以設策禦寇救鄉郡有功  
授常州路宜興州判官未受命而卒年七十四

陳旅

陳旅字毅仲興化莆田人用薦者為閩海儒學實適  
御史中丞馬雍古祖常使泉南一見奇之謂旅曰子  
館閣器也中書平章政事趙世延又力薦之除國子

元史卷一百一十四

卷四

十三

助教至正元年遷國子監丞卒年五十有六同時有  
程文陳繹魯者皆名士文字以文徽州人仕至禮部  
員外郎繹魯字伯敷處州人官至國子助教論者謂  
二人皆與旅相伯仲云

李孝光

李孝光字季和温州樂清人少博學隱居鴈蕩山五  
峯下四方之士遠來就學泰不華以師事之南行臺  
監察御史閻諱屢薦居館閣至正七年詔徵隱士以  
秘書監著作郎召見帝於宣文閣進孝經圖說帝大

悅賜上皇明年陞文林郎秘書監丞卒於官年五十

宇文公諒

宇文公諒字子貞其先成都人父挺祖徙吳興後為  
吳興人公諒通經史百氏年弱冠有操行嘉興富民  
延為子弟師夜將半有扣門者問之乃一婦人公諒  
厲聲叱去之翌日即以它事辭歸終不告以其故至  
順四年登進士策授徽州路同知婺源州事丁內艱  
改同知餘姚州事夏不雨公諒出禱輒應歲以有年

元史卷一百一十四

卷四

十四

後石為國子監丞以疾請老

伯顏

伯顏一名師聖字宗道哈刺魯氏隸軍籍蒙古萬戶  
庶至正四年以隱士徵至京師授翰林待制預脩金  
史既畢辭歸已而復起為江西廉訪僉事數月以病  
免十八年河南賊蔓延河北伯顏言於省將結其鄉  
民為什伍以自保而賊兵大至伯顏乃渡漳北行邦  
人從之者數十萬家至磁與賊遇賊知伯顏名士生  
劫之以見賊將誘以富貴伯顏罵不屈引頸受刃與

妻子俱死之年六十有四

贈思

贈思字得之其先大食國人國既內附大父魯坤乃東遷豐州太宗時以材授直定濟南等路監榷課稅使因家真定父幹直始從儒先生問學贈思博極羣籍泰定三年詔以遺逸徵至上都見帝於龍虎臺春遇優渥後至元二年拜陝西行臺監察御史即上封事至正十一年卒於家年七十有四

元史集賢

卷四

十五

元列傳卷之五

脫脫

脫脫字大用生而岐嶷異於常見及就學請於其師浦江吳直方日記嘉言善行能挽弓一石事皇太子天曆元年襲授成製提舉司達魯花赤二年入覲文宗見脫脫曰此子後必可大用遷內宰司丞兼前職元統二年同知宣政院事至元元年唐其勢陰謀不軌事覺伏誅其伯父伯顏為中書右丞相既誅唐其勢益無所忌帝積不能平脫脫雖幼養於伯顏常憂其敗私謂於其父曰伯父驕縱已甚萬一天子震怒則吾族赤矣曷若於未敗圖之其父以為然復懷疑人未決賢直方直方曰傳有之大義滅親大夫但知忠於國家耶餘復何顧焉及伯顏擅貶宜讓威順二王帝不勝其忿決意逐之一日泣語脫脫脫脫亦泣下歸與直方謀直方曰此宗社安危所繫不可不密議論之際左右為諛曰阿魯及脫脫木兒直方曰子之伯父挾震主之威此輩苟利富貴其語一泄則主危身戮脫脫延二人於家置酒張樂晝夜不令出與

元史集賢

卷五

一

世傑班阿魯議侯伯顏入朝擒之。至正元年遂命脫  
脫為中書右丞相錄軍國重事。三年詔修遼金宋三  
史命脫脫為都摠裁官。哈麻嘗與脫脫議授皇太子  
冊寶。脫脫每言中官有子將實之。何所以故久不  
行。脫脫將出師也。以汝中栢為治書侍御史使輔也。  
先帖木兒居中。汝中栢恐哈麻必為後患。欲去之。脫  
脫猶豫未決。令與也先帖木兒謀也。先帖兒以其有  
功於已。不從。哈麻知之。遂譖脫脫於皇太子及皇后。  
奇氏勸命脫脫安置。淮安。俄有旨移置亦集乃路。十  
五年三月。臺臣猶以請輕列疏。其兄弟之罪。於是詔  
廢脫脫於雲南大理。宣慰司鎮西路。流也先帖木兒  
於四川。劔門。脫脫長子哈刺章。肅州安置。次子三寶  
奴。蘭州安置。哈麻矯詔遣使鳩之。死。年四十二。

阿魯圖

世孫父木忽刺。魯圖由經正監。襲  
職為怯薛官。掌理御道。翰林學士承旨。遷知樞密  
院事。至元三年。襲封廣平王。至正四年。脫脫辭位。順  
帝問誰可代為相者。脫脫以魯圖薦。五月。詔拜中書

右丞相。監修國史。而別兒怯不花為左丞相。一日與  
僚佐議。除刑部尚書。宰執有所舉。或難之。曰。此人柔  
軟。非刑部可用。魯圖曰。廟堂即令選僧子耶。若選僧  
子。須選強壯人。尚書欲其詳。讞刑贖耳。若不枉人。不  
壞法。即是好刑官。何必求強壯人耶。別兒怯不花嘗  
與魯圖謀。擠宰脫脫。魯圖曰。我等豈能久居相位。當  
亦有退休之日。人將謂我何。別兒怯不花屢以為言。  
終不從。六年。別兒怯不花乃諷監察御史劾奏魯圖。  
不宜居相位。魯圖即避出城。其姻黨皆為之不平。請

以丞相所行皆善。而御史言者無理。丞相何不見帝  
自陳。帝必辯焉。魯圖曰。我博爾木世裔。豈丞相為難  
得耶。但帝命我。不敢辭。今御史劾我。我宜即去。蓋御  
史輩。乃世祖所設置。我若與御史抗。即與世祖抗。我  
等無復言。魯圖既罷去。明年。別兒怯不花遂為右  
丞相。不久亦去。十一年。阿魯圖復起為太傅。出守和  
林。遣使無嗣。

太平

太平字允中。初姓賀氏。名惟一。後賜姓蒙古氏。名太



平仁傑之孫勝之子也。初勝以非罪死，太平年尚幼，泰定帝雪其父冤，而撫卹之。太平資性開朗正大，雖在弱齡，儼然如老成人。文宗召爲工部尚書，遷御史中丞。時中書有叅議佛家間者，儉人也，御史劾其罪。時宰庇之，事寢不行。太平辭疾，時家至正二年，詔起爲中書叅知政事，進右丞。父諱會，御史祁君璧復幼佛家，間黜之，乃起就職。勝既罷相，出居西土，會其父馬札兒台卒，太平方童，令脫脫歸葬，以全孝道。脫脫得還，不知太平之有德於已也。因汝中相讓

元史纂要卷五

間成隙，遷欲中傷之。是時中書叅政孔思立等皆一時名人，太平所拔用者，悉誣以罪黜去。九年罷爲翰林學士承旨，既又誣劾其過失，而并論其子也。先忽都不宜僭娶宗室女，脫脫之母聞之，謂脫脫兄弟曰：「太平好人，何害於汝而欲去之？汝兄弟若遺吾言，非吾子也。」遂還奉元，杜門謝客，以書史自適。河南盜起，十五年，詔命太平爲淮南行省總制諸軍，駐於濟寧。十七年，召爲左丞相。時毛貴據山都，漸逼京都，中外大駭，廷議遷都以避之，和者如出一口。太平力爭以

爲不可。皇后奇氏與皇太子謀欲內禪，遣宦者資正院使朴不花諭意於太平。太平不答。皇太子疑也，先忽都泄其事，益決意去太平。政柄知樞密院事紐的該聞而嘆曰：「善人國之紀也，苟去之，國將何賴乎？」數於帝前左右之，以故皇太子志未及逞。會紐的該死，皇太子遂令監察御史買住桑哥失理劾左丞成遵、叅政趙中等下獄死，以二人爲太平黨也。太平知勢有不可，督數以疾辭位，養疾於家。帝欲相伯撒里辭，曰：「臣老不足以任宰相，陛下必以命臣，非得太平同。」

元史纂要卷五

事不吐於是密旨令母保太平至沙熱聞命而止宿醫久之皇太子惡其既去而復還擢思監因誣奏之安置土蕃尋遣使者逼令自殺太平至東勝賦詩一篇自殺年六十三

### 馬祖常

馬祖常字伯廉，世爲雍古部，居靖州天山，有錫里吉。思者於祖常爲高祖，金季爲鳳翔兵馬判官，以節死。贈恒州刺史。子孫因其官，以馬爲氏。曾祖月合迺從世祖征宋，留汴掌饋餉，累官禮部尚書。父潤同知漳

州路總管府事家於光州祖常七歲知學得錢即以市書延祐初科舉法行鄉貢會試皆中第一廷試爲第二人授應奉翰林文字拜監察御史天曆元年召入禮部兩知貢舉一爲讀卷官時稱得人陞參議中書省事參定親郊禮儀充讀冊祝官除樞密副使頃之辭職至元四年卒年六十六

夔夔

夔夔字子山康甲氏父不忽木祖燕真事世祖從征有功夔夔幼隸業國學長襲宿衛順帝即位之後夔

元史卷一百一十五

夔夔經遠日勅帝務學帝暇日欲觀古名畫取郭忠

恕比于圖以進因言商王受不聽忠臣之諫遂以其

圖帝一日覽徽宗畫稱善進言徽宗多能惟一事不

能帝問何謂一事對曰獨不能爲君爾拜江浙行省

平章政事明年復以翰林學士承旨召還時中書平

章關員近臣欲有所薦用帝曰平章已有其人今行

半塗矣近臣知帝意在夔夔至京七日感熱疾卒是

至正五年五月辛卯七年五十一兄回回字子淵在

咸宗朝稍衛權太常寺少卿與夔夔皆爲時名臣

雙壁云夔夔子維山材質清邵侍禁廷擢給事中

張起巖

張起巖字夢臣其先章丘人五季避地禹城高祖迪以元帥右監軍權濟南府事徙家濟南當金之季迪與其子福入元福仕爲濟南路軍民鎮撫生東昌錄事判官鐸鐸牛四川行省儒學副提舉範範生起巖起巖以察舉爲福山縣學教諭中延祐乙卯進士歷遷爲監察御史中書參政楊廷玉以墨敗丞相倒刺沙疾其推厚同列悉誣臺臣罔上欲寘之重辟起巖

元史卷一百一十五

以新除醫臺抗章論拜御史中丞論事則直無所顧

忌與上官多不合詔脩遼金宋三史復命入翰林爲

承旨充總裁官史成年始六十有五遂上疏乞骸骨

以歸後四年卒諡曰文穆子二人琳琛

歐陽玄

歐陽玄字原功其先家廬陵與文忠公脩同所自出至曾大父新始遷居瀏陽故玄爲瀏陽人幼岐嶷始從鄉先生張貫之學延祐元年詔設科取士玄以尚書與貢明年賜進士出身授高州路平江州同知致

和元年遷翰林待制元統元年改食太常禮儀院事  
詔脩遼金宋三史召爲總裁官參凡舉例俾論撰者  
有所據依史官中有悖悖露才論議不公者玄不以  
口舌爭俟其呈藁援筆寫定之統系自正至於論贊  
表奏皆玄屬筆至正五年帝以玄歷仕累朝且有脩  
三史功論旨丞相起授爵秩拜翰林學士承旨乞致  
仕陳情懇切乃特授湖廣行中書省右丞致仕卒年  
八十五玄無子以從子達老後復先玄卒

謝端

元史卷一百一十五

八

謝端字敬德蜀之遂寧人宋末蜀士多避兵江陵因  
家焉端幼穎異延祐五年乃擢進士乙科授潭州路  
同知爲翰林直學士至順元統以來國家崇號慈極  
升祔先朝加封宣聖考妣制冊多出其手至元六年  
卒年六十二

李洞

李洞字漑之滕州人生有異質姚燧薦於朝授翰林  
國子院編脩官文宗方開奎章閣延天下知名士充  
學士員洞數見奏對稱旨會詔脩經世大典洞方卧

疾卽強起曰此大制作也吾其可以下預方疾同條  
書成既奏旋謁告以歸復除翰林直學士洞每以李  
太白自擬卒年五十九

蘇天爵

蘇天爵字伯修真定人也父志道歷官嶺北行中書  
省左右司郎中和林大饑救荒有惠政天爵由國子  
學生公試名在第一釋褐授從仕郎大都路薊州判  
官泰定元年改翰林國史院典籍官陞應奉翰林文  
字至順元年預脩武宗實錄二年陞脩撰擢江南行  
元史卷一百一十五  
九  
警監察御史元統元年復拜監察御史在官四閱月  
竟既凡四十五上至元二年由刑部郎中改御史臺  
都事十二年妖寇自淮右蔓延及江東詔江浙行省  
叅知政事總兵於饒信卒於軍中年五十九

李稷

李稷字孟幽滕州人稷幼穎敏八歲能記誦經史從  
其父官袁州師夏鎮又從官鉛山師方回孫鎮而鎮  
皆名進士長於春秋稷兼得其傳泰定四年中進士  
策授淇州判官入爲監察御史劾奏閹宦高龍下恃

賴恩私使撓朝政上流高龍卜於征東又言御史封  
事須至御前開拆以防壅蔽之患至正十九年丁母  
憂兩起復為陝西行省左丞樞密副使乞終制不起  
服闋命為太都總管兼大興府尹除副詹事二十四  
年出為陝西行臺中丞未行改山東廉訪使得疾上  
章致仕還京師卒年六十

成遵

成遵字詎叔南陽穰縣人也幼敏悟讀書日記數千  
百言元統改元中進士第授將仕郎翰林國史院編

修官明年預備奉定

明宗文宗三朝實錄後至元四

年升應奉翰林文字先是湖廣倪賦質威順王之子

而遣人請降求為湖廣行省平章朝臣欲許者半遵

曰平章之職亞宰相也承平之時雖德望漢人抑而

不與今叛逆之賊扶勢要求輕以與之如網紀何太

早在相位以事忤皇太子太子深銜之欲去之而未

有以發以為遵及悉知政事趙中皆太平黨也遵中

兩人去則太平之黨孤遵等竟皆秋死中外寬之

賈魯

賈魯字克明宛平人大德五年用翰林侍讀學士  
彬薦為鎮江淮學書院山長至治二年授江浙行省  
左右司員外郎泰定七年遷湖廣行省左右司員外  
郎元統二年陞同僉太常禮儀院鑑習典故因集議  
明宗祔后廟事至元元年以中大夫陞禮部尚書俄  
感疾而卒年六十五

賈魯

賈魯字友慎河東高平人幼負志節既長謀略過人  
延祐至治間兩以明經領鄉貢泰定初授東平路儒

學教授拜禮部御史

至正四年河決特命魯行都水監十一年四月命魯

以工部尚書總治河防使河復故道帝遣使報祭河

伯召魯還京師魯以河平圖獻帝適覽臺臣奏疏請

褒脫脫治河之績次論魯功超拜榮祿大夫集賢大

學士賞資金帛勅翰林承旨歐陽玄製河平碑以旌

脫脫勞績具載魯功尋拜中書左丞從脫脫平徐州

卒於中興年五十七十三年五月壬午也子璣

賈魯

周伯琦字伯溫饒州人父應極至大間仁宗爲皇太子召見獻皇元頌伯琦自幼從宦遊京師以蔭授將仕郎南海縣主簿三轉爲翰林脩撰至正元年伯琦爲宣文閣授經郎會御史奏風憲宜用近臣特命會廣東廉訪司事時御史大夫也先帖木兒以大軍南討而失律喪師陝西行臺監察御史劉希魯等十人共劾奏之伯琦乃幼希魯等越分干舉希魯等皆坐左遷補郡判官由是不爲公論所與丁內艱十四年起復爲江東肅政廉訪使長搶鎖南班陷寧國伯琦

元史卷一百一十五

十二

與僚佐倉皇出見之尋遁走監察御史余觀糾言伯琦失陷寧國宜正其罪十七年江浙行省丞相達識帖木爾承制假伯琦叅知政事招諭平江張士誠既降江南行臺監察御史亦辨釋伯琦罪士誠滅伯琦乃得歸鄱陽尋卒

吳當

吳當字伯尚澄之孫也至正五年以父文蔭授萬億四庫照廢未上用薦者改國子助教時江南兵起且五年大臣有薦當居江西習知民俗且其才可任政

事者詔特授江西肅政廉訪使十六年調檢校章道率本部兵與黃昭夾攻撫州勦殺首寇胡志學進兵復崇仁宜黃於是連撫兩郡悉定陳友諒陷江西隱居廬陵吉水之谷坪逾年以疾卒年六十五

秦不華

秦不華字兼善伯牙吾台氏初名達普化文宗賜以今名世居白野山父塔不台入直宿衛歷任台州錄事判官遂居於台家貧好讀書能記問集賢待制周仁榮養而教之年十七江浙鄉試第一明年對策大

元史卷一百一十五

十三

廷賜進士及第授集賢脩撰至正八年台州黃巖民方國珙爲蔡亂頭王伏之警逼逐入海爲劫掠十一年二月詔李羅帖木兒爲江浙行省左丞總兵至慶元以不華諭知賊情狀遷浙東道宣慰使不華自分以死報國發兵扼黃巖之澄江而遣義士王大用抵國珙示約信使之來歸國珙戚黨陳仲達往來計議陳其可降狀不華率表張受降旗乘潮而前船觸沙不能行垂與國珙遇呼仲達申前議仲達目動氣索不華覺其心異手斬之卽前搏賊斃射死五人賊躍

入船復砍死二人賊舉柵來刺輒砍折之賊羣至欲抱持過國珍船不華噴目叱之脫起奔賊刀又殺二人賊刺之中頭死猶植立不仆投其屍海中年四十九時十二年三月庚子也僅名抱琴及臨海尉李輔德千戶亦盡義士張居壁皆死之

余闕

余闕字廷心一字天心唐兀氏世家河西武威父沙刺臧卜官廬州人少喪父元統元年賜進士及第授同知泗州事俄召入翰林轉刑部主事以不阿權貴

先史錄事

十

棄官歸尋以修邊金宋三史復召入翰林至正十七年秋拜淮南行省右丞安慶倚小孤山為藩蔽命義兵元帥胡伯顏統水軍戍焉十月沔陽陳友諒自上游直搗小孤山伯顏與戰四日夜不勝意趣安慶賊追至山口鎮闕身當之徒步提戈為士卒先孤軍血戰闕被十餘創城陷城中火起闕知不可為引刀自頸墮清池塘中闕妻耶卜氏及子德生女福童皆赴井死至正十八年正月丙午也年五十六議者謂自兵興以來死節之臣闕與精不華為第一云大明

皇帝嘉闕之忠詔立廟於思節坊

星吉

星吉字吉甫河西人曾祖朵吉祖柳思吉朵而只父柳思吉世祖太祖憲宗世祖為怯里馬赤星吉少給事仁宗潛邸以精敏稱自是十五遷出為江南行御史臺御史大夫時承平日久內外方以觀望星吉獨持風裁至正十一年汝瀆妖賊起為江西行省平章政事員外賊久圍安慶命王惟恭柵小孤山而星吉自援鄱陽以綴江湖要衝以圖恢復曰吾受命守江

先史錄事

十五

必死於此我軍力戰殺死且盡星吉之從子伯不與親兵數十人死之賊發矢射星吉乃昏仆賊素聞星吉名不忍害昇置密室中至旦乃蘇賊羅拜爭饋以食星吉斥之遂不復食凡七日乃自力而起比而再拜曰臣力竭矣遂絕年五十七

福壽

福壽唐兀人幼俊茂知讀書尤善應對既長入備環衛又五遷為同知樞密院事至正十一年穎州以賊反告福壽至督戰甚悉而上遊賊勢甚洶漢福壽乃

議築石頭斷江而守禦有方衆特以爲固 大明兵  
圍集慶福壽數督兵出戰遂遇害達尼達思亦死之  
又同時死者有治書侍御史賀方達尼達思字思明  
賀方字伯京晉寧人以文學名

### 道童

道童高昌人自號石巖性深沉寡言以世肯入官授  
直省舍人歷官清顯至正十一年詔以平章政事行  
省江西是年賊起斬黃是時章伯顏平賊不花之功  
居多伯顏尋以疾卒朝廷以道童捍城有功加大司

元史

卷五

十六

徒開府陳友諒復攻江西城時火你赤已陞平章政  
事加營國公行便宜事任事兵柄而素與道童不相  
能且貪忍不得將士心見城且陷遂夜遁去道童亦  
棄城退保撫州路欲集諸縣義兵以圖克復而勢已  
不可爲賊衆乘之遂爲所害事聞賜諡忠烈

### 廉惠山海牙

廉惠山海牙字公亮希憲之從子也父阿魯渾海牙  
廣德路達魯花赤惠山海牙幼孤言及父輒泣下獨  
養母而家日不給至治元年登進士策授承事郎同

知順州事至正三年初行郊禮拜侍儀使明年預修  
遼金宋三史還治省事總辦禦事且督賦稅山海道  
供京師朝廷賴焉拜翰林學士承旨卒年七十有一

### 月魯不花

月魯不花字彥明蒙古遜都思氏登進士第尋拜監  
察御史首上疏言郊廟禮除保定路達魯花赤召還  
爲詳定使保定民繪像以祀之去保定一月而城陷  
矣朝廷以月魯不花夙負民望令入城招諭之月魯  
不花毅然曰臣死君命分也竟入城諭賊賊皆感泣

元史

卷五

十七

羅輝納降除浙西肅政廉訪使會張士誠據浙西政  
山南道廉訪使道阻還抵鐵山遇倭賊船甚衆賊始  
言投降弗納於是賊即登舟月魯不花遂遇害當遇  
害時麾下奴那海刺殺首賊次子樞密院判官老安  
姪百家奴扞敵亦死之同舟死事者八十餘人

### 李黼

李黼字子威潁人也工部尚書守中之子泰定四年  
以明經魁多士登監察御史至正十一年夏五月盜  
起拜江西行省參政賊將薄城分省平章政事亮堅

不花自此門遁，黼引兵登陴，布戰具，賊已至甘棠湖，焚西門，乃張弩箭射之，賊趨，起未敢進，轉攻東門，賊已入，與之巷戰，知力不敵，揮劍叱賊曰：殺我毋殺百姓。賊自巷背來，刺黼，馬黼與從子秉昭俱罵賊而死。郅氏聞黼死，哭聲震天，相率具棺葬於東門外。年五十五，黼兄冕，居穎，亦死於賊，秉昭，冕季子也。事聞，官黼子東方集賢待制。

李齊

李齊字公平，廣平人。元統元年進士第一，知高郵府。

元史卷一百一十五

十一

有政聲。至正十三年，泰州白駒場亭民張上誠為亂，進攻城，士誠呼齊使曉齊，叱曰：吾勝如鐵，豈肯為賊。屬士誠怒，扼之，跪齊立而語之，乃拽倒，揮碎其膝而錮之。論者謂大科三魁，若泰不華，沒海。李黼隕九，汨汨齊之死，皆不負所學。

普顏不花

普顏不花，字希古，蒙古氏。至正五年，由國子生登右榜進士第一人。至正十九年，平章山東行省守禦益都。大明兵寇，普顏不花，力戰而死，而平章

政事，保保出降，普顏不花，遣告其母曰：兒忠孝不能兩全，有二弟當為終養。普顏不花不願死，其妻阿魯真及普顏不花二弟之妻，各抱幼子及婢妾，潛會南井，死。比阿魯真欲下，而井填咽，不可容，遂抱子投舍北井。其女及妾如孫女，皆隨溺焉。是時有中榮者，平章山東行省守東昌，榮見列郡皆降，告其父曰：人生世間，不能令忠孝相兒也。遂自經。

閔本

閔本字宗先，河內人，拜監察御史，詔授集賢侍講學。

元史卷一百一十五

十九

大明兵薄京師，本謂其妻程氏曰：國事至此，吾知之久矣，乃朝服與程氏比，向再拜，大書於屋壁曰：元中奉大夫集賢侍講學士閔本死。遂各縊焉。二女見其父死，呼天號泣，亦自縊於其傍。有拜住者，康里人也，字聞善，以材累官至翰林國史院都事，為太子司經兵，至拜住謂家人曰：吾始祖海藍伯封河東，公曰：昔者與皇帝同事，王可汗，故避之於遠地，且吾祖生朔漠，尚如此，况吾上世受國厚恩，至吾又食祿，令其國破，尚恐見之，遂赴井死。



趙弘毅

趙弘毅字仁卿，真定晉州人。為國史院編脩官，調大樂署令。大明兵入京城，弘毅與妻解氏皆自縊。其子恭，中書管勾，與妻子訣，亦縊死。恭女官奴，年十七，曰：人生在世，便百歲，亦湏一死。乃潛入中堂，解帶自縊。

鄭玉

鄭玉字子美，徽州歙縣人。至正十四年，朝廷除玉翰林待制十七年。大明兵入徽州，守將將要致之。玉

元史卷五十五

二十

曰：吾豈事二姓者耶？其妻聞之，使語之曰：君苟死，吾其相從地下矣。再拜自縊。

黃啤

黃啤字殷士，撫州金谿人。至正十七年，用左丞相太平奏，授淮南行省照磨。未行，除國子助教。二十八年，京城既破，遂赴井而死。年六十一。

柏帖木爾

柏帖木爾字君彞，蒙古人。二十七年，大明以騎兵出杉關取邵武，以舟師由海道趣閩。奄至城下，帖穆

爾知城不可守，引妻坐樓上，慷慨謂曰：丈夫死，婦人死。夫繼而死者六人。乳媪抱其幼子，傍立以泣。帖穆爾熟視之曰：汝三歲兒，於義何所從？為宗祀計可也。

迭里彌實

迭里彌實字子初，回人。以宿衛年勞，授宣政院崇教。大明兵既取福州，興化泉州皆納款，或以告迭里彌實。拔所佩劍刺喉中以死。又有獲獨步丁者，回人，舊進士，累官遷廣東廉訪使事，有呂復者為江

元史卷五十五

廿一

西行省左右司都事，皆開居寓福州而復以行省命攝長樂縣尹。福州既下，獲獨步丁曰：吾兄弟三人皆忝進士，投井死，復亦自經死，獲獨步丁兄曰穆魯丁者，官建康日海魯丁者，官信州。先是亦肯死，國難云。

朴賽因不花

朴賽因不花字德中，肅良合台人。拜中書平章政事。大明兵逼京師，城隍被執不屈，殺之。是時有張鼎者，字存中，温州人，除刑部尚書，領剛結會諸寨。既降，庸守路曉谷遣從事段禎請援於檳榔帖木兒，不報。

庸獨堅守拒戰，衆將潰，庸無去志，已而察民李世傑執庸出降，以見主將庸不屈，與頑同被殺。

丁好禮

丁好禮，字敬可，真定蠡州人。精律算，至正二十年拜中書叅知政事。至正二十七年為中書平章政事，尋以論議不合謝政去。大明兵入京城，大將召好禮，不肯行，昇至齊化門，抗辭不屈而死。年七十有五。

元隱逸列傳卷之六

杜瑛

杜瑛，字文玉，其先霸州信安人。金將亡，瑛避地河南緱氏山中，結舍珪開府為相，瑛赴其聘，遂家焉。與良田千畝，辭不受，歲已未，世祖南伐，至相召見，問計，瑛從容對曰：漢唐以還，人君所恃以為國者，惟法與兵食三事而已。中統初，詔徵瑛，時王文統方用事，辭不就。於是杜門著書，年七十，遺命其子處立，處忍曰：吾即死，當表吾墓曰緱山杜處士。

張特立

張特立，字文舉，東明人。初名永，避金術詔王諱，易今名。中叅和進士，為僱師主簿，改宣德州司候，拜監察御史，首言世宗諸孫不宜幽囚，歸田里。歲丙午，世祖在潛邸，受五印，首傳旨諭特立曰：前監察御史張特立，養素丘園，易代如一，可特賜號曰中庸先生。癸丑，特立卒，年七十五。

杜本

杜本，字伯原，其先京兆人，後徙天台，又徙臨江之清

江後為清江人。文宗在江南時，聞其名，及即位，以幣徵之。不起。至正三年，右丞相脫脫以隱士薦。至正十年卒。年七十有五。時有張樞子長壽，娶之。金華人亦屢徵不起。至正八年卒。年五十有七。

孫轍

孫轍，字履常，其先自金陵徙家臨川。憲司屢辟，皆不就。江西行省特以遺逸舉轍。元統元年，七十餘，卒於家。同郡吳定翁，字仲谷，其先當宋初自金陵來徙。與孫轍齊名。御史及江西之方伯牧守，部使者，辟薦不起。  
起

何中

何中，字大厓，撫之樂安人。至順二年，江西行省平章全岳柱聘為龍興郡學師。明年六月，以疾卒。同郡危復之，字見心，宋舉為大學士，師事湯漢。至元初，元帥郭昂屢薦為儒官，不就。

武恪

武恪，字伯威，宣德府人。初以神童遊學。明宗在潛邸，選恪為說書秀才，及出鎮雲南，恪在行。左右惡恪，乃

曰：武秀才，有母在，京舍遣其問。文宗知其名，除秘書監典簿。秩滿，丁內艱。人或勸之仕，恪曰：向為親屈，今親已死，不復仕矣。近臣又薦為授經郎。恪遂陽為瘖疾，不執。其從之學者，多有所成。佛家叔為太尉，完者不花，會樞密院，皆有賢名。

陸正

陸正，字行正，海鹽武原鄉人。正博學，篤行，通律呂，象數之學。舊名唐輔。宋亡，與族父霆龍以家世宋臣，矢不仕元。遂更名正。御史程文海薦之，不起。後復與虞先史舉事，俱不赴。隱居教授，其學以慎獨存心為要。所著有正學編、樂律考、七經補註。至治三年卒。門人謚為靖獻先生。立書院於陳山，奉祀。子應奇、洪武

初尚在郡守劉澤民欲奏官之，以老辭。曾孫宗秀，未舉，未徵至京師。遇仁廟，御極召問如何，則天下太平。秀叩頭曰：皇帝親賢納善，大臣秉公持正，自然太平。上喜曰：好言語。正統間，勅獎仍表其門。曰：尚義今為平湖世家。三代名勳，潞杰光祖，尤祖勅賜匾額。忠清鯁介，歷吏部尚書，贈太子太保，諡莊簡。

元孝友列傳卷之七

王閏

王閏東平須城人父素多資既老盡廢之不甘浚薄每食必需魚肉閏朝夕勤苦入市營奉父性復平疾閏左右承順父嘗卧疾夜燃長明燈室中火燃籬壁聞閏開火驚起馳救火已熾煙焰蔽殿戶閏突入火中解衣蒙父抱而出

郭道卿

郭道卿與化莆田人四世祖義重至孝宋紹興間有詔旌之鄉里立為孝子祠至元初內附閭盜起居人逃竄匿道卿與弟佐卿獨守孝子祠不忍去遂俱被執盜相顧曰汝孝門兄弟若此吾何忍害兩釋之道卿年八十子廷熹為建寧路平準行用庫使辭歸侍養道卿嘗病痲危甚廷熹愛瘁扶護一夕髮盡白

蕭道壽

蕭道壽京兆興平人家貧母年八十餘道壽事養盡禮母嘗有疾醫累歲不能瘳道壽剖股肉啖之而愈

樊淵

樊淵建康句容人幼失父事母篤孝至元十二年奉母避兵茅山兵至欲殺其母淵抱母號哭以身代死兵兩釋之延祐間汀州寧化賴祿孫母病值蔡五九作亂負母從邑人避南山盜將刃其母祿孫以身翼蔽曰勿傷吾母寧殺我有掠其妻去者衆責之奈何辱孝子婦

劉德泉

劉德泉汴梁杞縣人早喪母父榮再娶王氏生二子居敬居元俱幼德泉盡撫之至元末歲饑父欲使柝居德泉泣止不能得乃各受其業以去父之父卒兄弟相約同養至治三年真定朱顯自至元間其祖父已分財至顯念姪彥助等年幼無恃謂弟耀曰父子兄弟本同一氣可異處乎乃會拜祖墓下取分券焚之復與同居延祐間蔚州吳思達兄弟六人嘗以父命析思達為開平縣主簿父卒還家治葬畢會宗族泣告其叔更復共居又有朱汝諧濮州人父子明嘗命與兄汝弼別產子明卒汝弼家盡廢汝諧泣請共居仲父子昭子玉貧病汝諧迺至家奉湯藥耳旨

甚謹

趙一德

趙一德隆興新建人至元十二年國兵南伐被俘至燕為鄭留守家奴歷事三世號忠幹至大元年一日拜請於其主鄭阿思蘭及其母澤國太夫人而返一德至家父兄已沒惟母在年八十餘一德卜地葬二德即如期還燕阿思蘭母子嘆曰可不成其孝乎即裂券縱為良一德將辭歸會阿蘭以冤戚誅詔簿錄其家群奴各亡去一德獨留不去與張錦童請中書

先史事本

三

詠枉狀得昭雪

鄭文嗣

鄭文嗣婺州浦江人其家十世同居凡二百四十餘年一錢尺帛無敢私至大間表其門文嗣歿從弟人和繼主家事益嚴而有恩家庭中凜如公府

王廣

王廣福寧人性孝而好義父嘗疾甚廣夜禱於天願減已年益父壽母沈氏病渴語廣曰得瓜以啖我渴可止時冬月忽見巖石間青蔓離披有二瓜焉兄孟

給早世嫂林氏更適於劉仲山仲山嘗以田鬻於廣即以田還之州禁民死不葬者時民貧未葬者衆畏令悉焚柩棄骨野中廣哀之以地為義阡有死不能斂者復買棺以贈至大四年其鄉旱民艱糶畫出儲粟賑之有施福等十一家餓欲死廣聞惻然欲濟之

先史事本

四

元列女傳卷之八

崔氏

崔氏周木忽妻也丁亥歲從木忽官平陽金將來攻城克之下令官屬妻子敢匿者死時木忽以使事在上黨崔氏惡即抱幼子禎以詭計自言於將既與木忽會未幾木忽以病亡崔年二十九即大慟慙側誓不更嫁四十年未嘗妄言笑預吉會治家教子有法蓋比古之烈婦云

楊氏

楊氏東平須城人夫郭三從軍襄陽楊氏留事舅姑以辛聞至元六年夫死戍所舅曰新婦年少終必他適可令吾子歸處地下耶將求里人亡女骨合瘞之楊氏聞益悲不食五日自經死

關文興妻

關文興妻王氏名醜醜建康人也文興從軍漳州為其萬戶府知事王氏與俱行至元十七年陳吊眼作亂攻漳州文興率兵與戰死之負屍還積薪焚之火既熾即自投火中死

聞氏

聞氏紹興俞新之妻也大德四年新之歿聞氏年尚少即斷髮自誓姑父病風目失明聞氏舐其目目為獲明及姑卒家貧無資傭工與子親負土葬之

李君進妻

李君進妻王氏遼陽人也大德八年君進病卒因撫棺大慟嘔血升許即仆於地死

趙美妻

趙美妻王氏內黃人至治元年美溺水死即引繩自經

武用妻

武用妻蘇氏真定人徙家京師用疾蘇氏割股為粥以應疾即愈生子德政四歲而寡夫之兄利其資欲逼而為之不從未幾夫兄舉家死惟餘三弱孫蘇氏取而育之德政長事蘇氏至孝

江文鑄妻

江文鑄妻范氏名妙元奉化人年二十一合昏夫忽病疾卒遂居江氏之家撫諸姪江霖江道卒年九十

五、

衣氏

衣氏，汴梁儒士孟志剛妻。志剛卒貧而無子，自經死。

惠士玄妻

惠士玄妻王氏，大都人。至正十四年，士玄病卒，至終喪，親舊皆攜酒禮祭，王氏已經死於地下矣。

李景文妻

李景文妻徐氏，名彩鸞，字淑和，浦城徐嗣源之女。至正十五年，賊持刀欲害嗣源，徐氏曰：「寧殺我賊，舍父而止。」

而止

周婦毛氏

周婦毛氏，松陽人。美姿色，至正十五年為賊所得。毛氏因大晉賊怒刺其膈而去年二十九。

陳淑真

陳淑真，富州陳壁之女。至正十八年，陳友諒沁龍興不降死。

史書纂畧二百二十卷

浙江巡撫探進本

明馬維銘撰。維銘字新甫，平湖人。萬曆庚辰進士，官至兵部職方司主事。是書取二十一史本紀列傳，各撮取大畧，彙成一編，蓋亦通史之例。然去取失宜，陳畧太甚，非博非約，殆兩無所居。